

**Ex Bibliotheca
majori Coll. Rom.
Societ. Jesu**



Legat. Mini. Courin



3.16.e.2

1770-1771
1771-1772
1772-1773

John
H. Jones

EMINENT.^{MO} PRINCIPI
 ET REVER.^{MO} DOMINO
 D. FRANCISCO
 BARBERINO
 CARDINALI AMPLISSIMO;
 ET PATRONO MAXIMO.

*Fr. Io: Baptista de Lezana Hispanus Carmelita
 felicitatem precatur.*



VEM ad te sæpius (Eminentissime Domine Cardinalis) aditum exoptabam mea hæc secunda Summæ Quæstionum Regularium pars fausto omine, ut mihi polliceor, referare potuit. Eam tibi offero: nec enim fas ad eum Principem accessum habere vacuum manum qui semper omnibus plenus, nulli vacuus est in bene promerendo. *Secunda* est, quæ gressu secundo, Te ductore, sub quo cuncta prospera, nulla infausta, proculdubio incedet. *Summa* iure vocatur, quia ad Te, in quo Summa rei præ manibus, & meritis est, consecranda venit. Nisi ex Tullio pro Ligario vsurpem illud: *Quidquid dixi ad vnam Summam referri*



2

velo,

volo, vel humanitatis, vel clementiæ, vel misericordiæ
tuae. Parua sanè, quia *pars*, sed non idcirco tuo no-
mine indigna, qui solita, & tanta Purpura irradiata,
charitate, parua non despicias, parua suscipis, parua
respicere non dedignaris. Nec *Regularium* titulus
Tibi insolens, aut exosus, cui *Regularium* Protectio,
& veræ Religionis prouectio (prout non semel mea
Carmelitana experta clamitat) in votis semper fuit.
Te ergo veluti Sanctæ Religionis Tutelam præsens
hæc opella, quæ tota est circa Religiosam œcono-
miam, defensores nacta, aleam aduersam nullatenus
pertimescet. Litterarios namque fatus (exiguos etsi)
comitate gignere, pietate alere, ac benignitate foue-
re, Tibi (de quo iam iterum hoc sæculo *de forti dul-*
cedo) non insuetum. Excipe igitur tua qua soles hu-
manitate votum millies debitum, munus, si largi-
torem spectes, paruum, si argumentum, & offeren-
tis ânimum, non exiguum. Et in hoc qualicumque
obsequiosæ voluntatis testimonio deuincti serui
aspice, non despice reuerentiam. Vale Purpuræ
splendor.

Nos

*Nos Fr. Theodorus Stratius Magister, ac
humilis Prior Generalis Ord. Carme-
litarum antiquæ Obseruan-
tiæ Regularis.*

Auctoritate nostra harum serie Tibi dilecto nobis in
Christo Adm.Reu.P.Mag. Ioanni Baptistæ de Lezana
nostræ Prouinciæ Castellæ nouæ professo Sacerdoti, Pro-
uinciali Saxoniz, & Socio nostro, licentiam, & facultatem
concedimus, vt seruatis seruandis typis mandare possis
librum cui titulus est: *Summa Questionum Regularium,
seu de casibus conscientie ad Regulares vtriusque sexus
spectantibus, Tomus Secundus*, recognitum, & approba-
tum à viris doctis nostræ Religionis, quibus id commisimus.
In quorum fidem &c. Datum Romę die 14. Decemb. 1636.

*Fr. Theodorus Stratius Mag. ac humilis Prior Generalis
Ord. Carmelit. Antiquæ Obser. Regularis:*

De

DE mandato Reuerendiss. P. Mag. Theodori Stratii antiquæ obseruantiaæ Carmelitarum Generalis librum reuolui huiusmodi titulo affectum, *Summa Quæst. Regul. seu de casibus conscientiaæ &c. Tom. II.* Auctore Reu. Adm. P. Mag. Io: Baptista de Lezana Hispano Saxoniae Prouinciali, & Socio Reuerendiss. Generalis: in eoque tantum abest, vt orthodoxæ fidei probisue moribus, dissonum quid compererim, quin ad mores potius componendos sanctèque viuendum monumenta apprimè accomodata, inspexerim, hinc aptè de casibus conscientiaæ, quasi de regula animæ casibus dignoscenda, conscientia enim cum Hugone est cordis scientia, vel cum Origine est animæ pedagogus. Qua propter tantæ dignitatis, atque vtilitatis volumen immortalitatis impressioni Typis committendo tradendum esse iudico. In quorum fidem &c. Dat. Romæ in Carmeli Conuentu Traspontinae die 11. Septemb. 1636.

Ego Fr. Casar Beccaria S. T. Mag. Prouinc. Scotiae & in Cænobio Carmel. Transp. Lector Casuum conscientiaæ, & Concionator.

DE mandato mihi onere à Reuèrendiss. P. Mag. Theodoro Stratio Priore Generali Ordinis nostri Carmelitarum euolui, perlegi, & adamussim mente perspexi totum hoc volumen inscriptum: *Tomus II. Summa Quæstionum Regularium* confectum à R. Admod. P. Mag. Ioanne Baptista de Lezana Prouincia Castellæ nouæ alumno, eiusdem Ordinis Socio Generali, Saxoniae Prouinciali: & nihil in ipso adinuenire potui Orthodoxæ fidei, aut sanctis moribus repugnans, nihilq. Sacris Canonibus, & Summorum Pontif. decretis dissonans, Sanctorumue Patrum, & Theologorum scriptis alienum. Immo adeò præclara eruditione referum agnoui, vt Regularibus omnibus, & quamplurimis alijs idem valdè profuturum videam, in lucem si prodeat, typisq. manderur. In quorum omnium fidem mea manu subscripsi. Dat. Romæ in ædibus D. Mariæ Transp. die 2. Octob. 1636.

Ego Fr. Albertus Massarius Carmelita S. T. D.

Impri-

Imprimatur, si videbitur Reuerendissimo Patri Magistro Sacri Apost. Pal.

A. Torniellus Vicefg.



*Censura P. Francisci Gonzalez Societatis Iesu
Pœnitentiarij S. Petri in Vaticano.*

I Vssu Reuerendiss. P. Fr. Nicolai Riccardi Sac. Pal. Apost. Magistri vidi Tomum Secundum Summæ QQ. Regularium nouemdecim Capita continentem à Reu. Admodum P. Mag. Ioanne Baptista de Lezana e sacra familia Carmelitana, Socio Reuerendiss. Generalis eiusdem Ordinis, Prouinciali Saxonæ compositum; in quo nihil est fidei, aut bonis moribus non omnino conforme, sunt verò multa bona, ac noua, & vetera iura Ecclesiastica, & Religiosum statum concernentia, præclaro stilo, & congrua methodo disposita, & Scholijs, seu Corollarijs cohærentibus illustrata, quæ maximè instruere, & iuuare poterunt Religiosos omnes tam subditos, quam Superiores & ideo iudico dignum opus, quod in Reipub. præsertim Religiosæ, vtilitatem imprimatur: quo facilius, atque commodius ab omnibus, ad quos obligationes Regulares, & administrationes quocumque modo pertinent, præ manibus semper, & in promptu, vti necesse est, pro propria, & fermè quotidiana directione habeatur. In Collegio S. Petri Pœnitent. DD. PP. die 12. Decemb. Anno Domini 1636.

Franciscus Gonzalez Societatis Iesu Pœnitentarius Hispanus.




Imprimatur,

*Fr. Nicolaus Riccardius Ord. Prædicatorum, Sacri
Palatij Apostolici Magister.*

IN-

INDEX CAPITVLORVM

Quæ in hoc volumine continentur.

Cap. I.	 <u>E Specialibus obligationibus, iuribus, & priuilegijs Regularium Mendicantium.</u> pag.6	
Cap. II.	<u>De Specialibus obligationibus, muneribus, & priuilegijs Monachorum.</u>	47
Cap. III.	<u>De Regularium Canonorum Specialibus iuribus, priuilegijs, & obligationibus.</u>	68
Cap. IV.	<u>De Regularium Clericorum iuribus, priuilegijs, & obligationibus.</u>	79
Cap. V.	<u>De Regularium militarium iuribus, & obligationib.</u>	97
Cap. VI.	<u>De regularibus Hospitalarijs, eorumq. iuribus, priuilegijs, & obligationibus.</u>	118
Cap. VII.	<u>De Eremitis, eorumq. obligationib. & priuilegijs.</u>	127
Cap. VIII.	<u>De Conuersis, laicis, oblatiis, donatis, seu commissis Regularibus, eorumq. iuribus, obligat. & priuil.</u>	132
Cap. IX.	<u>De Dominis Cardinalibus Regularium Protectoribus, eorumq. facultatibus, iuribus, & priuilegijs.</u>	151
Cap. X.	<u>De Conseruatorib. Relig. seu Regul. personarum.</u>	166
Cap. XI.	<u>De Patronis Monasterium, seu Ecclesiarum Regularium, eorumque facultatibus.</u>	199
Cap. XII.	<u>De Capitulis, dietis, seu Congregationibus personarum Regularium eorumq. obligat. & priuil.</u>	213
Cap. XIII.	<u>De Prælatibus, gradibus, honoribus, dignitatibus, personatibus, proposituris, officijs, & administrationibus Regularium personarum, illorumq. obligat.</u>	260
Cap. XIV.	<u>De Tertiarijs Regularium, eorumque obligationibus, & priuilegijs.</u>	284
Cap. XV.	<u>De Confratribus, & Confraternitatibus Regularium personarum, eorumq. oblig. & priuilegijs.</u>	313
Cap. XVI.	<u>De Familiaribus, seu seruitoribus Regularium personarum, eorumq. priuilegijs.</u>	350
Cap. XVII.	<u>De Regularium procuratoribus, seu negotiorum ipsorum gestoribus, ipsorumque priuilegijs.</u>	363
Cap. XVIII.	<u>De Beneficijs Regularibus.</u>	371
Cap. XIX.	<u>De bonis & possessionibus quibus capacia sunt Monasteria Regularium personarum, seu in qua succedere possunt, & de eorum administratione.</u>	388
		SVM-

1

S V M M A

QVAESTIONVM REGVLARIVM

feu

DE CASIBVS CONSCIEN TIÆ
ad personas Religiosas vtriusque sexus
spectantibus.

T O M V S S E C V N D V S.

S V M M A R I V M C A P. I.



*Endicantes Regulares à mendicitate dicti. num. 1.
Ii dicuntur, quorum Cœnobijs ex Regula, vel Constitu-
tionibus non est permillum bona stabilia habere. ibid.
Alij sunt ex Regula, alij ex Constitutionibus. ibid.
Quinam sint? ibid.*

*Non sunt dicendi Mendicantes illi, qui etsi pane mendicato viuunt, ex
Regula tamen, vel Constitutionibus bona immobilia habere pos-
sunt. ibid.*

*Sicut è contra Mendicantes dicuntur illi, qui etsi ex priuilegio bona
immobilia possideant, hoc tamen est illis prohibitum ex Regula,
vel Constitutionibus. ibid.*

*Alij sunt à iure, alij ex concessione, vel declaratione Sum. Pont. ibid.
Priores sunt tantum quatuor, scilicet Prædicatores, Minores, Augu-
stiniani, & Carmelita. ibid.*

*Posterioribus autem Seruite Minimi, Iesuata, & Iesuita. ibid.
Licitum est Mendicantibus ex Concil. Trident. in domibus suis bona
immobilia possidere. num. 2.*

*Exceptis Minoribus de Obseruantia, & Capuccinis. ibid.
Comprehenduntur in hoc priuilegio Carmelita Discalceati. ibid.
Ex particularibus tamen ipsorum Constitutionibus prohibitum est
Monasterijs ipsorum bona immobilia possidere. ibid.*

*Non est aliqua lex, aut præceptum quibus teneantur Mendicantes
ex mendicato viuere. num. 3.*

A

Possunt

Possunt tamen viuere hoc modo, quando illis defunt necessaria ad vitam. num. 4.

Nec possunt à quaestuatione prohiberi. ibid.

De licentia suorum superiorum. ibid.

Eam debent ostendere Ordinarijs si ipsi petant. ibid.

Non est prohibitum illis colligere fructus antequam Curatus suas primitias. ibid.

Contra prohibentes eos mendicare procedi potest. ibid.

Etiamsi elemosynas superfluas peterent non sunt iudicandi ab Ordinarijs. num. 5.

Bona Minorum de Obseruantia pertinent ad Papam, vel eos, qui ea dederunt. num. 6.

Solum habent usum facti ipsorum, non dominium, aut usum iuris. ibid.

Possunt tamen recipere legata. ibid.

Quorum bonorum, & ad quem usum? ibid.

Domus professæ. Societatis Iesu, & Monasteria Carmelitar. Discalceatorum bona immobilia non possident. num. 7.

Secus Collegia ipsorum. ibid.

Quamuis in bona suorum Religiosorum non succedant. ibid.

Moniales bona immobilia possidere possunt in communi. num. 8.

Etiamsi Moniales S. Clare. ibid.

Error est dicere teneri Mendicantes manibus laborare, nec posse docere, concionari, confessiones audire, &c. num. 9.

Instituti sunt ad prædicta munia exercenda. ibid.

Finis ipsorum est profiteri statum vite mixtæ ex actiua, & contemplatiua. num. 10.

Monachorum verò ad vacandum Deo, silentio, solitudini, &c. ibid.

Tenantur ex charitatis præcepto salutem proximorum subuenire. num. 11.

An obligari possint à Papa ex vi voti ipsorum ad eundem in terras infidelium? ibid.

Multa illis priuilegia concessit Pius V. in Bulla Et si Mendicantium. num. 12.

Plures tenent eam esse reuocatam à Greg. XIII. in Constit. In tanta. num. 13.

Quidam putant hanc Gregorij Constitutionem publicatam non esse. num. 14.

Publicata tamen fuit. ibid.

Alij dicunt non esse receptam. num. 15.

Quomodo id accipiendum? ibid.

Solum

Solum est reuocata Constitutio Pij V. quatenus contraria Concil. Trident. num. 16.

Quomodo intelligenda facultas concessa Mendicantibus ad concionandum? num. 17.

Quomodo possunt audire confessiones secularium? num. 18.

Quomodo confessiones Monialium, & aliorum fratrum? num. 19.

Administrent Eucharistiam nisi in Paschate. num. 20.

An suspendantur interdicta in festiuitatibus Sanctorum Ordinum Mendicantium? num. 21.

An Pralati Mendicantium concedant licentias ingrediendi Monasteria Monialium? num. 22.

An DD. Episcopi possint se intromittere circa administrationem bonorum Monialium? num. 23.

Examen puellarum Deo dicandarum faciendum, & quomodo, ab Episcopo. num. 24.

An possint Mendicantes à quocumque Episcopo Ordines suscipere? num. 25.

Quid de Officijs, Missis, Concionibus, lectionibus in Ecclesijs Mendicantium? num. 26.

Declaratum dicitur non posse exponere Sanctiss. Sacram. sine causa ab Ordinario approbata. ibid.

Quomodo controuersie super precedentiam ab Ordinarijs terminandae? num. 27.

Admittendi Mendicantes ad curam animarum in Conuentibus, quibus talis cura imminet. num. 28.

Quarta funeralis an ab ipsis soluenda. num. 29.

Quid de quarta relictorum pro ornamentis, &c. num. 30.

Sepultura libera pro secularibus in Conuentibus Mendicantium. num. 31.

Qualiter se gerere debeant cum Curatis circa corpora sepelienda, Crucem portandam &c. num. 31.

Non obligantur ad contributionem onerum. num. 32.

Quid declaratum circa contributionem pro seminario? num. 33.

Quid de oneribus personalibus, custodia portarum, murorum, &c. num. 34.

Libera facultas Mendicantium ad quesuandum. num. 35.

Quomodo, aut quando Ordinarij intromitti possint in delictis Fratrum? num. 36.

Quomodo DD. Episcopi non debeant intromitti in ipsorum gubernio. num. 37.

Quando cognoscere possint de delictis aliquorum fratrum. ibid.

Puniunt Pralati ipsorum fratres confugientes ad Ordinarios. n. 38.

4 De iuribus, priuilegijs, & obligat.

Non debent recipi ab Ordinarijs sub eorum protectione. num. 39.

Nec detineri inuitis superioribus. ibid.

Bona ipsorum extra claustra decedentium, seu ad claustra reuertentium ad quos pertineant. num. 40.

Quid facere possint Episcopi circa uniones Ecclesiarum factas Monasterijs fratrum. num. 41.

Qui possint in Ecclesijs sic unitis Curam animarum exercere. num. 42.

Quid circa salarium seruientium diœsis beneficijs? ibid.

Non possunt impediri à pulsatione campanæ, celebratione Missarum, mortuorum associatione, & alijs Officijs huiusmodi. num. 43.

Quid declaratum circa pulsationes Campanarum. num. 44.

Licentia pro construendis domibus Mendicantium quomodo danda. num. 45.

Affociare corpora defunctorum, & mandatum, seu prædicationem in die Cœna Dom. quomodo facere possint. num. 46.

Quomodo officia mortuorum non facienda à Parochis in Ecclesijs Fratrum. num. 47.

Libera sepultura in illis. ibid.

Non sepelienda corpora defunctorum ad quæ associanda vocati fuerint fratres sine ipsis. ibid.

De candelis quæ fratribus dantur non debetur portio canonica. num. 48.

Qualiter diuidi debeant candelæ, & intortitia. ibid.

Vjus non faciendi testamenta sine parochis. num. 49.

Ad quas processiones accedere debeant Regulares. num. 50.

Quomodo faciendæ processiones à Regularibus in suis Ecclesijs. num. 51.

Quam præcedentiam debeant habere. ibid.

Gaudent Mendicantes communicatione suorum Priuilegiorum. num. 52.

Non tamen pœnarum, aut censurarum. ibid.

An concessa uni Monasterio censeantur alijs concessa. ibid.

Vni fratri priuato concessa non censentur concessa alijs. num. 53.

Secus quando priuilegium uni fratri concessum inutile esset nisi alteri communicaretur. num. 54.

Priuilegium aliquid debet operari, & esse utile. ibid.

Communicatio priuilegiorum intelligenda est respectiue. num. 55.

Quando priuilegium uni Ordini concessum repugnat obseruantie alterius non communicatur illi. num. 56.

Religio cui communicantur priuilegia potest se illis defendere contra eam cui primò concessa sunt. num. 57.

Reuoca-

Reuocata censentur à Conc. Trid. quoties in eo ponitur clausula derogatoria illorum. num. 58.

Quid autem quando non ponitur talis clausula. ibid.

Quomodo, & pro quibus personis suspendantur per Bullam Cruciatæ. num. 59.

An suspendantur in Anno Iubilei centesimi. num. 60.

Gaudent Mendicantes priuilegijs aliorum Ordinum. num. 61.

An extendatur hoc ad priuilegia concedenda. num. 62.

Tenantur obseruare decreta Generalia Clem. VIII. pro reformatione Regularium. num. 63.

An possint obtinere beneficia. num. 64.

An idem dicendum de fratribus Minoribus. num. 65.

An hoc procedat in Mendicantibus transcurrentibus ad non Mendicantes. num. 66.

Non procedit in illis. num. 67.

Priuantur etiam voce, & loco in Capitulis. ibid.

An reddantur inhabiles ad officia, & ad quæ officia. ibid.

Mendicantes ad alios Mendicantes transcurrentes, seu non Mendicantes ad Mendicantes non afficiuntur diælis pænis. num. 68.

Non possunt consentire electioni, postulationi, &c. de se in discordia factis ad aliquam Prælaturam extra suum Ordinem. num. 69.

Quid dicendum de beneficio parochiali? ibid.

Possunt Mendicantes iure communi esse Vicarij Episcoporum. n. 70.

Cum licentia Superioris, & utilitate Monasterij. ibid.

Non autem fratres Minores. ibid.

Possunt etiam exercere munus Prouisoris Episcopi. num. 71.

Qualiter Coadiutorias obtinere possint. num. 72.

Qualiter alia beneficia, pensiones, & de alijs requisitis ad ea. num. 73.

An teneantur comparere ad allegandum priuilegium exemptionis coram DD. Episcopis, seu Ordinarijs. num. 74.



De specialibus obligationibus, iuribus, & privilegijs
Regularium Mendicantium.

Cap. I.



MENDICANTES Regulares à Mendicitate sic dicti ij dicuntur, quorum Cœnobijs ex Regula, vel Constitutionibus nequaquam est permiffum bona stabilia, feu immobilia (qualia funt fundi, prædia poffeffiones, annui redditus, &c.) etiam in communi habere, fed eorum Religiofi ex eleemofynis fibi datis, vel oftiarum, quæfitis, victum, & alimenta comparant.

Gloffa in cap. ex eo. verb. *Mendicantes*, de *exceffibus Prælatorum* in 6. Gloffa in cap. *quorundam de elect.* in 6. verb. *Mendicantes*, Ioannes Azorius to. 1. *Inffit. Moral. lib. 12. cap. 23.* Vnde fit primò Mendicantes alios effe ex Regula, alios ex Constitutionibus. Mendicantes ex Regula (inquit Azorius vt fupra) funt Francifcani de Obferuantia: Dominicanos enim, Auguftinianos, & Carmelitas folùm vocat Mendicantes ex Constitutionibus, nam Regula S. Auguftini fub qua Dominicani, & Auguftiniani viuunt, & Regula S. Bafilij, fub qua (vt ipfe inquit) Carmelitæ, permittunt fundos, prædia, & alia bona stabilia. Sed quod ad Carmelitas attinet non bene dicit Azorius fub Regula S. Bafilij viuere, cum luce clarius fit regula à B. Alberto Patriarcha Hierofolymitano tradita degere. Malè etiam affirmat Carmelitas non effe Mendicantes ex Regula. Ipforum namque Regula ab Innoc. IV. correfta, & explicata nihil de permiffione bonorum stabiliũ continet imò, exprefse habet cap. 13. *Et quia vos oportet frequenter mendicare &c.* Abbas Iapus *Allegat. 45.* Thomas de Iefu in *exposit. Regula Carmelitar. par. 3. dub. 6.* Vide etiam Annales noftros. Infertur etiam fecundò non effe dicendos Ordines Mendicantes eos qui tametfi pane mendicato viuunt, ex Regula tamen, & Constitutionibus bona immobilia habere poffunt: ficut è contra, eos effe dicendos Mendicantes qui quamuis ex priuilegio stabilia bona in communi poffideant, ex Regula tamen, vel Constitutionibus ea habere nequeunt, quia vt dictum eft, ratio Mendicantis Ordinis in eo fita eft, vt ex Regula, vel Constitutionibus hoc illis non fit permiffum. Azorius vt fupra

supra §. ex his perspicuū. Rursus Mendicantes alij sunt à iure, alij ex Constitutionibus Summorum Pontificum. Priores sunt tantum quattuor, videlicet Dominicani, Frāsciani, Augustiniani, Carmelitæ. Hi enim & hoc ordine numerantur in c. *Religionum de Relig. Domib. in 6. §. sane*, & à Pio V. in Constitutione *Romanus Pontifex. anno 1567.* Posteriores verò sunt Seruitæ, quos in prædicta Constitutione comprehendit idem Pontifex, Minimi, quos etiam tales declarat in alia Cōstitutione *Apostolica Sedis.* eodem anno: fratres Iesuati Sancti Hieronymi, vt idem Pontifex habet in alia Constitutione *Romanus Pontifex*, & Iesuitæ ex alia etiam Constitutione eiusdem Pij V. *Dum indefessa* sub anno 1571. Azorius vt supra §. 2. *Queritur.* De Ordine autem, siue antiquitate inter ipsos Mendicantes non est locus disputandi. Solum enim eo ordine, quo à iure, & Pontificibus referuntur illos referre volui.

2 His tamen non obstantibus, vt dixi *to. 1. cap. 6. nu. 5.* licitum est Mendicantibus in domibus suis tam virorum quam mulierum, exceptis domibus fratrum S. Francisci Capuccinorum, & eorum, qui Minores de Obseruantia vocantur, bona immobilia in communi possidere. Ita enim decernitur in Concil. Trident. sess. 25. cap. 3. illis verbis: *Concedit S. Synodus omnibus Monasterijs, & domibus, tam virorum, quam mulierum, & Mendicantibus, exceptis domibus Fratrum S. Francisci Capuccinorum, & eorum, qui Minores de Obseruantia vocantur, etiam quibus aut ex Constitutionibus suis erat prohibitum, aut priuilegio Apostolico non erat concessum, vt deinceps bona immobilia eis possidere liceat.* Vnde censendum est Concilium auctoritate qua pollebat dispensasse in possessione communi bonorum immobilium cum omnibus Mendicantibus, siue ijs ex Regula, Constitutionibus, aut alio modo interdicta prius fuisset. Hoc enim sonant verba illa vniuersalia *omnibus Monasterijs*, & indefinita illa vox vniuersali æquiualens *Mendicantium*, & exceptio illa *exceptis, &c.* quæ firmat regulam in omnibus alijs. Azorius *tom. 1. lib. 12. cap. 23. §. 8. Queritur.* Propter quam causam comprehenduntur etiam sub hoc priuilegio nostri PP. Discalceati Carmelitæ; cum Concilium generaliter loquatur de omnibus Mendicantibus, & Monasterijs exceptis Minoribus. Nec obstat quod obijcit Thomas de Iesu in *exposit. Regula Carmelit. par. 3. cap. 8. dub. 6.* quod Concilium solum loquatur de ijs quibus ex Constitutionibus erat prohibitum habere bona immobilia, Carmelitis autem ex Regula illis hoc prohibebatur. Dicendum enim est, Concilium nomine Constitutionis intelligere etiam Regulam, vt dicunt Rodriguez *tom. 2. quæst. Regul. q. 62. ar. 14.* & Sanchez *lib. 7. in Decalog. cap. 12. num. 2.*

num. 2. & ratio id suadet, quia si nomine Constitutionum non intelligeret Regulam, frustra fecisset exceptionem de fratribus Minoribus, & Capuccinis, cum illis ex vi Regulæ prohibitum sit habere prædicta bona immobilia. Vide Suarez *tom. 3. de Relig. lib. 8. cap. 47. num. 2.* Et nota ex peculiaribus Constitutionibus eorundem PP. Discalceatorum prohibitum esse Conuentibus illorum bona immobilia possidere, vt patet ex Constitutionibus Hispan. *par. 1. cap. 7. nu. 11.* Quod sine dubio propter strictiorem obseruantiam paupertatis statutum fuit.

3 Vnde non est aliqua lex aut præceptum quibus reneantur ex mendicato viuere Mendicantes. Eo enim ipso quòd à Sede Apostolica dispensati sunt in possessione bonorum stabilium dispensantur in possessione tot bonorum stabilium, quot sufficiant ad eorum sustentationem, ac per consequens deobligantur ab onere mendicandi, ne obligentur ad superflua quærenda, vel tenenda, quæ nullatenus habere possunt, iuxta dicta *tom. 1. cap. 6. num. 13.* Vide ibi dicta *num. 43.* Imò in casu quo Mendicantes essent in sua puritate non possidendi bona stabilia non erant obligati ad viuendum ex eleemosynis ostiatim mendicatis, sed poterant viuere ex sibi vltro oblatis, & datis, vel aliquo alio modo quæsitis. Ex vi enim mendicitatis solum obligabantur ad non habendum bona stabilia. Azorius *vt supra §. 9. quaritur.*

4 Possunt nihilominus siue habeant, siue non, prædicta bona viuere ex mendicitate, quando scilicet adhuc desunt illis necessaria ad vitam. Vt latè dixi *to. 1. cap. 6. num. 43. & 44.* Quibus iungitur Pius V. in Constitutione *Et si mendicantium* anno 1567. edita, & de qua inferius dicetur, ac S. Congregationis declaratio anno 1587. qua dicitur: *Fratres Mendicantes nullatenus à quæstuatione, qua de licentia suorum Superiorum fit, & in dies fieri contingit, prohibeantur.* Hanc porro licentiam debent ostendere Ordinarijs, si ipsi eam videre velint, declarauit enim Sacra Congregatio Concilij: Regulares mendicantes teneri ad ostendendum Ordinario licentiam quærendi eleemosynas à suis Superioribus sibi datam. Quæ etiam Sacra Congregatio ad Rectores Ecclesiæ Bononiensis respondens declarauit: Non esse prohibitum Regularibus colligere frumentum, vvas, ligna, & similia, antequam Curatus habuerit suas primitias. Vnde ad huiusmodi quæstuationes nõ requiritur licentia Episcopi, cum Mendicantes sic quæstuantur vtantur iure suo. Prohibentes autem eos mendicare incidunt secundum aliquos in excommunicationem latæ sententiæ. Ad minus tamen ex priuilegio Sixti IV. Carmelitis concessio in Bulla *Dum attenta*, quæ est mare magnum Ordinis contra

contra Ordinarios impediētes dari nobis eleemosynas propter lites, & processus inter illos, & nostros fratres exortos accerrimè procedendum dixit ijs verbis: *quod si per quoscumque processus lites, & controuersias quomodolibet inter ipsos fratres praenominatos, & Ecclesiarum Rectores, & Ordinarios emergentes Ordinarii ipsi, seu quicumque alij inhibitionem eleemosynarum per Christi fideles fratribus ipsis faciendam quocumque modo fuerint prolapsi, volumus, & praesentium patrociniū decernimus quod omnes, & singuli tales inhibentes ipso facto excommunicationis incurrant sententiam, & contra tales ipsi Carmelitarum, Praedicatorum, Minorum, & Eremitarum S. Augustini Proteflores, & Auditor Camera Apostolica, qui sunt, & pro tempore erunt, & Inquisitores haeretica prauitatis ad praedictorum Fratrum requisitionem possint, & debeant quilibet eorundem per se sicut contra haeticos procedere. Nec his obstat Concil. Trid. dum sess. 21. cap. 9. & sess. 5. cap. 2. quæstorum nomen, & officium omnino abolendum statuit. Non enim id ad Mendicantium Ordines referri debet ut declarauit Pius V. in constit. supra relata: intentum enim Concilij solum est tollere illos, qui eleemosynas quærunt publicando Indulgentias eis concessas, vel praedicando. Rodriguez tom. 2. quæst. Regul. q. 57. art. 7. Peirinis tom. 1. Priuileg. Minim. in constit. 4. Sixti IV. §. 8. à num. 40.*

5 Hic notandum aliquos esse, qui volunt posse Ordinarios impedire ne Mendicantes superfluas eleemosynas petant. Lauretus de Franchis in *Controuers. Episcop. & Regular. pag. mibi 39.* Sed licet Mendicantes ita facientes peccent, & propterea à suis Superioribus debeant coerceri, iuxta dicta tom. 1. cap. 6. num. 43. non video tamen qualiter competat Ordinarijs iudicare an eleemosynæ, quas petunt, sint vel non sint superfluae. Cum non sint iudices ipsorum.

6 Minores autem de Obseruantia, siue Capuccini, cum non solum in particulari, sed neque in communi habere possint bona stabilia, & bonorum quæ possident dominium pertineat, vel ad Papam, vel ad eos, qui ipsa contulerunt, ut diximus tom. 1. cap. 6. num. 5. Ideo solum eorum quæ possident habent vsum facti, non dominium, aut vsum iuris. Quia solum habent facultatem vtendi illis instar seruorum ad nutum eorum ad quos pertinet dominium, vel vsum iuris, quod est vsum facti, (Azorius to. 1. instit. moral. lib. 12. cap. 24.) Nihilominus possunt recipere legata non quidem bonorum stabilium cum illorum non sint capaces ratione mendicitatis non dispensatæ, sicut est in alijs Mendicantium Ordinibus, sed aliarum rerum, & bonorum ad proprios dumta-

dumtaxat necessarios vsus (qua ratione domos ad habitandum iure possident) v. g. pecuniarum, librorum, suppellectilium ad cultum diuinum, litterarum studium, vel alias impensas, iuxta modum illis præscriptum à Nicolao III. in cap. *exijt de verbor. significat. in 6. Azorius vt supra*. Sorbus in additionibus ad *Compend. priuileg. Mendicant. verb. legata*. Vide dicenda cap. 19. num. 45.

7 Similiter Domus Professæ Societatis Iesu bona immobilia etiam in communi possidere non possunt, quamuis à Concilio Tridentino non excipiantur. Ratio est, quia ipsa Societas in secunda Congregatione generali an. 1565. can. 2. cessit iuri suo prouenienti ex dicta concessione Concilij. Quod rectè potuit facere, cum ea concessio non fuerit fauor aliquis Religionum, cuius renunciatio cedat in dedecus, & iniuriam status Religiosi quale est priuilegium fori Ordini Clericali concessum. Aliqui etiam credunt ad hanc faciendam renunciationem accessisse auctoritatem pontificiam, & saltem generalis approbatio habetur à Gregorio XIII. in Extrauaganti *Ascendente Domino*. anno 1584. Sanchez lib. 6. in *decalog. cap. 18. à n. 11*. Collegia autem eiusdem Societatis bona immobilia possident, & sine illis fundari non possunt, alias enim vix possent in eis studentes ali, aut conseruari, seu bona studia florere, cum temporalium rerum sollicitudo, quietem ad studium necessarium impediatur. Suarez 4. to. de Religione Tract. 9. lib. 4. cap. 11. Iure tamen succedendi in bona suorum Religiosorum carent, vt constat ex Greg. XIII. in Bulla *Quanto fructuosius*, & in Bulla *Ascendente* ac ex Congregat. General. 3. can. 4. Sanchez lib. 7. in *Decalogum cap. 12. num. 1*. vide dicenda cap. 19. num. 13. Pariter etiam RR. PP. Discalceati Carmelitæ etiam si in Collegijs pro ipsorum sustentatione annuos redditus possideant, non tamen in Conuentibus, quia illis quæcumque bonorum immobilium possessio denegatur. Collegia quoque ipsorum iure succedendi in bona fratrum sunt priuata. Constitutiones PP. Discalceatorum Hispan. ex Capitulo Generali Paltranæ 1604. par. 1. cap. 7. num. 11. & 13.

8 Moniales autem Ordinum Mendicantium prædicta bona immobilia in communi possidere possunt. Concilium enim loco adducto generaliter dispensat in hoc cum omnibus Monasterijs, & domibus tam virorum quàm Mulierum etiam quibus, aut ex Constitutionibus suis erat prohibitum. In quo etiam comprehenduntur Moniales S. Claræ, tam quæ primæ Regulæ, quàm quæ secundæ, & Vrbane Regulæ nuncupantur. Cum Tridentinum in eo Decreto in concessione habendi bona in communi
expref-

expresserit omnia virorum, & Monialium Monasteria, & solum exceperit Fratres Minores de Obseruantia seu Capuccinos, non autem Moniales ipsorum. Sic etiam dicitur à Sacra Congregatione Cardinalium declaratum. Rodriguez. *tom. 3. quæst. Regular. quæst. 29. art. 14.* Sanchez *de præceptis Decalogi lib. 7. c. 12. n. 2.* Barbosa in *Collectan. Bullar. verb. Moniales S. Clare* afferens duas declarationes S. Congregationis quoad hoc.

9 Error est asserere Mendicantes non posse docere, concionari, confessiones audire, & Sacramenta administrare, ac debere suis manibus laborare ad quærendum sibi victum, & vestitum. Ita enim determinauit Alexander IV. in Bulla *Non sine multa*. Pontificat. anno 3. edita contra Guillelmum, Giraldum, Odonem; & alios Parisienses. Vide Bullam in Bzonio *tom. 13. Annal. sub anno 1257. à num. 5.* Guillelmus propterea à Papa Romam euocatus damnatus est, omni Ecclesiastici ordinis functione, & redditibus exutus, & liber quo talia assererat igni traditus fuit. Bzou. *n. 4.* Decens etiam est Mendicantes Religiosos prædictis muneribus attendere. Quia ipsi instituti sunt non tanquam Monastici Ordines ad solitariam vitam agendam tantummodo, sed ad salutem animarum procurandam, conseruandam, & augendam, ad quæ prædicta munia valde conducunt. S. Thomas *opuscul. 10. Azor. to. 1. instit. moral. lib. 13. c. 1.*

10 Finis proprius Mendicantium Regularium, & per quem à Monachis distinguuntur est profiteri statum vitæ mixtæ ex contemplatione, & actione, Magdalenam, & Martham imitantium, & præsertim erga proximi salutem procurandam: Monachi autem finis contemplatio, & solitudo est. Id constat ex eorum institutione, sicut enim Monachi ad vacandum Deo, silentio, solitudini, & orationi instituti sunt ex primæua sui origine (sic enim de illis loquimur) sic & Mendicantes, quatuor præsertim Ordines, quibus hoc nomen primum tributum est, instituti sunt ad vacandum tum vitæ contemplatiuæ in Choro, & diuinis Officijs, tum actiuæ erga salutem proximorum procurandam, confessionibus, prædicationibus, doctrina, & ministerio Sacramentorum. Panormit. in *cap. causam, el 1. de iudic. nu. 2.* Suarez *4. to. de Relig. tract. 9. lib. 1. cap. 8.*

11 Hinc iuxta dicta *tom. 1. cap. 1. num. 17.* tenentur ex præcepto charitatis saluti proximorum subuenire, confessionibus, prædicationibus, lectionibus &c. & ut ibidem etiam dictum, sunt coadiutores Episcoporum. Insuper propterea, ut aliqui probabiliter dicunt, possunt ex vi voti obedientiæ, quod emiserunt, à Papa obligari ad eundem in terras infidelium ad prædicandum

Euangelium. Sotus 7. de iust. q. 2. art. 4. Suarez 4. to. de Relig. tract. 10. lib. 6. cap. 4. nu. 22. Etsi Iesuitarum obligatio ratione specialis voti, quod emittunt, multò maior sit quoad hoc, vt idem Suarez ibidem, & constabit ex dicendis cap. 4. num. 10.

12 Pro priuilegijs autem Mendicantium maximè discutienda sunt ea quæ Pius V. in Bulla *Etsi Mendicantium Ordines*. anno 1567. edita (quæ habetur in 2. tomo Bullarij inter Bullas huius Pontificis num. 41. & apud Peirinis tom. 2. *priuileg. Minim. inter Constit. huius Pont. nu. 7.*) recensuit. Cum enim is Pontifex re & nomine Pius considerasset grauamina ab Ordinarijs, & Ecclesiarum Prælatiis ipsis Mendicantibus illata sub prætextu præsertim Concilij Tridentini decretorum volens ab ijs molestijs ipsos liberare. 26. ex prædictis granaminibus relatis, motu proprio, & ex certa scientia, sic illis obuiando decernit. *Nos igitur motu proprio, non ad alicuius instantiam, sed de mera deliberatione, & ex certa scientia nostris, ac de Apostolica potestatis plenitudine declaramus, Canonem sess. 24. cap. 4. per quem omnibus Regularibus etiam in suorum Ordinum Ecclesijs, contradicente Episcopo, prædicationis officium interdicitur, Mendicantium Ordinum fratres huiusmodi quando à suis Generalibus, vel eorum ministris Prouincialibus ad id deputati fuerint, non comprehendere, neque eos afficere posse, imò volumus, quòd in suis Ecclesijs quando eis placuerit, licet & absque vllò impedimento, vel contradictione, etiam Episcopi, nisi ipse prædicauerit, prædicare possint. Quod verò in sess. 23. cap. 15. circa confessiones à Regularibus non audiendas statuitur hoc etiam dictorum Ordinum Fratres à præfatis suis Generalibus, vel Ministris Prouincialibus ad audiendas confessiones vtriusque sexus Christi fidelium approbatos, vt præmittitur, minime comprehendat, ita vt à confessionibus audiendis tam intra eorum Ecclesias, domos, quàm extra minime prohibeantur, super hoc litteras sel. rec. Pauli Papæ IV. etiam prædecessoris nostri, concedentes eisdem Fratribus Mendicantibus Regularis obseruantia posse confessiones Secularium personarum, etiam infirmarum, etiam extra domos, & Monasteria sua, & vbi libet audire, approbando, & de nouo concedendo. Statuimus etiam, quod ille qui semel in vna Diocesi admissus per Episcopum fuerit, semper in eadem Diocesi habeatur pro admissio, nec amplius examinari, vel presentari in dicta Diocesi debeat, tam quoad prædicationes faciendas, quàm quoad confessiones audiendas: nec aliquid pro prædictis exigi, vel recipi debeat. Confessores verò Momialium, quæ degunt sub cura Regularium ab Ordinario examinari volumus, quemadmodum neque etiam Fratres si debeant audire confessiones aliorum fratrum examinari debent.*

— 1166 —

— 7 —

Lecliores

Leſtores inſuper ex eiſdem Fratribus, & in Theologia graduati, qui cum licentia ſuorum Superiorum ad gradum admiſſi fuerint, cum de ipſorum doctrina ambigendum non ſit, tam confeſſiones audituri, etiam predicationis munus ſubituri ab Episcopis minimè examinentur. Ipſique Chriſti fideles Sacramentum Euchariſtia, Reſurrectionis Dominica feſtiuitatis dumtaxat excepta, ſumere, eiſque illud per Fratres huiusmodi adminiſtrari valeat, nec ad illud faciendum per locorum Ordinarios aut Eccleſiarum Reſtores præſatos, ſeu alios quoscumque (illorum licentia minimè requiſita) etiam ſub cenſuris Eccleſiaſticis, & alijs pœnis cogi, vel compelli poſſint, ſeu debeant, etiam decernimus, & declaramus. Et licet in ſeſſ. 25. cap. 12. caueatur quod cenſura, & interdicta Eccleſiaſtica etiam à locorum Ordinarijs promulgata mandante Episcopo à Regularibus in eorum Eccleſijs publicari debeant tamen ſi tempore celebrationis alicuius ex feſtis Sanctorum Ordinum eorumdem, ac alijs feſtiuitatibus, iuxta eorumdem Ordinum priuilegia Apoſtolica, interdictum huiusmodi emanauerit, illud in præſatis feſtiuitatibus, & earum octauis ſuſpendimus. Cumque inhoneſtum ſit quemlibet in alienam meſſem ſalcem iniicere, cumque Monialium Monasteria non niſi de Episcopi, vel Superioris licentia, & in caſibus neceſſarijs aliquis ingredi præſumat, in ſeſſ. 25. cap. 5. prohibetur, hoc tantum in illis Monasterijs locum habere volumus, quæ Ordinarijs ipſis pleno iure ſubſunt, in quibus in caſibus neceſſarijs ipſis dare licentiam poſſint, & non in alijs Monasterijs. Ita ut in præſatis Monasterijs, quæ Ordinarijs ipſis pleno iure non ſubſunt, ipſi Ordinarij illa ingredi non poſſint pro ut in Regulis earum, ſeu de iure ſtatuitur; & in eis aliquos proceſſus aduerſus Moniales ipſas, ſeu fratres huiusmodi propterea, ſeu alias ipſorum Ordinum Superioribus irrequiſitis, quoquo modo formare, aut facere poſſe omnino prohibemus, ita ut aliquam iuriſdictionem ſeu aliquod quodcumque dominium in Moniales, & Fratres huiusmodi reſpectiue habere, exercere, aut exequi nullatenus poſſint, aut debeant, immo illas, & illos omnes ab eorum ſuperioritate, dominio, & iuriſdictione, & poteſtate eximimus, & liberamus, pro ut eis conceſſum eſt per ſua priuilegia à Sede præſata obtenta. Et ita præſata Moniales, ac Fratres ſint excluſi à ſuperioritate, & iuriſdictione Ordinariorum reſpectiue huiusmodi, ut etiam in illarum, vel illorum ſyndicis, aut Procuratoribus deputandis, vel in diſponendis illorum facultatibus, vel ad alia ſibi non competentia facienda vllatenus non ſe intromittant. Nec etiam Ordinarij ipſos Regulares præſatos citare, & iuriſdictioni ſuæ ſubijcere ac eorum Conuentus occupare, ipſos ab eis expellendo, ac in ipſos iuriſdictionem aliquam, & poteſtatem exercere, ut præmittitur, aut ipſos carceribus mancipare,

pare, & contra eos aliud facere possint, vt sue ditioni subiiciantur. Volumus etiam puellarum Deo dicandarum an scilicet coeeta, vel sedueta fuerint, examen faciendum, non nisi infra quindecim dies postquam iuxta Concilium Trident. Episcopi, vel eorum Vicarij requisiti fuerint, fieri possit. Quibus elapsis amplius in hoc illis se intrmittere non liceat. Cuius occasione nec Episcopus nec eius Vicarius intra septa Monasteriorum ingrediantur, sed stent ante cratem ferream, & interrogationes alias quàm eas quas praesatum Concilium Trident. iubet eis fieri omnino prohibemus, ac similiter volumus, quod puella, seu nouitia ipsa ad alias interrogationes respondere minimè teneantur. Sessione verò 23. cap. 8. Neminem nisi à proprio Episcopo ordinari posse statuens, in Regularibus locum non habere omnino declaramus. Ita quod Fratres huiusmodi praefatos etiam Sacros Ordines à quolibet Antistite gratiam, & communionem Apostolica Sedis habente, Ordinarij loci minimè requisita licentia, in locis seu domibus Fratrum huiusmodi, aut alibi recipere possint. Et insuper sess. 22. decretum, per quod populum saepe ad suas Ecclesias saltem Dominicis, & maioribus festiuis diebus conuenire debere mōnet, insequendo volumus quod Fratribus Mendicantibus huiusmodi non solum prohiberi non possit, ne Missas, & alia Diuina Officia faciant in eorum Ecclesijs: verum etiam in quibuscumq; alijs ubi celebrare Missas solitum est, etiam ipsis non vocatis, seu ad id requisitis, celebrare valeant; ac etiam quod Conciones, & lectiones Sacra Scriptura, & Sermones pro mortuis etiam in Ecclesijs facere, ac eleemosynas pro celebrandis huiusmodi Missis, & alijs diuinis Officijs peragendis, si eis illas donari, seu relinqui contingat, recipere. Nec non Missas, & Diuina Officia huiusmodi etiam in diebus Dominicis, vel festiuis, etiam antequam Rector Parrochialis Ecclesia celebrauerit, celebrare, & facere, & quando eis videtur, etiam si tunc in Ecclesia Cathedrali praedicetur, predicare, ac etiam quicumque vtriusque sexus Christi fideles totius anni tempore illas, & illa in Ecclesijs Fratrum huiusmodi audire possint, ipsique Christi fideles vllatenus desuper molestari, aut impediri per locorum Ordinarios, seu Rectores Parrochialium Ecclesiarum, aut alios quoscumque vlllo pacto, causa, vel occasione non valeant, seu debeant, sed praefati Christi fideles audiendo Missas, & alia diuina Officia in Ecclesijs fratrum huiusmodi diebus Dominicis, aut festiuis, praeccepto Ecclesiae de illis audiendis satisfecisse censeantur. Controuersias autem omnes de praecedentia quae eadem sess. 25. cap. verò 13. per Episcopum terminari mandantur, non nisi durantes per illum dirimi, finitas autem nullo pacto innouari posse statuimus. Cumq; licet cap. 11. sess. 25. statuatur quod in domib. Virorum, seu Mulierum quibus

quibus animarum personarum secularium cura imminet, nulli etiam ad nutum amovibiles inibi deputentur, nisi de Ordinarij consensu, ac praevio examine huiusmodi precedente, ad curam huiusmodi admitti posse omnino volumus praefatos Regulares. Quartam autem funeralium de qua sess. 25. cap. 13. nequaquam solvere teneantur Monasteria, quae à quadraginta annis citra fundata existunt, postquam Concilium ipsum loquitur tantum de Monasterijs ante annos quadraginta fundatis, quae ipsam quartam solvere consueverunt, & ubi solui consuevit id tantum cere, & aliorum quae in aliquibus partibus deferri contigerit tempore quo defunctorum corpora ad sepulturam deferuntur, non autem de Missis, seu Legatis, vel alijs Fratribus ipsis, seu Monialibus huiusmodi relictis, aut alias quomodolibet donatis, solui debet, sicque intelligi Concilij decretum quoad quartam huiusmodi soluendam debere discernimus. Vbi vero non est consuetudo soluendi quartam huiusmodi de nullo superscriptorum solui debere declaramus. Nec ad quartam, seu aliam partem omnium eorum, quae etiam pro ornamento Ecclesiae, palliorum, planetarum, cortinarum, pannorum, & aliorum quae dictis Ecclesijs relinqui, vel dari contigerit, etiam si pro victu Fratrum, aut alijs relinquantur, aliquid contribuere teneantur. Ac etiam ius sepulturae solui tantum consuetum Curatis, & non aliquid aliud eis solui debeat, quamvis partes ad eam libitum Ecclesijs Ordinum huiusmodi, seu eorum Fratribus alia quaecumque tribuant, seu elemosynas elargiantur quando sepeliuntur ibidem corpora mortuorum huiusmodi. Nec propterea impediri debeant quin possint Defunctorum corpora praefata ad eorum Ecclesias tumulanda deferri facere. In honestum quoque esse censentes Mendicantium Ordines ad aliquorum onerum contributionem teneri, illos, illorumque loca, etiam si curam animarum habeant, ac quaecumque beneficia illis unita ad contributionem pro Seminario, aut decimarum aliquarum solutionem, immo illos, & eorum domos, Monasteria, beneficia, & loca quaecumque, & ab illis quomodolibet dependentia, eorumque possessiones, vineas, agros, & prata, ac alia bona quaecumque tam ad ipsos, quam ad Moniales praefatas, etiam largitione fidelium, seu alijs iustis de causis ab eis acquisita, ac pecunijs empta, vel alijs quomodolibet pertinentia minime teneri, illosque, & illas à quibuscunque decimis, primitiis, quartis, medijs, & alijs fructuum partibus, necnon subsidijs charitativis, etiam per nos concessis ad quoruncumque etiam Regum, Principum, & dominorum temporalium instantiam, quaecumque etiam urgentissima, & de necessitate exprimenda causa, ac etiam alijs quibuscumque oneribus, tam ordinarijs, quam extraordinarijs, etiam ratione fructuum, olerum, virgultorum, lignorum

benefi-

beneficiorum, & aliarum quarumcumque rerum, tam pro victu, quam vestitu aut alijs sibi necessariarum quomodolibet etiam auctoritate Apostolica nunc, & pro tempore impositis, ita vt penitus, & omnino ad alicuius rei contributionem minimè teneantur, omnino eximimus, & liberamus, illosque, & illas, ad illos, & illa etiam si saculares, & alia persona quacumque in eas exigendi possessione fuerint minimè teneri debere volumus. Nec sub cap. 12. sess. 25. comprehendendi posse, vel debere decernimus. Quod verò de usu quæstorum eleemosynarum auferendo loquitur sess. 21. cap. 8. id ad Mendicantium Ordines nullo modo referri posse, vel debere etiam decernimus, quin potius cum eleemosynis huiusmodi viuere cogantur, eis id facere liberum omnino esse declaramus. Quoniam verò ex nimia Episcoporum sibi arrogata auctoritate ipsi personas Regulares sue iurisdictioni subijcere omnino student, ac decreto Concilij præfati sess. 25. cap. 14. edito, quo cauetur quòd si Regularis intra claustra existens, & extra ea ita notorie deliquerit vt populo scandalosus sit, termino ab Episcopo præfigendo à suo Superiore omnino puniatur; sin minus ab Ordinario delinquens puniri possit, confisi, varijs, indubitisque grauaminibus Regulares afficiunt: Ordinarios præfatos aliquid contra Regulares in claustris degentes huiusmodi quouis prætextu, occasione vel causa innouare non posse, vel debere, nec aliquos processus contra ipsas personas Regulares formare, aut facere posse volumus nisi propter manifestum scandalum, & suorum ordinum Superioribus prius consultis, & negligentibus, alioquin omnia, & singula contra præmissa facta, & gesta ac facienda in futurum, pro nullis, & infectis habeantur. Neque etiam se intromittant villo pacto, aut aliqua ratione in gubernatione Conuentuum, tam Fratrum, quàm Monialium huiusmodi, & illorum correctionibus, sed omnia ista, & alia necessaria ad correctionem, & gubernationem Fratrum, aut Monialium huiusmodi, eorum Generalibus, ac Ministris, seu Prouincialibus, vel alijs eorum, aut earum respectiue Superioribus etiam ratione computa faciendi cum syndicis Conuentuum huiusmodi omnino relinquatur, nec villo modo in prædictis per se, vel alios se intromittant. Fratres quoque si contigerit eos ad huiusmodi Ordinarios recursum habere à præfatis Generalibus, Ministris, seu Prouincialibus, Prioribus, Guardianis, & alijs Superioribus castigari, & puniri posse, & debere: neque ipsos Ordinarios præfatis Superioribus Ordinum huiusmodi vllatenus inbibere quinimo præfatos Superiores processus contra Fratres suos, & Moniales huiusmodi quando opus fuerit circa delictorum inquisitionem, vel castigationem facere posse decernimus, inuocato etiam ad hoc, si opus fuerit, auxilio brachij secularis. Inhibemus etiam ipsis Ordinarijs, ne Fratres extra

extra claustra degentes sub eorum protectione recipiant, eosque inuitis suis Superioribus detineant. Prohibemus quoque eisdem Ordinarijs, ne aliquo modo se intromittant in bonis dictorum Fratrum extra claustra suorum Monasteriorum pro tempore degentium, siue decedentium, & quamuis in habitu, siue absque habitu moriantur, volumus quod eorum bona mobilia, & immobilia ad Ordinem quem professi sunt pertineant, disponenda iuxta Constitutiones, seu Ordinationes prefatorum Ordinum, neque illa Ordinarij prefati occupare presumant, imò huiusmodi ad habitum Religionis reuertentium bona omnia Monasterijs ipsis, cum ea quæ acquirunt Monachus, de iure Monasterio acquirantur, pertinere etiam decernimus. Ac ipsis Ordinarijs ne quascumque uniones etiam perpetuas à Sede prædicta, vel alias, ut præfertur, hæcenus factas, & pro tempore faciendas de beneficijs Ecclesiasticis, seu illorum Fructibus quin suum sortiantur effectum, impediant, omnino etiam prohibemus, & censuras ecclesiasticas, & alias penas per eos in contradictores pro tempore latas, nullius esse roboris, vel momenti, similiter decernimus, & declaramus. Insuper volumus, quod prefati Regulares, quibus cura animarum est, possint per seipsos iuxta suorum Superiorum Ordinationem, aut alios Vicarios, seu Capellanos seculares, ipsorum Regularium nutu amouibiles, ab eis deputatos, & ab Ordinario pro idoneis nominatos, & approbatos præfatam curam exercere, neque in eorum deputatione, vel amotione, neque alicuius partis fructuum consignatione pro præfatis Capellanis, seu Vicarijs secularibus si per tales curam exerceri contigerit, Episcopi illo pacto se intromittant. Prohibemus insuper eisdem Ordinarijs, ac alijs quibuscumque personis, ne impediant ipsos Fratres, quando eis placuerit tam in diebus Dominicis, seu festiuis, aut alijs totius anni temporibus campanas pulsare, & etiam tempore quo ipsi celebrauerunt Missas celebrare, necnon mortuorum corpora associare, & illa per fratres ipsos quando in Ecclesijs suis præfatis delata fuerint absque præsentia Rectorum Ecclesiarum huiusmodi sepelire facere, ac Officia mortuorum huiusmodi peragi posse, necessariamque præsentiam Rectorum, aut aliorum Clericorum, quin infirmi liberè sua possint concedere testamenta minimè esse, ac ipsos Regulares legata, aut quævis alia sibi in testamentis relicta exigere, & obtinere posse; neque aliquod ius in contrarium esse decernimus, & declaramus. Licentias verò pro construendis domibus Regularibus quæ 3. cap. sess. 25. nisi de Ordinarij licentia construi prohibentur, gratis omnino dari, & non nisi legitima subsistente causa Superioribus explicanda illas recusari posse. Necnon Fratres præfatos etiam solos mortuorum corpora associare ac mandatum in die Cænæ Domini

fieri solitum in Ecclesijs seu domibus Fratrum cuiuslibet Ordinis prædictorum solemniter facere, & prædicta die prædicare, hora quæ eis videbitur, nec per iocorum Ordinarios, aut Rectores Ecclesiarum, seu alios quoscumque prohiberi posse etiam decernimus, & declaramus. Mandantes etiam vniuersis locorum Ordinarijs ne mortuorum Officia agere Rectores Parrochialium in Ecclesijs ipsorum Fratrum contra illorum voluntatem permittant. Ac moniales dictis Fratribus subditas, vel personas sepulturam in eorum Ecclesijs eligentes, nulla soluta Parocho portione sepelire, vel si Fratres ad mortuorum corpora associanda vocati fuerint, illa absque Fratrum huiusmodi præsentia sepeliri facere audeant, vel præsumant. Cumque maxime deceat, liberam esse cuiusvis testantis voluntatem, prauum illum usum paruo adhuc tempore, vt præfertur, introduci, per quem testamenta absque Presbyterorum præsentia fieri interdiciuntur omnino abrogamus. Postremo quod cap. 13. sess. 25. cautum fuit, quod omnes scilicet tam Clerici, quam Regulares quicumque ad publicas processiones vocati, accedere compellantur, id quod ad Fratres præfatos, de illis tantum processionibus intelligi volumus ad quas secundum consuetudinem antiquam locorum soliti sunt accedere, vel qua pro bono pacis Ecclesie, vel pro victoria contra Infideles inducuntur. Quod etiam de illis Conuentibus, qui collegia nuncupantur minime intelligi volumus in quibus Fratres sub arctiorislausura degunt, ita vt nec in Choro cantent, nec ad mortuos accedant, sed tantum studijs, & lectionibus vacent.

13 Circa quam Constitutionem, vel Bullam id primò notandum, plurium sententiam esse; imò & communiter teneri eam reuocatam esse à Greg. XIII. in alia Constitutione, quæ incipit *In tanta*, quæ habetur in 2. tomo Bullarij inter Constitutiones illius num. 9. vbi de prædicta Constitutione, & alijs quæ à præd. Pio V. prædecessore manauerant sic habet: Nos hac tanta varietate cognita quæ etiam ex multiplici Litterarum, & Constitutionum editione procedi, præsentibus, & futuris discriminibus occurrere volentes de nobis attributæ potestatis plenitudine, statuimus, & ordinamus de prædictis, & alijs omnibus Litteris, & Constitutionibus, quæ ab eodem Prædecessore eisdem de rebus pro quorumcumque Regularium, & Mendicantium Ordinibus, & Congregationibus quomodolibet emanarunt, ac omnibus, & quibuscumque in eis contentis eam deinceps dispositionem atque decisionem pro subiecta materia futuram esse quæ siue ex iure veteri, siue ex sacris dictis Concilij decretis, siue alijs legitimè ante dictarum Litterarum, & Constitutionum editionem erat, etsi ipsæ non emanassent futura fuissent. Ad
quam

quam dispositionem, & decisionem, suumque pristinum, & integrum statum, ac terminum illa omnia reducinus. Quin etiam tollimus, & abrogamus omnia irritantia, & alia decreta, necnon prohibitiones, declarationes, mandata, & quaecumque alia ipsis Litteris, & Constitutionibus apposita, & aliis eorum occasione &c. Hæc Greg. XIII.

14 Nihilominus plures tenent hanc Greg. Const. non obligare ex defectu legitimæ publicationis, cū enim edita fuerit sub anno Incarnationis Dominicæ 1573. dicunt publicatam non esse, nisi post annum 1588. Vide Illamas 1. p. *Methodi* c. 7. §. 6. Peirinis to. 2. *priuilegior. Minim. in Constit. 7. Pij V. num. 2.* qui referunt. Nauarrum in *Man. cap. 27. in fine & cap. 21. num. 5.* quatenus dicere videtur non fuisse publicatam hanc Gregorij Constitutionem. Sed errant in hoc. Nauarrus enim non loquitur de hac Constitutione Gregorij, sed de alia moderatione dictæ Constitutionis Pij V. ab ipso Pio V. edita, imò ipse tam in dicto *cap. 27. in fine*, quàm *cap. 25. num. 68.* supponit esse publicatam hanc Gregorij Constitutionem. Quorsum enim eam referret si publicata non esset? Adde quòd in præd. 2. tomo Bullarij in fine huius Constitutionis Gregorij loco citato dicitur publicata locis solitis in Curia die 23. Martij 1573. non ergo ex defectu publicationis infirmatur eius auctoritas.

15 Alij videntur dicere apud dictum Peirinis non esse praxi receptam. Sed nec id probare possunt, nec video aliquod fundamentum ad id asserendum, imò potius ad dicendum contrarium, cum praxis Ecclesiarum, & Religionum eam obseruet. Nisi dicatur eam non esse receptam in alio præterquam quoad reuocationem priuilegiorum contrariorum Concil. Tridentino iuxta dicenda numero sequenti. Quo sensu videntur intelligi Henriquez, & Thomas de Iesu relati *tom 1. huius Summæ cap. 3. num. 12.*

16 Dicendum ergo est Gregorium XIII. in dicta Constitutione *In tanta*. solum reuocasse præfatam Constitutionem, Pij V. quatenus per ipsam conceditur aliquid contrarium decretis Concilij Tridentini, non tamen quatenus conceditur aliquid non contrarium ipsis decretis. Ita enim dicitur à Sacra Congregatione declaratum. Rodriguez *tom. 1. quæst. Regul. q. 8. art. 9. q. 43. art. 7. & q. 39. art. 2.* Sorbus in *annotat. ad compend. priuileg. Mendic. verb. priuilegia Fratrum §. Et licet Greg. XIII.* Molfetius 2. p. *summa tract. 13. cap. 9. num. 30.* Nec etiam est reuocata quantum ad ea quæ dictus Pontifex Pius in dicta Constitutione dixerat non aliquid de nouo concedendo, sed

explicando Concilium Tridentinum. Miranda 2. tom. *Manual.* q. 48. art. 8. Peirinis tom. 2. *privileg. Minim. in Constit.* 7. Pij V. num. 3. Restat ergo videre quænam ex dictis Privilegijs à Pio V. concessis aut quomodo hoc tempore robur habeant.

17 Et primò facultas concessa Mendicantibus prædicandi in Ecclesijs suorum Ordinum etiam contradicente Episcopo limitanda est iuxta dicta tom. 1. cap. 20. num. 2. & 3. ita scilicet ut non requiratur ad hoc licentia Episcopi, bene tamen ipsius benedictio saltem petita, ut habetur ex Concilio Tridentino *sess.* 5. cap. 2. Favent litteræ in forma Brevis à SS. D. N. Urbano Missæ ad Eminentiss. Cardinalem Sandoual, quas refert Barbosa in *Collectan. Bullar. verb. Episcopus prædicator, & circa prædicatores* 11.

18 Deinde facultas concessa Mendicantibus ab hoc Pontifice ad audiendas confessiones sæcularium solum cum approbatione Generalium, vel Prouincialium cum sit contraria decreto Concilij Trident. *sess.* 23. cap. 15. Nullo modo subsistit, valet tamen quantum ad hoc quod idem Pontifex subiungit quòd scilicet ille qui semel est in vna Diœcesi ab Episcopo admittus, amplius præsentari ibidem non debeat aut examinari ab eodem Episcopo, bene tamen à successore, ut declaravit S. Congregatio apud Quarantam in *summa Bullarij verbo confessor.* Vide dicta tom. 1. cap. 19. num. 7. illud autem quod subiungit Pontifex de non exigendo, vel recipiendo aliqui pro examine ad confessiones audiendas (intellige ab Episcopo, vel eius officialibus) manet omnino in sua vi.

19. Illud de Confessoribus Monialium, quæ sub cura Regularium degunt non examinandis ab Ordinario, vacat in Italia, & alijs partibus, ubi Constitutio Gregorij XV. de *exemptor privilegijs* viget, cum in illa præcipiatur quod prædicti Monialium Confessarij approbati ab Episcopo esse debeant, iuxta dicta tom. 1. cap. 25. num. 45. & 46. in partibus autem, seu Regnis Hispaniarum, ubi illa Constitutio suspensa est, iuxta dicta tom. 1. cap. 19. num. 35. valet dicta concessio, vel declaratio Pij V. quòd scilicet Confessarij Monialium non debeant ab Episcopis examinari. Declarationes autem quædam S. Congregat. quas refert Barbosa in *Collectan. Bullar. verb. Confessarius Monialium* 2. & ego dicto cap. 25. num. 46. quæ videntur contrariæ huic doctrinæ; cum sint factæ pro explicatione dictæ Constit. Gregor. XV. solum habent vim sicut ipsa extra Hispaniam. Pariter etiam illud de Fratribus pro Confessionibus aliorum Fratrum audiendis non examinandis ab Episcopis, ubique

vbiq; valet iuxta dicta *tom. 1. cap. 18. num. 27.* illud autem de lectoribus, seu graduatis non examinandis ab Episcopis, reuocatum est ab eodem Pio V. iuxta dicta *to. 1. cap. 19. n. 6.* & ita modo non subsistit.

20 Facultas porro administrandi Sacramentum Eucharistiæ fidelibus præterquam in festiuitate Paschatis, quam hic Pontifex concedit Mendicantibus, cum in Concilio Tridentino nihil de hoc habeatur, manet in sua vi iuxta priuilegia antiquiora ipsorum Mendicantium de quo *1. tom. cap. 21. num. 8.* Vide etiam Nauarrum in *summa cap. 21. num. 52.* Azorium *tom. 1. lib. 7. cap. ult. q. 7.* Suarez *tom. 3. in 3. p. disp. 72. sect. 2. dub. 2.* Qualiter verò id non liceat in die Paschatis vide declarationem S. Congregat. in Barbosa de *Collectan. Bullar. ver. Eucharistia.*

21 Similiter facultatem suspendendi interdista Ecclesiastica, in festiuitatibus SS. Ordinum Mendicantium, ac alijs festiuitatibus iuxta eorum priuilegia, cum probabile sit non esse contrarium Concilio iuxta dicta *tom. 1. cap. 21. num. 19.* probabile etiam erit manere in sua vi his temporibus. De quo bene Peirinis *to. 1. priuileg. Minim. in Constit. 2. Sixti IV. à nu. 50.* plures alios referens. Nec obstat probabilitati huius opinionis declaratio quædam S. Congregationis, quam referunt Garzia, Armendariz, & Barbosa in *Collectan. Bullar. verb. Priuilegium*, in qua oppositum declaratur. Tum quia de illa mihi authenticè non constat, tum propter concessionem Clem. VIII. factam Minoribus, quam referunt Rodriguez *to. 2. quæst. Regul. q. 112. ar. 2.* & Peirinis *ut supr. num. 51.* Ad minus tamen videtur standum consuetudini legitimè præscriptæ, & ea vtendum, excluso scandalo. Nota tamen hanc concessionem Clem. VIII. solum esse pro festiuitatibus Sanctorum Ordinis.

22 Id quod etiam habetur in dicta Constitutione Pij V. de licentia pro ingrediendo Monasteria Monialium pleno iure subditarum Mendicantibus in casibus necessarijs, non concedenda ab Episcopo, sed à Prælati Religionum, etiam videtur in sua vi cum non sit contrarium Concilio Tridentino quia solum petit *sess. 25. cap. 5.* quòd talis ingressus non fiat *sine Episcopi, vel Superioris licentia.* Quod debet intelligi cum partitione accommodata, idest, Episcopi in Monasterijs Episcopo subiectis, vel Superioris, intellige Regularis, in Monasterijs Regularibus subiectis. Neque obstat declaratio S. Congregationis adducta *tom. 1. cap. 25. num. 25.* vbi habetur, quòd si fuerit consuetudo introducta quòd talis licentia concedatur ab Ordinario, vel quòd ipse habeat aliquam superintendentiã super concess.



concessione ipsius obseruanda sit. Hoc inquam non obstat, quia etsi verum sit, quod ubi fuerit talis consuetudo obseruari debeat, tamen id non erit ex vi Concilij sed ex vi talis consuetudinis quæ habet vim legis. Non stante tamen tali consuetudine privilegium Pij V. videtur subsistere, cum id non sit contrarium, sed potius conforme Concilio Trident. Suarez 4. tom. de Relig. tract. 8. lib. 1. cap. 10. num. 15. Magis tamen obstare videntur duæ aliæ declarationes S. Congregationis apud Barbosam in Collect. Bullar. verb. *Monialium clausura circa ingressum*, in quibus dicitur, tales licentias obtineri debere non solum à Superioribus Regularium, sed etiam ab Ordinarijs, vel solum ab Episcopis ubi esset talis consuetudo. Quare ijs declarationibus standum videtur, si authenticè de illis constet, alijs consuetudini legitimè præscriptæ, non obstantibus ijs quæ dixi dicto cap. 25. n. 25. antequam huiusmodi declarationes vidissem.

23. Quoad illud quòd Episcopi non possint se intromittere circa administrationem bonorum Monialium, seu aliquod dominium aut iurisdictionem exercere, vide limitationem à Greg. XV. factam in Constitut. de exemptor. Privilegijs de qua dicto tom. 1. cap. 25. num. 45. quam etiam suspensam dixi pro Regnis Hispaniarum eodem to. 1. cap. 19. num. 35. unde extra Hispaniam obseruari debet.

24. Circa puellarum Deo dicandarum examen faciendum ab Episcopo non nisi infra quindecim dies postquam requisitus fuerit, & illis transactis non se in hoc intromittendum, & alias circumstantias dicti examinis faciendi privilegium adductum Pij V. videtur in suo robore manere cum nullo modo contrarium appareat, sed conforme decreto Concilij Trident. sess. 25. cap. 17. Solum aduertendum S. Congregationem, ut dicitur, declarasse posse Episcopum ob iustam causam, vel suspensionem quòd stando puella intra Monasterium non liberè suam voluntatem manifestabit; illam examinare in Ecclesia Monasterij exteriori, vel in alia proxima, præsentibus duabus matronis, ætate grauib, & honestis, non consanguineis, vel coniunctis puellæ. Vide dicta tom. 1. cap. 25. num. 12. Zerolam 1. part. praxis verb. *Monialis*. Peirinis tom. 2. privileg. Minim. in Constitut. 7. Pij V. §. 8. num. 10. & circa illud de examine faciundo ad cratem ferream Gauantum in Man. Episc. verb. *Monialium professio* n. 14. & 15.

25. Privilegium autem illud seu potius confirmatio privilegij antiqui Mendicantium quòd possent Sacros Ordines suscipere à quolibet Antistite, gratiam, & communionem Apostolicæ Sedis haben-

habente, Ordinarij loci minimè requisita licentia in locis, seu domibus Fratrum omnino vacare videtur, quia contrarium decreto Concilij Trident. *sess. 6. cap. 5. & sess. 23. cap. 8.* ac decreto S. Congregationis sub Clem. VIII. iuxta dicta *tom. 1. cap. 14. nu. 11. & 12.*

26. Id verò quod de Missis, seu Officijs diuinis à Mendicantibus celebrandis, concionibus, lectionibus, & sermonibus pro mortuis in Ecclesijs eorum faciendis, elemosynis pro Missis, & Officijs diuinis recipiendis, & prædictis Missis, & Officijs diuinis quacumque die, & tempore dicendis, & audiendis à Christi fidelibus subiunxit idem Pontifex Pius V. omnino manet in sua vi, & robore; tum quia nullo modo contrariatur Concilio Trident. tum quia ita vsu, & praxi in Ecclesia Dei receptum. Vide dicta *tom. 1. cap. 12. num. 41. cap. 21. nu. 11. & Peirinis to. 1. Priuileg. Minim. in Constit. 21. Leonis 10. num. 1. & in to. 2. super hanc Constitutionem Pij V. S. 10. num. 11.* Hic tamen obiter notandum sæpius declaratum esse à S. Congregat. Episcoporum. & Regular. non posse Regulares exponere Sanctiss. Sacramentum publicè adorandum sine causa ab Ordinario approbata. Barbosa in *Collectan. Bullar. verb. Regularis* 1. Gaudantus in *Man. Episcop. verb. Eucharist. num. 53. & 54. & verbo Regular. iura sub Episcop. num. 19. & 20.* Vbi etiam qualis futura sit hæc causa, & qualis modus, quo exponi debeat. Quæ decreta obseruari debent, nisi forsitan publicata non sint, & consuetudine legitima oppositum alicubi habeatur.

27. Id etiam quod additur ab eodem Pontifice de controuerijs super præcedentia per Episcopum terminandis, sed non postquam sopitæ sunt, sed quandiu durant cum non aduersetur Concil. Trident. *sess. 25. cap. 13.* Sed potius sit declaratio ipsius omnino subsistit. Pro quo vide Rodriguez *tom. 3. quest. Regular. q. 37. art. 3. Peirinis tom. 1. Priuileg. Minim. in Constit. 2. Sixti IV. num. 58.*

28. Id quoque de Regularibus Mendicantium admittendis ad curam animarum personarum secularium in domibus Religiosis virorum, seu mulierum quibus talis cura imminet, manet etiam in suo robore, cum contrarium non sit Concilio Trident. *sess. 25. cap. 11.* vbi de hac re agitur. Obseruari tamen debent, quæ ibi à Concilio præscribuntur iuxta dicta *tom. 1. cap. 11. num. 9.* Quibus adde ex Constitutione Gregorij XV. de exemptor. Priuilegijs, prædictos Regulares, *Sive animarum curam personarum secularium Monasterijs seu domibus Regularibus, aut quibusuis alijs Ecclesijs, vel beneficijs, siue Regularibus,*
siue

ſue ſecularibus incumbentem exercent; ſue alijs Eccleſiaſtica Sacramenta, aut unum ex illis miniſtrent prauia Episcoporum licentia, & approbatione, ſue quoquo modo in dicta cura exercitio, aut in eorumdem Sacramentorum, vel alicuius ex illis adminiſtratione de facto abſque vlla auctoritate ſe ingerant; in ijs, quæ iuſmodi curam ſeu adminiſtrationem concernunt omnimode iuriſdictioni, viſitationi, & correctioni Diœceſani Episcoporum tanquam Sedis Apoſtolicæ delegati plene in omnibus ſubiſciantur, & infra. Ita vt Episcoporum in ſupraſcriptis caſibus, & in prænomiſſas perſonas in præmiſſis omnibus, & ſingulis, aut circa ea quoquomodo delinquentes quoties, & quando opus fuerit, etiam extra viſitationem, per cenſuras Eccleſiaſticas, aliasque pœnas vti euſdem Sedis Delegati, procedere omnemque iuriſdictionem exercere, liberè, & licitè valeant. Peirinis tom. 1. Priuileg. Minim. in Conſtitut. 2. Sixti IV. §. 11. nu. 27. Nota etiam id quod ſæpius dictum maximè tom. 1. cap. 19. num. 35. quòd ſcilicet in Regno Hiſpaniarum huiusmodi Conſtitutio ſuſpenſa eſt; ac proinde in illis iudicandum ſecundum ius commune Concil. Trid.

29 Pariter id quod Pontifex decernit de quarta funerali non ſoluenda à Monafterijs quæ à 40. annis citra fundata exiſtunt, etiam manet in ſuo robore, cum Concilio Trident. non contradicat. Concilium enim ſeſſ. 25. cap. 13. ſolùm iubet illam ſolui à quibuſcumque Monafterijs quæ illam ſoluere eſſent ſolita ante annos 40. Vide dicta tom. 1. cap. 3. num. 13. & Peirinis ſuper hanc Conſtitutionem in tom. 2. Priuileg. Minim. §. 13. nu. 14. & to. 1. in Conſtit. Pyrrhini. 54.

30 Idem dico de quarta relictorum pro ornamentis Eccleſiæ, pallijs, planetis, cortinis, pannis, victu Fratrum &c. cum nihil circa hoc in Concilio Trident. reperiatur, & conforme ſit Priuilegijs antiquis Mendicantium ſpecialiter Sixti IV. pro Carmelitis, qui in Bulla. *Dum attenta*, quæ eſt mare magnum ſic habet: *Etiſi fortè per nos aut Sedem Apoſtolicam de piè legatis diſpoſitis, & relictis in genere vel ſpecie decima, vel alia portio, ſeu quarta alteri piæ, vel non piæ cauſæ ex quauis cauſa hætenus conceſſa foret, aut inpoſſerum, concedi, & ſolui aut dari vel mandari continget, Fratres prædictos, & illorum domos ac eis legatis, & relictis, aut alijs in eorum fauorem diſpoſita in conceſſione, & mandatis huiusmodi decernimus, & volumus non includi, niſi de iſſis Fratribus, & præſenti decreto, & voluntate noſtra non per generales clauſulas, quæ etiam ſpeciale mentionem importare viderentur, ſed vera, & ſpecificata mentio fiat in euſdem.* Declaratum etiam eſt à S. Congregat. Episcoporum. & Regul. non poſſe Ordinarium exigere

exigere à Regularibus quartam legatorum piorum, nisi eam soluere essent soliti, aut à quadraginta annis citra eam exegerint. *Barbosa in Collect. Bullar. verb. quarta.*

31 Pariter etiam id quod Pontifex dicit de libera sepultura secularibus in Ecclesijs Mendicantium tribuenda, cum non aduersetur vlllo modo Concilio Trident. etiam manet in suo vigore, maximè cum conforme sit priuilegijs antiquis Mendicantium, specialiter Sixti IV. in mari magno pro Carmelitis, & aliorum Summorum Pontificum apud Rodriguez *tom. 3. quest. Regular. q. 58. art. 3.* Circa modum autem quo se gerere debeant Regulares cum Parochis circa sepelienda corpora secularium in suis Ecclesijs, & Crucem portandam, omisis varijs priuilegijs, extat decretum Sacræ Congregationis Eminentiss. Cardinal negotijs Episcoporum, & Regularium Præposit. in quo conformiter ad decretum Lateranensis Concilij, vbi statutum, & ordinatum erat vt Fratres Ordinum Mendicantium, ceteriq; Religiosi Regulares non possent intrare Parochias cum Cruce ad leuanda funera eorum, qui apud Ecclesias domorum, & locorum eorumdem suam elegerint sepulturam, nisi prius præmonito, & requisito, ac recusante Parochiano Presbytero, & tunc sine eius, & Ordinarij præiudicio obuiare volens quorundam Regularium vsui, quo prætextu cuiusdam consuetudinis contendebant, sibi licere defunctorum funera, proprio eorum Parocho absente, eoque irrequisito, afferre, & leuare, maximè cum hoc non leues controuersias, & altercationes aliquibus in locis non sine populi scandalo, & Dei offensione excitasset. Omnem eiusmodi dissensionem, & scandalorum materiam, & occasionem præcidere, atque in futurum prouidere desiderans, & vt tam Parochi, quàm Fratres ipsi vnanimi inter se voluntate, & ea qua par est, charitate vltima hæc Christianæ pietatis officia defunctis præstent, statuit, & declarauit. *Quibusuis Regularibus quoruncumque Ordinum, & Congregationum, tam Mendicantium, quàm non Mendicantium existant nullo modo licere, etiam specialis alicuius consuetudinis prætextu, Parochias cum Cruce processionaliter, aut alias ad efferenda, & leuanda Defunctorum funera intrare, vel illa leuare, & efferre, nisi vocato, & expectato proprio Defuncti Parocho, eoque ibidem presente, si tamen ipse aliter fieri non consentiat, & permittat: vel nisi requisitus venire expresse omnino recuset.* Atque ita obseruari mandauit, & districte præcipit; firmis de cætero, & in suo robore permanentibus ijs omnibus, quæ super quarta funerum, & canonica portione, alijsque iuribus ad sepulturas pertinentibus,

D

à sacris

à sacris canonibus, & Conciliorum decretis, Summorumque Pontificum Constitutionibus hæcenus sancita, & ordinata erant, vel aliàs ex particulari consuetudine, vel alio iure obseruabantur. Stephanus Quaranta in *Summa Bullarj verb. Priuilegia Regularium*, Peirinis tom. 1. *Priuileg. Minim. in Constit. 26. Leonis X. §. 10. num. 20.* Barbosa de *Officio Parochi cap. 26. num. 66.* Extat etiam alia Congregationis declaratio apud eundem Barbosam in *Collectan. Bullar. verb. cadauer.* in qua dicitur: *Cadauera defunctorum leuare de domo propria nullo modo licet Regularibus, & Presbyteris secularibus, nisi de licentia, & consensu proprij Parochi.*

32 Similiter id quod additur ab eodem Pontifice de Mendicantibus non obligandis ad contributionem quorumcumque onerum etiam manet in sua vi, cum Concilium Tridentinum non contrarietur, & conforme sit multis priuilegijs ipsorum Mendicantium, de quibus Casarubius in *Compend. Priuileg. Mendic. verb. decime.* Rodriguez tom. 2. *quest. Regular. q. 44. art. 4. & 5.* maxime Sixto IV. in Bulla *Dum attentata* pro Carmelitis illis, verbis: *Primò litteras Innocentij IV. & Clementis IV. & etiam Innocentij VI. & Alexandri IV. per quas dicti Ordinis B. Dei Genitricis Mariæ de Monte Carmeli professoribus conceditur: quòd ad solutionem collectarum, seu exactionum quorùlibet, vel vicesima, cogi à nemine valeant, & in præfatis Clem. IV. & Alexand. IV. Roman. Pontificum præfatorum, etiam prædecessorum nostrorum litteras prædictas in ea parte in qua concedunt dictis Fratribus, ut de noualibus eorum quæ proprijs manibus, aut sumptibus colunt, ac de hortis virgultis, & piscationibus eorum nullus ab eis decimas exigere præsumat, ad quacumque bonæ dictorum Fratrum, & quacumque opera, quæ etiam sub censuris alterius quotæ, vel subsidij etiam charitatiui, aut datij, vel pedagij, vel gabellæ, seu alio quouis nomine indicerentur etiam per Apostolicæ Sedis Legatos; locorum ordinarios, vel Clerum, aut Populum, vel seculares Principes, & Dominos temporales, & alios quoscumque exigerentur, quamuis etiam Apostolica auctoritate, necnon ad quascumque decimas etiam quas vulgus Papales appellat, & Apostolica Sedes pro Christianæ fidei defensione, aut alijs imminentibus ei persæpe necessitatibus indicit, extendimus, ac decernimus dicti Ordines Professores, etiam si decima, & onera huiusmodi per quoscumque exemptos etiam Mendicantium Ordinum professores solui mandarentur cum quibusuis etiam derogatoriarum derogatorijs, ac fortioribus, & efficacioribus clausulis ad decimarum, & onerum huiusmodi solutionem non teneri, & in illorum*
solutio-

solutione cessando censuras, & pœnas aliquas non incurrere, nisi presentibus, & non per generales, aut alias clausulas speciale mentionem importantes, sed aliàs sit derogatum specificè earum de verbo ad verbum inserto tenore. & intra, Innocentij VI. & Clementis IV. Clementis VI. prædecessorum nostrorum indulta de decimis non soluendis de hortis, virgultis, noualibus ad eorum usum pertinentibus, & quæ proprijs manibus, & sumptibus coluntur speciali priuilegio, ut eorum utamur verbis. Ea propter dilecti in Domino filij vestris iustis postulationibus clementer annuimus, & domos vestras, in quibus diuino mancipati estis obsequio sub B. Petri, & nostra protectione suscipimus, & presentis scripti priuilegio communimus, & quæ de nominatis rebus præfati prædecessores priuilegia concesserunt ad singula bona dictorum Fratrum extendimus, videlicet quoscumque hortos, & siluas, & quacumque alia bona prædictæ domus, & Ordinis quæ in presentiarum iuste, & canonicè possident, aut in futurum concessione Pontificum, largitione Regum, vel Principum oblatione, aut fidelium donatione, siue hereditaria successione quam in seculo existentes, tam de iure, quam de consuetudine ad succedendum fuissent habiles, seu alijs quibuscumque iustis modis, præstante Domino, poteritis adipisci, firma vobis vestrisque successoribus, & illibata permaneant, in quibus hæc proprijs duximus exprimenda vocabulis. Loca ipsa in quibus præfate domus sitæ sunt cum pertinentijs suis. Videlicet cum Ecclesijs, hortis, pratis, nemoribus, vsuagijs, pascuis in bosco, & plano, in aquis, & molendinis in vijs, & semitis, ac omnibus alijs libertatibus, & immunitatibus suis, sane noualium vestrorum quæ proprijs manibus, aut stiptibus colitis, siue de hortis, virgultis, vineis, & piscationibus vestris nullus à vobis decimas exigere, vel extorquere præsumat. Hæc Sixtus IV. Vide dicta to. 1. cap. 3. nu. 14. & 15.

33 Circa id tamen quod ibidem subiunxit Pontifex de exemptione Mendicantium à contributione pro seminario pro beneficijs Monasterijs illorum vnitis notandæ sunt declarationes quædam S. Congregationis apud Barbosam in Collect. Bullar. verb. Mendicantes, in quibus oppositum declaratur. Nihilominus dum de illis an sint, vel non authenticæ, aut de sensu, in quo accipiendæ sint non constiterit, standum est consuetudini Religionum.

34 Idem quod dictum est de exemptione Mendicantium ab oneribus realibus ratione suorum bonorum dici debet de oneribus personalibus ratione suarum personarum, cum etiam illæ sint exemptæ. Vnde non possunt obligari ad custodiam Ciuitatis, portarum, aut murorum tempore pestis, nisi quan-

do esset magna penuria virorum, qui id facere possint. Lauretus de Franchis in *Controuerf. Episcoporum. & Regular. in quest. q. 94.* Neque ad custodiam murorum Ciuitatis tempore belli, nisi quando adest magna necessitas. Lauretus *ibid. q. 95.* Vtrumque verò elicitur ex *cap. peruenit. de immunit. Eccles.* Multò minus obligari possunt ad pugnandum contra hostes pro defensione Reipublicæ, cum id sit eis prohibitum *cap. petitio tua de homic. volunt. cap. clerici de vit. & honest. cleric.* nisi quando magna necessitas esset ad defendendum Rempubicam, vel consequendam insignem victoriam contra iniuste bellantes. Lauretus *ut supra.* Bonacina de *irregularit. disp. 7. q. 4. punct. 4. nu. 11.* An verò tunc occidentes, vel mutilantes fiant irregulares, tractant prædicti Lauretus, & Bonacina post Molinam de *iustitia tract. 2. disp. 109.*

35 Illud insuper de libera facultate Mendicantium ad elemosynas quærendas manere in sua vi ut potè quia conforme priuilegijs ipsorum, & declarationibus S. Congregationis, nec contrarium Conc. Trid. constat ex dictis in hoc capite *nu. 4.*

36 Quantum ad illud de Ordinarijs non intromittendis in delictis Regularium Mendicantium nisi quando ea fuerint notoria, & scandalosa, & tunc monitis Superioribus ipsorum, & negligentibus illos punire, etiam manet in suo robore, & vigore iuxta dicta *to. 1. cap. 16. num. 26. & 27.* cum limitatione tamen à Clemente VIII. posita, & ibidem relata. Pro quo etiam extat declaratio Sacræ Congregationis apud Quarantam in *summa Bullarj verb. confessor.* Lecto enim memoriali oblato nomine Fratrum Mendicantium Regni Neapolitani conquirentium qualiter ab Ordinarijs grauarentur contra sua priuilegia, & sacros Canones Concil. Trident. Respondit Sacra Congregatio. *Ordinarij in cognitionibus causarum Fratrum Mendicantium tam ciuiliū, quàm criminalium minimè se ingerant, pariter nec in visitatione eorundem Fratrum, vel Ecclesiarum suarum, nisi quatenus eis per Concilij Tridentini decreta conceditur.*

37 Quod etiam dico de eo quod subiungit idem Pontifex Pius de Episcopis non se intromittendis in gubernatione Mendicantium, illud enim etiam manet in sua vi, iuxta declarationem Sacræ Congregationis adductam, limitandum tamen est propter Constitutionem Gregorij XV. de *exemptor. priuilegijs*, quæ ut dixi *tom. 1. cap. 19. num. 35.* pro Regnis Hispaniarum suspensa est, ita ut in alijs Regnis extra Hispaniam possint Ordinarij cognoscere de delictis eorum, qui curam animarum exercent,

cent, iuxta dicta *supra* num. 28. aut si deliquerint circa personas intra septa degentes, aut circa clausuram, vel administrationem bonorum Monialium, iuxta dicta *tom. 1. cap. 25. num. 45.* & etiam petere rationem ab administrantibus bona prædictarum Monialium adhibitis etiam Superioribus Regularium, eosque, & confessarios amouere si admoniti Superiores id facere neglexerint, iuxta ibidem dicta.

38 Idem pariter dicendum de facultate concessa ab eodem Pio V. Prælati Mendicantium ad castigandum, seu puniendum Fratres, qui ad Ordinarios confugerint, manet enim in suo vigore, cum tam iure communi, quàm propter priuilegia Mendicantium illis maximè interdictum sit à correctione suorum Superiorum appellare ad Iudices extraneos, iuxta dicta *tom. 1. cap. 9. à num. 4.*

39 De illo etiam quod subiungitur, videlicet de non recipiendis ab Ordinarijs Fratribus nostris extra claustra degentibus sub eorum protectione, nec eis, inuitis Superioribus, detinendis, clarum est manere etiam in suo vigore. Vide dicta *tom. 1. cap. 16. num. 15.* & multa priuilegia Mendicantium apud Casarubium in *compend. Priuileg. Mendicant. verb. apostatæ ab Ordine* cum annotationibus Cordubæ, & Sorbi *ibidem*, & præsertim magnum priuilegium Sixti IV. pro Carmelitis, circa quod Sorbus notauit se credere quòd non reperiatur alibi, eo enim pro capiendis, excommunicandis, & incarcerandis nostri Ordinis apostatis Fratres nostri constituuntur Ordinarij etiam in Curia, illis verbis: *Apostatas quoque vestri Ordinis iuxta Alexandri IV. Constitutionem, & nostram præsentem concessionem excommunicare, capere, incarcerare, & alias subdere disciplina rigori possitis per vos, ac etiam alios à vobis deputatos in quocumq; habitu, & loco, etiamsi in Curia nostra eos contigerit inueniri, in qua sicut extra nos (alibi habetur extra vos) super vestros subditos ratione professionis tam tacitè, quàm expressè emissæ Ordinarios proprio motu, & scientia similibus auctoritate apostolica deputamus, inuocato ad hoc, si opus fuerit, brachij secularis auxilio.* Ex quo videtur, etiamsi apud quoscumque Reuerendiss. Episcopos inueniantur, eadem auctoritate vti posse Prælatos nostros.

40 Id verò quòd subiungit Pontifex de bonis Regularium extra claustra decedentium moderatum est à Gregor. XIII. iuxta dicta *tom. 1. cap. 16. num. 20. 21. & 31.* Quatenus autem decernit quòd si ad Religionem reuertantur, bona ipsorum ad Religionem pertineant non video immutatum, & ideo videtur manere in sua vi, Peirinis *tom. 2. Priuileg. Minor. super hanc Consti-*

Constitutionem Pij Quinti §. 22. num. 22.

41 Circa id quod addit Pontifex de vnionibus Ecclesiarum notandum, Concilium Tridentinum *sess. 7. cap. 6.* hæc statuisse: *Vniones perpetuae à quadraginta annis citra factæ examinari ab Ordinarijs, tanquam à Sede Apostolica delegatis possint, & quæ per subreptionem, vel obreptionem obtenta fuerint, irrita declarentur. Illa verò quæ à dicto tempore citra concessa nondum in toto, vel in parte sortita sunt effectum, & quæ deinceps ad cuiusvis instantiam fient, nisi eas ex legitimis, aut alijs rationalibus causis eorum loci Ordinario vocatis, quorum interest, verificandis, factas fuisse constiterit, per subreptionem obtenta presumantur: ac propterea nisi aliter à Sede Apostolica declaratum fuerit viribus omnino careant.* Et conformiter ad ista *sess. 24. cap. 13.* etiam dicitur de huiusmodi Ecclesijs vnitis, & quæ vnita sunt reuidentur ab Ordinarijs. Quorum decretorum prætextu cum aliqui Domini Ordinarij grauarent Mendicantes qui Ecclesias Parrochiales, seu alia beneficia suis Ecclesijs habebant vnita. Propterea Pontifex Pius decernit quòd non possint Episcopi dictas vniones factas, vel faciendas impedire, declarans censuras, & pœnas pro eo latas nullius esse roboris, & momenti. Quod eatenus valere hoc tempore poterit quatenus contrarium non fuerit repertum Concilij decretis.

42 Decernit etiam ibidem Pontifex quòd in prædictis Ecclesijs possint Mendicantes curam animarum exercere, vel per seipso, vel per alios sæculares ab ipsis amouibiles, approbatos tamen ab Ordinario, absque eo quòd Episcopi in hoc, aut in salario prædictorum assignando se villo modo intromittant. Quod etiam eatenus manet in suo vigore, quatenus non contrarietur, vel Concilio Tridentino, vel Constitutioni Gregorij XV. iuxta dicta *supra num. 28.* Vide dicenda *cap. 18. nu. 8. & sequentibus.*

43 Id quoque de non impediendis Mendicantibus à pulsatione Campanæ, celebratione Missarum, mortuorū associatione, sepultura, & Officijs ipsorum faciendis absque præsentia Parochorum, legatorum receptione, & obtentione, etiam manet sua vi, cum nihil, quod sciam, in Concil. Trident. contrarium habeatur, & vsu sit receptum, & vt decernit Pontifex, nullum ius in contrarium sit. Vide dicta *supra nu. 26. 30. & 31.* Nota etiam declarationem Sacræ Congregationis apud Quarantam in Summa Bullarj verb. *confess* in qua præcipitur quòd Ordinarij non impediant Fratres pulsare Campanas, ad matutinum, ad horas, & ad Missam antequam pulsetur Campana maioris.

Eccle-

Ecclesię, præterquam in die Sabbati Sancti. Insuper Sacra Congregatio Episcoporum, & Regularium declarasse, dicitur Defunctorum hæredes pro defuncto ad sepulturam associando numerũ Sacerdotum sibi benè visum conuocare posse, & numerum cerę sibi etiam bene visum ad cadauer sepulturę associandum, quolibet contrario prætextu per Parochum deducto non obstante. Barboſa *de Offic. Paroch. c. 26. à n. 57.* vbi etiam alia ad intentum.

44 Circa pulsationem tamen Campanarum plures alię extant declarationes S. Congregationis apud Barboſam in *Collect. Bullar. verb. Campana*. Prima est. Campanę in Sabbato Sancto non possunt in aliqua Ecclesia pulsari ante pulsationem in Ecclesia Cathedrali, vel matrice, tam in Ecclesijs sæcularibus, quàm Regularibus etiam S. Ioannis Hierosolymitani etiam prope, & extra muros existentibus, & etiam in Ecclesijs Confratrum, & etiamsi ad sit Ecclesia Collegiata, quę habeat omnimodam præcedentiam supra matricem. Secunda est. Campanę in alijs diebus præter Sabbatum Sanctum pulsari possunt ante Salutationem Angelicam indifferenter ante, vel post pulsationem in Ecclesia Cathedrali, vel matrice, nisi fortè adesset consuetudo vt non pulsetur antea.

45 Illud de licentijs pro construendis domibus Regularibus gratis dandis, nec sine legitima causa recusandis non video villo modo reuocatum, aut contrarium Concil. Tridentino, ac propterea in sua etiam manet vi, iuxta decreta tamen posteriora Clem. VIII. & Gregorij XV. ac SS. Domini Nostri Urbani, de quibus *to. I. cap. 9. nu. 34. & 35.*

46 Sicut, & illud de associatione corporum Defunctorum, mandato in die Cænę Domini fieri solito, prædicatione ea die, facienda iuxta decretum tamen S. Congregationis de quo supra *num. 31.* Maximè tamen standum est in hoc consuetudini legitimè receptę. Norandum etiam Parochum nullatenus excludendum quamuis ad sepeliendum cadauer soli Fratres à defuncto accersiri iubeantur. Ita enim decretum est à Sacra Congregatione Episcoporum, & Regularium. Barboſa *de Offic. Parochi cap. 26. nu. 62.*

47 Id quoque de Officijs mortuorum non faciendis à Rectoribus Parochialium in Ecclesijs Fratrum contra ipsorum voluntatem, libera sepultura ibidem habenda, & non sepeliendis corporibus defunctorum ad quę associanda vocati Fratres fuerint sine ipsis, cum Concilio contrarium non sit in sua vi, & vigore subsistet, nec video derogatum. Potius declarasse dicitur S. Congregationem, quòd quoties cadauera ad Ecclesias Fratrum

Fratrum Mendicantium deferuntur Officia mortuorum, ac reliqua munera quę in huiusmodi Monasterijs fieri solent, non à Canonicis, neque à Clero, sed ab eisdem Fratribus obiri, ac peragi debere. *Peregrinus 2. p. sui Compend. tit. sepultura in sebolio §. 3. Peirinis tom. 1. Priuileg. Minim. in Constit. 2. Iulij II. §. 21. num. 57. Vide tamen dicta tom. 1. cap. 12. num. 41. qualiter scilicet quando Regulares vocantur ad sepeliendum aliquod cadauer, debent accedere ad Parochialem Ecclesiam vbi Clerus congregari consuevit, iuxta declarationem S. Congreg. ibidem adductam. Cui etiam consonant alię SS. Congregationum declarationes apud Barbosam de offic. Parochi cap. 26. n. 63. 64. & 65. Quia tamen sepius video fieri oppositum multis in locis, ideo legitime consuetudini standum est.*

48 Obiter circa huiusmodi funera defunctorum obseruandum, primò, de candelis quę Fratribus dantur nullam deberi portionem Canonica. Ita enim concessit Sixt. IV. Minoribus. *Casarubius in Compend. priuileg. Mendicant. verb. Canonica portio num. 6.* Secundò, candelas, & intortitia quę per viam deferuntur circa cadauera in quibuscumque priuatis Ecclesijs diuidenda esse pro æquali portione inter Parochos, & ministros aliarum Ecclesiarum, ac propterea quę huiusmodi intortitia, seu candelę in præfatis Ecclesijs & in celebrandis diuinis Officijs præfente corpore accenduntur, finito officio extinguenda, & cuiquam medietatem consignandam. Ita decisum est à Congregatione RR. Præfectorum Urbis, approbante SS. D. N. Urbano. *Barbosa de Officio Parochi cap. 25. num. 42.* Patrię tamen consuetudo extra Romam consulenda est.

49 Abrogat præterea Pontifex vsum non faciendi testamenta sine Parocho, quia hoc auaritiam redolet, quę procul abesse debet ab Ecclesiasticis; de quo *Peirinis tom. 1. Priuileg. Minim. in Constit. 10. Leonis X. §. 2.* licet acrius quàm par est de hoc pun- & ibi loquatur.

50 Denum circa id quod disponit Pontifex de accessu Regularium ad Processiones, cum S. Congregatio, vt visum est *tom. 1. cap. 9. num. 47.* conformiter ad huiusmodi decretum Pontificium loquatur, dicendum est illud manere in suo vigore; imò ex eo quòd in præfato decreto Sacre Congregationis ipse se referat ad huiusmodi Bullam Pij V. apertè constat eam non esse reuocatam à Greg. XIII. vt dictum est supra *num. 16.* nisi quatenus statuit aliquid quod sit contra Concilium Tridentinum, *Peirinis tom. 2. Priuileg. Minim. in Constitut. hac Pij V. §. 29. num. 25.* Declaratum est etiam à S. Congregat. per publicas processiones intel-

intelligi etiam eas, quæ pro bono publico indicuntur. Quæ-
ranta in *Summa Bullar. verb. Præcedentia vers. de præcedentia in
processionibus*.

51 Hic obiter notandum nullo iure prohibitum esse Regu-
laribus, præsertim Mendicantibus, processiones facere, seu in-
stituerè in suis Ecclesijs, imò id supponitur in declaratione
S. Congregat. quam retuli *tom. 1. cap. 12. num. 41.* & in hac Bulla
Pij V. dum illis conceditur facere, seu celebrare diuina Officia,
Processiones enim partes quædam sunt Officij diuini, cum ad
cultum Dei, & Sanctorum ordinentur. Cæterum circa spatium,
per quod fieri debent huiusmodi processiones declaratu dicitur
à S. Congregat. Regularibus habentibus claustra non licere fa-
cere processiones extra illa; claustra verò non habentibus non
nisi intra ambitum, hoc est, prope muros Ecclesiarum, extra
ambitum autem Ecclesiarum, non nisi de licentia, consensu, aut
cum Cruce Parochiali. Barbosa in *Collectan. Bullar. verb. Pro-
cessio, & verb. Regulares* 1. Gauantus in *Man. Episcop. verb. Pro-
cessio num. 46. 47. & 48.* Vbi etiam animaduertitur id intelligen-
dum seclulis particularebus priuilegijs, qualia Dominicanis
pro processionibus SS. Sacramenti, & Rosarij in quibusdam
locis dicuntur concessa. Festus in *Constit. sui Ordin. p. 1. c. 23.*
Barbosa de *offic. & potest. Parochi cap. 12. num. 14.* Pro præce-
dentia autem, quam debent obseruare Regulares in processio-
nibus cum Regularibus alterius Ordinis, & alijs Monasterijs
eiusdem, vide declarationes S. Congregat. apud dictum Barbo-
sam verbo *Regulares quoad processiones* 4. & verbo *Regulares quoad
præcedentiam* 5. & Gregorij XIII. Constitutionem 84. *Exposcit*
in 2. tom. Bullar. vbi decernit præcedentiam inter Mendicantes
sumendam esse ex quasi possessione, quando verò de illa non
constat, antiquiores in loco debere præcedere. Lauretus de
Franchis in *Controuersijs Episcoporum & Regular. super dict. Constit.*
Gregorij pag. mibi 17. 18. 19. 20. & 21.

52 Gaudent Mendicantes communicatione priuilegiorum,
ita vt priuilegia vni ipsorum Religioni concessa etiam alijs
communia sint. Etenim præter dicta *tom. 1. cap. 3. num. 17.*
Leo X. in *Constit. Dudum per nos* anno 1519. edita quæ habetur
in 1. tom. Bullarij num. 32. inter Bullas huius Pontificis omnia
priuilegia, & indulta Mendicantibus concessa, & concedenda
singulis ipsorum ordinibus communicauit, & Pius V. in Bulla
Romanus Pontifex anno 1567. omnes, & singulos Ordines
Mendicantes omnibus, & singulis priuilegijs Mendicantium
eisdem concessis gaudere posse, & debere declarauit.

E

Rodri-

Rodriguez to. 1. *quest. Regular. q. 55. ar. 1.* Confettius in *summa priuilegiorum Maris Magni cap. 5.* Non tamen propterea in pœnis, & censuris impositis vni Ordini Mendicantium alij communicant. Non solum quia iuxta Regulam iuris in 6. *odia debent restringi, & fauores ampliari*, sed etiam quia Summi Pontifices communicationem priuilegiorum concedentes, nihil (quod viderim) de pœnis, aut censuris communicandis dixere. Confettius *vt supra.* Sorbus in *additionib. ad Compend. priuileg. Mendicant. verbo communicat. priuileg. §. notandum. autem.* Qui etiam bene subiungit, quod in pœnis laicorum est talis communicatio, idest, quod quando priuilegium aliquod conceditur vni Religioni, cum pœnis aliquot contra sæculares illud non admittentes, vel reprobantes &c. tale priuilegium alijs Religionibus habentibus cum illa communionem communicetur. Priuilegia autem vni domui vel Conuentui alicuius Religionis concessa, communicari etiam alijs domibus eiusdem Religionis, ac per consequens etiam alijs domibus aliarum Religionum, quæ cum illa communicant in priuilegijs, tenent aliqui auctores, quia quamuis Leo X. declarauerit communicationem priuilegiorum solum intelligendam esse de priuilegijs generaliter concessis Congregationibus, personis, & locis, & non de concessis domibus, vel personis particularibus. Nihilominus Pius IV. ipso Leone posterior ad instantiam Catholici Monarchæ Philippi II. concessit Ordini S. Hieronymi in Hispania, quod concessa vni, aut quibusdam Monasterijs eiusdem Ordinis censeantur concessa alijs eiusdem Ordinis Monasterijs, quod etiam postea Sixtus V. confirmauit. Rodriguez *tom. 1. quest. Regul. q. 55. art. 9. & 18.* Portellus in *Dub. Regular. verb. communicat. priuileg. num. 6. & verb. priuileg. num. 20.* Nihilominus quia hoc valde exorbitat à iure communi, & ipsius metas maximè excedit, limitandum est, vt solum verum sit quando in alijs Conuentibus, siue eiusdem, siue alterius Religionis participantis eadem priuilegia militat eadem ratio, vel saltem similis, vel æquiualens, propter quam Pontifex illud concessit priuilegium. Si enim talis ratio eadem, similis, vel æquiualens non militat, incongruum videtur Pontifices talis priuilegij communicationem intendisse. Quis enim credat quod priuilegium concessum vni Monasterio ratione paupertatis ipsius concessum credatur alij diuiti, vel opulento? Aut quod priuilegium concessum alicui Monasterio propter numerositatem Fratrum illius, aut magnam populi deuotionem, quæ erga illud est ratione alicuius Imaginis v. g. deuotissimæ in eo existentis, communicatum

catum credatur à Pontifice alij Conuentui paucos Fratres habenti, aut in quo nulla talis, vel similis deuotionis Imago reperitur? Ad quod expendo verba priuilegij Pij IV. adducti, dicit enim se extendere priuilegia vni domui dicti Ordinis Hieronymianorum concessa ad omnia, & singula Monasteria Ordinis quibus in specie concessa non sunt, & in quibus alie cause concessionis, & indultorum predictorum alias, quam, vt praefertur, suberant. Quo sanè denotat aliquam causam, eandem scilicet, similem, vel æquiualentem subesse debere in alijs Monasterijs, vt priuilegia vni concessa ad illa extendantur, quo etiam sensu intelligo priuilegium simile Iulij II. & Clem. VII. Minimorum Ordini concessum.

53 Priuilegia quoque vni Fratri Mendicantium vt personæ priuatæ concessa nullo modo alijs communicantur. Tum quia ita declarauit Leo X. supra relatus, tum quia oppositum non solum maximè iuris communis metas excederet, sed multa ex eo absurda sequerentur, & tota Religionum obseruantia, funditus euerteretur, vt per se patet. Rodriguez tom. 1. *quaest. Regul. q. 55. art. 18.* Portellus in *Dub. Regularib. verb. priuileg. communicat. num. 21.* Dixi vni Fratri, vt personæ priuatæ, quia priuilegia concessa alicui Fratri Mendicantium non vt priuata persona, sed ratione officij, Generalis us videlicet, vel Prouincialatus, in ordine scilicet ad suos subditos, videntur communicari alijs in quibus eadem, similis, vel æquiualens ratio procedit. Sic enim priuilegium concessum Priori domus Sancti Stephani Dominicanorum Salmanticæ circa modum faciendi informationes pro receptione nouitiorum de quo *to. 1. cap. 24. nu. 14.* dixi, communicari posse videtur alijs, vbi eadem, similis, vel æquiualens causa conspiciatur. Portellus in *Dub. Regular. verb. priuileg. communicat. nu. 20. & 21.*

54 Quando autem priuilegium vni Fratri concessum inutile esset si alij non communicaretur, communicari illud posset. Exemplum commune est de eo qui habet priuilegium dicendi Missam tempore interdicti, quam tamen dicere non potest sine ministro. Similiter si alicui concessa esset facultas recitandi matutinum diei sequentis immediatè post meridiem, quod sine socio commodè facere non posset, probabile est tale priuilegium socio communicari quia priuilegium aliquid debet operari, & esse vtile, *et in his de priuileg. l. 1. C. de thesauris l. 10. l. 1. ff. ad municipalem, & de incolis leg. si quando ff. de legatis*, quod non haberent ista priuilegia, si non communicarentur. Suarez de *legibus lib. 8. cap. 11. n. 7. & 8.* Portellus in *Dub. Regular. verb. priuileg. communicat. n. 19.*

55 Priuilegiorum Mendicantium communicatio intelligenda est respectiue ad Religionem cui communicantur, ita scilicet, ut quæ conceduntur pro Generalibus, Prouincialibus, Prioribus, Vicarijs, &c. intelligantur communicata illis, qui etsi non eodem nomine, eodem tamen munere fruuntur. Similiter priuilegia pro festiuitatibus Sanctorum vnius Ordinis concessa censentur etiam concessa pro Festiuitatibus Sanctorum alterius Ordinis. Casarubius in *Compend. priuileg. Mendicant. verb. festiuitas*, num. 14. Rodriguez *tom. 1. quest. Regul. q. 55. art. 20.* Portellus in *Dub. Regular. verbo communicat priuileg. num. 7.*

56 Quando priuilegium vni Ordini Mendicanti concessum repugnat obseruantia alterius, iste Ordo cui repugnat non potest illo priuilegio uti, neque enim æquum est credere Pontifices concedere Religioni alicui quod in dissipationem, & destructionem illius cederet. Rodriguez *tom. 1. quest. Regul. q. 55. art. 22.* Portellus in *Dub. Regular. verb. communicat priuileg. num. 8.*

57 Cum per communicationem Priuilegiorum Mendicantium ad inuicem ita fiant priuilegia propria illius Religionis cui communicantur, ac illius cui primò erant concessa, ideo Religio cui communicantur potest se illis defendere contra eam, cui primò erant concessa. Vnde si aliqua Religio ex Mendicantibus velit fundare Monasterium circa Monasterium alterius Religionis ex eisdem Mendicantibus potest hæc Religio defendere se contra illam, priuilegio concessio à Summis Pontificibus de nõ fundando Monasterio alterius Ordinis iuxta Monasterium ipsius intra spatium tot cannarum, etiamsi casus esset, quòd illud priuilegium primò esset concessum illi alteri Religioni, & sibi solum per communicationem. Ratio est, quia per communicationem fiunt priuilegia propria Religionis cui communicantur, & tam independentia ab alia, ac si ipsi essent specialiter concessa. Corduba in *Annotationib. ad priuileg. Mendic. verb. communicat. priuileg. S. tandem*, Portellus in *Dub. Regularib. verb. priuileg. communicat. num. 24.* Secus autem philosophandum de familiaribus, quia ipsis non communicantur priuilegia Fratrum ut propria, & independentia, sed ut dependentia ab illis, ut dicetur cap. 16. nu. 34. Corduba *ut supra.* Consettius in *Summ. priuileg. Marismagni cap. 5.*

58 Prædicta, & alia quæcumque priuilegia Mendicantium reuocata censentur à Concil. Trid. toties quoties in ipso aliquid decernitur cum derogatione saltem generali priuilegiorum, ut si

vt si dicat *non obstantibus*, &c. vel similia verba. Cuius exempla plura affert Ioannes de Cruce *de statu Relig. lib. 2. c. 3. dub. 6.* Talis autem derogatio priuilegiorum aliquando ponitur in fine capituli, vel decreti, vt patet ex *sess. 5. cap. 2. sess. 23. cap. 12.* & alijs locis, aliquando verò ponitur in fine sessionis in qua multa capita seu decreta comprehenduntur, vt patet ex *sess. 25. de Regularib. cap. 22.* Portellus in *dub. Regular. verb. Concil. Trident.* Quando autem decernitur, seu præcipitur aliquid à Concilio sine derogatione priuilegiorum, tunc etiam si illud sit contrarium dictis priuilegijs, nihilominus probabile est quòd non ceaseantur propterea reuocata. Exempli gratia in *sess. 22. cap. 4.* præcipitur quod nullus habeat vocem in Capitulis nisi sit in Subdiaconatus Ordine constitutus, quia ergo ibi non reuocantur priuilegia Regularium, ideo qui hoc priuilegium habuerint, possunt illo uti, prout declaratum dicitur à S. Congregat. Nec obstat quòd in eodem Concilio *sess. 25. cap. ult.* dicatur. *Hæc omnia, & singula in superioribus decretis contenta obseruari S. Synodus præcipit in omnibus Cœnobijs, ac Monasterijs, Collegijs, ac domibus quorumcumque Monachorum, ac Regularium, &c. non obstantibus eorum omnium, & singulorum priuilegijs sub quibuscumque &c.* Hæc enim reuocatio priuilegiorum solum cadit supra priuilegia contraria decretis illius sessionis 25. non supra priuilegia contraria decretis aliarum sessionum Concilij. Nec enim sine causa credendum est Concilium dixisse in *superioribus decretis contenta*, non verò in *superioribus sessionibus*. Nec etiam obstat Bulla Pij IV. pro obseruantia eiusdem Concilij, qua etiam reuocantur omnia, & quæcumque priuilegia prædictis decretis Concilij contraria. Hæc enim renocatio regulanda, & intelligenda est ad terminos decretorum ipsius Concilij, ita scilicet vt intelligatur solum de ijs quæ statuuntur à Concilio cum derogatione priuilegiorum, non de ijs, quæ ab illo ordinantur sine tali derogatione. Tum quia finis prædictæ Bullæ solum est obseruantia decretorum Concilij, iuxta ipsorum qualitatem, tum quia Constitutio quæ fit ad roborandum aliam debet intelligi secundum eam, & concludendam in terminis ipsius, vt habetur ex *Auth. Constitutio qua in noua S. inde ver. in illis.* Rodriguez *tom. 1. quæst. Regul. q. 8. art. 6. & tom. 3. q. 23. art. 5.* Thomas de Iesu de *procuranda omnium salute lib. 12. cap. 8. tit. sequitur collectio vers. illud tamen* referens etiam Nauarrum in *Man. cap. 27. num. 190.* & Sa in *Summa verb. gratia*, etsi non ita clarè loquantur. Ioannes de Cruce *de statu Relig. lib. 2. cap. 3. dub. 6.* Hæc autem solum probabiliter

biliter, & in terminis opinionis probabilis dicta sunt. Oppositum enim videlicet dicto *cap. 22. sess. 25.* reuocata esse omnia privilegia Religionum etiam contraria decretis aliarum sessionum quibus non apponitur derogatio privilegiorum, est etiam satis probabile, & securius, maximè propter dictam Bullam Pij IV. & ita id secutus sum *tom. 1. cap. 14. nu. 19.* post Mirandam in *Man. tom. 1. q. 38. art. 4.* & alios.

59 In Regnis ubi publicatur Bulla Cruciatæ non suspenduntur per illam privilegia Mendicantium, & aliorum Regularium, nisi ea solum quæ impedire possent, vel retardare expeditionem ipsius Bullæ, quia scilicet sunt circa easdem materias in ea contentas. v.g. absoluendi à reseruatis, commutandi vota, &c. quia intentum Summi Pontificis in tali suspensione privilegiorum id solum videtur esse, ne propter alia privilegia circa easdem materias impediatur finis prætenus ab ipso, qui est contributio certæ pecuniæ pro bello contra infideles. Casarubius in *Compend. privileg. Mendicant. verb. privileg. Fratrum q. 2. & 3.* Miranda in *Man. tom. 2. q. 45. art. 7.* Nec prædicta privilegia concessa Superioribus Mendicantium quantum ad suos Fratres suspenduntur. Ita enim declaratur in ipsa Bulla. Casarubius, & Miranda *ibid.* Sorbus in *Compend. verb. Cruciatæ §. quoad aliud.* Suspendi tamen prædicta privilegia quoad sæculares multorum est opinio, specialiter Nauarri *lib. 5. consil. 16. num. 1. de privileg.* eo quod in dicta Bulla à tali suspensione solum excipiantur concessa Superioribus Mendicantium quoad eorum Fratres tantum, exceptio enim firmat Regulam in contrarium. Sed valde probabile est non suspendi dicta privilegia Mendicantium quoad sæculares. Ratio est non solum quia illa cum sint maximè fauorabilia non debent censei suspensa, nisi de illis specifica mentio fiat, sed etiam quia per Bullam non suspenduntur gratiæ aut privilegia Ordinibus concessa, sed solum Monasterijs, Ecclesijs, Hospitalibus, locis pijs, &c. hæc autem privilegia absoluendi à reseruatis, commutandi vota &c. concessa sunt Ordinibus ipsis, & Religionibus. Vnde exceptio illa de Superioribus Mendicantium quantum ad suos Fratres, intelligitur iuxta subiectam materiam videlicet de concessionibus factis Monasterijs, Ecclesijs, locis pijs, &c. pro visitantibus illa: his enim privilegijs non fruentur sæculares saltem carentes Bulla. Rodriguez *to. 1. quest. Regular. q. 61. art. 14.* Sanchez *lib. 4. de præcept. decalog. c. 54. n. 62.* Diana de *Bulla Cruciatæ resol. 100.*

60 Nec etiã suspendi dicta privilegia in anno Iubilæi centesimi tenent

tenent plures, specialiter Henriquez lib. 3. de Indulg. c. 28. num. 7. & cap. 21. num. 3. Sanchez lib. 4. in decalog. cap. 54. num. 62. Diana de Bulla Cruciatæ resolut. 100. contrarium alijs opinantibus. Sed meo videri attendendum ad verba Bullæ Iubilæi, quæ mutari, & alterari possunt voluntate Pontif. Si enim in illa solum sit reuocatio generalis priuilegiorum, nulla facta mentione priuilegiorum Mendicantium, cum illa sint valde fauorabilia, & ad bonum commune fidelium ordinata, & per consequens speciali nota digna, vera erit prima opinio, si autem specialis mentio, & reuocatio fiat priuilegiorum Mendicantium, vera erit secunda.

61 Gaudent etiam Mendicantes priuilegijs quoque aliorum quorumcumque Ordinum etiam non Mendicantium. Ita enim concessit Carmelitæ Clem. VII. in Bulla, quam retuli tom. 1. cap. 3. num. 17. quam etiam refert Confettius in Collectan. Litterar. Apostolicar. in Clem. VII. num. 5. & Minoribus idem Clemens VII. vt referunt Casarubius in Compend. priuileg. Mendic. verb. communicat. priuileg. num. 19. & Miranda tom. 2. Man. q. 46. art. 1. Fauent etiam aliæ concessionēs Gregorij XIII. & Sixti V. pro eisdem Minoribus, quas refert Confettius vt supra in Gregor. XIII. num. 6. & in Sixto V. num. 5. Pro Eremitis etiam S. Augustini fauet ad intentum priuilegium Alex. VI. quod referunt Casarubius vt sup. num. 21. & Miranda etiam vt sup. ar. 3. Vnde hæc communicatione priuilegiorum quorumcumque aliarum Religionum gaudent non solum Mendicantes, sed & quicumque etiam alij, quibus Mendicantium priuilegia communicata sunt. Rodriguez tom. 1. quest. Regul. q. 55. art. 17.

62 Extenditur id quoque ad priuilegia concedenda etiam Ordinibus quibuscumque non Mendicantibus, illis enim perfruuntur ipsi Mendicantes, iuxta dicta tom. 1. cap. 3. num. 17. Colligitur id ex priuilegio Clem. VII. pro Minoribus numero præcedenti relato. Maximè tamen, & clariùs ex priuilegio eiusdem Clem. VII. pro Carmelitæ etiam num. præcedenti relato. Vide Mirandam in 2. tom. Manual. q. 46. ar. 5. & nota pro huiusmodi communicatione priuilegiorum quæ dicta sunt numeris præcedentibus, videlicet 52. 53. 54. 55. 57. & præsertim num. 60. Quod confirmat id quod habetur in priuilegio adducto Clem. VII. pro Minoribus, & Carmelitæ, vbi dum illis communicat priuilegia etiam concedenda quibuscumque alijs Religionibus dicit id intelligi debere de priuilegijs suæ professioni non contrarijs; neque enim Pontifices Regularis obseruantie maxi-

máximi zelatores concedere volunt Religionibus ea, quæ ipsarum professioni contraria sunt.

63 Tenentur Mendicantes obseruare decreta generalia pro reformatione Regularium edita à Clem. VIII. anno 1599. & 1604. quæ habentur in 3. tom. Bullar. inter Constit. Clem. VIII. num. 60. & postea fuerunt innouata à S. Congregatione Concil. in decretis de Apostatis, & eieclis sub SS. D. N. Vrb. VIII. inter Constitutiones ipsius 4. tom. Bull. num. 26. Etenim titulus illis præfixus est *pro Reformatione Regularium tam Monachorum, quam Mendicantium cuiuscumque Ordinis &c.*

64 Mendicantes nulla beneficia obtinere posse quidam affirmant, quos sequitur Rodriguez tom. 1. *quæst. Regul. q. 34. art. 3.* quia cum emittant votum abdicationis proprietatis incapaces sunt reddituum, & prouentuum annualium. Horum tamen doctrina nullo modo placet, nam vel loquuntur de Beneficijs sæcularibus, vel de Regularibus; si de prioribus constat ex dictis tom. 1. cap. 2. num. 17. & ex dicendis hoc 2. tom. cap. 2. num. 11. & 12. Religiosos etsi Mendicantes capaces esse illorum, licet de facto sine dispensatione Papæ illa habere non possint. Si verò sermo sit de beneficijs Regularibus ex toto cap. 18. constabit illorum capaces esse omnes Religiosos etiam Mendicantes, & vsu constat plura ab illis obtineri. Nec hoc repugnat voto paupertatis ipsorum, sicut nec Monachorum, Hospitaliariorum, aut Canonicorum Regularium, qui similia beneficia possident, nam licet non possint iure communi annuos redditus, vel prouentus habere in particulari, ex concessione tamen tacita, vel expressa Ecclesiæ, quando tales beneficiati viuunt extra Monasteria, vel Conuentus, vt rectè, & commodè prædictis beneficijs inservire queât, possunt illos habere non vt sibi proprios, sed quoad vsum, & administrationem. Suarez 4. to. de Relig. tract. 8. lib. 3. cap. 19. num. 1. Quomodo autem in Indijs officium Parochorum exercere possint dicemus cap. 18. nu. 32.

65 Limitant aliqui doctrinam de capacitate Mendicantium ad beneficia, vt non procedat in Fratribus Minoribus, sed illis sit prohibitum iure communi beneficia curata habere. Corduba in *Regula S. Francisci cap. 2. q. 20. punct. 2.* Verumtamen etsi tam Minores, quam alij quicumque Mendicantes iuxta dicta non possint de facto sine licentia Sedis Apostolicæ prædicta beneficia curata habere, iure tamen communi non est aliqua differentia inter Minores, & alios Regulares, quoad hoc. Clementina enim *exiui, de verbor. significat.* quæ ad hoc intentum adduci solet solum illis prohibet habere redditus annuos,

annuos, quæ prohibitio commodè satis intelligitur dum intra Monasteria viuunt, secus verò si ad beneficia curata promouerentur. Sicut nec propterea illis interdictum promotio ad Episcopatus, cum tamen Episcopi facti ampliores redditus habeant. Sanchez *lib. 7. in decalog. cap. 29. num. 37.*

66 Melius limitatur prædicta doctrina de capacitate Mendicantium ad beneficia curata, vt non procedat in Mendicantibus transeuntibus ad non Mendicantes. Propterea quòd in Clem. I. *de Regularibus* talibus transeuntibus etiam auctoritate Apostolica interdictum exercere pro se, vel pro alijs, curam seu regimen animarum. Ex quo inferitur interdicti illis beneficia curata quæcumque possidere, cum illis annexa sit talis cura. Vide dicta *tom. 1. cap. 22. num. 20. & 21.* & dicenda inferius. Imò generaliter loquendo quicumque Regularis etiam si Canonicus Regularis fuerit ad aliam quamcumque Religionem translatus incapax est ad beneficia sæcularia etiam curata, iuxta dicta *eo cap. 22. num. 20.* ex Concil. Trid. *sess. 14. cap. 11.*

67 Mendicantes ergo ad non Mendicantes transeuntes etiam auctoritate Apostolica vocem, & locum in Capitulo non habent etiam si hoc sibi ab alijs liberè concedatur: nec possunt ad Prioratus, administrationes, aut quæcumque Officia etiam tantquam Vicarij, vel ministri, vel locum aliorum tenentes assumi, aut curam, & regimen animarum exercere. Ita enim decernitur in *Clement: I. de Regularib.* Circa quæ præter dicta *tom. 1. cap. 22. num. 21.* aduertendum primò prædictos Mendicantes transeuntes priuari loco, & voce solùm in Capitulo, non in Choro, aut Refectorio, quia textus solùm loquitur de Capitulo. Rebuffus *Prax. benefic. tit. de dispens. cum Regular. nu. 54.* Bonacina *Tract. de clausura q. 2. punct. 9. §. 5. diff. 1. nu. 3.* Rursus hæc priuatio vocis, & loci videtur intelligenda, tam in Religione ad quam transeunt, quam extra illam, si contingeret tales habere aliquam administrationem in Ecclesia sæculari. Quia textus generaliter loquitur, & interpunctio illius id indicat. Bonacina *ibid. num. 2.* Rursus prædictos transeuntes inhabiles effici ad munera prædicta non solùm intra Religionem, sed etiam extra illam. Quia textus generaliter loquitur, & vtitur particula *quæcumque*, quæ est vniversalis. Sanchez *lib. 6. in decalogum cap. 7. nu. 126.* Præterea nomine officiorum, ad quæ inhabiles redduntur, intelligi videri omnia, & quæcumque munia per Religiosos fieri solita, vt sunt Sacristæ, Oeconomi, Ostiarij, Prædicatoris, Lectoris theologiæ, vel aliarum facultatum, quia textus interdicat quæcumque officia: hæc verò munia sunt talia.

Nauarr. *Comment. 4. de Regularib. num. 24.* Azor *lib. 12. instit. moral. cap. 14. q. 12. vers. quæres.* Idem dicendum videtur de Vicariatu Episcopi (cuius muneris gerendi capaces esse Mendicantes inferius dicitur) quia interdicuntur illis officia quæcumque, etiam ut Vicarijs. Sanchez *ut supra num. 130.* Cum tamen gradus præsentatus, vel Doctoratus non sint officia, seu administrationes, non videntur illis prohiberi. Sanchez *nu. 132.* Bonacina *ut supra num. 4.*

68 Mendicantes autem ad alios Mendicantes transeuntes, seu non Mendicantes transeuntes ad Mendicantes non afficiuntur dictis pœnis prædictæ Clement. I. *de Regularib.* quia illa expressè loquitur solum de Mendicantibus ad non Mendicantes transeuntibus. Nauarr. *lib. 3. consil. 57. in prima editione, & consil. 66. in 2.* Azor *lib. 12. institut. moral. cap. 14. q. 12.* imò si mendicans illegitimè professus transeat ad non Mendicantes, aut legitimè professus transeat, & postea reuertatur non videtur affici prædictis pœnis, quia Clement. solum loquitur de transitu legitimi professi, & videtur intelligenda solum pro tempore quo manserit extra suum ordinem Mendicantem. Bonacina *ut supra num. 5.* Incapaces tamen erunt omnes illi beneficiorum sæcularium, etiam Curatorum, iuxta dicta *num. 66.* ex decreto Concilij.

69 Mendicantes non possunt etiam suorum Prælatorum licentia obtenta consentire electioni, postulationi, vocationi, seu prouisioni de se in discordia factis ad aliquam extra suum ordinem prælaturam. Ita enim deciditur *in cap. quorundam de elect. in 6.* & ratio decisionis est, ut abstineant à litibus quæ possent suboriri ex eligentium discordia. Lambertinus *de iure patronatus lib. 2. p. 1. q. 7. art. 20. num. penult.* Rodríguez *tom. 2. quæst. Regular. q. 55. art. 2.* Nominè autem prælaturæ quidam volunt intelligi etiam beneficium Parochiale, forsitan quia Parochi etiam vocantur Prælati. Quia tamen decisio huius capituli exorbitans est à iure antiquiori, ideo non est extendenda ultra verborum proprietatem. Parochi autem solum dicuntur largè, & improprie Prælati, quia Prælati proprie illi dicuntur, qui in utroque foro iurisdictionem habent, ut docent Angelus, Siluester, & alij Summistæ. Quare non videtur comprehendendi hac decisione munus Parochi. Sanchez *lib. 7. in decalog. cap. 26. num. 56.* Comprehenduntur tamen Episcopatus, Abbatiæ, & aliz Prælaturæ extra Ordinem. Idem Sanchez *num. 49.* Qualiter autem per prædictam electionem, prouisionem, seu vocationem in discordia factam nullum ius adquiratur prædictis
Mendi-

Mendicantibus sic habetur ex dicto cap. *Quorundam. Presenti Constitutione sancimus, ut nulli Religioso Predicatorum, Minorum, Eremitarum S. Augustini, aut quorumlibet Mendicantium Ordinum ex electione, postulatione, prouisione, seu vocatione ad aliquam extra administrationem sui Ordinis Prælaturam in discordia de se facta ius de cætero adquiratur, nec eorum aliquis tali electioni, postulationi, prouisioni, aut vocationi quoquo modo valeat consentire: etiam si Magistri, aut Ministri, vel Prioris Generalium eorumdem ad id accesserit licentia, vel consensus.*

70 Possunt etiam Mendicantes iure communi esse Vicarij Episcoporum, ut diximus de Religiosis tom. 1. cap. 9. num. 14. Ratio est, quia nullum ius commune extat hoc illis prohibens, etenim Clement. 1. de Regularibus quæ adduci solet in contrarium solum loquitur de Mendicantibus qui ad non Mendicantes transierunt, quare potius supponit non transeuntes posse esse Episcoporum Vicarios, omitto etiam non ita clarè etiam transeuntibus hoc interdici. Clement. etiam in plerisque de elect. nihil loquitur ad intentum. Vnde videtur contrarium asseuerantes non benè legisse prædictas Clementinas. Melius eas legit, & intellexit Sanchez lib. 6. in decalog. cap. 13. num. 88. & 93. Cum tamen munus Vicarij sit officium ad iudicia pertinens, & Religiosi non possint talia officia recipere nisi de licentia Superioris, & cum vtilitate Conuentus, ut ibidem diximus, ideo has duas condiciones pro Vicariatu exercendo necessarias esse etiam ibidem diximus: sufficit autem licentia immediati Prælati, vel alterius Superioris, cum omnes ij sint verè Prælati, & pro vtilitate Monasterij sufficiens ea est quæ Monasterio contingit, ex eo quòd aliquis Frater ipsius in tam honesto obsequio Ecclesiæ, & Episcopo inferuiat. Sanchez ut supra num. 91. & 92. Fratres autem Minores nullo modo possunt esse Vicarij Episcoporum, propter abdicationem omnium secularium negotiorum illis commendatam in Clement. exini de verbor. significat. Sbrozius de Vic. Episc. lib. 1. q. 38 nu. 5. Portellus in Dub. Regular. verb. Religiosus nu. 5. Religiosis etiam Societatis Iesu id prohibitum sine licentia Generalis. Sanchez lib. 6. in decalog. cap. 13. num. 95.

71 Multò magis possunt Mendicantes exercere munus prouisoris Episcopi, quod diuersum esse solet à Vicario, non solum quia nullum extat ius illis hoc prohibens, sed etiam quia hoc officium non est ita sitibus, ac forensibus strepitibus expositum, sicut munus Vicarij Episcopi. Vnde multò maiori ratione licebit Mendicantibus. Portellus in Dub. Regular. verb.

Religiosus, seu Regularis num. 5.

72 Coadiutorias autem Episcoporum, & aliorum Prælatorum eas suscipere possunt quarum munera, vt principales exercere possunt sola licentia Prælatorum: sicut è. contra nequeunt absque dispensatione creari Coadiutores. in eis prælaturis, vel beneficijs quibus vt principales absque eadem dispensatione præesse nequeunt, iuxta dicenda de Monachis *cap. seq. num. 10. Azor. tom. 2. in sit. moral. lib. 3. cap. 2. q. 8.*

73 Pro alijs autem beneficijs, seu pensionibus, seu requisitis pro obtentione beneficiorum, ac capacitate nouitiorum ad ipsa, vide dicenda *cap. 5. sequenti à num. 11.*

74 Quoad exemptionem Mendicantium à iurisdictione Ordinariorum, præter dicta *tom. 1. cap. 11.* notandum, quòd quamuis ibidem *num. 15.* dictum sit, Regularem ab Episcopo citatum vt compareat decens esse vt compareat, & coram eo priuilegium exemptionis allegando, postea discedere, nihilominus loquendo de Mendicantibus asserendum est eos non teneri ad comparandum, aut exhibendum coram Ordinarijs priuilegium suæ exemptionis. Ratio est, quia licet quando exemptio non est notoria ita debeat fieri, vt colligitur *ex v. cum persona de priuileg. in 6.* quando tamen notoria est non est id necessarium, vt elicitur ex *Clem. Pastoralis de sentent. & re iudic. §. notorium quippe. Nauarrus cap. cum contingat de rescript. caus. 6. nu. 6. Henriquez lib. 7. de Indulgent. cap. 25. num. 6.* Quia ergo exemptio Mendicantium clara est, & notoria, cum à multis annis sint in possessione illius, ideo citati ab Episcopis non tenentur comparere, nec coram eis exhibere suæ exemptionis priuilegium. Siluester in *Summ. verb. exemptio q. 7.* Sanchez 2. *tom. consil. mor. lib. 6. cap. 9. dub. 4.* Id etiam declarauit Sixt. IV. in Mari magno Carmelitarum *verf. Exemptionem quoque Ordinis*, & ita id notauit Corduba in *annotat. ad priuileg. Mendicant. verb. priuileg. Fratrum §. quoad §. 10.* Quare cum Mendicantes coram Ordinarijs conuenirentur nullatenus debent ostendere priuilegium suæ exemptionis coram ipsis, quia hoc esset constituere illos iudices, quòd intendunt, sed responderè (intelligo humiliter, & modeste) se illos audire, vel se exemptos esse ab ipsorum iurisdictione, & propterea declinare ab illa. Quo facto; statim recurrant ad Conseruatores, vt Ordinarios inhi-beant, & illos ab ipsis defendant, iuxta modum præscriptum in Bullis Conseruatorijs, & Conseruatorum auctoritatem, de quo *cap. 10. Sanchez vt supra dub. 5.*

SUMMARIUM CAP. II.

- Monachi nomen dupliciter sumitur. num. 1.*
Monachi nomine in iure omnes Religiosi veniunt. num. 2.
Etiā Canonici Regulares. ibid.
Vnde Constitutio aliquid statuens de Monachis ad omnes Religiosos trahitur, nisi, &c. ibid.
Quoad obligationem votorum, Regula, Constitutionum, tendentia ad perfectionem, & similiū, qualiter de illis philosophandum. nu. 3.
Possunt ad quamcumque dignitatem supremam promoueri. nu. 4.
Etiā Episcopalem. ibid.
Cum licentia sui Superioris. ibid.
Quid autem si eam neget? ibid.
Etiā ad Papatum. num. 5.
An ad id requiratur licentia Abbatis. ibid.
Non possunt promoueri ad dignitates seculares non curatas. num. 6.
Quid de prefectura alicuius Collegij? num. 7.
Quid de regimine Hospitalis, & in quibus casibus? num. 8.
Possunt exerceere munus Vicarij Episcopi. num. 9.
An esse Coadiutores? num. 10.
Possunt iure communi habere beneficia curata. num. 11.
Secus hodie. nu. 12.
An requiratur necessitas, vel utilitas Ecclesie? num. 13.
An requiratur aptitudo ad concionandum? num. 14.
An in loco ubi Monasterium habet populum sibi subiectum? num. 15.
Requiritur licentia Abbatis, & qualis ea sit? nu. 16.
An possint prestare consensum electionibus, & postulationibus de se factis? num. 17.
Non sunt capaces Monachi Beneficiorum simplicium iure communi. num. 18.
Cui subijciantur beneficijs seruietes. num. 19.
Nequeunt habere pensiones sine dispensatione Papæ. nu. 20.
Qualis debeat esse hæc dispensatio. ibid.
Quid de Beneficijs Nouitiorum? num. 21.
Tempore Nouitiatus sunt capaces beneficiorum. num. 22.
Per professionem vacant quacumque Beneficia. num. 23.
Monachi Basiliani quomodo reformati, & quibus priuilegijs ornati. num. 24.

Bene-

Benedictini plurimis gaudent privilegijs, & quomodo intelligenda.
num. 25.

Cistercienses quoque, quomodo etiam intelligenda. num. 26.

Quibus Monachis prohibitum, est Confessorem eligere virtute Cruciate, aut aliorum privilegiorum. num. 27.

Carthusiani quando approbati, & quibus privilegijs gaudent.
num. 28.

Quid de aliarum Monachorum Religionum privilegijs? nu. 29.

Non potest Monachus locum habere in duobus Monasterijs.
num. 30.

Regula Monachorum legenda, & in vulgari sermone exponenda in Capitulo. nu. 31.

Silentium à Monachis quibus locis observandum, & sub quanta obligatione. nu. 32.

Carnes comedere quomodo prohibitum Monachis, maxime Carthusianis. num. 33.

Tenantur S. Eucharistiam sumere prima Dominica cuiuslibet mensis.
num. 34.

An teneantur accedere ad Processiones. nu. 35.

Abbatessae qui consecrandi, & qui benedicendi, & quid consecratio, seu benedictio. num. 36.

Qui, & quando possunt benedicere populum solemniter. ibid.

An possint tonsuram, & minores Ordines conferre. nu. 37.

Chrisma conficere. ibid.

Iura Episcoporum praescribere, & qualiter. num. 38.

Aliqui ipsorum utuntur Mitra, Annulo, & Pontificalibus insignijs, & quando. num. 39.

Qui deferunt Episcoporum insignia alios praecedunt. num. 40.

An gaudeant nomine Ordinary, seu Diocesani. num. 41.

An possint benedicere vestes sacras, & ornamenta. nu. 42.

An comprehendantur decreto Conc. Trid. sess. 24. cap. 20. vers. Ad huc. nu. 43.

An teneantur rationem reddere DD. Episcopis. num. 44.

Carentes cura, & Conventu non sunt cogendi residere. num. 45.



De specialibus obligationibus, muneribus,
& priuilegijs Monachorum.

Cap. II.



MONACHI nomen quod à voce græca *monos*, idest, vnus, solus, aut solitarius, deriuatur, dupliciter sumitur, primò latè pro quocumque Religioso cuiuscumque Ordinis sit, secundò strictè pro illis, qui tribus votis astricti bona stabilia in communi possident, & in vitæ solitariæ studio, quieti, silentio, orationi, & contemplationi incumbunt. Abbas in *cap. ex parte de postulando*. Azorius *tom. 1. instit. moral. lib. 12. cap. 19.* In præsentì loquimur de Monachis in hac secunda acceptione, quales sunt Basiliani, Benedictini, & Carthusienses. Ex Benedictinis autem prodierunt postea Cistercienses, & alij. Suárez *4. tom. de Relig. tract. 9. lib. 2. cap. 3.*

2 Nihilominus nomine Monachi in iure canonico omnes Religiosi veniunt, etiam Canonici Regulares, præsertim in fauorabilibus, nisi aliud ex dispositione manifestè constet, & nisi aliqua specialis ratio diuersitatis appareat. Abbas in *cap. ex parte de postulando*. Glossa in *cap. Canonica de sent. excommunicat.* Peirinis *tom. 1. priuil. Minim. in Const. 12. Iulij II. num. 2.* Ac proinde Constitutio Pontificia, siue canonica aliquid de Monachis statuens ad omnes Religiosos trahitur, nisi aliud ibi exprimitur, vel manifesta diuersitatis ratio conspiciatur. Azorius *tom. 1. instit. moral. lib. 12. cap. 19. §. 10. Queritur.* Lauretus de Franchis in *controuers. Episcop. & Regular. in quest. q. 3.*

3 Quoad obligationem votorum, Regulæ, Constitutionum seu statutorum Ordinis, philosophandum de illis est, sicut de alijs Regularibus, iuxta dicta *tom. 1. cap. 4. 5. 6. 7. & 8.* Et quoad obligationem tendendi ad perfectionem, seu procurandi illam, iuxta dicta *ibid. cap. 1.* Quoad obligationem autem obseruandi ea, quæ in iure, vel Concilijs habentur attendendum est ad dicta *ibid. cap. 9.* præsertim cum sæpius in iure sub Monachorum nomine expressè illis aliquid præcipiatur, vel interdicitur, vt patet ex *cap. 2. ne Clerici, vel Monachi, cap. Monachi el 2. 16. q. 1. cap. cum ad Monasterium de stat. Monachor. Clement. ne in agro, & de stat. Monachor. & alijs iuribus dicto cap. 9. relatis.* Cum

Cum etiam Monachi veri Religiosi sint ob trium votorum essentialium Religionis professionem nomine Religiosorum veniunt, ac per consequens comprehenduntur in iuribus, & decretis Summorum Pontificum, Conciliorum; & S. Congregationum, quæ adducta sunt dicto *cap. 9. & 10.* Tenentur etiam obseruare decreta generalia Clem. VIII. approbata, & innouata à S. Congregat. Concilij sub SS. D. N. Urbano VIII. de quibus *cap. præcedenti num. 63.* vt patet ex titulo illis præfixo, scilicet *pro reformatione Regularium tam Monachorum, &c.*

4 Monachi possunt ad quamcumque dignitatem supremam promoueri, siue dignitas illa sit Episcopalis, vt patet 18. q. 1. *cap. unico. cap. nullus de elect. lib. 6.* Iacobus Grassis in *decisionib. p. 2. lib. 3. cap. 20. num. 1.* Sanchez *lib. 7. in decalog. cap. 29. num. 32.* Cum licentia tamen sui Superioris. *ex cap. Religiosus in princip. de elect. in 6. & cap. 1. d. 58. quod est D. Gregorij lib. 7. epist. 8.* dicentis: *Nullus ad Ecclesiasticum officium ex Monasterio producatur Monachus, nisi quem Abbas loci admonitus propria voluntate obtulit Episcopo.* Et ratio est, quia Monachus non habet velle, aut nolle *cap. si Religiosus, vt supra.* Sanchez *vt supra nu. 57.* Vide infra *num. 16.* Quamvis nollet concedere posset compelli propter bonum publicum ad consentiendum. Ad quod facit *cap. nullus de iure patron Abbas in cap. quod Dei de statu Monach. num. 12.* Siluester *verb. Religio 7. q. 9.* Iacobus Grassis in *decision. p. 2. lib. 3. cap. 20. num. 1.*

5 Siue etiam dignitas illa sit Papalis, vt notat Glossa c. *quam sit* 18. q. 2. Iacobus Grassis in *decisionib. p. 2. lib. 3. cap. 20. num. 1.* Ad quod etiam plures volunt requiri licentiam Superioris, ita vt sine illa nullum ius in Pontificatum acquirere dicant. Quibus non assentior, quia eo ipso quo est in Papam legitime electus nulli superiori creato subest. Siluester in *Summ. verb. votum 3.* Rossella *verbo votum 2. ad finem.* Quare bene Glossa relata dicit quod si Monachus factus est Papa reuente Abbate, ipsemet debet se compellere redire, quasi dicat non posse ad id ab alio compelli, cum nullum habeat supra se Superiorem.

6 Non possunt autem promoueri ad dignitates seculares quæ non sunt curatæ, vt sunt Decanatus, Præposituræ, Canoniciatus. Ratio sumitur, tum ex *cap. in nona actione* 16. q. 7. vbi præscribitur homines diuersæ professionis in vno officio non esse sociandos. tum ex c. *quod Dei timorem de statu Monachorum* vbi in curæ animarum fauorem traditur posse regulares ad bene-

beneficium Parochiale assumi, ergo non ad istas dignitates, quæ non sunt beneficia parochialia, tum propter dicenda inferius de beneficijs simplicibus. Sunt etenim huiusmodi dignitates quasi beneficia simplicia, cum non importent curam animarum. Fautet etiam *cap. cum de beneficio de Prabendis in 6. Hostiensis in cap. quod Dei de stat. Monach. Graffis in decisionibus p. 2. lib. 3. cap. 20. num. 4. Sanchez lib. 7. in decalog. cap. 29. num. 72. & 75.*

7 Possunt tamen stando in iure communi promoueri ad præfecturam alicuius Collegij cui non incumbit propriè, sed tantum impropiè animarum cura. Tum à simili de dignitate Episcopali ad quam in omni sententia promoueri possunt, tum etiam à simili de Ecclesia Parochiali, ad quam etiam, vt dicetur inferius, assumi possunt. Videtur enim suo modo procedere eadem ratio, sicut enim ad Parochiam promoueri Monachi possunt propter utilitatem quæ speratur futura ex ipsis in animabus illius Parochiæ; sic etiam eodem modo in præsentia. Azorius *tom. 1. instit. moral. lib. 12. cap. 19. q. 13. Rodriguez tom. 3. quæst. Regular. q. 53. ar. 2.* Dixi stando in iure communi, quia propter declarationem S. Congregationis sub Gregorio XIII. afferendam infra *num. 12.* aliqui putant esse derogatum. In illa tamen nihil video clarum circa hoc, sed tantum circa beneficia habentia curam animarum. Huiusmodi autem præfecturæ non includunt propriè curam animarum, sed impropiè tantum, scilicet in pertinentibus ad Collegium. Vide Sanchez *lib. 7. in decalog. cap. 29. num. 73.*

8 Possunt etiam Monachi promoueri ad regimen Hospitalium in aliquibus casibus. Primus, quando Hospitalia spectant ad Religionem quæ fundatur super Hospitalitate, vt Cruciferorum, S. Antonij Viennen. & similitum. Ex quo enim illa Religio est fundata super Hospitalitate, & hoc est principale studium per quod operibus pietatis ad seruiendum Deo se dedicauit, nihil Religiosis ipsis obstat quo minus plura Hospitalia erigant, & in illis Hospitalitatem seruent, & Religiosos suos ibi deputent ad Hospitalitatem ibi seruandam, & ipsa Hospitalia regenda. Secundus, quando Hospitalis est annexum Ecclesiæ Curatæ ita quod Rector vnus sit Rector alterius, iuxta *cap. quod Dei de stat. Monachor. iuncto cap. super eo de prabendis in 6.* Tertius, quando Hospitalis est annexum Religioni, vel quia de mensa Monasterij, vel in proprietatem ipsi concessum, tunc enim possunt poni Monachi ad regendum illud Hospitalis. Si enim pro utilitate Monasterij mitti possunt Religiosi ad litigandum, multò magis ad curandum infirmos. Quartus, quando

G

Hospita-

Hospitale ipsum est Collegiatum Religiosorum. Iacobus de Graffis in *Decisionibus* p. 2. lib. 3. cap. 20. num. 13.

9 Possunt Monachi exercere munus Vicarij Episcopalis, cum nullibi id interdicatur. Et patet ex eo quod dixi cap. *preced.* num. 70. de Mendicantibus. Si enim Mendicantes admitti possunt ad hoc munus multò magis Monachi cum minor sit in his difficultas. Azor tom. 2. *inslit. moral. lib. 3. cap. 43. q. 10.* & alij quos refert, & sequitur Sbrozjus de *Vicario Episcopali lib. 1. q. 38. num. 4.* Qui num. 11. alijs relatis dicit idem esse dicendum de Vicario Capituli Sede vacante, vel locum tenente Vicarij, propter similitudinem rationis.

10 Etiam possunt constitui Coadiutores Episcoporum, sola Abbatis licentia. Cum enim possint Episcopatum assumere veluti principales, multò melius vt Coadiutores. Azorius tom. 2. *inslit. moral. lib. 3. cap. 2. q. 8.* Idem dico propter eandem rationem de Coadiutorijs beneficiorum, quæ Monachi recipere possunt, sicut è contra, quod in eis beneficijs, quæ vt principales obtinere non possunt, neque etiam poterant vt Coadiutores. Sanchez lib. 7. *decalog. cap. 29. num. 84.*

11 De beneficijs autem Curatis sæcularibus loquendo (nam de beneficijs Regularibus late dicitur cap. 18) dicendum est, iure communi posse Monachos ad illa promoueri absque vlla dispensatione. Probat ex c. *quod Dei timorem de stat. Monach.* ubi id expressè habetur illis verbis. *Per antiquos canones etiam Monachi possunt ad Ecclesiarum Parochialium regimen in Presbyteros ordinari.* & colligitur ex cap. in *Parochia* 16. q. 1. Nec obstat Bulla Pauli IV. *Postquam diuina bonitas* anno 1558. qua omnes Regulares priuauit beneficijs sæcularibus, quia ad ius commune redacta est postea per Pium IV. in Bulla *Sedis Apostolicæ solertia* anno 1560. Selua de *benefic. 3. p. q. 11. num. 133.* & q. 70. num. 6. & 7. Graffis in *decision. p. 2. lib. 3. cap. 20. num. 6.* Azorius tom. 1. *inslit. moral. lib. 12. cap. 19. q. 13.* & tom. 2. lib. 3. cap. 2. *quest. 8.*

12 Dixi iure communi loquendo, nam hodie nullus Regularis est capax beneficij curati absque Pontificis dispensatione. Tum quia ita praxis obseruat, tum propter declarationem S. Congregationis tempore Gregorij XIII. per hæc verba SS. D. N. Gregorius XIII. *noluit licere Canonicis Regularibus etiam de licentia sui Generalis absque permissu Summi Pontificis assumere curam animarum etiam ad tempus, multoque minus beneficium curatum ad tempus.* Sanchez lib. 7. in *decalog. cap. 29. num. 71.*

Vide-

13 Videtur tamen requiri necessitas, vel utilitas Ecclesiæ curatæ secularis, ut ipsi Monachi præfici possint. Quia hæc iuris concessio dimanauit fauore boni animarum cui prospicere Monachorum munus est, si ergo ad hoc necessarij, vel viles non fuerint, cessabit concessio. Lessius 2. *de iust. cap. 41. dub. 12. num. 99.* Azorius *tom. 1. instit. moral. lib. 12. cap. 19. quæst. 13. ad fin.*

14 Hinc plures volunt Monachum ineptum ad prædicandum, ineptum quoque esse, ut assumatur ad beneficium curatum sæculare, quia in *cap. quod Dei timorem* hoc indicari videatur. Rosella verbo *Monachus num. 4.* Siluester verb. *Relig. 7. q. 4.* Sed valde probabile est id non requiri, dummodo Monachus aptus sit animarum curæ, & doctrinæ, etiamsi non concionetur. Quia nomine prædicationis in *d. cap. quod Dei timorem* commode intelligi potest prædicta cura, & doctrina animarum. Angles in *Summ. verb. dispensatio num. 3.* Sanchez *lib. 7. in decalog. cap. 29. num. 40.*

15 Plures quoque volunt Monachum non posse præfici curæ animarum in loco, vbi Monasterium habet populum sibi subiectum. Quia ita expressè habetur in *cap. 1. de capellis Monachor.* Angelus verb. *Monachus num. 5.* Siluester verb. *Religio 7. q. 7.* Rodriguez *tom. 1. quæst. Regular. q. 34. ar. 4.* Verumtamen quia rationi dissonum videtur, ut cum Monasterium non habet populum subiectum ibi possit præfici Monachus, non autem quando ille populus est subiectus Monasterio; ideo videtur dicendum, textum solum prohibere quod Monachus ibi præficiatur si non adsit necessitas, vel sine consensu Episcopi; nam, ut dictum est, sine necessitate non debet Monachus præfici Ecclesiæ seculari, nec sine consensu Episcopi. Abbas *cap. dicto de capellis Monachor.* Sanchez *lib. 7. in decalog. cap. 29. num. 43.*

16 Requiritur etiam ad hoc ut Monachus præfici possit Ecclesiæ seculari curatæ Abbatis sui licentia. Id enim constat ex *cap. si Religiosus in princip. de elect. in 6. vbi sic: Si Religiosus (cuius arbitrium, non ex sua, cum velle, vel nolle non habeat, sed ex illius quem vice Dei supra caput suum posuit, & cuius imperio se subiecit, voluntate dependet) electioni de se ad praelationem aliquam extra suum Monasterium vel suam Ecclesiam celebrata sui Superioris qui dare ipsam valeat, non petita licentia, & obtenta præsumpserit consentire, consensus sic præstitus non teneat, & in pœnam præsumptionis illius electio eadem ipso facto iuribus vacuetur omnino.* Quamuis autem textus. solum loquatur de

G . 2 electio-

electione ad prælaturam, attamen ratio in ipso explicata, scilicet *quod velle, vel nolle non habeat*, etiam procedit in ordine ad quodcumque beneficium. Rodriguez *tom. 1. quest. Regular. q. 34. ar. 5.* Adeo etiam ut quidam, ut dictum est *num. 5.* extendant hoc ad casum in quo Monachus ad Papatum assumere-tur. Nec sufficit licentia generalis concessa per Superiorem, ut consentiat suæ electioni quodcumque electus fuerit, quia licet in prædicto *cap. si Religiosus* nihil de hoc exprimatur, attamen in *Clement. 1. de elect.* id habetur expressè ijs verbis. *Cum concessa Religioso à Superiore suo licentia, ut electioni vel prouisioni (si quam de ipso contigerit fieri) suum dare possit assensum, ambitionis vitio viani paret, nullius eam existere volumus firmitatis.* Sanchez *lib. 7. in decalog. cap. 29. num. 59.* Cum autem in dicto *cap. si Religiosus* nihil dicatur circa Superiorem Religiosi à quo obtinenda est licentia, videtur dicendum, quemcumque Superiorem, videlicet, vel supremum, scilicet Generalem, vel etiam Prouincialem, aut immediatum Prælaturum ad hoc sufficere, nisi aliud in Religionis Constitutionibus statuatur, cum quilibet eorum sit verus Superior, & cuilibet etiam subijciatur Monachus. Ioannes Andreas in *cap. si Religiosus num. 2.* Sanchez *ut supra num. 65.* Ex privilegio tamen Eugenij IV. pro Monachis Congregationis S. Iustinæ in Bulla *Regularem vitam* apud Rodriguez *tom. 1. Bullarj inter Bullas Eugenij num. 10.* habetur, nullum Monachum eiusdem Congregationis posse beneficium aliquod extra dictam Congregationem impetrare, aut acceptare sine licentia Capituli dictæ Congregationis, vel Præsidentis cum maiori parte visitatorum sub magnis pœnis ibi contentis.

17 Generaliter etiam præcipitur Monachis, & quibuscumque Religiosis non Mendicantibus, ne electionibus, postulationibus, prouisionibus, aut vocationibus à minori parte numero ad prælaciones quaslibet de se factis (quæ hoc ipso quod à minori parte processerint, nullum prorsus tribuant ius eisdem) suum audeant præstare consensum, etiamsi super hoc assensus, vel licentia suorum interuenerit Prælatorum. Ita enim deciditur *cap. quorundam de elect. in 6.* Vbi etiam irritum, & inane, quidquid secus factum fuerit, declaratur. Videtur autem loqui textum tam de Prælaturis intra Ordinem, quàm extra, cum dicat ad Prælaciones quaslibet, per quod denotantur Prælaturæ intra, & extra Ordinem, præsertim, quia in priori parte capituli cum loqueretur de Mendicantibus in alia prohibitione expressit solum prælaturas extra Ordinem. Rodriguez *tom. 2. quest. Regular. q. 55. art. 2.*

art. 2. Sánchez lib. 7. in decalog. cap. 29. num. 49. Vbi etiam alia ad intentum.

18 Loquendo autem de beneficijs simplicibus sæcularibus inter ea connumerando Canonatum Ecclesiæ sæcularis, verissima sententia est Monachum iure communi esse illorum incapacem. Primò ex cap. in nona actione 16. q. 7. vbi habetur in vno eodemque officio non debet dispar esse professio, quasi dicatur, quòd in Ecclesia sæculari, vbi sæculares sunt beneficiati non debent esse Monachi qui sunt disparis professionis. Secundò ex cap. super eo de Regularibus vbi de eis dicitur, nec amplius in Ecclesijs sæcularibus debent assumi. Tertiò ex cap. Quod Dei timorem, vbi solum in curæ animarum fauorem statuitur, quòd Monachus assumi possit ad beneficium curatum, sæculare. Fauent etiam cap. cum de beneficio de præbend. in 6. & Clem. unica de supplend. negligent. Prelator. Nauarrus Comment. 4. num. 23. init. de Regularibus. Azorius tom. 1. instit. moral. lib. 12. cap. 19. q. 13. & tom. 2. lib. 6. cap. 4. q. 22. Nec potest Episcopus in hoc dispensare, quia nullibi id illi conceditur. Rosella verb. Monachus num. 4. Azor. tom. 1. instit. moral. vt supra in fine q. 13. Sed solus Papa, iuxta dicta tom. 1. cap. 2. nu. 17. Sanchez lib. 7. in decalog. c. 29. n. 76.

19 Tam Monachi quàm quicumque alij Regulares beneficijs huiusmodi curam animarum habentibus inseruientes, aut Ecclesiastica Sacramenta, aut vnum ex illis ministrantes, in his quæ huiusmodi curam, seu administrationem concernunt, omnimodæ iurisdictioni, visitationi, & correctioni Diæcesani Episcopi, tanquam Sedis Apostolicæ delegati subiiciuntur. Ita enim colligitur ex declaratione S. Congregationis Episcop. & Regular. apud Barbosa in Collectan. Bullar. verbo Regulares 1. & ex Constitutione Gregorij XV. verbis adductis cap. 1. num. 28.

20 Incapax etiam est Monachus pensionis obtinendæ super beneficio sæculari, siue simplici, siue Curato, absque Romani Pontificis dispensatione. Ratio est loquendo de beneficio simplici, quia cum Monachus sit incapax illius, vt dictum est, sic etiam pensionis super illo, quæ est quasi pars, vel accessorium illius. Loquendo verò de beneficio curato, ratio est, quia licet illud concedatur Monacho à iure communi, vt dictum est ex indulgentia, & in fauorem curæ animarum, cum hæc ratio non procedat in pensione non erit capax illius. Ratio autem vtriusque præcipuè sumitur ex eo quòd (quidquid sit de iure antiquo) attento tamen Romanæ Curæ vsu propriæ, &

veræ

veræ pensiones, quibus beneficia onerantur ad certam reddituum partem alteri dandam sola auctoritate Pontificia concedi possunt. Sotus 9 de iust. q. 7. ar. 2. colum. 2. vers. 2. conclusio, Aragon. 2. 2. q. 100. art. 4. Imò etiam si Papa talem pensionem Religioso concederet, si constaret legitimam deesse causam concessionis, tutus non esset in conscientia Religiosus. Ratio est, quia quicquid sit de pensionibus concessis secularibus, de quibus inualidas etiam esse si sine causa concedantur, tenent aliqui, vt Toletus lib. 5. Summ. cap. 83. cum obtinere Religiosum pensionem sit relaxatio quædam voti paupertatis iure diuino, & naturali obligantis, & ad minus sit dispensatio quædam in decretis Concilij Tridentini, & Summorum Pontificum circa paupertatem Religiosam, si sine causa legitima concederetur, nulla esset. Azorius tom. 1. instit. moral. lib. 12. cap. 9. quest. 9. Sanchez lib. 7. in decalog. cap. 29. num. 98. Iusta autem causa huius concessionis erit si Religiosus ille vir sit cuius opera Romanus Pontifex egeat, aut de Ecclesia benemeritis, aut senio confectus, aut graui valetudine grauatus, aut talis indigentis quòd Monasterium illi non subueniret in necessarijs. Azorius ibid. Toletus etiam ibid. An vero Monachus, vel Regularis capax sit pensionis super beneficium Regulare dicetur cap. 18. num. 37.

21 Ex dictis autem fit beneficia Nouitiorum Monachorum, quæ antea in sæculo habebant, & quorum Monachi capaces sunt, iuxta dicta, videlicet beneficium curatum, non vacare probationis anno, non solum quia cum Monachi non sint incapaces illorum, nec Nouitij per nouitiatum incapaces erunt, sed etiam quia in cap. beneficium de Regularib. in 6. sic dicitur: Beneficium illius, qui Religionem ingreditur non est intra probationis annum alicui conferendum, nisi ad id ipsius accedat assensus, aut constet quòd vitam voluerit absolute mutare, vel professionem expressam fecerit, seu scienter habitum receperit Professorum. Sed interim eidem beneficio per alium deseruiui debetis, assignata sibi congrua de ipsius prouentibus portione. Sairus in Clauis regia lib. 6. cap. 5. num. 25. vers. passunt etiam, Sanchez lib. 7. in decalog. cap. 4. à num. 2. Imò etiam ea beneficia, quorum, iuxta dicta, Monachi incapaces sunt, vt sunt v. g. Canonicatus (idem dico de pensionibus propter paritatem rationis) non vacant toto probationis tempore, nisi adsint ea quæ in prædicto cap. Beneficium designantur. Textus enim vniuersaliter loquitur de beneficijs, ac proinde intelligendus de quibuscumque beneficijs siue illorum sint capaces Monachi siue non. Quare Canonici

Canonicus nouitius habet ius eligendi, quod ceteri Canonici habent. Azorius *tom. 1. instit. moral. lib. 12. cap. 3. q. 1. Sanchez lib. 7. in Decalog. cap. 4. num. 11. & 13.* Non tamen propterea vocari necessario debet ad electionem, sed potest censeretur legitime absens. Siluester *verb. Religio 5. q. 11.* Azorius *ut supra.* Fructus autem beneficii nouitij diuidendi sunt, itant pars illorum assignetur Vicario ministraturo beneficio, iuxta dictum *cap. Beneficium*, pars autem alia cedat ipsi Nouitio, quia est verus Dominus illius, & beneficiarius. Sanchez *ut supra. num. 18.*

22 Tempore etiam Nouitiatns capaces sunt Nouitij Monachorum beneficiorum, iuxta dicta *tom. 1. cap. 24. num. 37.* Quod non solum intelligo de illis beneficijs, quæ Monachis professis concedi possunt, sed etiam de illis, quæ solis secularibus, cum nouitij sint sui iuris, & simpliciter seculares. Non debent tamen ista illis concedi, ne anxia detur deferendi Religionem ad fruendum beneficijs. Angelus *verbo Nouitius num. 23.* Tabiena *ibi quæst. ult.* An verò sint capaces beneficiorum Regularium dixi *tom. 1. cap. 24. num. 37. relato, & dicam cap. 18. num. 4.*

23 Quæcumque autem beneficia, siue pensiones vacant per Professionem, iuxta dicta *tom. 1. cap. 2. num. 17.* ita enim supponitur in *cap. beneficium num. 21. relato, & ratio decisionis est, quia per professionem Religiosus moritur mundo, & seculo: Vacant ergo illa quæ in mundo, & seculo habebat. An autem idem sit dicendum de professione Equitum militarium S. Ioannis, S. Iacobi, Calatrae, Alcantaræ &c. dicetur cap. 5. num. 42.*

24 Gaudent præterea Monachi varijs, & diuersis priuilegijs à Summis Pontificibus illis concessis quorum aliqua hic adducenda sunt: Primò enim Monachi S. Basilij à Greg. XIII. in Bulla *Benedictus Dominus* in 2. tomo Bullarij Laertij inter Bullas huius Papæ *num. 58.* in vnâ Congregationem, & sub regimine vnius Abbatis redacti certisque Constitutionibus reformati, multis priuilegijs ab ipso decorati sunt, videlicet Congregationis Cassinensis Ordinis S. Benedicti, exemptione à iurisdictione Ordinariorum, & Commendatariorum, ac sub protectione S. Petri immediatè constituti. Idem etiam Greg. XIII. in alia Bulla *Cogit muneris* in eodem *tom. 2. Bullarij num. 46.* Eremitoria del Tardon, & alia in Hispania existentia, in Monasteria S. Basilij erexit, Ordini eidem adiunxit, & alijs quibus statutis eis concessis, priuilegia quoque Ordinis S. Basilij.

S. Basilij, & Congregationis Cassinensis S. Benedicti illis tribuit. Postea Clemens VIII. in Bulla *Qua ad restituendos* in 3. tom. Bullar. num. 14. facta à Greg. XIII. approbavit, & in alia quæ est num. 103. unionem à Greg. XIII. factam reuocauit, & duo Monasteria in Hispania, scilicet Eremiti del Tardon, & S. Antonij de Galogillos in Monasteria reformationis constituit, & separauit, ac illis nouitios recipiendi facultatem concessit. Ac tandem Paulus V. in Bulla *Iniunctum nobis*. 3. tom. Bullarij Laertij num. 17. separationes factas approbans privilegia illis concessa confirmavit. Ante quæ tempora Alexand. III. in Bulla Apostolicæ Sedis in 1. tomo Bullarij Laertij num. 6. Ordinem, & Regulam S. Basilij approbavit, ipsi donata à Rege Siciliæ rata facit, exemptionem à decimis concessit ac facultatem quæcumque bona acquirenda. Insuper Calixtus III. in Bulla *Urget nos* in eodem tomo 1. Bullarij num. 4. Monasterium S. Saluatoris de lingua huius Ordinis pluribus immunitatibus, præsertim à iurisdictione Ordinariorum, collectis, & exactio- nibus decorauit, & sub S. Petri protectione suscepit. Qualiter autem hæc privilegia modò subsistant, ex dictis, tum hoc 2. tomo tum in 1. tum etiam ex inferiùs dicendis constabit.

25 Monachi etiam Benedictini quamplurimis gratijs privilegijs, & immunitatibus à Sede Apostolica concessis gaudent, eorum aliqua relata in Bullario Rodrig. hic referenda sunt. Primò enim Urban. II. anno 1092. in Bulla *cum vniuersis*. Cauense Cœnobium Ordinis S. Benedicti multis privilegijs decorauit, & inter alia quòd ab omni tam sæcularis, quàm Ecclesiasticæ personæ iugo liberum esset decreuit, quod qualiter accipiendum tom. 1. cap. 3. est dictum. Item Gregor IX. in Bulla *Apostolica Sedis benignitas* Abbati S. Facundi Ordinis S. Benedicti concessit, quòd ipse, & eius successores indumenta Sacerdotalia Monasterij benedicere, ac Monachos, & Clericos sæculares Monasterio ipsi pleno iure subiectos vsque ad Acolytatus Ordinem promouere posset. Circa quod vide dicta tom. 1. cap. 14. num. 13. & cap. 18. num. 65. Deinde Nicolaus III. in Bulla *Deuotionis vestre* eidem Abbati S. Facundi concessit, vt possessiones, & alia bona, mobilia, & immobilia, quæ essent Religiosorum antequam Religionem professi essent, feudalibus dumtaxat exceptis, possent petere, recipere, & retinere. De qua materia infra cap. 18. Eidem etiam Abbati S. Facundi Benedictus 12. in Bulla *Deuotionis vestre* Cælestini III. Bullam confirmando indulget, vt non liceret alicui personæ præter Romanum Pontificem, aut Legatum Cardinalem,

eos

eos excommunicare, aut interdicare, & quod tempore interdicti generalis eis liceret in Ecclesijs suis, exclusis excommunicatis, & interdictis, clausis ianuis, non pulsatis campanis, suppressa voce, clericis, & familijs ipsorum diuina officia celebrare, & debita peragere sepulturæ, & quod liberi essent à decimis certis soluendis, nec aliquis ædificaret infra Parochias Ecclesiarum ad dictum Monasterium pertinentium absque Abbatis consensu. Item Martinus V. in Bulla *In decore* Conuentui S. Benedicti Vallisoletani concessit exemptionem à cognitione, siue executione quorumcumque negotiorum, seu commissionum, dummodo ad fidem Catholicam non pertinerent. Maxime Eugenius IV. eidem Monasterio S. Benedicti Vallisoletani magna priuilegia concessit circa absolutionem Monachorum, & dispensationem cum eisdem, quæ tamen prætermitto quia solum viuæ vocis oraculo concessa videntur, & concessiones huiusmodi hoc tempore vacant, iuxta dicta tom. 1. cap. 3. num. 21. Item in Bulla *Iniunctum nobis* facultatem tribuit recipiendi reliquias à quibuscumque personis. Item in Bulla *Dispositione diuina* Congregationi S. Iustinæ facultatem tribuit recipiendi quasque donationes, seu legata multa etiam eidem Ordini S. Benedicti idem Pontifex statuta dedit, & priuilegia magna concessit, vt patet ex pluribus eiusdem Pontificis diplomatis in eodem Bullario Rodriguez in Eugen. IV. item Calixtus III. eidem Conuentui Vallisoletano indulta dedit circa contributiones de bonis ipsius in Bulla *Speciali gratia*. Alexand. VI. Monasterio Montisserrati priuilegium concessit in Bulla *Sane merita &c.* vt in dicto Monasterio immediatè post duas horas post mediam noctem Missas celebrare possent. Hoc tamen priuilegium vacare videtur hoc tempore propter declarationem S. Congregationis adductam tom. 1. cap. 21. num. 2. Clem. VII. eidem Congregationi Vallisoletanæ in Bulla *Deuotionis augmentum* priuilegia indulgit circa contributiones, & partitiones decimarum ipsis Monachis non auditis non faciendas. Paulus III. in Bulla *Exponi nobis* Congregationi eidem magnum etiam priuilegium concessit circa absolutionem, & dispensationem faciendam cum subditis prima die lunæ Quadragesimæ. Pius V. in Bulla *Décet ex benigno &c.* facultatem concessit Congregationi Cassinensi alienandi eius bona. Quod tamen priuilegium hoc tempore vacat, propter dicta tom. 1. cap. 10. à num. 1. Deinde Sixtus V. in Bulla *Iniunctum nobis* amplam communicationem priuilegiorum Congregationum Cassinensis, &

H

Valliso-

Vallisoletanæ, & ordinum S. Hieronymi, & Cisterciensium Congregationi S. Benedicti in Lusitania concessit, extendit etiam hoc privilegium idem Pontifex ad litteras conservatorias dictarum Congregationum, & Religionum in alia Bulla *Alias si quidem*. Pariter Clem. VIII. in Bulla Romanus Pontifex Congregationi S. Benedicti Vallisoleti communicavit privilegia Ordini concessa. Vide etiam alia privilegia Abbatibus horum Monachorum concessa apud Barbosam in *collect. Bullar. verb. Abbas* 3.

26 Pariter etiam pro Ordine Cisterciensi Innocent. IV. in Bulla *Cum à nobis petitur* &c. illis concessit ne quisquam infamiliares, servientes, ac benefactores Ordinis illius seu in eos, qui molunt in molendinis Monasteriorum, vel coquunt in furnis illorum, seu alias cum Monachis communicant excommunicationis sententiam promulgaret, & si talis excommunicatio proferatur, irrita sit, & inanis. Loquitur autem Pontifex de illis qui in fraudem privilegiorum dicti Ordini à Sede Apostolica concessorum id faciunt. Vide dicenda cap. 16. de familiaribus Regularium. Item idem Pontifex Innocentius IV. in Bulla *Cum nuper duxerimus*, declarat decretalem ab ipso editam de exemptis ratione delicti, seu contractus, aut rei de qua contra ipsos agitur rite posse coram Ordinarijs conveniri intelligendam esse sine præiudicio libertatum, & immunitatum Ordinis Cisterciensis. De qua materia dictum est tom. 1. cap. 3. num. 8. & cap. 11. à num. 2. præsertim num. 10. Concessit etiam eisdem Cisterciensibus idem Pontifex, & postea id ipsum confirmavit Pius II. ut possessiones, & alia bona mobilia, vel immobilia exceptis feudilibus quæ personas Fratrum professionem facientium si remanissent in sæculo ratione successionis, vel quocumque alio iusto titulo contigissent petere, ac retinere libere valerent. De quo etiam cap. 18. dicitur. Postea Alexand. IV. in Bulla *Deuotionis vestrae*, ipsimet Cisterciensibus concessit, quod in grangijs, & locis, quæ adeò distant ab Ecclesijs Parochialibus, quod ad eas pro audiendis diuinis Officijs non possent commodè habere recursum, liceret illis, dummodo Parochiani earundem Ecclesiarum non interessent diuina celebrare sine præiudicio iuris alieni. de quo vide dicta tom. 1. cap. 21. num. 15. Item idem Pontifex in Bulla *Præclara Religionis*, ut nullus ipsorum posset alij alterius Religionis, vel Presbytero sæculari confiteri absque sui Abbatis licentia. De quo tom. 1. cap. 18. num. 26. Præterea ipse Pontifex eisdem Cisterciensibus concessit in Bulla

Bulla *Circa sacrum* , ne tenerentur quibuscumque Nuncijs , Archiepiscopis , vel Episcopis quascumque procuraciones pecuniarias solvere . Prohibuit etiam isdem Pontifex in Bulla *Virtutum meritis* appellationem extra Ordinem , de quo etiam *tom. 1. cap. 9.* est dictum . Insuper Urbanus IV. in Bulla *Devotionis augmentum* eisdem Cisterciensibus concessit , quod tempore interdicti possent , excommunicatis , & interdictis exclusis , diuina officia etiam alta voce , apertis ianuis , & pulsatis campanis in Monasterijs , quæ à secularium habitacionibus remota sunt celebrare . De quo dictum est *tom. 1. cap. 21. num. 19. & 20.* Item Greg. X. anno 1275. in Bulla *In vestitu deaurato* post egregiam Ordinis Cisterciensium commendationem , eum à decimarum extraordinariarum , & exactionum onere liberauit . Vide dicta *tom. 1. cap. 3. num. 14. & 15.* Præterea Nicolaus III. in Bulla *Honestis desiderijs* , ipsis indulgit , vt possent audire confessiones pauperum infirmorum , qui ad Hospitalia infra septa Monasteriorum deputata confluunt per aliquem , vel aliquos idoneos Monachos deputandos , eisdemque Ecclesiastica Sacramenta ministrare . Vide dicenda hoc 2. *tom. cap. 6. de Hospitalarijs* . Item Bonifac. VIII. in Bulla *Series oblata* inhibuit ne aliqui Prælati cum ipsos in Ecclesijs Monasteriorum Cisterciensium solemnia celebrare contigisset , possent oblationes tempore celebrationis factas à Monasterijs ipsis asportare , sed eas ibi dimittere . Item in Bulla *Ad augmentum* , concessit , vt Prælati ipsorum possent ad correctionem Monialium procedere , rimulis , & apicibus iuris postpositis , appellatione interdicta . vide dicta *tom. 1. cap. 18. num. 16.* Et in Bulla *In Ecclesia fundamento* eos à decimis , & primitijs soluendis exempt . Item Clem. VI. in Bulla *Militanti Ecclesia* , tres Abbates , Iudices , Conseruatores deputauit pro defensione rerum mobilium , & immobilium iurisdictionum , & possessionum eorundem Cisterciensium . De qua materia infra *cap. 10.* Urban. V. in Bulla *Sacre vestre* illis indulgit , quod in castris , & fortalitijs , ad quæ tempore belli recurrerent in locis tamen congruis , & honestis , erigere possent Altare portatile , & ibi Missas , & diuina Officia celebrare . Vide dicta *tom. 1. cap. 21. num. 14.* Item Martinus V. in Bulla *Mitilanti Ecclesia* amplum priuilegium illis concessit circa exemptionem à decimis soluendis . Ioannes XXIII. in Bulla *etsi quibuslibet* , priuilegia à Summis Pontificibus Prædecessoribus eisdem concessa confirmauit . Eugenius IV. in Bulla *Iniunctum nobis* . Reformatori Ordinis Toletæ , & successoribus

magnam etiam facultatem concessit circa absolutionem, & dispensationem dandam Religiosis. Quibus etiam in alijs Bullis magna quoque privilegia indulgit, statutaque dedit. Sixtus IV. in Bulla *Sacrofancta* magnum etiam privilegium eisdem Cisterciensibus, eorumque familiaribus continuis, Procuratoribus &c. concessit circa absolutionem eorum in mortis articulo. Præcipuè Gregorius XIII. in Bulla *Superna dispositione* circa ipsorum reformationem plura statuta fecit, privilegiaque concessit. Item Gregorius XIV. in Bulla *Romanus Pontifex*, amplissimam extensionem privilegiorum aliarum Congregationum Congregationi S. Bernardi Hispaniarum communicavit. Bullarium Rodriguez *tom. 1. & 2.* in præfatis Pontificibus.

27 Prohibitum tamen illis est in Regnis Castellæ, & Legionis ab Alexandro VI. in Bulla *Romanus Pontifex* in Bullario Rodriguez *tom. 1. Bulla 14.* inter Bullas huius Pontificis ne prætextu Cruciatæ, aut aliarum quarumcumque litterarum Apostolicarum confessorum eligere absque licentia Superiorum suorum possent. Vnde comprehenduntur in doctrina tradita *tom. 1. nostra summæ cap. 19. num. 29.* Idem ordinatum esse videtur à Julio III. pro Congregatione S. Benedicti Vallisoletani in Bulla *Suadet*, in Bullario Rodriguez *tom. 1. num. 5.* in Julio III. Quibus adde decretum S. Congregationis in causa Castellæ, & Portugaliæ, ubi id decernitur de Bulla Cruciatæ generaliter pro omnibus Regularibus utriusque sexus quoad casus referatos, apud Barbosam in *collectan. Bullarj verbo Cruciatæ.*

28 Carthusiani ab Alexandro III. in Bulla *Cum vos* in 1. tomo Bullarj Laertij Cherubini num. 17: approbati sunt, sub protectione Sedis Apostolicæ suscepti, & in possessionibus quas habebant confirmati. Prohibuit etiam Pontifex sub anathematis pœna, ne quis intra terminos ipsorum hominem capere, furtum, seu rapinam committere, vel homicidium facere auderet, aut homines ad domos illorum venientes, vel ab eis redeuntes quomodolibet perturbare. Quod privilegium quantum ad capturam hominum, si intelligatur de delinquentibus, correctum à Greg. XV. videtur, iuxta dicta *tom. 1. cap. 18. num. 83.* concessit etiam eisdem, ut infra dimidiam leucam à terminis possessionum quas habent nullus Religiosus quodlibet ædificium constituere, vel possessiones adquirere posset. Contrarium tamen apparet Romæ ubi multa Cœnobita Regularium intra dictam mediam leucā reperiuntur. Item Honor. III. in Bulla *Cum dilecti.* in eodem tom. 1. Bullarj Laertij num. 3. ne ab

ne ab aliquibus temerè molestantur ad calumniæ iuramentum, vel ferendum testimonium cogere præcepit. Vide dicta tom. 1. cap. 11. num. 24. Greg. IX. in Bulla *quoties à nobis* in eodem 1. tomo Bullarij nu. 3. oblatos Carthusiensis Ordinis etiam sub protectione S. Petri. Suscepit, & eisdem libertatibus, & immunitatibus quibus ipsi gaudent gaudere decrevit. Pro quo vide dicenda hoc 2. tom. cap. 8. Item Urbanus V. in Bulla *Sincera* in eodem 1. tomo Bullarij num. 2. facultatem tribuit utendi Altari portatili pro celebratione Missarum in locis ad Ordinem spectantibus. Pro quo indulto, vide dicta tom. 1. cap. 21. num. 14. Præterea Bonifac. IX. in Bulla *Sacrofancta* eodem tomo, 1. Bullarij num. 3. ipsos exemit à iurisdictione, visitatione, & correctione Episcoporum, & aliorum omnium. Pro quo etiam, vide dicta tom. 1. cap. 3. num. 8. & cap. 11. à num. 2. Martinus V. in Bulla *fons parvulus* in eodem tomo 1. Bullarij num. 4. illos à solutione primitiarum, & decimarum exemit. De quo, vide dicta tomo 1. cap. 3. num. 15. Gregor. XI. concessit eisdem, ut omnia priuilegia Domui Carthusiæ Gratiopolitanae, & alijs domibus concessa ad alias domos in posterum ædificandas extenderentur. Quam etiam extensionem, & expressionem concessit illis Pius II. Casarubius in *Compend. priuileg. Mendic. verb. communicat. priuileg. nu. 36. & 37.*

29 Aliarum Congregationum Monachorum priuilegia non refero quia etsi illas magna veneratione dignas æstimem, ipsorum tamen priuilegia fere similia sunt ijs, quæ ex Basilianis, Benedictinis, Cisterciensibus, & Carthusianis sunt relata.

30 Non potest Monachus locum habere in duobus Monasterijs. Ita enim deciditur in cap. *ne nimia de Religios. domib.* Tunc autem dicitur habere locum in duobus Monasterijs quando in utroque habet vocem in Capitulo, & sedem in choro. Azorius tom. 1. *insit. moral. lib. 12. cap. 19. §. 12. Queritur.* Nec quando Monachus eligitur in Abbatem alterius Monasterij potest in suo habere vocem, & locum, nisi illa Monasteria sint annexa. Abbas in cap. 1. *de priuilegijs.* Azorius ut supra.

31 Is qui præest Monachis debet per se, vel per alium vulgari sermone Regulam exponere in Capitulo. Ita enim habetur in Clement. Ne in agro de statu Monachorum illis verbis *Regula quoque cum in Capitulo legitur ab illo qui præest, ipsi Capitulo, vel alio, cui hoc ipse iniunxerit propter iuniores vulgari exponatur.* Vbi vnum supponitur videlicet Regulam legi in Capitulo, aliud verò præcipitur, scilicet eam exponi debere

debere in vulgari sermone propter iuniores.

32 Tenentur ad silentium seruandum Monachi in Oratorio, Dormitorio, & Refectorio; in clauſtro verò ad certas temporum horas. Ita enim habet Innocentius 111. in *cap. cum ad Monasterium de statu Monachorum*. In Oratorio verò Refectorio, & Dormitorio continuum semper silentium obseruetur, in clauſtro quoque certis horis, & locis. Hanc verò obligationem non esse sub mortali certum est cum nunquam tam rigorosè sit recepta. Grassis in 2. par. *decis. lib. 3. cap. 22. num. 1.* An verò sit sub veniali, licet in rigore. Iuris ita sit dicendum, cum sit præceptum Pontificium, ad communem tamen acceptiorem Religionum attendendum est, iuxta dicta *tom. 1. cap. 7. à num. 10.* Hæc autem obseruantia maiorem obligationem inducere videtur Carthusianis, quam alijs Monachis.

33 Prohibitum est Monachis in iure carnes comedere sine causa rationabili, & assensu Abbatis, ex *cap. carnem de consecrat. d. 5. & cap. cum ad Monasterium de statu Monachorum*. Grassis 1. par. *decisionum lib. 3. cap. 5.* non tamen videtur hoc præceptum obligare ad mortale nisi quando quis carnes edit ex contemptu Regulæ, vel contra speciale Superioris præceptum. Siluester *verb. Religio. 7. q. 14.* Grassis *ut supra*. secus dicendum de Carthusiensibus propter magnum rigorem, quo hæc obseruantia apud illos habetur. In Monasterijs autem aliorum Monachorum, in quibus consuetudo habet quod comedantur carnes, scientibus Superioribus, & patientibus sine villo peccatoid sit. Censetur enim consuetudine immutatam esse iuris dispositionem. Grassis *ut supra num. 10.* De vsu linearum. Vide dicta *tom. 1. cap. 9. num. 21.* Et nota illud præceptum præcipuè dirigi ad Monachos in prædicto *cap. cum ad Monasterium*. Similiter de obligatione confitendi semel in mense, vide *ibid. nu. 22.*

34 Tenentur Monachi prima Dominica cuiuslibet mensis in Monasterijs venerabile Sacramentum sumere, nisi ex causa (quam Abbati, aut Priori, aut Pœnitentiarijs Monasteriorum aperiant) abstineant ad eorum arbitrium. Ita enim decernitur in *Clem. ne in agro de statu Monachorum, Azor. to. 1. instit. moral. lib. 12. cap. 19.* Aduertens etiam hanc legem cum sit humana, consuetudine abrogari posse. Vbi autem consuetudine abrogata non fuerit, obligat ad culpam cum sit præceptum Papale in illa Clementina. Addit esse mortale Iacobus Grassis in 1. par. *decis. l. 2. c. 38. n. 36.* Sed non credo cum tanto rigore acceptam esse hanc legem saltem apud omnes. Ipsi tamen viderint.

Teneri

35 Teneri accedere ad processiones publicas, & generales, imò ad id compelli posse ab Episcopo Monachos quantumvis exemptos, habetur ex declarationibus S. Congregationis apud Barbosam in Collectan. Bullar. verbo Monachus 1. Verumtamen, si de illis, aut earum sensu certò non constat, poterunt Monachi, uti consuetudine legitime præscripta.

36 Monachorum Abbates non omnes consecrandi, aut benedicendi sed ij tantum qui suæ Ecclesiæ more consecrari, aut benedici solent. *ex cap. alienationes 12. q. 2.* Sunt enim Abbates quidam benedicti, alij non benedicti, ut ex usu constat, & colligitur, *ex cap. 1. de supplend. neglig. Pralat. Suarez 4. tom. de Relig. tract. 8. lib. 2. cap. 29. num. 2.* Hæc porrò benedictio, seu consecratio, etsi decentius die Dominica dari debeat, alijs tamen diebus in quibus Minores Ordines conferuntur dari potest, cum non sit tanta quanta Episcopi, nec maior quam Ecclesiæ, vel altaris consecratio, quæ tamen alijs diebus quam Dominicis fit, *cap. tua de consecrat. Ecclesiæ, vel Altaris.* Azorius *tom. 1. instit. moral. lib. 12. cap. 20.* Non reiteratur hæc benedictio, quia etsi characterem non imprimat, æquiparatur tamen in hoc benedictioni nuptiali, & alijs benedictionibus Ecclesiasticis quæ circa eandem rem permanentem non iterantur. Nauarrus *consil. 2. de stat. Monachorum.* Suarez *ut supra.* Vnde à S. Congregatione declaratum est, quod Abbas semel benedictus cum usu birreti si transferatur ad aliam Abbatiam habentem usum mitræ, non indiget alia benedictione, sed potest per seipsum mitram capere. Barbofa *in collect. Bullar. verb. Abbas 1.* Fit hæc benedictio Abbatis post electionem, & confirmationem ipsius, sicut consecratio Episcopi quæ etiam fit post electionem, seu designationem, & confirmationem. Azorius *ut supra.* Vnde Abbas non constituitur per benedictionem sed per electionem, & confirmationem; benedictio enim se habet, ut quoddam ornamentum, seu consecratio personæ in ea dignitate constitutæ. Suarez *ut supra.* Fit benedictio Abbatis ab Episcopo, duobus assistentibus Abbatibus, vel sine Episcopo à tribus. minimum Abbatibus, uti consuetudine habetur. Silvester *verbo Abbas q. 1. Layman. in Theolog. moral. lib. 5. tract. 9. cap. 13. §. unico. num. 17.* Video tamen declaratum dici à S. Congregat. quod solum ab Episcopo recipere debeat benedictionem. Barbofa *in collectan. Bullar. verbo Abbas 1.* ideo cautè procedendum. Possunt autem illi solemnem benedictionem impertiri populo in Ecclesijs ad ipsos pleno iure spectantibus post Missarum perfecta sacrificia, post vespertinas preces,

preces, aut matutinas decantatas, non autem alibi publicè, aut per vias, Ciuitates, aut Castella, vel Villas. *ex cap. Abbates de priuileg. in 6.* Pro quo video priuilegium Cælestini V. & Eugenij IV. Cælestinis concessum, vt Abbas de Sulmona, eiusque successores ad Missas in Conuentibus benedictionem solemnem facere possent, dummodo ibi non sit præsens aliquis Episcopus, vel Superioris status persona. Bullarium Rodriguez *tom. 1. Bulla 18. in Eugen. IV.* Vide etiam priuilegium Innocent. VIII. pro aliquibus Abbatibus Cistercij, de quo infra. Azorius *tom. 1. instit. moral. lib. 12. cap. 20.*

37 Possunt etiam aliqui ipsorum, tonsuram, & minores Ordines conferre, iuxta dicta, & cum conditionibus assignatis, præsertim ex decreto Sacræ Congregationis *tom. 1. nostre Summa cap. 18. num. 64. & 65.* De quo etiam Suarez *4. tom. de Relig. tract. 8. lib. 2. cap. 29.* Barbosa *in Collectan. Bullarj verb. Abbas 1.* Extat etiam concessio Innocentij VIII. pro Abbate Cistercij, & quatuor primis Coabbatibus eius in Bulla *exposcit* in Bullario Rodriguez *tom. 1. inter Bullas Innocent. VIII. num. 5.* quæ illis concedit facultatem dandi quatuor minores Ordines suis subditis, & quod magis est Subdiaconatus, & Diaconatus ordines. Sed hæc facultas à Concilio Tridentino *sess. 23. cap. 8. & 10.* maximè 12. sublata videtur. Rodriguez *tom. 1. quest. Regular. q. 18. art. 3. & 4.* Declaratum etiam est à S. Congregat. Concilij Abbatem habentem priuilegium faciendi ea omnia, quæ spectant ad Episcopum non posse chrisma conficere, nec sacros Ordines conferre. Barbosa *in Collectan. Bullar. verb. Abbas 1.*

38 Possunt item Abbates iura Episcoporum præscribere legitima consuetudine quantum ad iurisdictionem, non quantum ad potestatem Ordinis *ex cap. aqua de consecrat. Eccles.* Azorius *tom. 1. instit. moral. lib. 12. cap. 20.* Non tamen teneri Monachos associare, & reassociare eorum Abbates sicut tenentur facere Canonici cum Episcopis, dum ad Ecclesiam veniunt solemniter celebraturi, habetur ex declaratione S. Congregationis apud Barbosam *in Collectan. Bullar. verb. Monachus 1.*

39 Abbas Cistercij, & quatuor primi Coabbates eiusdem Ordinis habent priuilegium ad vtendum mitra, & annulo, & alijs Pontificalibus insignijs. Ita enim supponitur in Bulla Innocent. VIII. *exposcit* in Bullario Rodriguez *tom. 1. Bulla 5. Innocent. VIII.* quamuis hic Pontifex nihil circa hoc illis concedat. Vnde Abbates alij insulati, alij non insulati dicuntur, de quibus Layman *in Theolog. moral. lib. 5. tract. 9. cap. 13. S. unico num. 14.*

num. 14. Nota tamen ex decisione S. Congregationis a pud Barboſam vt ſupra, Abbatem licet exemptum, & habentem priuilegium vſus pontificalium, non poſſe illis vti extra Monasterium niſi de licentia Ordinarij. Inſuper, Abbatem in proceſſionibus extra ſuam Eccleſiam, & Conuentum non poſſe vti Mitra, & baculo, nec etiam ante ſe deferri facere. In vſu tandem huius priuilegij attendendum maximè conſuetudini legitime.

40 Abbates qui priuilegio, vel conſuetudine deferre ſolent Episcoporum inſignia ceteros Abbates eis inſignibus carentes præcedere debent. *ex cap. vt Apoſtolica de priuileg. in 6. Nauarr. conſil. 1. num. 5. de maiorat. & obedient.*

41 Abbas cuius abbatiam ad nullam pertinet Diœceſim, & propria Episcoporum habet iura, Ordinarij nomine gaudet. Quia in iure nomen Ordinarij niſi aliud exprimitur non ſolum Episcopis, ſed etiam inferioribus Clericis competit. Gloſſa in *cap. Ordinarij de offi. Ord. 1. in 6. Nauarrus conſil. 5. de ſponſ.* Nomine autem Diœceſani non venit. Quia hæc vox tantum Episcopos ſignificat. Gloſſa in *Clem. 1. de iure patron. in verb. Diœceſani.* Nauarrus vt ſupra.

42 Poſſunt etiam Abbates, iuxta dicta *tom. 1. cap. 18. num. 57.* benedicere veſtes Sacras, & ornamenta Altaris in quibus chriſma non interuenit. Suarez *tom. 4. de Relig. lib. 2. cap. 30.* Barboſa in *Collectan. Bullarij verb. Abbas 1.* Sed huiusmodi facultas quantum ad paramenta pro extraneis benedicenda ablata eſt, iuxta dicta *pred. nu. 57.* Vide etiam Barboſam loco relato.

43 Abbates Regulares habentes iuriſdictionem criminalem in Clericos etiam ſæculares non comprehenduntur decreto Conc. Trident. *ſeſſ. 24. cap. 20. verſu Ad hæc* vbi eſt ſermo de cauſis criminalibus ab Episcopis tractandis. Ita enim deciſum refertur à S. Congreg. Barboſa vt ſupra.

44 Abbates, Præpoſiti, & Abbatiffæ vitam Regularem ducen- tes non tenentur Episcopo rationem reddere. Ita enim deciſum etiam refertur à S. Congregat. teſte Armendariz in *addit. ad recopilat. leg. Nauarra l. 1. tit. 18. lib. 8. num. 79.* Attendenda tamen in hoc eſt Conſtitutio Gregor. xv. *de exemptor. priuileg.* de qua *tom. 1. cap. 25. num. 45.* quam pro Regnis Hiſpaniarum ſuſpenſam eſſe ibidem dixi.

45 Abbates Abbatiffæ carentis cura, & Conuentu non ſunt cogendi reſidere. Ex declaratione S. Congregat. teſtibus Garzia de *benefic. par. 3. cap. 2. num. 179. in 9. declarat.* Armendariz in *addit. ad recopilat. leg. Nauarrae lib. 2. tit. 23.*

SUMMARIVM CAP. III.

Canonici Regulares unde dicti. num. 1.

Dicuntur etiam à canonici. num. 2.

Habet eorum Religio beneficia Ecclesiastica, simplicia, Canonicatus, Abbatias, Preposituras, Personatus, Prioratus, officia, administrationes &c. nu. 3.

Sunt eiusdem Religionis ij qui Ecclesijs inseruiunt, & qui Monasterijs assystunt. nu. 4.

Sunt verè, & essentialiter Religiosi, propter tria vota, quæ emittunt. num. 5.

Eorum tamen Religio laxior habetur quàm Monachorum. ibid.

Nomine Monachorum comprehenduntur in fauorabilibus, non autem in odiosis, & pœnalibus. nu. 6.

Item quoad ea, quæ per se solum respiciunt substantiam, vel decentiam status Religiosi. nu. 6.

Institutum eorum per quod à Monachis distinguuntur est vacare officijs, & ministerijs diuinis. num. 7.

Sunt enim verè Clerici. num. ibid.

Monachorum porro institutum est vacare vita solitaria, quieti, silentio &c. ibid.

Monachorum Religio est austerior. ibid.

Canonicorum verò perfectiorem habet finem. ibid.

Quomodo differant à Mendicantibus. ibid.

Quomodo à Clericis Regularibus. ibid.

Licitus est transitus Regulariter loquendo, ex Canonicis ad Monachos. num. 8.

Præcedunt Monachos. num. 9.

Gaudent pluribus privilegijs à Sede Apostolica illis concessis. num. 10.

Prohibentur medicinam, vel leges audire. num. 11.

Prohibentur etiam munus advocati exercere. nu. 12.

Si non adsint due conditiones, scilicet præceptum Superioris, & utilitas Monasterij. ibid.

Iubentur in una domo habitare, ad mensam communem edere, & sub eodem tecto dormire. n. 13.

An obligentur ad confessionem saltem semel in mense, communionem prima Dominica mensis, legendum, & exponendum vulgari sermone Regulam in Capitulo. num. 14.

Non est illis interdictum comedere carnes sicut Monachis. num. 15.

Possint habere beneficia Regularia, & qualia, aut quomodo. num. 16.

Accipien-

Accipientes, vel retinentes aliquod beneficium requirens residentiam tenentur residere. num. 17.

Canonici Ecclesia Cathedralis Regularis capaces sunt, ut sint delegati ad exequendas litteras Pontificias, quæ à personis in dignitate constitutis exequenda necessariò sunt. nu. 18.

Possunt ad eas dignitates extra Ordinem promoueri, ad quas Monachi. num 19.

Ad beneficia autem curata requiritur Sedis Apostolicæ licentia. ibid.

Si sine illa sint poterunt ab Episcopis remoueri. ibid.

Tenentur Canonici Regulares Ecclesiarum Cathedralium professionem fidei facere. num. 20.

Alioquin fructus non faciunt suos. ibid.

Nequeunt esse compatrini. num. 21.

Nec possunt admittere feminas intra Monasteria. nu. 22.

An verò in priuatis domibus. ibid.

An prohibitio de non assistendo agitationibus taurorum illos tangat. num. 23.

An prohibitio non tenendi arma intra septa Monasterij. nu. 24.

Munus Procuratoris exercere non possunt, nisi duabus conditionibus concurrentibus, scilicet Superioris licentia, & utilitate Monasterij. num. 25.

Nec etiam possunt procuratorem constituere, aut substituere. num. 26.

Subornatio pro electionibus prohibita est Canonici S. Saluatoris. num. 27.

De qua subornatione id intelligatur. ibid.

An puniantur ab Episcopis seruientes Parochialibus Ecclesijs unitis suis Monasterijs si delictum non concernens curam animarum non committant. num. 28.

An prediæ teneantur interesse diuinis officijs, quæ diebus Sanctorum Patronorum Ciuitatis in Ecclesia Cathedrali celebrantur. ibid.

An Episcopus possit Ecclesias Parochiales illis unitas visitare, etiam si Generalis ibi sedem habeat. num. 29.



De Regularium Canonicoꝝ specialibus iuribus,
privilegijs, & obligationibus.

Cap. III.



1 **C**ANONICI Regulares sic dicuntur quia non solum Apostolorum Canonem, seu Regulam in commune sua bona conferendo sequuntur, propter quod vocantur Canonici, sed etiam quia instar Monachorum, & aliorum Regularium tria vota emittunt, & se Deo arctius obligant, propter quod Regulares nuncupantur, & coniunctim Canonici Regulares appellantur, ut distinguantur ab alijs Canonici non Regularibus, sed secularibus. Couarrubias in *Clement. si furiosus de homicidio par. 1. nu. 1.* Azorius *to. 1. instit. moral. l. 12. c. 22.*

2 Dicuntur etiam Canonici à canonia, quæ est spirituale ius, ratione cuius aliquis habet stallum in Choro alicuius Ecclesiæ, & locum in Capitulo, ut colligitur *ex cap. dilecto de præbendis.* Suarez *tom. 4. de Relig. tract. 9. lib. 1. cap. 9. num. 6.*

3 Habet hæc Religio beneficia Ecclesiastica, simplicia, Canonicatus, Abbatis, Præposituras, Personatus, Prioratus, officia administrationes &c. Azorius *tom. 1. instit. moral. lib. 12. cap. 22. §. septimo queritur.* Lauretus de Franchis in *controuers. Episcoporum. & Regular. in quest. q. 87.* De quibus aliqua dicemus tum in hoc capite, tum in c. 18.

4 Sunt eiusdem Ordinis, & Religionis ij qui Cathedralibus Ecclesijs inseruiunt, ac ij, qui Monasterijs assistunt. Cum eundem habitum gerant, & eandem professionem emittant. Augustinus Ticinensis in *propugnaculo Canonici Ordinis par. 3. cap. 5.* Rodriguez *to. 3. quest. Regul. q. 49. ar. 3.*

5 Sunt verè, propriè, & essentialiter Religiosi, si quidem promittunt tria essentialia Religionis sicut alij Regulares, sub approbata Regula, S. Augustini videlicet, & Constitutionibus, Rodriguez *tom. 1. quest. Regul. q. 1. art. 3.* Quamvis intragenus Religionis laxior habeatur hæc Religio, quàm Monachorum, ut habetur in *cap. quod Dei timorem de statu Monachorum.* Azorius *tom. 1. instit. moral. lib. 12. cap. 22.*

6 Quamvis dubium sit an nomine Monachorum comprehendantur, probabilius tamen est, quod in pœnalibus, & odiosis non

non comprehendantur, cum lex pœnalis, & odiosa stricte sit explicanda, bene tamen in fauorabilibus, propter oppositam rationem. Rodriguez *tom. 1. quæst. Regular. q. 1. art. 3.* Azorius *to. 1. instit. moral. lib. 12. cap. 22.* Idem dico de ijs quæ per se solum respiciunt substantiam, vel decentiam status Religiosi, in ijs enim nomen Monachi etiam extenditur ad Canonicos Regulares, vt constat *ex cap. ex parte de postulando.* Nauarrus *comment. 3. de Regularib. num. 4. & 41.* Suarez *4. tom. de Relig. tract. 9. lib. 1. cap. 7. num. 10.*

7 Institutum proprium Canoniconum Regularium per quod à Monachis distinguitur est vacare officijs, & ministerijs diuinis. Sunt enim, iuxta doctrinam S. Augustini, huiusmodi Canonici, Clerici, quorum proprium munus id est: Monachorum enim institutum est vitæ solitariae, quieti, silentio, & orationi incumbere, vt dixi *supra cap. 1. num. 10.* Suarez *4. tom. de Relig. tract. 9. lib. 1. cap. 7. a num. 6.* Sanchez *lib. 6. in decalog. cap. 7. nu. 20.* Etsi enim tam Monachi, quàm Canonici vitam contemplatiuam profiteantur, Canonici tamen sunt instituti ad contemplatiuam circa ministeria Ecclesiastica publica, Monachi autem ad contemplatiuam priuatam. Vnde Canonicis Regularibus per se inest Clericatus, Monachis autem quasi per accidens. Nauarrus *comment. 4. de Regularibus, num. 1.* Hinc oritur quòd vita Monachorum regulariter, seu ex suo genere sit austerior, quàm Canoniconum, in his quæ pertinent ad corporis tractationem, vt sunt victus, vestitus, lectus, & similia. Suarez *ibidem num. 9.* licet quoad essentiam, & substantiam suam Religio Canoniconum videatur perfectior quàm Monachorum, ratione perfectioris finis iam assignati. Idem Suarez *4. tom. de Relig. tract. 8. lib. 3. cap. 10. num. 7.* Differt autem illorum institutum à Mendicantium, quod Mendicantium Ordinum finis, vt dixi *cap. 1. num. 10.* est vacare tam actiue, quàm contemplatiue vitæ sub exercitijs vtriusque, Canoniconum verò finis non videtur includere aliquid de actiua vita, vel si illam includit, solum est secundario, & minus principaliter. Differt autem eorum finis, seu scopus, à scopo, & fine Clericorum Regularium, quia etiamsi isti ad diuinum quoque cultum in diuinis ministerijs, & officijs detineantur, sed id est ad modum simplicium Clericorum, & in simplici Ecclesia, vel simplici Superiori, non ad modum dignitatum, vel quasi dignitatum in Ecclesijs Cathedralibus, & sub Superioribus dignitatem specialem habentibus, prout contingit in Canonicis. Suarez *to. 4. de Relig. tract. 9. lib. 1. c. 8. n. 10.*

Hinc

8 Hinc etiam regulariter loquendo licitus est transitus ex Canonicis Regularibus ad Monachos, seruatis tamen ijs de quibus egimus *tom. 1. cap. 22.* est enim vt diximus Religio Monachorum austerior, & strictior, quàm Canonicorum, vt etiam habetur in *cap. quod Dei timorem ad finem de statu Monach.* Nec obstat quod in *c. mandamus 19. q. 3.* prohibeantur Canonici professi transire ad Monachos. Quoniam vt Glossa explicat id locum habet in ijs Canonicis qui leuitate animi, aut temeritate, aut facultate non petita transire volunt. Azorius *tom. 1. instit. moral. lib. 12. cap. 22. §. sexto queritur.* Sanchez *lib. 6. in decalog. cap. 7. num. 21.* Nisi dicatur cum alijs ideo prohibitum in illo cap. transitum Canonicorum ad Monachos, quia eorum Religio videatur perfectior, & habere perfectiorem finem, qui est ministerijs diuinis vacare, vt diximus, etiamsi sit minus stricta, & austerior. Vide Nicolaum à Iesu in sua Apologia proposuit, 61. & Layman in *Theolog. mor. lib. 4. tract. 5. cap. 6. n. 11.*

9 Ordo Canonicorum Regularium præcedit Monachis tum quia sunt Clerici, qui Monachis præcedunt, tum ex sententia Romæ à DD. Cardinalib. super hac controuersia data, & à Pio iv. confirmata. Nauarrus in *comment. 4. de Regularibus*, Barbosa in *collect. Bullar. verb. Canonici Regulares 15.*

10 Gaudent pluribus priuilegijs à Sede Apostolica illis concessis. Primò enim Sixtus iv. in Bulla *Dum ad vniuersos* in 1. tom. Bullar. num. 10. omnia priuilegia illis à prædecessoribus Summis Pontificibus, Imperatoribus, Regibus, & Principibus concessa confirmauit, & approbauit, alijs etiam de nouo concessis, de exemptione à iurisdictione quorumcumque, subsidij, & exactionum præstatione, & alijs immunitatibus. Specialiter eisdem concessit, vt contra bona ipsorum præscribi non possit, nisi spatio 60 annorum. De his, & alijs ipsorum priuilegijs Barbosa in *collect. Bullar. verb. Canonici Regulares 15.* Deinde Canonici Regulares Lateranenses à Gregor. xv. in Bulla *iniuncti nobis* 4. tom. Bullar. num. 33. Omnium priuilegiorum à prædecessoribus illis concessorum confirmationem obtinuerunt, dummodo tamen &c. & communionem gratiarum, & priuilegiorum Congregationis Cassinensis, & Congregationis Canonicorum Regularium S. Saluatoris Bononiensis. Barbosa vt supra verb. *Canonici Regulares Lateranenses 16.* Item Canonici Regulares Præmonstratenses à Ioanne xxii. in Bulla *In Apostolica* in 1. tom. Bullar. Rodriguez inter Bullas Ioann. xxi. num. 4. à solutione decimarum exempti sunt, & à Gregor. xiiii. in Bulla *Romanus Pontifex* in 2. tom. Bullar. eiusdem

eiusdem Rodriguez Bulla xv. confirmationem priuilegiorum Ordini concessorum obtinuerunt, quatenus tamen &c. Insuper à Clemens. VIII. in Bulla *Romanus Pontifex* in 2. tom. Bullarij prædicti Rodriguez num. 20. confirmationem priuilegiorum Ordinis, & communicationem priuilegiorum Ordinis Cisterciensium habuerunt. Præterea Canonici Regulares S. Saluatoris à Gregorio XI. in Bulla *Excitat nostra* in 1. tom. Bullarij num. 2. priuilegijs Ordinis Eremitarum S. Augustini, & Canonicorum Regularium decorati sunt. Alia etiam priuilegia habuerunt à Iulio II. Constitut. xxx. Quibus etiam postmodum à S. Congregatione concessum est uti posse birreto nigro loco albi. Barbosa in *collectan. Bullarij verb. Canonici Regulares S. Saluatoris* num. 18. Demum Canonici Regulares S. Crucis Conimbricensis præter alia priuilegia id specialiter habent, ut veniant appellatione eorum, qui in stricta clausura viuunt ad effectum ne ad publicas processiones accedere cogantur. Ob decretum S. Congregationis Concilij. Armendariz in *additionib. ad recopilat. legum Nauarrae lib. 1. tit. 14. libi 24. §. 31. de procession. num. 6.* Barbosa in *collectan. Bullar. verb. Canonici Regulares S. Crucis Conimbricensis* 19. ubi etiam alia de ipsis.

11 Prohibentur hi Canonici medicinam, vel leges audire, iuxta dicta tom. 1. cap. 9. num. 3. Hoc enim ius, ut testatur Glossa in cap. quod Dei timorem in verbo laxiori, & stat. Monachor. locum habet in Canonicis Regularibus perinde ac in Monachis. Azorius tom. 1. institut. moral. lib. 12. cap. 22. §. quinto queritur.

12 Prohibentur etiam munus aduocati exercere, iuxta dicta tom. 1. cap. 9. num. 12. ex cap. ex parte de postulando. præsertim quia tam indecens hoc apparet respectu Canonicorum Regularium, quam respectu Monachorum. Azorius tom. 1. instit. moral. lib. 12. cap. 12. §. quinto queritur. Hoc tamen intellige, si non adsint duæ conditiones, scilicet, præceptum Superioris, & utilitas Monasterij, illis enim concurrentibus poterunt Canonici munus Aduocati exercere, ut colligitur ex d. cap. ex parte de postulando. Sanchez lib. 6. in decalog. cap. 13. à num. 1. cum sequentibus.

13 Iubentur in vna domo habitare, ad mensam communem edere, & sub eodem tecto dormire. Colligitur ex cap. quoniam de vita, & honestate Clericorum. Glossa ibid. Azorius tom. 1. instit. moral. lib. 12. cap. 22. §. quinto queritur.

14 Obligantur etiam secundum quoddam sicut Monachi ea parte Clementinæ ne in agro de statu Monachorum S. sane singulis

singulis quæ sic habet sanè singulis mensibus tam in Monasterijs, quam extra, sublata occasione quacumque ad confessionem saltem semel accedant omnes, & singuli Monachi, & in prima Dominica mensis cuiuslibet in Monasterijs semper communicent nisi ex causa forte, quam Abbati, Priori, aut Pœnitentiarijs Monasteriorum non differant intimare, eorumque iudicio, vel abstineant, vel accedant. Regula quoque cum in Capitulo legitur ab illo qui præst, vel ab alio cui hoc ipse iniunxerit, propter iuniores vulgariter exponatur. Nouitijs etiam fidelis deputetur instructor, tam in diuinis officijs, quam in obseruantia Regulari. Hæc omnia vim, & locum habere in Canonicis Regularibus ait Oldradus consil. 222. quem sequitur Azorius tom. 1. instit. moral. lib. 12. cap. 22. §. quinto quaritur. Non videntur autem ad id maiori obligatione, quam ipsi Monachi altringi, sed æquali, vel simili, ac proinde eodem modo philosophandum de illis, ac cap. præc. n. 34. dictum manet.

15 Non est huiusmodi Canonicis interdictum comedere carnes, neque etiam eo modo, quo de Monachis dixi cap. præced. num. 33. Quia Canonicoꝝ Religio non petit istas austeritates. Azorius tom. 1. instit. moral. lib. 12. cap. 22. §. sexto quaritur.

16 Possunt habere, & de facto habent huiusmodi Regulares Canonici beneficia Regularia à Prælatis sui Ordinis concessa. De quibus qualiter conferantur, an sint vel non manualia, an in titulum, an duo simul eidem dari possint, & alia huiusmodi, dicimus in cap. 2. loquendo de Monachis, & dicemus cap. 18. Nota tamen prohibitionem S. Congregationis sub Greg. xiiii. quam assero ibidem num. 12. specialiter loqui de Canonicis Regularibus, ita scilicet, vt illis non liceat habere curam animarum, aut beneficium curatum etiam ad tempus sine licentia Papæ. Lauretus de Franchis in controuers. Episcop. & Regul. in quest. q. 86.

17 Accipientes autem, vel tenentes aliquod beneficium requirens residentiam in eo residere tenentur, vt ex multis canonibus elicitur cap. 1. 18. q. 1. cap. licet olim de priuileg. cap. ne pro cuiuslibet 16. q. 1. cap. si quis iam translatus cap. 25. q. 2. Clement. ne in agro §. sanè de stat. Monach. Rodriguez to. 3. quest. Regular. q. 53. art. 3.

18 Religiosi Canonici Ecclesiæ Cathedralis Regularis capaces sunt vt sint delegati ad exequendas litteras Pontificis, vel eius Legati quæ à personis in dignitate constitutis, vel Canonicis Ecclesiæ Cathedralis sunt necessariò exequendæ, iuxta

iuxta cap. *statutum in principio de rescriptis in 6.* Ratio est, quia cum ipsi sint veri Canonici, nomine Canonicoꝝ veniunt maximè in fauorabilibus, aliàs ratione Religionis eorum conditio deteriore esset. Abbas cap. *causam quæ num. 9. de iudic. Sanchez lib. 6. in decalog. cap. 13. num. 83.* Quod etiam intelligit casu quo Monachus ex legitima dispensatione esset Canonicus Ecclesiæ Cathedralis sæcularis, propter eandem rationem.

19 Possunt etiam ad eas dignitates extra Ordinem promoueri, ad quas, & Monachi, iuxta dicta cap. *preced. à nu. 4.* Id tamen maximè notandum, quod licet iure antiquo cap. *quod Dei timorem* sæcularia beneficia curata obtinere possent, dummodo si commodè fieri posset, socium Regularem secum haberent, Siluæter verb. *Religio 7. q. 3. & 4. Lessius lib. 2. cap. 41. num. 98.* propter dicta tamen cap. *precedenti num. 12.* ex decreto S. Congregationis, & praxi Curie Romanæ ad id requiritur Sedis Apostolicæ licentia. Vide pro hac praxi Gonzalez *de mensibus, & alternatiua Episcoporum. gloss. 7. à num. 53* Iuxta quæ Episcopus Monachos, & Regulares Canonicos, si absque tali licentia ad Parochias sæculares suo Monasterio non unitas promoti sint, inde remouere potest. Layman *in Theolog. moral. lib. 4. tract. 2. cap. 3. num. 11.* Possunt tamen isti Canonici sicut, & Monachi, iuxta dicta dicto cap. *precedenti*, de licentia suorum Superiorum, promoueri ad quæcumque dignitatem supràmam siue Episcopalem, siue etiam Papalem, præfecturam Collegij, regimen Hospitalium, munus Vicarij Episcopalis, & Episcopi Coadiutoriam. Neque enim video rationem cur Monachis id liceat non autem Canonicis Regularibus, præsertim cum isti minus austeram vitam profiteantur quam Monachi.

20 Canonici Regulares Ecclesiarum Cathedralium professionem fidei facere debent, iuxta decretum Concilij Tridentini *sess. 24. cap. 12.* alioquin fructus non faciant suos nec illis possessio suffragetur, prout in eodem Concilio ibidem dicitur. Barbosa *de offic. & potest. Episcopi allegat. 61. num. 6.* Forma autem huiusmodi professionis assignata fuit à Pio iv. in Bulla *Iniunctum nobis*, quam affert Sorbus *in fine Compendij priuileg. Mendicant.*

21 Prohibitio illa Compaternitatis, seu compatrinatus de qua tom. 1. cap. 9. num. 31. etiam extenditur ad Canonicos Regulares, ita vt illi (sicut nec alij Religiosi) non possint esse compatrini: Etsi enim hoc munus solùm interdicitur Monachis cap. *non licet, & c. Monachi de consecrat. dist. 4. & c. peruenit 48.*

K

quæst. 2.

quæst. 2. tamen quia quoties leges disponentes de Monachis fundantur in Religione, & non continent aliqua verba, quibus excludantur Canonici, comprehenduntur ipsi Canonici, ideo in hac etiam prohibitione comprehenduntur. Nauarrus *comment* 4. de Regularib. num. 65. Rodrig. to. 1. *quæst.* Regul. q. 31. art. 2.

22 Comprehenduntur etiam in communi illa prohibitione Religiosis facta de non admittendo feminas intra Monasteria, de qua *tom.* 1. *cap.* 10. num. 9. Lex enim, finis, & ratio legis illos comprehendit. Nauarrus *comment.* 4. de Regularib. num. 65. Rodriguez *tom.* 1. *questionum* Regul. *quæst.* 48. art. 4. Sanchez *lib.* 6. in *decalog.* *cap.* 17. num. 31. Si tamen Canonicus aliquis Regularis in domo aliqua priuata etiam Monasterio contigua habitaret, tunc mulier honesta, ac suspicione carens illi posset in ea domo inferuire, quia nullus est textus id interdicens, nec illa domus est verè Monasterium. Nauarrus, Rodrig. & Sanchez relati.

23 Pari etiam ratione comprehendi videntur in prohibitione de non assistendo agitationibus taurorum fieri solitis, maximè in Hispaniarum Regnis; de qua *tom.* 1. *cap.* 10. num. 7. præsertim propter illa verba Clement. viii. *Ceterisque cuiuscunque Ordinis, & instituti Regularibus*, quæ etiam tangunt Canonicos istos, cum verè Regulares sint. Rodriguez to. 3. *quæst.* Regularium q. 68. art. 3.

24 Quamuis autem propter eandem rationem videretur ipsis prohibitum arma tenere sine licentia Abbatis intra septa Monasterij, & incidere in excommunicationem Clement. *ne in agro*, de qua *tom.* 1. *cap.* 9. num. 27. Nihilominus graues Doctores asserunt ipsos hac prohibitione non comprehendi, forsan quia non ita illis hoc indecens videtur sicut Monachis. Glossa in *dict.* Clement. Nauarrus in *man. cap.* 27. n. 139. Toletus in *summa lib.* 1. *cap.* 39. n. 6.

25 Expressius tamen est illis prohibitum munus Procuratoris obire, nisi duabus conditionibus concurrentibus, scilicet Superioris licentia, & vtilitate Monasterij. Cum enim *cap. Monachi cl.* 2. 16. q. 1. Monachis id prohibitum esset, & aliqui Canonici Regulares non de illis, sed tantum de Monachis id intelligi debere dicerent, Innocentius iii. in *cap.* 2. de postulando expressè determinat idem iudicium habendum esse de Canonicis, ac de Monachis quantum ad præsens. Idem enim constat ex Clement. *Religiosus*. Siluester *verb. aduocatus* q. 6. Sanchez *lib.* 6. in *decalog.* *cap.* 13. num. 1. Illis autem conditionibus concurrentibus pote-

poterunt procurare nedum in foro Ecclesiastico, sed etiam in seculari, vt colligitur ex cap. 1. & 2. de postulando. Sanchez vt supra num. 4.

26 Nec tantum non possunt huiusmodi Canonici munus Procuratorum exercere, nisi concurrentibus dictis conditionibus, sed neque possunt Procuratorem constituere, aut substituere, etiamsi per constituentem hoc sibi expresse fuerit commissum. Ita enim deciditur in Clement. Religiosus. Fundatur hæc decisio in eo quod Religiosus non habet velle, aut nolle, substituere autem est actus substituentis. Si autem adfit Superioris licentia possunt prædicti Canonici Procuratorem constituere, aut substituere. Ita enim colligitur ex prædicta Clement. Cum autem ibi nihil dicatur de vtilitate Monasterij sicut dicitur in prohibitione num. præcedenti adducta de munere Procuratoris non obeundo, videtur non requiri, & ita sine illa solum cum licentia Superioris posse id fieri. Glossa in Clement. Religiosus verbo substituere. Sanchez lib. 6. in decalog. cap. 13. num. 12.

27 Canonicis Congregationis S. Saluatoris præceptum est à Pio v. in sua Constitutione, quam confirmavit Gregor. xiii. sub pœna excommunicationis latæ sententiæ, ac priuationis perpetuæ vocis actiue, & passiuæ ne per sex menses ante electionem aliquis audeat pro se, vel pro aliquo quemquam subornare, vt refert Castellinus. de elect. can. Prælat. cap. 6. num. 9. De qua autem subornatione id sit intelligendum, vide dicta tom. 1. cap. 15. num. 24. & dicenda hoc tom. 2. cap. 12. nu. 31. & 35. Quod dixerim, quia si in hac Constitutione solum prohibeatur huiusmodi Canonicis subornatio, potest intelligi de subornatione praua, & iniqua, de qua dictis locis, non autem de bona, & honesta, de qua etiam ibidem. Si autem prohibeatur aliquis alius sermo, tractatus, aut ratiocinatio de electione futura, etiam comprehendetur bona, & honesta subornatio, quia ante prædictos sex menses non credatur conueniens. Mihi autem legere non licuit prædictam Constitutionem, & ideo sub hac distinctione loquor.

28 Declaratum est à S. Congregat. Eminentiss. DD. Cardinalium, Canonicum Regularem iussu sui Superioris degentem in ædibus Parochialis Ecclesiæ Congregationi vnitæ, in qua curam animarum exercet, & Sacramenta administrat, si delictum non concernens curam animarum, nec administrationem Sacramentorum commiserit, non posse ab Episcopo puniri vigore decreti Concilij cap. 3. sess. 6. de reformat. quasi extra Monasterium degat. Item, Canonicos Regulares curam

animarum exercentes in Ecclesijs vnitis eorum Monasterijs, non posse ab Episcopo compelli ad interessendum diuinis Officijs, quæ diebus Sanctorum Patronorum Civitatis in Ecclesia Cathedrali celebrantur. Item Canonicos Regulares non teneri associare, & excipere Abbatem ex eius domo, dum ad Ecclesiam venit solemniter celebraturus. Barbofa in *Collectan. Bullar. verb. Canonici Regulares* 15.

29 Præterea declaratum est à S. Congregatione posse Episcopum ex decreto Concilij Trident. *sess. 7. cap. 7. de reformatione* Ecclesias Parochiales vnitas Monasterio Canonicorum Regularium visitare, tametsi Generalis in eo sedem ordinariam principalem habeat. Armendariz in *additionib. ad recopilat. leg. Nauarr. lib. 1. tit. 6. lib. 7. §. 2. num. 1.* Barbofa in *Collectan. Bullar. verb. visitare Episcopus quando possit Ecclesias, & loca Regularium* 2. Per quod videtur limitata, vel moderata doctrina generalis tradita to. 1. c. 11. n. 9.



SYMMARIUM CAP. IV.

- Clericorum Regularium nomine qui intelligendi . num. 1.
 Plures ipsorum Ordines. *ibid.*
 Sunt verè, & essentialiter Religiosi. nu. 2.
 Eorum institutum quale. *ibid.*
 Qualiter differant à Monachis, & Mendicantibus. *ibid.*
 Eorum Religio ex parte finis perfectior videtur sine Monachorum .
 nu. 3.
 Nihilominus, quia Monachismus antior est, ideo ad illum tran-
 sire possunt Clerici Regulares iure communi. *ibid.*
 Non comprehenduntur in iure quoad odiosa, & pœnalia, nomine
 Monachi, aut Fratrum, bene tamen nomine Religiosorum, seu
 Regularium, seu Clericorum. num. 4.
 An ea, quæ de Canonicis Regularibus dicuntur eis accommodentur .
ibid.
 Non tenentur iure communi abstinere à lineis indumentis. num. 5.
 Nec etiam à carnibus . num. 6.
 Abstinere tamen debent ab officio aduocandi, & quomodo. num. 7.
 A mercatura etiam, & similibus negotiationibus. num. 8.
 Hæc obligatio videtur sub mortali . *ibid.*
 Quid de negotiantibus per alios . *ibid.*
 Aliqui illorum obligantur specialibus votis. num. 9.
 Clerici Societatis Iesu sex alia emittunt. *ibid.*
 Clerici Regulares Minores quartum votum emittunt. *ibid.*
 Clerici Regulares ministrantes infirmis alia etiam vota emittunt .
ibid.
 Votum Iesuitarum de obediendo Summo Pontifici qualiter intelli-
 gendum. nu. 10.
 Votum de non permittenda relaxatione paupertatis in Societate
 quomodo accipiendum. num. 11.
 Item votum de non pretendenda prælatione, aut dignitate in Socie-
 tate quomodo obliget. n. 12.
 Similiter de voto non procurandi dignitatem extra Societatem .
 num. 13.
 Votum de denunciando ambientes ad quid extendatur. nu. 14.
 Votum de audiendo Generali etiam extra Societatem . num. 15.
 Votum Clericorum Minorum de non petenda Prælatura quomodo
 sumendum. num. 16.
 Votum Clericorum ministrantium infirmis de perenni ministerio
 ægrotorum qualiter intelligendum. num. 17.

78 De obligationibus, & privilegijs.

De alijs votis huius Religionis. num. 18.

Gaudent Clerici Regulares multis privilegijs. num. 19.

Theatini quibus privilegijs decorantur. ibid.

Iesuita quibus etiam privilegijs decorati sint. num. 20.

Quomodo intelligenda. ibid.

Exempti sunt ab aliquibus obligationibus aliorum Regularium. num. 21.

Comprehenduntur tamen in alijs. ibid.

Clericorum Regularium S. Pauli decollati approbatio, & privilegia. num. 22.

Quomodo ea intelligenda. ibid.

Clericorum Regularium de Somascha approbatio, & privilegia. num. 23.

Clericorum Regularium ministrantium infirmis privilegia. num. 24.

Clericorum Regularium Minorum privilegia quae sint. nu. 25.

Clericorum Regularium Matris Dei Lucae approbatio, & privilegia. num. 26.

Clericorum Regularium Scholarum piarum institutum, & privilegia. num. 27.



De Regularium Clericorum iuribus, privilegijs, & obligationibus.

Cap. IV.



CLERICORVM Regularium nomine intelligimus eos quorum institutum est diuinis ministerijs vacare non solum in communi viuendo, sed etiam tria vota essentialia Religionis emittendo sub habitu ramen clericali. Suarez tom. 4. de Relig. tract. 9. lib. 1. cap. 7.

Hi dicuntur à tempore Apostolorum instituti, & vsque ad hæc tempora propagati maximè per Canonicos Regulares, qui etiam sunt Clerici Regulares. Ioannes Trullus lib. 1. de Ordine Canonico. Regular. cap. 2. & 3. Nauarrus in comment. 4. de Regularib. num. 3. Illorum plures species his temporibus magna cum Ecclesiæ utilitate institutæ, vt sunt, Theatinorum, Iesuitarum, S. Pauli Decollati, Somaschorum, Ministrorum infirmorum, Clericorum minorum, Clericorum Matris Dei Lucæ, & Scholarum piarum.

2 Sunt verè propriè, & essentialiter Religiosi, cum omnes tria vota essentialia Religioso statui emittant, & sub aliqua Regula, vel saltem Constitutionibus ab Ecclesia approbatis. Eorum institutum qua Clerici Regulares sunt est vacare diuinis ministerijs, seu officijs. Per quod differt à Monachismo, cuius scopus solum est, iuxta dicta cap. præcedenti num. 7. vacare quieti, silentio, solitudini, & orationi. Vnde Clericatus per se conuenit huiusmodi instituto, Monachismo autem, non nisi per accidens, iuxta ibidem dicta. S. Thom. 2. 2. q. 189. art. 8. Suarez 4. tom. de Relig. tract. 9. lib. 1. cap. 7. à nu. 5. Mendicantium autem ab instituto differunt, quod Mendicantes ex fine proprio ad vitam contemplatiuam, & actiuam ordinantur, Clerici autem Regulares, qua Clerici sunt, solum ad contemplatiuam, quæ est in vacando diuinis ministerijs, etsi prout de facto contingit, vtramque rationem, seu vitam amplectantur, propter diuersarum instituta particularia, de quibus infra.

3 Eorum Religio licet ex se perfectior videatur Religione Monachorum, cum illi ad altiorem, & diuiniorem finem ordinentur, quam isti, si quidem Clerici Regulares ex vi sui generis ad diuinum cultum, Monachi autem, ad solitudinem, silentiũ &c.

Nihilo-

Nihilominus, austerior, & strictior est Religio Monachorum, quam Regularium Clericorum. Suarez *tom. 4. de Relig. tract. 9. lib. 1. cap. 7.* Vnde si iuxta dicta secundum probabilem sententiam *tom. 1. cap. 22. num. 5.* eo ipso quod vna Religio est strictior alia, est etiam illa perfectior, admitti posset transitus ex Religionibus Clericalibus ad Monachales saltem iure communi, & seclusis privilegijs, & prohibitionibus particularium Ordinum, seruatis tamen conditionibus eo loco assignatis. Vide ibi dicta praesertim *num. 6.* Maximè notandum, quod cum in Religionibus Monachalibus prout hodie sunt in Ecclesia reperiatur etiam Clericatus, & vacare diuinis ministerijs in Choro, & Ecclesia, & ex alia parte etiam maiores austeritates, quam in Clericalibus, certius videtur posse, vt dixi, iure communi, & seclusis privilegijs, & prohibitionibus particularibus, transitum esse ex ijs ad illas.

4 Vnde Clerici Regulares non censentur in iure comprehendendi nomine Monachorum, saltem quantum ad pœnalia, & odiosa, imò ab illis distinguuntur, vt patet *16. q. 1. praesertim. can. 6.* vt dicitur, *Alia causa est Monachi, alia Clerici.* Idem dico de nomine Fratrum, quia illud Monachis vulgò accomodatur, non Clericis. Suarez *4. tom. de Relig. tract. 9. lib. 1. cap. 7. num. 10.* Comprehenduntur autem nomine Religiosorum, seu Regularium, cum verè Religiosi, & Regulares sint. Imò cum Clerici sint, etsi Regulares, comprehenduntur sub dispositionibus factis in iure pro Clericis, quia esse Regulares non est additum diminuens, sed potius augens obligationes Clericorum. In favorabilibus autem, & in his quæ respiciunt substantiam, vel decentiam status Religiosi, nomen Monachorum extenditur etiam ad illos, sicut dictum est de Canonicis Regularibus capite praecedenti *num. 6.* S. Thom. *opuscul. 19. cap. 2.* Suarez *vt supra.* Ea etiam quæ in iure de Canonicis Regularibus dicuntur non, videntur extendenda ad Clericos Regulares, nisi quatenus disponunt de re, quæ solum fundatur in Religioso statu Clericali, quatenus talis est, vel continet fauorem Religionis, vt sic. Suarez *vt supra cap. 9. num. 13.*

5 Hinc huiusmodi Clerici Regulares non tenentur sicut Monachi abstinere à lineis indumentis, etiam si in iure hoc præcipiatur Monachis. *cap. cum ad Monasterium de statu Monachorum.* Etenim huiusmodi austeritas non est ita expediens Clericis sicut Monachis, iuxta dicta *cap. praecedenti num. 7. & 15.* Quod etiam supponit S. Tho. *opuscul. 19. cap. 2.* Suarez. *4. to. de Relig. tract. 9. lib. 1. cap. 7. n. 9.*

Simi-

6 Similiter nec tenentur abstinere à carnibus etiam si hoc quoque præcipiatur Monachis dicto *cap. cum ad Monasterium de statu Monachorum*. Etenim nec huiusmodi austeritas viuendi necessaria est Clericis quantumvis Regularibus. Cuius signum est, quòd nec in Regula S. Augustini, nec in alia Regularium Clericorum (quod sciam) talis abstinentia præcipitur. Suarez 4. *tom. de Relig. tract. 9. lib. 1. cap. 7. num. 9*. Vide dicta de Canonicis Regularibus cap. præc. n. 15.

7 Abstinere tamen debent ab officio aduocandi, iuxta dicta de eisdem Canonicis Regularibus *cap. præcedenti num. 12.* & ita id habet expressè de eisdem Canonicis S. Tho. *opuscul. 19. cap. 2.* & ratio esse potest quia huiusmodi prohibitio fundatur in decentia status Religiosi Clericalis, ac proinde etiam si expressè solum detur de Canonicis *in cap. ex parte de postulando*, extendi etiam debet ad Clericos Regulares. Hac enim ratione hæc eadem prohibitio, quæ solum data erat pro Monachis 16. *q. 1. cap. Monachi et 2.* extensa fuit à Papa ad Canonicos Regulares in dicto *cap. ex parte*. Hoc tamen intellige si non adsint duæ illæ conditiones ibi assignatæ, & *to. 1. cap. 9. nu. 12.* videlicet utilitas Monasterij, & Abbatis imperium.

8 A mercatura etiam, & similibus negotiationibus omnino abstinere debent, iuxta dicta *tom. 1. cap. 9. num. 39.* & præter ibi dicta, quòd hæc obligatio sit sub peccato mortali, nisi paruit materiam aliquando excuset, constat ex verbis Gelasij Papæ *in cap. consequens dist. 88.* ubi postquam aliquos Clericos huic vitio deditos esse narrauit subiunxit. *Proinde huiusmodi, aut ab indignis post hac quæstibus nouerint abstinendum, & ab omni cuiuslibet negotiationis ingenio, cupiditateque cessandum, aut in quocumque gradu sint positi, mox à Clericalibus officijs cogantur abstinere, quoniam domus Dei domus orationis, & esse, & dici debet, ne per officia negotiationis potius sit latronum spelunca.* Quibus acribus verbis, & pœna graui depositionis quam imponit, satis insinuat hoc esse peccatum mortale. Quod idem dico de pœna excommunicationis, vel simili, quæ in alijs Canonibus imposita est propter hoc crimen, præcipuè de pœna degradationis quæ imponi videtur propter idem *in cap. Clericus dist. 91.* huiusmodi enim pœnæ etiam si solum dicantur infligendæ, solum, propter peccatum mortale designari solent. Negotiantes autem, seu mercaturam exercentes per alios, excusari poterunt probabiliter cessante scandalo, à peccato mortali, cum lex non videatur esse contra illos. Quo sensu accipiendi sunt aliqui Auctores id docentes apud Dianam *tract. 8. de contractib. &*

L

cambijs

cambij resol. 72. Licet à veniali peccato, propter indecentiam, distractionem, periculum cupiditatis, & peccandi contra paupertatem, quæ in tali exercitio quasi necessario reperiuntur, excusari vix possint, etiam si per alios negotientur.

9^o Obligantur præterea quidam illorum specialibus votis, quæ ultra tria communia alijs Religiosis in professione emittunt. Etenim professi Societatis Iesu, sex alia vota emittunt, videlicet obedientiæ specialis erga Summum Pontificem, non permittendæ relaxationis paupertatis, non prætendendi directæ, vel indirectæ dignitatem, vel prælationem in Societate, non procurandi dignitatem extra Societatem, denunciandi ambientes, & audiendi consilium Generalis, vel alterius ad id deputati, si in Episcopos, vel Præsides alicuius Ecclesiæ eligantur. Clerici etiam Regulares minores, quartum vota emittunt, ut dicitur, de non petendo prælaturam extra Religionem. Clerici autem Regulares ministrantes infirmis plura etiam vota, & inter ea vñ præcipuum emittunt, de perenni ministerio ægrotantibus exhibendo. Quorum votorum obligatio, quamvis præcipue ex modo quo in istis Religionibus accipiuntur, & eorum Statutis, seu Constitutionibus, pensanda sit, ex generalibus tamen principijs discutienda est.

10 Et primò votum Religiosorum Societatis de obedientiæ Summo Pontifici intelligitur circa missiones ad partes infidelium, ut habetur in Bullis Pontificijs. Ex Constitutionibus Societatis. Suarez 4. tom. de Relig. tract. 10. lib. 6. cap. 4. num. 4. Sanchez de præcep. decalog. lib. 6. cap. 18. num. 1. Continet autem novam obligationem extensivam ultra communem omnium fidelium, nam reliqui fideles non tenentur obedire Papæ mittenti eos ad seminandum Euangelium inter infideles, & ad partes valde remotas, nisi in casu raro, & speciali, in quo necessitas boni communis id postulare. Sanchez. ut supra num. 5. Dato etiam quòd in illo casu tenerentur sæculares obedire Pontifici id præcipienti, hoc non esset ex vi voti obedientiæ quæ admodum Religiosi Societatis, sed ratione iurisdictionis quam Pontifex in illos habet. Suarez ut supra num. 22. Continet etiam hoc votum novam obligationem ultra communem, quam habent alij Religiosi ratione voti obedientiæ ab ipsis emissi, quia et si omnes Religiosi teneantur ex vi voti obedientiæ quod emittunt in professione obedire Papæ, tamquam supremo Generali omnium Religionum, iuxta dicta tom. 1. cap. 4. num. 31. id tamen intelligitur, ut ibidem dictum est, in ijs, quæ concernunt Regulam, ire autem ad partes Infidelium ad conuer-

conuertendos illos, non concernit, saltem regulariter, Regularum, iuxta dicta eodem *cap. 4. num. 15.* Ludouicus Lopez *1. par. instructor. cap. 56.* Rodriguez *2. tom. Summ. cap. 9. num. 5. & 10. 3. quæst. Regul. q. 19. art. 7.* Dato etiam quod ad id tenerentur Mendicantes ex vi suæ institutionis quia ex institutione sua ordinantur ad actiones circa proximos, iuxta dicta supra *cap. 1. num. 11.* non tamen eo modo & cum illis circumstantijs quibus Religiosi Societatis, qui id promittunt se facturos, *sine excusatione, non petito viatico, quocumque gentium &c.* Suarez *ut supra à num. 22.* Sanchez *etiam ut supra à num. 5.* apud quos plura alia ad intentum.

11 Deinde votum illud de non permittenda relaxatione paupertatis obligat ad non permittendam relaxationem circa paupertatem in Societate institutam, quia hæc exprimitur in verbis quibus hoc votum emittunt. Sanchez *lib. 6. in decalog. cap. 19. num. 7.* Circa materiam autem illius dissidium video inter Doctores Societatis. Suarez enim *4. tom. de Relig. tract. 10. lib. 6. cap. 6. num. 18.* eam extendi dicit ad totam materiam paupertatis, prout cadit sub votum in Societate factum etiam circa collegia, & domos probationis. Sanchez verò *ut supra num. 8.* solum dicit intelligi de paupertate quoad redditus, & bona stabilia domorum professorum. Conueniunt autem, quod si casus esset, attentis circumstantijs temporum, & locorum quod esset vtilius Societati talem modum paupertatis relaxare, licite id fieri posset, quia tunc cessaret hoc votum, quia desineret esse melioris boni, imò esset impeditiuum maioris. Suarez *num. 11.* Sanchez *num. 10.* Quando autem Pontifex præciperet dictæ paupertatis relaxationem absdubie admitti deberet, non solum quia tunc vtilior, & conuenientior æstimari deberet. Sed quia Societas non se obligauit ad resistendum Pontifici, sed ad non permittendum quantum est ex parte sua prædictam relaxationem. Sanchez *num. 9.* Si verò Pontifex non præcipiendo, sed indulgendo prædictam relaxationem, inducere vellet motu proprio, probabilius est non posse acceptari à Societate, nam ex vi huius voti videtur se obligasse non solum ad illam non procurandam, sed etiam ad eam vtrò oblatam non acceptandam, Sanchez *ibid.* contra Suarez *num. 16.* Apud quos alia circa hoc.

12 Item votum illud non prætendendi prælationem aliquam, aut dignitatem in Societate obligat hos Religiosos ad nihil faciendum, ea intentione ut prælatio, vel dignitas sic facientibus conferatur: hoc enim exprimunt verba quibus id votum emittunt,

videlicet. *Promitto nunquam me acturum, vel prætensurum nec indirectè quidem, ut in aliquam prælationem, vel dignitatem in Societate eligar, vel promouear.* Sanchez lib. 6. in decalog. cap. 18. num. 16. Vnde non obligat illos ad non desiderandum prælationes, vel dignitates. Quia votum tantum est de non agendo, vel procurando, non de non desiderando. Vasquez 1. 2. q. 74. art. 8. disp. 115. cap. 13. Suarez 4. tom. de Relig. tract. 10. lib. 6. cap. 7. num. 9. Nec etiam ad non faciendum aliquid quo reddantur capaciores, vel digniores dignitatum, vel prælationum, nisi hoc proueniat ex animo inducendi eum qui possit prælationem dare. Quia nisi hoc animo fiat non videtur ibi esse nec indirecta prætensio dignitatis, vel prælationis. Suarez num. 10. Sanchez num. 19. Nec etiam obligat ad non auferenda impedimenta quæ obuiare possunt collationi dignitatis, vel prælationis nisi fiat modo dicto, propter eandem rationem. Sanchez num. 21. Obligantur tamen ex vi huius voti Religiosi Societatis non solum ad fugiendam prætensionem illicitam, & ambitionem prælationum, seu dignitatum, qualis esset illa qua prætenderentur propter excellentiam, & potestatem, sed etiam ad licitam, & aliàs honestam, qualis esset illa qua prætenderentur v. g. propter fructum aliorum. Idem exprimi videtur ex generalibus verbis quibus votum emittitur, & est conformè intentioni Societatis, ut scilicet ambitioni aditus præcluderetur. Suarez num. 6. Quid verò per dignitates, & prælationes in hoc voto intelligatur constabit ex dicendis cap. 13. n. 2. & de eo Sanchez ut supra num. 25. Suarez etiam ut supra nu. 24.

13 Præterea votum illud de non procurandis prælatione, aut dignitate extra Societatem, imò nec consentiendi in electionem nisi obedientia cogente (ita enim emittitur hoc votum in hac Religione) habet pro materia omnem prælationem, seu dignitatem extra Societatem, idest Episcopatum, Abbatiam, Vicariatum generalem Episcopi, & similia quæ important prælationem, & iurisdictionem in foro externo, Cardinalatum etiam, & similia quæ important dignitatem, vel in tota Ecclesia, vel in aliqua particulari. Suarez 4. tom. de Relig. tract. 10. lib. 6. cap. 8. num. 1. Sanchez lib. 6. in decalog. c. 18. n. 23. apud quos multa circa hoc votum. Vide dicenda c. 13. post nu. 4.

14 Similiter votum illud de denunciando ambientes prælationes, & dignitates habet pro materia omnes ambientes dignas prælationes, & dignitates siue in Societate, siue extra illam. Ita enim docet praxis, & vsus huius Religionis. Suarez 4 tom. de Relig. Tract. 10. lib. 6. cap. 10. num. 2. Sanchez lib. 6. in decalog.

decalog. c. 18. n. 54. Obligat tantum quando est moralis certitudo de ambitione socij : non solum quia in forma voti dicitur , *si quem sciam* , quæ verba certitudinem moralem important , sed etiam quia sine illa iniuria fiet proximo ipsum propalando . Suarez *num. 11.* Sanchez *num. 55.* Etiam si delictum sit occultum . Quia bonum commune præponi debet particulari , ambitio autem est graue Religionis detrimentum . Sanchez *num. 56.* Eo autem casu , quo delictum sit occultum non est deferendum prælato tanquam Iudici , sed tanquam Patri , iuxta dicta *tom. 1. cap. 27.* Si autem constet Religiosum esse emendatum , ita ut nullum recidui periculum subsit , nõ obligat hoc votum denunciandi , iuxta dicta in simili dicto *cap. 27. num. 2.* Quia tunc cessat finis denunciationis . S. Thomas *quodlib. 11. art. 13.* Siluester *verb. denunciatio q. 1.* Sotus *de secreto memb. 2. quest. 4. post Dub. 3. concl. 4.* Multa etiam de hoc , & alijs hoc votum tangentibus apud Suarez , & Sanchez *ut supra.*

15 Vltimum votum in Societate Iesu emissum explicatur his verbis . *Promitto si quando acciderit , ut hac ratione in Præsidem alicuius Ecclesie promouear , pro cura quam de anima mea salute , ac muneris mihi impositi administratione gerere debeo , me eo numero , ac loco habiturum Præpositum Societatis Generalem , ut nunquam consilium audire detrectem , quod vel ipse per se , vel quiuvis alius de Societate quem ad id ipse sibi substituerit dare mihi dignabitur . Consilij vero huiusmodi ita me pariturum semper esse promitto , si ea meliora esse quam que mihi in mentem venerint , iudicabo.* Sanchez *lib. 6. in decalog. c. 18. num. 61.* Intelligitur autem hoc votum non tantum circa administrationem reddituum , & aliarum rerum ad prædictam dignitatem pertinentium , sed etiam circa spirituales propriæ personæ progressum . Hoc enim totum includi videtur verbis adductis . Sanchez *num. 63.* Non tamen videtur ex vi huius voti necessarium petere tale consilium , sed solum ut in verbis allatis exprimitur , audire illud , & sequi &c. Qualitèr autem promoti ad dignitatem extra Religionem non subijciantur Superioribus illius dictum est *to. 1. c. 17. n. 2.*

16 Circa votum Clericorum Regularium minorum , videlicet non petendi Prælaturam extra Religionem id solum videtur notandum pro obligatione ipsius , attendendum esse tum ad verba quibus votum emittitur , tum ad usum , & praxim Religionis inter probiores , & doctiores , tum ad particulares Constitutiones , & Statuta illius . Forsan etiam ad imitationem Societatis hoc votum emittitur , & ita pari ratione respectuè de ipso loquendum . Vide dicenda *c. 13. post n. 4.*

Demum

17 Demum votum illud Clericorum Regularium ministrantium infirmis, videlicet, de perenni ministerio ægrotantibus exhibendo, explicandum videtur iuxta normam approbatam à Clemente VII. in Bulla *Superna dispositione* anno 1600. inter Bullas huius Pontificis num. 75. ubi ponitur forma professionis ipsorum quæ quoad præsens votum est, *perpetuò inferuendi pauperibus infirmis, quos etiam pestis incesse- rit, secundum formam viuendi contentam in litteris Apostolicis Religionis, & eius Constitutionibus.* Cum autem in Constitutionibus ab eodem Pontifice in dicta Bulla approbatis modus inferuendi tam spiritaliter, quam corporaliter illis præscribatur, ad illum obseruandum tenentur sub mortali, vel veniali, iuxta quantitatem materiæ, & communem acceptionem Religionis, iuxta dicta tom. 1. cap. 7.

18 Emittunt etiam isti Religiosi quatuor alia vota simplicia, videlicet nunquam agendi, vel assentiendi vt mutetur, vel alceretur modus ipsis præscriptus inferuendi ægrotis, nunquam dandi operam, aut consentiendi, vt administrationem reddituum, aut Nosocomiorum dominium habeant, non procurandi prælaturas in Religione, aut extra, & manifestandi ambientes illas. Quorum tria similia sunt ijs quæ Societatis Religiosi emittunt, de quibus supra dixi. Aliud verò secundum generales regulas metiri debet, attendendo tum ad formalia verba, quibus emittitur, tum ad modum, quo eius obseruantia inter probiores, & doctores sumitur. Pro hac autem obligatione manifestandi ambitiosos deseruire possunt dicta to. 1. c. 19. n. 34. & cap. 27. num. 19.

19 Decorati sunt ab Ecclesia multis, varijsque privilegijs huiusmodi Clericorum Regularium Ordines. Primò enim Theatini approbati sunt à Clemente VII. in Bulla *Exponi nobis* anno 1524. cum facultate Præpositum eligendi, alios ad Religionem recipiendi, necnon statuta edendi, & corrigendi, ac privilegijs, exemptionibus, immunitatibus Canonicorum Lateranensium donati. Extat Bulla in 1. tom. Bullarij Laertij Cherubini inter Constitutiones Clementis VII. num. 11. Item idem Pontifex in alia Bulla *Dudum pro parte* in eodem tom. 1. Bullarij inter Constit. ipsius num. 38. alia privilegia eisdem concessit, videlicet Præpositis ipsorum, vt cum Clericis subditis occupatis prædicationi verbi Dei, audientiæ confessionum, & Theologiæ, ac Canonum studijs, aut infirmitate, vel infirmorum curatione impeditis, possent dispensare in officio diuino recitando, certum psalmodum, & orationum numerum solum dicendo. De quo

quo privilegio dixi *tom. 1. c. 12. num. 32.* Item super ieiunijs etiam quadragesimalibus, licet in hoc non videam specialem gratiam, propter dicta *tom. 1. cap. 18. num. 55.* Insuper omnia privilegia omnium ordinum Fratrum tam Mendicantium, quam non Mendicantium concessa, & concedenda illis communicavit. Postea Pius v. in Bulla *Ad immarcescibilem* anno 1567. plura ipsorum privilegia confirmans, alia etiam elargitus est, & inter ea quod ad processiones cogi non possent instar aliorum qui in strictiori clausura viuunt. De quo dixi *tom. 1. cap. 9. num. 47.* & in hoc *2. tom. cap. 1. num. 50.* Declaratur etiam dicitur à S. Congregat. Concilij quod ipsorum Religio quandiù bona stabilia non possidet, non comprehenditur decreto de non alienandis bonis Regularium, de quo *to. 1. cap. 10. num. 2.* Sed cum in illo decreto non solum prohibeatur alienatio bonorum stabilium, sed etiam mobilium pretiosorum, si prædicta declaratio extenditur ad bona mobilia pretiosa specialem gratiam continet, si autem solum ad stabilia, cum illi ipsa non possideant, nihil gratiæ continere videtur. Dicitur etiam à Sacra Congregatione approbatam istorum Patrum consuetudinem de non accipiendo pluuiali à principio Vesperarum, sed solum à Capitulo, sed non illam de non faciundo commemorationem de Patrono Ecclesiæ. De illis Rodriguez *to. 1. quæst. Regul. q. 3. art. 14.* & Barbosa in *collectan. Bullar. verb. Clerici Regulares Theatini.*

20 Clerici Regulares Societatis Iesu, seu Patres Iesuitæ, approbati primum fuerunt à Paulo III. in Constit. *Regimini* anno 1540. in *1. tom. Bullar. inter Constit. huius Pontificis num. 25.* Deinde à Iulio III. in Constit. *Exposcit debitum.* Amplissimis privilegijs decorati sunt à Paulo III. anno 1545. in Bulla *Cum inter cunctas* in Bullario Rodriguez *tom. 2. inter Bullas huius Pontificis num. 7.* videlicet circa facultatem concionandi in quibuscumque Ecclesijs, locis, ac plateis communibus, seu publicis, de qua vide dicta *tom. 1. cap. 20. num. 5.* Sed aduerte, hanc facultatem solum concedi deputatis ad id munus per Generalem pro tempore existentem non autem deputatis per alios Prælatos. Circa facultatem audiendi confessiones. De qua eodem *tom. 1. cap. 19. n. 2.* dictum est non subsistere nisi præmissa approbatione Ordinarij, & sic etiam declaratum dicitur à Sacra Congregatione Concilij. Barbosa in *collectan. Bullar. verbo Clerici Regulares Societatis Iesu.* Circa facultatem absoluedi ab omnibus casibus, exceptis contentis in Bulla Cœnæ Domini. De qua etiam dicto *cap. 19. à num. 15.* dixi, qualiter mode-

moderata sit ijs temporibus. Item circa facultatem commutandi vota, de quo dixi eodem *cap. 19. num. 23.* Præterea circa facultatem dicendi Missas ante diem, circa tamen diurnam lucem, & infra horam post meridiem. De qua etiam *to. 1. cap. 21. num. 2.* dixi, & nunc dico reuocatam propter decretum Sacrae Congregationis ibi adductum si tamen aliquid priuilegij contineat, prout dicunt aliqui de simili cōcessionem illis à Greg. xii in facta de qua infra, hanc autem concessionem non facit Pontifex Paulus absolute nisi quando, & quoties stante legitimo impedimento, moderno, & pro tempore existenti Præposito vestro, id necessarium, vel alias in Domino expedire visum fuerit. Maximè idem Pontifex Paulus xii in Bulla *Licet debitum* in 1. tom. Bullar. Laertij inter Bullas huius Pontificis *num. 48.* & in Bullario Rodriguez *tom. 2. Bulla 8.* diuersa priuilegia, & indulta S. Ignatio Loyolæ eo tempore Generali, suisque successoribus, ac alijs eiusdem Religionis alumnis concessit. Postea Pius v. in Bulla *Dum indeffesse* anno 1571. in 2. tom. Bullar. Laertij *num. 131.* & in Bullar. Rodriguez *tom. 2. num. 5.* declarauit Societatem Iesu, seu ipsorum Ordinem vnum ex Mendicantibus esse, eorumque gratijs, & priuilegijs concessis, & concedendis perfrui. Item Gregor. xii in præcipuis huius Religionis promotor in Bulla *quacumque* anno 1576. in 2. tom. Bullar. *num. 36.* ipsos exempt ab onere accedendi ad processiones, & in Bulla *Saluatoris* eodem anno, & in eodem 2. *tom. num. 39.* vbique Ecclesias, & domos ædificare permisit, non obstantem priuilegio alijs Ordinibus concesso, & concedendo quòd propè eorum loca noua Monasteria construi nequeant. A solutione, & præstatione decimarum, & onerum illos etiam exempt idem Pontifex Greg. in Bulla *Pastoralis officij* in 2. tom. Bullar. *num. 51.* Aduertit tamen Barbosa in collect. Bullar. verb. *Clerici Regular. Societatis Iesu.* Leonem xi. modificasse hanc concessionem circa decimas prout de Iure, & Gregor. xv. reduxisse ad terminos Constitutionis Gregor. xii. ac tandem SS. Dominum Nostrium Urbanum viii. Constitutionem Leonis seruari voluisse nisi quatenus de Iure, vel consuetudine exempti reperirentur. Item idem Greg. xii in Bulla *Aequum reputamus* inter Constitutiones ipsius *num. 1.* & in 2. tom. Bullar. Rodriguez *num. 18.* amplissimam facultatem illis concessit circa Iudices Conferuatores, de qua late in hoc 2. *tom. cap. 10.* dicetur. Item in Bulla *Vnigeniti Dei &c.* in 2. tom. Bullar. Rodriguez *num. 19.* facultatem illis tribuit medendi citra aduersionem, & incisionem per seipsos faciendam, de suorum Superiorum licentia, quando
Medici

Medici ſæculares commodè haberi non poſſunt. De quo dixi tom. 1. cap. 9. num. 15. Sed aduerte ibi errorem, non enim debes legere *citra aduſionem, & combuſtionem*, vt ibidem ex Sanchez tranſcripti, ſed *citra aduſionem, & incisionem*, vt habet Bulla. Item in Bulla *Apoſtolica Sedis* in 2. tom. Bullar. Rodriguez num. 20. facultatem eiſdem conceſſit alienandi bona ipſorum. Sed tu vide decreta Sacræ Congregationis Concilij, & adducta tom. 1. cap. 10. num. 2. & ſequentibus, & adducenda hoc 2. tom. cap. 19. Præterea in Bulla *Quanta in unica* in 2. tom. Bullar. Rodriguez num. 22. facultatem illis tribuit celebrandi per horam ante auroram, & infra horam poſt meridiem, itineris, vel alterius legitimi impedimenti cauſa, de licentia Generalis, vel cuiuslibet alterius ad id ab eo deputati. Hoc tamen priuilegium, quoad id quod habet de facultate celebrandi infra horam poſt meridiem aliqua cauſa legitima ſubeunte, parum, aut nihil continere priuilegij habet Rodrig. tom. 1. *quæſt. Regul. q. 43. art. 2.* Inſuper in alia Bulla *Exponi nobis* in Bullario Rodriguez tom. 2. num. 23. facultatem aperiendi litteras ſacræ pœnitentiariæ illis conceſſit. De quo priuilegio tom. 1. cap. 19. num. 38. egi. Præterea in Bulla *Cum alias* in 2. tom. Bullar. Rodriguez num. 24. & in alia *Exponi nobis* in eodem tomo 2. num. 27. circa tranſitum ipſorum ad alias Religiones, qualiter, vel quomodo permiſſum diſponit Pontifex. Vide dicta tom. 1. cap. 22. Ad hæc in Bulla *Pium, & vtile* in dicto Bullario Rodriguez num. 25. facultatem eiſdem conceſſit ſuſcipiendi Ordines etiam extra tempora, & non ſeruatis interſitijs, nec quibuſdam alijs. Quam conceſſionem alijs Religioſis habentibus communicationem in priuilegijs cum illis prohibet communicari. Vide dicta tom. 1. cap. 14. num. 19. Nota etiam decretum S. Congregationis *ibid. num. 12.* adductum quatenus videtur contrarium huic Priuilegio. Demum idem Gregorius XIII. in Bulla *Vigore priuilegij* in eodem tom. 2. Bullar. Rodriguez num. 28. declarauit facultatem conceſſam à Paulo III. prædicandi verbum Dei illis qui à Generali Præpoſito deputati fuerint, intelligendam eſſe etiamſi illi nondum ad ſacros Ordines promoti eſſent. Hanc tamen conceſſionem priuilegium non eſſe aduertit Rodriguez in marg. huius Bullæ eo quod iure communi id licitum ſit, vt habet Nauarrus *Conſil. lib. 1. conſil. 2. de temporib. Ordinandor. num. 1.* & idem Rodriguez tom. 2. *Summa verbo Prædicatores.*

21 Similiter à SS. Congregationib. Eminentiſſ. DD. Cardinalium exempti ſunt ab obligationibus cõmunibus aliorũ: etenim

M

excepti

excepti sunt à decreto Concil. Trid. *sess. 25. de Regul. cap. 16.* non solum quoad emittendam professionem, sed etiam quoad obligationes, & renunciationes, adeo ut hæc etiam ab eorum nouitijs quancumque, & sine cuiusvis licentia factæ nullitati dicti decreti minimè subiaceant. Sic enim dicit à S. Congregatione Concilij declaratum Barbosa *in Collect. Bullar. verb. Clerici Regulares Societatis Iesu*. Quia tamen hanc declarationem non vidi ideo nequeo circa illam iudicium ferre. Excepti etiam dicuntur à Sacra Congregatione Episcoporum, & Regularium sub die 25. April. 1586. ab obligatione ferendi superpelliceum, dum audiunt confessiones. Barbosa *ut supra*. Insuper tam ipsi, quam alij Clerici Regulares Theatini, S. Pauli decollati, Somaschi, & Ministrantes infirmis exempti sunt à Clemente VII. in decretis pro reformatione Regularium ab obligatione non recipiendi nouitios nisi in Conuentibus à Sede Apostolica designandis. Comprehenduntur tamen in decreto S. Congregationis Concilij sub SS. D. N. Urbano de non recipiendis Conuentibus nisi in eis saltem duodecim sustentari commodè possint. Sic enim fuit declaratum ab eadem Sacra Congregatione *super decretis de celebratione Missarum dub. 18.* De his, & alijs Barbosa *in Collectan. Bullar. verbo Clerici Regulares Societatis Iesu*.

22 Clerici Regulares S. Pauli decollati approbati fuerunt à Clemente VII. in Bulla *Vota* inter Constitutiones huius Pontificis tom. 1. Bullar. Laertij, num. 37. Quatenus illis concessit facultatem emittendi tria vota, & à Paulo III. in Constit. *Dudum* in eodem tomo 1. Bullar. Laertij num. 5. cum aliquibus ordinationibus, & concessione priuilegiorum Canonicorum Regularium Lateranensium, & facultate etiam Sacramenta administrandi, ac eorum Superiori ut posset dispensare in officij diuini recitatione cum Socijs infirmitate grauatis, aut circa infirmorum curationem impeditis, cum certis conditionibus in dicta Bulla designatis. Præscriptus est illis modus transeundi ad alias Religionis à Greg. XI. in Constit. 48. *in specula* 2. tomo Bullar. Non coguntur accedere ad processiones ex Sixto V. in Constit. 52. *Rationi congruit*. Insuper Paul. V. in Constit. *Ecclesie militantis* in 3. to. Bullar. n. 64. facultatem illis concessit vbique noua Monasteria recipiendi, seruatis factorum canonum, & Conc. Trid. decretis, de sola licentia Ordinariorum, nullo aliarum personarum requisito consensu. Sed hæc concessio vacat his temporibus propter dicta to. 1. cap. 9. num. 34. Barbosa *in Collectan. Bullar. verbo Clerici Regulares S. Pauli*.

Clerici

23 Clerici Regulares de Somaſcha. nuncupati ſub Paulo 111. ſub nomine Societatis ad erigenda Hoſpitala pro ſubuentione pauperum orphanorum, & mulierum conuertitarum approbati, poſtea ſub Pio v. vt patet ex Conſtit. ipſius *tom. 2. Bullar. num. 78.* facultatem emittendi tria vota, & bona etiam ſtabilia recipiendi, & poſſidendi habuerunt. Deinde Sixtus v. in Bulla *Aequum reputauimus* in 2. tom. Bullar. inter Bullas ipſius *num. 4.* litteras Gregor. xiii. prædeceſſoris, quæ ob eius obitum expeditæ non fuerant confirmans, eis plura priuilegia conceſſit, videlicet exemptionem ab omni iuriſdictione quorumcumque iudicium Eccleſiaſticorum, & ſæcularium, facultatem celebrandi, & audiendi confeſſiones fidelium, & quod die profeſſionis emiſſæ abſolui poſſent ab aliquo dictæ Congregationis Preſbytero, ab omnibus peccatis, & cenſuris, etiam reſeruatis in Bulla Cœnæ Domini. Videtur tamen hoc priuilegium vacare propter annuam publicationem huius Bullæ, iuxta dicta *to. 1. c. 18. n. 38.* Prohibuit etiam illis Pontifex iſte tranſitum ad alium ordinem etiã arctiorem, Capuccinorum, & Carthuſianorum Ordinibus exceptis. Vide dicta *to. 1. c. 22.* Poſtea Clem. 8. in Bulla *Decet ex benignitate* in 3. to. Bullar. *nu. 22.* priuilegia à prædeceſſoribus illis conceſſa confirmauit, & vterius conceſſit Præpoſito Generali huius Congregationis, vt cum voto conſiliariorum à Capitulo generali deputatorum, poſſet diſpenſare ſuper defectu natalium cum ſubditis ad Ordines, & officia. Quod eſt magnum priuilegium. Demum Paulus v. in Bulla *Ex quo diuina* in 3. to. Bullar. *num. 36.* magnam priuilegiorum Mendicantium communicationem cum certis tamen limitationibus illis tribuit, & in alia Bulla *Ex iniuncto nobis* in Appendic. ad 3. to. Bullar. *num. 8. alias 96.* Congregationem Clericorum doctrinæ Chriſtianæ in Ciuitate Auenionis inſtitutam ipſis vniuit. De his, & alijs Barboſa in *Collect. Bullar. verb. Clerici Regulares Somaſcha.*

24 Clerici Regulares min ſtrantes infirmis approbati ſunt à Sixto v. in Conſtit. *Ex omnib.* in 2. to. Bullar. *num. 25.* vbi etiam licentiam illis conceſſit eleemoſynas colligendi. Maximè à Gregor. xiv. in Conſtitutione *Ibiuſ qui* anno 1591. edita approbationem Regulæ obtinuerunt, ſub Sedis Apoſtolicæ protectione ſuſcepti ſunt, priuilegijs aliorum Ordinum ipſis communicatis, cum ampla facultate circa abſolutionem ſubditorum Superioribus conceſſa, de qua *tom. 1. cap. 18. num. 35.* dictum manet. Deinde Clemens vii. in Bulla *Superna* anno 1600. edita inter Bullas huius Pontificis *num. 75.* Regulam illorum reſeruaui iuxta formam ab ipſis ſtabilitam. Et Paulus v. in Bulla

Romanum anno 1606. nu. 20. ipsis prohibuit transitum ad alias Religiones etiam Carthusiensium sine sedis Apostolicæ licentia. Ac demum Sanctissimus Dominus Noster Urbanus VII. in Bulla *Sacrofancta* anno 1623. in 4. tom. Bullar. num. 10. circa illos statuit, quod professi ad Sacerdotium destinati in domibus Nouitiatuum, vel alijs distinctis ex illarum perpetuis redditibus viuere possent. Ac in alia Bulla *Romanus Pontifex* anno 1628. quæ est num. 85. modum illis præscripsit circa electionem Præfati Generalis, Consultorum, & Arbitri Congregationis. Rodriguez tom. 1. quæst. Regul. q. 3. art. 15. Barbosa in Collect. Bullarj verb. *Clerici Regulares ministrantes Infirmis*.

25 Clerici Regulares minores gaudent privilegijs Clericorum Regularium Theatinorum, ex Gregorij XI. concessione, in Constit. *Romanus* anno 1591. in 2. tom. Bullar. inter Bullas huius Pontificis num. 2. Et ex Sixto V. in Bulla *Sacre Religionis* anno 1588. eodem 2. tom. Bullar. inter Bullas Sixti num. 81. non solum Congregationis approbationem, sed etiam facultatem habuerunt statuta pro eius bono regimine condendi, tria vota emittendi, alios ad Religionem recipiendi, officium secundum Rom. Eccl. vsum recitandi, Sacramenta ministrandi, & domos construendi, quæ qualiter intelligenda sint ex dictis, & dicendis constabit. Barbosa in Collectan. Bullar. verb. *Clerici Regulares minores*. Aduertit etiam Laertius Chérubinus in annotationibus ad prædictam Bullam Sixti V. emittere hos Patres etiam quartum votum de non petendo prælaturam extra Religionem. Pro quo vide c. 13. post n. 4.

26 Præterea Clerici Regulares Congregationis Matris Dei Lucae sub Greg. xv. de consilio S. Congregationis Cardinalium in Religiosos approbati fuere. Varijs etiã primùm à Cle. VII. gratijs, & privilegijs honestati sunt. Quæ refert Barbosa in Collectan. Bullar. verb. *Clerici Congregationis Matris Dei Lucae*. Specialiter ab eodem Greg. xv. in Bulla *Ad vberes* sub die 4. Ianuarij 1623. habent omnia, & singula priuilegia, immunitates, libertates, facultates, exceptiones, & alias gratias, ac indulta tam spiritalia, quam temporalia concessa alijs Congregationibus Clericorum Regularium Mendicantium (non tamen Societatis Iesu) necnon Ecclesijs, & locis Regularibus quibuscunque, etiam per viam communicationis &c. Huius Religionis fundator fuit Ioannes Leonardius Diœcesis Lucaensis multis virtutibus, signisque Sanctitatis clarus, vt propterea Gregor. xv. de ipsius vita confici processum, vt posset in Beatorum numerum adscribi, iusserit.

Tandem

27 Tandem Clerici Regulares Scholarum piarum nuncupati, quorum institutum est, vt colligitur ex Paulo v. in Bulla *Adea*. anno 1617. edita in 4. tom. Bullar. num. 3. gratis, & nullo stipendio, mercede, salario, aut honorario, pueros in primis elementis, grammatica, computo, ac præcipuè in fidei Catholicæ rudimentis, erudire, bonis, atque pijs operibus imbuere, ac Christiano more educare, à Greg. xv. in Bulla *Ad vberes fructus* anno 1622. edita in 4. tom. Bullar. num. 14. privilegijs Mendicantium decorati fuerunt, & postea à Sanctiss. D. N. Urbano viii. exempti à processionibus, & alijs actibus publicis. Barbosa, in *Collectan. Bullar. verb. Clerici pauperes Congregat. Matris Dei Scholarum piarum.*



SUMMARIVM CAP. V.

Militares, seu milites Regulares qui vocentur . num. 1.

Tria hominum genera in eis reperiuntur . ibid.

Clerici professi horum Ordinum sunt veri, & indubitati Religiosi .
nu. 2.

Idem de Monialibus Cruciatu . ibid.

Aliquid notabile ab huiusmodi Clericis ludo lucrantes tenentur ad
restitutionem . num. 3.

An Conuersi illorum sint verè Religiosi . nu. 4.

Milites S. Ioannis veri Religiosi sunt . num. 5.

Alij etiam Milites, qui tria vota emittunt sunt veri Religiosi .
nu. 6.

Per solemne votum Militum S. Ioannis dissoluitur matrimonium
ratum . num. 7.

Secus de voto aliorum Militum . ibid.

Per vota Religionis S. Ioannis dissoluitur matrimonium sequens .
nu. 8.

Secus per vota aliorum . ibid.

An vota istorum sint simpliciter solemnia . nu. 9.

In quo consistat eorum obedientia, paupertas, & castitas . nu. 10.

Veneros actus exercentes quomodo peccent . nu. 11.

Ratione voti obedientia ad quid obligentur . nu. 12.

Ad quid ratione voti paupertatis . nu. 13.

Sunt persona Ecclesiastica . num. 14.

Status eorum venit in Iure sub nomine Regula, & Religionis appro-
bata . num. 15.

Simonia committitur in venditione, & emptione habituum Mili-
tiarum . num. 16.

Non comprehenduntur decreto Concil. Tridentin. sess. 25. cap. 15.
num. 17.

De Militibus tamen S. Ioannis dicitur oppositum declaratum .
ibid.

Et quod comprehendantur sub prohibitione de non accedendo ad
Monasteria Monialium . ibid.

An comprehendantur decreto eiusdem Concilij sess. 6. cap. 3.
num. 18.

Milites S. Ioannis eximuntur à contributione pro seminarijs .
num. 19.

Comprehenduntur tamen decreto eiusdem Concilij sess. 25. cap. 19.
ibid.

Eximun-

Eximuntur omnes huiusmodi Milites sacris Ordinibus non initiati à Constitutione Pij V. de agitationibus taurorum. ibid.

Secus de Clericis horum Ordinum dicendum. ibid.

Excluduntur Milites isti à Constitutione Clem. VIII. de largitione munerum. num. 20.

Non comprehenduntur Religiosorum nomine quoties in institutione maioratum apponitur clausula exclusiva Religiosorum. num. 21.

Quid dicendum de Militibus S. Ioannis. ibid.

Milites commendatarij non sunt dicendi habere titulum reddituum annuorum. num. 22.

Habent illos in administrationem, & commendam. ibid.

Et quoad usum equiparantur ijs, qui habent dominium, vel quasi. ibid.

Idem dicendum de bonis patrimonialibus. num. 23.

Non sunt domini predicatorum. num. 24.

Iura reddituum, quæ Commendatarijs competunt non sunt beneficia Ecclesiastica. num. 25.

Secus de illis, quæ Clericis ob ministerium Ecclesiasticum conferuntur. ibid.

Sed neque illa sunt simpliciter beneficia Ecclesiastica. ibid.

An commenda sint materia simonia. num. 26.

Quomodo peccet qui illas vendiderit. ibid.

An ad id requiratur assensus Sedis Apostolica. ibid.

An possint fructus, & redditus huiusmodi commendarum tuto conscientia percipi ab ijs, qui actu non militant, sed otiose viuunt. num. 27.

Quomodocumque sit carent dominio istorum. nu. 28.

Solum habent usum in ordine ad licita, & honesta. ibid.

Quid si ea ludo, aut alio modo inutili perdant. ibid.

Quantum ludere possint. ibid.

An possint donare comexbinis. ibid.

An ipsa teneantur ad restitutionem eorum quæ acceperunt. ibid.

An possint hi Milites instituere maioratus. num. 29.

Peccant aliquid expedientes contra voluntatem suorum Superiorum. num. 30.

Maximè peccabunt contra paupertatem si tempore visitationis insideliter se gesserint. num. 31.

Clerici harum Militiarum, & Moniales ad officium diuinum tenentur. num. 32.

Secus de ipsis Militibus dicendum. ibid.

Tenen-

Tenentur tamen certas Orationes recitare. ibid.

Sub qua culpa. ibid.

An possint de bonis quæ habent testari. num. 33.

Quid de Clericis horum Ordinum. num. 34.

Commendatarijs perpetuis ipsorum quænam competant. num. 35.

Tenentur de redditibus commendarum elemosynas facere. num. 36.

Tenentur etiam habitum suarum Religionum semper portare. num. 37.

An sub censura. ibid.

Gaudent priuilegio canonis. nu. 38.

Item priuilegio fori. num. 39.

Quid verò de Nouitijs, & ijs, qui in ordine S. Ioannis portant mediam Crucem. ibid.

Item immunitate à gabellis. nu. 40.

An filij Militum S. Ioannis, & militum aliorum Ordinum extra Matrimonium sint illegitimi. nu. 41.

Per ipsorum professionem non vacant beneficia, aut pensiones. num. 42.

An sint capaces eorum beneficiorum, & pensionum, quibus alij Religiosi capaces non sunt. num. 43.

An emittentes votum ingrediendi Religionem satisfaciant assumpto habitu ipsorum militum, maxime S. Ioannis. num. 44.

Quid de transitu ad hos Ordines. ibid.

An confiteri possint hi milites Confessario non approbato. num. 45.

Apostasia crimen incurrant Religionem deferendo. nu. 46.

An possint transire ad alias Religiones. nu. 47.

Non pescant accedentes ad Sacramenta pœnitentie, & communio- nis ense, & pugione accincti si de hoc sit consuetudo. num. 48.

An quomodo, & à quibus visitari debeant Ecclesie horum Ordinum. num. 49.

Quæ munera possint exercere Priores Ecclesiarum illorum. n. 50.

De Monialibus ipsorum quid dicendum, maxime quoad clausuram. num. 51.

Milites S. Ioannis quibus priuilegijs gaudeant. num. 52.

Quid declaratum sit circa illos. num. 53.

Milites S. Iacobi de Spatba quibus gaudeant priuilegijs. nu. 54.

Item Milites S. Iacobi de Alcantara, & S. Marie de Calatraua. num. 55.

Item Milites S. Benedicti de Auis. nu. 56.

Item Milites S. Lazari. num. 57.

Item Milites S. Stephani. num. 58.

Quid de Militibus S. Spiritus. num. 59.

De

De Ordine militari B. Mariae de Monte Carmelo. nu. 60.

Quibus privilegijs, & indulgentijs potiatur. ibid.

De Ordine militia Conceptionis B. Mariae Virginis, eiusque privilegijs. nu. 61.

De Regularium Militarium Iuribus, & obligationibus.

Cap. V.



MILITARES Regulares ij vocantur qui tribus Religionis votis adstricti ad militandum contra infideles sunt instituti, & obligati. Quales sunt Ordinum S. Iacobi, S. Ioannis, Calatrauz, Alcantaræ &c. Inter quos tria hominum genera reperiuntur. Alij sunt viri nobiles qui tanquam quidam Sacri milites instar Machabæorum pro fide, ac lege Christi cum Turcis, & Sarracenis fortiter dimicant. Alij sunt Clerici, qui ad diuina ministeria obeunda recepti in ipsorum Ordinum Domibus in Choro cantant diuinas laudes, Missas dicunt, Confessiones audiunt, & solent Ecclesijs ipsis Ordinibus subiectis præfici. Alij verò sunt, qui ad modum Conuersorum Religionum Mendicantium, seu Monachalium, tum Clericis, tum Militibus in obsequijs domesticis inseruiunt. Azorius *tom. 1. instit. moral. lib. 13. cap. 3. §. primo queritur*. Sunt quoque alij Ordines Militares, qui tantum duo vota Religiosa emittere videntur, videlicet, obedientiæ, & castitatis coniugalis, quales sunt S. Mauritij, & S. Stephani, de quibus etiam dicendum est.

2 Et quidem loquendo de Clericis Professis horum militarium Ordinum, certum, & indubitatum est, eos esse verè, & simpliciter Religiosos. Eo quòd castitatem simpliciter vna cum paupertate, & obedientia solemniter sub Regula, vel formula ab Ecclesia approbata profitentur. Rodriguez *tom. 1. quest. Regul. q. 1. art. 6. Azorius tom. 1. instit. moral. lib. 13. cap. 3. §. sciendum*. Idem dico de Monialibus Cruciatibus horum Ordinum. Propter eandem rationem. Rodriguez *ut supra*. De nouitijs autem tam virorum quam fæminarum philosophandum eodem modo, ac de nouitijs viris, seu fæminis aliarum Religionum, de quibus *tom. 1. cap. 24. & 25. diximus*.

N

Vnde

3 Vnde male Alcozer. *lib. de ludo cap. 39.* affirmat quod si prædicti extra claustra viuentes aliquid ludo amittant non teneri ad restitutionem id lucrantes. Cum enim isti Clerici sint veri, & indubitati Religiosi non possunt ludo perdere aliquid nisi de licentia suorum Superiorum, quæ non est præsumenda nisi in aliqua re moderata, iuxta harum Religionum vsum. Sanchez *lib. 7. in decalog. cap. 8. nu. 38.*

4 Loquendo etiam de illis qui ad modum Conuersorum, Religionum Mendicantium, & Monachalium, Clericis, & militibus inseruiunt, dicendum est, quod si aliqui illorum tria vota sicut Clerici, vel milites ipsi profiteantur sub Regula approbata, vt veri Religiosi censendi sunt, sicut de ipsis Clericis diximus, & de militibus dicemus. Si autem prædicta vota non emittant, nec sub Regula viuant, nullatenus Religiosi censendi erunt. Huiusmodi videntur esse Fratres Ordinis D. Ioannis portantes mediam Crucem albam, qui vt merè sæculares reputantur, viuunt enim sine Regula, & cum suis bonis, & vxoribus, & propterea isti nec priuilegio fori gaudent, neque a tributis sunt exempti. Rodriguez *tom. 2. quæst. Regul. q. 62. art. 18.* Bobadilla *in politica tom. 1. lib. 2. can. 18. num. 233.* Licet alij putent etiam istos fori priuilegio gaudere, eo quod militant sub Religione habente hoc priuilegium. Aloysius Riccius *in praxi tom. 4. resolut. 177. nu. 3.* Vide Dianam *Tract. 1. de immunit. Ecclesiast. resolut. 51.*

5 De Militibus verò S. Ioannis pro comperto est veros Religiosos esse ex vi suæ institutionis. Quia habent verum, & totale votum castitatis, verum etiam votum paupertatis, cum sint incapaces dominij, imò & vsus sine Superiorum facultate, & verum votum obedientiæ etiam in re tam ardua, & difficili, qualis est aggredi quæcumque pericula belli propter fidei defensionem. Rodriguez *to. 1. quæst. Regul. q. 1. art. 6.* Suarez *4. to. de Relig. Tract. 2. lib. 1. cap. 4. num. 5.*

6 De alijs porrò Militibus horum Militarium Ordinum, quamuis multi negent esse veros Religiosos; nihilominus communior, & probabilior sententia docet oppositum. Supponitur autem eos tria vota Religionis, obedientiam scilicet, castitatem, & paupertatem vouere. Qui enim solum duo ex istis, videlicet obedientiam, & castitatem promittunt, quales videntur esse Milites S. Mauritij, & S. Stephani, vt inferius num. 57. & 58. dicetur, absdubiè verè Religiosi non sunt. De alijs autem id probatur. Primò, quia ita supponi videtur in Bullis Pontificijs quas refert Didacus de Motta in speciali opere de hac re,
lib. 1.

lib. 1. & 2. Secundò, quia emittunt vota obedientiæ, castitatis, & paupertatis quatenus conducunt ad finem qui est vitam exponere pro fidei, & Ecclesiæ defensione. Tertiò, quia status illorum est status perfectionis, cum non sit status vitæ ordinariæ, sed obseruantia consiliorum Euangelij cum traditione perpetua in obsequium Dei, & ad prædictum finem. Nauarrus consil. 11. de Regularibus quod incipit, quidam eruditissimus. Suarez to. 4. de Relig. tract. 9. lib. 1. c. 4. n. 9. & alij.

7 Hinc per solemne votum Religionis quod faciunt milites S. Ioannis dissoluitur matrimonium ratum non consummatum præcedens, quia re vera est solemne votum Religionis approbata, atque ita gaudere debet privilegijs talis. Nauarrus consil. 1. de Conuers. coniug. Azorius tom. 1. instit. moral. lib. 13. cap. 6. §. quarto quaritur. Loquendo autem de votis quod alij Equites militarium Ordinum faciunt, non dissoluitur per illud matrimonium ratum. Impossibile enim est, vt matrimonij vinculum dissoluatur per illud votum quod simul stare potest cum matrimonio, quale est horum Equitum. Suarez 4. tom. de Relig. tract. 9. lib. 1. cap. 4. num. 28.

8 Similiter licet per vota Religionis S. Ioannis dirimatur matrimonium subsequens, cum verè sit votum solemne, & omnimodæ castitatis, per vota tamen aliorum militarium Ordinum non dirimitur. Motta lib. 2. cap. 2. §. 19. nu. 18. Diana Tract. 2. de Dub. Regul. resolut. 30.

9 Propterea quidam etsi appellent solemne votum Ordinis S. Ioannis, vota tamen aliorum Ordinum militarium non appellant simpliciter solemnia, sed solum quoad aliqua, videlicet quoad perpetuitatem. Suarez 4. tom. de Relig. tract. 9. lib. 1. cap. 4. num. 29. De quo non multum curandum, dummodo talia vota, sufficientia dicantur ad constituendam veram Religionem, iuxta dicta num. 6.

10 Constitit autem generaliter loquendo, & præscindendo à particularibus obligationibus horum Ordinum, eorum obedientia, in hoc quod debeant obedire Magistris, & Superioribus in ijs, quæ ad externa opera vitæ actiue spectant, & ad militiam ordinantur. Paupertas, quod non habeant dominium, omnino liberum bonorum quæ possident, sed dependens à voluntate, & licentia suæ Religionis. Castitas autem in militibus S. Ioannis in omnimoda abstinentia à venereis etiam per actum coniugalem, in alijs verò militibus in abstinentia ab eisdem venereis extra matrimonium, & etiam in matrimonio quando, & eo modo qui fuerit necessarius ad finem illorum, qui est defensio

fidei, & Ecclesiæ in bello, & ipsis præceptus à Superioribus. Suarez 4. tom. de Relig. tract. 9. lib. 1. cap. 4. num. 16. De varijs modis quibus professionem emittunt milites tractat Azorius to. 1. lib. 13. cap. 5.

11 Hinc consequenter tam milites S. Ioannis quomodoque veneros actus exercentes quam aliorum Ordinum Milites extra matrimonium peccantes tenentur confiteri prædictam circumstantiam voti castitatis emissi. Eorum namque peccata carnis duplici constant malitia specie diuersa, scilicet contra castitatem, vel temperantiam, & contra virtutem Religionis, seu votum, quæ est sacrilegij. Ayala in libello Ordinis S. Iacobi. Rodriguez to. 1. quæst. Regular. q. 13. ar. 2. Diana tract. 2. de Dub. Regul. præsol. 30.

12 Ratione etiam voti obedientiæ, quod emittunt, videntur obligari ad non disponendum de suis personis, nisi de licentia expressa, vel saltem implicita suorum Superiorum, Magistrorum videlicet &c. cum ratione talis voti quodammodo non sint sui, sed Religionis. Vnde non licet illis se homagio, confederatione, aut iuramento astringere alicui personæ, obligare se alicui feudo, maximè iuramento præstito, loquendo de feudo per quod obligentur ad aliquod seruitium reale, siue personale, quod dedecet ipsorum personas, implicare se bellis Christianorum, sine Superiorum licentia &c. Rodrig. to. 2. quæst. Regul. quæst. 71. ar. 2.

13 Ad quid autem teneantur ratione voti paupertatis, quod etiam emittunt, & quæ possint facere non obstante prædicto voto, in sequentibus dicitur.

14 Sunt etiam simpliciter dicendi Ecclesiastica personæ, cum sint veri Religiosi, vt diximus. Nauarrus in tract. de redditibus Eccles. q. 1. monit. 55. & q. 3. monit. 27. & 29. & consil. 20. & 23. de Regularib. Et esto Religiosi non essent adhuc dici posse videntur esse personas Ecclesiasticas, cum sint speciali modo Deo dicatæ, & sub Regula Religiosa viuentes. Quæ ratio etiam probat idem de illis militibus, qui non tria, sed tantum duo vota emittunt.

15 Item eorum status venit in lure sub nomine Regulæ, & Religionis approbatæ. Tum quia id videntur probare testimonia Pontificum eos approbantium, tum etiam quia professio in his Ordinibus valida est, ergo Religio ipsa approbata in lure, cum ex cap. ult. de Relig. Domib. Omnis professio facta in Religione non approbata non est valida. Suarez tom. 4. de Relig. tract. 9. l. 1. cap. 4. nu. 27.

Vnde

16 Vnde simoniæ peccatum committitur in venditione, vel emptione habituum horum Ordinum. Tum quia sunt veræ Religiones, vt diximus, tum quia esto tales non essent nihilominus habitus ipsi dant ius ad multa priuilegia Ecclesiastica, ac per consequens habent annexionem cum re spirituali. Azor. *10. 1. inslit. moral. lib. 13. cap. 6. §. At verior*. Nihilominus, si pecunia vel aliquid aliud daretur pro prædictorum Ordinum habitu, non vt pretium sed alio titulo non esset ibi simonia, quæ solum committitur dum datur, vel promittitur temporale pro spirituali tanquam pretium illius. Diana *tract. 2 de Dub. Regular. 64*. Quid verò dicendum de Commendis quæ huiusmodi militibus dari solent, an sciunt sint, vel non materia simoniæ constabit inferius *nu. 26*.

17 Non comprehenduntur in decreto Concil. Trid. *sess. 25 de Regularib. cap. 15*. vbi statuitur, vt in quacumque Religione tam virorum quam mulierum professio non fiat ante 16. annum, nec in minori tempore quam post annum approbationis. Ratio est, quia etsi verba Concilij generalia sint, nihilominus Sacra Congregatio Cardinalium declarauit non comprehendere Ordines Regulares militares, absdubie quia respectu illorum talis obseruantia necessaria, aut accomodata non est. Azorius *tom. 1. inslit. moral. lib. 13. cap. 4. §. 2. queritur*. Suarez *tom. 4. de Relig. tract. 9. lib. 1. cap. 4*. Barbosa in *Collectan. Bullar. verb. miles Regularis 2*. Dicitur tamen milites S. Ioannis Hierosolymitani comprehendendi in prædicto decreto ex peculiari ipsorum statuto, & declaratione S. Congregationis. Armendariz *lib. 7. de Relig. num. 16*. Barbosa in *Collectan. Bullar. verb. milites S. Ioannis Hierosolymitani*. Vbi etiam de illis refert idem Barbosa declaratum esse ab eadem S. Congregatione comprehendendi decretis Concilij, etiam vbi de eis non fit expressa mentio, nisi specialiter priuilegijs post Concilium muniantur. De qua declaratione, vel saltem de ipsius intelligentia multum dubito, cum illi milites S. Ioannis valde priuilegiati sint, & exempti, vt colligitur ex Pio 1v. in *Bulla Romani interest*, quæ est 29. inter Bullas huius Pontificis in 2. tom. Bullar. Vicitur etiam declaratum à S. Congregat. Episcop. & Regular. præfatos milites S. Ioannis comprehendendi sub decreto, quo Regularibus prohibetur accessus ad Monasteria Monialium. Barbosa in *Collect. Bullar. verb. Eques Hierosolymitanus*.

18 Nec etiam comprehenduntur in decreto eiusdem Concilij *sess. 6. cap. 3*. vbi habetur, quod nemo secularis Clericus, vel Regularis cuiusuis priuilegij prætextu tutus censetur, quominus

minus si deliquerit extra Monasterium degens, ab Ordinario loci visitari, puniri & corrigi valeat. Quoniam pœnæ, & odia iure, vel statuto contra Religiosos constituta non trahuntur ad eos. Vnde Pontifices sapius illos expressè à communibus statutis odiosis excipiendos declararunt, ut constabit inferius de Gregor. xiii. in statuto de spectatoribus agitationis taurorum, & de Clem. viii. in prohibitione de largitione munerum. Azorius *tom. 1. lib. 13. cap. 4.*

19 Specialiter milites S. Ioannis excipiuntur à Concil. Trid. *sess. 23. cap. 18.* ne teneantur contribuere pro seminarijs. Rodriguez *tom. 1. quest. Regul. q. 1. ar. 6.* Comprehenduntur tamen decreto eiusdem Concilij *sess. 23. cap. 19.* ubi agitur de Regularibus prætendentibus se per metum ingressos Religionem, aut per vim, ut refert ex declaratione S. Congregationis Barbosa in *Collectan. Bullar. verb. Eques Hierosolymitanus, & verbo milites S. Ioannis Hierosolymitani*, citans etiam Armendariz. Similiter Gregor. xiii. exemit omnes huiusmodi milites sacris Ordinibus non initiatos à Constitutione Pij v. & pœnis in ea contentis contra eos qui agitationibus taurorum assistunt, ut dictum est *tom. 1. cap. 10. num. 7.* & docet Rodriguez *to. 3. quest. Regul. q. 68. art. 2.* Nec comprehenduntur in Constitutione Clementis viii. de qua *ibid.* Et si enim prædictam Constitutionem Pij v. Monachos, & Fratres, ac cuiuscumque Ordinis, & instituti Regulares comprehendere voluerit, tamen huiusmodi milites, etsi vere Regulares sint, non comprehenduntur huiusmodi odijs, nisi exprimantur. Rodriguez *ut supra art. 2.* Includuntur tamen in hac prohibitione Clerici horum Ordinum, militarium sicut omnes alij Regulares, cum communibus legibus aliorum Regularium comprehendantur. Rodriguez *ut supra.*

20 Excluduntur etiam à Clemente viii. in Constitutione de largitione munerum Regularibus interdicta, ut patet illis verbis (*non tamen militia*) & ita tenet Diana *tract. de paupert. Religios. resolut. 23.* Imò ex eo quod Pontifex in hac Constitutione omnes Religiosos comprehendat, excipiat autem hos milites, colligitur eos esse veros Religiosos, iuxta dicta *supra num. 6.* cum exceptio firmet regulam in contrarium, Diana *ibid.*

21 Nec etiam comprehenduntur Religiosorum nomine, quoties in institutione maiorum apponitur clausula exclusiva Religiosorum. Et si enim Religiosi sint, viuunt tamen sæculari modo, imò splendide, & paupertas, quam profitentur est amplissima, nec in eis procedunt rationes, quæ in alijs Religiosis, & ita

& ita capaces sunt obtinendi maioratus. Molina *tom. 3. de iust. disp. 623. num. 5.* Sanchez *lib. 7. in decalog. cap. 15. num. 5. 47. & 49.* Quod intellige nisi Constitutiones Ordinum obstant, & quoad milites S. Ioannis, nisi in institutione maioratus appositā sit aliqua clausula, qua denotetur possessorem illius debere ducere uxorem, quia hoc repugnat his militibus. Maioratum ergo institutores rectè, & prudenter in ipsa institutione adijcere solent clausulas, quibus id explicetur. Molina *de Hispanor. primogen. lib. 1. cap. 13. num. 98. & 99.*

22 Cum autem ratione voti paupertatis quod emittunt dominij incapaces sint, ideo milites Commendatarij reddituum annuorum, quos habent, non sunt dicendi habere titulum propriè loquendo, nam appellatione tituli in hac parte intelligitur dominium, vel quasi dominium. Habent ergo prædicta in administrationem, & commendam. Propter hanc enim causam Commendatarij vocantur. Quoad vsum tamen æquiparantur ijs, qui dominium, vel quasi dominium, id est, titulum habent, quia scilicet illis bonis fruuntur Superiorum permissu, soluendo aliquam pensionem Religioni, vel saltem aliqua faciendo quo denotetur vsum illorum bonorum à voluntate Superiorum pendere. Azorius *to. 1. lib. 13. cap. 4.*

23 Idem, & propter easdem rationes dicendum de bonis patrimonialibus, quæ scilicet hæreditate, aut propria opera, aut donatione acquisierint milites isti, siue ante professionem, siue post illam, eorum scilicet non habere proprietatem, aut dominium, sed solum vsum ad voluntatem Superiorum. Nauarrus *comment. 2. de Regularib. num. 56. & apolog. ad lib. de redditib. q. 3. monito 12.* Motta *tract. de confirmat. Ordin. milit. S. Iacobi lib. 2. cap. 2. & in lib. instruct. ut Commendatarij tendant ad perfect. cap. 4. §. 4. num. 49.*

24 Neque audiendi sunt quidam etiam alias docti qui admittunt huiusmodi Commendatarios (eos scilicet quibus permissum est contrahere matrimonium) esse veros dominos prædictorum bonorum. Molina *tom. 1. de iust. disp. 141.* Sanchez *lib. 7. in decalog. cap. 8. num. 28.* Hi enim Theologi dum mites, & suaves esse volunt in huiusmodi milites, acres tamen, & acerbis sunt in illos, eis tollentes veram rationem Religiosorum, impossibile enim est veram rationem Religiosi cum proprietate, & dominio præsertim expedito componere. Vñ ergo de duobus affirmare debent, vel prædictos milites Religiosos non esse, quod non est dicendum, ut constat ex dictis, vel dicendum eos non habere bonorum suorum proprietatem, aut dominium, saltem

saltem liberum, & expeditum, quia hoc est de essentia veri Religiosi. Alias solum Religiosos de nomine, & eorum, quorum vana est, & ludrica Religio eos appellare liceret.

25 Iura etiam annuorum reddituum, quæ huiusmodi equitibus commendata ad vitam, conferuntur, & Commendæ vocantur non sunt verè, & simpliciter beneficia Ecclesiastica. Ratio est, quia etsi ex decimis Ecclesiasticis colligantur, & personis Ecclesiasticis dentur, & à Magistro Ordinis, nihilominus nondantur ob munus aliquod Ecclesiasticum, seu administrationem sacram, sed ob militiam in qua se debent exercere, ac proinde non sunt propriè beneficia Ecclesiastica. Præsertim quia beneficia Ecclesiastica habent annexam obligationem Officij diuini persoluendi, tonsuram, & Clerici vestem portandi, quod deficit in huiusmodi Equitibus. Mandosius *comment. super regul. 3. Cancellar. q. 11. num. 3.* Azorius *tom. 1. instit. moral. lib. 13. cap. 3.* Iura autem reddituum qui in huiusmodi Militariibus Ordinibus Clericis conferuntur ob ministerium Ecclesiasticum, quo ipsi Clerici inferuiunt Ordinum Ecclesiæ sunt vera beneficia Regularia. Cum nihil illis ad rationem beneficii necessarium deficiat. Azorius *ut supra.* Nihilominus adhuc illa non sunt dicenda simpliciter beneficia Ecclesiastica, quia non sunt perpetua, sed amabilia, & dependentia à voluntate Superiorum. Sanchez *lib. 7. in decalog. cap. 29. à num. 104.* Vide dicenda *cap. 18. nu. 6.*

26 Ex quo fit quod etsi Cômendæ Clericales, illæ scilicet, quæ dantur propter spiritualem administrationem, vel spirituale ministerium, curam videlicet animarum sint materia simoniæ, ita ut si vendantur, vel emanent simonia committatur. Commendæ verò aliæ quæ huiusmodi militibus dantur non propter spiritualem administrationem, aut functionem, sed titulo mere laico, scilicet ob militiam gerendam, ut subsidia videlicet, vel stipendium ipsius, non sunt materia simoniæ, cum sint res temporales. Suarez *tom. 1. de simonia cap. 27.* Bonacina *de simonia q. 4.* Nihilominus si vendantur siue à Rege, Principe, vel Magistro Ordinis, qui illas distribuunt, graue peccatum committitur. Tum quia prædicti non sunt Domini, sed dispensatores illarum, tum quia sic dantur indignis quod est intrinsecè malum, ut potè contra finem institutionis illarum. Suarez, & Bonacina *ut supra.* Cum autem sint bona Ecclesiastica videtur casu quo aliquando vendantur, vendi, aut alienari non posse sine assensu Sedis Apostolicæ, propter Extrauag. *Ambitosæ*, ubi bonorum Ecclesiasticorum alienationes prohibentur. Couarrub. 2. *var. cap. 16.*

cap. 16. num. 3. Riccius in prax. fori Ecclesiast. decis. 76. & 79. Bonacina de alienat. bonor. Ecclesiast. disp. 2. q. unica punct. 2. num. 13.

27 An verò huiusmodi fructus aut redditus, quos habent isti milites Commendati possint tuta conscientia percipere, actu non militantes, nec arma capientes, sed otiosè, vel vitiosè in Curijs Princip. & vrbibus degentes meritò dubitant plures. Multi volunt eos non posse tales fructus, aut redditus tuta conscientia recipere. Quia ipsis sunt concessi, vt contra Saracenos, & alios Ecclesiæ hostes prælientur, & quod datur ob aliquam causam, ea non subsistente, nihil valet. Alijs autem dicta opinio duriuscula videtur, & fundamentum ipsius infirmum, eo quod licet prædicta bona militibus istis dentur causa militiæ, sed non ea conditione, & lege, vt actu militent. Ad hoc inclinare videtur Azorius tom. 1. instit. moral. lib. 13. cap. 4. §. septimo queritur. Verumtamen mihi videtur huius decisionem pendere, tum ex statutis horum Ordinum, tum ex modo quo ipsis prædicta bona conferuntur. Si enim, vel ex prædictis statutis, vel ex modo quo ipsis dicta bona conceduntur habentur eos teneri actu militare, vt illis potiantur, sine dubio non possunt actu non militantes, sed otiosè, vel vitiosè sine vllò militiæ exercitio viuentes illis potiri. Si autem ex statutis Ordinum vel modo quo prædicta bona ipsis conceduntur, nihil tale habeatur, etsi non teneantur actu militare, tenentur tamen esse in præparatione animi ad militandum quoties ipsis iniunctum fuerit, vel occasio, aut necessitas postulauerit. Alijs omnino nugatoriè, & vanè militum nomine, & præmio gaudere possent.

28 Sed siue actu militent, siue non huiusmodi Equites, prædictorum bonorum, & quorumcumque aliorum sibi ex patrimonio, vel alio modo competentium dominio carent, ratione voti paupertatis quod emiserunt, vt dictum est, vnde solum habent vsum illorum in ordine ad licita, & honesta non tanquam suorum, sed tanquam sibi commissorum, ac commendatorum, nutu, & voluntate Superiorum prout alij Religiosi, quia hoc solum permittit votum paupertatis. Azor. tom. 1. instit. moral. lib. 13. cap. 4. §. octauo queritur, & §. nono queritur. Rodriguez tom. 2. quest. Regul. q. 57 art. 5. Nauarrus lib. de redditibus q. 1. num. 95. & 96 & q. 3. num. 30. & 31. & Apolog. ad lib. de redditibus. nr. 61. Quidquid dicat in contrarium Sanchez lib. 7. in decalog. cap. 8. num. 29. Vnde si fructus, aut redditus huiusmodi ludendo, aut alio vano inutili, seu futili modo impendendo perdant,

O

non

non solum peccant grauiter, vel leuiter, iuxta capacitatem materię sicut alij Religiosi contra votum paupertatis, sed etiam ij, in quos ipsi prædicta bona transferunt ad restitutionem tenentur, vt docent aliqui apud Azorium *vt supra §. decimo quartur*, quia talia bona non sunt ipsis concessa nisi in ordine ad honestos, & licitos vsus, nec voluntas Superiorum est, aut potest esse, vt in vanos, & inutiles ea expendant. Verum est huiusmodi Equitibus militaribus, tum ratione nobilitatis, tum ratione finis Religionis militaris qui non est strictam obseruantiam seruare, sed militiam pro Christo quando opus fuerit sectari, licere sæpius ludere ludis honestis aliquam pecunię quantitatem, & facere aliquas, & plures expensas quę alijs Religiosis non licent, quod, iuxta prudentis arbitrium, tum ex vsu inter timoratos, tum ex concessu Prælatorum metiendum est. Donare tamen concubinis non possunt, ita vt illorum donatio etiam iuramento firmata, sit irrita, vt docent multi, quos sequitur Rodriguez *tom. 1. quæst. Regular. q. 27. art. 12. in fine*. Cæterum probabiliter, vt credo, excusari possunt à restitutione faciendae eorum quę ab illis acceperunt, tam prædictę concubinę, quam alij cum quibus illicitè luserunt, eo quod Religiones istę vsu, & praxi nihil de istis rebus male donatis curare videantur, ita vt eas quasi remittere censendę sint.

29 Hinc etiam valde probabile est posse hos milites etiam Commendatarios, siue de bonis patrimonialibus, siue de redditibus Commendarum maioratus instituere non secus atque alios sæculares si hoc illis specialiter non sit prohibitum. Non quidem quia prædictorum bonorum dominium habeant, vt malè quidam putant, sed quia Religiones istę militares, & Prælati supremi ipsarum hoc videntur permittere. Molina *to. 3. de iust. dist. 604. fin.* Sanchez *lib. 7. in decalog. cap. 8. n. 31.*

30 Peccabunt tamen mortaliter contra votum paupertatis, si in his, aut alijs vsibus expendant prædicta bona contra suorum Superiorum beneplacitum. Hoc enim ad minus est necessarium pro voto paupertatis, quod emiserunt. Ita in *Confessionario in interrogationibus circa votum*. Motra *in lib. instructionis vt Commendatarij tendant ad perfectionem*, & Sanchez *l. 7. in decalog. cap. 8. nu. 35.*

31 Peccabunt etiam mortaliter contra votum paupertatis, si tempore, & occasione quibus Religiones ipsę, ipsorum Prælati, vel visitatores, iusserint, non præsentauerint inuentaria rerum, quas possident, aut in eis conficiendis infideliter se gesserint aliqua occultando, quia paupertas ab eis promissa hoc ad minus

minus requirit. *Illa in Regula Commendatariorum D. Iacobi in proemio, & in confessionario in interrogationibus circa votum.* Quod tamen bene intelligit Sanchez *lib. 7. in decalog. cap. 7. num. 34.* Quando notabilis esset mora in inuentario conficiendo, & quando occultatio esset rei notabilis, alias solum peccatum veniale committent, magis, vel minus leue, iuxta maiorem, vel minorem grauitatem materię.

32 Ex alumnis horum militarium Ordinum tenentur ad Officium diuinum, seu horas Canonicas Clerici in sacris Constituti, & Moniales, iuxta dicta tom. 1. cap. 12. nu. 2. & 3. & cap. 25. num. 13. De Clericis autem non in Sacris constitutis, sed ad Chori seruitium deputatis philosophandum videtur eodem modo, ac de alijs Religiosis, iuxta dicta eodem cap. 12. num. 3. Milites autem horum Ordinum, non sunt obligati ad Officium diuinum, quia etsi sint Religiosi, iuxta dicta, non tamen sunt ad dicti Choro, cultui diuino, aut Ecclesiasticis ministerijs, sed militię. Azorius *tom. 1. instit. moral. lib. 13. cap. 4. §. quinto queritur.* Suarez *tom. 2. de Relig. lib. 4. de bonis canonicis cap. 19.* Quod etiam verum puto de militibus commendatis, seu Commendatarijs horum Ordinum, cum nec ratione Religionis militaris, ad id obligentur, vt dictum est, nec ratione Ordinis sacri, cum illo careant, nec ratione beneficij Ecclesiastici, cum Commenda beneficium Ecclesiasticum non sit, nec consuetudinis, quę non extat, vt credo. Quod dixerim contra Bonacinam *de bonis canonicis disp. 1. q. 2. punct. 4. num. 3.* Clerici autem horum Ordinum militarium beneficia Regularia quantumuis manualia habentes ad officium diuinum tenentur, tum ratione Ordinis sacri, tum ratione beneficij. Bonacina *ibid. num. 2.* Imò milites ipsi tenentur recitare eas Orationes, quas loco Horarum Canonicarum Regula ipsis pręscribit. *Illa super Regulam Commendat. D. Iacobi cap. 6.* Qui licet dicat hanc obligationem esse sub mortali, alij tamen id negant. Nauarrus *cap. quando cap. 7. n. 23.* Sanchez *2. tom. consil. moral. lib. 7. cap. 2. dub. 5.* Consulienda sunt tum verba Regulę, tum dicta *to. 1. cap. 7. de obligatione Regularium, ratione Regulę, sui Ordinis.*

33 Probabile est posse huiusmodi Equites Ordinum militarium de suorum reddituum fructibus, & de alijs bonis ipsorũ testari, si vsu, consuetudine, vel Constitutionibus particularibus nõ sit illis hoc interdictum sed permissum. Ratio est, quia etsi ratione voti paupertatis id non ipsis liceret, si tamen talis vsus, consuetudo, aut Constitutio hoc illis prohibens non existat, videtur illis à Religione permitti, ac per consequens licite fieri. Nec obstat

Constitutio Pij v. *Sacrofanctum* anno 1568. edita, quæ est inter Constitutiones huius Pontificis 2. tom. Bullar. 73. quia in ea solum reuocat omnes, & quascumque licentias, seu facultates testandi his Equitibus concessas, non tamen Ordinis Constitutiones, vel usum, aut consuetudinem legitime præscriptas. Azor. tom. 1. *instit. moral. lib. 13. cap. 5.* Adde Gregor. xii. reuocasse prædictam Constitutionem Pij v. concedendo illis facultatem testandi, iuxta pristinam eorum consuetudinem. Sanchez lib. 7. in decalog. cap. 8. num. 30. Vide dicenda infra à num. 54.

34. Clericos etiam horum Ordinum Militarium extra claustra viuentes de licentia Superiorum posse testari cum quibusdam conditionibus, asserunt. Ista in *Reg. horum Commendatariorum*, cap. 20. Motta in lib. *instruct. ut Commendatarij tendant ad perfectionem* cap. 4. §. 4. num. 52. Cum tamen isti simpliciter veri, & indubitati sint Religiosi, testari autem prohibetur Religiosis sit, iuxta dicta tom. 1. cap. 9. num. 19. ideo ad priuilegia, Constitutiones, & legitimas eorum consuetudines attendere oportet. Sanchez lib. 7. in decalog. cap. 8. nu. 37.

35. Commendatarijs perpetuis Ordinum Militarium competunt ea quæ veris Prælati competere possunt. Rodriguez tom. 1. *quest. Regular. q. 27. art. 12.* Quod intellige quantum ad dispositionem reddituum suarum Commendarum: seruato iure Ordinis, & voto paupertatis, non tamen possunt alienare, nec locare nisi seruatis seruandis.

36. Tenentur de redditibus Commendarum eleemosynas elargiri, & suarum Ecclesiarum necessitatibus succurrere, eo quod prædicti redditus sunt bona Ecclesiastica ex decimis, vel primitijs Ecclesiasticis deducta, etsi illis applicata pro bello contra infideles gerendo, atque adeo dum tale bellum non instat, tenentur pauperibus, & Ecclesiarum indigentijs subuenire, alijs defraudatores, & usurpatores erunt bonorum Ecclesiasticorum. Martinus de Ayala in *Compend. Ordin. milit. D. Iacobi*. Rodriguez tom. 2. *quest. Regul. q. 75. art. 5.* Specialiter de Commendatoribus quibus commissa sunt, vel commendata Hospitalia, vel Hospitalitas sic scribunt graues Auctores. Notandum est illud quod traditur à Rebuffo, scilicet aduersus Commendatarios. Hospitalitas (inquit) debita non seruatur, sed tota amittitur, nam quoties quisque commendatarius Hospitalem se exhibeat, aliorum sit iudicium, qua tamen plurimum est commendata ut Glossa, & Doctores scribunt. Hodie quidem Commendatarij tantum absunt ab hac Hospitalitate, ut qua possunt à pauperibus eripiant;

eripiant; unde quia Hospitalitas decessit, successit indiditio fisci, Decimarum, & aliorum onerum praestatio, ut in sacris Canonibus habetur, hoc tollit fiscus quod non accipit Christus. Azor. tom. 1. lib. 2. cap. 22. §. undecimo quaritur. Rodriguez to. 2. quest. Regul. q. 84. ar. 2.

37 Tenentur etiam habitum suarum Religionum semper portare. Tum propter particulares ipsarum Constitutiones, tum etiam quia non est certum comprehensos non esse in lege communi cap. 2. ne Clerici, vel Monachi in 6. ubi excommunicatione maiori innodantur Religiosi habitum suae Religionis temere, dimittentes, de qua diximus tom. 1. cap. 13. Cum enim sint verè Religiosi debitari iure potest an praedicta lege comprehendantur, etsi ex alia parte cum ipsi quoad odia, & rigores nomine Religiosorum non veniant, probabile satis sit non comprehendendi. Pro his etiam militibus beneficia Ecclesiastica obtinentibus extant duarum Constitutiones Sixti v. in 2. tom. Bullarij num. 92. circa habitum, quem portare debent. Rodriguez tom. 2. quest. Regul. q. 76. art. 2. Declaratum autem est à S. Congregatione Militem Regularem, si fuerit Canonicus non posse supra habitum Canonicaem deferre Crucem Ordinis Militaris. Barbosa in Collectan. Bullar. verb. miles Regularis 2. & verbo Canonicus Protonotarius.

38 Gaudent privilegio canonis, ita ut illos percutiens incidat in excommunicationem latae sententiae can. si quis cum sint verè Religiosi, & personae Ecclesiasticae. Garzia de Benefic. 1. p. cap. 4. Diana Tract. de immunit. Ecclesiast. resolut. 72. Portellus in Dub. Regular. verbo manus violentiae num. 7. Nec id negari potest nisi ab opinantibus non esse verè Religiosos. Unde etiam videtur extendendum hoc privilegium ad Novitios eorum; cum etiam tempore Novitiatus personae Ecclesiasticae sint, & in favorabilibus Novitij æquiparentur professis, iuxta dicta to. 1. cap. 3. nu. 16.

39 Pariter etiam fori privilegio gaudent hi milites, propter easdem rationes, ut post multos Auctores tenet Barbosa de Offic. & potest. Episcop. alleg. 12. num. 45. Quorum aliqui etiam hoc extendunt ad Novitios. Vide Motam de Confirmat. Ord. D. Iacobi lib. 2. cap. 1. §. nono. Dianam Tract. de immunit. Ecclesiast. resolut. 72. & tract. de paupert. Religios. resolut. 23. Quod verò dicendum de Equite Hierosolymitano, qui percussit aliquem Clericum, qualiter scilicet Episcopus se gerere debeat circa illum, habetur ex declaratione S. Congregat. apud Aldanam in Compend. Canon. resolut. lib. 2. tit. 3. nu. 3. & Barbosa in Collect. Bullar.

Bullar. verb. Eques Hierosolymitanus. Quid etiam dicendum de ijs qui in Ordine S. Ioannis mediam Crucem portant, constat ex dictis supra nu. 4.

40 Idem etiam affirmandum de immunitate à gabellis, esse scilicet prædictos Milites ab illis immunes. Propter dicta, nempe quia sunt verè Religiosi, vel saltem Ecclesiasticæ personæ. Flores de Mena lib. 2. q. 21. num. 205. Diana in Tract. de immunit. Ecclesiastica resolut. 49. Barbosa de Offic. & potest. Episcop. allegat. 14. qui etiam num. 15. id privilegium extendendum dicit ad vxores viduas horum Militum.

41 Eorum filij, videlicet quomodocumque habiti à Militibus S. Ioannis, & ab alijs Militibus Ordinum extra matrimonium, sunt illegitimi, cum sint filij Religiosorum, & ita habetur in l. 11. Tauri. Rodriguez tom. 1. quest. Regular. q. 13. art. 2. Vnde consequenter dicendum filios horum militum ante matrimonium habitos etiam si ex copula cum soluta non esse naturales, cum sint sacrilegi contra votum castitatis, nec legitimari per subsequens matrimonium, propter eandem rationem. Rodrig. ibidem, Diana tract. 2. de Dub. Regul. resolut. 30.

42 Per ipsorum professionem non vacant beneficia aut pensiones quæ antea habebant. Ratio est, quia cap. Beneficium de Regularibus in 6. decernens beneficia (idem dico de pensionibus) vacare per professionem Religiosorum, cum sit odiosum non videtur intelligendum de huiusmodi Militibus, qui etsi ut dictum sit essentialiter Religiosi sint, modum tamen Religiosorum non seruant: propterea enim à similibus odijs, ut dictum est, eximuntur. Sanchez lib. 7. in decalog. cap. 29. nu. 5. & 9. aliter tamen loquens de Militibus S. Ioannis, sed mihi videtur æquales esse quoad hoc omnes hos milites, propter rationem allatam, nisi pro ipsis sit aliqua specialis lex.

43 Probabile etiam est capaces esse eorum beneficiorum, & pensionum quibus alij Religiosi, iuxta dicta cap. 2. capaces non sunt. Tum quia non comprehenduntur in odiosis spectantibus ad Regulares, tum quia, etsi Religiosi sint modum tamen Religiosorum non tenent, cum non omnino mutant statum, & redditus quasi proprios obtineant. Sanchez lib. 7. in decalog. cap. 29. num. 103. & fauet Azorius tom. 1. instit. moral. lib. 13. cap. 3. q. 2. ad finem. Vide tamen declarationem S. Congregat. adducendam infra num. 54. Et nota dictis non ob stare quòd sæpius à Sede Apostolica concedatur aliquibus militibus horum Ordinum facultas ad habendum pensiones, ut dicetur infra num. 58. & 60. hoc enim fieri potuit ob maiorem securitatem conscientie.

Quam-

44 Quamuis autem veri Religiosi sint, ut dictum manet, nihilominus illi qui votum emisunt ingrediendi Religionem, non determinando Religionem, non satisfaciunt assumpto habitu istorum militum. Nam eorum Religio in genere Religionis adeo laxa est, ut potius modum viuendi secularem habeat, illi autem qui Religionem ingredi promittunt, intendunt profiteri statum arctiorem, & Cœnobiticum intra claustra, & magis separatum à fastu, & curis secularibus. Corduba in *Summ. q. 148. Sanchez lib. 4. de præceptis decalog. cap. 16. num. 11. & 12.* Qui etiam bene addunt eos qui emisunt tale votum sufficienter satisfacere ingrediendo Religionem Clericorum horum Ordinum Militarium, sicut & Canonicorum Regularium, cum illi veram vitam Regularem in Cœnobijs instar aliorum Religioforum ducant. Addo non esse improbabile quod qui votum emisit Religionis nullâ determinando, satisfaciat voto, ingrediendo Religionem S. Ioannis, quia illa inter militares, est strictior, ut potè, cum milites illius votum simpliciter castitatis emittant, & non solum coniugalem, ut alij Ordines Militares. Aragon. 2. 2. q. 88. art. 11. Diana *tract. 16. Miscellan. resol. 38.* Declaratum autem dicitur à S. Congregatione, per licentias claustralibus concessas ad ingrediendum quamcumque Religionem non licere transire ad non claustrales, quales sunt Militares, & Hospitalarij. Quaranta in *Summ. Bullar. verb. Monasteria, & Conuentus vers. quoad transitum.*

45 Licet aliqui credant hos milites gaudere priuilegio aliorum Regularium, de quo *tom. 1. cap. 18. num. 27.* quod scilicet possint confiteri peccata sua Confessario etiam non approbato ab Ordinario (Ioannes Sancius in *selectis disp. 49. num. 10.* cui annuere videtur Diana *tract. 2. de Dub. Regul. resol. 30.*) Nihilominus quia in hoc attendenda est consuetudo tam ea quæ fuit inter hos milites ante Concilium Tridentinum, quam post illud, & hæc sit in contrarium, ut ipse Diana testatur, nullatenus assentiendum est huic sententiæ, sed ut falsa reiicienda.

46 Apostasiæ crimen incurrent si Religionem quam professi sunt derelinquant. Motta *lib. 2. cap. 1. §. 6. nu. 5.* Diana *tract. 2. de Dub. Regular. resol. 30.* Quando autem sint Apostatæ dicendi constat ex dictis *to. 1. cap. 16.*

47 Possunt etiam transire de Religione in qua sunt ad aliam, sed dicunt id fieri debere cum licentia magni Magistri Religionis. Motta *lib. 2. cap. 1. §. 6.* Diana *Tract. 2. de Dub. Regular. resol. 30.* Verumtamen attendenda sunt quoad hoc tum iura, & priuilegia particularium Religionum militarium, tum circa

con-

conditiones huius transitus ea quæ dicta sunt *tom. 1. cap. 22.*

48 Non peccant isti Milites accedentes ad Sacramentum Penitentiae, & Communione ense, & pugione accincti, si hoc sit consuetudine introductum in eorum Religionibus, talis enim consuetudo nihil habet indecentiae, posito quod status quem profitentur est, præparatos esse ad bellum gerendum pro fide Catholica quod rectè ense, & pugione denotatur. Ioannes Sancius *in selectis disp. 45. num. 3.* Diana *Tract. 2. de Dub. Regular. resolut. 30.*

49 Quoad visitationem Ecclesiarum Ordinum Militarium applicanda videtur doctrina tradita *tom. 1. cap. 11. num. 7. & 9.* quod scilicet Episcopi, aut alij locorum Ordinarii nullam habeant facultatem visitandi Ecclesias, aut Monasteria quibus non imminet cura animarum, benè tamen illa, vel illas, quibus talis imminet cura, in eis quæ ad dictam curam, & Sacramentorum administrationem pertinent, propter ibidem adducta ex Concilio Trident. & declarationibus S. Congregationis. Quibus iungitur Constitutio Pij v. pro Ecclesijs Militum S. Ioannis Hierosolymitani. Barbosa *de Offic. & potest. Episcop. allegat. 74. num. 26.* Accedit etiam alia declaratio S. Congregationis apud eundem Barbosam *in Collectan. Bullar. verb. excommunicatio*, in qua declaratur posse Episcopum excommunicare Fratrem Capellanum Religionis Hierosolymitanæ, qui cum administrasset redditus Parochialis sæcularis, & citatus ab Episcopo ad reddendam rationem, noluit comparere. Vide etiam aliam declarationem S. Congregat. Regular. apud eundem Barbosam *ut supra verb. visitare Episcopus quando possit &c. 2.* Quia tamen aliquæ Ecclesiæ istorum Ordinum dicuntur esse nullius Diocesis, & Magistri illorum in illis habere iurisdictionem non solum Episcopalem, sed etiam temporalem (de quo Rodrig. *tom. 1. quest. Regular. q. 36. art. 3. & 4.*) ac per consequens non includi in decretis Concilij Tridentini, ideo consulenda sunt tum privilegia illorum, tum usus, & praxis. Constitutio autem Gregorij xv. quæ huiusmodi privilegijs aduersari videtur pro Hispaniæ Regnis suspensa est, iuxta dicta *tom. 1. cap. 19. num. 35.* De privilegijs autem ipsorum dicetur infra *à num. 52.*

50 Priores Ecclesiarum Ordinum Militarium dicuntur posse exercere munera aliqua Episcopalia, scilicet benedicere ornamenta, & concedere Reuerendas sæcularibus suorum Prioratum. Rodrig. *to. 1. q. 36. ar. 6.* Vide tamen dicta *to. 1. c. 14. n. 13. & cap. 18. nu. 57.*

51 De Monialibus horum Ordinum Militarium eodem modo

modo philosophandum, ac de alijs, iuxta dicta tom. 1. cap. 25. Specialiter quoad obligationem obseruandæ clausuræ absque dubio ea ligari (quidquid immerito quidam dubitarint) constat ex Trident. sess. 25. cap. 22. illis verbis: *Quarumcumque sanctimonialium, etiamsi illæ sub gubernio militiarum, etiam Hierosolymitane uiuant, & quocumque nomine appellentur, & ex Constitutione Circa pastoralis*, Pij v. illis verbis, *Cuiuscumque Ordinis, vel militiarum, etiamsi Hierosolymitane sint*: verbum enim illud etiam *Hierosolymitane* in utroque decreto positum significat à fortiori comprehendi Moniales aliarum militiarum. Nauarrus Comment. 4. nu. 44. vers. 5. nota de Regularibus. Sanchez lib. 6. in decalog. cap. 15. num. 10. Etiam si, dato casu, ante Concilium, & Pium v. consuetudo fuisset clausuram non obseruare. Quia Concilium dicta sess. 25. cap. 22. iubet obseruari decreta illius sessionis inter quæ vnum est de huiusmodi clausura, non obstantibus etiam consuetudinibus immemorabilibus, & Pius v. in sua illa Const. Circa pastoralis præscribit eandem clausuram, etiam si nec vnquam in earum Monasterijs, seu Domibus etiam ab immemorabili tempore ea seruata fuerit. Nauarrus vt supra num. 4. vers. octauo nota, Rodriguez tom. 1. quest. Regular. q. 44. ar. 2. & 3. Sanchez lib. 6. in decalog. c. 15. num. 12.

52 Gaudent præterea huiusmodi militares Ordines varijs priuilegijs à Sede Apostolica concessis. Specialiter milites S. Ioannis Hierosolymitani ab Anastasio iv. in Bulla *Christiana* in 1. tom. Bullar. inter Bullas huius Pontificis num. 2. sub Sedis Apostolicæ protectione suscepti priuilegijs quoque bona etiam stabilia possidendi, Hospitalia construendi, Decimas non soluendi, tempore generalis interdicti celebrandi, & alijs, decorati sunt. Deinde Pius iv. in Bulla *Circumspecta* tom. 2. Bullar. num. 9. priuilegia ab antiquioribus Pontificibus illis concessa confirmans alia de nouo concessit. Exempti etiam sunt ab eodem Pio iv. in Bulla *Romani interest* num. 20. à Constitutione illa de bonis ex illicita negotiatione acquisitis, vt dictum est to. 1. c. 10. nu. 5. Item SS. D. N. Urban. viii. in Constitutione *Vniuersalis Ecclesie* 4. tom. Bullar. num. 15. priuilegia, indulta, facultates, & exemptiones illis concessa à Romanis Pontificibus prædecessoribus confirmauit, & approbavit. A visitatione Episcoporum exemptæ sunt eorum Ecclesiæ ex priuilegio Summorum Pontificum, præterquam si sint curatæ, vt declarauit S. Congregatio Concilij apud Armendariz in addit. ad recopilat. legum Nauarræ lib. 1. tit. 6. de visitat. l. 5. §. 2. num. 6. & Barbosa in Collect. Bullar. verb. *militēs S. Ioannis*. Insuper ubi habent iurisdictionem

P

spiritua-

spiritualem, & temporalem non possunt Ordinarii se interponere ad visitandum, ex declaratione S. Congregationis, testibus eodem Armendariz l. 2. §. 2. nu. 94. & eodem Barbosa *ut supra verb. Eques Hierosolymitanus*. Insuper ex decreto S. Congregationis Concilij confirmato à SS. D. N. Urbano VII. in Bulla *Exponi nobis* tom 4. Bullar. nu. 78. Constitutio Greg. xv. de Conseruatoribus, de qua latè cap. 10. non afficit hos Equites Hierosolymitanos, nisi quoad Iudices Conseruatores, eidemque Religionì adhuc ius eiusmodi Iudices Conseruatores eligendi competit. Extat etiam Bulla Pij v. in Bullario Rodriguez to. 2. num. 24. vbi priuilegia, & exemptiones huius Religionis confirmantur, & declarantur, & alia Gregorij XII. in eodem to. 2. Bullar. Rodriguez num. 14. circa idem intentum, & alia Sixti v. in eodem Bullario nu. 18. de eadem re.

53 Specialiter ex declarationibus S. Congregationis, quas afert Barbosa in *Collectan. Bullar. verb. Fratres S. Ioannis Hierosolymitani*, huius Religionis Fratres, siue eorum Vicarij in Parochialibus Religionis vnitis, & ab ea dependentibus non tenentur, neque compelli possunt ad contributionem seminarij, solutionem Cathedralicæ, Synodaticæ, siue charitatiui subsidij. Tenentur tamen ad processiones accedere; & Capellani ipsorum, qui administrant redditus Parochiæ secularis citati ab Episcopo in visitatione ad reddendam rationem, si non compareant possunt ab Episcopo excommunicari. Refertur etiam ab eodem Barbosa ibidem *verbo Vicarius perpetuus Parochialis* 8. & *verbo Vicarius amouibilis* 9. declaratum esse à S. Congregatione, Vicarios etiam amouibiles Ecclesiarum Parochialium vnitarum, & dependentium à Religionè Hierosolymitana posse ab Episcopo examinari, & approbari, simpliciter scilicet, non autem ad tempus, nec posse eos pro libito subijcere nouo examini, nisi superueniente rationabili causa, & suspitione ignorantie. Refert etiam idem auctor *d. c. l. verbo Fratres S. Ioannis Hierosolymitani ut supra* Pium v. in Bulla *Circumspecta* anno 1567. concessisse prædictis Fratribus Capellanis Hospitalis S. Ioannis Hierosolymitani quod possent à quocumque Catholico Antistite sub Romanæ Sedis obedientia constituto sacros Ordines etiam extra tempora à iure statuta, tribus diebus festiuis suscipere, & in quibuscumque tam secularium, quam Regularium Ecclesijs absque alicuius licentia etiam Altari portatili celebrare. Verumtamen hæc Bulla non est Pij v. sed Pij iv. & cum contineat priuilegium contrarium Concilio Trident. & Bullæ ipsius Pij iv. reuocatorie priuilegiorum Concilio contrariorum ideo

ideo cautè procedendum, etiamsi à posterioribus Pontificibus hoc, & alia priuilegia huius Religionis confirmata dicantur, cum Pontifices non confirmare soleant dicta priuilegia, nisi quatenus contraria non fuerint dicto Concilio.

54 Milites S. Iacobi vulgo de Spatha, instante Catholico Monarcha Philippo II. à Gregor. XIII. in Bulla *Romani Pontificis num. 30.* obtinuerunt, vt non obstante Constitutione Pij v. quæ illis sublata erant licentiæ, & facultates ad testandum, nihilominus testari possent ex vi prædictarum facultatum. Declaratum etiam dicitur à S. Congregatione non emittentes inter illos omnia tria vota substantialia Religionis minimè incapaces esse Beneficiorum secularium siue simplicium, siue Curatorum, nec etiam pensionum. Garzia in *additionib. ad suum tractatum de benefic. p. 1. cap. 4. num. 22.* Barbosa in *Collect. Bullar. verb. milites S. Iacobi de Spatha*. De alijs etiam, qui prædicta tria vota emittunt idem etiam probabile esse, dictum est supra num. 43.

55 Milites præterea S. Iacobi de Alcantara, & S. Mariæ de Calatraua fruuntur gratijs, & priuilegijs Ordinis Cisterciensis. Illi quidem ex priuilegio Leonis x. Constit. 44. tom. 1. Bullar. isti autem ex Iulio II. Constit. 16. in eodem tom. 1. Bullar. Insuper ex Gregor. XIII. in Constit. *Romani Pontificis* eodem modo, ac milites S. Iacobi de Spatha obtinuerunt posse vti licentijs, & facultatibus ad testandum per Pium v. reuocatas.

56 Milites item S. Benedicti de Auis in Regno Portugalliæ perfruuntur omnibus priuilegijs concessis, & cõcedendis Militibus S. Iacobi de Spatha, de Calatraua, & Alcantara, ex Greg. 13. in Const. *Ex Apostolica n. 32.* De his Rodrig. to. 1. q. *Regul. in fine*.

57 Milites S. Lazari multis, magnisque priuilegijs, & gratijs decorati sunt à Pio IV. in Bulla *Inter assiduas nu. 94.* quæ tamen postea Pius v. successor declarauit, reformauit, seu reuocauit in Bulla *Sicuti bonus num. 28.* Huic porro militiæ alia sub S. Mauritij nomine vnita est à Gregor. XIII. in Bulla *Pro commissa num. 7.* cui etiam priuilegia quædam concedit in Bulla *Christiani populi num. 6.* Ex ea autem habetur hos milites S. Mauritij solum duo vota, castitatis scilicet coniugalis, & obedientiæ emittere, ac perinde veros Religiosos non esse.

58 Ordinis quoque militaris S. Stephani Milites charitatem, castitatem coniugalem, & obedientiam expressè promittunt, vt constat ex Bulla Pij IV. *His qua tom. 2. Bullar. num. 60.* Cum autem ibi nihil habeatur de voto paupertatis, ideo videtur essentialiter Religiosos non esse, quamuis ob professionem Regulæ S. Benedicti Religiosi in dicta Bulla à Pontifice appel-

spiritualem, & temporalem non possunt Ordinarii se interponere ad visitandum, ex declaratione S. Congregationis, testibus eodem Armendariz l. 2. §. 2. nu. 94. & eodem Barbosa *ut supra verb. Eques Hierosolymitanus*. Insuper ex decreto S. Congregationis Concilij confirmato à SS. D. N. Urbano VIII. in Bulla *Exponi nobis* tom 4. Bullar. nu. 78. Constitutio Greg. xv. de Conseruatoribus, de qua latè *cap. 10.* non afficit hos Equites Hierosolymitanos, nisi quoad Iudices Conseruatores, eidemque Religioni adhuc ius eiusmodi Iudices Conseruatores eligendi competit. Extat etiam Bulla Pij v. in Bullario Rodriguez to. 2. num. 24. ubi privilegia, & exemptiones huius Religionis confirmantur, & declarantur, & alia Gregorij XII. in eodem to. 2. Bullar. Rodriguez num. 14. circa idem intentum, & alia Sixti v. in eodem Bullario nu. 18. de eadem re.

53 Specialiter ex declarationibus S. Congregationis, quas affert Barbosa in *Collectan. Bullar. verb. Fratres S. Ioannis Hierosolymitani*, huius Religionis Fratres, siue eorum Vicarii in Parochialibus Religioni vnitis, & ab ea dependentibus non tenentur, neque compelli possunt ad contributionem seminarij, solutionem Cathedratici, Synodatici, siue charitatiui subsidij. Tenentur tamen ad processiones accedere; & Capellani ipsorum, qui administrarunt redditus Parochiæ secularis citari ab Episcopo in visitatione ad reddendam rationem, si non compareant possunt ab Episcopo excommunicari. Refertur etiam ab eodem Barbosa ibidem *verbo Vicarius perpetuus Parochialis* 8. & *verbo Vicarius amouibilis* 9. declaratum esse à S. Congregatione, Vicarios etiam amouibiles Ecclesiarum Parochialium vnitarum, & dependentium à Religione Hierosolymitana posse ab Episcopo examinari, & approbari, simpliciter scilicet, non autem ad tempus, nec posse eos pro libito subijcere nouo examini, nisi superueniente rationabili causa, & suspitione ignorantie. Refert etiam idem auctor *dicta verbo Fratres S. Ioannis Hierosolymitani ut supra* Pium v. in Bulla *Circumspecta* anno 1561. concessisse prædictis Fratribus Capellanis Hospitalis S. Ioannis Hierosolymitani quod possent à quocumque Catholico Antirrite sub Romanæ Sedis obedientia constituto sacros Ordines etiam extra tempora à Iure statuta, tribus diebus festiuis suscipere, & in quibuscumque tam secularium, quam Regularium Ecclesijs absque alicuius licentia etiam Altari portatili celebrare. Verumtamen hæc Bulla non est Pij v. sed Pij iv. & cum contineat priuilegium contrarium Concilio Trident. & Bullæ ipsius Pij iv. reuocatoriæ priuilegiorum Concilio contrariorum ideo

ideo cautè procedendum, etiamsi à posterioribus Pontificibus hoc, & alia priuilegia huius Religionis confirmata dicantur, cum Pontifices non confirmare soleant dicta priuilegia, nisi quatenus contraria non fuerint dicto Concilio.

54 Milites S. Iacobi vulgo de Spatha, instante Catholico Monarcha Philippo II. à Gregor. XIII. in Bulla *Romani Pontificis* num. 30. obtinuerunt, vt non obstante Constitutione Pij v. quæ illis sublata erant licentiæ, & facultates ad testandum, nihilominus testari possent ex vi prædictarum facultatum. Declaratum etiam dicitur à S. Congregatione non emittentes inter illos omnia tria vota substantialia Religionis minimè incapaces esse Beneficiorum secularium siue simplicium, siue Curatorum, nec etiam pensionum. Garzia in *additionib. ad suum tractatum de benefic. p. 1. cap. 4. num. 22.* Barbosa in *Collect. Bullar. verb. milites S. Iacobi de Spatha*. De alijs etiam, qui prædicta tria vota emittunt idem etiam probabile esse, dictum est supra num. 43.

55 Milites præterea S. Iacobi de Alcantara, & S. Mariæ de Calatraua fruuntur gratijs, & priuilegijs Ordinis Cisterciensis. Illi quidem ex priuilegio Leonis x. Constit. 44. tom. 1. Bullar. isti autem ex Iulio II. Constit. 16. in eodem tom. 1. Bullar. Insuper ex Gregor. XIII. in Constit. *Romani Pontificis* eodem modo, ac milites S. Iacobi de Spatha obtinuerunt posse vti licentijs, & facultatibus ad testandum per Pium v. reuocatas.

56 Milites item S. Benedicti de Auis in Regno Portugalliae perfruuntur omnibus priuilegijs concessis, & cõcedendis Militibus S. Iacobi de Spatha, de Calatraua, & Alcantara, ex Greg. 13. in Const. *Ex Apostolica* n. 32. De his Rodrig. to. 1. q. *Regul. in fine*.

57 Milites S. Lazari multis, magnisque priuilegijs, & gratijs decorati sunt à Pio IV. in Bulla *Inter assidue* nu. 94. quæ tamen postea Pius v. successor declarauit, reformauit, seu reuocauit in Bulla *Sicuti bonus* num. 28. Huic porro militiæ alia sub S. Mauritij nomine vnita est à Gregor. XIII. in Bulla *Pro commissa* num. 7. cui etiam priuilegia quædam concedit in Bulla *Christiani populi* num. 6. Ex ea autem habetur hos milites S. Mauritij solum duo vota, castitatis scilicet coniugalis, & obedientiæ emittere, ac perinde veros Religiosos non esse.

58 Ordinis quoque militaris S. Stephani Milites charitatem, castitatem coniugalem, & obedientiam expressè promittunt, vt constat ex Bulla Pij IV. *His quæ* tom. 2. Bullar. num. 60. Cum autem ibi nihil habeatur de voto paupertatis, ideo videtur essentialiter Religiosos non esse, quamuis ob professionem Regulæ S. Benedicti Religiosi in dicta Bulla à Pontifice appel-

lentur. Varijs etiam privilegijs, videlicet exemptionis à iurisdictione Ordinariorum, disponendi de acquisitis, dummodo quintam illorum partem Conuentui relinquant, retinendi, & transferendi pensiones vsque ad certam quantitatem, & alijs ab eodem Pio iv. in dicta Bulla decorati sunt.

59 Pro militibus etiam S. Spiritus in Regno Galliarum extant duæ Constitutiones Pauli v. inter Constitutiones ipsius num. 42. & 44. in quarum vna Pontifex dispensat in duobus statutis huius Ordinis voto, & iuramento firmatis, altero de Communione S. Eucharistiarum facienda die Congregationis generalis dicti Ordinis, & admissionis ad habitum alicuius, altero de exteris non admittendis in milites; in alia verò facultatem Henrico iv. Regi concedit statuta pro illius prospero regimine necessaria, & utilia edendi, corrigendi, & immutandi. Nihil tamen de privilegijs huic militari Ordini concessis ibi inuenio.

60 Ordo tamen militaris sub titulo, habitu, & Regula Ordinis nostri B. Mariæ de Monte Carmelo ab eodem Paulo v. in Bulla *Romanus Pontifex* num. 41. institutus postulante eodem Henrico iv. Galliarum Rege, privilegia plura ab ipso Pontifice habet, videlicet facultatem pensiones habendi, exemptionem ab impositionibus, & grauaminibus, ac superioritate quorumcumque Ordinariorum, & gratiam indulgentiarum plenarum tam in die, qua in Ordine recepti fuerint Milites, quam singulis annis die 16. Iulij qua festum B. Mariæ Virginis de Monte Carmelo solemniter celebratur, ac in articulo mortis. Quas indulgentias non contineri sub generali reuocatione indulgentiarum ab eodem Paulo v. facta constat, tum quia illa reuocatio facta fuit anno 1606. hæc autem concessio anno 1607. vel 1608. tum quia prædicta reuocatione solum videntur comprehendi indulgentiarum concessæ alijs Ordinibus non militaribus.

61 Demum sub SS. D. N. Urbano vii. Ordo militiarum Christianarum sub titulo Conceptionis B. Mariæ Virginis Immaculatæ, & Regula S. Francisci institutus, plura etiam ab ipso privilegia concessa habet, videlicet exemptionis ab Ordinariorum iurisdictione, facultatis ad habendum pensiones certæ quantitatis pecuniæ, potestatis condendi statuta, & indulgentiarum. Constant hæc, & alia ad hanc militiam pertinentia ex duabus Constitutionibus eiusdem Urbani in 4. to. Bullar. num. 11.

SUMMARIVM CAP. VI.

- Regulares Hospitalarij qui sint. num. 1.*
Plures Religiones habent, & habuerunt Hospitalia. ibid.
Veri Religiosi sunt omnes si emittant tria vota essentialia. num. 2.
Qui ea emittant. ibid.
Aliqui etiam quartum votum faciunt. num. 3.
Gaudent varijs privilegijs à Sede Apostolica. nu. 4.
Cruciferi quibus gaudent. ibid.
Fratres S. Antony Viennensis. ibid.
S. Spiritus in Saxia. ibid.
Fratres B. Ioannis de Deo. ibid.
Provident aliqui ipsorum aliqua beneficia. num. 5.
Hospitalia Regularia subire debent conditiones Beneficij Regularis. nu. 6.
Quæ illis præcipiantur in Concil. Vienn. & à Clem. V. num. 7. & 8.
Quæ à Concil. Trid. num. 9. & 10.
An Hospitalia Regularia exempta sint ab Ordinariorum iurisdictione. num. 11.
Quid circa ipsa declaratum. ibid.
Quoad regularem observantiam eorum qui Hospitalibus assistunt, non subiiciuntur Ordinarijs. num. 12.
Quid determinatum sit pro Fratribus B. Ioannis de Deo. num. 13.
Quid etiam pro habitu ab ipsis deferendo. n. 14.
An sint vel non materia simonia Administrationes, seu Rectoria Hospitalium. num. 15.
Bona ipsorum an alienari possint sine solemnitate requisita. nu. 16.
An Rectores Hospitalium gaudeant privilegio fori. n. 17.
Quid de Rectoribus Hospitalium non Regularium. ibid.
An ad illos transire possint alie Religiones. num. 18.



De Regularibus Hospitalarijs, eorumque Iuribus,
priuilegijs, & obligationibus.

Cap. VI.



REGULARES Hospitalarij ij sunt in præ-
senti, quorum Ordines super Hospitalitatem
fundati sunt, vel saltem Hospitalia habent,
& in eis curam infirmorum, vel peregrino-
rum exercent, eos charitatiuè medicando,
vel suscipiendo, quales sunt Cruciferi, Fratres
S. Antonij Viennensis, S. Spiritus in Saxia,
B. Ioannis de Deo &c. de quibus sigillatim hoc capite di-
cendum. Miranda in *man. Prælat. tom. 1. q. 4. art. 14.* Obiter
etiam de alijs, qui etsi inter Mendicantes, Monachales, seu mi-
litares computentur, Hospitalium tamen quorundam curam
habent, hac enim ratione de illis modo agendum. Inter quos
etiam recensentur Fratres Ordinis SS. Trinitatis, quibus Hospi-
talitas competere videtur ex Regula, cum in ea, quam ab Inno-
centio III. acceperunt in Bulla *Operante* anno 1198. in 1. tomo
Bullar. num. 1. bonorum suorum partem operibus misericor-
diæ applicandam præcipiatur. Hinc plura habent Hospitalia.
Ordinis etiam grauissimi Prædicatorum Fratres Hospitalia
habuisse constat ex Bullis Martini v. & Bonifacij VIII. quas
refert Rodriguez *tom. 2. quæst. Regul. q. 63. art. 3.* Aliorum etiam
Ordinum Fratres Hospitalia habere pro comperto est.

2. De ijs id primò certum, & indubitatum, verè, & essentiali-
ter Religiosos esse, si emittant saltem tria vota essentialia Reli-
gionis, videlicet obedientiam, castitatem, & paupertatem,
prout Mendicantes, Monachos, & Canonicos Regulares
emittere superioribus capitibus dictum est. Horum enim
trium votorum emissio statum Religiosum constituit, iuxta
sæpius dicta tam in primò, quam in hoc secundo tomo Summæ.
Illa autem emittere Cruciferos supponit Pius v. in Bulla *Nihil in
Ecclesia* anno 1568. edita, in 2. tomo Bullar. num. 59. Fratres
S. Antonij Viennensis Bonifac. VIII. in Bulla *Sane inter dilectos*
anno 3. sui Pontificatus, & Fratres S. Spiritus in Saxia Innoc.
III. in Bulla *Inter opera* in 1. tomo Bullar. num. 7. Ac demum
Fratres B. Ioannis de Deo Paul. v. in Bulla *Romanus Pontifex*
anno 1611. edita in 3. tomo Bullar. num. 69. vbi tria vota
obedien-

obedientiæ, castitatis, & paupertatis, & quantum serviendi infirmis emittentes, verè, & propriè Religiosos, & Regulares esse, ac pro talibus habendos declaravit.

3 Emittunt etiam aliqui ipsorum videlicet Fratres B. Ioannis de Deo ex Clement. viii. in Bulla *Romani Pontificis* anno 1596. in 3. tom. Bullar. num. 44. & Paulo v. in Bulla *Tupei-* rius relata, votum inseruendi infirmis. Siue autem ex voto, siue ex Regula, vel Constitutionibus particularibus, tam hi, quam alij dicto ministerio, vel simili de peregrinorum suscepcionē incumbant, iuxta regulas generales, de quibus tom. 1. cap. 7. & 8. dictum est, quanta sit obligatio ad id faciendum, pensari debet.

4 Gaudent varijs privilegijs à Sede Apostolica illis concessis, etenim Cruciferi ab Urbano vii. anno 1187. in Bulla *Cum Antecessor* in 1. to. Bullar. exemptionem à certis decimis, facultatem recipiendi ad Religionem, & fabricandi Cæmeteria, ac Oratoria habuerunt. Deinde Gregor. xiv. in Bulla *Romani Pontifex* 2. tom. Bullar. num. 13. privilegia alijs illis concessa, confirmavit, ac omnia, & singula privilegia Mendicantium, & non Mendicantium Ordinum concessit. Similiter Fratres S. Antonij Viennensis à sanctiss. D. N. Urbano vii. anno 1624. omnium Regularium Mendicantium, & non Mendicantium privilegiorum communicatio concessa est, teste Barbosa in *Collectan. Bullar. verb. Fratres S. Antonij Viennen.* Item Fratres S. Spiritus in Saxia à Sixto iv. in Bulla *Religionis zelus* anno 1483 in 2. tom. Bullar. num. 22. sub S. Petri protectione suscepti ab omni Ordinariorum iurisdictione exempti, & privilegijs Monachorum S. Iustiniæ decorati sunt. Fratres autem B. Ioannis de Deo exempti sunt ab Ordinariorum iurisdictione per Paulum v. *Constitutio Romanus* 1619. Barbosa in *Collect. Bullar. verb. Fratres B. Ioannis Dei.*

5 Habent aliqui ipsorum facultatem providendi non solum Hospitalia Religionis, sed etiam beneficia aliqua Regularia illi annexa. Idem supponitur de Cruciferis à Pio v. in Bulla *Nihil in Ecclesia*, de qua supra num. 2. quibus tamen Pontifex ipse præscribit modum, & formam id faciendi. De Fratribus etiam S. Antonij Viennensis id etiam supponi videtur à Summis Pontificibus Gregor. xv. & Urbano vii. in Constitutionibus relatis à Barbosa in *Collectan. Bullar. verb. Fratres S. Antonij Viennen.* & de Fratribus S. Spiritus in Saxia ex Sixto iv. in Bulla *Et si uniuerfis* in 1. tom. Bullar. inter Bullas huius Pontificis num. 12. & ut dicitur ex Paulo iv. Pio iv. & Pio v. De huiusmodi autem

autem Regularium beneficiorum natura conditionibus, & alia ad ipsa spectantibus, lege dicenda cap. 18.

6 Huiusmodi autem Hospitalia Regularia Regularibus concessa subire debent conditiones beneficij Regularis, maximè quoad amouibilitatem, & inconstantem naturam ipsorum, ita scilicet vt ij quibus conceduntur amoueri possint à Superioribus Religionis, iuxta dicenda cap. 18. Hoc enim necessarium est, tum propter vota paupertatis, & obedientiæ quæ emittunt Religiosi, etiam Hospitalarij, tum propter naturam beneficiorum Regularium, quibus assimilantur. Rodrig. to. 2. *quæst. Regul. q. 84. art. 1.*

7 Præ oculis habenda semper est Hospitalarijs Regularibus, Hospitalium præcipue Rectoribus Constitutio Clemen. v. seu Concilij Viennensis quæ incipit *Quia contingit lib. 3. Clement. de Religiosis domibus cap. 2.* vbi sic habetur. Quia contingit interdum quod Xenodochiorum, Leprosariorum, Eleemosynariorum, seu Hospitalium Rectores locorum ipsorum cura postposita, bona, res, & iura ipsorum interdum ab occupatorum, & vsurpatorum manibus excutere negligunt, quinimo ea collabi, & deperdi, domos, & ædificia ruinis deformari permittunt, & non attento quod loca ipsa ad hoc fundata, & fidelium erogationibus dotata fuerunt, vt pauperes infestique lepra reciperentur inibi, & ex prouentibus sustentarentur illorum, id renuunt inhumaniter facere: prouentus eosdem in vsus suos damnabiliter conuertentes; cum tamen ea, quæ ad certum vsus largitione sunt destinata fidelium, ad illum debeant non ad alium (salua quidem Sedis Apostolicæ auctoritate) conuerti. Nos autem incuriam, & abusum huiusmodi detestantes hoc Sacro Concilio approbante sancimus, vt ij ad quos id de iure, vel statuto in ipsorum fundatione locorum appposito, aut ex consuetudine præscripta legitimè, vel priuilegio Sedis Apostolicæ pertinet, loca ipsa studeant in prædictis omnibus salubriter reformare, ac occupata, deperdita, & alienata indebite in statum reduci debitum faciant, & ad ipsarum miserabilium personarum receptionem, & sustentationem debitam iuxta facultates, & prouentus locorum ipsorum Rectores prædictos compellere non omittant. In quo si forte commiserint negligentiam, vel defectum, Ordinarijs locorum iniungimus, vt etiam si pia loca prædicta exemptionis priuilegio munita consistant: per se ipsos, vel alios impleant omnia præmissa, & singula, & Rectores eosdem, vtique non exemptos propria, exemptos vero, & alios priuilegiatos Apostolica ad id auctoritate cõpellant, contra-

contradiçtores cuiuscunque status, aut conditionis existant, ac præbentes eisdem circa præmissa consilium, auxilium, vel fauorem, per censuram Ecclesiasticam, & alijs Iuris remedijs compescendo, nullum tamen per hoc exemptionibus, seu privilegijs ipsis, quoad alta præiudicium generando. Hæc in dicta Constitutione.

8 Subdit alia Concilium, quæ quia solum pro Hospitalibus secularibus dicta videntur, vt notat Glossa in hac Clement. verb. præmissa, & Rodriguez tom. 2. quest. Regul. q. 84. art. 2. ideo præmittuntur. Sequentia tamen ad Regulares Hospitalarios diriguntur. *Premissa verò ad Hospitalia militarium Ordinum, aut Religiosorum etiam aliorum extendi minimè volumus: quorum tamen Hospitalium Recloribus in sanctæ obedientiæ virtute mandamus, vt in illis secundum suorum Ordinum instituta, & antiquas obseruantias providere pauperibus, & Hospitalitatem debitam in illis tenere procurent: ad quod per Superiores eorum, arcta distinctione cogantur, statutis, aut consuetudinibus quibuslibet non obstantibus in præmissis.* Rodriguez vt supra §. notandum est.

9 Notanda etiam sunt verba Concilij Trident. sess. 7. cap. 15. quibus etiam prædicta Clementina innouatur, videlicet: Curent Ordinarij, vt Hospitalia quæcumque à suis administratoribus quocumque illi nomine censeantur, etiam quomodolibet exemptis fideliter, & diligenter gubernentur, Constitutionibus Concilij Viennensis, quæ incipit, *Quia contingit*, forma seruata, quam quidem Constitutionem eadem Sancta Synodus innouandam duxit, & innouat cum derogationibus in ea contentis. Et etiam sess. 22. cap. 8. vbi hæc habentur. Episcopi etiam tanquam Sedis Apostolicæ delegati, in casibus à Iure concessis, omnium piarum dispositionum tam in vltima voluntate, quam inter viuos, sint executores: habeant Ius visitandi Hospitalia, Collegia quæcumque, ac Confraternitates laicorum, etiam quas scholas, siue quocumque alio nomine vocant, non tamen quæ sub Regum immediata protectione sunt, sine eorum licentia, eleemosinas Montis pietatis, siue Charitatis, & pia loca omnia quomodocumque nuncupentur, etiam si prædictorum locorum cura ad laicos pertineat, atque eadem pia loca exemptionis privilegio sint munita, ac omnia, quæ ad Dei cultum, aut animarum salutem, seu pauperes sustentandos instituta sunt, ipsi ex officio suo, iuxta sacrorum canonum statuta cognoscant, & exequantur, non obstantibus quacumque consuetudine, etiam immemorabili, privilegio, aut statuto. Et eadem sess. cap. 9.

Q

vbi

vbi sic. Administratores tam Ecclesiastici quam laici fabricæ cuiusvis Ecclesiæ etiam Cathedralis, Hospitalis, Confraternitatis, elemosynæ Montis pietatis, & quorumcumque piorum locorum, singulis annis teneantur reddere rationem, administrationis Ordinario, consuetudinibus, & priuilegijs quibuscumque in contrarium sublati, nisi secus forte in institutione, & ordinatione talis Ecclesiæ, seu fabricæ expresse cautum esset. Quod si ex consuetudine, aut priuilegio, aut ex Constitutione aliqua loci, alijs ad id deputatis ratio reddenda esset; tunc cum ijs adhibeatur etiam Ordinarius, & aliter factæ liberationes dictis administratoribus minimè suffragentur. Hæc Concilium.

10 Et similiter *sess. 25. cap. 8.* vbi post commendatam Hospitalitatem omnibus beneficiarijs tam sæcularibus, quam Regularibus subiungit. *Illis verò qui Hospitalia vulgo nuncupata, seu alia pia loca ad peregrinorum, infirmorum, senum, pauperumque usum præcipue instituta in commendam, administrationem, aut quemcumque titulum, aut etiam Ecclesijs suis unita obtinent, vel si Ecclesiæ Parochiales Hospitalibus forte unita, aut in Hospitalia erecta, earumque patronis in administrationem concessæ sint; præcipit omnino, ut impositum illis onus, officiumque administrent, atque Hospitalitatem quam debent, ex fructibus ad id deputatis actu exercent, iuxta Constitutionem Concilij Viennensis, alias in hac eadem Synodo sub fel. record. Paulo III. innouatam, quæ incipit: Quia contingit. Quod si Hospitalia hæc ad certum peregrinorum, aut infirmorum, aut aliarum personarum genus suscipiendum fuerint instituta; nec in loco ubi sunt dicta Hospitalia, & similes persone, aut perpauca reperiantur, mandat adhuc ut fructus illorum in alium pium usum, qui eorum institutioni proximior sit, ac pro loco, & tempore utilior conuertantur; prout Ordinario cum duobus de Capitulo, qui rerum usu peritiores sint, per ipsum deligendis, magis expediri visum fuerit, nisi aliter forte, etiam in hunc euentum in eorum fundatione, aut institutione fuerit expressum, quo casu, quod ordinatum fuit, obseruari curet Episcopus, aut si id non possit, ipse, prout supra, utiliter provideat. Itaque si prædicti omnes, & singuli cuiuscumque Ordinis, & Religionis, & dignitatis etiam si laici fuerint qui administrationem Hospitalium habent, non tamen Regularibus subiecti, ubi viget Regularis Observantia ab Ordinario moniti, Hospitalitatis munus, adhibitis omnibus ad quæ tenentur, necessarijs, re ipsa obire cessauerint; non solum per Ecclesiasticas censuras, & alia Iuris remedia ad id compelli possint: sed etiam Hospitalis ipsius administratione, curaue*

curae perpetuo priuari possint; alijque eorum loco ab ijs ad quos spectabit substituantur. Et praedicti nihilominus, etiam ad fructuum restitutionem quos contra ipsorum Hospitalium institutionem perceperunt, quae nulla eis remissione, aut compositione indulgeantur, in foro conscientiae teneantur, nec administratio, seu gubernatio huiusmodi locorum uni, & eidem personae ultra triennium deinceps committatur, nisi aliter in fundatione cautum reperiat, non obstante, quoad omnia supradicta, quacumque unione, & exemptione, & consuetudine in contrarium, etiam immemorabili, seu priuelegijs, aut indultis quibuscumque. Super quae Rodriguez, vt supra sic habet: Vnde Praelati Regulares debent curare, vt in Hospitalitate non is habeatur delectus personarum, vt diuites potissimum inuitentur, qui cum faenore reddant quod acceperunt. Sed cum Regularium personarum domus nemini quantum per facultates licuerit clausas esse deceat, profecto illis maxime patere, debent qui Dei voce, Sanctorum Patrum cobortationibus, exemplis, Sacrorum Conciliorum praepo, & auctoritate nobis commendati sunt. Quae in re ne vlla fraus fieri possit, ineatur aliqua ratio Praelato Regulari probanda, quae ei constare possit, in quas personas, fructus illi erogati fuerint. Quos autem compererit Praelatus, vel ini-que distribuendo, vel in suorum commodum conuertendo, vel inutilibus, & superuacaneis sumptibus faciendis male in administratione versari, eos pro modo culpae puniat, & ad restitutionem legitime compellat, & ab officio etiam si ei videbitur amoueat. Hae ibi.

II Ex quo fit quod quamuis Hospitalia Regularium propter priuelegia quorundam ex ipsis exempta essent omnino ab Ordinariorum iurisdictione, sicut & alia loca ipsorum, modo tamen post Concilium Tridentinum standum est praedictis decretis ipsius, pro quo etiam Armendariz in addit. ad recopilationem legum Nauarrae lib. 1. tit. 6. de visitat. & Barbosa in Collectan. Bullar. verbo Hospitalarius, has referunt declarationes Sacrae Congregationis Concilij. Prima, Hospitalia omnia, & pia loca quocumque nomine nuncupentur, etiam si sint priuata laicorum, potest Episcopus visitare, corrigere, & reformare in casibus à iure concessis, scilicet ob negligentiam, vel ob dilapidationem bonorum, vtque testatoris voluntas seruetur. Secunda, Hospitalia aliquod visitare volenti si opponatur exceptio quod sub immediata Regum protectione existat, non ad saecularem iudicem, sed ad ipsum Episcopum talis exceptionis cognitio, & definitio pertinet. Tertia, Hospitalium sub immediata Regum protectione existentium nomine non comprehen-

duntur, nisi ea quæ expressè reperiuntur sub immediata Regum protectione. Quarta, Hospitalia etiam vnita in quibus Ecclesiæ sunt, ubi assidue diuina Officia celebrantur, & bona eorum non sunt distincta, debent ab Ordinarijs visitari. Quinta, Hospitalia, & cætera loca pia visitat Episcopus vigore Concilij sess. 22. cap. 8. de reform. Sexta, Hospitalis computa, stante consuetudine, Episcopus vnâ cum Magistro prædicti Hospitalis recognoscere tenetur. Aliam etiam eiusdem Sacre Congregationis declarationem, refert Barbosa super Concil. Trid. sess. 22. cap. 8. qua constat declaratum fuisse Episcopum Abulensem posse visitare quoddam Hospitale de Olmedo, non obstante quod administratio illius ad Religiosos S. Hieronymi spectabat. Vide etiam alias S. Congregationis declarationes apud eundem Barbosam in *Collectan. Bullar. verb. Administratores* circa obligationem, quam habent administratores Hospitalium ad reddendam rationem Episcopis.

12 Quoad regularem tamen obseruantiam eorum Regularium qui Hospitalibus assunt, non subiiciuntur Ordinarijs. Ideo enim declaratum fuisse videtur ab eadem S. Congregatione Hospitalia administrata à Fratribus B. Ioannis de Deo non esse exempta à iurisdictione Ordinarij, nisi solum quoad regularem obseruantiam. Barbosa in *Collect. Bullar. verbo Hospitalarius*.

13 Pro prædictis autem Fratribus B. Ioannis de Deo extat decretum S. Congreg. Episcop. & Regular. quo decernitur, non posse per Ciuitates, & oppida deferre pallium, sed in itinere, dumtaxat, cum pileo nigro, dummodo pallium huiusmodi sit coloris habitus cum bauaro nigri coloris, & latitudinis sex digitorum, eique sporta semper superferatur. Barbosa in *Collectan. Bullar. verb. Fratres B. Ioannis de Deo*.

14 Pro habitu etiam ab ipsis deferendo extant decreta Summorum Pontificum Pij v. Sixti v. Gregor. xiv. S. Congregat. & executoria quædam in Hispaniæ supremo Consilio Matriti obtentæ, de quibus Rodrig. to. 1. *quest. Regul. q. 76. art. 4.*

15 Hospitalium administrationes, siue Rectoriæ si habeant spirituales functiones, curam scilicet animarum, Sacramento-
rum administrationem &c. materia sunt simoniæ, & si vendantur, aut emanant peccatum simoniæ committetur. Quia sunt res spirituales. Si autem tantum habeant temporales functiones, curam videlicet infirmorum, vel gubernationem æconomicam domus, vel familiæ, quamuis non sint materia simoniæ iuris naturalis, aut diuini, cum nullam spiritualem functionem includant, vt supponitur, videtur tamen esse materia simoniæ iuris

iuris Ecclesiastici, *ex c. Saluator* 1. q. 3. ubi videtur prohiberi venditio officij administratoris rerum Ecclesiasticarum, qualia sunt bona Hospitalium Religioforum, de quibus in præfenti. Suarez *to 1. de Relig. lib. 4. de Simonia cap. 27. à num. 11.*

16 Bona Hospitalium pertinentium ad Regulares alienari non possunt, nisi loquendo de bonis mobilibus non præfiosis, & eo modo, quo dictum est *tom. 1. cap. 10. à num. 1. & in hoc 2. tom. cap. 19. à num. 54.* Sunt etenim bona Ecclesiastica, & Regularium, unde de illis eodem modo philosophandum est, ac de alijs bonis Regularium. Imò & bona cuiuscumque Hospitalis auctoritate Episcopi fundati, & erecti alienari nequeunt sine solemnitate à iure requisita. Sunt enim, vel censentur esse bona Ecclesiastica piorum locorum. Quaranta in *Summ. Bullar. verb. Alienatio nu. 28. & 41. Bonacina de contractib. disp. 3. q. 8. punct. 4. num. 21.*

17 Rectores Hospitalium Regularium imò etiam aliorum Hospitalium auctoritate Ordinarij creatorum gaudent privilegio fori, non solum si illi Regulares sint, sed etiam si tales non fuerint, quia censentur personæ Ecclesiasticæ, sicut, & ipsa Hospitalia Ecclesiastica sunt. Barbosa *de offic. & potest. Episcopi allegat. 12. num. 40. Diana Tract. 1. de immunit. Ecclesiast. resol. 66.*

18 Declaratum est à S. Congregatione apud Quarantam in *Summ. Bullar. verb. Monasteria, & Conventus §. quoad transfutum, & Barbosa in Collectan. Bullar. verb. Claustrales*, non licere Regularibus Claustralibus transire ad non Claustrales Hospitalarios ex vi licentiarum generalium transeundi ad quamlibet Religionem. Si tamen Hospitalarij fuerint Claustrales credo non comprehendi hoc decreto, quod solum loqui videtur de non claustralibus.



SUMMARIVM CAP. VII.

Eremita nomen unde sumptum. num. 1.

Tria personarum genera comprehendit. ibid.

Qui tria vota substantialia Religionis non emittunt, Religiosi non sunt. nu. 2.

Possunt tamen analogicè, & aliquo modo Religiosi nuncupari. ibid.

Vnde nec sunt inhabiles ad matrimonium. num. 3.

Nec modus viuendi illorum irritat matrimonium. ibid.

Testamentum condere possunt. ibid.

An sint dicendi persona Ecclesiastica. num. 4.

An gaudeant priuilegio fori. num. 5.

An priuilegio Canonis. nu. 6.

An exemptione à gabellis. nu. 7.

Qui sint illi de quibus declaratum est à S. Congregatione non esse tollerandos ab Ordinarijs. nu. 8.

Modus viuendi quorundam istorum expositus est multis periculis. ibid.

Qui votum vitæ Eremiticæ promiserunt an validum sit eorum votum. nu. 9.

Qui, & quando tenentur illud adimplere. ibid.

Vita Eremitica commendata est Iure communi. ibid.

Quid ad hoc requiratur. ibid.



De Eremitis , eorumque obligationibus , & privilegijs .

Cap. VII.



EREMITARVM nomen quod ab Eremita, seu solitudine sumptum est (idem enim est Eremita, ac Eremiticola) tria personarum genera in præsentem denotare potest. Primum, Religiosorum qui vel propter vitam Eremiticam, quam in prima sui institutione gesserunt, vel quia etiam modo in locis desertis degunt, Eremitæ vocantur, quales sunt non solum Carmelitæ, qui Eremitæ Montis Carmeli ob talis Montis habitationem in Bullis Pontificum nuncupantur, & modo aliqui ipsorum (Patres videlicet Discalceati) magna cum populi Christiani ædificatione in quibusdam Eremitis commorantur, Augustiniani, qui etiam Eremitæ dicuntur, Camaldulenses; Eremitæ S. Hieronymi B. Petri de Pisis, Montis Senarij, & alij huiusmodi. Secundum, eorum qui etsi tria vota substantialia, Religionis non emittant, tamen sub speciali obedientia alicuius Superioris Ecclesiastici v. g. Episcopi, ex voto, vel pacto alicui Ecclesiæ, Eremitorio, vel loco sacro deputati deseruiunt, vel in communitate, vel separatim. Tertium, eorum qui neque sub obedientia speciali alicuius Superioris Ecclesiastici, neque ex professione alicuius Regulæ, vel Religionis institutione, sed ex mera voluntate in Eremitis, aut locis desertis morantur. De hoc secundo, & tertio genere Eremitarum loquimur in præsentem, eo quod aliquam speciemus Religiosorum formam seruent, nam de primo cum verè Religiosi sint sub Monachis, vel Mendicantibus comprehensi, satis est dictum in superioribus. Siluester *verb. Eremita*, Suarez 4. tom. de Relig. tract. 9. lib. 1. cap. 2.

2 Non sunt prædicti Eremitæ verè, & propriè Religiosi. Cum tria vota Religiosi substantialia non emittant, nec profiteantur aliquam Regulam approbatam, vel dato quod castitatem, aut aliquod genus paupertatis, vel obedientiæ promittant, id est mere priuatè, & non solemniter, sed per modum voti simplicis. Suarez 4. to. de Relig. tract. 9. lib. 1. cap. 2. Possunt tamen secundum quid, analogicè, & lato modo Religiosi nuncupari si aliquod,

aliquod, vel aliqua ex votis essentialibus Religionis emittant quatenus imperfectè, & incomplete rationem status Religiosi participant. Idem Suarez *to. 3. de Relig. lib. 2. cap. 2. num. 18.*

3 Vnde etiam nec sunt inhabiles ad matrimonium contrahendum, nec modus ille viuendi irritat matrimonium ratum: cum hæc sint solum priuilegia votorum solemnium, quæ in Religione approbata emittuntur. Si tamen votum simplex castitatis emiserunt, illicitè matrimonium contrahent, sicut generaliter per votum simplex castitatis non dirimitur, sed impeditur matrimonij contractus. Cornexo *tom. 2. in 3. p. tract. 6. de impedim. matrim. dub. 40.* Hinc etiam testamentum condere possunt, seu testari, cum non sint Religiosi, nec tribus substantialibus votis Religionis ligati. Siluester *verb. testament. 1. q. 3.* Molina *tom. 1. de iust. disp. 141. colum. 1.* Sanchez *lib. 7. in decalog. cap. 8. num. 40.*

4 Eremitæ tertij generis assignati non sunt dicendi personæ Ecclesiasticæ, nisi alias sint sacris initiati, cum nec Religiosi, nec Clerici sint, nec specialiter Deo dicati, aut alicui ministerio Ecclesiastico addicti. Rodriguez *tom. 2. quæst. Regul. q. 62. art. 20. & to 3. q. 74. ar. 11.* Eremitas autem secundi generis existimo inter personas Ecclesiasticas numerari debere, cum sub obedientia speciali Superioris Ecclesiastici specialiter Deo dicati, & ministerio Ecclesiastico destinati uiuant, vt propterea ab aliquibus, infra num. 6. referendis priuilegio etiam Canonis perfrui dicantur. Layman *in Theolog. mor. lib. 1. tract 5. par. 2. cap. 5. num. 4.* Lauretus de Franchis *in controuers. Episcop. & Regul. in quæst. q. 41.* vbi etiam idem videtur dicere de Eremitis secundi generis.

5 Nec gaudent priuilegio fori, sed subiecti manent potestati seculari prædicti Eremitæ tertij generis, nisi forsan in sacris constituti sint, propter dicta supra, quia scilicet non sunt personæ Ecclesiasticæ, aut sub obedientia Ecclesiastici Superioris, aut Deo specialiter dicati, vel alicui ministerio Ecclesiastico addicti uiuant. Rodriguez *tom. 2. quæst. Regul. q. 62. art. 20.* Eremitas autem secundi generis probabile est, propter oppositam rationem, priuilegio fori gaudere, sicut etiam priuilegio Canonis, vt infra dicetur. Fauent Barbosa *de offic. & potest. Episc. allegat. 12. num. 43.* Lauretus de Franchis *num. præced. relatus.*

6 Eodem etiam modo de priuilegio Canonis philosophari potest, ita scilicet, vt Eremitæ tertij generis assignati illo non fruantur, nec illos percutientes in sententiam excommunicationis incidant, nisi forsan in sacris constituti fuerint. Eremitas autem

autem secundi generis prædicto privilegio potiri. Ratio est ex dictis, quia isti, & non illi sunt personæ Ecclesiasticæ Deo specialiter dicatæ, & Ecclesiastico obsequio addicti. Suarez *tom. 5. in 3. p. disp. 22. sect. 1. num. 22.* Nauarrus *in man. cap. 22. num. 79.* Layman. *in Theolog. mor. lib. 1. tract. 5. par. 2. cap. 5. num. 4.*

7 Pari modo de exemptione à gabellis, collectis, & tributis videtur dicendum, ita ut Eremitæ secundi generis, sicut privilegio Canonis, & fori potiuntur eò quòd sint personæ Ecclesiasticæ, sic etiam propter eandem rationem, exemptione hac à gabellis, & tributis gaudeant, Eremitæ autem tertij generis, propter oppositam rationem, non fruuntur hac exemptione. Fauct Barbosa *de offic. & potest. Episcop. alleg. 12. num. 42. & 43.*

8 Ex quo fit declarationem Sacræ Congregationis Episcoporum, & Regularium quam affert Barbosa *in Collect. Bullar. verb. Eremita* qua dicitur, Eremitas tam sæminas quam viros Eremiticam vitam ducentes non esse tollerandos ab Ordinariis, intelligi debere de Eremitis tertij generis, eorum namque modus viuendi multis periculis expositus est, & inter eos multi reperti sunt sceleratè viuentes. Eremitæ autem secundi generis, cum eorum viuendi modus laudabilis sit, & honestus non videntur comprehendi hoc decreto. Vide dicenda *nu. sequenti.*

9 Ex quo etiam fit quod illi qui voto promiserunt vitam Eremiticam gerere, si de vita quam gerunt Eremitæ secundi generis intelligatur, votum validum est, & obligatorium, cum sit de re honesta, & laudabili. Si autem de vita quam gerunt Eremitæ tertij generis intelligatur, votum videtur nullum, quia est de re non solum periculosissima sed etiam quæ videtur ab Ecclesia reprobata, ut patet ex decreto Sacræ Congregationis Episcoporum, & Regularium adducto. Fateor quidem quod si aliquis in orationis, & aliarum virtutum exercitio satis versatus amore vitæ solitariæ, & contemplationis in ipsa exercendæ tale votum emisisset, accedente Ordinarij consensu, teneretur illud adimplere. Quia in tali persona modus ille viuendi melior esset, & accedente consensu Ordinarij videretur permissus. Sanchez *lib. 4. operis moral. cap. 16. num. 10.* Præsertim quia vita Eremitica commendata videtur iure còmuni, ut patet *16. q. 1. c. qui verè, vbi sic. Qui verè purèque solitariam eligunt vitam, digni sunt conuenienti honore.* Videtur tamen ad hoc requiri viuere sub obedientia Episcopi, vel Ordinarij, ut colligitur ex *11. q. 3. ca. si autem, & ex dist. 93. ca. nulla ratione.* Vide Lauretum de Franchis *in Controuers. Episcop. & Regul. in quest. q. 41.*

R

SVM-

SUMMARIVM CAP. VIII.

Conuersi, Laici, Donati, Oblati, seu Commissi quisint. nu. 1.

Qui tria vota substantialia emittunt sunt vere Religiosi. num. 2.

Qui ea non emittunt, etiamsi vnum, vel duo, non sunt veri Religiosi. nu. 3.

Requiritur etiam quod tria vota sub approbata Regula emittant. nu. 4.

Dicuntur persone Ecclesiastica simpliciter, vel aliquo modo, iuxta ipsorum conditionem. nu. 5.

An gaudeant priuilegio canonis. num. 6.

An priuilegio fori. nu. 7.

An exemptione à gabelis, & tributis, & qua conditiones ad id requirantur. nu. 8.

Qui sint illi qui non sunt veri Religiosi. num. 9.

Vxorati an possint esse oblatis. num. 10.

Quid exigatur ut fruantur priuilegijs fori, & immunitatis à gabelis. num. 11.

An sint capaces proprij. nu. 12.

Conditiones ad eos ex Conc. Trident. requisitæ. num. 13.

Cui adquirant. num. 14.

Qui censentur bona etiam futura Monasterio dedicasse. num. 15.

An possint testari. nu. 16.

Ad quem deueniant bona Oblati grauati onere quod transcant ad aliquem tertium si sine filijs decesserit. num. 17.

An possint ad Prelatias, seu dignitates Ordinum assumi. num. 18.

Quid si statuta Religionis id permittant. ibid.

An possint esse socij, aut discreti, habere vocem actiuam. nu. 19.

Quæ officia possunt habere. num. 20.

An possint ad alias Religiones transire. nu. 21.

An debeant permitti ad sacros Ordines promoveri. nu. 22.

Quid si aliquis oppositum fecerit. ibid.

Tenentur ad certas Orationes recitandas. num. 23.

Decreta Clem. VIII. & Urban. VIII. pro ipsorum receptione, educatione, &c. num. 24.

Quomodo intelligenda. ibid.

Non possunt Conuersi recipi, aut professionem emittere nisi in Conuentibus approbatis à S. Congregat. nu. 25.

Quid si aliqui contra formam prædicti decreti fuerint recepti, aut professi. ibid.

Pœna contra transgressores. nu. 26.

Gratia

- Gratia concessa per SS.D.N.Vrbanum Carmelitis . num.27.
 Quomodo intelligenda pradiſta decreta . num.28.
 Circa feminas Oblatas, seu Donatas, quid declaratum nu.29.
 Quibus priuilegijs gaudeant Conuerſi. nu. 30.
 Quibus gaudeant Oblati, seu Donati maximè Carmelitarum .
 ibid.
 Quid de aliorum Ordinum Oblatis, & Donatis. nu.31.
 Quid de feminis, seu Nouitijs. ibid.
 Quomodo intelligatur priuilegium Gregor. IX. pro Oblatis Carthu-
 siensium, & Sixti IV. pro Oblatis Carmelitarum, & Eremitarum.
 S. Auguſtini. num.32.
 Conſeſſio Calixti III. pro Conuerſis. num.33.
 Item alia Leonis X. ibid.
 An valeant hoc tempore. ibid.
 Conſeſſio Sixti IV. pro Conuerſis Auguſtinianis. ibid.
 An iure communi poſſint Conuerſi tangere ſacra vaſa, & veſtes &c.
 num.34.
 Conſeſſio pro Conuerſis Bigamis, aut homicidis. num.35.
 Quid de illa ſentiendum. ibid.



De Conuersis, Laicis, Oblatis, Donatis, seu Commissis Regularibus, eorumque Iuribus, Obligationibus, & priuilegijs.

Cap. VIII.



CONVERSI sue Laici illi dicuntur, qui se, & sua Religioni obtulerunt, habitu mutato, professione emissâ, extra Chorum tamen, & obsequijs humilioribus Monasteriorum, sunt addicti. Oblati verò, seu Donati, aut Commissi; qui etiam apud nostros vocantur Semifratres, ij sunt qui se, & sua dicarunt Monasterio, habitu tamen non mutato saltem simpliciter. Abbas in cap. *non est de Regul.* Rodriguez tom. 3. *quest. Regul. q. 21. art. 1.* Sanchez lib. 6. in *decalog. cap. 7. num. 9.* Rursus huiusmodi Oblati, seu Donati in aliquibus Religionibus, seu locis, tria vota essentialia Religionis emittunt, in alijs verò non nisi duo tantum, vnum, vel nullum. Ii etiam, qui professionem emittunt aliquando id faciunt expleto anno Nouitiatus, vt inter nostros in Prouincijs Hispaniarum, aliquando non nisi post multum tempus ad arbitrium Superiorum, vt in Congregatione RR. PP. Discalceatorum Ordinis nostri, inter quos ad professionem solemnem post sex annos, & ad simplicem post duos admittuntur. Ex 2. *par. Constit. cap. 3. nu. 2. & 5.* De omnibus ijs sigillatim est modo dicendum.

2 Et primò certum tam Conuersos, seu Laicos, quam Oblatos, Donatos, seu Commissos, esse, & fore verè censendos Religiosos, si tria vota Religionis essentialia, obedientiam scilicet castitatem, & paupertatem promittant, horum enim votorum emissio essentialiam Religiosi status constituit, vt sæpe visum est tam in hoc quam in 1. tomo huius Summæ. Specialiter cum Gregor. XIII. anno 1575. pro Congregatione S. Benedicti Vallisolerani declarauerit eos qui in præfata Congregatione sub habitu Donatorum tria prædicta vota emittunt esse verè Religiosos. Rodriguez tom. 3. *quest. Regul. q. 69. ar. 8. & q. 52. ar. 7.*

3 Sic etiam secundò certum eos ex prædictis qui tria prædicta Religionis vota non emittunt, etiamsi vnum, aut duo emittant vota, habitum ordinis deferant, & sub obedientia sint Prælatorum

latorum illius, verè Religiosos non esse, cum in eo quod est essentialiale statui Religioso deficiant. Id enim constat ex toto operis huius discursu.

4 Nec sufficit ad hoc quod prædicti Conuersi, Laici, Oblati, Donati, &c. sint, & dicantur verè Religiosi quod prædicta tria vota emittant; nisi etiam promittant illa sub Regula aliqua, & Religione approbata, iuxta dicta tom. 1. cap. 2. num. 1. & colligitur ex cap. unico de voto, & voti redempt. in 6. Vnde si aliquis voueret hoc modo: *Promitto obedientiam castitatem, & paupertatem, nisi adderet secundum regulam huius, vel illius Ordinis &c.* non esset verè Religiosus. Nauarrus lib. 3. consil. tit. de Reg. consil. 49. Rodríguez tom. 3. quæst. Regul. q. 21. ar. 1. & q. 78. art. 2. in fine. Vbi supponit aliquarum Religionum Oblatos ita profiteri, quod mihi incertum est.

5 Nihilominus tam prædicti Conuersi, Laici, Oblati, Donati, seu Commissi veram professionem dicto modo emittentes quam alij qui non eam emittunt, si tamen se, & sua Religioni perpetuo offerant, & in Monasterijs viuunt habitu aequaliter mutato sunt dicendi personæ Ecclesiasticæ. Et quidem loquendo de prioribus res est indubitata, cum illi sint verè Religiosi, Religiosi autem Ecclesiasticæ personæ sint. Barbosa de offic. & potest. Episc. allegat. 12. num. 38. & alij quos citat. De posterioribus autem id constat quia sunt personæ Deo dicatæ, & deuotæ, habitu, & habitatione Religiosis similes, multaque de ipsis participant. Couarrubias in cap. Alma mater 2. par. §. 2. num. 8. Rodríguez tom. 2. quæst. Regul. q. 123. art. 1. & tom. 3. q. 1. art. 8. Si autem huiusmodi Oblati in Monasterijs non viuunt, aut habitum aliquo modo non mutant, solum secundum quid, & largo modo personæ Ecclesiasticæ dici poterunt, cum non censantur personæ Deo simpliciter dicatæ. Glossa verbo mutato habitu, & alij Canonistæ quos sequitur Rodríguez ut supra.

6 Hinc non solum prædicti Conuersi, Laici, Oblati, seu Donati qui veram professionem emittunt (cum sint verè Religiosi) sed etiam ij qui, ut dictum est, se, & sua Monasterio tradiderunt, & in ipso viuunt, habitu aequaliter mutato gaudent privilegio Canonis. Si quis suadente, ita ut illos percutientes in excommunicationem incidant. Sunt enim ut dictum est, personæ Ecclesiasticæ. Quod secus videtur dicendum de ijs qui in domo sua manent. Hostiensis in cap. non est dubium de sent. excommunicat. Rodríguez tom. 3. quæst. Regul. q. 21. ar. 4.

7 Idem dico, & propter eandem rationem, de privilegio foris ita scilicet ut eo potiantur non solum ij qui verè professionem emit-

emittunt, sed & illi quoque, qui etsi illam non emittant, se tamen & sua Monasterio tradiderunt, & in eo viuunt habitu saltem aliquo modo mutato. Barbosa *de offic. & potest. Episc. alleg. 12. n. 39.* & alij apud ipsum. Vide tamen conditiones à S. Congregatione ad hoc requisitas de quibus infra *num. seq.*

8 Pariter etiam de exemptione à gabelis, & tributis secularibus exempti sunt Conuersi, & Oblati prædicti qui veram professionem trium votorum emittunt, cum sint verè Religiosi, & Ecclesiasticæ personæ. Flores de Mena *variar lib. 2. q. 21. n. 194.* Barbosa *de offic. & potest. Episcop. allegat. 12. num. 38.* Illi etiam Oblati qui etsi veram professionem non emittant, se tamen & sua Monasterio tradiderunt, & in eo degunt habitu aliquo modo mutato vt dictum est, cum sint verè personæ Ecclesiasticæ, iuxta superius dicta, etiam gaudent eodem priuilegio. Vt autem tam ipso, quam priuilegio fori potiantur animaduertendæ sunt declarationes Sacræ Congregationis Concilij circa hoc, quas referunt Aldan. *in Compend. canon. resolut. lib. 1. tit. 10. num. 14. & 15.* Barbosa *in Collect. Bullar. verb. Oblati.* Prima est, Oblati alicuius Religionis priuilegio, ac exemptione ita deum debent potiri, si in forma iuris valida perpetuo, irreuocabiliter, plene, & cum effectu se ipsos, & bona sua omnia præsentia, & futura, nulla prorsus, quamuis minima eorum portione, neque in proprietatem, neque in vusufructum sibi reseruata, Religioni obtulerint, & habitum aliquo modo mutauerint. Quod si omnia prædicta simul non concurrant, neque fori priuilegio, neque immunitate à secularibus exactionibus frui posse, vt in sequentibus casibus. Primò, cum quis obtulit personam cum reseruatiōe bonorum. Secundò, cum obtulit personam nulla bonorum facta mentione, quippe quæ non includuntur in simplici oblatione personæ. Tertiò, cum obtulit personam, & aliquam tantum partem bonorum quamuis maiorem. Quartò, cum obtulit bona omnia præsentia, & personam reseruato vusu fructu. Quintò, cum obtulit personam, & bona omnia, præsentia tantum. Sextò, cum obtulit personam, & bona omnia, præsentia, & futura, sed postea à Superiore Religionis aliquam eorum partem quamuis minimam, in emphyteusim recepit. Septimò, cum obtulit bona, vel omnia, vel partem eorum absque persona, quo casu persona offerens fori priuilegio non gaudet, sed bona in Religione cum effectu translata sunt immunitas à vectigalibus, dummodo offerens vsum fructum eorum sibi non retineat, eo namque casu bona immunitas non sunt, etiam quoad proprietatem. His tamen omnibus casibus quibus Oblati à priuile-

privilegio, & exemptione à iure communi excluduntur, seruanda est cuiusque Religionis consuetudo cuius vigore ipsi tale ius privilegij, vel exemptionis acquisuissent. Secunda, Oblati, qui omnia supradicta adimpleuerint fori privilegio, & supradicta exemptione gaudent, siue ante, siue post, de licentia Superioris Religionis matrimonium contraxerint. Tertia, Oblati etiam quoad delicta ante oblationem commissa fori privilegio gaudent, & à iurisdictione Iudicis laici liberati sunt, puniri debent à Iudice Ecclesiastico, si modo absque fraude, idest, non animo effugiendi sæcularis Iudicis punitionem, se, & sua obtulerint; quod si fraus subsit possunt à Iudice laico puniri pœna confiscationis bonorum, & alia pecuniaria, sed non corporali, illique remanent subiecti, quoad causam, & bona, sed non quoad personam; debet tamen Iudex Ecclesiasticus, si delicti qualitas id exposcat, tradere tales in fraudem Oblatos Iudici sæculari corporaliter puniendos. Aldana, & Barbosa, *vt supra*.

9. Ex huiusmodi autem declarationibus habetur primò id quod supra *num. 1.* dictum est; esse scilicet aliquos ex huiusmodi Oblatis; seu Donatis qui non sunt verè Religiosi, nec tria vota essentialia Religionis emittunt, si quidem supponitur à Sacra Congregatione aliquos illorum proprium habere, & uxorem ducere posse, quæ repugnant verè Religioso.

10. Sequitur secundo posse vxoratos admitti in Oblatos Religionum professionem non emittentes, imò post oblationem factam posse de licentia Superioris Religionis matrimonium contrahere. Intellige tamen si forte votum castitatis non emiserunt. Ita enim supponitur in secunda declaratione adducta. De quo Covarrubias in *cap. Alma mater 2. p. §. 2. nu. 8.* Rodriguez *to. 3. quest. Regul. q. 1. ar. 8.* & alij apud ipsum.

11. Sequitur tertio quod ad fruendum privilegio fori, & immunitatis à gabellis, & sæcularibus exactionibus requiritur, vt oblatio prædictorum sit perpetua, & irrevocabilis, prout habetur in prima declaratione adducta. Estque id iuri communi conforme *cap. per exemptionem de privileg. lib. 6. cap. cum plantare §. ult. ca. tuarum.* Vt ex communi Doctorum assert Rodriguez *to. 3. quest. Regul. q. 1. ar. 8.*

12. Sequitur quarto, quod licet tam Conuersi quam Oblati veram professionem emittentes capaces non sint proprii cum sint veri Religiosi, quibus repugnat proprium habere, iuxta dicta *tom. 1. cap. 6. Sanchez lib. 7. in decalog. cap. 34. num. 1.* Illi tamen Oblati, seu Donati qui professionem non emittunt, proprii capaces sunt,

sunt, vt supponitur in prima declaratione S. Congregationis supra adducta. Sanchez *vt supra*. Priuantur tamen ab eadem S. Congregatione priuilegio fori, & immunitate à gabellis, & exactionibus secularibus, vt in dicta declaratione habetur.

13 Quia verò in Concil. Trident. *sess. 24. cap. 11.* priuilegia, & exemptiones Oblatis concessa, vel concedenda limitantur solum ad eos qui intra septa Monasteriorum, & sub eorum obedientia viuunt, ideo adhuc quod prædicti Oblati his priuilegijs fruuntur prædicta conditio necessaria est.

14 Similiter licet prædicti tam Conuersi, quam Oblati, seu Donati qui professionem trium votorum faciunt non acquirant sibi, sed Religioni, cum quidquid Religiosus acquirit Monasterio adquirat, iuxta dicta *tom. 1. cap. 6.* nihilominus alij Oblati, seu Donati, qui professionem non emittunt sibi acquirere possunt, quando scilicet non tradiderunt Religioni siue Monasterio nisi solum bona præsentia, non futura, & in eorum bona legitimi ipsorum hæredes succedunt, in ea videlicet quæ Monasterio non obtulerunt. Sanchez *lib. 7. in decalog. cap. 34. num. 12.* Priuantur tamen à Sacra Congregatione verbis adductis nu. 8. priuilegio fori, & immunitate à gabellis, & exactionibus secularibus.

15 Oblati qui tantum simpliciter bona sua Monasterio dedicarunt non consentur dedicasse bona futura; quia in simplici dedicatione bonorum non comprehenduntur, nisi præsentia. Tapia *Auth. ingressi verb. sua cap. 10. num. 14.* Sanchez *lib. 7. in decalog. cap. 34. nu. 1.*

16 Quamuis tam Conuersi, quam Oblati, seu Donati qui veram professionem trium votorum faciunt non possint testari, quia isti sunt veri Religiosi, quibus testari est prohibitum, iuxta dicta *tom. 1. cap. 9.* Nauarrus *comment. 2. nu. 45.* Sanchez *lib. 7. in decalog. cap. 8. num. 41.* & communiter omnes. Oblati autem, seu Donati non emittentes professionem, si aliqua bona sibi reseruauerunt de illis testari possunt, cum sint veri Domini ipsorum, secus autem si se, & omnia sua præsentia, & futura Monasterio tradiderunt, cum isti nihil habeant proprium, de quo testari possint, Rodriguez *tom. 3. quest. Regul. q. 69. art. 8.* Nec video quomodo Sanchez, *vt supra* nn. 42. oppositum dicere possit.

17 Si aliquis fiat Oblatus (ex ijs, qui, vt dictum est, veram professionem non emittunt) grauaturs eo onere, vt illius bona transeant ad aliquem tertium si sine filiis decesserit, talia bona non veniunt ad Monasterium. Tum quia adhuc facta tali oblatione potest vxorem ducere, & habere filios, tum quia esto id non esset, priuilegium tamen *auth. de Sanctis, Episcop. §. sed &*

hoc

hoc præfenti, vbi deciditur, tali grauato profitente Religionem illa bona pertinere ad Monasterium, solum loquitur de Religiosis. Angelus *verb. bares num. 16. Tabiena q. 12. nu. 13. Sanchez lib. 7. in decalog. cap. 16. num. 28.* Quid autem sit dicendum si talis Oblatus veram professionem emisisset, constabit ex dicendis c. ult. num. 28.

18 Non possunt præfati Conuersi, seu Oblati quamuis professionem in Religionibus emisierint ad Prælatias, seu dignitates illarum assumi, seu eligi. Quia ad hæc munera non possunt assumi nisi in Sacris constituti, iuxta dicta *tom. 1. cap. 18. num. 5. & cap. 1. de etat. & qualit. & Conc. Trident. sess. 24. cap. 12.* Vnde merito Minores, inter quos prædicti ad dicta munera assumebantur hunc vsum reliquerunt in Capitulo quodam Generali, præfente, vt dicitur Greg. 1x. Casarubius in *Compend. priuileg. Mendicant. verb. Laici Fratres*. Si tamen casu aliquo, siue in hac, siue in alia Religione ad prælatias aliquis Conuersus assumatur, de illo philosophandum eodem modo, ac de Abbatissis dictum est *tom. 1. cap. 26.* quod scilicet exercere non posset actus veræ iurisdictionis spiritualis cuius capax non est laicus, vt sunt imponere censuras suis subditis, dispensare in votis illorum, aut illa commutare, bene tamen imponere illis præcepta etiam obligantia ad culpam, iuxta grauitatem, vel leuitatem materiæ, cogere ad obseruantiam Regulæ, vel Constitutionum, punire illos propter transgressionem, irritare vota &c. quia hæc pertinent ad potestatem dominatiuam cuius capax est laicus & Conuersus. Suarez 4. *tom. de Relig. tract. 8. lib. 2. cap. 3. nu. 20.* Cornexo *tom. 2. in 3. part. tract. 5. de excommunicat. disp. 2. dub. 5.*

19 Nec possunt in Religionibus prædicti Conuersi, Laici, aut Oblati quantumuis professi, esse socij, aut discreti pro Capitulis Generalibus, aut Prouincialibus, seu esse Definidores, aut illa munera exercere, quibus annexum est habere vocem actiuam, aut passiuam pro electionibus Prælatorum, qualia sunt esse socios, seu assistentes Generalium, vel Prouincialium. Ratio sumitur ex *Clement. vt ij qui de etate, & qualitate*, ac ex *Concil. Trident. sess. 22. cap. 4.* vbi habetur, nullum habere vocem in Capitulis nisi in Subdiaconatus Ordine ad minus constitutus sit, etiam si hoc sibi ab alijs libere concedatur. Cum ergo prædicta munera importent facultatem habendi vocem in Capitulis pro electionibus Prælatorum non poterunt competere Laicis Conuersis, seu Oblatis prædictis. Rodriguez *to. 1. quest. Regul. q. 15. ar. 2.* Vide dicta *tom. 1. cap. 15. num. 3. & 4.* Pro electionibus

autem aliorum Officialium Conuentuum facilius tolerari potest consuetudo si legitime præscripta sit in aliquibus Religionibus quod prædicti ad illas vocentur, & in illis habeant vocem.

20 Possunt nihilominus prædicti Laici, Conuersi, Oblati &c. habere in Religionibus officia alia manualia quibus nec competit cura animarum, nec est annexum habere vocem actiuam, vel passiuam pro electionibus Prælatorum, vt sunt esse Procuratores Monasteriorum, Sacristas, Oeconomos &c. Cum enim hæc nullo iure prohibeatur illis concedi, aut præcipiatur solum in Sacris constitutis conferri, ideo si particularia statuta Religionum non contradicant poterunt ipsis concedi. An verò Laici, vel Conuersi Sacristæ munus gerentes possint tangere sacra vasa, corporalia aut vestes dicitur inferius num. 33. & 34.

21 Conuersi, Laici, seu Oblati, &c. professi possunt ad alias Religionem transire, sicut, & alij Religiosi, iuxta dicta *tom. i. cap. 22.* & cum conditionibus ibidem assignatis. Suarez *4. tom. de Relig. tract. 8. lib. 3. cap. 10. nu. 1.* De Oblatis autem, seu Donatis non emittentibus professionem trium votorum, sed se, & sua Monasterio donantibus aliqui dicunt non posse hunc transitum facere, quia sunt quasi serui Monasteriorum quibus se donantur. Verumtamen sicut fundamentum eorum est falsum, sic & doctrina. Nec enim sunt serui Monasteriorum, sed pij, & deuoti oblatores sui, & suorum bonorum ad pias actiones exercendas, & quamuis hoc faciant per pactum, seu donationem irreuocabilem, habet tamen illam conditionem tacite imbitam nisi ad meliorem, seu strictiorem Religionis frugem se recipere voluerint, sicut idem contingere dicitur in quacumque obligatione cum homine facta. Suarez *vt supra num. 2.* Sanchez *lib. 6. in decalog. cap. 7. nu. 9.* Addit etiam Suarez posse ad quamcumque Religionem ipsos transire, cum enim verè Religiosi non sint, quæcumque Religio erit perfectior statu quem habent.

22 Non debent permitti Conuersi, seu Oblati etiam professi ad sacros Ordines promoueri, tum vt sequantur suam vocationem, iuxta præscriptum Apostoli *1. Corinthior. 7.* tum vt auferatur ansa, vel occasio ambitionis quæ vt plurimum ad talem promotionem desiderandam eos solet impellere. Vnde in decretis Clement. VIII. pro institutione Nouitiorum in Monasterijs designatis, vel designandis quæ etiam approbata sunt à Sacra Congregatione Concilij sub Sanctiss. D. N. Urbano, & habentur simul cum decretis de Apostatis, & eiectis dicitur. *Qui ad Conuersorum habitum recepti fuerint, ad Clericorum statum transire.*

transire, etiam durante tempore probationis, non possint. Credo etiã circa hoc omnes Religiones laudabilia statuta habere. Casu autem quo aliquis Conuersus tonsura Clericali fecerit se tonsurari, aut ad Sacros Ordines sine legitima facultate promoueri, his omnibus iure priuandus est. Tum quia inobediens, & rebellis non debet esse potioris conditionis quam obediens, ac per consequens iste non debet esse potioris conditionis quam alij quieti, & obediens Conuersi, qui sua professione contenti talia non ambiunt. Tum quia in eo in quo quis deliquit, in eo debet puniri, cum ergo iste peccauerit Ordinibus male susceptis, prædicto modo debet puniri. De quo Casarubius in *Compend. priuileg. Mendicant. verb. Laici Fratres*. Rodriguez *tom. 2. quæst. Regular. q. 123. ar. 3.* In eo etiam casu talis Conuersus illegitime ordinatus cui non permittitur tonsura Clericali uti, aut exercere Ordines susceptos non tenetur ad Officium diuinum more Clericorum recitandum, iuxta dicta *tom. 1. cap. 12. num. 4.* cum solum ad illud teneantur Religiosi Choro addicti, aut pro Ordinis admissi. Casarubius *ut supra.*

23 Tenentur Conuersi, Laici, Oblati, seu Donati ad certas orationes Pater noster, & Aue Maria, iuxta institutum Regulæ, vel Constitutionum suorum Ordinum, iuxta dicta *tom. 1. cap. 12. num. 4.* Quanta autem, aut qualis sit obligatio illas recitandas, qualeue peccatum illas omittere, ex dictis eodem *tom. 1. cap. 7. & 8.* ubi agitur de obligationibus Religiosorum ratione Regulæ & Constitutionum pensari debet.

24 Pro receptione, educatione, seu institutione Conuersorum, Oblatorum, seu Donatorum qui professionem veram triumvotorum emittunt, animaduertendæ sunt Institutiones Clem. VII. approbatæ à Sacra Congregatione Concilij sub SS. D.N. Urbano VIII. & habentur cum decretis eiusdem S. Congregationis de *Apostatis & eiectis*, quæ sunt huiusmodi, præter alias ibi assignatas pro omnibus Nouitijs, siue Clericis, siue Conuersis. Prima, si quis annum 25. excedens ad habitum regularem admitti postulauerit, & talis eruditionis expertus inuentus fuerit, in Conuersorum tantum, quibus litterarum scientia non est necessaria numerum referatur: ipsi autem Conuersi non recipiantur ante 20. ætatis suæ annum; & nisi saltem præcipua doctrinæ Christianæ capita nouerint. Secunda, quia quarundam Religionum mos est nedum Conuersos ad professionem admittendos, verum, & Oblatos, ut vocant, recipere, circa ipsorum Oblatorum receptionem vnaquæque Religio suas peculiâres Constitutiones; specialiaque instituta obseruare teneatur.

Tertia, cum autem, licet Clericorum bene instruendorum cura debeat esse præcipua, Conuersorum tamen religiosa instructio non sit prætermittenda, quin potius æquanimiter amplexanda, quandoquidem satis exploratum est istorum etiam, cum Regulam profiteantur eandem, perfectam educationem, tum religioni decorem, & ornamentum, tum alijs Christi fidelibus ædificationem, exemplum, atque vtilitatem. asserre. Conuersis ipsis à Clericorum nouitiatu separatus ad dormiendum locus (quantum commode fieri poterit) assignari præcipitur. Illi tamen hac separatione non obstante Magistro Nouitiorum, seu Superioribus Monasteriorum, & Conuentuum, iuxta cuiusque Ordinis statuta, & Constitutiones subditi esse, & obedientiam, præstare debebunt, à quo non tantum circa corporalia obsequia probandi, & exercendi, verum etiam, pro eorum capacitate, & commoditate, de spiritualibus, præsertim de modo mentaliter orandi, diligenter instruendi erunt, quod vt commodius fiat ad Capitula, & spirituales conciones, quæ per Magistros Nouitijs fieri solent, accersiri debeant, & in Ecclesijs statutis horis conueniant, nisi tunc in suis officijs actualiter occupati fuerint. Tempore verò probationis elapso, ij tantum qui non solum, religiosæ perfectionis capaces, sed ad laborem corporalem apti nouo, ac diligenti examine reperti fuerint (dummodo ætatis suæ annum, quoad Clericos decimum sextum, quo verò ad Conuersos vigesimum primum excesserint) ad professionem admittantur. Sed qui ad Conuersorum habitum recepti fuerint, ad Clericorum statum transire, etiam durante tempore probationis, non possint. Superior cuiuslibet Conuentus in quo Nouitiatus fuerit constitutus, particularem librum habeat in quo vniuscuiusque Nouitij professio registretur, illamque Nouitijs professus propria manu, & duo testes qui præsentibus fuerint subscribant. Conuersus verò litterarum ignarus professus in eorundem testium qui se subscripserint præsentia, propria manu signum Crucis apponat, asserueturque liber, & custodiat in Archiuio, vbi scripturæ ad Monasterium, seu Conuentum pertinentes reponi consueuerunt. Circa quæ decreta, seu Institutiones illud generaliter animaduertendum duxi, illa non videri obligare nisi solum pro Conuentibus designatis, seu designandis à Sede Apostolica pro Nouitiatibus, vt patet, tum ex titulo illis præfixo, tum ex §. 1. & 2. vbi videtur solum sermonem esse de prædictis Conuentibus. Quare cum decretum Clemen. VIII. de non recipiendis Nouitijs nisi solum pro Conuentibus designatis, non obliget nisi in Italia, & in insulis adiacentibus, solum

solum ibi obseruanda erunt prædictæ Institutiones . Similiter cum ab obseruatione talis decreti Clementis viii. excipiantur Carthusiani, Minores strictioris obseruantia, Capuccini S. Francisci, Reformati S. Dominici, Discalceati Carmelitarum, Fulienfes, Eremitæ Eremitæ Camaldulensis, & Montis Coronæ, Clerici Regulares Theatini, Societatis Iesû, S. Pauli deo lati, Somaſchi, & Miniſtri infirmorum, ideo etiam exempti videntur ab obligatione harum Institutionum cum illæ, vt dixi, solum pro Conuentibus à Sede Apostolica designatis, seu designandis pro Nouitiis editæ videantur.

25 Non possunt Conuerſi, etiamſi imperfectum habitum, aut sine capuccio gerant in Religionibus quibuscumque siue Mendicantibus, siue non Mendicantibus (præter assignatas num. præcedenti) in Italia, & Insulis adiacentibus recipi nisi in Conuentibus assignatis pro Nouitiis à Sede Apostolica, & receptiones, ac professiones illorum extra dictos Conuentus factæ irritæ sunt, & nullæ, iuxta dicta tom. i. cap. 24. num. 23. Quia tamen vt ibidem num. 24. dictum SS. D. N. Urbanus viii. pro remedio illorum qui illegitimè, & inualidè professionem fecerant non habito Nouitiu in prædictis locis designatis Motu proprio prouidit, vt de nouo ad professionem admitterentur; & cum huius rei occasione multi professi ad sæculum redire vellent, nouissimè Sacra Congregatio Concilij anno 1636. huic malo prouidere volens statuit. Quod si aliqui contra formam præfatorum decretorum recepti, & professi è Religione infra quinquennium exire, vel Superiores extra eam respectiue illos eijcere voluerint, eadem Sanctitas sua decreuit, vt tam ipsi professi quam Superiores respectiue teneantur lura, quæ sibi fauere visa fuerint, prius deducere coram eadem Sacra Congregatione, quæ ex speciali etiam suæ Sanctitatis facultate super hoc concessa prouidebit. Inhiben. propterea Primatibus, Patriarchis, Archiepiscopis, Episcopis, Abbatibus, & Prælatibus inferioribus iurisdictionem exercentibus, ac quibuscumque Iudicibus Ordinarijs, & delegatis etiam causarum Palatii Apostolici Auditoribus, & Sacræ Romanæ Ecclesiæ Cardinalibus, etiam de latere Legatis, Sedisque Apostolicæ Nuncijs, ne in posterum in hoc quoquomodo se ingerant absque speciali eiusdem Sanctitatis commissione, sub pœna ipso facto incurrenda, quoad Episcopos, Archiepiscopos, Patriarchas, & Primates interdicti ab ingressu Ecclesiæ, quoad Abbates, Prælatos inferiores, ac alios Iudices prædictos excommunicationis latæ sententiæ, quo verò ad Nuncios, & ad Sacræ Romanæ Ecclesiæ Cardi-

Cardinales, etiam de latere Legatos indignationis suæ Sanctitatis, & pænarum arbitrio eiusdem imponendarum. Hæc ibi.

26 Item ibidem pro maiori cautela contra delinquentes statuit, ac decreuit quòd si iidem, vt supra, recepti, & professi iuribus suis minimè deductis coram Sacra Congregatione Concilij, & sine illius expressa licentia à Religione exire, vel Superiores Religionis eos eicere ausi fuerint, ipsi recepti, & professi, tanquam Apostata puniantur, & pro talibus habeantur; nec non contra eosdem, iuxta formam decreti de Regularibus Apostatis, & eicctis, eiusdem Sanctitatis suæ iussu ab eadem Sacra Congregatione sub die XXI. Septembris 1634. editi procedatur, & Superiores, qui eiecerint pœnam suspensionis à diuinis; nec non priuationis omnium Officiorum quæ tunc obtinebunt, ac perpetuæ inhabilitatis ad ea in posterum obtinenda, vocisque actiuæ, & passiuæ ipso facto absque alia declaratione incurrant. Hæc ibi.

Circa quæ decreta id maximè notandum, quod licet stando in rigore illorum verborum *recepti, & professi* per ea non videantur comprehendi nisi ij solùm, qui in locis, seu Conuentibus non designatis pro Nouitiatus recepti, aut professi fuerint, non verò ij qui etsi recepti, & professi fuerint in dictis locis, seu Conuentibus designatis, nihilominus cursum Nouitiatus peregerunt in alijs locis non designatis. (quod idem dico de decretis Clem. VI II. adductis tom. I. cap. 24. num. 23. quia in eis, stando in rigore verborum solùm videtur prohiberi admissio ad habitum, receptio seu professio in Conuentibus non designatis, non verò Nouitiatum agere, aut habere, ita vt qui in Conuentu deputato fuit receptus, & professus, etiam si in non deputato Nouitiatum peregerit, validè professus videatur) attendendo tamen ad Motum proprium SS. D. N. Urban. VII I. quod dicto cap. 24. num. 24. attulimus, & per quod explicantur dicta decreta Clem. VI II. dicendum tam per ipsum, quam per decreta prædicta comprehendi non solùm eos, qui recepti, & professi fuerint in locis non designatis, sed etiam illos, qui in talibus locis non designatis Nouitiatum peregerunt, etiam si alias in locis designatis recepti, & professi fuerint. Quod constat tum ex illis verbis dicto num. 24. relatis *Annum probationis in Monasterijs, seu domibus Regularium ad id designatis minimè fecerunt*, tum ex alijs, quæ sunt in principio illius Motus proprii quibus suam, & Clem. VI II. mentem declarat, quæ sunt huiusmodi. *Cum itaque sicut accepimus quamplures Ordinum, Congregationum, & Institutorum Regularium professores ad habitum Regularem recepti, probationis annum in Monasterijs, seu domibus*

Regula-

Regularibus ad id designatis, vel ab Apostol. Sede approbatis minime fecerint, proindeque iuxta Constit. sel. record. Clement. Papæ VIII. prædecessoris nostri desuper editam professio per eos subinde emissæ inualida existat. Nos Religiosos prædictos &c. Tum denique ex titulo præfixo ipsi Motui proprio, qui est, super professionibus per Regulares emissis, non factæ in locis designatis Nouitiatu. Quare dicendum, iuxta mentem tum SS. D. N. Urbani, tum Clem. VIII. eos, qui in locis non designatis Nouitiatum peregerunt, etiam si in eisdem habitum susceperint, aut professionem emisserint, dictis decretis comprehendi.

27 Non obstante etiam tali decreto de non admittendis ad professionem Nouitijs etiã Conuersis, nisi in locis à Sede Apostolica designatis pro nostro Ordine obtentum à SS. D. N. Urbano per Breue speciale anno 1634. negotio prius commissio S. Congregationi Regulari, & Eminentissimo Cardinali Ginetto, ut alij Conuentus designarentur videlicet. In Prouincia S. Alberti in Sicilia Conuentus Placiæ, Melatij, Sicli, Siracusæ, Mazzarini; In Prouincia Romana Conuentus Transpontinæ, S. Martini in Montibus, Præneste, Velitrarum, Roncilionis; In Prouincia Lombardiæ Conuentus Mediolani, Cremonæ, Nouariæ, Montis Calerij, Nouarum; In Prouincia Venetiarum Conuentus Vicentiæ, Roboreti, Dezenfani; In Prouincia Thuscianæ, Conuentus Pifarum, Prati, Montis Politiani, Emporij; In Prouincia Romandiolæ, Conuentus Anconæ, Casenæ, Arimini, Senogalliæ; In Prouincia Neapolis, Capuæ, Nuceriæ, Apuliæ, Beneuenti, Salerni, Auerfæ; In Prouincia Apuliæ Conuentus Licij, Bitunti, Nerici, Baruli, Monopolis; In Prouincia S. Angeli in Sicilia, Conuentus Marsalæ, Alcami, S. Nicolai de Bononia, Calatanixete, Racalbuti; In Prouincia Calabriæ Conuentus Cofentia, Rhegij, Caroleorum, Catanzarij; In Prouincia Aprutij Conuentus Terami, Ortonæ, Bilantis; In Grancijs Conuentus Neapolis, Conuentus Summæ, Surrenti, & Concordiæ. In quibus possint recipi, & admitti ad habitum, & expleto probationis anno ad professionem Fratres Conuersi, seu Laici, seruata forma decreti Sanctiss. D. N. super receptione, & educatione Nouitiorum vltimo loco editi, nec non felicis record. Sixti v. ac aliarum Constitutionum Apostolicarum, & decretorum pariter similis memoriæ Clementis VIII. Institutionumque generalium super receptione, & educatione eiusdem Clementis, nec non sanct. mem. Pauli v. auctoritate editarum. Hæc ibi.

28 Cum autem in supradictis omnibus decretis solùm fiat sermo.

sermo de ijs qui professionem emissuri sunt, ideo quod attinet ad Conuersos, Oblatos, seu Donatos, solum intelligenda erunt de illis qui vt diximus veram professionem trium votorum emittunt, non de Oblatis, seu Donatis qui se, & sua Religioni tradunt nulla facta professione, quare nulla est lex, vel prohibitio quo minus isti Oblati, seu Donati qui professionem non emittunt ad Religionem admitti possint, etiam in Monasterijs, vbi non sunt prædicti Nouitii a Sede Apostolica approbati.

29 De sæminis illis, quæ in Monasterijs Monialium Oblatæ, seu Donatæ nuncupantur eodem modo loquendum videtur, ac de viris Oblatis, seu Donatis, respectiue tamen ad earum sexum. Præter ea autem quæ de ipsis dicta sunt *tom. 1. cap. 25. num. 17.* notandæ sunt aliquæ declarationes Sacræ Congregationis Episcoporum, & Regularium quas refert Barbosa in Collectan. Bullar. verbo *Conuersæ*. Prima, Conuersas non habent regulariter Moniales Sanctæ Claræ. Secunda, Conuersæ quæ ad Monasteriorum pauperum subleuamen ad conquæritandas eleemosynas mittuntur, 45. ætatis annum excedant, & extra clausuram minimè pernoctent, nisi in casu necessitatis, & tunc hospitio excipiantur in ædibus proximorum consanguineorum, aut aliarum piarum matronarum. Tertia, Conuersæ Moniales ad quæstuandum mitti possunt, si aliter Moniales sustentari non possint, dummodo ad minus 40. ætatis annum excedant, non sint pulchræ, nec modo aliquo extra Monasterij clausuram pernoctent, & in illis Monasterijs quæ nisi dictas Conuersas ad quæstuandum mittunt, manuteneri non possunt, deinceps puellis Monasticum habitum non tradi, nec educationis causa illæ in eis introduci possunt absque Sedis Apostolicæ speciali licentia. Quarta, Conuersæ non debent permitti vt exeant, aut videri se sinant ad effectum claudendi, vel aperiendi ianuam Monasterij sed id munus alteri extra clausuram degenti committatur. Quinta, Conuersa supernumeraria debet prædita qualitatibus necessarijs capitulariter, votisque secretis Monialium admitti, & dotem duplicatam soluere à Conuersis persolui solitam, ac tempore debito professionem emitte. Barbosa vt supra. Pro istis etiam sæminis Oblatis, seu Conuersis vide Rodriguez *tom. 1. quæst. Regul. q. 44. art. 4.*

30 Gaudent prædicti Conuersi priuilegijs suarum Religionum, iuxta dicta *tom. 1. cap. 3. num. 18.* vbi etiam idem dictum est de Oblatis professionem emittentibus, quia sunt verè Religiosi,
specia-

Specialiter tamen Gregor. ix. in Bulla *Quoties à nobis*, quæ habetur in 1. tom. Bullar. Laertij inter Bullas huius Pontificis num. 3. Oblatis Carthusianorum concessit vt eisdem libertatibus, & immunitatibus gauderent quibus ipsi Fratres gaudebant. Deinde Sixtus iv. in Bulla *Dum attentæ*, quæ est Mare magnum Carmelitarum eorum Oblatis copiosam concessionem fecit omnium priuilegiorum Fratribus concessorum illis verbis. *Et ne Oblati, & Oblatæ eiusdem Ordinis suorum iure deuotionis ad Ordinem ipsum frustrentur effectum, omnia, & singula circa Fratres, & Sorores, & Mantellatas, seu Pinzocheras nuncupatas personas prædictas in præsentibus litteris statuta, concessa, & ordinata, aut illis, & Fratribus prædictis in eorum commodum, & fauorem, indulta, ad easdem dicto Ordini nunc, & pro tempore Oblatas, & Commissas utriusque sexus personas eisdem scientia, & motu, & auctoritate extendimus, & ampliamus, ac in eis locum habere debere proinde ac si pro eisdem Oblatis, & Commissis personis, & circa illas emanassent, decernimus, volumus, & ordinamus.* Vide pro vsu huius priuilegij dicta tom. 1. cap. 21. num. 19. & 20. & in hoc 2. tom. cap. 1. num. 21. vbi constabit an sit vel non reuocatum. Similiter pro tempore interdicti hanc illis concessionem fecit. *Et quia ex concessione continetur dictorum Innocentij IV. Alexandri IV. & Gregor. XI. prædecessorum quod liceat eis cum interdictum generale terra fuerit, dummodo causam non dederint interdicto, clausis ianuis, excommunicatis, & interdictis exclusis, submissa voce Missas, & alia diuina Officia celebrare; eorundem Fratrum deuotioni non plene consulitur, concessionem eandem extendendo eisdem Fratribus, vt liceat eis habere Altare portatile cum debita reuerentia, & honore, super quo in locis ad hoc conuenientibus, & honestis præterquam in Ecclesijs ab Ordinarij obedientia non exempti, quoties id eis contigerit interdici, possint Missas & alia diuina Officia in quorumcumque præsentia celebrare, & interdicti tempore ad diuina huiusmodi cum eis mantellatas, & Pinzocheras, ac Oblatas Commissasque personas, & ipsorum Fratrum, ac Monasteriorum Menialium Ordinis prædicti Procuratores, Aduocatos prædictos, & negotia gerentes utriusque sexus admittere præfatis scientia, motu, & auctoritate indulgemus.* Pro quo priuilegio, seu vsu ipsius, & an sit reuocatum, vide dicta tom. 1. cap. 21. num. 14. 19. & 20. Præterea idem Sixtus iv. in Bulla *Dum fructus vberes*, quæ etiam est Mare magnum Eremitarum S. Augustini, Oblatis eiusdem Ordinis fere similia videtur concessisse. Meminerunt autem vtriusque concessionis Casarubius in *Compend. priuilegior. Mendicant. verbo Oblati*

T

Fratrum,

Fratrum, & Rodriguez tom. 3. quæst. Regul. q. 21. art. 3. Meminit etiam vterque alterius concessionis Eugenij 1v. circa absolutio- nem illorum, quam tamen omitto, quia viuz vocis oraculo fuit facta, & per consequens ijs temporibus inutilis, vt sæpe dixi, nisi de nouo concedatur.

31. Quia tamen Leo x. in Constit. *Dudum* quæ est in 1. tom. Bullar. Laertij num. 32. omnia priuilegia Conuersis, & Oblatis. Ordinum Mendicantium concessa communia esse voluit omnibus prædictis cuiuscumque prædictorum Ordinum Conuersis, & Oblatis. Ideo his priuilegijs concessis Oblatis Carmelitarum, & Eremitarum S. Augustini gaudere possunt ratione communicationis Priuilegiorum Oblati Prædicatorum, & Minorum, vt in specie de Oblatis Minorum habet Casarubius in *Compend. priuileg. Mendicant. verb. Oblati Fratrum, vel Monialium num. 3.* quod idem credo de Oblatis fæminis, cum illæ etiam nominentur à Sixto in priuilegio pro Carmelitis num. præced. adducto. Imò etiam idem videtur dicendum de Nouitijs, tam Oblatorum, quam Oblatarum (professionem videlicet trium votorum emittentium) saltem in multis Religioni- bus, & quoad ea quæ spectant ad bonum spirituale animæ: præsertim cum Nouitij in fauorabilibus pro veris Religiosis habeantur. Vide dicta tom. 1. cap. 24. præsertim nu. 8.

32. Dubitari tamen potest an priuilegia illa Greg. 1x. pro Oblatis Carthusiensium, & Sixti 1v. pro Oblatis Carmelitarum, & Eremitarum S. Augustini intelligantur solum de Oblatis illis, qui professionem trium votorum emittunt, an verò etiam de illis, qui sine tali professione se, & sua Monasterijs obtulerunt modo superius num. 27. dicto. Et quidem cum priuilegium Gregorij 1x. expressè loquatur solum de Oblatis qui trium votorum professionem emittunt in Ordine Carthusiensium, vt patet ex ipsa Bulla, ideo non potest extendi ad eos qui talia vota non faciunt. Cum autem priuilegia Sixti 1v. indistinctè loquantur de Oblatis Carmelitarum, & Eremitarum S. Augustini non determinando pro illis qui professionem emittunt, vel non emittunt, imò comparent illos cum Tertiarijs Fratribus de penitentia, seu Pinzocheris, qui neque tria prædicta vota emittunt, ideo probabile est ad vtrumque genus Oblatorum extendi. Verumtamen quia adhuc inter istos qui veram professionem trium votorum non faciunt, possunt esse aliqui qui non seruent conditiones à Sacra Congregatione Concilij supra num. 8. assignatas, quia scilicet non omnino bona sua Monasterijs obtulerint, alij verò qui illas seruent, ideo prædicta priuilegia

privilegia extendenda solum credo ad hos posteriores, non ad illos. Nam eo ipso quod Sacra Congregatio solum istos potiri vult privilegio fori, & immunitatis à secularibus exactio- nibus, etiam velle videtur eos solum potiri posse alijs privile- gijs Religionibus concessis, ac eos solum esse verè, & simplici- ter Donatos, seu Oblatos. Etsi hoc non sit omnino certum, cum Sixtus IV. in prædictis privilegijs vniuersaliter loquatur de Oblatis, seu Donatis, & posset dici Sacram Congregationem solum excludere prædictos à privilegio fori, & immunitatis ab exactio- nibus secularibus, non ab alijs privilegijs maximè con- cernentibus animæ vtilitatem. Pro vsu tamen horum privile- giorum, & an sint, vel non reuocata vide, vt dixi, *to. 1. c. 21. nu. 14. 19. & 20. & in hoc 2. to. c. 1. nu. 21.*

33 Concessit Calixtus III. Conuersis Fratrum Minorum, vt possent tangere Calices, & lauare corporalia, & alia Eccle- siastica, cum expedierit. Item Leo X. concessit eisdem Con- uersis socijs Generalium, vel Prouincialium, vt eo tantum tem- pore quo focij sunt, & extra loca, & Conuentus cum inseruiunt Missis prædictis Prælati possint proprijs manibus tractare, vasa sacri ministerij scilicet calices, & corporalia explicando, & aplicando post Missam sicut Clerici in sacris constituti. In Conuentibus autem ubi sunt alij Fratres id concedere recu- sauit. Casarubius in *Compènd. privileg. Mendicant. verb. Laici Fratres num. 1. & 3. Rodriguez tom. 2. quest. Regul. q. 127. art. 2. Portellus in Dub. Regular. verbo Laici Fratres num. 1.* Verumta- men cum istæ concessionessint viux vocis oracula vt Casaru- bius notat, ijs temporibus post reuocationem similium con- cessionum factam à SS. D. N. Urbano VI. nullæ sunt, nisi de nouo concedantur, vt sæpe dictum est. Extat tamen alia conces- sio Sixti IV. pro Fratribus professis Conuersis Ordinis S. Au- gustini Congregationis Lombardiæ qua illis concessit quod dum Sacristiæ curam gererent, scilicet, dum Sacristarum officium exercerent possent tangere Calices, Patenas, & Purificatoria, cum necesse esset. Quæ concessio, quamuis neque per Bullam, neque per Breue facta sit, quia tamen ab ipso Papa videtur sub- scripta, ideo non apparet viux vocis oraculum, ac per conse- quens hoc tempore subsistere. Eam refert Confettius in *Collect. litter. Apostol. inter privilegia Sixti IV. nu. 9.*

34 Pro quo notandum quod, secluso privilegio, sacra vasa, & vestes dum in eis continetur Corpus, vel Sanguis Christi, tan- gi, præterquam à Sacerdote, vel Diacono, graue peccatum est. *Ex cap. non oportet d. 23. Palud. in 4. dist. 13. q. 1. art. 4. Suarez in*

3. par. tom. 3. diff. 81. sect. 8. Tangere autem illa cum in eis non continetur Corpus, aut Sanguis Christi, etiam est illicitum *ex cap. in sancta diff. 1. de Consecrat. cap. sacratas*, alijsque iuribus *diff. 23.* Huius tamen præcepti transgressio, secluso contemptu, solum est venialis, quia pro leui irreuerentia communiter æstimatur. Suarez *ut supra*. Imò si rationabilis causa, vel moralis necessitas adsit, nulla erit culpa id facere. Sotus *in 4. diff. 13. q. 2. ar. 3. ad 3.* Layman. *in Theolog. moral. lib. 5. tract. 5. cap. 6. num. 18. & 19.* Ad tollendos tamen scrupulos solet ad id peti licentia à S. Congregatione Rituum, ut patet ex Barbosa *in Collect. Bullar. verb. licentia*.

35 Affertur etiam alia concessio facta Laicis Fratribus etiam olim homicidis, & bigamis, ut possent ministrare Sacerdotibus celebrantibus, etiam vestiti superpelliceo lineo. Ita Portellus *in Dub. Regul. verbo Laici Fratres nu. 2. ex Compend. D. Hieron. Hisp. verb. Laici Fratres §. 2.* Verumtamen scire non potui an hæc concessio sit viuz vocis oraculum, & per consequens his temporibus inualida, aut non; Deinde dico, cum irregularitas non priuet exercitio Ordinum, nisi ut ordines sunt, id est, eo modo, quo à Clericis exerceri solent, ut habet Cornexo *tom. 2. tract. de irregularit. diff. 5. dub. 4.* ideo quicumque irregulares, etsi homicidæ, & bigami possunt ministrare Sacerdotibus celebrantibus non eo modo quo Clerici, sed ut Laici. Quia, verò ministrare cum superpelliceo lineo indicare videtur id fieri ad modum Clericorum, ideo forsan obtenta est talis concessio. Cuius tamen qualitatem ut dixi, ignoro.



SVMMARIVM CAP. IX.

Eminentissimorum, DD. Cardinalium prerogatiua maxima. nu. 1.

Ipsorum varia epitheta. *ibid.*

Prouincijs, Regnis, Nationibus, & Religionibus Protectores assignantur. *ibid.*

Dati sunt Religionibus ad earum defensionem. num. 2.

Visio S. Francisci circa illos. *ibid.*

Ipsorum auctoritas varia pro varietate temporum. nu. 3.

An sint iudicandi ut veri Prælati Religiosorum. num. 4.

Quid circa hoc decreuit Gregor. XI. *ibid.*

Possunt DD. Protectores dici aliquo modo Superiores Ordinum quibus præficiuntur. num. 5.

Sunt Commissarij Apostolici, Vicarij, Delegati, & Locumtenentes Papa in his quæ pertinent ad bonum regimen, & gubernium Religion. *ibid.*

Maximo honore, amore, & reuerentia prosequendi à Religiosis quos protegent. num. 6.

Illis iure credendum cum dicunt se habere viua vocis oraculum à Papa. nu. 7.

Quando, & quomodo fides adhibenda Cardinalibus in Iure. *ibid.*

Eorum præcipuum munus est Superiorum auctoritatem conseruare. nu. 8.

Non debent se immiscere quando Superiores sui Officij debito satisfecerint. *ibid.*

Possunt suam auctoritatem interponere quando à Superioribus Ordinum requisiti fuerint. num. 9.

Pro conseruatione scilicet auctoritatis Superiorum, coercenda subditorum peruiacia, aut introducenda vita regulari. *ibid.*

Possunt etiam suam auctoritatem in negotijs Ordinum interponere quando id necessarium fore cognouerint. num. 10.

Ad conseruandum tamen auctoritatem Superiorum, Ordinesque protegendos. *ibid.*

Monentur adhibere in negotijs Ordinum loco Notarij aliquem ex Regularibus ipsorum. num. 11.

Quibus facultatibus vtantur. num. 12.

Protector Carmelitarum amplissimam facultatem habet. nu. 13.

Etiam Protectores aliorum Mendicantium ea facultate vti possunt. num. 14.

Sunt

Sunt Protectores Mendicantium conservatores illorum pro omnibus causis quae contingere possunt. ibid.

Quando, aut quomodo admittere possint appellationes Fratrum. num. 15.

Facienda sunt huiusmodi appellationes gradatim. nu. 16.

An ex DD. Protectoribus appellari possit ad Sacram Congregationem Regularium. nu. 17.

An possint licentiam concedere Fratribus veniendi Romam. num. 18.

An Protectores Mendicantium procedere possint contra asserentes confessos Mendicantibus iterum teneri confiteri Reclori Parochiali. num. 19.

An contra illos qui negaverint illis eleemosynam non esse faciendam. ibid.

An hac potius pertineant ad DD. Inquisitores. ibid.

Auctoritas Protectorum videtur delegabilis in casibus necessitatis quibus ipsi personaliter assistere non possunt. num. 20.

Si autem huiusmodi causae concernerent visitationem, vel reformationem Religiosorum Religiosis eiusdem Ordinis deleganda sunt. ibid.

Qualiter beneficia à DD. Protectoribus collata compensari debeant. num. 21.



De Dominis Cardinalibus Regularium Pro-
tectoribus, eorumque facultatibus,
iuribus, & priuilegijs.

Cap. IX.



MINENTISS. DD. Cardinalium præ-
rogatiua maxima est in Ecclesia Dei, vt potè
qui summæ dignitatis, videlicet Pontificiæ,
Collaterales sunt, & Coadiutores. S. Bernardus
lib. 4. de considerat. Cardines Orbis. Ioann. de
Lignan. in tract. de bello pag. 9. Pars corporis.
Pape. Gigas de pens. q. 7. num. 12. & 13. Prin-
cipes terræ. Canonistæ in cap. Pastoralis 12. q. 1. Columna Ecclesiæ.
Marcus Mantuan. lib. de Con. num. 64. Lumina Ecclesiæ. Idem.
Mantua ibid. Stella Ecclesiæ. Alban. Cardinal. lib. de Cardinalatu
q. 8. Ecclesiæ Senatores. Azor. tom. 2. instit. moral. lib. 4. cap. 3.
q. 20. Reges. vel pro Regibus habendi. Paris de Puteo in tract.
de Syndic. in S. an si Iudex num. 2. Vnde varijs, & honorificen-
tissimis titulis nuncupati nouissimè à SS. D. N. Urbano titulo
Eminentissimorum decorati sunt. Quemadmodum autem
ex cælesti Hierarchia administratorij illi Spiritus nedam ho-
minibus, sed & Regnis, & Prouincijs Tutelares à Deo conce-
duntur, vt docent S. Basiliius l. 4. contra Eunomium, Theodoretus
orat. 16. in Daniele, Nazianzenus orat. 2. de Theologia, & alij,
sic etiam ex terrestri, & Ecclesiastica Hierarchia Cardinales à
Papa, Prouincijs, Regnis, Nationibus, & Religionibus Prote-
ctores assignantur.

2. Dati ergo sunt Religionibus à Summis Pontificibus ad
earum defensionem, conseruationem, dilatationem, tutelam, &
protectionem, vè vel ex nomine ipso Protectorum conspicitur,
contra aduersantes præcipuè. Perinis de subdito Religioso to. 1.
de obedientia q. 1. cap. 18. §. 21. & 3. Quod belle confirmat S. Fran-
cisci Minorum Patriarchæ cælestis visio qua monitus à Deo est
petere sui Ordinis Cardinalem Protectorem à Papa Honorio
III. Vidit enim in somnis gallinam pullos plurimos sub alijs congre-
gare, à super volitantibus miluis defendere volentem, nec tamen om-
nes potuisse pluresque proinde patuisse rapinæ, magna vero alterius
volatilis sub alijs pericula subterfuisse. Expergetæque autem

vir

vir Sanctus dum somnij interpretationem peteret à Domino camīta accepit, ut intellexerit se per gallinam, Discipulos per pullos, & Cardinalem in Protectorem assumendum per volucrem magnarum alarum demonstrari. Sic Lucas Vadingus in *annalib. Minor. ann. 1217. num. 2. ex legenda trium Sociorum*. Hoc autem munus rectè in eodem Ordine Minorum primus obiuit Cardinalis Hugolinus, postea Pontifex Gregor. ix. qui super Minores constitutus factus est, quasi vnus ex eis, nihil tam curans, quam vt à molestijs, & iniurijs vbique terrarum defenderentur, ab Ecclesiarum Prælatīs fouerentur, amicè reciperentur, & per vniuersas Orbis Prouincias ad omnium salutem distenderentur. Vadingus vt *supra num. 8.*

3 Ipsorum auctoritas varia pro varietate temporum, iuxta Pontificum decreta, ipsorum DD. Card. affectum, seu conditionem, rerumque indigentiam fuit, aliquando amplior, aliquando strictior. Prædictus enim Cardinalis Hugolinus primus Minorum Protector quasi summam in Ordinem potestatem exercuit tempore Honorij iiii. postea tamen Pontifex factus, & Gregorius ix. vocatus eam valdè restrinxit, prout etiam fecit Gregorius xi. in Bulla inferius referenda, quod, & postea approbarunt Sixtus iv. & Iulius ii. Item Vrbanus iv. amplissimam auctoritatem Protectoribus concessit, illis immediate Moniales subiciens quam etiam postea moderati sunt Martinus v. & Iulius ii. De quo Casarubius in *Compend. priuileg. Mendicant. verbo Protector Ordinis*. Rodriguez *tom. 3. quest. Regular. q. 42. art. 1. & 2.* His autem temporibus standum est tum consuetudini legitimè præscriptæ, tum varijs decretis Summorum Pontificum, & Sacrarum Congregationum, quibus eorum auctoritas aliquando declaratur, tum præcipuè litteris quibus Summus Pontifex hoc munus Protectorum eisdem DD. Cardinalibus tribuit, & secundum illa iudicandum in præfenti.

4 Primò ergo videtur dicendum prædictos DD. Cardinales Ordinum Protectores non esse vocandos Prælatos Religiosorum stricto modo, quales sunt Piores, Prouinciales, & Generales, & alij similibus nominibus vocati. Colligitur ex Bulla Gregorij ix. vbi Cardinali Protectori Ordinis Minorum distinctè inhiuit ne se intromitteret in rebus pertinentibus ad officia, & gubernationem, seu correctionem Fratrum dicti Ordinis nisi in certis casibus, & quod Fratres prædicti ad Protectorem tanquam ad Prælatum pro licentijs, vel alijs similibus gratijs recurrentes punirentur. Casarubius in *Compend. priuileg.*

privileg. Mendicant. num. 1. Secundò ex Greg. xi. in Bulla *Cunctos Cbristi*, quæ habetur in 1. tomo Bullarij Cherubini inter Bullas Gregorij *num. 4.* quam etiam approbavit, & inseruit Sixtus iv. in alia Bulla *Sacra Minorum* in Bullario Rodriguez tom. 1. in Sixto iv. *num. 5.* in qua etiam prædictis DD. Protectoribus prohibuit statuta Ordinis corrigere, dispensare, seu immutare, Prælatos, seu Officiales ponere, aut deponere, ad lecturam, vel gradum aliquos promovere, aut ab eisdem removere, de loco ad locum aliquem Fratrem mutare, aut licentiam aliquò eundi impartiri, quemquam punire, aut à pœna liberare, res Ordinis alicui concedere, aut concessas amovere, de rebus, aut correctione Fratrum, nisi in quibusdam casibus, se aliquatenus intromittere, quæ omnia indicant eos non esse veros Ordinum Prælatos, stricto modo loquendo, quia si tales essent, prædicta negari ipsis non deberent. Nec obstat has limitationes solum pro Protectoribus Ordinis Minorum factas fuisse non pro alijs Ordinum Protectoribus. Non solum quia cum prædictæ limitationes factæ sint à Summis Pontificibus in gratiam, & favorem Minorum, vt ex ipsis Bullis constat, & Mendicantes omnes communicatione gratiarum, & privilegiorum potiantur, saltem omnes Mendicantes, & quicumque alijs eorum privilegij fruenter, hac etiam gratia frui debent. Sed etiam quia, vt bene Laertius Cherubinus 1. tomo Bullarij inter Bullas Greg. xi. *num. 4.* notavit, aliorum Ordinum Protectores maiores his facultates non habent. Tertiò id etiam constat ex litteris protectionis sub Paulo v. & SS. D. N. Urbano alijs DD. Protectoribus concessis, de quibus infra, in quibus non nisi ad determinatos casus eorum auctoritatem, & potestatem extendi declaratur. Id denique quartò constat quia is solum stricto modo dicitur Prælatus qui habet ordinariam iurisdictionem in subditos, vt docet Abbas *cap. decernimus de iudicij summ. 16. & cap. tua nos de Cleric. ægrotante.*

5 Possunt nihilominus prædicti DD. Protectores dici Superiores Ordinum quibus præficiuntur, & largo modo Prælati quatenus sunt Commissarii Apostolici, Vicarij delegati, & Locumtenentes Papæ in his quæ pertinent ad bonum regimen, & gubernium Religionum modo inferius explicando, pro conservanda scilicet Prælatorum auctoritate, & quando ab ipsis requisiti fuerint, vel ipsi Domini Protectores id necesse esse cognoverint, iuxta inferius dicenda. Omnis enim habens curam animarum aliorum, etsi delegatam, dici potest Prælatus. Glossa in *e. tua nos, de Cleric. ægrotante.* Silvester in *Summ. verb. Præl. n. 1.*

6 Propterea maximo honore, amore, & reuerentia prosequendi sunt à Religiosis quos protegent, vtpotè qui ipsorum tutela, patrocinio, & conseruationi à Papa destinati sunt. Hinc in litteris protectionis sub SS. D. N. Urbano concessis sic habetur. *Mandantes propterea Priori Generali, ac alijs Superioribus, ne non vnuerfis Religiosis personis quibuscumque dicti Ordinis in virtute S. Obedientie, vt te in eorum Protectorem iuxta tenorem presentium recipientes, ea qua debent reuerentia prosequantur.*

7 Hinc illis iure credendum, & fides adhibenda quando dicunt se habere viux vocis oraculum à Papa. Hoc enim conueniens est muneri quod gerunt, & eorum dignitati, ac auctoritati. Maxime, quia in causis Cardinalibus commissis, & demandatis, eorum dicto fides adhibetur. Cardin. *tract. de Cardinal. q. 42. ex Lupo, Baldo, Saliceto, Azor. tom. 2. instit. moral. lib. 4. c. 3. dub. 20.* Præsertim tertio quia alijs etiam Cardinalibus de stylo Curie credendum est, vt tradit Tuschus *verb. Cardinalis conclus. 103. num. 2.* De quo Nauarrus *lib. 1. consil. de offic. Iud. delegat. consil. 9. num. 7. Farinac. 2 p. decis. p. 1. decis. 339. Bellemera conclus. 635. Mascard. de probat. concl. 269. Peirinis tom. 2. priuileg. Minim. in Const. 3. Gregor. XIII. num. 4.* Quod iurātane plures nisi sit in præiudicium tertij. Abbas *par. 2. consil. 18. num. 2. & cap. quod super de fid. instrum. num. 5. & cap. sicut nobis de sent. excommunic. in 6.* Tuschus *vt supra num. 3. Glossa in cap. sicut nobis de sent. excommunicat. verbo alio modo, & alij.* Nec obstant dicta *tom. 1. cap. 3. num. 21.* videlicet, quod quamuis Gregor. xv. per suam Constitutionem *Romanus Pontifex* anno 1622. reuocauerit omnia viux vocis oracula præterquam à DD. Cardinalibus firmata, nihilominus SS. D. N. Urbanus anno 1631. omnia prædicta viux vocis oracula etiam à Cardinalibus firmata cassauit, & abrogauit. Nam in primis hæc reuocatio oraculorum viux vocis solum est de illis quæ priuilegia, facultates, licentias, & gratias continent, non de alijs, vt eodem loco dictum est. Quare respectu aliorum integra manet auctoritas Cardinalium, & illis fides adhibenda. Deinde, in prædictis litteris solum est sermo de gratijs, indultis, & priuilegijs viux vocis oraculo à Sede Apostolica præteritis temporibus concessis, non de ijs, quæ in posterum, & in futurum à Summis Pontificibus concedi possunt. Quare saltem respectu istorum procedit tradita doctrina, quod videlicet credendum sit DD. Cardinalibus, præsertim Ordinum Protectōribus, cum dixerint se habere viux vocis oraculum à Sanctissimo.

Eorum

8 Eorum præcipuum munus in eo situm est, vt Superiorum m. Ordinum auctoritatem conseruare curent, adeo vti in negotijs eorumdem Religiosorum se non debeant immiscere, quando Superiores ipsorum sui officij debito satisfecerint, ac gubernio, & regimini subditorum sufficienter incubuerint. Sic enim habetur in litteris protectionis sub Paulo v. quas affert Laetius Cherubinus 3. tom. Bullar. in Paulo v. num. 53. alias 34. & sub SS. D. N. Urbano. *Volumus autem, ac tibi in virtute S. Obedientie mandamus, vt Superiorum dicti Ordinis auctoritatem quantum fieri poterit conseruare cures, & propterea cum ipsi Superiores eorum officij debito satisfecerint, ac gubernio, & regimini subditorum sufficienter incubuerint, tu in negotijs eorumdem Religiosorum te non immisceas.* Ex quo à contrario elici videtur, quod cum prædictis D. Cardinalibus certò constiterit Ordinum Superiores sui officij debito non satisfacere, aut gubernio, & regimini subditorum sufficienter non incumbere, posse se in negotijs Religiosorum immiscere.

9 Possunt similiter suam auctoritatem interponere quando à Superioribus Ordinum requisiti fuerint. Sic enim habetur in prædictis litteris protectionis sub Paulo v. & SS. D. N. Urbano. Quod intelligo pro conseruatione auctoritatis, & iurisdictionis Prælatorum, iuxta dicta, & pro reprimenda, aut coercenda subditorum perniciacia, aut superbia erga Prælatos, aut pro introducenda in Monasterijs vera vitæ Regularis obseruantia, eradicandisue, aut submouendis abulibus contrarijs reformationi.

10 Item possunt suam auctoritatem in negotijs Ordinum interponere, etiam à Superioribus non requisiti, quando id necessarium fore cognouerint. Sic enim habetur in dictis litteris protectionis sub Paulo v. & SS. D. N. Urbano: quo etsi facultas valde ampla ipsis concedi videatur, limitanda tamen iuxta supradicta, & finem muneris Protectoris, qui est conseruare auctoritatem Superiorum Ordinum, ipsosque Ordines defendere, conseruare, & protegere.

11 Monentur tamen prædicti DD. Protectores, vt quoties in negotijs Ordinum se immiscuerint, siue à Superioribus requisiti, siue quia id viderint ipsi esse necessarium, per se ipsos, quoad fieri poterit, id facere curent *adhibito ad scribendum quando opus fuerit in eisdem negotijs, seu causis loco notarij aliquo ex Regularibus dictorum Ordinum.* Sic enim habetur in litteris Protectoris relatis sub Paul. v. & SS. D. N. Urbano. Quod iure præscribunt Summi Pontifices boni nominis Religiosorum zela-

tores, ne si prædicti DD. Protectores in causis, & negotijs Regularium gerendis, aut scribendis familiaribus proprijs, aut alijs sæcularibus pro Notarijs, Secretarijs, aut Scribis vtantur, bona fama Religiosorum denigretur, & Sacri Regularis Ordines apud sæculares vilipendantur.

12 Conceditur etiam prædictis DD. Protectoribus in dictis litteris sub Paulo v. & SS. D. N. Urbano concessis vt *omnibus facultatibus, iurisdictionibus, honoribus, & oneribus solitis, & consuetis, ac quibus alijs Protectores vsi sunt, ac vti quomodolibet potuerunt, seu etiam debuerunt.* Quæ auctoritas, & facultas licet limitanda sit iuxta dicta, & contenta in prædictis litteris, scilicet pro conseruanda auctoritate Superiorum Religionis, & in casu quo ab ipsis requisiti fuerint, vel ipsi Protectores cognouerint id esse necessarium, nihilominus postulat, vt explicemus ad quæ extendi possit iure, vel consuetudine.

13 Et primò Cardinalis Protector Ordin. Carmelit. amplissimam facultatem habet circa publicationem priuilegiorum eiusdem Ordinis quæ habentur in Mari magno, & defensionem eorumdem Fratrum in quibuscumq. causis, & contra quoscumque quantumcumque qualificados, vt pater illis verbis Sixti IV. in Bulla *Dum attenta*, quæ est Mare magnum Carmelitarum, & extat authenticè apud ipsos, & Rodriguez tom. 1. *Bullar. inter Bullas Sixti IV. num. 37.* illis verbis: *Et nihilominus dicti Ordinis Protectori qui pro tempore erit, & cuilibet in dignitate Ecclesiastica constituto, & Metropolitana, vel alterius Cathedralis Ecclesie Canonico, per vniuersum Orbem qui desuper prædicti Ordinis Gloriosissima Dei Genitricis semperque Virginis Maria de Monte Carmeli Priores, & Fratres, ac illorum, seu ad commodum eorum Romana Ecclesie syndicos desuper requisitus fuerit, per Apostolica scripta in solidum mandamus quatenus per se, vel alium, seu alios præmissa, ubi, & quando opus fuerit solemmiter publicantes, ac eisdem Fratrum Gloriosissima Dei Genitricis semperque Virginis Maria de Monte Carmeli Ordini, illiusque domibus, & professoribus in præmissis efficacia defensionis præsidio assistentes faciant eos pacifica possessione, vel quasi priuilegiorum, & concessionum huiusmodi gaudere, non permittentes eos, seu testamentorum executores, & heredes prædictos contra illorum tenorem per Ordinarios, & Rectores prædictos, aut quoscumque alios indebite molestari, aut eis grauamina iniurias, atque damna inferri, seu quomodolibet irrogari, ac etiam summarie, & de plano sine strepitu, & figura iudicij, sola facti veritate inspecta, contra quoscumque cuiuscumque qualitatis, vel conditionis existant, & quacumque Ecclesiastica etiam Patriar-*

Patriarchali, Archiepiscopali, aut Episcopali, aut mundana forent dignitate, & exemptione muniti in quibuscumque causis per eos mouendis, quacumque ratione, vel causa quæ excogitari possit eis ministrant iustitiæ complementum: exequentes quod per eos fuerit ordinatum, & illos quos censuras, & pœnas prædictas incurrisse constituerit illis irretitos esse declarent, & faciant, & mandent interdictos suspensos, & excommunicatos publicè nunciari, & ab omnibus artius euitari, ac legitimis super his habendis seruatis processibus illos quoties opus fuerit iteratis vicibus aggravare procurent. Contra dictores auctoritate Apostolica, appellatione postposita, comescendo, inuocato ad hoc si opus fuerit auxilio brachij secularia. Non obstantibus prædicti Bonifacii VIII. quibus cauetur ne quis extra suam Ciuitatem, & Diocœsim nisi in certis exceptis casibus, & in illis ultra unam dictam à fine sue Diocœsis ad iudicium euocetur, seu ne Iudices à Sede Apostolica deputati extra Ciuitatem, & Diocœsim in quibus deputati fuerint contra quoscumque procedere, aut alij, vel alijs vices suas committere præsumant, & de duabus dietis in Concilio generali, necnon quæ incipit Super Cathedram Bonifacii præfati, & dudum Viennen. Concilij, ac recolenda memoria Calixti Papæ III. etiam prædecessoris nostri litteris, alijsque Apostolicis ac etiam in Prouincialibus, & Synodalibus Concilijs editis specialibus, & generalibus, &c.

14 Circa quæ id primò notandum quod quamuis prædicta facultas solum Protectori Carmelitarum concedatur, nec similis reperiatur in alijs litteris, seu Bullis Mare magnū appellaris aliorum Mendicantium, nihilominus etiam Protectores aliorum Ordinum Mendicantium, propter communicationem priuilegiorum, dicta facultate uti possunt. Secundò in prædicta concessione Protectores constitui Conservatores Ordinis pro omnibus causis quæ Ordini contingere possunt, ut patet illis verbis, in quibuscumque causis per eos mouendis quacumque ratione, vel causa quæ excogitari possit, eis ministrant iustitiæ complementum. Et ideo quæ cap. 10. dicuntur de facultatibus Conservatorum Religionum etiam suo modo applicari debent ad Protectorem. Imò etiam probabile mihi est, quod quamuis auctoritas, & facultas aliorum Iudicum Conservatorum restricta valde, & limitata sit his temporibus propter decretum S. Congregationis Concilij sub Greg. XII. & Const. Clem. VIII. & Greg. XV. de quibus cap. 10. auctoritati tamen Protectori concessæ in ijs litteris nullatenus per illa derogetur, ac proinde in sua vi manere. Ratio est, quia per præfatum decretum Sacræ Congregationis, & Constitutiones Clem. VIII. & Greg. XV. solum

solum limitatur facultas, & auctoritas concessa Iudicibus Conseruatoribus modo communi, & ordinario à Religiosis designatis, aut deputatis in vim litterarum Conseruatoriarum, seu priuilegiarum ipsorum, non illa quæ à Papa immediatè sine ulla designatione, deputatione, aut instantia Religionis, Protectori conceditur, qualis est ista in presenti. Præsertim quia cum Cardinalis Protector persona sit specialissima nota digna, cum agitur de limitanda ipsius auctoritate, specialis de ipso mentio fieri deberet, quæ non fit in prædictis decreto, & Constitutionibus. Imò in Constitutione Gregorij xv. pœna suspensionis ponitur Conseruatoribus limites suæ auctoritatis excedentibus, quam tamen non incurrere Cardinales nisi de ipsis specialis mentio fiat tradunt Cardinalis Alban. *de Cardinalatu* q. 42. ex Ioan. Andr. Azor. *to. 2. instit. moral. lib. 4. cap. 3. q. 20.*

15 Possunt etiam prædicti DD. Protectores admittere appellationes Fratrum, qui à suis Superioribus grauati ad illos recurrunt, iuxta dicta *to. 1. c. 9. n. 4.* Ratio est, quia à Sede Apostolica concessa est Religiosis huiusmodi appellatio, ac per consequens ipsis DD. Protectoribus conceditur eam admittere. Primò enim Greg. xiii. in Bulla *Quoniam nostro* apud Confectum in *Colleetan. litter. Apostolic. & priuileg. in Gregor. XIII. num. 1.* & apud Cherub. in 2. tom. Bullar. Greg. xiii. num. 27. expressè concedit Fratribus Minoribus de Obseruantia, quod si à *Prelatis suis grauari prætendent ad Generalem Ministrum ipsius Ordinis, seu illius Protectorem, aut viceprotectorem in Romana Curia, vel ad Nos, siue Romanum Pontificem successorem nostrum supremum in Ecclesia Dei Iudicem, sicut antiquitus semper consuetum fuit, recursum habeant*, Insuper Sixtus v. in Bulla, seu Constit. *Ad Roman. spectat* in 2. tom. Bullar. sub num. 71. id supponit dum de Regularib. Romam venientibus sub prætextu grauaminum dicit; *In alma verò Vrbe nostra. Religiosi aduenæ & peregrini de grauaminibus sibi illatis conquerentes nullibi sine huiusmodi litteris, aut licentia recipiendi erunt nisi prius ad Congregationem dictorum Cardinalium super negotijs Regularium à nobis deputatorum, vel ad suos Protectores remittantur, ubi ipsis auditis pro rerum, & personarum qualitate quid agendum sit statuetur.* Clariùs à Sacra Congregatio, Episcoporum, & Regularium declaratum id est, prout ex Confectio in *Summar. priuileg. Maris magni tit. 6. de foro competenti* his verbis habetur, *Quoniam nonnulli Regulares vagandi studio, siue dum imminet admisorum criminum pœnam ex suis Constitutionibus, aut alias debitam sibi metuunt, falsa, & commentitia grauamina causari non ad immediatè sui Ordinis*

Ordinis Superiores, se à grauatione Prioris ad Prouincialem, & Prouinciali ad Generalem, à Generali ad Protectorem prout cuiusque Religionis Constitutionibus disponitur, sed ad hanc Romanam Curiam absque licentia sapius fugiunt, potius quam recurrant, ex quo Ordinum disciplina relaxatur, Prælati contemuntur, & ipsi in dies audaciores euadunt, placuit Sacre Regularium Congregationi ex ord. Sanctitatis suæ statuere, ut si quis Regularium in posterum temerè, leuius ex causa hanc almam Urbem, seu Curiam absque sui Superioris licentia, & supradicta forma prætermissa adire præsumpserit, ad suos eosdem Superiores seu iurisdictionem pœna plectendus remittatur. Maximè pro Carmelitis id declarauit Clem. VIII. in Bulla 110. in 3. tom. Bullar. illis verbis. Si se à Prælati grauari prætendant ad Priorem Generalem ipsius Ordinis, seu illius Protectorem, aut Viceprotectorem in Romana Curia, vel ad Nos siue Romanum Pontificem pro tempore existentem supremum in Ecclesia Dei Iudicem sicut antiquitus semper facere consueuerunt, recursum habeant. Et idem Pontifex in Bulla Quoniam noster anno 1604. edita, & pro Seruitis in alia Bulla eiusdem initij anno 1593. eisdem verbis. Sorbus in Compend. priuileg. Mendic. verb. appellare. Thomas de Iesu de visitat. Regular. tract. 3. c. 17. Peirinis to. 1. de subdito q. 1. de obedientia cap. 20. Vbi etiam alia ad intentum.

16 Circa quæ illud aduertendum appellationem hanc ad D. Cardinalem Protectorem faciendam esse gradatim, idest, à Priore, Guardiano, seu immediato Prælato ad Prouincialem, à Prouinciali ad Generalem, & à Generali ad Protectorem, tum quia id est iuri conforme, tum quia ita colligitur ex declaratione S. Congregationis ex. Confessio adducta num. precedenti, quod etiam refert Sorbus in Compend. priuileg. Mendicant. verbo appellare, & Barbosa in Collectan. Bullar. verb. Religiosus prope finem. Qualiter autem, aut quomodo permissa sit Regularibus huiusmodi appellatio dicto tom. 1. cap. 9. à num. 4. manet dictum.

17 Dubiæ autem quæstionis est an ex Protectore appellari possit ad S. Congregationem Regularium, cum enim Protector Iudex sit à Papa constitutus in causis Regularium suæ protectionis, videtur quod ex ipso non admittatur appellatio nisi ad Papam. Verumtamen probabilius apparet contrarium, scilicet à Domino Protectore appellari posse ad S. Congregationem Regularium. Ratio est, non solum quia ita dicitur declaratum à S. Congregatione prout refert Sorbus in Compend. priuileg. Mendic. verb. appellare. sed etiã quia Tribunal S. Congregationis institu-

institutum est à Sixto v. ad prædictorum Regularium causas nomine Papæ definiendas, & terminandas. Quare quemadmodum ex Protectore ad Papam appellari potest, sic ad eandem S. Congregationem, quæ eundem Papam repræsentat. Pauet Thomas de Iesu de *visitat. Regular. tract. 3. cap. 17. num. 3. & 7.* & pro eo affert declarationem S. Congreg. Regul. Barbosa in *Collect. Bullar. verb. Religiosus*.

18 Possunt præterea præfati DD. Protectores concedere, licentiam veniendi Romam Fratribus suæ protectionis. Ita enim concessit Clem. vii in decretis pro reformatione Regularium in 3. tom. Bullar. num. 60. quæ etiam edita sunt iussu Pauli v. anno 1607. & confirmata à S. Congregatione Concilij sub SS. D. N. Urbano in decretis de Apostatis, & eiectis, ibi *Nullo Fratres Romam venire Superiores permittant, nisi prius à Generali, vel Protectore dumtaxat licentiam in scriptis impetruerint. Si quis autem sine huiusmodi facultate Romam venire presumpserit, voce actiua, & passiva biennio priuatus existat, subiturum etiam alias arbitratu Superiorum infligendas pœnas, quæ item omnia aduersus eos qui supradictos admisserint, & receperint sine ulla exceptione locum habeant.* Vbi etiam adiungitur postea, *Decretum illud quo Fratres Romam petere cum Generalis, & Protectoris licentia dumtaxat permixtum est, Sanctitas sua extendi ad Prouincialem decreuit, itaut Prouincialis ipse ex causa communi totius Prouinciæ dumtaxat facultatem huiusmodi facere valeat, declarauitque pœnam priuationis vocis actiua, & passiva contra facientibus infligendam, Sanctitati suæ reservatam esse, interdicta omnino eorum Superioribus singulis, etiam Generali, ac Protectori facultate illam moderandi, ac relaxandi.* Decet autem DD. Protectores non vti hac facultate, nisi in casu raro, & Fratres ab ipsis facultatem Romam veniendi postulantibus ad Generales remittere, qui ob noticiam quam de Fratribus suis habent melius discernere poterunt an conueniens sit talem facultatem ipsis elargiri.

19 Item possunt DD. Protectores Carmelitarum, & aliorum Mendicantium procedere contra asserentes quòd confessi Mendicantibus, iterum eadem peccata Rectori Parochialis Ecclesiæ teneantur confiteri, veluti contra de hæresi suspectos, & contra prædictos Ecclesiarum Rectores, & Ordinarios, qui propter processus, lites, & controuersias inter ipsos, & Fratres Mendicantes exortos, inhibitionem fecerint eleemosynarum illis faciendam, sicut contra hæreticos. Ita enim habetur ex Sixto v. in Bulla *Dum attenda*, quæ est Mare magnum Carmelita-

melitarum, & extat in 1. tom. Bullarij Rodriguez inter Bullas Sixti IV. num. 37. Hæc tamen intelligenda veniunt ex vi prædicti Privilegij Sixti IV. Si enim in commissione Inquisitorum similes causæ illis sint applicatæ cum reuocatione privilegiorum Mendicantium ad Inquisitores prædictos pertinebit de ijs iudicare.

20 Auctoritas quam habent Domini Protectores videtur delegabilis in casibus necessitatis, quibus ipsi personaliter assistere non possunt. Colligitur ex litteris protectionis sub Paulo V. & SS. Domino Nostro Urbano VIII. illis verbis: *Quando autem ab ipsis Superioribus requisitus fueris, ut in eisdem negotijs auctoritatem tuam interponas, vel necesse fore cognoveris, ut eandem auctoritatem in eisdem negotijs exerccas, tunc id libere facere possis, sed quoad poteris per te ipsum hoc facere cures.* Expendo enim quoad poteris per te ipsum, quo sanè denotatur per alium, vel alios id facere posse. Et ratio est, quia, vel prædicta auctoritas est ordinaria, vel delegata, si ordinaria, delegabilis est, quia omnis iurisdictio ordinaria est delegabilis, si autem sit solum delegata, quia illam habent solum per nominationem, vel delegationem à Papa factam, cum sit non ad causam determinatam, sed ad vniuersitatem causarum, scilicet, toties, quoties fuerint à Superioribus requisiti, vel id cognouerint ipsi esse necessarium, absdubie delegabilis etiam erit, quia delegati ad vniuersitatem causarum subdelegare possunt, ut tradunt Glossa in cap. cum causam de appellat. Siluester verbo delegatus num. 12. In quo id solum aduertendum quod si huiusmodi causæ concernerent visitationem, vel reformationem alicuius Prouinciæ, vel Monasterij tunc non possunt DD. Protectores suas vices delegare alijs quam eiusdem Ordinis Religiosis. Primò quia visitator, seu reformatior aliquorum Religiosorum debet esse instructus in Regula ipsorum, ut colligitur ex cap. Officij de elect. Concil. Trident. sess. 25. cap. 21. de reformat. & Clem. 1. de elect. Secundò, quia sic araretur in boue, & asino contra id quod habetur Deuter. 22. & expendit Glossa in dicto cap. Officij de elect. verbo incontinenti. Tertiò, ex privilegio Innocent. VIII. pro Cisterciensibus. Rodriguez tom. 3. quæst. Regular. quæst. 77. art. 9. Peirinis tom. 1. de subdito Religioso q. 1. de obedientia cap. 18. §. 2. vbi plura ad intentum.

21 Quamuis autem in beneficiorum compensationem quæ à DD. Protectoribus Regulares suscipiunt, defensionis scilicet, conseruationis, protectionis, & tutelæ, sacrificia, orationes, & opera satisfactoria pro ipsis offerre Deo debeant, gratitudinis, &

obseruantia debita causa, vt iure propterea in Ordine nostro quotidie in Oratione quadam quæ post Completorium dicitur pro ipsis totus Ordo Dominum deprecetur. Verumtamē Clem. VIII. in Constitutione de largitione munerum strictè, & sub grauissimis pœnis prohibet Regularibus aliqua ipsis donare, aut pro ipsis excipiendis aliquas pecunias erogare, & illis etiam talia recipere, præcipiens quoque vt quæ receperint, siue ab aliquo Religioso particulari, siue à Prelato, siue à Conuentu, aut toto Ordine sua non faciant, sed ad restitutionem illorum in vtroque foro teneantur, adeo vt restitutione ipsa realiter non facta, neque etiam in foro conscientia absolui possint. Quæ quidem etsi cum grano salis, & epicheia accipienda sint, maxime quia prædicta Constitutio non multum vni recepta est, laudabilis tamen est modestia plurimum prædictorum DD. Protectorum, qui eam quasi ad vnguem obseruant, & à proprijs familiaribus obseruari faciunt, vt sic enim Religiosis proprietatis & ambitionis occasio omnino præcluditur.



SUMMARIVM CAP. X.

- Conseruator quis sit, aut dicatur. num. 1.
 Est Iudex delegatus à Papa datus ad defendendum aliquos contra manifestas iniurias iudiciali non utens indagine. ibid.
 Aliquando dantur specialiter contra raptores, & prædones. num. 2.
 In presenti autem ad defensionem Regularium. ibid.
 Habent plurimi Regulares facultatem nominandi, seu designandi illos. num. 3.
 Priuilegium Sixti IV. pro Carmelitis. ibid.
 Priuilegium Pij V. pro Prædicatoribus. num. 4.
 An sit reuocatum. ibid.
 Priuilegium Iulij II. & Clem. VII. pro Minimis. num. 5.
 Priuilegium Greg. XIII. pro Iesuitis. ibid.
 Conseruatores Religionum non sunt ablati per Concil. Trident. num. 6.
 Quis sit Iudex ex Trident. sess. 7. cap. 14. nu. 7.
 Quid de ipsis Conseruatoribus sentiendum. num. 8.
 Possunt ex priuilegijs eligi ad id munus quacumque persone in dignitate Ecclesiastica constitutæ. nu. 9.
 Qui sunt illi, qui habent talem dignitatem. num. 10.
 Episcopi, & eorum Superiores eligi possent ex vi dictorum priuilegiorum. num. 11.
 Etiam DD. Cardinales. num. 12.
 Maxime Protectores Ordinis Carmelitar. ibid.
 Vicarij Generales Episcoporum quoque. nu. 13.
 Item Prælati, seu Superiores etiam immediati Regularium. num. 14.
 Quid tamen de Guardianis Ordinis Minorum. ibid.
 Quid declaratum à Sacra Congregatione pro Superioribus Regularium. ibid.
 De alijs, qui nomine dignitatis comprehenduntur. nu. 15.
 An Canonici etiam. num. 16.
 An personatus habentes. num. 17.
 Tenentur Conseruatores electi acceptare tale munus. num. 18.
 Designato uno Conseruatore pro una causa non potest alius pro ea nominari. num. 19.
 Quando expiret Conseruatoris officium. nu. 20.
 Nemo potest iure communi esse Conseruator sui Conseruatoris. num. 21.
 Nec habere pro Conseruatore eum qui est sub eius iurisdictione, Regibus,

Regibus, & Reginis exceptis . num. 21.

Conseruatores solum possunt iare xompmuni contra manifestas iniurias, & violentias procedere . num. 22.

Quae dicatur manifesta iniuria, aut violentia. ibid.

Per priuilegia tamen amplior facultas conceditur Conseruatoribus . ibid.

An sit hoc tempore id derogatum. ibid.

An extendatur hoc etiam ad iniurias non solum illatas; sed etiam quae probabiliter inferenda timeantur . nu. 23.

An ad ea, quae iudicalem requirunt indaginem . num. 24.

An sint ex priuilegijs Iudices Ordinarij . num. 25.

An possint Subdelegatos creare . num. 26.

Quo loco possint exercere suam iurisdictionem . num. 27.

An possint procedere contra Clericos, & laicos . num. 28.

De quibus causis cognoscere possint . num. 29.

An quando sunt rei, vel etiam actores . num. 30.

An possint cogere Apostatas, & subtrahentes se à iugo Ordinis . num. 31.

Procedantne criminaliter, ciuilitè, vel mixtè . num. 32.

Possuntne uti censuris . num. 33.

Conseruatorum auctoritas an impediri possit ab Ordinarijs, Legatis à latere . num. 34.

Coarctata est à Sacra Congregatione Concilij iussu Gregorij XIII. facultas Regularium ad eligendum Conseruatores . num. 35.

A Clem. VIII. etiam in Constitutione Sanctissimus . num. 36.

Maximè à Greg. XV. in Const. etiam Sanctissimus . nu. 37. 38. 39. 40. 41. 42. 43. 44. 45. & 46.

Quomodo declarata est praedicta moderatio à S. Congregatione . num. 47.

Quid Leo X. in Conc. Lateranensi statuerit . nu. 48.

Quid tenendum est his temporibus . num. 49.

Eligendi in Conseruatores debent esse in dignitate Ecclesiastica constituti . num. 50.

Quid si illam primo habuerunt . ibid.

Vel personatus obtinentes . num. 51.

Canonici Ecclesiarum Cathedralium . num. 52.

Praecipue tamen ad hoc quod eligantur debent esse prius electi in Iudices Synodales in Concilijs Prouincialibus, aut Dioecesanis . num. 53. & 54.

Quas qualitates habere debent hi Iudices . num. 54.

Quamplures Iudices Synodales designandi . num. 55.

Quid si aliquis ex illis moriatur . num. 56.

Quous-

Quousque duret Iudicis Synodalis officium. *ibid.*

Quid si absentetur. *ibid.*

An Conseruatores possint suam auctoritatem delegare. num. 57.

Possint facere citationes, & denuntiationes per alios. *ibid.*

Quid tenebantur Regulares facere post editam Const. Greg. XV. n. 58.

An eo tempore elapso possint etiam Conseruatores eligere. *ibid.*

Non possunt semel legitime electi durante quinquennio amoueri. num. 59.

Nisi ex causa approbanda à Sede Apostolica, vel Ordinarijs. *ibid.*

Quomodo auctoritas Conseruatorum hoc tempore sit coarctata. n. 60.

Non possunt hoc tempore procedere cum Regulares sunt actores in causis civilibus. num. 61.

Nec possunt procedere nisi in manifestis iniurijs, seu violentijs. num. 62.

Quare debet apparere primum iniuriam, seu violentiam esse manifestam. *ibid.*

Quid si de hoc dubitent. *ibid.*

Nec possunt procedere iudiciali indagine. num. 64.

Intra quem terminum, seu spatium loci. num. 64.

An procedere possint ad defensionem seruitorum, seu familiarium. num. 65.

Quid de Procuratoribus, & Syndicis Minorum. num. 66.

Quid de defensione bonorum. nu. 67.

Pro defensione priuilegiatorum. num. 68.

Controuersia inter Conseruatores, & Ordinarios quomodo decidenda. num. 69.

Conseruatores excedentes limites sue iurisdictionis qualiter puniantur. nu. 70.

Pars quæ id procurauerit excommunicationem incurrit. num. 71.

Impedientes, vel molestantes Conseruatores quam pœnam incurrant. num. 72.

Non est prohibitum Regularibus petere Iudicem à Principibus secularibus. num. 73.

Concurrentibus quibusdam conditionibus. *ibid.*

Potest Conseruator recusari ut suspectus. num. 74.

Appellari potest ab eius sententia. num. 75.

Quomodo munera ab eis non accipienda, & expensæ vitandæ. nu. 76.

Quid de Assessore, Notarijs, & illis personis, quæ vocantur à Conseruatoribus ad testimonium perhibendum. num. 77.

De Conseruatorum priuilegijs. num. 78.

Quid declaratum à S. Congregatione circa electionem Conseruatorum. nu. 79.

De

Regibus, & Reginis exceptis . num. 21.

Conseruatores solum possunt iare communi contra manifestas iniurias, & violentias procedere . num. 22.

Qua dicatur manifesta iniuria, aut violentia . ibid.

Per priuilegia tamen amplior facultas conceditur Conseruatoribus . ibid.

An sit hoc tempore id derogatum . ibid.

An extendatur hoc etiam ad iniurias non solum illatas; sed etiam quae probabiliter inferenda timentur . nu. 23.

An ad ea, quae iudicalem requirunt indaginem . num. 24.

An sint ex priuilegijs Iudices Ordinarij . num. 25.

An possint Subdelegatos creare . num. 26.

Quo loco possint exercere suam iurisdictionem . num. 27.

An possint procedere contra Clericos, & laicos . num. 28.

De quibus causis cognoscere possint . num. 29.

An quando sunt rei, vel etiam actores . num. 30.

An possint cogere Apostatas, & subtrahentes se à iugo Ordinis . num. 31.

Procedantne criminaliter, ciuilitur, vel mixtè . num. 32.

Possuntne uti censuris . num. 33.

Conseruatorum auctoritas an impediri possit ab Ordinarijs, Legatis à latere . num. 34.

(Coarctata est à Sacra Congregatione Concilij iussu Gregorij XIII. facultas Regularium ad eligendum Conseruatores . num. 35.

A Clem. VIII. etiam in Constitutione Sanctissimus . num. 36.

(Maxime à Greg. XV. in Const. etiam Sanctissimus . nu. 37. 38. 39. 40. 41. 42. 43. 44. 45. & 46.

Quomodo declarata est praedicta moderatio à S. Congregatione . num. 47.

Quid Leo X. in Conc. Lateranensi statuerit . nu. 48.

Quid tenendum est his temporibus . num. 49.

Eligendi in Conseruatores debent esse in dignitate Ecclesiastica constituti . num. 50.

Quid si illam primo habuerunt . ibid.

Vel personatus obtinentes . num. 51.

Canonici Ecclesiarum Cathedralium . num. 52.

(Praecipue tamen ad hoc quod eligantur debent esse prius electi in

(Iudices Synodales in Concilijs Prouincialibus, aut Diocesanis . num. 53. & 54.

Quas qualitates habere debent hi Iudices . num. 54.

Quamplures Iudices Synodales designandi . num. 55.

Quid si aliquis ex illis moriatur . num. 56.

Quous-

Quousque duret Iudicis Synodalis officium. *ibid.*

Quid si absentetur. *ibid.*

An Conseruatores possint suam auctoritatem delegare. num. 57.

Possint facere citationes, & denuntiationes per alios. *ibid.*

Quid tenebantur Regulares facere post editam Const. Greg. XV. n. 58.

An eo tempore elapso possint etiam Conseruatores eligere. *ibid.*

Non possunt semel legitime electi durante quinquennio amoueri. num. 59.

Nisi ex causa approbanda à Sede Apostolica, vel Ordinarijs. *ibid.*

Quomodo auctoritas Conseruatorum hoc tempore sit coarctata. n. 60.

Non possunt hoc tempore procedere cum Regulares sunt actores in causis civilibus. num. 61.

Nec possunt procedere nisi in manifestis iniurijs, seu violentijs. num. 62.

Quare debet apparere primum iniuriam, seu violentiam esse manifestam. *ibid.*

Quid si de hoc dubitent. *ibid.*

Nec possunt procedere iudiciali indagine. num. 64.

Intra quem terminum, seu spatium loci. num. 64.

An procedere possint ad defensionem seruitorum, seu familiarium. num. 65.

Quid de Procuratoribus, & Syndicis Minorum. num. 66.

Quid de defensione bonorum. nu. 67.

Pro defensione priuilegiolorum. num. 68.

Controuersie inter Conseruatores, & Ordinarios quomodo decidende. num. 69.

Conseruatores excedentes limites sue iurisdictionis qualiter puniantur. nu. 70.

Pars quae id procurauerit excommunicationem incurrit. num. 71.

Impedientes, vel molestantes Conseruatores quam poenam incurrant. num. 72.

Non est prohibitum Regularibus petere Iudicem à Principibus secularibus. num. 73.

Concurrentibus quibusdam conditionibus. *ibid.*

Potest Conseruator recusari ut suspectus. num. 74.

Appellari potest ab eius sententia. num. 75.

Quomodo munera ab eis non accipienda, & expensae vitandae. nu. 76.

Quid de Affectuoribus, Notarijs, & illis personis, quae vocantur à Conseruatoribus ad testimonium perhibendum. num. 77.

De Conseruatorum priuilegijs. num. 78.

Quid declaratum à S. Congregatione circa electionem Conseruatorum. nu. 79.

De

De Conseruatoribus Religionum, seu
Regularium personarum.

Cap. X.



CONSERuator secundum Ius commune est Iudex delegatus à Papa ad defendendos aliquos contra manifestas iniurias, iudiciali non vtens indagine. Ita habetur in *cap. statuimus de offic. Iudic. deleg. in 6. Azor. tom. 2. lib. 5. cap. 35. q. 1. Sorbus in Compend. priuileg. Mendicant. verb. Conseruator vers. sunt autem.*

Dicitur Iudex delegatus, quia Conseruator non est Ordinarius, cum iurisdictio illi concessa non competat ratione officij, sed delegationis. Molina *de iust. tom. 6. disp. 29. num. 1. Barbosa de offic. & potest. Episcopi alleg. 76. num. 2.* Cum quibus aduerte id esse intelligendum nisi in Bulla conseruatoria expressè concedatur, vt Conseruator sit Iudex Ordinarius. Dicitur à Papa datus, quia solum Papæ est hos Iudices Conseruatores designare. Rodriguez *tom. 1. quest. Regular. q. 65. art. 2. Peirinis tom. 2. priuileg. Minim. in Constit. 5. Gregorij XV. §. 1. num. 3.* Dicitur ad defendendos aliquos contra manifestas iniurias, quia hic est finis per se intentus à iure communi in institutione Conseruatorum, & propterea Defensores etiam vocantur. Sorbus *ut supra.* Dicitur verò *iudiciali non vtens indagine* ad denotandum modum quo debet procedere talis Iudex Conseruator in iure communi stando, de quo dicitur in sequentibus. Peirinis *ut supra §. 6. num. 40.*

2 Quamuis autem secundum Ius commune Conseruator solum sit Iudex, vt dictum est, ad defendendos aliquos contra manifestas iniurias, nihilominus aliquando datur specialiter, vt defendat aliquos contra raptores, & prædones, aliquando etiam specialiter contra eos qui aliquorum privilegia infringunt. Innocentius *cap. statuimus de offic. delegat. in 6. Erasmus Chokier in tract. de Iurisdict. Ordin. in exempt. p. 1. q. 39. num. 1.* Aliquando autem, vt in præsentì materia, item specialiter ad tuendos Regulares ab iniurijs illis illatis, eorum iura, bona, & privilegia defendendo. Sorbus *ut supra §. tamen Conseruator.* Peirinis *ut supra §. 1. num. 2.* Conseruatores ergo prout in præsentì illi dicentur qui dati sunt Regularibus, vt eorum iura,

iura , bona , & priuilegia ab iniurijs defendant .

3. Habent enim plurimi Regulares à Summis Pontificibus facultatem nominandi , & designandi Conseruatores , qui ipsorum priuilegia publicent , ac eisdem efficacis defensionis præsidio assistentes faciant eos pacifica possessione priuilegiorum gaudere , non permittentes per quoscumque indebitè molestari . Sic enim concessit Sixtus IV. quatuor Ordinibus Mendicantium . Casarubius in *Compend. priuileg. Mendicant. verbo Conseruatores Ordin. num. 1.* Rodriguez tom. I. *quæst. Regul. q. 65. art. 3.* Verba autem nostri Maris magni , seu eiusdem Sixti IV. Bullæ quibus etiam quid alijs Mendicantibus concessum sit habetur , post relata priuilegia , & indulta Ordini concessa sunt huiusmodi . Et nihilominus dicti Ordinis Protectori qui pro tempore erit , & cuilibet in dignitate Ecclesiastica constituto , & Metropolitana , vel alterius Cathedralis Ecclesiæ Canonico per vniuersum Orbem qui desuper prædicti Ordinis gloriosissima Dei Genitricis semperque Virginis Maria de Monte Carmeli Priores , & Fratres , ac illorum , seu ad commodum eorum Romana Ecclesiæ Syndicos desuper requisitus fuerit , per Apostolica scripta insolidum mandamus quatenus per se , vel alium . seu alios præmissa ubi , & quando opus fuerit solemniter publicantes , ac eisdem Fratrum Gloriosissima Dei Genitricis semperque Virginis Maria de Monte Carmeli Ordini , illiusque domibus , & professoribus in præmissis efficacis defensionis præsidio assistentes faciant eos pacifica possessione , vel quasi priuilegiorum , & concessionum huiusmodi gaudere , non permittentes eos , seu testamentarum executores , & heredes prædictos contra illorum tenorem per Ordinarios , & Rectores prædictos , aut quoscumque alios indebitè molestari , aut eis grauamina , iniurias , atque damna inferri , seu quomodolibet irrogari , ac etiam summarie , & de plano sine preceptu , & figura iudicii sola facti veritate inspecta , contra quoscumque cuiuscumque qualitatis , vel conditionis existant , & quacumque Ecclesiastica etiam Patriarchali , Archiepiscopali , aut Episcopali , aut mundana forent dignitate , & exemptione muniti . in quibuscumque causis per eos mouendis quacumque ratione , vel causa quæ excogitari possent minisirent iustitie complementum . Exequentes quod per eos fuerit ordinatum , & illos quos censuras , & penas prædictas incurrisse constiterit , illis irretitos esse declarent , ac faciant , & mandent interdidos suspensos , & excommunicatos publice nunciari , & ab omnibus archibus cutari , ac legitimis super his habendis seruatis processibus illos quoties opus fuerit iteratis vicibus aggravare procurarent . Contradictores auctoritate Apostolica appellatione posposita compescenda , inuocato ad hoc si opus fuerit auxilio brachij secular-

secularis. Non obstantibus prefati Bonifacj VIII. &c.

4 Specialiter etiam Patres Dominicani à Pio v. in Bulla *Ad hoc nos Deus*, quæ est inter Bullas huius Pontificis *sub nu. 41.* priuilegium habent, quo Patriarchis, Archiepiscopis, Episcopis, Abbatibus, & alijs personis in dignitate Ecclesiastica constitutis, necnon Metropolitanarum, & aliarum Ecclesiarum Cathedralium Canonicis, & eorundem Patriarcharum, Archiepiscoporum, & Episcoporum Officialibus, seu Vicarijs hæc scribit. *Et ut Fratres, & Moniales à præmissis molestijs, & perturbationibus subleuati, quietius altissimo famulari, & uberiores fructus quotidianæ in agro Domini, pro Christianæ Religionis defensione, & ampliatione perferre possint, tam vos omnes, & singulos supradictos quam quascumque alias personas in dignitate Ecclesiastica vbilibet, & in quibusvis mundi partibus constitutas, & quoscumque locorum Ordinarios, ac eorum Vicarios, & Officiales, necnon Canonicos Metropolitanarum, & aliarum Cathedralium Ecclesiarum per eosdem Fratres, seu Moniales, ac dicti Ordinis Fratrum Prædicatorum Superiores, & domorum Priores, ac eorum singulos pro tempore eligendos, in eorum, & dictorum eorundem priuilegiorum, indulgentiarum concessionum, & gratiarum, & singulorum aliorum præmissorum Conseruatores, & Iudices vnicos, qui quamdiu dictum officium exercueritis, & ipsi exercuerint à nemine quo minus illud exerceatis, & exerceant sub aliquo prætextu, ac sub excommunicationis, siue suspensionis à diuinis latæ sententiæ quam eo ipso incurrere volumus, & declaramus respectiue pœna impediri, vel molestari possitis, & possint dicta auctoritate deputamus. Ita quod vos, seu alij quicumq. sic electi sub excommunicationis seu suspensionis latæ sententiæ pœna huiusmodi, quam statim quod munus, siue officium Conseruatoris huiusmodi acceptare, & debite, ac plenarie exequi neglexeritis, & neglexerint absque alterius declarationis ministerio incurrere volumus, nec ab aliquo quam à Nobis, & pro tẽpore existẽte Romano Pontifice (scilicet raterquam in mortis articulo) absolui posse, eosdem Priores, Superiores, & Fratres, ac Moniales, etiam ertj habitus oblatos, & alios prefatos, ac eorum singulos, aduersus inferentes eis, aut eorum Procuratoribus, Agentibus, Seruatoribus, & familiaribus in præmissis, & eorundem aliquo, molestias, siue perturbationes aliquas, seu iniurias, grauamina, vel damna in personis, rebus, & bonis, seu exigendo ab eis vectigalia, datia, pedagia, gabelas, colicetas, aut alia onera defendere, perseuerare, legendum videetur præseruare, ac omnem eorum iurisdictionem exercere. Necnon sententias, censuras, & pœnas Ecclesiasticas contra rebelles, & inobedientes cum effectu promulgare, ac omnibus facultationibus Conseruatoribus dicti Ordinis*

Ordinis Fratrum Predicatorum, illiusque Fratribus, & personis per quas cumque litteras Apostolicas, quomodolibet concessas, uti, ac privilegia Superioribus, Prioribus, & Fratribus, ac Monialibus prefatis pro tempore concessa eis observari facere debeatis, & debeant. Circa quam Constitutionem nota, quod licet videatur reuocata à Gregorio xii. in Bulla *Intanta*, quæ est 9. inter Constitutiones Gregorij, ut expressè asserit Lauretus de Franchis in *Controuersijs* Episcop. & Regular. *sup. dictam Bullam Gregorij pag. mibi 14.* cum ibi reuocet Pontifex quas cumque Constitutiones à Pio v. editas in fauorem quorum cumque Regularium etiam Mendicantium, nihilominus quia forsitan hæc reuocatio à Gregorio facta solùm est accipienda quoad ea, quæ contra Concilium Tridentinum concesserat Pius, iuxta dicta cap. i. num. 16. vel saltem non alio modo est recepta, idcirco hanc concessionem Pij v. quoad Iudices Conseruatores non omittendam duxi.

5 Item Iulius ii. Minimis concessit in Bulla *Alias venerabilem*, anno 1507. edita, quæ est apud Peirinis *tom. i. privileg. Minim. inter Constit. Iulij ii. num. 4.* Quod Fratres dicti Ordinis Conseruatores Minimorum etiam Canonicos Cathedralium Ecclesiarum, & Officiales, ac Vicarios ipsorum sibi eligere, & quod tales in Conseruatores taliter per eos electi, ex nunc per nos deputati censeantur, possintque contradictores quoscumque excommunicare, & censuras iteratis vicibus, aggravare, ac loca quacumque Ecclesiastico subijcere interdicto, ac omnia alia quæ possunt Conseruatores, ab alijs Fratribus aliorum Ordinum Mendicantium, iuxta privilegia eis super hoc concessa, electi. Et Clemens vii. in Bulla *Conquestionem* anno 1524. edita, apud eundem Peirinis *tom. i. privileg. Minim. inter Constitutiones Clementis vii. num. 1.* magnam etiam concessionem eisdem Minimis fecit. De alijs etiam Privilegijs circa hoc Religionibus concessis, Barbosa *de offe. & potestat. Episcopi allegat. 106. nu. 52.* Ac tandem Gregorius xii. in Bulla *Aequum reputantes*, quæ est inter Bullas huius Pontificis in 2. tom. Bullar. *num. 1.* amplam valde circa hoc Societati Iesu concessionem fecit, de qua minutatim plura in sequentibus dicetur, aduertendo Religiones habentes communicationem privilegiorum omnium aliorum Ordinum trui privilegijs Societatis quamvis tempore posterior ipsis sit, iuxta dicta *tom. i. cap. 3. n. 17.* Imò specialiter Religiones non habentes Conseruatores possunt illos eligere, si habeant communicationem privilegiorum cum alijs Conseruatores habentibus declaratum dicitur à S. Congregatione. Barbosa in *Collect. Bullar. verb. Conseruator.*

6 Nec Conseruatores Religionum, aut ipsorum priuilegia per Conc. Trid. ablata sunt. Constat enim Concilium *sess. 7. c. 14.* supponere quòd Regulares extra Monasteriũ degentes, etiam si in partibus iudicẽ habeant, conueniri debeant in ciuilibus causis mercedum, & miserabilium personarum coram Ordinarijs: in alijs tamen locis coram Iudice (Conseruatorem intellige secundum quosdam) si illum habuerint. Clarius *sess. 14. cap. 5.* vbi cum magnam limitationem adhibuisset circa Conseruatores, & eorum facultatem, postea declarat se non loqui de locis, aut personis Regularibus. Similiter cum *sess. 14. cap. 20.* voluisset causas omnes ad forum Ecclesiasticum quomodolibet pertinentes in prima instantia coram Ordinarijs locorum cognoscendas nihilominus Sacra Congregatio Concilij declarauit non propterea sublatos esse Conseruatores. Peirinis *tom. 2. priuileg. Minim. in Constit. 5. Gregorij XV. §. 1. num. 4.* Barbosa *de offic. & potest. Episcop. allegat. 106. num. 42. & 43.* & alij apud ipsos.

7 Dixi autem per Iudicem de quo sermo est in Concil. Trid. *sess. 7. cap. 14.* intelligi (secundum quosdam) Conseruatorem quia re vera conformius textui est ibi non loqui Concilium de Iudice Conseruatore, sed de alio Iudice Apostolico designato pro Religiosis extra claustra degentibus, ac proinde ex mente Concilij Regulares extra claustra degentes conueniri debere coram Ordinarijs in causis ibi designatis. Rodriguez *tom. 1. quest. Regul. q. 65. art. 13 §. secundo est notandum.* Barbosa *de offic. & potest. Episcopi allegat. 106. num. 43.* Vide dicta *tom. 1. cap. 11. num. 10.*

8 Ex harum igitur Religionum priuilegijs inferri potest doctrina circa materiam horum Conseruatorum, earumdem, & aliarum, quæ cum ipsis communicationem priuilegiorum habent. In qua primum dicitur de eo quod tum iure communi, tum ex priuilegijs Regularium Conseruatoribus ipsis competit. Postea verò de eo in quo moderatio facta est maximè post Greg. xv. Constitutionem *Sanctissimus* de qua infra.

9 Primò igitur circa qualitatem horum in Iudices Conseruatores eligendorum constat ex prædictis priuilegijs posse talen-
mus exercere quancumque personam in Ecclesiastica dignitate constitutam. Sic enim habetur in prædicta Bulla Sixti iv. verbis allatis *num. 3.* & in Bulla Pij v. verbis relatis *num. 4.* ac Clement. vii. pro Minimis, ac demum Greg. xii. pro Iesuitis. Qualiter autem hoc non sufficiat post Constit. Greg. xv. ediram interius dicitur.

Cum

10 Cum autem iuxta dicenda *cap. 13. num. 2.* dignitas sit administratio (intelligitur rerum Ecclesiasticarum) cum iurisdictione, in hoc enim distinguitur à Personatu, quod Personatus, ut ibidem dicitur, est præminencia, seu præcedentia sine iurisdictione. Ideo omnes illi qui talem administrationem cum iurisdictione habuerint eligi poterunt in Conseruatores. Moneta *de Conseruator. cap. 5. q. 7. num. 84.* Peirinis *tom. 2. priuil. Minim. in Constit. 5. Greg. XV. §. 2. num. 8.*

11 Ex quo sequitur Episcopos, & ipsorum Superiores, scilicet Archiepiscopos, Primates, & Patriarchas, & etiam Abbates posse eligi ex vi prædictorum priuilegiorum Religionum in Iudices Conseruatores, non solum quia sunt personæ in dignitate Ecclesiastica constitutæ sed etiam, quia ad illos diriguntur aliquæ ex prædictis litteris Conseruatorijs, videlicet illæ Clem. vii. pro Minimis, & Pij v. pro Dominicanis; in litteris autem Gregorij xiii. pro Iesuitis expressè sit mentio de Episcopis, & Archiepiscopis. Moneta *de Conseruatoribus cap. 5. q. 6. num. 79. & 80.*

12 Imò etiam DD. Cardinales ex vi prædictorum priuilegiorum in Iudices Conseruatores eligi possunt. Quia etsi expressè non nominentur in illis, cum tamen maximam habeant dignitatem necesse est inter dignitates habentes comprehendi. Moneta *de Conseruatoribus cap. 5. q. 3. à num. 33.* Peirinis *tom. 2. priuileg. Minim. in Constit. 5. Gregorij XV. §. 2. num. 12.* Imò Cardinales Protectores Carmelitarum, & eorum, qui cum ipsis communicationem priuilegiorum habent, sunt ipsorum Conseruatores Ordinarij, iuxta dicta *cap. præced. num. 13. & 14.*

13 Sequitur etiam Vicarios Generales Episcoporum posse esse ex vi iuris communis, & prædictorum priuilegiorum Iudices Conseruatores, cum sint personæ in dignitate constitutæ, & ad illos dirigantur litteræ conseruatoriæ Clem. vii. relatæ pro Minimis, dum dicitur: *Necnon eorundem Archiepiscoporum, & Episcoporum Officialibus, seu Vicarijs in Spiritualibus Generalibus,* pariter etiam nominentur in litteris Pij v. pro Dominicanis dum dicitur: *Et quoscumque locorum Ordinarios, ac eorum Vicarios, & Officiales,* ac in Bulla Greg. xiii. pro Iesuitis. Rodriguez *tom. 1. quæst. Regular. q. 65. art. 3.* & alij apud Barbosa *de offic. & pot. st. Episcopi alleg. 106. num. 13.* Esto autem hoc non esset verum ex vi iuris communis, ut plures auctores apud ipsum Barbosa relati satis probabiliter defendunt, ex vi tamen priuilegiorum, quæ adducta sunt, id est certum.

14 Similiter ex vi iuris communis, & prædictorum priuilegio-

rum, eligi possunt in Conseruatores Regularium Prælati, seu Superiores etiam immediati ipsorum Regularium, v. g. Priores, Guardiani, &c. Ratio est, quia etiam illi sunt personæ in Ecclesiastica dignitate constitutæ, eorum enim munus est dignitas, iuxta dicenda *cap. 13. num. 2.* Accedit quod prædictæ litteræ Conseruatoris Clementis vii. pro Minimis diriguntur etiam ad Priores, quo etiam videntur denotari Superiores immediati Conuentuum Religiosorum. Rodriguez *tom. 1. quest. Regul. quest. 65. art. 3.* Peirinis *tom. 2. priuileg. Minor. in Constitut. 5. Gregorij XV. §. 2. num. 11.* Dixi tamen ex vi turis communis, & prædictorum priuilegiorum; primò quia forsan Guardianis, seu Prælati Minorum id est prohibitum à Clemente v. in *Clement. Exiuit de Paradiso*, vt tractat Rodriguez *ibid.* Secundò quia à Sacra Congregatione Cardinalium negotijs Episcoporum, & Regularium præpositorum Archiepiscopo Turritano interroganti an Regulares vnius Conuentus, Monasterij, vel domus aliquem Priorem, seu Guardianum, vel quemuis alium quauis dignitate Regulari fulgentem in suum Conseruatorem eligere, vel deputare possent, responsum est, non posse. Barbofa *de offic. & potest. Episcop. allegat. 106. nu. 15.* (Vbi nota falsò referri hanc declarationem ab eodem Barbofa in *Collectan. Bullar. verbo Conseruator*, vt credo errore Typographi.) Gaudent in *Man. Episcoporum verbo Conseruatores*, Erasmus Chokier *de Iurisd. Ordinarior. in exempt. par. 1. q. 39. num. 5.* Video tamen Abbati Ordinis Oliuetani concessum esse à S. Congregatione posse eligi in Conseruatorem si Episcopus in Synodo cum deputauit Iudicem Synodalem. Barbofa in *Collect. Bullar. verbo Abbas Oliuetanus 6. & verb. Conseruator.*

15 Infertur etiam Archidiaconum, Archipresbyterum, Primicerium, Præpositum, & Decanum Ecclesiarum, imò etiam Vicecancellarium Papæ, Camerarium, Summum Pœnitentiarium, Clericos Cameræ, Auditorem Curie causarum dictæ Cameræ, Auditores Rotæ, Referendarios, & Protonotarios eligi posse, tum iure communi, tum ratione prædictorum priuilegiorum, in Conseruatores, si quidem hi omnes habent dignitatem Ecclesiasticam. Moneta *de Conseruatorib. cap. 5. q. 7.* Peirinis *tom. 2. priuileg. Minim. in Constit. Gregor. XV. §. 2. num. 15. & 17.* Barbofa *de offic. & potest. Episcopi allegat. 106. num. 3.*

16 Canonici etiam saltem ex vi prædictorum priuilegiorum eligi possunt in Conseruatores, esto Canonicatus nec dignitas, nec personatus esset, de quo alias. Nam in prædicta Bulla

Sixti

Sixti iv. pro Carmelitis verbis supra num. 3. relatis dicitur: *Et Metropolitana, vel alterius Cathedralis Ecclesie Canonico, &c.* & Bulla Clement. vii. pro Minimis dirigitur etiam ad Metropolitanarum, & aliarum Cathedralium Ecclesiarum Canonicos, quod idem habetur in Bullis Pij v. pro Dominicanis, & Gregorij xiii. pro Iesuitis. Rodriguez tom. i. *quæst. Regular. q. 65. art. 2.* Barbosa *de offic. & potest. Episcopi alleg. 106. num. 11.* De quibus autem Canonicis id sit intelligendum, maximè post Constitutiones Clement. vii. & Gregor. xv. ex dicendis num. 52. constabit.

17 Quamvis autem in dignitate Ecclesiastica constituti eligi valeant in Conseruatores Religionum, tum iure communi, tum propter privilegia adducta, Personatus autem, seu Personatus habentes non videntur posse eligi in Conseruatores à Regularibus ex privilegijs ipsorum. Ratio est, quia etsi iure communi *exp. ult. de offic. & potest. Iudic. delegat. in 6* id fieri possit, nullum tamen ex privilegijs adductis, nec alia, quæ viderim mentionem de ipsis facit, quo denotari videtur excludi ab hoc munere à Summis Pontificibus, respectu Regularium. Quid tamen dicendum sit post tempora Clement. vii. & Gregor. xv. dicitur inferius.

18 Tenentur Conseruatores electi à Regularibus acceptare tale munus non solum ex charitate ad evitandas iniurias, & violentias illis illatas, seu inferendas, sed etiam ex speciali mandato Summorum Pontificum, qui id ipsis præcipiunt, & aliquando sub grauib. pœnis. Etenim Iulius ii. id præcipit sub pœna excommunicationis personis requisitis à Fratribus Minoribus. Similiter Leo x. in fauorem Mendicantium districtè id præcipit Conseruatoribus ab ipsis requisitis. Clarius Pius v. in Conseruatoria Dominicanorum relata Conseruatoribus ab ipsis electis, idem præcipit sub excommunicationis, & suspensionis latæ sententiæ pœna, soli Papæ reservata. Quare rei erunt peccati mortalis nisi aliqua graui causa excusentur, non acceptantes tales Conseruatorias. Rodriguez tom. i. *quæst. Regular. q. 65. art. 4.* Peirinis tom. i. *privileg. Minim. in Constit. 4. Iulij ii. num. 30.* Nota tamen Conseruatorias has litteras Pij v. pro Dominicanis non esse certæ auctoritatis, propter dicta supra num. 4.

19 Designato autem vno Conseruatore pro vna causa non potest pro ea alius nominari: quia iam talis persona nominata auctoritatem habet ad illam causam à Sede Apostolica; & propterea non potest illa priuari (intellige sine graui ratione de nouo

nouo vrgenti.) Rodriguez tom. I. *quæst. Regul. q. 65. art. 5. Nauar' lib. I. consil. de offic. Iud. delegati.*

20 Licet aliqui credant Conseruatoris officium extingui, & expirare per obitum concedentis, quoad negotia non cepta. Chokier. *de iurisdic. Ordinar. in exempt. p. 1. q. 39. nu. 14.* Barbosa *de offi. & potest. Episcop. alleg. 106. num. 50.* In Religionibus tamen, ad earum priuilegia attendendo, non cessat munus Conseruatorum ob mortem Papæ concedentis, quia eliguntur virtute concessionis factæ Religioni, quæ est perpetua, vnde tale priuilegium est reale non personale, & ita vsus obtinuit. Rodrig. *tom. 1. quest. Regul. q. 65. art. 6* Miranda *in man. tom. 2. q. 47. art. 6.* Nota tamen etiam quoad hoc derogata videri priuilegia Religionum his temporibus post Constitutionem Greg. xv. de qua inferius, eo quod per illam innouetur Constitutio Bonif. viii. quæ incipit, *Hac Constitutione*, seu *cap. fin. de offi. & potest. Iudic. delegati* in 6. vbi habetur *officium quorumcunque Conseruatorum quoad non cepta negotia per obitum concedentis, expirare.* Nihilominus tamen dici potest in hoc cap. solum esse sermonem de Conseruatorijs personalibus concessis priuatis personis, non de realibus concessis Religionibus, hæc enim censentur perpetuæ, (Miranda *vt supra*) ac per consequens non esse hoc renouatum per dictam Constitutionem Gregorij xv. præsertim quia in illa supponitur Regulares sibi eligere, seu assumere Conseruatores, & præcipitur vt durante quinquennio à die deputationis amoueri, aut mutari non possint, nulla facta mentione de obitu Papæ concedentis priuilegia ad tales electiones faciendas.

21. Nemo potest iure communi esse Conferuator sui Conferuatoris, nec habere pro Conferuatore eum qui est sub eius iurisdictione, dominio, vel districtu Ecclesiastico, vel temporali Regibus, & Reginis exceptis: Ita enim deciditur expressè in dict. cap. ult. de offic. & potest. delegat. in 6. Erasmus Chochier iurisd. ordin. in exempt. p. 1. q. 39. num. 3. Barbosa de offic. & potest. Episc. alleg. 106 num. 14. Vnde mirum mihi est in Hispania (ubi absque vilius nationis iniuria sapientissimi vigent Doctores) vidisse quosdam Prælatos Regulares qui ad inuicem munus Conferuatorum exercebant. Et si enim priuilegia admittant electionem cuiuscumque persone in dignitate Ecclesiastica constituta, intelligi tamen id debet, iuxta conditiones à iure communi requisitas, quarum vna est quod vnus non sit Conferuator sui Conferuatoris.

22 Prædicti Conseruatores attento iure communi, & seclufis
particu-

particularibus priuilegijs solùm possunt procedere cōtra manifestas iniurias, & violentias. Ita enim deciditur c. 1. & ult. de offic. & potest. deleg. in 6. Dicitur autem manifesta iniuria illa, quæ per facti euidētiā ita notoria est, vt examinatione non egeat, vel si egeat, probari tamen potest clarè, & certitudinaliter per multos testes, ita vt negari non possit. Tusch. verb. manifestum concl. 71. num. 7. Ioann. Monach. cap. 1. num. 3. de iud. deleg. Violentia verò dicitur, iniuria cum vi, & impetu, personis, vel rebus facta. De qua, & quod quintuplex sit vide Menoch. in prælud. de recuperand. possess. à num. 38. Vide etiam Tuschum verb. vis, & violentia concl. 214. Nihilominus amplior, & extensior facultas conceditur Conseruatoribus Religionum per priuilegia adducta. Verbis enim Sixti IV. pro Carmelitis adductis mandatur ipsis Conseruatoribus *ne permittant eos indebitè molestari, aut eis grauamina, iniurias atque damna inferri, seu quomodolibet irrogari*. Similiter in Bulla Conseruatoria Clementis VII. pro Minimis dicitur. *Ne permittatis eosdem super libertatibus, priuilegijs, indultis, rebus, & bonis prædictis, ab eisdem, & quibuscumque alijs indebitè molestari, vel eis grauamina, vel damna, seu iniurias irrogari, aut coram quibuscumque Iudicibus Ordinarijs, vel delegatis, etiam apostolicis, quauis occasione, vel causa etiam criminali eosdem Fratres trahi, &c.* Item in Bulla Pij V. pro Dominicanis supra etiam relata (etsi eam certæ auctoritatis non esse dictum sit supra num. 4.) prædictis Conseruatoribus præcipitur vt eos defendant aduersus inferentes eis molestias siue perturbationes aliquas, seu iniurias, grauamina, vel damna in personis, rebus, & bonis, &c. In Bulla etiam Greg. XI II. pro Iesuitis relata amplissima facultas eisdem Conseruatoribus conceditur, videlicet *de quibuscumque molestijs, iniurijs, damnis nunc presentibus, & futuris*. Ex quibus habetur eos posse cognoscere de omnibus causis tam manifestis, quam non manifestis. Farinacius 2. p. decis. 616. num. 3. & 4. Peirinis tom. 2. priuileg. Minim. in Constit. 5. Greg. XV. §. 6. num. 34. & 48. Constituit autem ex dicendis num. 62. qualiter id his temporibus moderatum sit.

23 Extenditur hoc ad iniurias non solùm illatas, sed etiam ad illas, quæ probabiliter inferendæ timentur. Quia defensoris munus utrasque respicit. Et ita in priuilegio illo Sixti IV. pro Carmelitis vniuersaliter, & indefinitè dicitur non permittendum eos *indebitè molestari, aut eis grauamina inferri* quod tam de futuris, quam de præteritis iniurijs verificatur. Clarius in Conseruatoria Clem. VII. pro Minim. est sermo de *damnis præsen-*

presentibus, & futuris. Quod idem habetur in Conseruatoria Greg. xiiii. professitis. Molina tom. 6. disp. 29. num. 2. Miranda tom. 2. Man. Pralat. q. 47. art. 7. Vnde potest Conseruator si videat aliquos paratos cum armis ad damnificandum aliquod Monasterium in illos excommunicationem ferre, vt desistant. Azor. to. 2 lib. 5. c. 34. q. 7. Barbosa. de offic. & potest. Episc. alleg. 106. num. 34.

24 Similiter quamuis prædicti Conseruatores stando in iure communi non possint cognoscere de ijs quæ iudicalem requirunt indaginem (idest quæ requirunt causæ cognitionem, & examinationem propter eius dubietatem. Glossa in cap. 1. referendo) vt habetur expressè cap. 1. & ult. de offic. & potest. iudic. delegat. in 6. vt propterea dicto cap. ult. pœna suspensionis per annum puniantur, qui oppositum fecerint, & colligitur ex dictis: si enim ius commune solum permittit quod Conseruatores iudicent de manifestis iniurijs, & violentijs, cum manifestum non indigeat iudicali indagine, seu examinatione, ideo consequenter non permittit illos cognoscere de ijs quæ iudicalem requirunt indaginem, quia hæc non sunt manifesta, sed dubia. Nihilominus ex priuilegijs aliquorum regularium maior, & amplior auctoritas aliquibus Conseruatoribus conceditur. Specialiter ex illo Clem. vii. pro Minimis vbi dicitur debere illos facere iustitiæ complementum prædictis Minimis in illis videlicet, quæ iudicalem requirunt indaginem summarie, simpliciter, & de plano sine strepitu, & figura iudicij, in alijs verò prout qualitas eorum exegerit. Similiaque habentur in Bulla Conseruatoria Iesuitarum à Greg. xiiii. data de qua supra num. 5. Vbi manifestè supponit Conseruatores procedere posse iudiciali indagine, & quocumque alio modo necessario. Nec incongrue idem etiam elicitur ex illis verbis Sixti iv. pro Carmelitæ relatis num. 3. ac etiam summarie, & de plano, sine strepitu, & figura iudicij. Verbum enim illud ac etiam denotare videtur Conseruatoribus tribui facultatem procedendi in defensione Carmelitarum prout qualitas causæ exegerit, ac etiam de plano, &c. Esto autem hæc verba alium habere possent sensum, tamen propter communicationem priuilegiiorum qua gaudent prædicti Carmelitæ, concessione Clem. vii. & Greg. xiiii. vti valerent. Sorbus in compend. priuileg. Mendicant. verbo Conseruatores §. tamen Conseruator. Quomodo autem etiam circa hæc moderata sit Conseruatorum iurisdicctio his temporibus infra num. 63. dicitur.

25 Pariter etiam quamuis communi iure Conseruatores sint solum

solum Iudices delegati, iuxta dicta supra num. 1. ex priuilegijs tamen aliquorum Regularium sunt Iudices Ordinarij. Primò, quia in repetita Bulla Greg. xiiii. pro Iesuitis tales expressè vocantur. Secundò, quia in prædictis priuilegijs conceditur Conseruatoribus facultas ad delegandum suam auctoritatem, ille autem qui delegare potest Ordinarius vel quasi est. Id verò patet in illis verbis Sixti iv. pro Carmelitis in Bulla sæpius relata *per se vel alium, vel alios*. Et in Bulla Clem. vii. pro Minimis illis verbis, *per vos, vel alium, seu alios*. Ac in Conseruatoria Greg. xiiii. pro Iesuitis verbis illis *per se, vel alium, seu alios*. Tertiò quia aliqui saltem illorum dantur ad vniuersitatem causarum, Index autem ad vniuersitatem causarum designatus Ordinarius est, iuxta dicenda cap. 13. num. 16. At verò Iudices Conseruatores aliquorum Regularium ad vniuersitatem causarum designatos esse, constat ex illis verbis Sixti iv. pro Carmelitis *in quibuscumque causis per eos mouendis quacumque ratione, vel causa que excogitari posset eis ministrent iustitia complementum*. Idem etiam colligitur ex Conseruatoria Cle. vii. pro Minimis, & Pij v. pro Dominicanis, ac Greg. xiiii. pro Iesuitis. Moneta de Conseruatoribus cap. 1. num. 11. & cap. 7. num. 40. Barbosa de offic. & potest. Episc. alleg. 106. nu. 2. & 3. Vnde non erit necesse quod in citationibus inserant litteras Conseruatorias, sed sufficiet instar aliorum Iudicum Ordinariorum, quod de eis constat in actis Notarij Curie Ordinarij. Peirinis to. 2. priuil. Minim. in Const. 5. Greg. XV. §. 1. num. 2.

26 Præterea, quod ex dictis sequitur, quamuis Conseruatores secundum ius commune Subdelegatos creare non possint, Conseruatores tamen quorundam Regularium, quorum priuilegia num præced. sunt relata, & aliorum, qui cum ipsis communicationem in priuilegijs habent, Subconseruatores instituere possunt. Tum ex dictis priuilegijs, tum ex eo quod, vt ibidem dictum est, sunt Ordinarij. Vnde in cap. fin. de offic. & potest. iudic. delegat. in 6. expressè dicitur. *Vices suas nulli alij committere possint, nisi hoc eis competierit ex beneficio litterarum*. Moneta de Conseruatoribus cap. 7. q. 2. num. 58. Rodriguez tom. 1. quæst. Regular. q. 65. art. 10 Huiusmodi autem Subconseruatores debent habere omnes conditiones pro Conseruatoribus requisitas. Ita enim colligitur ex cap. statutum §. in nullo de rescript. in 6. Glossa ibidem verbo designatis, & Glossa in cap. fin. de offic. & potest. iudic. delegat. in 6. verbo superius, ubi inquit, *subdelegatus talis esse debet, cui possit delegari*. Peirinis tom. 2. priuil. Minim. in Const. 5. Greg. XV. §. 2. nu. 5.

27 Insuper licet stando in eodem iure communi Conseruator-
res nequeant suum munus exercere, nisi intra Ciuitates, seu Dio-
ceses in quibus deputati fuerint. Quia ita habetur in cap. ult. de
offic. & potest. iudic. delegat. in 6. nihilominus ex dicta Conserua-
toria Greg. xii. pro Iesuitis, & Clem. vii. pro Minimis colli-
gitur posse extra dictas Ciuitates, & Dioceses contra delin-
quentes procedere. Ponitur autem in eis terminus, dummo-
do id non sit ultra tres dietas. Sorbus in *Compend. priuileg.*
Mendicant. verb. Conseruatores Ordinis S. item Conseruator-
Peirinis tom. 2. priuileg. Minim. in Constit. 5. Greg. XV. §. 6. num. 48.
Est autem vna dieta iter vnus diei, idest, viginti milliaria.
Portellus in *Dub. Regular. verb. Conseruatores num. 5.* A quo
autem spatio computandæ sunt istæ dietæ, vide Rodriguez
tom. i. *quest. Regul. q. 65. art. 7.* Qualiter etiam hoc limitatum sit
Constit. Greg. xv. inferius nu. 64. dicitur.

28 Neque solum possunt in prædictis causis Conseruator-
es contra Clericos procedere, sed etiam contra laicos. Verba
enim illa Sixti. *iv. cuiuscumque qualitatibus, & conditionibus, & illa*
Clementis vii. ab eisdem, & quibuscumque alijs; ac illa Greg. xii.
à quibuscumque personis tam Regularibus, quam Ecclesiasticis.
valde vniuersalia sunt, etiam laicos comprehendunt. Rodriguez
tom. i. *quest. Regular. quest. 65. art. 11.* Miranda to. 2. q. 47. art. 7.
concl. 3.

29 Item possunt ex vi prædictorum priuilegiorum cognosce-
re de omnibus causis tam criminalibus, quam mixtis, atque ci-
uilibus. Propter vniuersalitatem illorum verborum Sixti. *iv.*
pro Carmelitis, In quibuscumque causis per eos mouendis, &
quacumque ratione, vel causa, & illorum Clement. vii. pro Mini-
mis, de quibuscumque molestijs, iniurijs, &c. ac illorum Greg. xii.
pro Iesuitis, ut in quibuscumque causis tam civilibus, quam crimi-
nalibus, ac mixtis. Rodriguez tom. i. *quest. Regul. q. 65. art. 12.*
Peirinis tom. 2. *priuileg. Minim. in Constit. 5. Greg. XV. §. 6. num. 48.*
An verò hoc limitatum, & coarctatum sit quoad debita ciuilia,
dicitur infra num. 61. & de alijs limitationibus num. 60. & se-
quentibus.

30 Insuper possunt Conseruator-
es cognoscere de prædictis
causis, siue Regulares sint rei, vel actores etiam stando in
iure communi. Nam in cap. fin. de offic. & potest. iudic. delegat.
in 6. expresse præcipitur Conseruatoribus ne aliquos ultra vnā
dietam à fine diocesum eorumdē trahere præsumant, in quo sup-
ponitur posse trahere intra vnā dietam. Verbum autem tra-
here proprium est actoris reum ad iudicium trahentis.

Andreas

Andreas *dict. cap. fin. num. 2.* Moneta *de Conseruatorib. cap. 7. q. 6. num. 338.* Possit autem defendere eos quando sunt rei manifestum est apud omnes, & constabit ex dicendis. Ex priuilegijs autem posse cognoscere dictos Conseruatores de causis Regularium utroque modo constat ex conseruatoria Greg. xiii. pro Iesuitis (qua concessione tam ipsi, quam alij qui cum ipsis communicant in priuilegijs fruuntur) illis verbis, *etiam in eis, in quibus actores, vel conuerti rei forent.* Qualiter autem hæc limitata sint post Constitutionem Greg. xv. infra dicetur à num. 60.

31 Possunt quoque Apostatas, & subtrahentes se ab obedientia Ordinis, censuris Ecclesiasticis ad Religionem reuocare, propter Conseruatoriam Clem. vii. pro dictis Minimis, ubi id habetur. Item articulum ab alijs inchoatum prosequi. Ita enim habetur in conseruatoria Clem. vii. pro Minimis, & Greg. xiii. pro Iesuitis. Citare per edictum ubi tutus non patet accessus ad personaliter citandum. Ex prædictis Conseruatorijs Cle. vii. pro Minimis, & Greg. xiii. pro Iesuitis. Peirinis *tom. 2. priuileg. Minim. in Constit. 5. Gregorij XV. §. 6. num. 48.* Hæc tamen regulanda iuxta dicenda inferius circa Constitutiones Clem. vii. & Greg. xv. ac decreta S. Congregationis.

32 Circa modum autem quo Conseruatores procedere debeant, an scilicet criminaliter, ciuilitè, vel mixtè, dicendum videtur iure communi non posse procedere criminaliter, aut mixtè, sed solum ciuilitè. Ratio est, quia procedere criminaliter est cognoscere de delicto propter vtilitatem publicam, & mixtè est cognoscere de illo tum propter vtilitatem publicam, tum propter priuatam, procedere verò ciuilitè est cognoscere de delicto propter priuatam vtilitatem. Nauar. *in Rubric. de iudicijs num. 31.* Moneta *de Conseruatorib. cap. 7. q. 2. à num. 208.* Cum autem Conseruatores instituuntur propter priuatam eorum vtilitatem quibus assignantur ad defensionem, ideo solum videtur posse procedere, solum iure communi, ciuilitè, non criminaliter, aut mixtè. Moneta *ut supra num. 253. & 267.* Peirinis *tom. 2. priuileg. Minim. in Constit. 5. Gregorij XV. §. 6. num. 43. & 44.* An verò stando in vi priuilegiorum Ordinum possint alio modo procedere, attendendum est ad verba formalia Conseruatoriarum, in eis autem quas mihi videre permissum est nihil reperi, quo colligi possit eos alio modo quam ciuilitè posse procedere. Verbum enim illud, *inuocato ad hoc si opus fuerit auxilio brachij secularis*, quod in multis huiusmodi Conseruatorijs reperitur nõ cogit, ut dicamus oppositum, cū sufficienter exponi possit de auxilio necessario intra limites modi procedendi ciuilitè.

33 Pro prædictis verò causis etiam ciuilibus tractandis, poterunt censuris Ecclesiasticis uti. Iure quidem communi *ex cap. sane el. 2. de potest. iudic. delegat. & supponitur in cap. auctoritate de priuileg. in 6.* & etiam, quia quoties mandatur alicui negotium, mandatur etiam id sine quo illud impleri non potest, præsertim quia frustra datur iurisdicção, quæ non est cum coactiua coniuncta. Azor. *tom. 2. lib. 5. cap. 35. q. 10.* Moneta *de Conseruatorib. cap. 7. num. 279.* Iure quoque speciali, propter priuilegia Conseruatoria Religionum, ut patet in Bulla Sixti pro Carmelitæ, Clem. VII. pro Minimis, Pij V. pro Dominicanis, & Gregorij XIII. pro Iesuitis. Cum autem contra Episcopos procedent adhibere debent diligentiam, ut modeste, patienter, & reuerenter se gerant, ut colligitur ex dicto *cap. sane. Peirinis to. 2. priuileg. Minim. in Const. 5. Greg. XV. §. 6. num. 45.*

34 Conseruatorum auctoritas tanta est, ut impediri non possit ab Ordinarijs, nec à Legatis de latere in eorum iurisdicçãoe, sed in causis eisdem commissis maiores sint prædictis Ordinarijs, & Legatis. Ita enim videtur colligi *ex cap. 2. de potest. iudic. deleg. in 6.* & tradit Sanchez *tom. 2. Confil. moral. lib. 6. cap. 9. dub. 6. num. 4.* post Ancharanum, Ruinum, & Mandosium ab eo relatos. Quare contra prædictos, & etiam Nuncios Apostolicos, tueri se poterunt Regulares per suos Conseruatores, si ad hoc se extenderint eorum Conseruatoria, & iuxta limitationes asserendas.

35 Quamuis autem hæc quæ dicta sunt vera sint spectando, vel ius commune loquens de Conseruatoribus, vel iura particularia Religionum, iuxta priuilegia illis concessa, nihilominus variè postea à Sede Apostolica alterata, immutata, vel reuocata fuerunt. Primò enim Sacra Congregatio Concilij iussu Gregorij XIII. ut dictum est in *tom. 1. cap. 3. num. 11.* declarauit quod Regulares in Cinitatibus Italie existentes sibi Conseruatores eligerent coram quibus conuenirentur, ac semel electos non nisi in Capitulis Prouincialibus mutarent, eorumque nomina intra mensem à die electionis Episcopis locorum Ordinarijs indicarent, alioquin coram ipsis Ordinarijs conueniri possent. Quaranta in Summa Bullar. verb. *Priuilegia Regular.* Quibus limitata est, & coarctata facultas Regularium in Italia existentium ad eligendum Conseruatores, ita scilicet ut semel electos non nisi in Capitulis prædictis mutarent, æstretique essent ad indicandum intra mensem nomina ipsorum Ordinarijs, quod si non fecissent, possent coram ipsis Ordinarijs conueniri. Limitata etiam videbatur in hac declaratione auctoritas ipsorum Conseruatorum, quatenus in illa

illa supponi videtur eos solum eligendos pro causis in quibus Regulares sunt rei, Coram quibus conuenerentur, non autem quando sunt actores.

36 Postea tamen Clemens VIII. in Constitutione *Sanctissimus*, anno 1592. quæ habetur in 3. tom. Bullar. inter Constitutiones huius Pontificis num. 3. & apud Erasmum Chokier in *tract. de iurisdic. Ordinar. in exemp. p. 1. q. 39. num. 5.* & apud Barbosam de *offic. & potest. Episcop. alleg. 106. num. 54.* in primis reuocauit, & declarauit nullas, omnes, & quascumque Iudicum Conseruatorum deputationes qui qualitates non haberent requisitas à Bonifacio VIII. in Const. quæ incipit, *Statutum*, & habetur in cap. 11. de *rescript. in 6.* vbisic habet idem Bonifacius, *Sancimus igitur ut nullis nisi dignitate præditis, aut Personatum obtinentibus, seu Ecclesiarum Cathedralium Canonicis causa auctoritate litterarum Sedis Apostolica, vel legatorum eiusdem de cetero committantur.* Deinde declarauit prædictos Conseruatores debere esse electos, & designatos in Concilijs Prouincialibus, aut Diæcesanis, iuxta decretum Concilij Tridentini. Quod est dicere, necessarium esse quod hi qui eliguntur in Cōseruatores, electi prius, & designati sint in prædictis Concilijs. Quo sensu intelligendum est id quod dixi tom. 1. cap. 3. num. 11. Decretum autem Concilij Tridentini de quo hic loquitur Pontifex est *sess. 25. cap. 10. de reformatione*, ubi statuit *S. Synodus in singulis Concilijs Prouincialibus, aut Diæcesanis aliquot personas quæ qualitates habeant, iuxta Const. Bonifac VIII. quæ incipit, Statutum, & alioquin ad id aptas designari, ut præter Ordinarios locorum, ijs etiam post hæc causa Ecclesiasticæ, ac spirituales, & ad forum Ecclesiasticum pertinentes in partibus deleganda committantur.* Hæc Concilium. Pontifex autem vult, ut ex huiusmodi personis eligantur Conseruatores pro Regularibus. Quoad negotia tamen, incepta, vel quoad ea, in quibus illæ Conseruatoriz, seu Conseruatoriarum deputationes suum sortitæ erant effectum, seu executionem, nihil innouauit Pontifex. Voluit tamen ut Conseruatoria per Sedem Apostolicam in posterum concedenda solum ad Conseruatores, & Iudices qui qualitates à Bonifacio VIII. requisitas habuerint, & in præfatis Concilijs electi, & designati sint, & non alijs dirigantur, aliter vero expeditæ litteræ nullius sint roboris, & mōmenti. Hæc Clemens VIII. in dicta Constitutione. Per quam quid derogatum sit iuri communi, & privilegijs Regularium circa Conseruatores inferius videbitur post Greg. xv. Constitutionem.

37 Prædictus enim Greg. xv. in Constitutione *Sanctissimus*, anno

anno 1621. edita quæ habetur in 4. tom. Bullar. inter Constitutiones huius Pontificis, num. 9. & apud Peirinis tom. 2. *privileg. Minim. inter Constit. huius Papæ nu. 5.* & apud Barbosam *de offic. & potest. Episcop. num. 55.* vestigijs Clem. viii. inherendo in primis reuocauit, ac nullas, & inualidas decreuit omnes Iudicum Conseruatorum electiones vsque ad id tempus factas, illis verbis. Sanctissimus in Christo P. & D. N. D. Gregorius diuina prouidentia Papæ xv. ex certis rationabilibus causis animum suum mouen. & de voto venerab. Fratrum suorum S. R. E. Cardinalium Concilij Trident. Interpretum, partim fælicis recordationis Clem. Papæ viii. prædecessoris sui vestigijs inherendo, reuocauit, ac nullas, & inualidas decreuit omnes, & quascumque Iudicum Conseruatorum electiones, nominationes, seu deputationes, tam in vim litterarum Conseruatoriarum, iuxta formam in quinterno Cancellariæ descriptam, quam in vim quorumcumque privilegiorum perpetuò, vel ad tempus nondum elapsum Apostolica auctoritate concessorum, seu alias quocumque iure, vel titulo hæctenus factas pro quibuscumque Conuentibus, Capitulis, Militijs, etiam S. Ioannis Hierosolymit. Congregationibus, Collegijs, Ordinibus, Monasterijs, Hospitibus, aut alijs quibuscumque pijs tam secularibus, quam cuiusvis Ordinis, etiam Mendicantium, seu instituti, vel Societatis Regularibus locis, quantumuis exemptis, etiam de necessitate exprimendis, seu illorum personis cuiusvis qualitatis, seu conditionis existant.

38 Deinde qualitates pro futuris Conseruatoribus sic designauit. In futurum verò Sanctitas sua, hac generali, & perpetuo valitura Constit. statuit, & decreuit, vt Iudices Conseruatores huiusmodi, siue principales, siue subrogati, eligi, nominari, aut deputari non possint, nisi non solum habeant qualitates requisitas, & descriptas in Constit. similis record. Bonif. Papæ viii. etiam prædecessoris sui, quæ incipit *Statutum*, ita vt vel dignitate Ecclesiastica præditi, vel Personatum obtinentes, vel Ecclesiarum Cathedralium Canonici existant, sed etiam in Concilijs Prouincialibus, aut Diocesanis iuxta decretum Concilij prædicti Iudices electi, seu designati sint. Quodque deinceps litteræ Conseruatoriæ per Sedem Apostolicam concedendæ, superscriptis tantum dirigantur, et si quæ litteræ aliter expedientur, illæ, ac deputationes huiusmodi, omniaque exinde sequenda nullius sint roboris, vel momenti.

39 Postea pœnas contra eligentes Conseruatores secus quam iuxta formam præscriptam sic assignat. Et nihilominus qui
secus

secus quam iuxta formam superius præscriptam Conseruatores huiusmodi cum effectu eligere, nominare, seu deputare, aut electis, nominatis, seu deputatis uti auri fuerint, Regulares quidem voce actiua, & passiuæ sint ipso iure priuati, adeo ut habilitationem à nemine præterquam à Romano Pontifice consequi valeant. Reliqui verò alijs pænis arbitrio Sanctitatis suæ coercantur, & prædictorum omnium Conuentus, Monasteria, ac loca huiusmodi, eorumque personæ, ac bona careant Conseruatore ad annum, ita ut illorum causæ interea coram locorum Ordinarijs duntaxat cognosci, ac definiri debeant.

40 Admonitos præterea volens locorum Ordinarios, ut in Synodis eligant quamplures personas aptas ad id munus, de eo, & quid faciendum sit si aliquis interim ex designatis mori contigerit sic definit. Caterum, ut latius pateat Conseruatorum huiusmodi deligendorum facultas, Sanctitas sua admonitos voluit omnes locorum Ordinarios, ut in Synodis Prouincialibus, aut Diocæsanis, quamplures personas ex habentibus, qualitates in prædicta Constit. eiusdem Bonif. prædecessoris contentas, & alioquin ad id aptas designari procurent, & si aliquem interim ex designatis mori contigerit, substituât Ordinarius loci cum consilio Capituli alium in eius locum vsque ad futuram Prouincialem, aut Diocæsanam Synodum.

41 Qualiter autem Regulares se gerere debeant post electos Conseruatores, & quid illis interdicator, sic describit Pontifex. Insuper Sanctitas sua, inhærendo hac in parte decreto similis recordationis Greg. xlii. etiam prædecessoris sui, statuit, & ordinat, ut Regulares, ac personæ huiusmodi in Italia infra duos, extra Italiam verò infra sex menses à die publicationis in Vrbe præsentis Constit. inchoandos, debeant sibi eligere, seu assumere Conseruatores, iuxta formam superius propositam, eiusque electionis, seu assumptionis documentum, infra tempus huiusmodi penes acta Curie Ordinariorum exhibere, & dimittere teneantur, alioquin eo termino elapso, quandiu Conseruatores secundum formam præsentis Constitutionis non elegerint, coram eisdem Ordinarijs conueniantur. Quodque Conseruatores huiusmodi semel legitime deputati, nisi ex legitima causa à Sede Apostolica, aut locorum Ordinarijs, prout iisdem Regularibus, & alijs supradictis libuerit, approbanda, durante quinquennio à die deputationis amoueri, aut mutari nullatenus possint, aut valeant.

42 Circa auctoritatem verò prædictorum Conseruatorum, & ipsius limitationem, & coarctationem hac decernit. Ad hæc statuit

statuit Sanctitas sua , vt coram ipsis Conseruatoribus Regulares , ac personæ suprascriptæ conueniri quidem , aut trahi debeant, sed alios conueniri, aut trahere non possint, ita vt memorati Conseruatores in causis in quibus Regulares , & alij actores fuerint , nullam prorsus iurisdictionem habeant , sed ijs tantum in quibus rei extiterint. Neque extra Ciuitates , seu Dioceses in quibus fuerint deputati contra quoscumque procedere præsumant.

43 Qualiter etiam lites , & controuersię inter Conseruatores , & Ordinarios exoriendæ dirimi debeant sic præscribit. Si quæ verò inter Iudices Conseruatores huiusmodi , & locorum Ordinarios controuersia super competentia iurisdictionis orta fuerit, nequaquam in causa procedatur , donec per arbitros in forma iuris electos super iurisdictionis competentia fuerit iudicatum .

44 Pro pœnis autem Conseruatorum in suo officio excedentium , & inuouatione alterius Constitutionis eiusdem Bonifac. VIII. sic habet . Quod si qui Conseruatores siue in hac parte , siue alias quomodolibet suos limites exceßerint , per annum ab officio Conseruatoris huiusmodi suspensi sint , & pars quæ hoc fieri procurauerit sententiam excommunicationis incurrat, iuxta formam alterius Constitutionis eiusdem Bonifac. prædecessoris, quæ incipit, *Hac Constitutione*, quam Sanctitas sua in his omnibus, quæ præfenti Const. non aduersantur, innouauit, & innouat.

45 Qualiter quoque , & cum quibus Conditionibus possint Regulares à Principibus, seu Magistratibus sæcularibus Iudices alios habere sic decernit. Per hoc tamen nou intendit Sanctitas sua prohibere , quominus Regulares , & alij supradicti, in casibus à iure permissis petant Iudicem non suspectum à Principibus, seu Magistratibus sæcularibus , dum tamen hæc tria copulatiuè concurrant, videlicet, vt Regulares , & alij prædicti sint actores, non autem rei; vtque agant contra laicum , non autem contra Ecclesiasticum , vel alias à iurisdictione sæculari exemptum; atque vt causa, in qua Iudex deputatur, fuerit profana, non autem Ecclesiastica , & in ea iuxta Sacrorum Canonum dispositionem, laicus, vt præfertur, eligendus, Iudex competens existat.

46 Demum derogat contrarijs , priuilegia omnia in contrarium tollit , & omnes litteras conseruatorias ad formam præfentis Constitutionis reducit, vt videre est locis relatis .

47 Post hanc Constitutionem editam , cum dura videretur maxime

maximè quoad illam clausulam in qua ordinabatur, vt Regulares coram prædictis Conseruatoribus conueniri, aut trahi deberent, ipsi autem non possent alios trahere, aut conuenire, ita vt memorati Conseruatores in causis, in quibus Regulares, & alij actores fuissent, nullam prorsus iurisdictionem haberent, sed in ijs tantum in quibus rei extitissent, ad Sacram Congregationem Concilij recurrerunt, dubitando, *An per hac verba sublata sit facultas quam habent Conseruatores defendendi Regulares, & alios à manifestis iniurijs, & violentijs quæ illis de facto inferuntur, dum à suis possessionibus deiciuntur, & proprijs bonis frui, aut vti impediuntur.* Ad quod eadem Sacra Congregatio anno 1624. respondit. Eiusmodi verbis minimè sublatam esse facultatem quam habent Conseruatores defendendi Regulares à manifestis iniurijs, ac violentijs, dummodo obseruent formam præscriptam Constitutionibus Innocentij iv. & Bonifac. viii. relatis in cap. i. & fin. de offic. delegati in 6. Habetur hæc decisio in 4. tom. Bullar. inter Const. Greg. xv. post nonam, & apud Peirinis, & Barbosam relatos.

48 Prætermitto Leonem x. in Concilio Lateranensi aliquantulum etiam suorum prædecessorum circa Conseruatores Regularium priuilegia moderasse, dum in Bulla *Dum intra* anno 1516. edita declarauit Conseruatores pro tempore Regularibus à Sede Apostolica deputandos, doctrina, & probitate præstantes, & in Ecclesiastica dignitate constitutos esse debere, & coram eis nullum trahi posse ultra duas dietas à loco suæ solitæ habitationis. Hoc inquam prætermitto, quia totum hoc magis declaratum est in prædictis Clem. viii. Greg. xv. & S. Congregationis decretis; & ideo illis standum.

49 Ex huiusmodi autem tum Summorum Pontificum Clem. viii. & Greg. xv. tum Sacrarum Congregationum decretis elici potest quid his temporibus tenendum sit circa huiusmodi Conseruatores, & qualiter moderanda, vel intelligenda ea quæ superius dicta sunt illis competere iure communi, & propter priuilegia Regularium, ac quomodo faciendæ in posterum electiones talium Conseruatorum, cum antea factæ irritæ, & nullæ declarentur.

50 Primò enim quoad qualitates personæ eligendæ in Iudicem Conseruatorem sicut iure communi, & propter priuilegia Religionum dictum est supra n. 9. posse etiam quamcumque personam in dignitate Ecclesiastica constitutam eligi, sic etiam modo post prædicta decreta est dicendum. Etenim Constitutio Bonifac. viii. quæ incipit, *Statutum* de qua Clemens viii. &

Aa

Greg.

Greg. xv. in prædictis Constitutionibus id exprimunt. Videtur autem requiri, vt prædicti actu habeant ralem dignitatem; si enim illam dimiserint non sunt ad id munus eligibiles. Massobius de Synod. Dioces. cap. 4. dub. 13. Peirinis to. 2. priuil. Minim. in Const. 5. Greg. XV. §. 2. num. 20.

51 Quamuis autem supra num. 17. dictum sit obtinentes Personatum non posse eligi in Conseruatores vi priuilegiarum Religionum, ex vi tamen Constitutionum Bonifac. viii. Clem. viii. & Greg. xv. eligi possunt, vt constat ex ipsis, in quibus expressè nominantur *Personatum obtinentes*.

52 Similiter quamuis Canonici Ecclesiarum Collegiatarum forsan possent olim propter aliqua Regularium priuilegia in conseruatores eligi, modo tamen post prædictas Constitutiones Clem. viii. & Greg. xv. id fieri non potest, sed necesse est tales Canonicos Ecclesiarum Cathedralium existere, quia ita habetur in dicto cap. *statutum*, & Constitutionibus Clementis, & Gregorij. Vide Monetam de Conseruatoribus cap. 5 q. 8. à num. 118. Peirinis tom. 2. priuileg. Minim. in Const. 5. Greg. XV. §. 2. nu. 10. Barbosa de offic. & potest. Episc. a leg. 106. n. 12. De quo etiam infra dicetur.

53 Præcipue tamen post Constitutiones prædictas Clem. & Greg. ad hoc quod aliqui eligantur in Conseruatores requiritur quod prius fuerint electi in Iudices (vt vocant) Synodales in Concilijs Prouincialibus, aut Diocesanis. Ita enim decernitur à Clem. viii. & Greg. xv. in prædictis Constitutionibus. Quia verò in illis mentio fit de Concilio Tridentino, notandum hoc Concilium sess. 25. de reformatione cap. 10. hæc statuere. *Quoniam ob malitosam petentium suggestionem, & quandoque ob locorum longinquitatem personarum notitia quibus causæ mandantur, usque adeo haberi non potest. hincque interdum Iudicibus non vnde quaque idoneis, causæ in partibus delegantur: statuit Sancta Synodus, in singulis Concilijs Prouincialibus, aut Diocesanis, aliquot personas, quæ qualitates habeant, iuxta Constitutionem Bonifacij VIII quæ incipit, Statutum, & alioquin ad id aptas designari, vt præter Ordinarios locorum ipsæ etiam post hæc causæ Ecclesiasticae, & spirituales, & ad forum Ecclesiasticum pertinentes in partibus delegandæ committantur, et si aliquem interim ex designatis mori contigerit: substituat Ordinarius loci cum consilio Capituli alium in eius locum usque ad futuram Prouincialem, aut Diocesanam Synodum: ita vt habeat quæque Diocesis quatuor saltem, aut etiam plures probatas personas, ac vt supra qualificatas, quibus huiusmodi causæ à quolibet legato, vel nuncio, atque etiam à Sede Apost. committantur.*

Huic

54 Huic ergo Concilij decreto innitentes Clemens VIII. & Greg. xv. Pontifices statuerunt in præfatis Constitutionibus, nullum eligi posse in Conseruatorem Regularium, nisi aliquem ex prædictis Iudicibus in Concilij Provincialibus, aut Diocesanis designatis. Voluit autem Conciliū, vt prædicti habeant qualitates pro Conseruatoribus requisitas à Bonif. 8. in Const. *Statutum*, quæ adductæ sunt n. 36. & præterea quod sint personæ alioquin aptæ, id est secundum scientiam, ætatem, & mores, iuxta cap. *Cum in cunctis de elect.* Peirinis tom. 2. *priuileg. Minim. in Constit. 5. Gregorij XV. §. 2. num. 18.* Cum autem in dicto cap. *Constit. Statutum* solum admittantur Canonici Ecclesiarum Cathedralium, manifestius fit id quod supra dictum est, quod scilicet Canonici Ecclesiarum Collegiatarum his temporibus eligi non possint in Conseruatores, cum nec possint eligi in Iudices Synodales, prout etiam declaratum dicunt à sacra Congregatione Massobius de *Synod. dioces. cap. 4. & Peirinis to. 2. priuileg. Minim. in Constit. 5. Gregorij XV. §. 2. num. 19.*

55 Quia tamen contingens est, vt propter paucitatem Iudicum Synodaliū in Concilij Provincialibus, aut Diocesanis designatorum, & multitudinem Religionum in ea Diocesi consistentium, illi non possint attendere negotijs dictarum religionum, & propterea pari cogantur aliquod detrimentum, seu iacturam, ideo Pontifex verbis relatis num. 40. admonitos esse vult Ordinarios, vt in *Synodis Provincialibus, aut Diocesanis quamplures personas ex habentibus qualitates in prædicta Constitutione Bonifacij contentas, & alioquin ad id aptas designari procurent.* Nec incongruè dici potest verbum illud *Admonitos* voluit denotare præceptum, tum propter grauitatem negotij, tum quia videtur per illud significari obligationem saltem ex charitate, & vt credo, ex iustitia, ad id faciendum. Peirinis tom. 2. *priuileg. Minim. in Constit. 5. Greg. XV. §. 4. num. 22.*

56 Ad maiorem etiam cautelam ordinat Pontifex, vt si aliquem ex designatis Iudicibus mori contigerit, substituatur Ordinarius cum consilio Capituli alium in eius locum vsque ad futuram Provinciale, aut Diocesanam Synodum. Ex quo habetur primò huiusmodi Iudicum Synodaliū officium vsque ad aliam futuram Synodum durare. Ita enim colligi videtur, tum ex decreto Concilij, tum ex huiusmodi Constitutione. Secundo, quod si Iudex Synodalis non moriatur, sed per longum tempus absentetur, idem faciendū esse ac si mortuus esset, prout dicitur declaratum à S. Cong. De quibus, & alijs cōcernentibus Peirinis tom. 2. *priuileg. Minim. in Constit. 5. Greg. XV. §. 4. num. 22.*

57 Deinde cum in hac Constitutione Gregorij verbis *relatis num. 38.* manifestè distinguatur inter Conseruatores principales, & subrogatos, & *num. 44.* innouetur Constitutio Bonif. vii. quæ incipit, *Hac Constitutione* quæ est *cap. fin. de offic. & potest. Iudic. delegat. in 6.* vbi expressè habetur, posse eos Conseruatores, quibus *hoc eis competierit ex beneficio litterarum*, vices suas alijs committere, ideo Conseruatores Regularium quibus ex privilegijs competit alijs suas vices delegare, id facere etiam possunt post Constitutionem istam Greg. xv. cum in illa nihil quoad hoc derogetur. Quidquid in contrarium dicat Lauretus de Franchis in controuers. Episcop. & Regul. sup. hanc Constit. Greg. pag. mihi 177. Aduerte tamen, iure communi, & secluso quocumque privilegio licere Conseruatori citationes, & sententiarum denunciationes per alios facere. Ita enim habetur in prædicto *cap. fin. de offic. & potest. Iudic. delegat. in 6.* Barbosa post alios *de offic. & potest. Episc. alleg. 106. nu. 45.*

58 Post editam huiusmodi Constitutionem tenebantur Regulares in Italia infra duos menses, extra Italiam verò infra sex eligere sibi Conseruatores, iuxta formam in illa descriptam, eiusque electionis instrumentum infra idem tempus penes acta Curia Ordinarij exhibere, alioquin eo termino elapso, quandiu Conseruatores iuxta prædictam formam non elegerint, coram ipsis Ordinarijs conuenirentur. Ita enim decernitur in prædicta Constitutione verbis *relatis num. 41.* inhærendo decreto S. Congregationis sub Greg. xii. de quo *nu. 35.* Hoc autem absdubiè statutum à Papa fuit, vt certo constare posset de Conseruatore à Regularibus electo, tum ad tollendas fraudes, quæ in hoc possent accidere. Peirinis *tom. 2. priuil. Minim. in Constit. 5. Gregorij XV. §. 5. num. 31.* Postea nihilominus declaratum est à S. Congreg. Regulares, qui in tempore eis à Greg. xv. præfixo Conseruatores eligere non curauerunt, dicto tempore elapso quodcumque eis libuerit, eos eligere posse. Barbosa in *Collect. Bullar. verb. Regulares. 1.*

59 Non possunt Regulares semel legitimè deputatos Conseruatores amouere, durante quinquennio à die deputationis, nisi ex causa approbanda à Sede Apostolica, vel Ordinarijs. Ita enim decernitur in prædicta Constitutione verbis *relatis num. 41.* Dixi legitimè deputatos, quia non legitimè deputatos mutare poterunt. Causa autem amotionis poterit esse negligentia, impotentia, inimicitia, vel similis. Peirinis *tom. 2. priuil. Minim. in Constit. 5. Gregorij XV. §. 5. nu. 31.*

60 Loquendo autè de auctoritate, seu iurisdictione huiusmodi Iudicum

Iudicum Conseruatorum Regularium in multis videtur coarctata per decreta relata Summorum Pontificum, & SS. Congregationum. Cum enim iuxta dicta supra numeris 22. 23. 24. 29. & 30. possent cognoscere de omnibus causis, tam civilibus, quam criminalibus, seu mixtis, tam in eis, in quibus rei, quam in quibus actores Regulares erant, & de quibuscumque iniurijs, molestijs, aut violentijs, tam manifestis, quam non manifestis sine iudiciali indagine, vel cum illa, prout causa requireret, modo tamen, iuxta præscriptum Constitutionis Greg. xv. solum possunt cognoscere de illis causis in quibus Regulares sunt rei, non actores, & iuxta præscriptum prædictæ S. Congregationis, etiam in his in quibus actores fuerint, quoad iniurias tantum manifestas, & violentias, secundum formam *cap. fin. de offic. & potest. Iud. delegat. in 6.* quod incipit, *Hac Constitutione*, & innouatur à Greg. xv. in eis quæ Constitutioni ipsius non aduersatur.

61 Ex quo sequitur primò non posse procedere hoc tempore Conseruatores Regularium cum ipsi Regulares sunt actores in causis civilibus eorum qui aliquam pecuniæ summam, vel aliquam rem ipsis debent ex locationibus, legatis, testamentis, &c. petentes, ut eam soluant. Ratio est, quia exceptio illa posita à Greg. xv. in prædicta Constitutione, *sed alios conuenire, aut trahere non possunt*, seu illa, ita ut memorati Conseruatores in causis in quibus Regulares actores fuerint nullam prorsus iurisdictionem habeant, nullum alium congruentiorem sensum potest habere, præter istum. Cum enim Sacra Congregatio ut visum est decreuerit non esse per hæc verba sublatam facultatem quam habebant Conseruatores defendendi Regulares à manifestis iniurijs, seu violentijs, &c. quo illos posse, ut actores agere coram Conseruatoribus suis permittit, ne dicatur glossam esse contrariam textui, dicendum videtur Gregorium in sua Constitutione solum negasse Conseruatoribus facultatem procedendi in huiusmodi causis civilibus debitorum quando Regulares sunt actores non tamen in alijs causis. Maximè quia hoc est conforme tum iuri communi quo statuitur, quod *Actor sequatur forum rei*, tum Concilio Trid. *sess. 14. cap. 5.* Moneta de Conseruator. c. 7. q. 6. nu. 343. Peirinis to. 2. priuileg. Minim. Const. 5. Greg. XV. §. 6. num. 50.

62 Sequitur secundò nec posse procedere hoc tempore prædictos Conseruatores, siue in civilibus, siue in criminalibus, siue quando Regulares sunt rei, siue quando actores nisi in manifestis iniurijs, & violentijs, ita enim habetur in præfata Constitutione

tione Gregorij adiuncta declaratione S. Congregationis , & ſimiliter Conſtitutione Bonifacij VIII. quæ incipit *Hac Conſtitutione* , & eſt *cap. fin. de offic. & poteſt. iudic. deleg. in 6.* quæ per prædictam Conſtitutionem Gregorij innouatur , & in qua id expreſſe habetur . Quare neceſſarium eſt ad effectum , vt procedere valeat Conſervator, quod ante omnia appareat, iniuriam ſeu violentiam fuiſſe manifeſtam, & notoriam, vbi cumque enim iuriſdictio competit alicui reſpectu certæ qualitatis, debet ante omnia eidem de illa qualitate conſtare . Miranda 2. tom. q. 47. art. 8. Barboſa *de offic. & poteſt. Episc. alleg. 106. num. 18.* Si autem Conſervator dubitet de illa notorij qualitate , vel clare de ea non appareat, poterit ante omnia examinare ſummariè an violentia, ſeu iniuria de qua agitur, notoria ſit , & ſuper eam probationes recipere ad fundandam ſuam iuriſdictionem , itaut ſi inueniat eam notoriam procedat , alias ſe incompetentem pronunciet . Barboſa *ibid. num. 20.* vbi etiam ſequentibus numeris alia offert ad intentum . Generaliter etiam Conſervator poteſt eam adhibere indaginem quæ in notorijs adhiberi ſolet , & debetur . Quia cum committitur iuriſdictio committitur quoque id ſine quo illa exerceri non poteſt . Moneta *de Conſervatorib. cap. 7. quaſt. 3. num. 90. & 93.* Molina tom. 6. diſp. 29. num. 2.

63 Ex quo etiam ſequitur tertio , nec poſſe hoc tempore Conſervatores in cauſis Regularium maximè cum ipſi Regulares actores fuerint iudiciali indagine procedere . Ratio eſt; tum quia in manifeſtis de quibus ſolum, vt dictum eſt, iudicare poſſunt prædicti Conſervatores , non requiritur, aut admittitur iudicialis indagis , tum quia S. Congregatio in decreto adducto num. 47. dum admittit Regulares, vt actores agere poſſe coram ſuis Conſervatoribus, ſubdit , *Dummodo obſeruent formam præſcriptam Conſtitutionibus Innoc. IV. & Bonifac. VIII. relatis in cap. 1. & fin. de offic. deleg. in 6.* Conſtat autem in prædicto c. 1. quod eſt Conſtitutio Innoc. IV. prohiberi expreſſè ne Conſervatores ad illa quæ iudicalem indaginem exigunt, ſuam poſſint extendere poteſtatem .

64 Similiter loquendo de termino, ſeu ſpatio intra quod exerceri poteſt auctoritas Conſervatorum, licet ſecundum priuilegia aliquarum Religionum, iuxta dicta ſupra num. 27. exerceri poſſet extra Ciuitates, & Diœceſes, in quibus deputati fuiſſent , hoc tamen tempore nullatenus extra Ciuitates, ſeu Diœceſes in quibus deputati ſunt procedere poſſunt . Ita enim habetur in dicta Conſtitutione Greg. xv. verbis relatis num. 42. &

in

in altera Constitutione Bonifac. VIII. quæ incipit *Hæc Constitutione*, & est cap. fin. de offic. iudic. deleg. in 6. quod innouatur dicta Constitutione Gregorij. Qualiter autem id sit intelligendum, vide Moneram de *Conseruatoribus* cap. 7. q. 2. num. 61. Peirin. tom. 2. priuil. Minim. in Const. 5. Greg. XV. §. 6. num. 57.

65 Videtur etiam posse procedere Conseruatores ad defensionem seruitorum, seu familiarium aliquorum Religiosorum, in manifestis iniurijs, seu violentijs, modo tamen assignato, seu iuxta præscriptum dictæ Constitutionis Greg. xv. & decreti S. Congregationis. Ita enim sumi videtur ex priuilegio Pij v. pro Dominicanis superius relato num. 4. illis verbis, *aduersus inferentes eis, aut eorum Procuratoribus, agentibus, seruitoribus, & familiaribus in præmissis, & eorundem aliquo molestias, iniurias grauamina &c.* Quod intellige nisi hæc Constitutio Pij v. concedenda sit reuocata à Greg. XIII. propter dicta ibidem. Quo casu iuuare potest eiusdem Greg. XIII. pro Iesuitis Bulla superius num. 6. relata, ubi etiam fit mentio de familiaribus ipsorum (*Clericali tamen charactere insignitis.*) Limitari videntur hæc priuilegia ex doctrina Conc. Trid. sess. 24. cap. 11. ad seruitores qui Monasterijs acti seruiunt, & intra eorum septa, ac domos resident, subque eorum obedientia viuunt, vt ibi dicitur. Rodriguez tom. 1. quest. Regul. q. 65. art. 17. Forsan dici possit huiusmodi concessionem, vt pote post Concilium factas ipsi derogare. Vide etiam priuilegium Pij iv. pro Militibus Sancti Ioannis apud eundem Rodriguez, vt supra art. 12. & caute procede in re satis incerta, & raro vsitata, maximè quia non video pro illa clarum priuilegium.

66 Specialiter etiam Procuratores, & Syndici Fratrum Minorum habent à Clement. vii. in Bulla *Dum consideramus*, apud Casarubium in *Compend. priuileg. Mendic.* verbo *Procuratores Fratrum* num. 13. & Rodriguez tom. 3. quest. Regular. q. 39. art. 4. priuilegium, vt in quibusuis causis, & rebus ipsos Syndicum, & Procuratorem concernentibus, ciuilibus, criminalibus, & mixtis, non nisi coram Iudicibus Conseruatoribus domorum illarum quarum ipse Syndicus, & Procurator fuerit de iustitia respondere teneatur, &c. Inhibendo sub excommunicationis late sententiæ poena vniuersis, & singulis Iudicibus Commissarijs Ecclesiasticis, & secularibus quacumque auctoritate fulgentibus ne de causis contra dictos Syndicos, & Procuratores, motis, & mouendis, directè, vel indirectè quouis quesito colore, seu pretextu se intrromittere quomodolibet audent, &c. Videtur tamen hoc intelligendum de causis spectantibus ad istos non vt singulares personæ sunt, sed quatenus Syndici,

tione Gregorij adiuncta declaratione S. Congregationis, & similiter Constitutione Bonifacij VI II. quæ incipit *Hac Constitutione*, & est *cap. fin. de offic. & potest. iudic. deleg. in 6.* quæ per prædictam Constitutionem Gregorij innouatur, & in qua id expresse habetur. Quare necessarium est ad effectum, vt procedere valeat Conseruator, quod ante omnia appareat, iniuriam seu violentiam fuisse manifestam, & notoriam, vbi cumque enim iurisdicção competit alicui respectu certæ qualitatis, debet ante omnia eidem de illa qualitate constare. Miranda 2. tom. q. 47. art. 8. Barbosa *de offic. & potest. Episc. alleg. 106. num. 18.* Si autem Conseruator dubitet de illa notorij qualitate, vel clare de ea non appareat, poterit ante omnia examinare summarie an violentia, seu iniuria de qua agitur, notoria sit, & super eam probationes recipere ad fundandam suam iurisdiccionem, ita ut si inueniat eam notoriam procedat, alias se incompetentem pronunciet. Barbosa *ibid. num. 20.* vbi etiam sequentibus numeris alia offert ad intentum. Generaliter etiam Conseruator potest eam adhibere indaginem quæ in notorijs adhiberi solet, & debetur. Quia cum committitur iurisdicção committitur quoque id sine quo illa exerceri non potest. Moneta *de Conseruatorib. cap. 7. quest. 3. num. 90. & 93.* Molina tom. 6. *disp. 29. num. 2.*

63 Ex quo etiam sequitur tertio, nec posse hoc tempore Conseruatores in causis Regularium maxime cum ipsi Regulares actores fuerint iudiciali indagine procedere. Ratio est; tum quia in manifestis de quibus solum, vt dictum est, iudicare possunt prædicti Conseruatores, non requiritur, aut admittitur iudicialis indagatio, tum quia S. Congregatio in decreto adducto *num. 47.* dum admittit Regulares, vt actores agere posse coram suis Conseruatoribus, subdit, *Dummodo obseruent formam præscriptam Constitutionibus Innoc. IV. & Bonifac. VIII: relatis in cap. 1. & fin. de offic. deleg. in 6.* Constat autem in prædicto c. 1. quod est Constitutio Innoc. IV. prohiberi expresse ne Conseruatores ad illa *qua iudicalem indaginem exigunt, suam possint extendere potestatem.*

64 Similiter loquendo de termino, seu spatio intra quod exerceri potest auctoritas Conseruatorum, licet secundum priuilegia aliquarum Religionum, iuxta dicta supra *num. 27.* exerceri posset extra Ciuitates, & Diœceses, in quibus deputati fuissent, hoc tamen tempore nullatenus extra Ciuitates, seu Diœceses in quibus deputati sunt procedere possunt. Ita enim habetur in dicta Constitutione Greg. xy. verbis relatis *num. 42.* &

in

in altera Constitutione Bonifac. VIII. quæ incipit *Hac Constitutione*, & est cap. fin. de offic. iudic. deleg. in 6. quod innouatur dicta Constitutione Gregorij. Quali'er autem id sit intelligendum, vide Moneram de Conseruatoribus cap. 7. q. 2. num. 61. Peirin. tom. 2. priuil. Minim. in Const. 5. Greg. XV. §. 6. num. 57.

65 Videtur etiam posse procedere Conseruatores ad defensionem seruitorum, seu familiarium aliquorum Religiosorum, in manifestis iniurijs, seu violentijs, modo tamen assignato, seu iuxta præscriptum dictæ Constitutionis Greg. xv. & decreti S. Congregationis. Ita enim sumi videtur ex priuilegio Pij v. pro Dominicanis superius relato num. 4. illis verbis, *aduersus inferentes eis, aut eorum Procuratoribus, agentibus, seruitoribus, & familiaribus in præmissis, & eorundem aliquo molestias, iniurias grauamina &c.* Quod intellige nisi hæc Constitutio Pij v. concedenda sit reuocata à Greg. xiiii. propter dicta ibidem. Quo casu iuuare potest eiusdem Greg. xiiii. pro Iesuitis Bulla superius num. 6. relata, ubi etiam fit mentio de familiaribus ipsorum (*Clericali tamen charactere insignitis.*) Limitari videntur hæc priuilegia ex doctrina Conc. Trid. sess. 24. cap. 11. ad seruitores qui Monasterijs actu seruiunt, & intra eorum septa, ac domos resident, subque eorum obedientia viuunt, vt ibi dicitur. Rodriguez tom. 1. quæst. Regul. q. 65. art. 17. Forſan dici possit huiusmodi concessionēs, vt pote post Concilium factas ipsi derogare. Vide etiam priuilegium Pij rv. pro Militibus Sancti Ioannis apud eundem Rodriguez, vt supra art. 12. & caute procede in re satis incerta, & raro vſitata, maximè quia non video pro illa clarum priuilegium.

66 Specialiter etiam Procuratores, & Syndici Fratrum Minorum habent à Clement. vii. in Bulla *Dum consideramus*, apud Casarubium in Compend. priuileg. Mendic. verbo *Procuratores Fratrum* num. 13. & Rodriguez tom. 3. quæst. Regular. q. 39. art. 4. priuilegium, vt in quibusuis causis, & rebus ipsos Syndicum, & Procuratorem concernentibus, ciuilibus, criminalibus, & mixtis, non nisi coram Iudicibus Conseruatoribus domorum illarum quarum ipse Syndicus, & Procurator fuerit de iustitia respondere teneatur, &c. Inhibendo sub excommunicationis lata sententie poena vniuersis, & singulis Iudicibus Commissarijs Ecclesiasticis, & secularibus quacumque auctoritate fulgentibus ne de causis contra dictos Syndicos, & Procuratores, s. motis, & mouendis, directè, vel indirectè quouis quæsito colore, seu prætextu se intromittere quomodolibet audiant, &c. Videtur tamen hoc intelligendum de causis spectantibus ad istos non vt singulares personæ sunt, sed quatenus Syndici,

Syndici, & Procuratores, & cum sit magnum priuilegium videndum, an sit, vel non consuetudine abrogatum. Portellus in *Dub. Regul. verb. Syndicus Minorum num. 5.*

67 Similiter procedere possunt Conseruatores Regularium in manifestis tamen iniurijs, & violentijs, ac iuxta præscriptum Constitut. Greg. xv. & S. Congregationis, ad defensionem quorumcumque bonorum mobilium, seu immobilium, iurium, seu possessionum Regularium sibi ad defensionem commissorum ex priuilegio Eugenij iv. pro Hieronymianis Monasterij S. Mariæ Guadalupæ, quod refert Rodriguez *tom. 1. quest. Regular. q. 65. ar. 12.* & dicit extensum esse ad omnia Ordinis D. Hieronymi Monasteria, Clem. vii. pro Minimis, Pij v. pro Dominicanis, & Greg. xiii. pro Iesuitis, de quibus supra.

68 Maximè tamen pro defensione priuilegiorum, seu indultorum eorundem, iuxta præscriptum modum à Greg. xv. & Sacra Congregat. procedere possunt ex priuilegijs Sixti iv. pro Carmelitis, Clem. vii. pro Minimis, & Greg. xiii. pro Iesuitis, de quibus supra.

69 Controuersia ortæ inter Conseruatores, & Ordinarios super competentia iurisdictionis per arbitros in forma iuris electos decidendæ, & interim in causa non procedendum. Sic enim habetur in præfata Constit. Greg. xv. verbis relatis *nu. 43.* idemque statuitur in Concil. Trident. *sess. 14 cap. 5.* Peirinis *to. 2. priuileg. Minim. in Const. 5. Greg. XV. §. 7 num. 58.*

70 Conseruatores limites suæ iurisdictionis excedentes per annum sunt suspensi ab officio Conseruatoris. Ita enim habetur in prædicta Constitutione Greg. xv. verbis relatis *num. 44.* conformiter ad prædictum *cap. fin. de offic. deleg. in 6.* ubi declarantur suspensi per vnum annum ab officio. Moneta *de Conseruatorib. cap. 7. q. 12. num. 60.* Miranda *in 2. to. Man. Prelat. q. 47. art. 9.* Denotatur autem in prædicto *cap. fin.* requiri quod *Scienter* de alijs, quam de manifestis iniurijs, & violentijs se intromiserint ad incurrendam talem suspensionem: Ex quo videtur sequi illam non incurrì ab ijs qui ex ignorantia etiam crassa id fecerint, iuxta dicta *tom. 1. cap. 10. num. 33.* Licet autem in Constitutione Gregorij non apponatur illa particula, cum tamen in eo *§. se* remittat Pontifex ad formam Constitutionis Bonif. vii. dicendum videtur quod iuxta eandem formam incurratur suspensio. Cum verò hæc suspensio sit temporalis, scilicet per vnum annum, eo transacto statim absque alia absolutione cessat, iuxta communia principia de suspensione. Suar. *to. 5. de censuris disp. 26. J. c. 1. n. 14. Bonacina disp. 3. de suspensione punet. 3. num. 1.*

Pars

71 Pars quæ procurauerit quod Iudices Conseruatores excedant limites suæ auctoritatis excommunicationis sententiam incurrit, à qua non potest absolui, nisi ei, quem sic fatigauit indebite, primo satisfaciatur integraliter de expensis. Ita enim habetur in dicto cap. fin. de offic. iudic. delegat. in 6. quod innouat Greg. xv. Constitutione relata. Vbi notandum hanc excommunicationem non incurri nisi à parte procurante, idest ab eo qui est pars in iudicio, reus scilicet, vel actor, non à tertia persona. Quia in-textu dicitur, *pars verò quæ hæc procurabit*. Nauar. in Mar. cap. 27. num. 125. Rodriguez tom. 1. quæst. Regular. q. 65. art. ult. Nec incurritur hæc excommunicatio ex sola procuratione, nisi sequatur effectus procuratus. Cum solum propter illum prohibeatur, & illo non posito non censetur consummata. Suarez 5. tom. in 3. par. disp. 23. sect. 4. num. 10. Barbosa de offic. & potest. Episcop. alleg. 106. nu. 49. Ab ea autem ante compensationem, expensarum nemo potest absolvere nisi solus Papa, post compensationem verò Episcopus poterit. Moneta de Conseruator, cap. 7. nu. 591. Barbosa ut sup.

72 Impedientes, vel molestantes Conseruatores Regularium ne suum officium exercent incidere videntur in excommunicationem, seu suspensionem à diuinis latæ sententiæ, ex concessione Pij v. pro Dominicanis verbis relatis nu. 4. Sed quia hæc Bulla dubiæ auctoritatis est propter dicta supra ibidem, ideo ad alia priuilegia Religionum, si quæ fuerint, attendendum est.

73 Non est prohibitum Regularibus in casibus à iure permissis petere Iudicem non suspectum à Principibus, seu Magistratibus sæcularibus, dum tamen hæc tria copulatiuè concurrant, videlicet, vt ipsi sint actores, non rei, vtque agant contra laicum non contra Ecclesiasticum, aut alias à iurisdictione sæculari exemptum, & vt causa sit profana, non Ecclesiastica, & in ea iuxta Sacrorum Canonum dispositionem laicus eligendus Iudex competens existat. Ita enim decernitur in prædicta. Const. Greg. xv.

74 Potest Conseruator recusari vt suspectus, si causa de qua agitur talis sit, in qua ipse valeat reum grauare, nam in his terminis, & similibus recusatio admittitur, etiam in notorijs, vt si v. g. maiorem pœnam imponat delicto quam iure mereatur. Panorm. in cap. si quis contra Clerum de foro competenti num. 11. Farinac. 1. par. prax. crimin. q. 21. num. 130. Per arbitros autem in forma iuris electos super suspitione iudicandum est, iuxta doctrinam Concil. Trident. sess. 14. cap. 5. Barbosa de offic. & potest. Episcop. alleg. 106. nu. 32.

Bb

Potest

75 Potest etiam ab eiusdem sententia appellari. Tum quia ita praxi receptum est, tum quia et si in notorijs non admittatur appellatio, quia tamen in infligenda pena potest Conseruator excedere, & procedere in causa dubia, ideo admittitur appellatio. Farinac. in prax. crim. q. 21. num. 118. vsque ad 128. Barbosa de offic. & potest. Episc. alleg. 106. num. 33. Apellandum autem est ad solum Papam, quia Conseruator est Iudex à Papa delegatus. Tuscus verbo Conseruatores concl. 760. nu. 6. Ancharan. consil. 72. num. 1. Barbosa de offic. & potest. Episc. alleg. 106. num. 4. Quando autem ab ipsis appellari potest, aut debet, vide Monetam de Conseruatorib. cap. 9. nu. 180.

76 Circa munera ab huiusmodi Conseruatoribus non accipienda, & expensas euitandas Bonifac. vii. in Constit. quæ incipit *Hac Constitutione*, quæ est cap. fin. de offic. & potest. iudic. deleg. in 6. & innouatur in prædicta Constitutione Greg. xv. præcipit obseruandum, quod ipse alias præceperat in alia Constitutione de Iudicib. deleg. quæ habetur in cap. statutum de rescriptis in 6. & insuper, vbi sic. *Insuper vt gratis, & cum omni puritate iudicium coram ipso procedat nullum munus, vel quicquid aliud nisi forsitan esculentum, vel poculentum mera liberalitate oblatum, quod paucis consumi possit diebus, vel nisi cum ipsum propter causam sibi commissam contigerit extra suum domicilium proficisci, moderatas expensas recipere ab eisdem partibus qualitercumque presumat. Prouisurus attente quod in ipsis expensis modum nequaquam excedat, nec plus ab una parte, quam ab alia exigat, cum commune gerat negotium utriusque: quandoque (vbi causa sibi commissa utilitas, vel necessitas non exegerit) occasionem propter habendas expensas proficiscendi extra domicilium non assumat: sed, & vbi notabiliter fuerint pauperes litigantes etiam nil prorsus exigat ab eisdem.*


77 Circa assessores autem, & notarios prædictorum Conseruatorum, & illas personas, quæ testimonijs causa vocantur ab eisdem Bonifac. vii. in dicto cap. fin. quod innouatur per Constitutionem Greg. xv. præcipit obseruandum id quod ipse alias præceperat de Iudicibus delegatis in illa Constitutione, seu cap. statutum de rescriptis in 6. vbi sic habetur. *Assessorem autem, vt quandoque faciunt aliqui fraudulenter, nisi eo indigeat, quod consentientia relinquatur eiusdem, sibi nequaquam adiungat: alioqui de suo proprio providere teneatur eidem. Si autem indigeat, ipsum neutri parti suspectum assumens, ei de competenti salario, provide moderando ab eo faciat à partibus communiter provideri. Notarium vero, vel Notarios in causa sibi commissa scribentes qui*

qui ut plurimum in exigendo salario, metas rationis excedunt, (ut ad ipsius spectat officium) providenter refrenit. Nec cum ipsis, aut cum assessore prefato lucrum participet ullo modo. Si quid autem contra Constitutionem presentem receperit ad ipsius restitutionem integram teneatur, nulla eorum quibus restitutio facienda fuerit, remissione ullatenus profutura eidem. Proferendo quoque testimonio, (prætextu cuius, aliqui alios fraudulentè interdum à Iudicibus vocari procurant, ut eos laboribus, & expensis fatigent, aut retorqueant aliquid ab eisdem) nullum ullatenus conuocet, nisi quando conditio, & status causæ requirent. Sed nec tunc (nisi à producente) competentes vocato pro testimonio veniendo, stando, & redeundo faciat ministrari expensas. Quicquid autem contra præmissa, vel eorum aliquod contigerit attentari, sit ipso iure irritum, & inane.

78 Horum Conseruatorum priuilegia sunt primum, quod omnium ieiuniorum, orationum, ac sacrificiorum, ac quorumcumque aliorum bonorum, in Religione faciendorum, & recitandorum participes sint, & illis communicata sunt, & esse debent, sic enim concessit Iulius 11. Conseruatoribus Minimorum in Bulla *Alias venerabilem* apud Peirinis tom. 1. priuileg. *Minimor. in Iulio II. Constitut. 4.* Sorbus in *Compend. priuileg. Mendicant. verbo Conseruatores Ordin. S. Clemens VII.* Secundum, quod Conseruatores per prædictos Minimos capitulariter pro tempore electi semel in vita, & in morte plenariam omnium peccatorum Indulgentiam consequuntur. *Ac quinques orationem Dominicam, & toties salutationem Angelicam recitando, omnes, ac singulas Indulgentias quas diebus Indulgentiarum omnium Ecclesiarum dicta Urbis, & extra illius muros pro stationibus deputatarum consequuntur Ecclesias Urbis, & extra muros huiusmodi visitantes planè, ac integrè consequantur, & consequi possint, ac si indulgentiarum huiusmodi diebus Ecclesias Urbis, & extra muros huiusmodi, & earum quamlibet personaliter visitarent.* Sic enim concessit idem Iulius 11. in alia Bulla apud eundem Peirinis tom. 1. priuileg. *Minim. in Iulio II. num. 1.* Similiter Clem. vi 11. concessit moderno, & pro tempore Generali Minimorum, ut Conseruatoribus plenariam omnium suorum peccatorum Indulgentiam semel dumtaxat singulo quoque triennio elargiri posset, ipsisque Conseruatoribus, ut de licentia dicti Generalis eligere possent Confessarium idoneum eiusdem Ordinis qui eos ab omnibus casibus etiam Episcopalibus, & censuris Ecclesiasticis absoluerè posset, pœnitentia salutari iniuncta. Ita habetur inter priuilegia Minimorum apud Peirinis

tom. I. inter Constitutiones Clem. VII. nu. 9. Sed quia hæc concessio nõ fuit nisi per viuæ vocis oraculum facta. ideo hoc tempore quo omnes tales concessionēs reuocatæ sunt à SS. D. N. Urbano, nihil valet. Si autem innouetur ab aliquo Pontifice Confessarius ille approbatus debet esse ab Ordinario, iuxta doctrinam Concilij sess. 23. cap. 15. Rursus quantum ad absolutionem à casibus Episcopalibus cauenda est transgressio decreti S. Congregationis sub Clemente VII. & SS. D. N. Urbano, de quo tom. I. cap. 19. nu. 17. Vide Peirinis to. I. priuil. Minim. in Conf. 9. Clem. VII. §. 2.

79 Extat tandem decretum S. Congregationis Concilij; vel declaratio ab ipsa facta apud Barbosam in Collect. Bullar. verbo Conseruator, vbi habetur debere Regulares Conseruatores eligere in singulis Diœcesibus, in quibus Monasteria, Conuentus, seu domos Regulares habent. Cum autem hæc decisio S. Congregationis facta fuerit anno 1628. & 1633. videtur inferri per illam (si certa est) declarari Constitutionem Greg. xv. & quod non sufficiat vnus Conseruator pro multis Diœcesibus.



SUMMARIVM CAP. XI.

- Ius patronatus est potestas alicui concessa presentandi ad beneficium in aliqua Ecclesia . num. 1.
 Patronus est ille qui habet tale ius . ibid.
 Duplex est ius patronatus, Ecclesiasticum, & laicum . ibid.
 Quid utrumque . ibid.
 Ut aliquis sit Patronus aliquot conditiones sunt necessariae . num. 2.
 Interueniente etiam auctoritate, & consensu Ordinarij . num. 3.
 Quid autem si Ordinarius non consenserit . ibid.
 Potest ius patronatus prescriptione acquiri . num. 4.
 Non sic respectu electionis Praelatorum . ibid.
 Est honorificum, utile, & onerosum . num. 5.
 Ecclesia quae est Iuris patronatus uniri non potest sine consensu Patroni . num. 6.
 An sit materia simonia, & quomodo . nu. 7.
 Quid de acta istius iuris, scilicet presentatione ad beneficia . ibid.
 Transire tamen potest cum re vendita . num. 8.
 Dummodo ratione illius res carius non vendatur . ibid.
 Non potest Patronus ius patronatus in alios transferre, nisi modo, & casibus à iure expressis . nu. 9.
 Tribus modis potest ex uno ad alium transire . num. 10.
 An transeat in Monasterium si Patronus fiat Religiosus . num. 11.
 Quae Monasteria sint capacia . ibid.
 An tunc debeat presentare Religiosus, vel potius Monasterium, vel Superior . ibid.
 Novitius Patronus per se ipsum debet id facere . num. 12.
 Quid si Monachus fundaret, construeret, vel dotaret Ecclesiam . nu. 13.
 Quis debeat presentare, Superior, vel Monasterium . num. 14.
 Presentatio beneficij facta à Religioso sine licentia Praelati an sit irrita . nu. 15.
 Quid quando Religiosus presentat ut procurator . num. 16.
 Catholici Reges Hispaniarum Patroni sunt in illis partibus . nu. 17.
 Propterea in illis presentant . ibid.
 An debeant presentare digniores . ibid.
 An possit quis de bonis incertis fundare Ecclesiam reseruando sibi ius patronatus . num. 18.
 Quid dicendum de fundatoribus Capellarum . nu. 19.
 An habentes facultatem nominandi Capellanos sint Patroni . ibid.

Tenantur

num. 51. Barbosa *ut supra* à num. 9. Hinc versus

Patronum faciunt dos, edificatio, fundus.

Rodríguez tom. 2. *quest. Regular. q. 49. art. 7.* Layman. in *Theolog. mor. lib. 4. tract. 2. cap. 13. num. 1.* Dotans autem insufficienter ad arbitrium Ordinarii non acquirit ius patronatus, sed dicitur benefactor. Declaratio S. Congregat. apud Garziam de *Benefic. p. 5. cap. 9. num. 52.*

3 Ex prædictis tribus causis acquiritur ius patronatus, interveniente tamen auctoritate, & consensu Ordinarii, & non aliter, *ex cap. nobis de Iure patronatus.* Iulianus Viuianus *par. 1. lib. 1. cap. 1. num. 24.* Barbosa *ut supra* num. 20. Ordinarii videlicet illius loci, in quo fundatur Ecclesia. Viuianus num. 30. Barbosa num. 23. Si autem suum consensum præstare noluerit, potest ad eum præstandum compelli à Superiori, Archiepiscopo scilicet, vel Primatè. Viuianus in *praxi Iuris patronatus lib. 2. cap. 1. num. 19. & 20. alias 22. in 2. edit.* Azorius in *stit. moral. par. 2. lib. 9. cap. 3. q. 10.*

4 Potest item ius patronatus etiam à laicis præscriptione, vel consuetudine acquiri. *ex cap. quarelam de elect. & ex cap. generali 13.* Barbosa *ut supra* num. 17. post alios. Quod tamen limitandum videtur ut non verificetur respectu electionis Prælatorum, ita ut nulla consuetudine, aut præscriptione iuvare possit Patronus ad habendum suffragium in aliqua electione Prælati Regularis. Ratio est, nam id est expressè contra Canones Ecclesiasticos, Ecclesiasticam utilitatem, & disciplinam. Nauar. *comment. 3. de Regularib. num. 60.* Suarez 4. tom. de *Relig. tract. 8. lib. 2. cap. 6. num. 19.* Quod sic confirmatur, nam ius eligendi Prælaturam Regularem competit solum eis qui sunt de Collegio, *cap. Quia propter de elect. & cap. ex eo,* siue ergo secularis sit, siue etiam Clericus patronus non potest hoc ius habere. Suarez *ut supra* num. 9. Barbosa etiam *ut sup. num. 19.*

5 Hoc ius patronatus habet multa ex iure Canonico ratione quorum honorificum, utile, & onerosum dicitur. Honorificum quidem, quia Patrono convenientia obsequia præstari debent, & præsertim illi conceditur honorificus locus in sua Ecclesia. Utile, quia si Patronus ad egestatem deveniat, Ecclesia debet ei succurrere maiori cura, & obligatione quam alijs pauperibus, *cap. Quicumque, cum sequentibus.* Cui adiungitur saltem ex consuetudine Religionum, quòd pro huiusmodi Patronis tum vivis, tum defunctis Orationes, suffragia, & sacrificia fieri soleant, prout debent fieri admius titulo gratitudinis, cum sint insignes benefactores Monasteriorum. Onerosum autem, quia

quia Patronus licite potest defendere suam Ecclesiam ne bona eius dilapidentur, modo præscripto in cap. *filij* 16. q. 7. Quæ omnia veluti ex natura rei sequuntur ex beneficio quod Patronus fecit Ecclesiæ eam fundando, construendo, vel dotando. Innoc. in cap. *præterea* 2. de *Iure patronat.* Suarez tom. 1. de *Relig. lib. 4. de Simonia* cap. 28. nu. 1. Layman. in *Theolog. mor. lib. 4. tract. 2. c. 13. num. 8.*

6 Insuper Ecclesia quæ est Iuris patronatus vniri non potest alij Ecclesiæ sine consensu Patroni. Quippe præiudicium fit iuri præsentandi quod habet in illa, cum vel tollitur omnino, vel minuitur, vel saltem notabiliter mutatur. Et ideo vt rata sit talis vnio requiritur consensus Patroni. Constat ex cap. *suggestum* de *Iure patronatus.* Nauar. lib. 3. *consil. in 1. edit. tit. de Iure patronatus* cons. 3. num. 2. Azor. tom. 2. *instit. moral. lib. 6. cap. 28. q. 12.* Quod est verum siue Patronus sit sæcularis, siue Ecclesiasticus. Sanchez lib. 7. in *decalog. cap. 29. nu. 168.*

7 Quamuis autem Ius patronatus ratione horum fauorum, scilicet, honoris, vtilitatis, & defensionis non sit materia Simoniz, cum sint res temporales. Suarez tom. 1. de *Relig. lib. 4. de Simonia* cap. 28. num. 3. Nihilominus sumptum quatenus est ius præsentandi ad Ecclesiastica beneficia in Ecclesia fundata, constructa, vel dotata, materia Simoniz est, ac subinde peccatum Simoniz illud vendere. ex cap. *de iure*, & ex cap. *præterea*, vbi id habetur expressè: est enim aliquid spirituale sicut beneficium ad quod conferendum ordinatur. Suarez *ut supra* num. 5. Bonacina de *Simonia* q. 4. §. 11. num. 3. Qui etiam satis probabiliter dicunt non solum committi Simoniam iure humano introductam in venditione Iuris patronatus, propter prædicta iura, sed etiam iuris diuini. Nam posita institutione Ecclesiæ ius hoc est aliquid spirituale. Specificatur enim ad modum potentiz à suo obiecto, quod est beneficium Ecclesiasticum, quod etiam est quid spirituale. Idem dicendum de actu illius iuris, scilicet præsentationem ad beneficium, materiam esse Simoniz. Est enim spirituale, quia per ipsum res spiritualis, scilicet beneficium, confertur, & procedit à principio spirituali, scilicet Iure patronatus. Redoanus de *Simonia* 3. par. cap. 13. à num. 22. & cap. 14. *per totum.* Suarez *ut supra* num. 11. Vnde præsentans non potest ob præsentationem imponere aliquod onus præsentato ad quod alias non teneretur, vt si obliget illum ad tuendum ius præsentantis, & ad litem pro ipso prosequendam. Cum enim præsentatio sit res spiritualis gratis debet dari, non ob mercedem. Vgolinus Tab. 1. cap. 49. Suarez *ut supra* num. 14.

Cc

Sed

8. Sed quamvis Ius patronatus vendi non possit, transire tamen potest cum re vendita, dummodo ratione illius res illa carius non vendatur. Ratio primæ partis est, quia ius Canonici cum quod hanc gratiam Patrono fecit, ut præsentaret beneficia in Ecclesia propter fundationem, constructionem, aut donationem ipsius, similiter illam concessit pro hæredibus, & successoribus, *cap. ex litteris, cap. cum saculum de iure Patron.* Ratio verò secundæ est, quia alias iam venderetur illo maiori pretio ipsum Ius patronatus. Tabiena *verbo Ius patronat. à nu. 7.* Suarez *to. 1. de Relig. lib. 4. de Simon. cap. 28. num. 12. & 13.*

9. Non potest Patronus Ius patronatus in alios transferre nisi modo, & casibus à iure expressis. Ratio est, non solum quia in spiritualibus non possunt laici nisi quod eis à iure permittitur, sed etiam quia ipsa natura Iuris patronatus pendet ab institutione iuris Canonici, & ita ad nihil extendi potest, nisi quod illi à iure conceditur. Menochius *conf. 90. nu. 79.* Suarez *to. 1. de Relig. lib. 4. de Simon. cap. 28 nu. 15.*

10. Hinc tantum tribus modis, aut casibus potest Ius patronatus ex vno ad alium transire. Quia in his tantum hæc facultas Patrono conceditur à iure. Primus est, hæreditario ad hæredes, siue necessarios, siue voluntarios, *cap. considerandum, & cap. si plures 16. q. 7.* Secundus est, per liberalem donationem, quia unusquisque potest in alium transferre ius suum, *c. Circa de iure patronat.* Requiritur autem ad hoc Episcopi consensus, nisi in casu quo donatio fiat loco Religioso, ut colligitur *ex cap. unico de iure patronat. in 6. & cap. illud.* Tertius est, quando transferatur Ius patronatus cum re vendita, iuxta *cap. ex litteris, & cap. Cum saculum, de iure patronat.* De quibus, & alijs ad intentum Suarez *tom. 1. de Relig. lib. 4. de Simon. cap. 28. à num. 15. & deinceps.*

11. Si Ius patronatus conveniat alicui iure personæ, si fiat Religiosus transit in Monasterium, quia Monasterium succedit in omnia iura Religiosi. Rodriguez *tom. 2. quest. Regul. q. 122. ar. 2. §. At contrarium.* Sanchez *lib. 7. in decalog. cap. 14. num. 2.* Si autem Ius patronatus conveniat alicui non ratione personæ, sed ratione bonorum suorum quibus est annexum, tunc si fiat Religiosus tale ius pertinebit ad quem pertinent bona, scilicet vel ad Monasterium, si est capax succedendi, vel ad illum ad quem bona illa transferuntur. Accessorium enim sequitur principale. Rodriguez *ut supra §. quantum ad primum.* Sanchez etiam *ut supra num. 5.* Quæ autem Monasteria capacia sint succedendi in bona Religiosi, maxime in Ius patronatus dicitur *cap. ultimo*

num. 11.

num. 11. & 22. Si verò Ius patronatus conueniat alicui, ita vt industria personæ sit electa ad tale munus, tunc si fiat Religiosus, etsi secundum decentiam, & æquitatem, Monasterium, seu Superior non debeant præsentare saltem sine consilio talis Religiosi, vt de se patet, tamen ius præsentandi non Religioso sed Monasterio, vel Superiori competit, quia Religiosus non habet velle, neque nolle, vt habetur in Iure. Adeo vt si fundator Iuris patronatus dixisset tale ius competere debere Petro v.g. ita vt si fiat Religiosus nominet inuito Prælato, talis conditio reiici debeat, ac si non fuisset adiecta, quia scilicet est contra ius commune, vt Religiosus aliquid agat inuito Prælato, vt in simili dictum est to. 1. cap. 6. nu. 34. Rodriguez vt supra § *Quantum ad tertium*. Vide infra num. 15.

12 Nouitius autem Patronus habens Ius præsentandi ad ali- quod beneficium per se ipsum debet id facere, cum simpliciter non sit Religiosus, nec suum ius in Monasterium transtulerit. Glossa in cap. *Beneficium verbo conferendum in fin.* Siluester verbo *Religio* §. 11. Sanchez lib. 7. in decalog. cap. 4. num. 12.

13 Si Monachus fundaret, construeret, vel dotaret Ecclesiam Ius patronatus quod inde resultaret Monasterio suo acquireret. Ex generali regula, quod quidquid Monachus acquirit Monasterio acquirit. Lambertinus de Iure Patronatus lib. 1. par. 1. quest. 8. art. 9. num. 7. Sanchez lib. 7. in decalog. cap. 14. num. 4.

14 Quoties Ius patronatus transit in Monasteriū, neque solus Abbas, seu Superior præsentare potest, nisi hoc habeat ex præscripta consuetudine, vel priuilegio, sed id est totius Conuentus, cuius maior pars consentire debet, vt præsentatio legitima sit. Habetur ex cap. *Nouit.* & cap. *Quanto*, & cap. *ea noscitur de his que fiunt à Prælato*. Lambertinus de Iure patron. lib. 2. par. 1. q. 2. art. 12. num. 2. & 3. Sanchez lib. 7. in decalog. cap. 14. num. 7. Quod si præsentatio fiat à solo Prælato absque maioris partis consensu, probabilius est irritam esse. Quia etsi in cap. *ea noscitur* solum dicatur, *Institutiones huiusmodi conuenit euacuari*, quod solum denotat præsentationem esse irritandam, attamen in cap. *Nouit*, de his que fiunt à Prælato, absolute decernitur *carere robore firmitatis*. Lambertinus vt supra n. 6. Sanchez etiam vt supra num. 8.

15 Præsentatio beneficii facta à Religioso ratione Iuris patronatus quod illi compete- bat dum esset sæcularis non solum est illicita, si fiat sine licentia Prælati, quia vt dictum est Religiosus non habet velle, vel nolle, sed etiam est inualida, quia

per professionem Ius patronatus iam non est suum, sed Monasterij. Lambert. *de Iure patronat* l.2.p.1.q.2.ar.11.n.ult. Sanchez 7. in *decal. cap. 14. num. 10.*

16. Quando autem presentatio, vel electio non competit Religioso ratione Iuris patronatus, sed ex eo quod constitutus est à verò Patrono, aut veris electoribus procurator ad presentandum, aut eligendum, tunc, etsi presentatio, aut electio ab ipso facta sine licentia Prælati illicita sit, quia Religiosus, ut dictum manet, non habet velle, aut nolle, probabile tamen est validam esse, non solum quia nullo iure irritatur, sed etiam, quia cum tunc non faciat Religiosus nomine suo, sed ut Procurator nomine alterius non consideratur ad validitatem actus personæ ipsius Religiosi, sed illius qui illi suas vices commisit. Sanchez 7. in *decal. cap. 14. à num. 11.*

17. Catholici Reges Hispaniarum Patroni sunt in illis partibus Ecclesiarum Collegiatarum secularium, & Regularium, multarum scilicet, & ita in illis presentant Abbates, & alios Præpositos, ex concessione Adriani vi. Navar. in *cap. Nullam d. 18. q. 2.* Rodriguez *tom. 2. quæst. Regul. q. 122. art. 4.* Presentari tamen debent suæ Regiæ Maiestates dignos, iuxta *cap. Monasterium 16. q. 1.* Navarrus, & Rodriguez *ibid.* An verò digniores debeant esse ij, qui presentandi sunt, constabit ex num. 20.

18. Possit aliquem de bonis incertis, quæ pauperibus sunt restituenda fundare Ecclesiam reservando sibi, suisque successoribus Ius patronatus, etsi aliqui negent, alij probabiliter affirmant. Quia etsi illa bona non sint simpliciter ipsorum, cum possint tamen illa in pia opera distribuere, si ex eis fundent, vel dotent aliquam Ecclesiam sibi, & successoribus prædictum Ius patronatus reservando, nulli faciunt iniuriam. Henriquez 1. p. lib. 7. *de Indulgentijs 33 num. 5.* Rodriguez *to. 2. quæst. Regul. q. 122. ar. 5.*

19. Præter dictos Patronos, habentes scilicet facultatem presentandi in Ecclesijs à se fundatis, constructis, vel dotatis ad beneficia, sunt alij qui Patroni etiam vocantur eo quod etiam aliquam Ecclesiam, Conventum, vel Capellam Regularium fundarunt, construxerunt, vel dotarunt, & tamen prædictam facultatem presentandi non habent, sed à principio fundationis, constructionis, vel dotationis, Missarum aliquarum, vel officiorum divinatorum solemnities in dictis locis quotannis celebrari instituerunt. Et hi non propriè, prout in presenti Patroni dicuntur. Illi autem, qui facultatem habent nominandi Capellanos in aliqua Ecclesia, vel Capella, ratione fundationis, constru-

conſtructionis, vel dotationis proprius merentur nomen Patronorum, maximè cum Capellaniz Epifcopi auctoritate inſtitutæ ſint. Tales namque Capellaniz, etſi amouibiles ſint ad nutum Epifcopi, vel Patroni, hoc tamen non obſtat quominus beneficia Eccleſiaſtica, vel quaſi beneficia dicantur, ad inſtar beneficiorum Regularium, quæ etiam, vt dictum ſæpius eſt, reuocabilia, & manualia ſunt. De hoc Azorius *tom. 1. inſtit. moral. lib. 10. cap. 4. q. 2.* Suarez *tom. 2. de Relig. lib. 4. de orat. cap. 22. num. 11.* Layman. *in Theol. moral. lib. 4. tract. 2. cap. 4. nu. 6.*

20 Tenentur Patroni quicumque illi ſint ad beneficia præſentare digniores. Colligitur ex Concil. Trid. *ſeſſ. 24. cap. 18.* illis verbis: *Si verò Iurispatronatus Eccleſiaſticus erit, ac inſtitutio ad Episcopum, & non ad alium pertineat, is, quem Patronus digniorem inter probatos ab examineribus iudicabit, Episcopo præſentare tepeatur.* Et ratio eſt, quia licet beneficia primò, & per ſe inſtituta ſint in vtilitatem Eccleſiæ, nihilominus ſunt etiam præmia illorum, qui in Eccleſia virtute, & doctrina proficiunt, licet ergo propter hanc rationem electores ad beneficia tenentur eligere digniores, ſic etiam Patroni præſentantes, qui ſuccedunt prædictis electoribus. Molina *lib. 2. de primog. cap. 5. num. 69.* Aragon. *2. 2. q. 63. art. 2. & q. 62. ar. 2.* Sanchez *lib. 2. conſil. moral. cap. 1. dub. 5.* Sunt autem aliqui, qui probabiliter credunt Patronos laicos, eos ſcilicet, quibus competit Ius patronatus ratione foundationis, conſtructionis, vel dotationis factæ ex bonis proprijs, ſeu patrimonialibus ſatisfacere plerumque obligationi ſuæ, ſi libero præſentandi iure præditi, ſolùm dignos, & idoneos, non autem digniores præſentent. Si quidem hac gratia, vel fauore ab Eccleſia decorati videntur ob obſequia præſtita ipſi fundacione, conſtructione, vel dotacione, vt poſſint quos voluerint præſentare, dummodo poſitiuè cognoscant eos dignos, & idoneos eſſe, & periculum nullum Eccleſiam ſubituram ex illorum prouiſione. Ita etiam videtur colligi ex loco Tridentini adducto vbi ſolùm eſt ſermo de Patrono Eccleſiaſtico non de laico. Imò poſtea ſermonem faciens de Patrono laico dicit: *Si Ius patronatus laicorum fuerit, debeat, qui à Patrono præſentatus erit, ab eiſdem deputatis vt ſupra, examinari, & non niſi idoneus repertus fuerit, admitti.* Quo denotare videtur Concilium poſſe Patronum laicum præſentare ſolummodo dignum, & idoneum. Garzias *lib. 7. cap. 16. num. 19.* Rodriguez *tom. 1. Summ. cap. 106. concl. 6.* Layman. *in Theol. moral. lib. 4. tract. 2. cap. 15. num. 7.* Addens bene aliam rationem eſſe de Prælatiſ, & Patroniſ Eccleſiaſticis, nam illi ex officio incumbit Eccle-

Ecclesiæ meliori modo prospicere, ac per consequens beneficia ex bonis Ecclesiasticis fundata, sine vlla personarum acceptione dignioribus conferre.

21 Præsentare autem indignum, si dignus haberi potest, semper est mortale peccatum. Tum ex gravitate poenarum, quæ Canonico iure indigni electioni, & collationi decreta sunt *cap. cum in cunctis de elect. cap. grave nimis de præbend.* Tum ex incommodis, quæ exinde Ecclesiæ accidere solent. Petrus Navar. *lib. 2. cap. 2. nu. 119.* Layman. *in Theolog. mor. lib. 4. tract. 2. cap. 15. num. 1.* Pro poenis autem quas incurrunt Patroni indignos præsentantes, vide Siluestrum *in Summ. verb. Ius patronatus q. 7. & Sanchez tom. 1. consil. moral. lib. 2. cap. 1. dub. 6. à nu. 15.*

22 Patroni Iuris patronatus laici possunt variare; id est; postquam vnum præsentarunt, præsentare etiam alterum, quo casu iudicio Episcopi relinquitur; vter eorum tanquam magis idoneus præferri debeat. Ita enim supponitur *in cap. quod autem de Iure patronatus.* In Patronatu autem Ecclesiastico qui primò præsentatus est, si idoneus sit, institui debet: Propter decisionem *cap. cum autem eodem tit.* Layman. *in Theol. mor. lib. 4. tract. 2. c. 13. num. 6.*

23 Conditiones appositæ à fundatore Iuris patronatus, ob cultum scilicet diuinum, sui memoriam, commodum, vel honorem suæ familiæ nullatenus mutari possunt. Tum quia pia, & honestæ voluntates defunctorum observari debent *Li. 1. C. de SS. Eccles. cap. ultima voluntas 13. q. 2.* Tum etiam quia fundatorem crexisse Ius patronatus illis conditionibus arguit inter ipsum, & præfatos Ecclesiæ illas admittentes intercessisse pactum de illis non alterandis, ac perinde contra iustitiam peccare aliter facientes. Vnde insignia fundatoris posita in Ecclesia, vel Capella, quam fundavit, construxit, vel dotavit, sepulchrum pro se, & descendantibus, seu hæredibus in ea positum, & similia nullatenus auferri possunt, etiam si familia extincta sit, ad conservandam memoriam fundatoris, & ne alij pii homines ab huiusmodi pijs operibus arceantur. Lambertin. *de Iure patronat. q. 5. principali ar. 4.* Layman. *in Theolog. mor. lib. 4. tract. 2. cap. 13. num. 14. & 15.* Secus videtur dicendum de alijs benefactoribus, qui Ecclesiam, vel Capellam non fundarunt, construxerunt, aut dotarunt, sed solum ibi Ius sepulturæ sibi compararunt, & suis hæredibus. Et si enim illis, & eorum hæredibus inuitis alios ibi sepelire non liceat, quia talia sepulchra instar hospitia, & fundi ipsorum censentur; postquam tamen tota ipsorum progenies est extincta, probabile est posse ibi sepulturam alijs concedi.

Tum

Tum quia sicuti mortis usufructuarij eiusque descendendum reddit usufructus ad proprietarium, iuxta *L. corruptionem C. de usufructu*, ita etiam ius sepulturæ, mortuo benefactore, & eius hæredibus, redeat ad Ecclesiam. Tum etiam, quia alioquin impedirentur alij quominus Ecclesiam ornare, & beneficijs augere possint: Angelus in *Summ. verb. sepultura nu. 41. Armilla num. 24. Rodriguez tom. 3. quest. Regular. q. 58. art. 10.* Declaratum tamen dicitur à S. Congregatione in causa RR. PP. Discalceatorum nostri Ordinis, fundatorem alicuius Monasterij non posse hanc legem imponere Fratribus, ut in Collecta quæ pro Rege dicitur etiam ipsius fundatoris nomen exprimeretur. *Barbosa in Collect. Bullar. verb. fundatio.*

24 Conditiones autem aliæ assignatæ à fundatore Iuris patronatus, quæ fuerint contra ius naturale, aut diuinum, inualidæ sunt, nec observandæ: cum ius naturale, & diuinum indispensabilia sint, nec villo modo contra ea aliquid effici possit. Maior in *4.d. 24. q. 9. & q. 3. ad 4. Lambertinus de Iure patronatus lib. 1. p. 1. q. 9. princip. ar. 1. num. 37. & 38.* Hinc si fundator poneret pro conditione quod ad beneficium admittatur indignus, talis conditio observanda non est, ut pote contra ius diuinum, & & naturale. Aragon, *2. 2. q. 63. art. 2. Sorus 3. de iust. q. 6. art. 2. ante 10. conclus.* Si autem pro conditione peneret quod posset præsentari dignus, omisso digniori, valida esset, & observanda, quia talis conditio non est contra ius naturale, aut diuinum in casu; quo beneficium fundatum est non ex bonis communibus Ecclesiæ (quia ut sic digniori dari deberet) sed ex bonis ipsius Patroni, seu fundatoris. Maior in *4.d. 24. q. 3. ad 4. Sanchez to. 1. consil. moral. lib. 2. cap. 1. dub. 10. num. 18.* Similiter si appositæ conditio sit de non præsentando nisi de sua familia, aut progenie, valida etiam erit, & observanda, cum non sit contra ius naturale, aut diuinum, eo quod fundatio talis beneficij non est ex bonis communibus Ecclesiæ, quæ omnibus debentur, sed de bonis particularibus, quæ potest quisque dare cui voluerit. Couarrubias *Reg. peccatum 2. p. §. 7. num. 5. Sanchez ut supra num. 14.* Semper tamen supponenda est dignitas personæ præsentandæ, & ideo indignus quantumvis de illa familia præsentari non potest, nec conditio de illo præsentando valida erit; iuxta dicta, & præsertim, quia indignus semper est, aut præsumitur Ecclesiæ nocius. Nauar. *Miscellan. 43. num. 76. Ledesina 2. par. 4. q. 18. art. 2.* Si autem conditiones appositæ à fundatore Iuris patronatus solum sint contra ius positium, pensandum est an Ordinarius, de cuius consensu fundatur, iuxta dicta supra
num. 3.

75 Potest etiam ab eiusdem sententia appellari. Tum quia ita praxi receptum est, tum quia etsi in notorijs non admittatur appellatio, quia tamen in infligenda pena potest Conseruator excedere, & procedere in causa dubia, ideo admittitur appellatio. *Farinac. in prax. crim. q. 21. num. 118. usque ad 128. Barbosa de offic. & potest. Episc. alleg. 106. num. 33.* Apellandum autem est ad solum Papam, quia Conseruator est Iudex à Papa delegatus. *Tuscanus verbo Conseruatores concl. 760. nu. 6. Ancharan. consil. 72. num. 1. Barbosa de offic. & potest. Episc. alleg. 106. num. 4.* Quando autem ab ipsis appellari potest, aut debet, vide Monetam de Conseruatorib. cap. 9. nu. 180.

76 Circa munera ab huiusmodi Conseruatoribus non accipienda, & expensas euitandas Bonifac. vii. in Constit. quæ incipit *Hac Constitutione*, quæ est cap. fin. de offic. & potest. iudic. deleg. in 6. & innouatur in prædicta Constitutione Greg. xv. præcipit obseruandum, quod ipse alias præceperat in alia Constitutione de Iudicib. deleg. quæ habetur in cap. statutum de rescriptis in 6. § *Insuper*, ubi sic. *Insuper ut gratis, & cum omni puritate iudicium coram ipso procedat nullum munus, vel quicquid aliud nisi forsan esculentum, vel poculentum mera liberalitate oblatum, quod paucis consumi possit diebus, vel nisi cum ipsum propter causam sibi commissam contigerit extra suum domicilium proficisci, moderatas expensas recipere ab eisdem partibus qualitercumque præsumat.* Prouisurus attente quod in ipsis expensis modum nequaquam excedat, nec plus ab una parte, quam ab alia exigat, cum commune gerat negotium utriusque: quandoque (ubi causa sibi commissæ utilitas, vel necessitas non exegerit) occasionem propter habendas expensas proficiscendi extra domicilium non assumat: sed, & ubi notabiliter fuerint pauperes litigantes etiam nil prorsus exigat ab eisdem.

77 Circa assessores autem, & notarios prædictorum Conseruatorum, & illas personas, quæ testimonijs causa vocantur ab eis idem Bonifac. vii. in dicto cap. fin. quod innouatur per Constitutionem Greg. xv. præcipit obseruandum id quod ipse alias præceperat de Iudicibus delegatis in illa Constitutione, seu cap. statutum de rescriptis in 6. ubi sic habetur. *Assessorem autem, ut quandoque faciunt aliqui fraudulenter, nisi eo indigeat, quod conscientie relinquatur eiusdem, sibi nequaquam adiungat: alioqui de suo proprio providere teneatur eidem. Si autem indigeat, ipsum neutri parti suspectum assumens, ei de competenti salario, provide moderando ab eo faciat à partibus communiter provideri. Notarium vero, vel Notarios in causa sibi commissæ scribentes qui*

qui ut plurimum in exigendo salario, metas rationis excedunt, (ut ad ipsius spectat officium) providenter refrenat. Nec cum ipsis, aut cum assessore prefato lucrum participet ullo modo. Si quid autem contra Constitutionem presentem receperit ad ipsius restitutionem integram teneatur, nulla eorum quibus restitutio facienda fuerit, remissione ullatenus profutura eidem. Proferendo quoque testimonio, (prætextu cuius, aliqui alios fraudulenter interdum à Iudiciis vocari procurant, ut eos laboribus, & expensis fatigent, aut retorqueant aliquid ab eisdem) nullum ullatenus conuocet, nisi quando conditio, & status causæ requirent. Sed nec tunc (nisi à producente) competentes vocato pro testimonio veniendo, stando, & redeundo faciat ministrari expensas. Quicquid autem contra præmissa, vel eorum aliquod contigerit attentari, sit ipso iure irritum, & inane.

78 Horum Conseruatorum priuilegia sunt primum, quod omnium ieiuniorum, orationum, ac sacrificiorum, ac quorumcumque aliorum bonorum, in Religione faciendorum, & recitandorum participes sint, & illis communicata sunt, & esse debent, sic enim concessit Iulius 11. Conseruatoribus Minimorum in Bulla *Alias venerabilem* apud Peirinis tom. 1. priuileg. *Minimor. in Iulio II. Constitut. 4.* Sorbus in *Compend. priuileg. Mendicant. verbo Conseruatores Ordin. S. Clemens VII. Secundum*, quod Conseruatores per prædictos Minimos capitulariter pro tempore electi semel in vita, & in morte plenariam omnium peccatorum Indulgentiam consequuntur. *Ac quinque orationem Dominicam, & toties salutationem Angelicam recitando, omnes, ac singulas Indulgentias quas diebus Indulgentiarum omnium Ecclesiarum dicte Vrbis, & extra illius muros pro stationibus deputatarum consequuntur Ecclesias Vrbis, & extra muros huiusmodi visitantes planè, ac integrè consequantur, & consequi possint, ac si indulgentiarum huiusmodi diebus Ecclesias Vrbis, & extra muros huiusmodi, & earum quamlibet personaliter visitarent.* Sic enim concessit idem Iulius 11. in alia Bulla apud eundem Peirinis tom. 1. priuileg. *Minim. in Iulio II. num. 1.* Similiter Clem. vi 1. concessit moderno, & pro tempore Generali Minimorum, ut Conseruatoribus plenariam omnium suorum peccatorum Indulgentiam semel dumtaxat singulo quoque triennio elargiri posset, ipsique Conseruatoribus, ut de licentia dicti Generalis eligere possent Confessarium idoneum eiusdem Ordinis qui eos ab omnibus casibus etiam Episcopalibus, & censuris Ecclesiasticis absoluere posset, pœnitentia salutari iniuncta. Ita habetur inter priuilegia Minimorum apud Peirinis

tom. 1. inter Constitutiones Clem. VII. nu. 9. Sed quia hæc concessio nõ fuit nisi per viuæ vocis oraculum facta, ideo hoc tempore quo omnes tales concessiones reuocatae sunt à SS. D. N. Urbano, nihil valet. Si autem innouetur ab aliquo Pontifice Confessorius ille approbatus debet esse ab Ordinario, iuxta doctrinam Concilij sess. 23. cap. 15. Rursus quantum ad absolutionem à casibus Episcopalibus cauenda est transgressio decreti S. Congregationis sub Clemente VII. & SS. D. N. Urbano, de quo tom. 1. cap. 19. nu. 17. Vide Peirinis to. 1. priuil. Minim. in Const. 9. Clem. VII. §. 2.

79 Extat tandem decretum S. Congregationis Concilij; vel declaratio ab ipsa facta apud Barbosam in Collect. Bullar. verbo Conseruator, vbi habetur debere Regulares Conseruatores eligere in singulis Diœcesibus, in quibus Monasteria, Conuentus, seu domos Regulares habent. Cum autem hæc decisio S. Congregationis facta fuerit anno 1628. & 1633. videtur inferri per illam (si certa est) declarari Constitutionem Greg. xv. & quod non sufficiat vnus Conseruator pro multis Diœcesibus.



SUMMARIVM CAP. XI.

- Ius patronatus est potestas alicui concessa presentandi ad beneficium in aliqua Ecclesia . num. 1.*
Patronus est ille qui habet tale ius . ibid.
Duplex est ius patronatus, Ecclesiasticum, & laicum. ibid.
Quid utrumque. ibid.
Vt aliquis sit Patronus aliquot conditiones sunt necessariae. num. 2.
Interueniente etiam auctoritate, & consensu Ordinarij . num. 3.
Quid autem si Ordinarius non consenserit . ibid.
Potest ius patronatus prescriptione acquiri . num. 4.
Non sic respectu electionis Prælatorum . ibid.
Est honorificum, utile, & onerosum. num. 5.
Ecclesia que est Iuris patronatus uniri non potest sine consensu Patroni . num. 6.
An sit materia simonie, & quomodo. nu. 7.
Quid de actu istius iuris, scilicet presentatione ad beneficia . ibid.
Transire tamen potest cum re vendita. num. 8.
Dummodo ratione illius res carius non vendatur. ibid.
Non potest Patronus ius patronatus in alios transferre, nisi modo, & casibus à iure expressis. nu. 9.
Tribus modis potest ex vno ad alium transire. num. 10.
An transeat in Monasterium si Patronus fiat Religiosus . num. 11.
Que Monasteria sint capacia . ibid.
An tunc debeat presentare Religiosus, vel potius Monasterium, vel Superior . ibid.
Novitius Patronus per se ipsum debet id facere . num. 12.
Quid si Monachus fundaret, construeret, vel dotaret Ecclesiam . nu. 13.
Quis debeat presentare, Superior, vel Monasterium. num. 14.
Presentatio beneficij facta à Religioso sine licentia Prælati an sit irrita. nu. 15.
Quid quando Religiosus presentat ut procurator . num. 16.
Catholici Reges Hispaniarum Patroni sunt in illis partibus . nu. 17.
Propterea in illis presentant. ibid.
An debeant presentare digniores . ibid.
An possit quis de bonis incertis fundare Ecclesiam referuando sibi ius patronatus . num. 18.
Quid dicendum de fundatoribus Capellarum . nu. 19.
An habentes facultatem nominandi Capellanos sint Patroni . ibid.

Tenantur

Tenentur Patroni ad beneficia præsentare digniores . num.20.

An idem de Patronis laicis . ibid.

Præsentare indignum semper est peccatum mortale . num.21.

Quas pœnas incurrat sic faciens . ibid.

Patroni an possint variare . nu.22.

Conditiones appositæ à fundatore Iurispatronatus qualiter obseruandæ . num.23.

Insignia non auferenda . ibid.

Quid de alijs benefactoribus , qui solum ius sepultura habent . ibid.

Conditiones appositæ contra ius naturale , vel diuinum non obseruandæ . num.24.

Quid si eæ sint contra ius positium . ibid.

Num possint Patroni se ipsos præsentare . num.25.

An pater filium . ibid.

An quando plures sunt compatroni . ibid.

An possint exigere aliquod seruitium , vel tributum . num.26.

Quid si consuetudo sit in contrarium . ibid.

An requiratur quod concordent omnes Patroni in præsentando . num.27.

Quid si dissentiant . ibid.

Præsentantes aliquem Apostatam quam pœnam incurrunt . num.28.

Quando faciendus est concursus inter præsentatos . nu.29.

Quæ declarata sint circa Patronos . nu.30.



De Patronis Monasteriorum, seu Ecclesiarum
Regularium, eorumque facultatibus.

Cap. XI.



IUS patronatus est potestas alicui concessa præsentandi instituendum ad beneficium Ecclesiasticum in Ecclesia pro eo quod eam fundauit, construxit, vel dotauit. Rodriguez *tom. 2. quest. Regul. q. 122. art. 1.* Vnde Patronus erit ille qui habuerit tale ius, & Patronus Monasteriorum Regularium, ille qui habuerit tale ius in Monasterijs, seu Ecclesijs Regularium, de quo in præsentī. Non enim loquimur de iure patronatus ciuili, scilicet, quod iure ciuili introductum fuit, & conuenit Patrono respectu liberti, seu bonorum eius, sed de iure patronatus Canonico. Hoc autem ius patronatus est duplex, Ecclesiasticum scilicet, & laicum. Ius patronatus Ecclesiasticum est, quod competit personæ Ecclesiasticæ, vel ratione dignitatis, aut beneficij sui, puta, quia est Episcopus, Præpositus, Decanus, vel ratione foundationis, constructionis, vel dotationis à se factæ ex bonis Ecclesiasticis. Laicum est, quod conuenit alicui, seu laicæ, seu Ecclesiasticæ personæ, ratione foundationis, constructionis, vel dotationis ex bonis proprijs, sine patrimonialibus. Couarrubias *cap. 36. præf. qq. nu. 2.* Layman. in *Theolog. mor. lib. 4. tract. 2. cap. 13. num. 4.*

2 Ad hoc quod aliquis sit Patronus, seu, ut habeat prædictum ius Patronatus in prædictis Monasterijs, seu Ecclesijs Regularium requiritur primò quod illud acquisierit vno ex tribus modis supra assignatis, scilicet fundacione, constructione, vel dotatione. Franciscus Leo in *thesaur. fori Ecclesi. par. 2. cap. 6. n. 25.* Barbosa de *offic. & potest. Episc. alleg. 70. num. 1.* Fundacione quidem quando assignauit fundum ubi construi deberet, *cap. nobis de iure patronatus.* Iulianus Viuianus in *praxi Iuris patronatus par. 1. lib. 1. cap. 1. à num. 32.* Barbosa *ut supra num. 2.* Constructione, quando fecit expensas pro construenda de nouo Ecclesia. Azorius *instit. moral. par. 2. lib. 6. cap. 11. q. 10.* Zerola in *praxi Episc. verbo Ius patronatus pag. 179.* Dotatione autem quando eam fundatam, & constructam dotauit sufficienter arbitrio Ordinarij. Viuianus *dict. part. 1. lib. 1. cap. 1. à num. 51.*

num. 51. Barbosa *ut supra* à num. 9. Hinc versus
Patronum faciunt dos, edificatio, fundus.

Rodriguez *tom. 2. quest. Regular. q. 49. art. 7.* Layman. *in Theolog. mor. lib. 4. tract. 2. cap. 13. num. 1.* Dotans autem insufficienter ad arbitrium Ordinarij non acquirit ius patronatus, sed dicitur benefactor. Declaratio S. Congregat. apud Garziam *de Benefic. p. 5. cap. 9. num. 52.*

3 Ex prædictis tribus causis acquiritur Ius patronatus, interueniente tamen auctoritate, & consensu Ordinarij, & non aliter, *ex cap. nobis de Iure patronatus.* Iulianus Viuianus *par. 1. lib. 1. cap. 1. num. 24.* Barbosa *ut supra* num. 20. Ordinarij videlicet illius loci, in quo fundatur Ecclesia. Viuianus num. 30. Barbosa num. 23. Si autem suum consensum præstare noluerit, potest ad eum præstandum compelli à Superiori, Archiepiscopo scilicet, vel Primante. Viuianus *in praxi Iuris patronatus lib. 2. cap. 1. num. 19. & 20. alias 22. in 2. edit.* Azorius *instit. moral. par. 2. lib. 9. cap. 3. q. 10.*

4 Potest item Ius patronatus etiam à laicis præscriptione, vel consuetudine acquiri. *ex cap. quarelam de elect. & ex cap. generali 13.* Barbosa *ut supra* num. 17. post alios. Quod tamen limitandum videtur ut non verificetur respectu electionis Prælatorum, ita ut nulla consuetudine, aut præscriptione iuari possit Patronus ad habendum suffragium in aliqua electione Prælati Regularis. Ratio est, nam id est expresse contra Canones Ecclesiasticos, Ecclesiasticam vtilitatem, & disciplinam. Nauar. *comment. 3. de Regularib. num. 60.* Suarez 4. *tom. de Relig. tract. 8. lib. 2. cap. 6. num. 19.* Quod sic confirmatur, nam Ius eligendi Prælatus Regularem competit solum eis qui sunt de Collegio, *cap. Quia propter de elect. & cap. ex eo,* siue ergo secularis sit, siue etiam Clericus patronus non potest hoc ius habere. Suarez *et supra* num. 9. Barbosa etiam *ut sup. num. 19.*

5 Hoc Ius patronatus habet multa ex iure Canonico ratione quorum honorificum, vtile, & onerosum dicitur. Honorificum quidem, quia Patrono conuenientia obsequia præstari debent, & præsertim illi conceditur honorificus locus in sua Ecclesia. Vtile, quia si Patronus ad egestatem deueniat, Ecclesia debet ei succurrere maiori cura, & obligatione quam alijs pauperibus, *cap. Quicumque* cum sequentibus. Cui adiungitur saltem ex consuetudine Religionum, quod pro huiusmodi Patronis tum viuis, tum defunctis Orationes, suffragia, & sacrificia fieri soleant, prout debent fieri adminus titulo gratitudinis, cum sint insignes benefactores Monasteriorum. Onerosum autem, quia

quā Patronus licite potest defendere suam Ecclesiam ne bonae eius dilapidentur, modo praescripto in cap. *filys* 16. q. 7. Quae omnia veluti ex natura rei sequuntur ex beneficio quod Patronus fecit Ecclesiae eam fundando, construendo, vel dotando. Innoc. in cap. *præterea* 2. de *Iure patronat.* Suarez tom. 1. de *Relig.* lib. 4. de *Simoniam* cap. 28. nu. 1. Layman in *Theolog. mor.* lib. 4. tract. 2. c. 13. num. 8.

6 Insuper Ecclesia quae est Iuris patronatus vniri non potest alij Ecclesiae sine consensu Patroni. Quippe praesudicium fit iuri praesentandi quod habet in illa, cum vel tollitur omnino, vel minuitur, vel saltem notabiliter mutatur. Et ideo ut rata sit talis vnio requiritur consensus Patroni. Constat ex cap. *sugessum* de *Iure patronatus.* Nauar. lib. 3. *consil.* in 1. edit. tit. de *Iure patronatus* conf. 3. num. 2. Azor. tom. 2. *instit. moral.* lib. 6. cap. 28. q. 12. Quod est verum siue Patronus sit secularis, siue Ecclesiasticus. Sanchez lib. 7. in *decalog.* cap. 29. nu. 168.

7 Quamuis autem Ius patronatus ratione horum fauorum scilicet, honoris, vtilitatis, & defensionis non sit materia Simoniae, cum sint res temporales. Suarez tom. 1. de *Relig.* lib. 4. de *Simoniam* cap. 28. num. 3. Nihilominus sumptum quatenus est ius praesentandi ad Ecclesiastica beneficia in Ecclesia fundata, constructa, vel dotata, materia Simoniae est, ac subinde peccatum Simoniae illud vendere. ex cap. de *iure*, & ex cap. *præterea*, ubi id habetur expresse: est enim aliquid spirituale sicut beneficium ad quod conferendum ordinatur. Suarez ut supra num. 5. Bonacina de *Simoniam* q. 4. §. 11. num. 3. Qui etiam satis probabiliter dicunt non solum committi Simoniam iure humano introductam in venditione Iuris patronatus, propter praedicta iura, sed etiam, iuris diuini. Nam posita institutione Ecclesiae ius hoc est aliquid spirituale. Specificatur enim ad modum potentiae à suo obiecto, quod est beneficium Ecclesiasticum, quod etiam est quid spirituale. Idem dicendum de actu illius iuris, scilicet praesentationem ad beneficium, materiam esse Simoniae. Est enim spirituale, quia per ipsum res spiritualis, scilicet beneficium, confertur, & procedit à principio spirituali, scilicet Iure patronatus. Redoanus de *Simoniam* 3. par. cap. 13. à num. 22. & cap. 14. per totum. Suarez ut supra num. 11. Vnde praesentans non potest ob praesentationem imponere aliquod onus praesentato ad quod alias non teneretur, ut si obliget illum ad tuendum ius praesentantis, & ad litem pro ipso prosequendam. Cum enim praesentatio sit res spiritualis gratis debet dari, non ob mercedem. Vgolinus Tab. 1. cap. 49. Suarez ut supra num. 14.

C c

Sed

8. Sed quamvis Ius patronatus vendi non possit, transire tamen potest cum re vendita, dummodo ratione illius res illa carius non vendatur. Ratio primæ partis est, quia ius Canonici quod hanc gratiam Patrono fecit, ut præstaret beneficia in Ecclesia propter fundationem, constructionem, aut donationem ipsius, similiter illam concessit pro hæredibus, & successoribus, *cap. ex litteris, cap. cum saculum de iure Patron.* Ratio verò secundæ est, quia alias iam venderetur illo maiori pretio ipsum Ius patronatus. Tabiena verbo *Ius patronat. à nu. 7.* Suarez *to. 1. de Relig. lib. 4. de Simon. cap. 28. num. 12. & 13.*

9. Non potest Patronus Ius patronatus in alios transferre nisi modo, & casibus à iure expressis. Ratio est, non solum quia in spiritualibus non possunt laici nisi quod eis à iure permittitur, sed etiam quia ipsa natura Iuris patronatus pendet ab institutione iuris Canonici, & ita ad nihil extendi potest, nisi quod illi à iure conceditur. Menochius *conf. 90. nu. 79.* Suarez *to. 1. de Relig. lib. 4. de Simon. cap. 28. nu. 15.*

10. Hinc tantum tribus modis, aut casibus potest Ius patronatus ex vno ad alium transire. Quia in his tantum hæc facultas Patrono conceditur à iure. Primus est, hæreditario ad hæredes, siue necessarios, siue voluntarios, *cap. considerandum, & cap. si plures 16. q. 7.* Secundus est, per liberalem donationem, quia unusquisque potest in alium transferre insuum, *c. Circa de iure patronat.* Requiritur autem ad hoc Episcopi consensus, nisi in casu quo donatio fiat loco Religioso, ut colligitur *ex cap. unico de Iure patronat. in 6. & cap. illud.* Tertius est, quando transferatur Ius patronatus cum re vendita, iuxta *cap. ex litteris, & cap. Cum saculum, de iure patronat.* De quibus, & alijs ad intentum Suarez *tom. 1. de Relig. lib. 4. de Simon. cap. 28. à num. 15. & deinceps.*

11. Si Ius patronatus conveniat alicui iure personæ, si fiat Religiosus transit in Monasterium, quia Monasterium succedit in omnia iura Religiosi. Rodriguez *tom. 2. quest. Regul. q. 122. ar. 2. §. At contrarium.* Sanchez *lib. 7. in decalog. cap. 14. num. 2.* Si autem Ius patronatus conveniat alicui non ratione personæ, sed ratione bonorum suorum quibus est annexum, tunc si fiat Religiosus tale ius pertinebit ad quem pertinent bona, scilicet vel ad Monasterium, si est capax succedendi, vel ad illum ad quem bona illa transferuntur. Accessorium enim sequitur principale. Rodriguez *ut supra §. quantum ad primam.* Sanchez etiam *ut supra num. 5.* Quæ autem Monasteria capacia sint succedendi in bona Religiosi, maximè in Ius patronatus dicetur *cap. ultimo*

num. 11.

num. 11. & 22. Si verò Ius patronatus conveniat alicui, ita ut industria personæ sit electa ad tale munus, tunc si fiat Religiosus, etsi secundum decentiam, & æquitatem, Monasterium, seu Superior non debeant præsentare saltem sine consilio talis Religiosi, ut de se patet, tamen ius præsentandi non Religioso sed Monasterio, vel Superiori competit, quia Religiosus non habet velle, neque nolle, ut habetur in Iure. Adeo ut si fundator Iuris patronatus dixisset tale ius competere debere Petro v.g. ita ut si fiat Religiosus nominet invito Prælato, talis conditio reiici debeat, ac si non fuisset adiecta, quia scilicet est contra ius commune, ut Religiosus aliquid agat invito Prælato, ut in simili dictum est to. 1. cap. 6. nu. 34. Rodriguez ut supra § *Quantum ad tertium*. Vide infra num. 15.

12. Novitius autem Patronus habens Ius præsentandi ad ali- quod beneficium per se ipsum debet id facere, cum simpliciter non sit Religiosus, nec suum ius in Monasterium transfulerit. Glossa in cap. *Beneficium verbo conferendum in fin.* Silvester verbo *Religio* §. q. 11. Sanchez lib. 7. in decalog. cap. 4. num. 12.

13. Si Monachus fundaret, construeret, vel dotaret Ecclesiam Ius patronatus quod inde resultaret Monasterio suo acquireret. Ex generali regula, quod quidquid Monachus acquirit Monasterio acquirit. Lambertinus de Iure Patronatus lib. 1. par. 1. quest. 8. art. 9. num. 7. Sanchez lib. 7. in decalog. cap. 14. num. 4.

14. Quoties Ius patronatus transit in Monasteriū, neque solus Abbas, seu Superior præsentare potest, nisi hoc habeat ex præscripta consuetudine, vel privilegio, sed id est totius Conventus, cuius maior pars consentire debet, ut præsentatio legitima sit. Habetur ex cap. *Novit.* & cap. *Quanto*, & cap. *ea noscitur de his que fiunt à Prælato*. Lambertinus de Iure patron. lib. 2. par. 1. q. 2. art. 12. num. 2. & 3. Sanchez lib. 7. in decalog. cap. 14. num. 7. Quod si præsentatio fiat à solo Prælato absque maioris partis consensu, probabilius est irritam esse. Quia etsi in cap. *ea noscitur* solum dicatur, *Institutiones huiusmodi conveniunt evacuari*, quod solum denotat præsentationem esse irritandam, attamen in cap. *Novit.* de his que fiunt à Prælato. absolute decernitur *carere robore firmitatis*. Lambertinus ut supra n. 6. Sanchez etiam ut supra num. 8.

15. Præsentatio beneficii facta à Religioso ratione Iuris patronatus quod illi compete- bat dum esset sæcularis non solum est illicita, si fiat sine licentia Prælati, quia ut dictum est Religiosus non habet velle, vel nolle, sed etiam est inualida, quia

per professionem Ius patronatus iam non est suum, sed Monasterij. Lambert. *de Iure patronat* l.2.p.1.q.2.ar.11.n vlt. Sanchez 7. in *decal. cap. 14. num. 10.*

16. Quando autem presentatio, vel electio non competit Religioso ratione Iuris patronatus, sed ex eo quod constitutus est à verò Patrono, aut veris electoribus procurator ad presentandum, aut eligendum, tunc, etsi presentatio, aut electio ab ipso facta sine licentia Prælati illicita sit, quia Religiosus, ut dictum manet, non habet velle, aut nolle, probabile tamen est validam esse, non solum quia nullo iure irritatur, sed etiam, quia cum tunc non faciat Religiosus nomine suo, sed ut Procurator nomine alterius non consideratur ad validitatem actus personæ ipsius Religiosi, sed illius qui illi suas vices commisit. Sanchez 7. in *decal. cap. 14. à num. 11.*

17. Catholici Reges Hispaniarum Patroni sunt in illis partibus Ecclesiarum Collegiatarum sæcularium, & Regularium, multarum scilicet, & ita in illis presentant Abbates, & alios Praepositos, ex concessione Adriani vi. Navar. in *cap. Nullam* d. 18. q. 2. Rodriguez *tom. 2. quest. Regul. q. 122. art. 4.* Presentare tamen debent suæ Regiæ Maiestates dignos, iuxta *cap. Monasterium* 16. q. 1. Nauarrus, & Rodriguez *ibid.* An verò digniores debeant esse ij, qui presentandi sunt, constabit ex num. 20.

18. Possit aliquem de bonis incertis, quæ pauperibus sunt restituenda fundare Ecclesiam reservando sibi, suisque successoribus Ius patronatus, etsi aliqui negent, alij probabiliter affirmant. Quia etsi illa bona non sint simpliciter ipsorum, cum possint tamen illa in pia opera distribuere, si ex eis fundent, vel dotent aliquam Ecclesiam sibi, & successoribus prædictum Ius patronatus reservando, nulli faciunt iniuriam. Henriquez 1. p. lib. 7. de *Indulgentijs* 33 num. 5. Rodriguez *to. 2. quest. Regul. q. 122. ar. 5.*

19. Præter dictos Patronos, habentes scilicet facultatem presentandi in Ecclesijs à se fundatis, constructis, vel dotatis ad beneficia, sunt alij qui Patroni etiam vocantur eo quod etiam aliquam Ecclesiam, Conventum, vel Capellam Regularium fundarunt, construxerunt, vel dotarunt, & tamen prædictam facultatem presentandi non habent, sed à principio fundationis, constructionis, vel dotationis, Missarum aliquarum, vel officiorum divinatorum solemnities in dictis locis quotannis celebrari instituerunt. Et hi non propriè, prout in presenti Patroni dicuntur. Illi autem, qui facultatem habent nominandi Capellanos in aliqua Ecclesia, vel Capella, ratione foundationis, constru-

conſtructionis, vel dotationis proprius merentur nomen Patronorum, maxime cum Capellaniz Epifcopi auctoritate inſtitutz ſint. Tales namque Capellaniz, etſi amouibiles ſint ad nutum Epifcopi, vel Patroni, hoc tamen non obſtat quominus beneficia Eccleſiaſtica, vel quaſi beneficia dicantur, ad inſtar beneficiorum Regularium, quæ etiam, vt dictum ſæpius eſt, reuocabilia, & manualia ſunt. De hoc Azorius tom. 1. inſtit. moral. lib. 10. cap. 4. q. 2. Suarez tom. 2. de Relig. lib. 4. de orat. cap. 22. num. 11. Layman. in Theol. moral. lib. 4. tract. 2. cap. 4. nu. 6.

20 Tenentur Patroni quicumque illi ſint ad beneficia præſentare digniores. Colligitur ex Concil. Trid. ſeſſ. 24. cap. 18. illis verbis: *Si verò Juris patronatus Eccleſiaſtici erit, ac inſtitutio ad Episcopum, & non ad alium pertineat, is, quem Patronus digniorem inter probatos ab examinadoribus indicabit, Epifcopo præſentare teneatur.* Et ratio eſt, quia licet beneficia primò, & per ſe inſtituta ſint in vtilitatem Eccleſiæ, nihilominus ſunt etiam præmia illorum, qui in Eccleſia virtute, & doctrina proficiunt, ſicut ergo propter hanc rationem electores ad beneficia tenentur eligere digniores, ſic etiam Patroni præſentantes, qui ſuccedunt prædictis electoribus. Molina lib. 2. de primog. cap. 5. num. 69. Aragon. 2.2. q. 63. art. 2. & q. 62. ar. 2. Sanchez lib. 2. conſil. moral. cap. 1. dub. 5. Sunt autem aliqui, qui probabiliter credunt Patronos laicos, eos ſcilicet, quibus competit ius patronatus: ratione foundationis, conſtructionis, vel dotationis factæ ex bonis proprijs, ſeu patrimonialibus ſatisfacere plerumque obligationi ſuæ, ſi libero præſentandi iure præditi, ſolùm dignos, & idoneos, non autem digniores præſentent. Si quidem hac gratia, vel fauore ab Eccleſia decorati videntur ob obſequia præſtita ipſi fundacione, conſtructione, vel dotacione, vt poſſint quos voluerint præſentare, dummodo poſitiuè cognoſcant eos dignos, & idoneos eſſe, & periculum nullum Eccleſiam ſubituram ex illorum prouiſione. Ita etiam videtur colligi ex loco Tridentini adducto vbi ſolùm eſt ſermo de Patrono Eccleſiaſtico non de laico. Imò poſtea ſermonem faciens de Patrono laico dicit: *Si ius patronatus laicorum fuerit, debeat, qui à Patrono præſentatus erit, ab eiſdem deputatis vt ſupra, examinari, & non niſi idoneus repertus fuerit, admitti.* Quo denotare videtur Concilium poſſe Patronum laicum præſentare ſolummodo dignum, & idoneum. Garzias lib. 7. cap. 16. num. 19. Rodriguez tom. 1. Summ. cap. 106. concl. 6. Layman. in Theol. moral. lib. 4. tract. 2. cap. 15. num. 7. Addens bene aliam rationem eſſe de Prælatiſ, & Patroniſ Eccleſiaſticiſ, nam illiſ ex officio incumbit Eccle-

Ecclesiæ meliori modo prospicere, ac per consequens beneficia ex bonis Ecclesiasticis fundata, sine vlla personarum acceptione dignioribus conferre.

21 Præsentare autem indignum, si dignus haberi potest, semper est mortale peccatum. Tum ex gravitate poenarum, quæ Canonico iure indigni electioni, & collationi decreta sunt *cap. cum in cunctis de elect. cap. graue nimis de præbend.* Tum ex incommodis, quæ exinde Ecclesiæ accidere solent. Petrus Nauar. *lib. 2. cap. 2. nu. 119.* Layman. *in Theolog. mor. lib. 4. tract. 2. cap. 15. num. 1.* Pro poenis autem quas incurrunt Patroni indignos præsentantes, vide Siluestrum *in Summ. verb. Ius patronatus q. 7.* & Sanchez *tom. 1. consil. moral. lib. 2. cap. 1. dub. 6. à nu. 15.*

22 Patroni iuris patronatus laici possunt variare; id est; postquam vnum præsentarunt, præsentare etiam alterum, quo casu iudicio Episcopi relinquitur, vter eorum tanquam magis idoneus præferri debeat. Ita enim supponitur *in cap. quod autem de iure patronatus.* In Patronatu autem Ecclesiastico qui primò præsentatus est, si idoneus sit, institui debet: Propter decisionem *cap. cum autem eodem tit.* Layman. *in Theol. mor. lib. 4. tract. 2. c. 13. num. 6.*

23. Conditiones appositæ à fundatore iuris patronatus, ob cultum scilicet diuinum, sui memoriam, commodum, vel honorem suæ familiæ nullatenus mutari possunt. Tum quia piæ, & honestæ voluntates defunctorum obseruari debent *L. r. C. de SS. Eccles. cap. ultima voluntas 13. q. 2.* Tum etiam quia fundatorem crexisse ius patronatus illis conditionibus arguit inter ipsum, & præfectos Ecclesiæ illas admittentes intercessisse pactum de illis non alterandis, ac perinde contra iustitiam peccare aliter facientes. Vnde insignia fundatoris posita in Ecclesia, vel Capella, quam fundauit, construxit, vel dotauit, sepulchrum pro se, & descendantibus, seu hæredibus in ea positum, & similia nullatenus auferri possunt, etiam si familia extincta sit, ad conseruandam memoriam fundatoris, & ne alij pii homines ab huiusmodi pijs operibus arceantur. Lambertin. *de iure patronat. q. 5. principali ar. 4.* Layman. *in Theolog. mor. lib. 4. tract. 2. cap. 13. num. 14. & 15.* Secus videtur dicendum de alijs benefactoribus, qui Ecclesiam, vel Capellam non fundarunt, construxerunt, aut dotarunt, sed solum ibi ius sepultura sibi compararunt, & suis hæredibus. Et si enim illis, & eorum hæredibus inuitis alios ibi sepelire non liceat, quia talia sepulchra instar hospitii, & fundi ipsorum censentur; postquam tamen tota ipsorum progenies est extincta, probabile est posse ibi sepulturam alijs concedi.

Tum

Tum quia sicuti mortæ usufructuarij eiusque descendentiũ reddit usufructus ad proprietarium, iuxta *L. corruptionem C. de usufructu*, ita etiam ius sepulturæ, mortuo benefactore, & eius hæredibus, redeat ad Ecclesiam. Tum etiam, quia aliquin impedirentur alij quominus Ecclesiam ornare, & beneficijs augere possint: Angelus in *Summ. verb. sepultura nu. 41. Armilla num. 24. Rodriguez tom. 3. quest. Regular. q. 58. art. 10.* Declaratum tamen dicitur à S. Congregatione in causa RR. PP. Discalceatorum nostri Ordinis, fundatorem alicuius Monasterij non posse hanc legem imponere Fratribus, vt in Collecta quæ pro Rege dicitur etiam ipsius fundatoris nomen exprimeretur. *Barbosa in Collect. Bullar. verb. fundatio.*

24. Condiciones autem aliæ assignatæ à fundatore Iuris patronatus, quæ fuerint contra ius naturale, aut diuinum, inualidæ sunt, nec obseruandæ: cum ius naturale, & diuinum indispenabilia sint, nec villo modo contra ea aliquid effici possit. Maior in *4. d. 24. q. 9. & q. 3. ad 4. Lambertinus de Iure patronatus lib. 1. p. 1. q. 9. princip. ar. 1. num. 37. & 38.* Hinc si fundator poneret pro conditione quod ad beneficium admittatur indignus, talis conditio obseruanda non est, vt pote contra ius diuinum, & naturale. Aragon, *2. 2. q. 63. art. 2. Sorus 3. de iust. q. 6. art. 2. ante 10. conclus.* Si autem pro conditione poneret quod posset præsentari dignus, omisso digniori, valida esset, & obseruanda, quia talis conditio non est contra ius naturale, aut diuinum in casu, quo beneficium fundatum est non ex bonis communibus Ecclesiæ (quia vt sic digniori dari deberet) sed ex bonis ipsius Patroni, seu fundatoris. Maior in *4. d. 24. q. 3. ad 4. Sanchez to. 1. consil. moral. lib. 2. cap. 1. dub. 10. num. 18.* Similiter si appositæ conditio sit de non præsentando nisi de sua familia, aut proge- nie, valida etiam erit, & obseruanda, cum non sit contra ius natu- rale, aut diuinum, eo quod fundatio talis beneficij non est ex bonis communibus Ecclesiæ, quæ omnibus debentur, sed de bonis particularibus, quæ potest quisque dare cui voluerit. Couarrubias *Reg. peccatum 2. p. 9. 7. num. 5. Sanchez vt supra num. 14.* Semper tamen supponenda est dignitas personæ præ- sentandæ, & ideo indignus quantumvis de illa familia præsen- tari non potest, nec conditio de illo præsentando valida erit, iuxta dicta, & præsertim, quia indignus semper est, aut præsumi- tur Ecclesiæ nocius. Nauar. *Miscellan. 43. num. 76. Ledesma 2. par. 4. q. 18. art. 2.* Si autem condiciones appositæ à fundatore Iuris patronatus solum sint contra ius positium, pensandum est an Ordinarius, de cuius consensu fundatur, iuxta dicta supra

num. 3.

num. 3. possit in prædictis conditionibus dispensare, vel non, si enim dispensare potest, censetur dispensasse, & ita validæ erunt; si autem non potest in eis dispensare, nec censetur dispensasse, nec ipsæ conditiones valere possunt. Vide Sanchez *ut supra* à num. 4.

25 Non possunt Patroni seipso præsentare ad beneficia curata. Ratio sumitur ex decisione *cap. per nostras de Iure patron.* ubi quamvis solum sit sermo de personatibus, tamen quia ratio textus, scilicet, *quod nullus se ingerere debeat Ecclesiastica prelationis officijs* etiam se extendit ad prædicta beneficia, ideo ad illa non se poterunt præsentare Patroni, etsi alias idonei sint. Silvester in *Summ. verb. Ius patronatus quest. 7.* Angelus etiam in *Summ. eodem verb. num. 19.* Potest tamen pater Patronus præsentare filium aliàs idoneum, nullo enim iure id prohibetur. Lambertinus *de Iure patronat. lib. 2. p. 1. q. 8. art. 12.* plures referens, Sanchez *tom. 1. consil. moral. lib. 2. cap. 3. dub. 74. num. 4.* Ad beneficia tamen simplicia potest se Patronus præsentare, quia textus dicti *cap. per nostras* non loquitur de simplicibus beneficijs, nec ratio ipsius ad ea se extendit. Lambertinus *ut supra art. 2. dicta quest. 8.* Sanchez etiam *ut supra num. 16.* Imo etiam quando plures fuerint compatroni potest vnus ipsorum ab alijs præsentari ad beneficia etiam curata, quia iam cessat ratio dicti *cap. per nostras* cum talis non se ingerat. Lambertinus *dicta q. 8. ar. 5.* Molina *lib. 2. de primogen. cap. 4. num. 61.*

26 Nec possunt Patroni ultra alimenta illis debita, si ad egestatem deueniant, iuxta dicta, *supra num. 5.* exigere aliquod seruitium, vel aliquid temporale, censum scilicet, vel tributum, nisi concurrant duæ conditiones, altera, quod in limine foundationis id sit appositum, & altera, ut interuenerit licentia Diæcesani. Constat hoc ex *cap. præterea el 2. de Iure patron.* Lambertinus *de Iure patron. lib. 1 p. 1. q. 9. art. 1. num. 81. vsque ad 85.* Silvester in *Summ. verb. Ius patronat. q. 3.* Angelus *ibid. num. 23.* Limitatur tamen ab aliquibus, si consuetudo sit immemorabilis in contrarium. Tum quia consuetudo immemorialis arguit quod in ipsa foundatione sit factum legitime. Tum quia Concil. Trident. *sess. 25. cap. 9.* ubi id prohibet, solum reprobatur consuetudinem, non immemorabilem, & *sess. 24. cap. 14.* ubi id etiam reprobatur, solum loquitur cum Episcopis, ipsis præcipiens ut consuetudines in hoc non laudabiles reiiciant, & aboleant. Lambertinus *de Iure patronat. lib. 3. q. 3. ar. 16.* Sanchez *tom. 1. consil. moral. lib. 2. cap. 3. dub. 52. nu. 6. & 7.*

27 Quando sunt plures Patroni eiusdem Iuris patronatus, vel quia

quia omnes simul fundarunt construxerunt, vel dotarunt Ecclesiam, vel quia ad omnes æque peruenit ius præsentandi ad beneficia, non requiritur quòd omnes concordent in vnum præsentandum. Sed eligi debet præsentatus à maiori parte ipsorum. Ita enim habetur *ex cap. quoniam in de Iure patronat. Lambertini. de Iure patron. lib. 2. p. 3. q. 4. ar. 1.* Siluester verbo *Ius patronatus q. 12.* Quod sic est accipiendum. Si illi plures Patroni præsentant non per modum Collegij, aut Communitatis, sed vt dicitur, *vt singuli*, satis est quod maior pars ipsorum non simpliciter, sed respectu alterius compartis præsentent, id est, si sunt septem, & tres præsentarunt Petrum, duo Ioannem, & alij duo Franciscum, sufficiunt illi tres, quia licet non sint maior pars illius numeri absolute, sunt tamen maior pars respectu aliorum. Si autem præsentant per modum Collegij, vel Vniuersitatis tunc requiritur maior pars absolute. Lambertinus *vt supra art. 2.* Siluester *etiam vt supra q. 13.* Si verò Patroni diuidant vota sua æqualiter, ita vt si sint quatuor, duo præsentent vnum, & duo alterum, datur optio instituendi, Episcopo scilicet, vel Prælato. Lambertinus *vt supra q. 5. ar. 1. Sanchez tom. 1. consil. moral. lib. 2. cap. 3. dub. 101. 28.* Patroni Beneficiorum Ecclesiasticorum, siue laici, siue Clerici, qui aliquem apostatam ad beneficium de eorum Iure patronatus existens tunc vacans præsentauerint, iure præsentandi alios ad eadem beneficia pro ea vice priuantur, & præsentationes sunt eo ipso irritæ, & inanes. Ex Paulo 1v. in Bulla *Postquam* in tom. 1. Bullar. nu. 14.

29 Patroni laici si plures Clericos præsentauerint, concursus fieri debet inter ipsos præsentatos tantum, & ex idoneis ab examinatore approbatis idoneor ab Episcopo est eligendus. Ex declaratione S. Congreg. apud Gonzalez *ad regul. 8. Cancell. gloss. 6. nu. 138.* Barbosa in *Collect. Bullar. verb. Patronus.* Idem dicendum respectiue de Prælato Regulari si ad ipsum quemadmodum ad Episcopum spectauerit eligere ad beneficia ex præsentatis à Patronis laicis Monasterij.

30 Pro varijs declarationibus S. Congregationis circa Ius patronatus videndi inter alios Garzia *de benefic. p. 5. cap. 9. & p. 12. cap. 2.* Gonzalez *ad Regul. 8. Cancell. gloss. 18. num. 46.* & Barbosa in *Collect. Bullar. verb. Ius patronatus per totum verb. Patronus ac verb. Præsentatus.*

SUMMARIVM CAP. XII.

Capitulum, Dieta, seu Congregatio Regularium quid sit. nu. 1.

Quotuplex sit. ibid.

Cuiuscumque auctoritas consistit in maiori, & saniori parte. num. 2.

Quae vocetur maior, & sanior pars. ibid.

Non possunt Capitula statuere aliquid contra ius commune. nu. 3.

Possunt tamen ea omnia facere respectu, quae tota Religio, tota Provincia, vel totus Conuentus. nu. 4.

Debent celebrari tempore, & loco statutis. num. 5.

Qua hora ibid.

Capitulum Generale omnimodam habet auctoritatem. num. 6.

Condere potest leges obligantes totam Religionem. ibid.

Quomodo comparatur cum Praeside, vel Generali. ibid.

Non potest statuere aliquid contra ius commune. ibid.

An possit ibid declarare. ibid.

Potest Generalem deponere, eligere, punire, & eius auctoritatem immutare. num. 7.

An exercere omnes actus iurisdictionis quos Generalis. ibid.

Pertinet ad ipsum sex Patres eligere pro eiciendis incorrigibilibus. nu. 8.

An sine illis fieri possit eicctio. ibid.

Non potest noua statuta supra Regulam imponere. nu. 9.

Potest tamen Regulam collapsam restituere ad eam obligando. subditos. nu. 10.

Restringere, limitare, & tollere priuilegia. num. 11.

Reseruare casus aliquos, iuxta decretum Clem. VIII. num. 12.

Debent Capitula Generalia saepius celebrari. nu. 13.

Si tamen in eis agatur de reformatione Ordinum, non de alijs negotijs. ibid.

Quid de Congregationibus intermedijs dicendum. num. 14.

Intimari debent in quocumque Capitulo, seu Congregatione litterae

Apostolicae ad S. Officium Inquisitionis spectantes. num. 15.

Sub poenis. ibid.

Gremiales Capitulorum quas debent habere conditiones. nu. 16.

Specialiter Socij quibus qualitatibus ornati esse debeant. nu. 17.

Capitula Prouincialia, seu Congregationes Prouinciales quando celebranda. nu. 18.

Quae facere possint. ibid.

An

- An eijcere incorrigibiles. num. 19.
 Quam auctoritatem habent in Indijs. num. 20.
 An in Capitulis Prouincialibus, vel saltem Generalibus dispensari possit cum illegitimis. nu. 21.
 Qualiter, aut quibus conditionibus. ibid.
 De Congregationibus Prouincialibus intermedijs. nu. 22.
 De intimatione litterarum Apostolicarum ad S. Inquisitionem pertinentium facienda in singulis Capitulis, seu Congregationibus sub pœnis, &c. num. 23.
 De Capitulo Conuentuali, & eius auctoritate. n. 24.
 De alijs ad ipsum spectantibus. ibid.
 De electionibus qua fieri solent in Capitulis. nu. 25.
 Textus cap. Quia propter de elect. num. 26.
 Quot condiciones requirantur ad electionem Pralatorum, iuxta dictum. cap. Quia propter. nu. 27.
 Notanda circa illas. num. 28.
 De habilitate eligentium, seu suffragatorum. nu. 29.
 Quid si inhabiles aliqui admittantur. ibid.
 An inhabilis eijci debeat antequam talis sententialiter sit declaratus. num. 30.
 Quid faciendum dum tempore electionis ad interrogationem Præsidis opponitur alicui electori aliqua inhabilitas. ibid.
 Peccat inhabilis in electione dans suffragium. ibid.
 Spectat ad Præsidem Capituli dirigere ad electiones faciendas iuxta decreta Summorum Pontific. num. 31.
 An possit suadere electores de eligenda certa persona. num. 32.
 In electionibus qua obseruanda iuxta decreta Summor. Pontificum. num. 33.
 Debent esse secreta sine publicatione votorum etiam post electiones. num. 34.
 Omnino libera à coactione, pactis, seu promissionibus. num. 35.
 An illis debeant assistere Præsides magnæ auctoritatis. num. 36.
 Non decet Præsides eligi ad aliquod Officium. num. 37.
 Quid debeant facere circa fugitiuos, aut eiectos ab Ordine. num. 38.
 De Confirmatore, & eius munere. nu. 39.
 Electio non legitime facta confirmari non debet nec potest. num. 40.
 Priuilegium Ordinis Prædicatorum circa hoc. num. 41.
 Intra quod spatium temporis debeat electio confirmari. nu. 42.
 Electio illius qui requisitus ante electionem consensit illi antequam fieret, cassanda est. num. 43.
 Quid de electione per sortes an irrita, vel irritanda. num. 44.
 Quid quando sortes ipsam electionem præcesserunt. ibid.

Electio ex vi renunciationis facta antequam renunciatio acceptata fuisset à Superiore irrita est, nec confirmanda. num. 45.

Electio in qua est electus qui causam scandali prabiturus est annullari debet. nu. 46.

Electio usurarij, aut publici aleatoris irrita dicitur. ibid.

Electio facta per abusum secularis potestatis irrita est, & nulla. num. 47.

Qua electio dicitur facta per talem abusum. ibid.

Potest electus sine nota ambitionis petere confirmationem. num. 48.

Quid si importunè, & affectuose petat. ibid.

Decretum electionis mittendum ad Confirmatorem. num. 49.

Quid sit postulatio, & quomodo differat ab electione. nu. 50.

Quid ad illam requiratur. ibid.

Qui sunt habiles ut postulentur. ibid.

Qui effectus nascentur ex postulatione. nu. 51.

An licitus sit modus creandi Prælatos per postulationem. num. 52.

Quid sit nominatio, & qualiter differat ab alijs modis creandi Prælatos. num. 53.

De praxi celebrandi Capitula. num. 54

Formula celebrandi Capitula Prouincialia in Ordine Carmelitæ. num. 55.



De Capitulis, Dietis, seu Congregationibus personarum Regularium, eorumque obligationibus, & priuilegijs.

Cap. XII.



APITVLVM, Dieta, seu Congregatio Regularium prout ad præsens attinet est adu-
natio ipsorum Regularium pro aliqua re,
seu negotio ad Religionis ipsorum statum
pertinenti. Diuiditur in Generale, Prouin-
ciale, & Conuentuale. Generale Capitulum
est pro negotijs totius Ordinis, Prouinciale

pro negotijs Prouinciæ, & Conuentuale pro negotijs Conuen-
tuum. Quibus accedunt Congregationes intermediæ quæ ali-
quando sunt Generales pro negotijs totius Religionis, & ali-
quando Prouinciales solum pro negotijs vnius Prouinciæ. De
his sigillatim dicendum, primò scilicet de ijs quæ competunt
Capitulo etiam Regularium in communi, deinde de ijs quæ Ca-
pitulo Generali, tertio de ijs quæ Capitulo prouinciali, ac quarto
de ijs quæ Capitulo Conuentuali conueniunt.

2 Cuiuscumque Capituli auctoritas, & potestas consistit in
maiori, & saniori parte, ita quod totum Capitulum facere dica-
tur quod maior, & sanior ipsius pars fecerit. *ex cap. Cum in cun-
ctis de his quæ fiunt, &c. Siluester in Summa verbo Capitulum
num. 1. Rodriguez to. 1. quæst. Regul. q. 41. ar. 1. afferens circa
hoc in art. 2. priuilegia Clementis 111. & Celestini 111. pro
Carthusiensis. Quæ regula in eo, quod ad Regulares atti-
net, deficit, quod quando maior pars Capituli delinquit, & pro-
pterea est sua auctoritate priuata, tunc tota Capituli potestas
residet in minori parte, quæ non deliquit, prout notat Panormi-
tanus in cap. 1. de his quæ fiunt, Siluester, & Rodriguez, vt supra,
iuxta id etiam quod diximus tom. 1. cap. 15. num. 6. Maior, & sa-
nior pars ea vocatur quæ innititur maiori rationi, & pietati. Sil-
uester loco citato §. 1. quaritur. Rodriguez to. 1. quæst. Regul. q. 13.
art. 9. Vnde videtur ad disquirendum quæ sit maior, vel sanior
pars, inquirere rationes, & motiua quæ habuerunt suffragatores
ad aliquid faciendum. Hoc tamen solum verum in gestis pu-
blicis Capituli, in occultis tamen prout sunt electiones, cum*

Conci-

Concilium Trident *sess. 25. cap. 6.* præcipiat ut fiant secreto, & ut eligentium nomina nunquam publicentur, consequenter prohibet disquisitionem quæ antiquitus fiebat ad sciendum si sanior pars elegerit, ac perinde in electionibus maior pars erit sanior pars, iuxta dicta *tom. 1. cap. 15. num. 10.* & habent Tabiena in *Summ. verb. electio 1. nu. 19.* Castellinus *de elect. Canon. Prelator. cap. 5. nu. 49.*

3 Non possunt Capitula quæcumque illa sint statuere aliquid quod sit contra ius commune, vel Sacros Canones. Tum quia ita id habetur in *cap. quod super his tit. de maior. & obed.* Tum quia cum quæcumque Capitula inferiora sint Papæ non poterunt aliquid statuere contra prædictum ius commune, aut Canonicum, quod conditum est pro omnibus à Papæ. Nauar. *tom. 1. consil. tit. de Constit. conf. 9. num. 14.* Suarez *de legibus lib. 4. cap. 19.* Castellinus *de elect. Canon. Prelator. cap. 1. num. 3.* Vide infra *num. 6.*

4 Possunt tamen ea omnia facere respectuè, quæ tota Religio, tota Prouincia, vel totus Conuentus facere possunt. Ita scilicet ut Capitula Generalia facere possint quæ totus Ordo, Prouincialia, quæ tota Prouincia, Conuentualia, quæ Conuentus ipsi. Hoc enim conforme est tum iuri naturali cum Capitula generalia consistant ex supremo capite, & præcipuis membris totius Religionis, Prouincialia ex Capite, & præcipuis membris Prouinciæ, & Conuentualia ex Capite, & præcipuis membris Monasterij; tum iuri positiuo communi, tum speciali quorumcumque Ordinum.

5 Debent celebrari tempore, & loco à Regula, & Constitutionibus Ordinum designatis. Pro quo vide dicta *tom. 1. cap. 15. num. 18.* Quoad horam tamen, qua fieri debent, extant duæ declarationes S. Congregationis, quæ licet ad Congregationes Capitulares Ecclesiarum Cathedralium, vel Collegiarum directæ videantur, comprehendunt tamen ob identitatem rationis Capitula Regularium. Prima est *Congregationes Capitulares debent fieri peractis diuinis Officijs, & præsertim Missa maiori.* Barbosa in *Collectan. Bullar. verb. Congregationes Capitulares.* Secunda est *Itere ad idem, explicatiua tamen prioris. Congregationes Capitulares habende non sunt eo tempore, quo diuina officia celebrantur, nisi causa urgens in aliud tempus differri non pateretur.* Barbosa *ibid.*

6 Capitulum generale in Religionibus, Dieta, seu Congregatio generalis omnimodam, & plenam auctoritatem habet. Tum ex iure communi quia repræsentat totam Religionem, tum

ex

ex Priuilegijs Summorum Pontificum diuersis Religionibus concessis, præsertim Innocentij vii. Cisterciensibus, Martini v. Eugenij iv. & Leonis x. Camaldulensibus. Rodriguez tom. 1. *quest. Regul. q. 41. ar. 2.* Suarez 4. *to. de Relig. tract. 10. lib. 19. cap. 1.* Hinc primò condere potest leges, seu Constitutiones totam Religionem obligantes, iuxta dicta tom. 1. *cap. 18. num. 90.* Cum enim hæc potestas sit in Religionibus absdubiè erit in Capitulis, Dietis, seu Congregationibus generalibus, quæ vt dixi, ipsas Religiones repræsentant. Residet etiam hæc auctoritas in Capitulo generali etiam ante electionem Generalis, vt eo *cap. 18. num. 90.* diximus, quia regulariter supponitur Capitulum cum Præside, vel Vicario Generali, ac per consequens cum Capite. Si autem casus esset quòd Capitulum acephalum, seu sine capite esset, Præside scilicet, aut Vicario, tunc nec totam Religionem repræsentaret, nec leges condere posset. Suarez 4. *tom. de Relig. tract. 8. lib. 2. cap. 8. num. 8.* Quando autem Capitulum cum Generali præsentis sit, si maior pars Capituli concordet in lege ferenda, quamuis Generalis dissentiat, præualet sententia Capituli, & lex tenet, quia potestas adæquata est in Capitulo, seu maiori illius parte, & Generalis solum est vnus ex habentibus suffragium. In quo differt Capitulum Generale comparatum cum suo Generali à Concilio generali comparato ad Papam, nam cum Generalis sit subditus Capitulo, etiam si ipse nolite- nebit lex à Capitulo facta, at verò cum Papa non sit subditus Concilio generali, sed supra illud, non tenebit lex à Concilio facta, Papa renuente. Suarez 4. *tom. de Relig. tract. 8. lib. 2. cap. 8. num. 4.* Legibus autem, siue statutis factis in Capitulis generalibus parere debent omnes, etiam ipsi Generales, non solum propter dicta tom. 1. *cap. 8. num. 21.* sed etiam quia vt modo dictum est Generales sunt subditi Capituli generalis, & ita ipsi obedire tenentur. Suarez 4. *tom. de Relig. tract. 8. lib. 2. cap. 8. num. 18.* Non tamen possunt Capitula generalia statuere aliquid contra ius commune, iuxta dicta de Capitulis in communi supra *num. 3.* cum ius commune sit à Papa, & Capitula omnia Regularium inferiora Papæ sint. Rodriguez tom. 3. *quest. Regul. q. 17. ar. 20. §. nec contra hoc obstat.* Peirinis tom. 1. *priuileg. Minor. in Constit. Pyrrhi §. 4.* Possunt tamen Constitutiones iuris communis declarare, & innouare, & vbi pœna deficit apponere, vel augere. Quia hoc potius est adiuuare ius commune quod licitum esse dicitur in *cap. 1. de nou. oper. nunciat.* Peirinis vt supra.

7 Potest item Capitulum generale eligere Generalem, ipsum

ipsum deponere, punire, illius auctoritatem minuere, & augere. Hoc enim colligitur ex summa auctoritate Capituli, & ex subiectione Generalis erga ipsum. Suarez 4.to. tract. 10. lib. 10. cap. 4. Hinc etiam valde probabile mihi est posse tempore quo durat, omnes actus iurisdictionis exercere quos Generalis efficere potest, quod plane sequitur ex suprema potestate generalis Capituli, & de Congregatione generali Societatis Iesu docet idem Suarez 4. tom. de Relig. tract. 10. lib. 10. cap. 4. num. 15. licet ut idem Suarez ibid. num. 16. in usu huius potestatis debeat Capitulum conformare se Constitutionibus Ordinum. Idem etiam mihi probabile est de quacumque etiam facultate, seu auctoritate Generalibus, ex privilegijs competentem, posse scilicet illam exercere, Capitulum, cum sit superius ipso Generali, & ut dixi to. 1. cap. 18. nu. 3. si privilegium conceditur Prælato inferiori censetur etiam concessum Superiori.

8 Pertinet etiam ad Capitulum, seu Congregationem generalem eligere sex Patres ex grauioribus Religionis, de quorum consilio, & assensu eijci possint professi eijciendi à Religione, ita enim decernitur à Sacra Congregatione Concilij in decretis de Apostatis, & eicclis sub SS. D. N. Urbano VII. anno 1624. editis, quæ habentur 4. tom. Bullar. inter Constitutiones Urbani num. 26. & de quibus diximus tom. 1. cap. 23. num. 3. Neque enim licet Generali se solo professos incorrigibiles eijcere, ut habetur in prædictis decretis cum reuocatione quorumcumque privilegiorum. Aduertit tamen Peirinis tom. 2. privileg. Minimcr. in Constit. 10. Urban. VIII. §. 4. num. 1. quod cum difficile valde existimatum fuisset Generalem secum ducere semper prædictos sex Patres pro expulsiōe faciēda quando casus occurrisset supplicatum esse S. Congregationi pro remedio, ipsamque respondisse, posse Generalem, vel Visitatorem generalem in qualibet Prouincia in qua id opus fuerit assumere sibi sex ex Diffinitoribus illius, de quorum consilio, & assensu posset prædictos incorrigibiles eijcere, ita etiam nos idem diximus tom. 1. cap. 23. num. 5. Verumtamen cum ipse non afferat huiusmodi decretum declaratorium sed solum dicat id audiuisse à Religiosis fide dignis qui tamen falli possent, non videtur ipsi credendum, præsertim quia anno 1635. proximè præcedenti cum Constitutiones quædam cuiusdam grauis Religionis SS. D. N. pro approbatione Apostolica oblatæ essent, Eminentiss. quidam Cardinalis, & Reuer. alij Prælati quibus cura eas examinandi à sua Sanctit. commissa fuit, noluerunt similem explicationem admittere, aut approbare, quo suspecta valde redditur declaratio illa S. Congreg. à Peirinis

Peirinis relata, & quæ habetur in nostris Constitutionibus *par. 4. cap. 21. §. 14.* nec ea uti nos posse credo, dum clarius de ea non constiterit. Rectè ergo in Congregatione nostrorum PP. Discalceatorum Hispaniæ cautum est, ut huiusmodi expulsio non fiat nisi à Generali cum sex Diffinitoribus. *Const. PP. Discalceat. par. 3. cap. 7. num. 11. & 13. adiuncto num. 1.*

9 Non potest Capitulum etiam generale noua statuta arctiora quæ simpliciter sint supra Regulam Ordinis imponere. Quia ut dictum est *tom. 1. cap. 4. num. 13.* votum Obedientiæ Religiosorum solum obligat illos ad ea quæ concernunt Regulam, siue explicitè, siue implicitè, quare ea quæ sunt simpliciter supra Regulam, cum illam non concernant (hoc enim est esse supra illam, nam si illam concernunt non sunt supra illam) non possunt præcipi à Prælati Religionum. Angelus *verb. Religiosus num. 29.* Siluester *verb. Religio 6. q. 6.* Peirinis *tom. 1. de subdito Religioso q. 1. de obedientia §. 1.* Excipe quando Regula præcipiat (ut dicitur de Regula Minorum, & Constit. Societatis Iesu) obediendum esse Superioribus etiam si supra Regulam aliqua præcipiant. Eo enim casu id quod præcipitur est conforme Regulæ, iuxta dicta *præd. tom. 1. cap. 4. num. 13.*

10 Potest tamen Generale Capitulum Regulam iam collapsam, & relaxatam ad pristinum statum restituere obligando subditos ad obseruantiam illius sic restitutæ. Ratio est, quia hæc restitutio, seu redintegratio Regulæ concernit ipsam, nec est supra ipsam, imò maximè concernens ipsam, iuxta dicta *tom. 1. cap. 7. num. 19. & 20.* Siluester *verbo Religio 6. q. 6.* Corduba *in exposit. Regula S. Francisci cap. 10. q. 2. punct. 6.* Peirinis *tom. 1. de Religioso subdito q. 1. de obedientia §. 3.*

11 Auctoritatem etiam habet Capitulum generale restringendi, & limitandi, imò etiam omnino tollendi in Religione usum quorumcumque priuilegiolorum Apostolicorum. Si enim, iuxta dicta *tom. 1. cap. 18. num. 56.* Prælati ipsi, Generales maximè, id possunt facere, multò melius id etiam facere poterit Capitulum generale quod est supra omnes Prælatos, præcipuè, quia horum priuilegiolorum restrictio, moderatio, & ablatio conducere valde potest ad Ordinis reformationem. Rodriguez *tom. 1. quæst. Regul. q. 17. ar. 5.*

12 Possunt etiam Capitula generalia matura discussione præmissa reseruare in Religionibus casus aliquos graues pro Religionis conseruatione, aut conscientia puritate. Ratio est, quia etsi Clemens VIII. in decreto pro reformatione casuum anno 1593. prohibuerit ne Superiores Religionum possent alios

E c

casus

casus referuare præter quosdam specialiter relatos *to. 1. cap. 18. num. 20.* tamen ipsemet Pontifex in eodem decreto permittit hanc facultatem referuandi alios præter dictos Capitulis generalibus, & Prouincialibus, non quidem dando nouam potestatem Capitulis ad id faciendum, sed non auferendo eam quam iure communi, vel iuxta sua priuilegia habebant. Suarez *4. to. de Relig. tract. 8. lib. 2. cap. 18. num. 15.*

13 Debent Capitula generalia sæpius celebrari, & licet in hoc seruari debeant Constitutiones Ordinum maximè auctoritate Apostolica confirmatæ, stando tamen in iure communi videtur dicendum, generalia Capitula celebrari debere de triennio in triennium, tum à simili de Concilijs Prouincialibus, quæ à Concilio Lateranensi *sess. 10. cap. 10.* & Trident. *sess. 24. cap. 2.* quolibet triennio præcipiuntur celebrari, tum vt crebrius quam fieri posset agatur de reformatione Ordinis, Regulæ obseruantia, morum correctione, & controuersiarum decisione, hic enim præcipuus est finis celebrandorum Generalium Comitiorum. Rodriguez *tom. 3. quest. Regul. q. 47. ar. 2. & 3.* Vbi pie deplorat quod in Capitulis generalibus, & prouincialibus omne tempus in electionibus, & prouisionibus Prælatorum, & Officialium expendatur, & parum in ijs quæ pertinent ad morum reformationem. Affirmans vterius Generales, & Prouinciales in hoc negligentes, non liberari à peccato mortali. Capitula autem generalia, in quibus parum, aut nihil de Ordinis reformatione agitur, sed alijs negotijs, prætensionibus scilicet officiorum, graduum, & dignitatum, vix deberent celebrari: Neque enim pro eiusmodi rebus graues expensas fieri, aut longa itinera peragi conuenit Religiosis.

14 Ad generalia Capitula accedunt Congregationes aliquæ intermediæ, quæ aliquo modo generales dici possunt, vel quia constant ex eisdem Gremialibus, vel saltem ex Definitoribus, seu Assistentibus generalibus. De ijs autem nihil particulare dici potest, nisi quod, cum secundum Ordinum statuta habeant dictæ Congregationes eandem auctoritatem, ac generalia Capitula, eodem modo de illis philosophandum est, si autem habeant minorem auctoritatem (quia maiorem habere non possunt) ex prædictis statutis pender notitia eorum ad quæ se possunt extendere.

15 Debent in quocunque generali Capitulo, Congregatione, Dieta, seu Conuentu Prælati Religionum monere suos subditos de inuncta omnibus obseruantia, & executione litterarum Apostolicarum Constitutionum, & decretorum ad Sanctum

Offi-

Officium Inquisitionis pertinentium, prout habetur ex decreto SS. D. N. Urbani VIII. in generali Congregatione S. R. Inquisitionis 24. Aprilis 1633. Vbi prædictæ litteræ Apostolicæ, Constitutiones, & decreta continentur. Quod præcipitur ipsis Superioribus sub pœna priuationis Officij ac vocis actiue, & passiuæ ipso facto incurrendæ, ac alijs arbitrio S. suæ infligendis pœnis. Vide *tom. 1. cap. 18. num. 100.*

16 Gremiales seu Capitulares Patres Capitulorum, seu Congregationum generalium, qui vt in plurimum solent esse capita Prouinciarum, Prouinciales scilicet, Procuratores, vel alij similibus nominibus vocati, eorumque Socij, seu Discreti debent habere conditiones assignatas *to. 1. cap. 15. num. 4. & 5.* videlicet quod sint Clerici in sacris constituti, liberi à censura, impedimento canonico, priuatione vocis, aut inhabilitate ad munus eligendi, non excommunicati maiori excommunicatione, suspensi ab officio, interdicti, aut irregulares. Nota tamen declaratum dici à S. Congregat. pro Minimis Regularem suspensum à diuinis posse eligere, quia electio non pendet ab ordine, sed à regularitate. Barbosa in *Collectan. Bullar. verbo Regulares* 1. Item eligentes indignum priuantur potestate eligendi. *cap. cum in cunctis de elect.* Præterea illi, qui per abusum potestatis sæcularis aliquem elegerunt priuati sunt ea etiam vice potestate eligendi. *cap. quisquis de elect.* Siluester in *summa verbo electio* 1. *quest. 4.* Qui autem dicantur elegerisse per abusum sæcularis potestatis inferius declarabitur *num. 47.* dum de electionibus quæ confirmandæ non veniunt sermo erit.

17 Specialiter Socij, seu Discreti qui simul cum Prouincialibus, aut Prouinciarum Superioribus Capitulorum generalium gremiales sunt debent etiam prædictas conditiones habere. Item cum habere dignitates, vel personatus quibus animarum cura non subest ad minus requirat ætatem 22. annorum, vt docet Concilium Trident. *sess. 24. cap. 12.* huiusmodi autem Socij, seu Discreti personatus quidam sint, ideo prædicta ætas pro ipsis ad minus necessaria, maximè cum habeant vocem actiuam in electionibus, quæ ex eodem Trident. *sess. 22. cap. 4.* Ordinem Subdiaconatus requirit qui ante prædictam ætatem non conceditur. Rodriguez *tom. 1. quest. Regul. q. 15. ar. 2.* Non possunt illegitimi non habita prius dispensatione eligi in Socios, seu Discretos pro Capitulis generalibus. Ratio est non solum quia sunt personatus, qui illegitimis concedi non possunt, iuxta *cap. fin. de filiis Presbyterorum*, sed etiam quia prædicti Socij, vel Discreti etiam debent habere vocem passiuam ad prælaturas, dignitates, &

personatus Ordinis, quorum sunt incapaces illegitimi, iuxta cap. 1. & fin. de filiis Presbyterorum. Rodriguez tom. 1. *quæst. Regular. q. 13. art. 19.* Peirinis tom. 1. *privileg. Minim. in Const. 2. Julij §. 29. num. 91* Generaliter etiam prædicti Socij, seu Discreti eas habere debent conditiones ad id munus, quas singulorum Ordinum statuta requirunt, quæ cum sint diuersæ nequeunt omnes dilucidari, sufficere ergo conditiones iure communi pro illis designatas recensere.

18 Capitula provincialia, seu Congregationes provinciales, eodem modo celebranda sæpius sunt pro Ordinis reformatione, Regulæ, ac Regularium obseruantiarum perfectiori custodia, morum reformatione, ac controuersiarum decisione, sicut diximus de generalibus Capitulis, iure quidem communi de triennio in triennium, iure tamen particularium Religionum, iuxta earum statuta, & Constitutiones. Vnde pari modo de illis respectiue, ac de Capitulis, seu Congregationibus generalibus philosophandum est. Possunt ergo condere leges, statuta, & decreta perpetuò duratura pro Prouincia, obligantia Fratres omnes Prouinciæ, Prouincialem quoque: ipsum Prouincialem eligere, deponere, punire, ipsius auctoritatem minuere, & augere, omniaque facere, quæ ipse Prouincialis facere posset. Quæcumque privilegia etiam Apostolica Fratribus concessa, limitare, restringere, & etiam omnino tollere, reseruare casus aliquos propter graua crimina. Non tamen imponere noua statuta, arctiora, quæ simpliciter sint supra Regulam. Nec præcipere, aut ordinare aliquid contra ius commune, bene tamen illud declarare, & innouare, ac pœnas adiungere. Quæ omnia à simili constant ex dictis de auctoritate Capitulum generalium.

19 Ejicere autem professos etiam incorrigibiles, aut designare Patres de quorum consilio ejiciantur non est munus Prouincialis Capituli, nec ad hoc pertingit eius auctoritas. Etsi enim propter varia Religionum privilegia id olim facere posset, modo tamen omnia prædicta privilegia reuocata, & annullata sunt à S. Congregatione Concilij in decretis de Apostatis, & ceteris supra relatis, ubi totum hoc negotium remittitur soli Generali de consilio, & assensu sex Patrum ex grauioribus Religionis eligendis in singulis Capitulis, vel Congregationibus generalibus, iuxta dicta supra *num. 8.*

20 Habent item Capitula Prouincialia Religionum in Indijs auctoritatem dandi licentiam suis Fratribus, ut officium Parochi exerceant, Sacramenta ministrando &c. in quo etiam includitur facultas

facultas prædicandi, sepeliendi Indos, a portandi eorum corpora cruce alta, & habendi scholas puerorum. Sic enim concessit Pius v. ad instantiam Philippi 11. Hispaniarum Regis. Rodrig. tom. 1. *quest. Regul. q. 35. art. 1. & q. 41. ar. 1.* Vbi etiam de alijs privilegijs Capitulorum Prouincialium Mendicantium in illis Indiarum partibus, quæ non refero, quia dubium mihi est, an eas sint viuz vocis oraculo concessa, quia si talia sint nihil hoc tempore valet.

21 Possunt etiam Generalis, & Prouincialis cum Capitulis Generalibus, Prouinciaibus, seu intermedijs iuxta tenores priuilegiolorum suis Ordinibus concessorum, si talia illis fuerint ante tempora Greg. xiv. concessa, vsu recepta, nec reuocata, cum illegitimis dispensare ad honores, gradus, & dignitates obtinendas, cum illis tamen quos suffragantibus meritis dignos indicauerint. Ita enim concessit ipse Greg. xiv. anno 1591. in Bulla *Circumspecta* in 2. tom. Bullar. inter Bullas huius Pontificis num. 3. Cum enim Sixtus v. Constitutione *Cum de omnibus* anno 1587. edita quam aliquatenus moderatus est sequenti anno alia Constitutione *Ad Romanum* illegitimos ad gradus, honores, & dignitates inhabiles declarauerit, nec posse cum eis dispensari nisi à sola Sede Apostolica non obstantibus quibuscumque privilegijs Religionibus concessis, postea Greg. xiv. has Sixti Constitutiones modo dicto moderatus est, vt etiam dictum manet tom. 1. cap. 18. num. 60. Rodriguez tom. 1. *quest. Regular. q. 13. ar. 6. & 9.* Nomine autem Capituli Generalis, Prouincialis, seu intermedij Capituli probabile est non intelligi totum Capituli corpus, seu omnes Gremiales, sed solum Definitorium, tum quia quod Definitorium agit à toto Capitulo actum dicitur, tum quia cum dispensatio cum illegitimis negotium sit requirens secretum, cum eius reuelatio aliquando infamiam, & scandalum parturire soleat, credi oportet nomine Capituli cum quo Generalem, vel Prouincialem dispensare posse cum illegitimis vult Pontifex, intelligi posse solum Definitorium. Rodriguez tom. 1. *quest. Regul. q. 13. ar. 9.* Electo autem aliquo illegitimo in Prælatum, vel simile officium in aliquo Capitulo generali, Prouinciali, vel intermedio, si ibi sit Generalis, vel Prouinciales potentes illum habilitare, habilis, & dispensatus saltem in foro conscientie debet reputari ipsa electione, si eligentes sciant eum esse illegitimum. Ratio est, quia cum eligere illegitimum in Prælatum non præmissa dispensatione sit peccatum mortale, credendum est electores cum illum eligunt, cum ipso dispensare in tali impedimento, ne dicamus ipsos peccasse mortaliter.

Rodrig.

Rodrig. *tom. 1. quest. Regul. q. 13. ar. 6.* Portellus *in dubijs Regu. 1. verb. illegitimus num. 7.* In foro autem externo nec illegitimum, illud manere dispensatum, nec electionem validam esse, tenent plures, propter differentiam quæ est inter Papam, & Prælatos interiores, nam Papa præbens aliquid ei quem scit iure humano ad id inhabilem ipso facto sine expressione dispensationis censetur habilis, non sic Prælati inferiores. Nauarrus *in man. cap. 25. num. 74.* Rodrig. *tom. 1. quest. Regul. q. 13. ar. 16.* Rem. tamen aliorum iudicio relinquo, inclinor enim valde ad credendum prædictum illegitimum etiam in foro externo mansisse dispensatum tacita, & virtuali dispensatione, alias dicere cogemur in foro externo peccasse mortaliter electores qui cum scientes esse illegitimum in Prælatum elegerunt. Quomodo- cumque autem dispensatio fiat cum illegitimo requiritur causa rationabilis, puta, quod sit nobilis, litteratus, bonus Religiosus, utilis Religioni &c. Tum ex verbis Greg. xiv. adductis *suffragantibus meritis*, quo denotat sine meritis cum eo dispensari non posse, tum ex generali regula, quod ad dispensationem semper requiritur causa, ut dictum est *tom. 1.* Videtur etiam requiri quod ipse illegitimus explicet qualitatem illegitimitatis, si videlicet sit spurius, naturalis, sacrilegus, incestuosus, quia istæ conditiones possunt faciliorem, & difficiliorem reddere dispensationem. Rodriguez *tom. 1. quest. Regul. q. 13. art. 17.* Portellus *in Dub. Regul. verbo illegitimus num. 11.* referens etiam Mirandam. An. verò ipsi Prælati sine Capitulis prædictis possint cum illegitimis dispensare, vide dicta *to. 1. c. 18. n. 60.* & nota Portellum *in Dub. Regul. verb. illegitimus n. 9. et 10.* afferre aliqua priuilegia pro parte affirmatiua. Sed de illis parum curandum, tum quia forsan sunt viux vocis oracula quæ his temporibus nihil valent, tum quia esto non essent talia, reuocata sunt à Sixto v. in prædictis Constitutionibus, & moderata à Greg. xiv. in Constitutione allata, quatenus solum permittit vsum illorum in Capitulis, & cum Capitulis, ut dictum est. Vide Rodrig. *tom. 1. quest. Regular. q. 13. art. 6.*

22 De Congregationibus Prouincialibus intermedijs iudicandum est, ac de Congregationibus generalibus etiam intermedijs, & habent eandem, similem, maiorem, vel minorem auctoritatem cum Prouincialibus Capitulis, iuxta diuersorum Ordinum diuersa statuta, & Constitutiones.

23 Debent in quocumque Capitulo Prouinciali, Congregatione, Dieta, vel Conuentu Prælati Religionum monere suos subditos de obseruantia, & executione litterarum Apostolicarum, & Contri-

Constitutionum, seu Decretorum ad S. Officium Inquisitionis pertinentium, sub pœnis supra num. 15. assignatis, prout habetur ex decreto SS. D.N. Urbani ibidem relato.

24 Capitulum etiam Conuentuale, illud scilicet quod celebratur ab immediato Prælato Monasteriorum cum Fratribus illius eam auctoritatem, & potestatem habet, quam ipsi concedunt Constitutiones, & consuetudines Religionum. Iure tamen communi loquendo hæc competunt illi. Primò, confunditur cum nomine Conuentus, ita ut quandoque promiscue nominentur, quamuis rigorosè loquendo Conuentus dicatur Religiosorum, Capitulum verò sæcularium. Cardin. *de rebus Eccles. non alien. & in Clem. 1. §. 1.* Ioannes Bertachinus *1. p. Repert. verb. Conuentus*. Ex quo inferitur posse id totum facere Capitulum Conuentuale quod facit Conuentus, præsertim cum constet ex nobiliori parte Monasterij. Deinde, Capitulum hoc congregare pertinet ad Superiorem, Priorem scilicet, vel digniorem, aut antiquiorem. Bertachinus *ut sup. verb. Capitulum*. Potest fieri ex duobus vel tribus tantum Fratribus. Glossa 10. q. 1. cap. 1. *verb. Congregatio*, Bertachinus *ut supra verb. Collegium num. 70.* Sine Prioris sui consensu contrahere, vel aliud facere non potest. Ioan. Andr. *in cap. cum omnes de Const. Paulus de Castro in l. 1. §. in filij ff. ad Trebel.* Succedit Prælati in administratione, & est illius successor. Ioannes de Imola *super Clem. de procuratoribus num. 12.* Spectat ad Præsidentem Capituli Conventionalis legere, & exponere Regulam Ordinis etiam vulgari sermone propter iuniores. Ita enim supponitur in *Clement. ne in agro de statu Monachor.* verbis adductis cap. 2. num. 31. De alijs autem circumstantijs, loco scilicet, vel tempore celebrandi Capitulum hoc Conuentuale, qui possint vel non eidem interesse, culpis Fratrum in ipso disquirendis, & animaduertendis, tum ex dictis, & dicendis de Capitulis Generali, & Prouinciali, tum ex particularibus Religionum Regulis, Statutis, & Constitutionibus, seu etiam legitimis consuetudinibus ipsorum desumi potest quid dicendum.

25 Pro electionibus quæ regulariter fieri solent in Capitulis, seu Congregationibus Generalibus, Prouincialibus, seu localibus, attendenda sunt quæ *to. 1. cap. 15.* dicta manent, quia tamen electiones per scrutinium quasi communes sunt in omnibus Religionibus maximè post Concil. Trident. & huiusmodi electionum conditiones assignatæ sunt *in cap. Quia propter de elect.* ideo accuratius illas lubet expendere, & quæ ex illis substantiales sint enucleare. Maximè quia, quæ iure Pontificio decernuntur in Titulo de electione, & electi potestate circa electionem Canonicam

nicam Prælatorum Ecclesiasticorum veniunt obseruanda in electionibus Prælatorum Regularium. Suarez tom. 4. de Relig. tract. 8. lib. 2. cap. 5. nu. 1. Castellinus de elect. Canon. Prælat. cap. 1. num. 1.

26 Textus autem dicti cap. quia propter de elect. sic se habet. Quia propter diuersas electionum formas, quas quidam inuenire conantur, & multa impedimenta proueniunt, & magna pericula imminet Ecclesijs viduatis, statuimus, ut cum electio fuerit celebranda presentibus omnibus qui debent, & volunt, & possunt commodè interesse, assumantur tres de Collegio fide digni, qui secreto, & sigillatim vota cunctorum diligenter exquirant, & in scriptis redacta mox publicent in communi, nullo prorsus appellationis obstaculo interiecto, ut is collatione habita eligatur in quem omnes, vel maior, & sanior pars Capituli consenserit.

27 Ex quo habetur ad electionem per Scrutinium de qua in præd. cap. Quia propter multa esse necessaria. Primum, quod fiat per congregatos in vnum, neque enim sufficit, ut quolibet in sua camera existente fiat electio. Colligitur ex illis verbis presentibus omnibus. Secundum, quod Scrutatores assumantur per Collegium, non enim debent se ingerere, quia sic redderentur suspecti. Colligitur ex illis verbis Assumantur tres de Collegio. Tertium, quod Scrutatores assumantur tres, & non pauciores. Quia in textu dicitur Assumantur tres. Quartum, ut dicti Scrutatores sint de Collegio. Id enim exprimitur in textu de Collegio. Quintum, ut singulorum electorum vota exquirantur secrete. Id etenim etiam exprimitur illis verbis Qui secreto, & sigillatim vota cunctorum diligenter exquirant. Sextum, ut inquisitio fiat sigillatim, ita scilicet ut non accedant suffragatores bini, aut terni, sed sigillatim, quia hoc verbum sigillatim habetur in textu. Septimum, ut vota omnium exquirantur. Id enim denotat verbum illud textus vota cunctorum. Octauum, ut vota exquisita redigantur in scriptis publicis, aut priuatis. Hoc enim denotatur illis verbis, & in scriptis redacta. Nonum, ut vota scripta in communi, idest, in Capitulo publicentur. Sic enim dicitur in textu, mox publicent in communi. Decimum, ut ista publicatio votorum fiat mox, idest, in continenti, nullo actu contrario interueniente post scripturam, & postquam vota fuerint redacta in scriptis, si quidem illa particula mox habetur in textu. Vndecimum, quod facta votorum, & suffragiorum publicatione statim fiat collatio suffragiorum respectu numeri, meriti, & zeli, ad inquirendum quidnam haberet maiorem atque saniores suffragiorum partem, quia dicitur in textu, ut is collatione habita.

habita. Duodecimum, ut dicta collatio fiat mox post suffragiorum publicationem, nullo actu extraneo intermisso, ut vult Glossa in d. cap. *Quia propter*. Tertium decimum, ut collatione facta fiat electio per vnum nomine Capituli. Hoc enim indicatur in textu dum dicitur, *ut is collatione facta eligatur*. Quartum decimum, ut electio supradicta statim post collationem fiat nullo actu extraneo interueniente. Sic enim videntur intelligi verba illa *is collatione facta eligatur*. Quintum decimum, ut electio fiat de eo, in quem maior, & sanior pars totius Capituli consenserit, ut exprimitur in textu. Decimum sextum, ut electio sit verbalis, neque enim alio modo videtur posse intelligi textus. Decimum septimum, ut dicta electio solemniter publicetur. Hoc enim etiam insinuant verba textus. Decimum octauum, ut seruetur ordo prædictorum successiue per ordinem ut numerata sunt, alias non valeat electio. Neque enim sine causa textus prædicta omnia modo prædicto describit. Ita habet Panormitanus in dicto cap. *Quia propter*, quem sequitur Siluester in *Summ. verb. electio* 2. num. 12. & recentiores, præsertim Miranda tom 2. *manual. Prælator. q. 23. ar. 29*. Qui omnes, Panormitanus præsertim, & Siluester, volunt has omnes condiciones substantiales esse, etsi assignent alias non substantiales, scilicet primam, quod electioni præfigatur dies, 2. quod Scrutatores sint fide digni, 3. quod electio fiat in Ecclesia de cuius Prælati sit electio, quarto, quod fiat post sepulturam prædecessoris.

28 Circa quæ aliqua animaduertenda sunt, primum, dispositionem huius capituli comprehendere etiam electionem omnium Prælatorum Regularium, ut dictum est, eis enim mortuis, vel deficientibus Ecclesiæ illorum dicuntur viduata, & sine pastore cap. *ne pro defectu de elect.* Deinde circa illam conditionem de assumptione trium, sufficienter saluari si tribus antiquioribus Capituli hoc munus committatur, usu, & consuetudine Religionis, non designatione, aut nominatione, prout in nostra Religione in praxi seruatur. Item circa illa de tribus tantum Scrutatoribus assumendis, non videri de substantia electionis quod sint tantum tres, sed posse esse quatuor, cum per hoc nihil fiat contra finem legis; cui sententiæ fauent declarationes S. Congregationis Cardinalium quas affert Suarez 4. tom. de *Relig. tract. 8. lib. 2. cap. 5. num. 10*. Item circa illas condiciones de votis singulorum secretè exquirendis, & scribendis, notandum duobus modis accipi posse, primò, ut electores coram Scrutatoribus voce proferant, quem eligunt, & ipsi Scrutatores, vel aliquis illorum id scribat, secundo, ut vnusquisque eligentium

Ff

secreto

secreto scribat, vel scriptum deferat suum votū ad Scrutatores, Licet autem prior modus conformior sit decisioni *cap. Quia propter*, verba enim illa, *vota cunctorum diligenter exquirant, & in scriptis redacta mox publicent* eum denotare videntur, & per consequens in praxi observari possit, nihilominus posterior modus conformior est decreto Concil. Trid. *sess. 25. cap. 6.* vbi electionem Prælatorum dicit fieri debere *per vota secreta, ita ut singulorum eligentium nomina nunquam publicentur*, magis enim secretè, & minus publicationis periculo exposita erunt vota, si unusquisque suum votum scribat charactere aliquantulum immutato. Vnde iste modus etiam in praxi observari potest, prout in aliquibus Religionibus fit. Præterea circa publicationem, votorum, debere fieri ab ipsis Scrutoribus, vel ab vno alijs cōsentientibus. Circa conditionem de collatione ad sciendum, quæ sit maior, vel sanior pars, notandum quod cum Conc. Trid. ut supra requirat, *ut nomina eligentium nunquam publicentur*, & collatio de saniori parte non possit fieri sine publicatione eligentium, ideo semper maiorem partem præsumendam sanio-rem. Circa 13. de electione faciendi per vnum nomine Capituli, cum non exprimitur quis debeat esse ille vnus, quidam dicunt, esse scribam, alij vnū de Scrutoribus, alij verò quod probabilius est, Capituli Præsidentem, vel primam vocem habentem, etenim veluti ex natura rei ad illum videtur hoc munus spectare. Debet autem is dicere: *Ego nomine omnium eligentium, eligo te N. in Prouincialem, Priorem, &c.* hoc enim est conformius textui, & ita præceptum observari in Capitulis Prouincialibus Ordinis nostri à Reuerendiss. Generali Theodoro Stratio. Vbi autem legitima consuetudine id non fuerit in vsu, licet ratione talis legitimæ consuetudinis permitti possit, introduci tamen debet propter decisionem prædicti capituli *quia propter*, & etiam *cap. sicut de elect.* De his omnibus Suarez 4. tom. de Relig. tract. 8. lib. 2. cap. 5. Quibus addendum quod cum in prædicto cap. *Quia propter* nihil dicatur de modo, quo Scrutatores debeant ferre suffragia, credendum est eodem modo, ac alios suffragatores id facturos, ita tamen, ut ad inuicem munus Scrutorum exerceant.

29 Ideo autem in prædicto capite mentio non fit de habilitate, seu capacitate eorum qui suffragia habent in Capitulo, quia ex alijs iuribus constat eos debere esse habiles, & liberos ab omni impedimento, censura, vel inhabilitate, de quo tom. 1. cap. 15. Pro cuius maiori luce, & quia circa hoc sæpius controuersia, & contentiones in electionibus oriri solent, notandum primo, quod quando

quando siue vnus, siue plures inhabiles ad electiones admittuntur ignoranter, valida est electio, etiam si post illam constet de eorum inhabilitate, in hoc enim tenet regula illa *utile per vtile non vitatur*, & altera, *factū legitime retractari non debet, licet casus postea eueniat à quo non potuit inchoari* de Regul. iuris Regul. 73. præsertim quia cum in negotijs vniuersitatis tota potestas resideat in his qui habiles sunt, ideo quamuis alij inhabiles ignoranter adisceantur, ij qui habiles sunt totum Capitulum, & legitimum representare poterunt. Innocentius in cap. illa num. 2. de elect. Imola num. 5. Hostiens. col. 1. Suarez 4. to. de Relig. tract. 8. l. 2. c. 4. n. 9. Similiter quando admittuntur prædicti inhabiles maiori parte Capituli inhabilitatem scientes, sed est potestas in Capitulo ad dispensandum cum illis, etiam est valida electio, quia censendi sunt virtualiter dispensati ab ipso Capitulo, ac per consequens valide elegisse. Ad quod deseruit doctrina tradita tom. 1. cap. 18. num. 63. de Prælato conferente alicui illegitimo aliquod officium; sciens enim subditum habere tale impedimentum, & conferens officium, censetur super illo dispensare, si potest. Sic enim videtur dicendum in præfenti. Quando verò à maiori parte Capituli inhabilitatem sciente nec potente ipso Capitulo super inhabilitate dispensare admittuntur isti inhabiles tunc irrita est electio, quia tunc habiles non censentur voluisse eligere sine dictis inhabilibus. Innocentius, Imola, Hostiensis allati, Siluester verbo electio 1. num. 17. in fine. Scio aliquos velle hoc solum verificari in casibus à iure expressis, scilicet de excommunicato in cap. fin. de procur. & de laico in cap. Massana de electionibus. Sed verior, & communior sententia est, quod in omni casu electio in qua scienter admittuntur inhabiles modo dicto est irrita, & nulla.

30 Nullus tamen elector potest, aut debet excludi ab electione sub prætextu alicuius inhabilitatis, delicti, aut censura, etiam causa pendente, nisi prius fuerit sententialiter condemnatus. Ante sententiam enim in foro externo pro habili habetur. Hostiensis, Ioannes Andreas, & Felinus cap. minime de accusat. Castellinus de elect. canon. Prælator. cap. 5. num. 1. Peccabit tamen elector qui inhabilitate aliqua quantumuis occulta affectus accedit ad electionem ab illa inhabilitate non dispensatus, iuxta dicta tom. 1. cap. 15. num. 5. Quare, si dum tempore faciendæ electionis, interrogante Præsidente electores an sciant aliquem ex illis habere aliquem defectum, vel impedimentum, propter quod nequeat esse de gremio Capituli, aliquis opponat alij aliquam inhabilitatem, debet, quantum tempus permiserit, fieri inquisitio

de ea, & si confessione, vel euidentri probatione constaret veram esse oppositionem, statim debet eiici à Capitulo talis inhabilis, si sine scandalo fieri potest. Si autem constaret certò inhabilitatem illi electori oppositam, falsam, vel nullam esse, retinendus est in gremio sic accusatus. Quando verò res est dubia, cum in dubijs iuuat possessio, & fauendum potius sit reo, quam actori, admitti potest, & debet cum protestatione tamen facta illi, quod scilicet admittitur ad eligendum si, & in quantum appareat postmodum cum debuisset admitti. Panormitanus in cap. Cumana de elect. Siluester in Summ. verb. electio 1. q. 15. Peirinis 10. 1. de subdito q. 1. de Obedientia cap. 31. §. 6. concl. 2. plures alios referens. Idem dicendum quando inhabilitas obiecta est certa, sed est scandalum si eiiciatur talis inhabilis, tunc enim admitti potest cum simili protestatione, vt habent prælati auctores; non tamen sine illa, ne videatur scienter admissus, & sic corruat tota electio. Siluester ibidem. Vide dicta tom. 1. cap. 15. nu. 7.

31 De Præside tam Capitulorum quam electionum quæ in ipsis fieri solent. præter dicta tom. 1. cap. 15. illud addendum, ad ipsum tanquam caput, & Superiorem in Capitulo spectare dirigere Gremiales ad electiones legitimè faciendas maximè iuxta decreta Clementis VIII. confirmata à S. Congregatione Concilij sub SS. D. N. Urbano VIII. quæ sunt huiusmodi. *Vt omnis officiorum ambitus occasio præcludatur caueant omnes à directa, vel indirecta vocum, seu suffragiorum procuracione tam pro se ipsis, quam pro alijs, cum in Capitulis locorum tum in cæteris præsertim Generalibus Capitulis, aut Congregationibus, seu alibi. Quicumque secus fecerint præter alias penas, & censuras hactenus contra huiusmodi ambientes inflatas quas in suo robore permanere volumus in pœnam priuationis officiorum quæ obtinent eo ipso incidant, & ad futura quacumque pariter inhabiles habeantur, super quo cum eis dispensari à nemine possit nisi à nobis, vel successoribus nostris, pro qualitate culparum grauius etiam plectantur. Porro supradictas omnes pœnas ad complices, ac simpliciter scientes, & non reuelantes extendimus.*

32 Hoc tamen decreto, & alijs similibus non obstantibus, iuxta dicta dicto cap. 15. num. 24. expediens erit, & sapius necessarium pro bona directione electionis, ad quam procurandam, Præsides præcipuè tenentur, vt electores instruant, moneant, & hortentur, modèstè, charitatiuè, & religiosè, eos etiam suauiter suadendo, & inducendo ad eligendum personam digniorem Capituli, ipsius virtutes veras, & regimini necessarias offendendo, hoc enim facientes rem Deo gratam, & valde vilem

Religio-

Religionibus nec contrariam prædictis decretis, aut alijs similibus, facient. Castellinus de elect. canon. cap. 3. num. 6.

33 Item ibidem in Superiorum, & officialium omnium electionibus forma præscripta à Sacro Concilio Tridentino, & Ordinis Constitutionibus inuolabiliter seruetur, iurentq. electores secundum veritatem cuiusque conscientie probiores, ac magis idoneos se electuros, ac propterea priusquam ad electionem deueniatur, in primis, & ante omnia præligantur Constitutiones de qualitate, & requisitis eligendorum. Ad officia gradus, & prælaturas illi præcipue eligantur qui possint, & consueuerint Regulas Ordinis, & Constitutiones obseruare, præsertim, quæ pertinent ad seruitium Chori, ac vestitum, & victum commune. Eligantur in Capitulo generali, vel provinciali aliquot graves, & periti ex Fratribus cuiuslibet Prouincie saltem tres qui admittendos ad prædicationem verbi Dei, vel ad audiendas confessiones etiam ipsorum Fratrum, ac lectores publicos diligenter simul examinent, priusquam probentur, & ad huiusmodi ministeria admittantur. Horum etiam curæ sit examinare, & probare tam quoad doctrinam quam quoad mores promouendos ad quoscunque Ordines, in quo seruetur decretum Congregationis interpretum Sacri Concilij Tridentini hac de causa nuper editum, & promulgatum.

34 Similiter quia iuxta Concil. Trid. decretum sess. 25. cap. 6. electiones fieri debent per vota secreta ita vt singulorum eligentium nomina nunquam publicentur, Præsidis munus est curare vt electio omnino secretè fiat. Vtenim præd. tom. 1. cap. 15. num. 17. dictum manet, ipsi suffragatores astringuntur præcepto nunquam publicandi sua vota etiam electione finita, et, si consentiente Capitulo, vel vnus electorum publicè suum votum manifestaret, electio irrita redderetur. Vnde prudenter in aliquibus Religionibus, vt in nostra (præcipiente Reuerendissimo Theodoro Stratio Generali) cautum est, vt electione finita schedulæ votorum statim comburantur, ne ex charactere cognosci possit ille qui votum dedit: imò etiam conditio hæc comburendi schedulas post factum scrutinium videtur esse tam necessariò requisita, vt defectus illius irritet electionem, propter declarationem Pij v. apud Rodriguez tom. 2. Bullar. post Bullas Pij V. inter viuæ vocis oracula ipsius num. 4. Castellinus de elect. canon. Prælator cap. 4. num. 62.

35 Præcipue tamen Præsidis munus est curare, vt electiones omnino libere fiant, de quo tom. 1. cap. 15. num. 21. Vnde Præses qui post vota recepta credens electum esse aliquem qui sibi non placet, iubet, vt ad aliam electionem procedatur, peccat grauiter mortaliter, contra decisionem cap. Quia propter relati, vbi præci-

præcipitur, ut facta collatione suffragiorum fiat electio; id est, ut statim post suffragiorum collationem vnus nomine Capituli eligat illum in quem omnes, vel maior pars suffragatorum conuenerunt. *Nauar. lib. 1. consil. tit. de elect. consil. 5.* Portellus in *responsionibus moralib. par. 2. cas. 16.* Imò in tali casu tenetur Præses ad restitutionem damni illati electo, cum ratione suffragiorum haberet ius ad illam dignitatem, seu officium, de quo fiebat electio. *Rebellus de oblig. iustit. 1. p. lib. 3. q. 2.* Portellus *ut supra.* Similiter grauiter peccabit Præses qui ante electionem dixerit ne dentur suffragia tali Religioso quia non esset illum confirmaturus. Hoc enim manifestè est contra libertatem electionis. Portellus *etiam ut supra.* Pariter Præses qui in electione aliqua vititur præcibus importunis, promissionibus, aut verbis asperis, ut eligatur v.g. Petrus, grauiter peccabit, & electio nulla erit. Quia præces importunæ maxime Superioris, promissiones, & similia causant inuoluntariam electionem. *Sanchez lib. 4. de matrimonio disp. 10. num. 2. & disp. 7. num. 5. 6. & sequentibus.* Portellus *etiam ut supra.* Item si paciscatur cum electoribus quod si eligatur Petrus v.g. ipse Præses condonabit, & non puniet culpas quorundam qui puniri debebant, peccatum simoniæ committet, quia est promissio rei temporalis, scilicet remissionis pœnæ, pro re spirituali, scilicet voto, vel suffragio. *Suarez to. 1. de Relig. lib. 4. cap. 37. Lessius de iust. lib. 2. cap. 35. dub. 21. num. 19.* Portellus *ut supra.* Præterea si faciat pactum cum aliquo dicendo, da tu huic suffragium, & ego illud tibi dabo, simoniam committit: fit enim clara pactio, seu conuentio in materia beneficiorum, seu quasi beneficiorum, qualia sunt Prælati in Religionibus, quod iure Canonico veluti simoniacum est prohibitum, iuxta dicta *tom. 1. cap. 15 num. 29.* Excusari tamen potest si illa solùm dicatur non per modum pacti, sed per modum demonstrationis rei futuræ faciendæ gratiosè, & non ex conuentione. *Rodriguez tom. 3. quæst. Regul. q. 63. art. 4.* Portellus in *Dub. Regul. verbo simonia, num. 1.* Quo sensu, & non alio intelligi potest id quod docent aliqui in contrarium. Quos tacito nomine refert, & sequitur *Sanchez to. 1. consil. moral. lib. 2. cap. 3. dub. 44.* Sed neque huiusmodi oblationes rei futuræ admitti debent, tum quia simoniam sapiunt, tum quia subornationis speciem præferunt, illis enim alliciuntur Religiosi ad dandum suffragium alijs, quod alias non facerent. *Villalobos in Summ. tom. 1. tract. 37. diff. 24. n. 1. Diana tract. 2. de Dub. Regul. resol. 125.* Facilius tamen permitti possunt in Præsidentibus Capitulorum, si fiant non per modum pacti, ut dictum est, nec per modum suborna-

subornationis, sed ad sedandos animos quorundam, & procurandum quiete, & pacifice digniorum electiones. Vt si prædicti Præsides ad quos spectat dirigere electores ad digniorum electionem alicui renuenti dare suffragium digniori dicant, da huic votum pro hoc officio, quia in alia occasione tibi providebitur, vel tui cura habebitur, &c.

36 Propter prædictam causam, videlicet conseruandæ omnimodæ libertatis in electionibus dubitant aliqui an licita sit consuetudo quarundam Religionum, quod scilicet Generales, vel eorum Commissarij assistant electionibus Prælatorum inferiorum. Nam electores ob timorem reuerentialem Generalium, vel Commissariorum ipsius suffragia dabunt non ad suam, sed ad prædictorum supremorum Prælatorum voluntatem. Castellinus de elect. can. c. 14. n. 61. Verumtamen si prædicti Præsidentes sinant electores libere omnino suffragia dare prout debent facere iuxta dicta, conueniens satis est, vt sint ex grauioribus Patribus Religionum, vt auctoritate qua pollent dirigant dictos electores ad faciendum electiones canonicè, pacificè, & iuxta Ordinum statuta.

37 Non decet Præsidem Capituli in eo eligi ad aliquod officium. Tum quia ob timorem, & reuerentiam ipsius electio non erit omnino libera. Tum quia præsumeretur fraus, & dolus. Miranda in man. tom. 2. q. 22. ar. 7. Castellinus de elect. canon. c. 13. à nu. 30.

38 Tenentur Præsides Capitulorum Regularium quærere annuatim suos Religiosos fugitiuos, aut eiectos. Ita enim deciditur in cap. fin. de Regularib. quod esto vsu receptum non fuerit prius, quia tamen à S. Congregatione Concilij sub SS. D. N. Urbano viii. innouatum est in decreto de Apostatis, & eiectis, ideo obligat ad sui obseruantiam, iuxta dicta tom 1. cap. 23. nu. 7. Imo in iure naturali stando, & secluso quocumque positivo, tenentur tam prædicti Præsides in Capitulis. cum in illis præcipuè agendum sit de profectu spirituali Religiosorum quam alij Prælati præfatos fugitiuos quærere, & iuxta Regulæ, & Constitutionum præscriptum corrigere, & punire, & reuocare eiectos si spes emendationis in illis sublit. Vide Sanchez l. 6. in decal. c. 9. num. 18.

39 Circa Confirmatorem etiam electionum id notandum, præter dicta tom. 1. cap. 15. num. 35. & 36. quod etiam quando electores iurarunt se electuros digniorem (prout debent iurare, iuxta dicta eodem cap. 15. num. 15.) sitamen dignum, et si minus dignum, elegerunt, tenetur Cõfirmator illum confirmare.

Ratio

Ratio est, quia talis electio in foro externo valida est (esto electores fuerint periuri in illa) ergo confirmanda, quia confirmatio cum sit actus externus electioni in foro externo valide conformari debet. Couarrubias *Reg. peccatum* 2. par. §. 7. num. 4. Sanchez *tom. 1. consil. moral. lib. 2. cap. 1. dub. 6. num. 3.* Quod intellige secundum ius commune, si enim iura particularia Religionum statuunt Confirmatorem posse cassare electionem digni, si viderit dimissum esse digniorem, prout dicitur esse in Ordine Prædicatorum, poterit id fieri. Salon. 2. 2. q. 63. art. 2. ad 3. *controuers.* 3. Sanchez *ut supra* num. 4. Hoc tamen intelligo si euidenter constaret relictum esse digniorem, alias enim ad euitandas lites, & contentiones melius esset confirmare electionem digni, sicut iure communi est licitum, & conformare se Confirmatorem electoribus. Confirmare autem indignum nullo pacto licet Confirmatori, iuxta dicta eodem *cap. 15. num. 36.* & videtur à simili de Episcopo confirmante indignum incidere in pœnas *cap. cum in cunctis de elect. §. fin.* Sanchez *ut supra* num. 27.

40 Electio quæ non fuit ritè, & legitimè facta confirmari nequit, quia ut habetur *ex cap. inter dilectos de fide instrument. §. cum ergo*, cum principale non tenet nec accessorium tenet, confirmatio autem est iuris prius habiti per electionem corroboratio, unde est quasi accessorium. Peirinis *tom. 1. de subdito q. 1. de obedientia cap. 31. §. 11. in 2. probat. 8. conclus.* Castellinus *de elect. Canonica Prelator cap. 14. num. 5.* Unde talis confirmatio irrita est, sicut & ipsa electio, propter eandem rationem. Peirinis *ibid. conclus. 8.* Quare Confirmatoris munus est considerare processum siue formam electionis, & modum in ea seruatum, ac disquirere an aliquis defectus in electione fuerit ratione cuius irrita sit, & nulla, ac per consequens non confirmanda. Castellinus *ut supra* nu. 6.

41 Extat tamen quoad hoc notabile priuilegium, Ordini Prædicatorum concessum ab Alexandro IV. & Sixto IV. quod scilicet quando electio facta de Prouinciali, aut Priore ex aliqua causa non contingeret confirmari, posset Superior ad quam confirmatio talis electionis pertinebat, idest Confirmator eligere aliquem de illis Fratribus quos ipsi electores, vel maior pars eorum per litteras suas ab eo petierint quando ad ipsum pro electi confirmatione transmitterent. Castellinus *de elect. Canonice Prelator. cap. 2. num. 6. & 12.* Quo priuilegio tam Prædicatores quam alij Mendicantes, & ceteri, qui cum ipsi scommunicationem priuilegiorum habent potiri poterunt. Nisi obstant Constitutio-

Constitutiones, & statuta particularia illorum, aut tali privilegio scienter renunciauerint, aut eo vti non sint illius habita scientia, iuxta dicenda cap. 15. num. 17.

42 Tempus trium mensium conceditur iure communi Confirmatori ad disquirendum de validitate electionis cap. *quam sit de elect. & electi potest. in 6.* Castellinus *de elect. canon. Prelator. cap. 14. num. 11.* Quando autem interponitur in forma debita appellatio, ne ordinarius Confirmator procedat ad confirmationem iam secutæ electionis, ad Papam, nequit ordinarius Confirmator confirmare durante præd. appellatione c. *si postquam eodem tit.* Castellinus *ut supra nu. 4.*

43 Electio illius qui requisitus ante electionem consentit electioni de sua persona facienda priusquam fiat, est cassanda. Ita enim colligitur ex cap. *cum post petitam de elect. & elect. potestate*, & ratio decisionis est quia talis præsumitur enormiter ambitiosus. Silvester *in Summ. verb. electio 1. nu. 11.* Castellinus *de elect. canon. Prelator. cap. 4. nu. 6.* post alios.

44 Similiter electio facta per sortes confirmari non potest. Quia est irrita, & nulla. Tum ex cap. *finali de sortilegijs*, vbi dicitur *Sortis usum in electionibus perpetua prohibitione damnautes*. Tum quia esto quod ex vi prædicti *capitis fin.* electio non sit irrita prout aliqui probabiliter tenent, tamen quia est contra formam cap. *Quia propter de elect.* vbi assignatis duobus modis electionis, scilicet per scrutinium, & per compromissum de quibus tom. 1. cap. 15. num. 11. dictum manet, subiungitur, *Aliter electio facta non valeat*. Tum denique quia ita credo esse receptum in omnibus Religionibus maximè post decretum Concil. Trid. sess. 25. cap. 6. Suarez to. 1. de Relig. lib. 2. de superstit. cap. 12. num. 9. Castellinus *de elect. canon. Prelator. cap. 4. num. 7.* An autem quando electio non fuit facta per sortes, sed per suffragia secreta, nihilominus electores ante ipsam conuenerunt ut is postea eligeretur, in quem sors ceciderit, & missis sortibus illum elegerunt super quem sors cecidit, an inquam hæc electio sit irrita, vel irritanda, vel non confirmanda maius dubium est. In quo credo dicendum talem electionem in se irritam non esse. Ratio est quia ipsa in se formaliter, ut ita dicam, sine sortibus facta est, sortes enim antecesserunt illam, si ergo alias nullo alio defectu vitata fuit, irrita non erit. Confirmatur, quia Pontifex in dicto cap. *fin. de sortileg.* dicit se confirmare electionem pariter factam per sortes antecedentes ipsam, quod autem confirmatur supponitur non esse irritum, aut nullum. Fānet Suarez *ut supra n. 10.* dum inquit non omnem actionem ordinatam ad electionem

Gg

factam

factam per sortes esse irritam. Nihilominus puto irritandam prædictam electionem, nec à Confirmatore confirmandam. Tum quia esto in se libera fuerit, & sine sortibus, ab illis tamen dependens fuit, & illis innixa. Tum quia fuit ex pacto, & cōventionē hac facta inter electores, si fors ceciderit super te, dabo tibi suffragium meum, si super me dabis mihi suffragium tuum, quæ aliquo saltem modo simoniam redolent, iuxta dicta *tom. 1. cap. 15. num. 29.* Fauet ad intentum glossa in *d. cap. fin. de sortileg. verbo ad gratiam*, ubi inquit electionem de qua in præd. cap. quæ ut dixi facta est sortibus antecederet missis, debere cassari, & propterea Pontificem dixisse *electionem factam de ipso ad gratiam confirmationis admittimus*. Maximè tamen fauet Castellinus ut supra dum asserit quamcumque electionem Prælatorum in qua, siue ante, siue post, siue in ipso actu electionis admittitur usus sortis esse ipso iure nullam. Adminus tamen prædicti electores sunt grauiter puniendi, tum propter dicta, tum quia faciunt electionem ut minimum dubiam, tum quia sorti committunt quod ipsi magna discretione deberent facere.

45 Electio facta ex vi renunciationis alicuius Prælatuæ antequam fuerit acceptata à Superiore illius qui renunciavit, nulla est atque irrita, ac per consequens nullatenus confirmandam. Ratio est, quia Prælatura non vacat ex vi solius renunciationis antequam acceptetur. Riccius in *praxi rer. quotidianarum tom. 3. resolut. 399.* Castellinus de *elect. canon. Prælat. c. 4. n. 60.* post multos alios.

46 Electio in qua est electus qui causam scandali præbiturus est in populo illius loci cui præficiendus est in Prælatum venit annullanda, & cassanda. Ex decisionibus Sacræ Rotæ quas refert Castellinus de *elect. canon. cap. 4. num. 67.* Qui etiam *num. 58.* asserit electionem vsurarij, seu publici aleatoris esse ipso iure nullam. Vnde talium electio confirmari non debet.

47 Electio facta per abusum sæcularis potestatis irrita est, & nulla, ac per consequens non confirmanda, & consentiens tali electioni ineligibilis est, nec absque dispensatione ad aliquam dignitatem eligi valet. Electores quoque ab officijs, & beneficijs suspenduntur per triennium, eligendi potestate privati. Ita enim habetur *cap. quisquis de elect.* Ea porro electio dicitur per abusum sæcularis potestatis facta, quæ fuit facta per interuentum Principis, seu potestatis sæcularis, siue ad instantiam sæcularis potestatis. Bellemera *1. par. p. lib. decretal. sup. hoc capite.* Castellinus de *elect. canon. c. 5. num. 33. & 34.*

48 Potest electus canonicè in Prælatum confirmationem à
Confirm-

Confirmatore petere sine nota ambitionis. Quia habet ius ad Prælatiam ad quam est legitimè electus. 10: Andr. in c. publicato de elect. Mandagot. 2. p. sui tract. de elect. c. 59. Si tamen importunè, & affectuosè insitet pro confirmatione non effugiet saltè apud homines ambitiosi notam, cum onus humeris Angelicis impar subire tam obnixè procuret. Castellinus de elect. canon. Prælator. cap. 14. num. 65.

49 Decretum electionis, quod ab aliquibus vocatur scrutinium, ab alijs verò acta Capituli, & est scriptum continens seriem, siue formam electionis celebratæ cum expressione nominis electi, & numeri eligentium, mittendum est ad Confirmatorem, si sit absens, ut videat an electio confirmanda sit necne. Est enim ad minus de solemnitate electionis. Mandagottus de elect. 1. p. cap. 38. Castellinus de elect. canon. Prælat. cap. 12. nu. 30. Prædictum autem decretum siue testimonium authenticum, litteræ testimoniales, aut fide digni testes de prædictis dici possunt de necessitate electionis prout confirmandæ. Quomodo enim Confirmator confirmare potest electionem abiens, nisi aliquo ex prædictis modis illi constet fuisse ritè, & legitimè factam? Quando autem Confirmator præsens est, neutrum illorum est de substantia electionis, aut confirmationis, cum sine illorum aliquo possit Confirmatori constare electionem esse legitimè factam. Silvester in Summ. verb. electio 1. nu. 21.

50 In gratiam quorundam Regularium, in quorum Capitulis aliquando creantur Prælati solum per postulationem, notandum ex Abbate in Rubr. de postulatione, quod postulatio est quædam gratia petitio facta Superiori de promouendo aliquem ad Prælaturam, ad quam iure communi propter defectum aliquem eligi, seu promoueri non poterat. Vnde licet electio latè sumpta comprehendat postulationem, ut colligitur ex cap. unico de postulat. Prælat. in 6. & sub nomine electionis generaliter sumptæ cadat postulatio (Panormit. in cap. in causis de elect. num. 2.) nihilominus differunt primò quod per postulationem potest postulari aliquis qui per electionem eligi non potest, v: g. illegitimus. Constat hoc ex cap. innotuit nobis de elect. & electi potest. Castellinus de elect. canon. Prælator. cap. 1. num. 12. Differunt secundò quod per electionem canonicè factam consentiunt electores in electum, tamquam in sponsum Ecclesiæ, ad quam eligitur, per postulationem verò solum dirigunt vota sua ad Superiorem, ut ex gratia postulatum admittat. Panormit. in tit. de postulat. Prælat. in princ. Silvester in Summ. verb. electio 2. num. 3. Tertiò differunt quod postulatus ex vi postulationis nullum ius adquirit ad

Prælaturam, bene tamen electus. Panormitan. *cap. postulationem de postulat.* Castellinus *ut sup. num. 16. & 17.* Requiritur ad postulationem multa. Primum, quod fiat ab ijs, qui postulare possunt. Secundum, ut porrigatur illi, qui eam admittere potest. Tertiū, quod fiat de eo, qui promoueri potest. Quartum, quod sit concursus, idest, ab omnibus gremialibus Capituli, vel saltem à duabus partibus. Silvester *in Summ. verb. postulatio Pralat. num. 2.* Angelus *in Summ. eodem. verb.* Illi postulare possunt, qui possunt eligere. Silvester *ibid. num. 4.* Angelus *ibid. num. 2.* post Hostiensē. Cui postulatio fieri potest est ille, qui potest dispensare in defectu, vel impedimento, quod habet postulatus, ut si is est illegitimus, vel carens perfecta ætate ab eo porrigi debet postulatio pro ipso, qui potuerit in huiusmodi defectibus dispensare. Silvester *num. 5.* Angelus *num. 1.* Illi autem promoueri, seu postulari possunt, qui non habent aliquem defectum indispensabilem ab eo cui porrigitur supplicatio. Quare indigni postulari non possunt. Mandagotus *in tract. de elect. Pralator. 1. p. cap. 53.* Castellinus *de elect. canon. Pralat. cap. 1. num. 9.* Nec irregulares, aut homicidæ, nisi pœnitentiam egerint. Mandagotus *ibid.* Idem dico de criminosis, puta periuris, & inobedientibus. Silvester *num. 3.* Angelus *dicto. verb. postulatio.* Postulari etiam non possunt, qui non fuerint in Religione professi, nisi necessitate cogente, & casu quo essent instructi in Regula Ordinis. Silvester *ut supra Tabiena in Summ. verb. postulatio num. 3.* Apud quos etiam de alijs, qui postulari nequeunt.

51 Ex postulatione autem ij effectus nascuntur. Primus, quod postulatus admissa postulatione ab eo cui porrigitur cum conditionibus assignatis, statim consequitur ius ad Prælatiam, ac si fuisset electus, & confirmatus. Panormit. *in cap. 1. de postulat.* Angelus *in Summ. verb. postulatio nu. 4.* Tabiena *in Summ. eodem. verb. num. 6.* Unde non indiget alia electione, vel confirmatione. Angelus, & Tabiena *ibid.* Silvester *in Summ. verb. postulatio nu. 6.* Secundus effectus est, quod casu quo postulatio cum electione concurrat, licet cæteris paribus electio præponenda sit postulationi, si tamen postulatio habet duas tertias, seu duas partes ex tribus Capituli, electio autem non nisi maiorem partem, tunc postulatio præponitur. Ita enim colligitur *ex cap. scriptum est de elect.* Glossa *ibid. verb. maiorem,* Tabiena *in Summ. ut supra nu. 2.* Similiter postulatio facta concorditer ab omnibus, vel saltem à duabus partibus ex tribus non potest reijci à Superiore, nulla legitima electione existente. Panor. *tit. de postul. cap. postulationem 2. 2.* Castellinus *de elect. canonic. Pralator. cap. 2. num. 3.*

Cum

52 Cum autem, ut dictum est, iure communi permissus, & licitus sit modus creandi Prælatos per postulationem, ideo non solum in Religionibus ubi is usus introductus est, sed etiam in alijs ubi non est introductus, recipi potest, nisi obstant Constitutiones à Sede Apostolica approbatæ, quæ hunc modum instituendi Prælatos reprobent.

53 Est etiam alius modus creandi, seu instituendi Prælatos, qui vocatur Nominatio, quæ etiam largo modo potest dici electio, quia qui nominat alium prius ipsum mente elegit. Panorm. in cap. quod sicut de elect. in primo notab. Tabiena in Summ. verb. postulatio num. 7. Quamvis autem triplex vocetur huiusmodi Nominatio, illa tamen quæ dicitur solemnis, & est propriè Nominatio, est quando duo; vel plures nominantur Principi, ut ex eis eligatur vnus. Tabiena ibid. Similiter est Nominatio quando omnes concordant in aliquo eligibili assumendo, & vadunt ad eum, à quo petendus est consensus, scilicet ad Superiorem, & requirunt eius consensum, ut cum ipso dispenset. Glossa in cap. bonæ memoria de postulat. Prælator. Castellinus de elect. canon. Prælator. cap. 2. nu. 14. Sed Silvester in Summ. verb. Nominatio, eam esse dicit, quando duo, vel tres, qui sunt solemniores in Capitulo, vel alibi, nominantur Superiori, & petitur, ut de aliquo eorum provideat. De hac autem Nominatione loquendo videtur aliquod ius per illam adquiri nominatis. Silvester ibid. Vel ad minus non posse nominantes variare postquam Superiori est præsentata Nominatio. Tabiena, & Silvester ut supra. Qualiter differat, vel conveniat is modus creandi Prælatos cum electione, vel Postulatione ex dictis faciliè conijcitur. Similiter an possit, vel non esse in usu Religionum, constat etiam ex dictis, cum iure communi sit permissus, & in usu aliquorum Regularium.

54 Pro praxi autem celebrandi Capitula Prouincialia in nostro Ordine Reuerendiss. Generalis Theodorus Stratius formam hanc breuem ex Sacris Canonibus, & Ordinis Constitutionibus compilatam fecit, quam etiam Præfidentibus Capitulorum obseruandam transmissit, & in posterum transmittendam curabit. Hanc ergo hic placuit adiungere, etsi enim pro nostris solum edita sit, alijs tamen Religionibus inutilis non erit.

Modus celebrandi Capitulum Prouinciale in Ordine Carmelitarum.

55 **P**rimo loco sciendum, quòd ad Patrem Prouincialem pertinet tertio suæ functionis anno conuocare Capitulum Prouinciale Dominica 3. post Pascha Resurrectionis celebrandum, nisi P. Ordinis disposuerit de Præsidente, cum expressa facultate conuocandi Capitulum. Celebrandum est autem Capitulum ex Prioribus, & Vicarijs Conuentuum electis, vel legitimè institutis, & eorum Socijs ritè à Conuentibus electis, cum Prouinciali officium deposituro, & suo Socio visitationis, nec non cū Præsidente, & Socio per eum eligendo, qui vnus tantum esse potest, quamuis Præsides à Patre Generali fuerit institutus etiã cum Compræsidente. Quod pariter intelligi debet de Præside auctoritate Apostolica in forma communi confirmato, quia confirmatio in forma communi nullum ius nouum tribuit, cum non sit ampliatio, sed corroboratio iuris quæ sit, faciatque rem confirmatam auctoritatis maioris, & quòd magis timeatur.

Possunt etiam interesse Capitulo Prouinciali Magistri in S. Theolog. qui promotione tenuerunt per Ordinem sibi factã, complendo cursus suos secundum statuta Ordinis in Prouincia, in qua collocati fuerint. Socij quoque Prouincialis, qui electi fuerint pro Comitij generalibus celebrandis locum habent, & vocem in Capitulo Prouinciali ipsa Comitia generalia sequenti, esto, quòd illis non interfuerint, modo ostendant, quòd legitimo impedimento non valuerint interesse. Et similiter P. Prouincialis, aut Vicarius Prouincialis absolutus in Comitij generalibus immediatè præcedentibus, nec non Vicarius electus in custodiam Prouinciæ pro absentia Prouincialis ituri ad Comitia generalia, quamuis ipse Prouincialis non accesserit, sed Prouinciam custodierit. Est etiam de gremio Capituli Prouincialis electus quoad ea, quæ post eius legitimam, & canonicam electionem fieri contigerit.

Et quia in Congregationibus, in quibus non est ordo, plerumque multa tumultuosè fiunt, & dissensiones suboriuntur, ne in Capitulis Prouincialibus sit inter Gremiales vlla confusio, & contentio, primum in sessionibus locum tenebit P. Præsides, secundum Prouincialis ab officio absoluentis, etiam postquam absolutus fuerit, & Prouincialis electus post publicatam eius electionem.

electionem, qui Prouincialem ab officio absolutum præcedet: tertium Diffinitores, & si admissi fuerint aliqui ex gratia in Diffinitorio, vel ob longam consuetudinem, vel ob aliquod statutum particulare Prouinciæ, isti cedent locum Diffinitoribus ordinarijs: quartum magistri in Theologia: quintum Priores locales non magistri: sextum Socius Præsidentis, & post eum Socius Prouincialis officium deponituri, nisi fuerint magistri, & vltimum locum Socij Priorum, si similiter non fuerint magistri.

Vigilia vigiliæ, scilicet die Veneris, si nondum constiterit de Præsidente cum facultate conuocandi, & celebrandi Capitulum à Patre Ordinis constituto, de mandato Prouincialis statim post decantatas vespervas per sonum campanellæ ter pulsatz, sicut si-
gnum congregandi Capitulum, quo audito omnes Fratres conuenient ad locum deputatum, & eis consedentibus, Prouincialis verbum habebit opportunum, quo expleto, præsentabuntur, & publicabuntur litteræ Patris Ordinis, si quæ datæ fuerint, virtute quarum aliquis sit institutus Præses, qui statim pro tali ab omnibus est habendus, illique debita præstanda obedientia, primò à Prouinciali, deinde ab alijs successiue. Qui Præsides deinceps suo fungetur officio. Ante publicationem autem litterarum Generalis, nullo modo rebus ad Capitulum pertinentibus se immiscere, vel vltam præminentiam prætereendere poterit. Quòd si nullæ fuerint litteræ Patris Ordinis præsentatæ Prouincialis pronuntiabit, & declarabit Præsidentem primum, & maiorem ex Diffinitoribus præcedentis Capituli si fuerit Magister; nullo Diffinitore existente magistro, antiquiorem magistrum in Prouincia.

Post hæc P. Præsides eliget sibi Socium, quem maluerit, non habentem canonicum impedimentum; qui tamen prius non dederit suffragium in electione Socij alicuius Prioris ituri ad idem Capitulum. Qui Socius poterit etiam deferuire pro Secretario Capituli, licet P. Præsides facultatem habeat nominandi alium Secretarium, quem magis idoneum ad tale munus iudicauerit. Qui tamen, nisi aliàs fuerit de gremio, non habebit locum, & vocem in Capitulo; cum enim eius officium sit nudum ministerium, potest esse extraneus, & etiam laicus. Præstabit iuramentum Secretarius de officio suo fideliter peragendo. Deinde P. Præsides notificabit gremio nouæ electionis Prouincialis die crastina futuræ causam, vel ex completo officio, vel ex assumptione, vel ex morte, vel ex priuatione, vel ex renuntiatione, vel ex quacumque alia, & quòd ad implorandum diuinum auxilium pro negotio tam graui ritè peragendo pernecessariū, præcan-

præcantanda est Missa de Spiritu Sancto, omnesque Gremiales debent, & teneantur Sacrum facere, vel saltem Sanctissimo Eucharistiæ Sacramento refici.

Deinde cum consilio Diffinitorum faciet officialium Capituli tabulam, instituendo scilicet & nominando Priorem ipsius Capituli, Subpriorem, seu moderatorem chori, Concionatores, publicarum conclusionum defensores, causarum criminalium, & ciuiliū Auditores, admittendorum ad confessiones, & ad studia, promouendorum ad gradus, & ad Ordines, & recipiendorum ad habitum Religionis examinatores, librorum reuifores, & cursores Capituli. Qua coram gremialibus lecta, vnumquemque officialem ad munus sibi impositum perficiendum adhortabitur, eamque in loco publico affigi curabit.

Poterit etiam eadem die, si gremio placuerit, pro prima sessione, & actione capitulari, vna cum Diffinitoribus examinare litteras Sociorum Priorum, necnon eorumdem Priorum culpas audire, atque accusationes, & informationes contra eos captas, & præsentatas recipere, & si quæ ab eis culpæ fuerint confessæ, vel per tam sufficientem testium depositionem probatæ, quòd eis nulla competat apparens defensio, propter quas culpas secundum statuta Ordinis, seu sacros Canones, aut Pontificias Constitutiones, vocem amiserint, statim, nulla alia assignata pœna, excludentur à Capitulo.

Quòd si culpæ non fuerint cõfessæ, nec sufficienter probatæ, vel contra aliquos alios Gremiales facta fuerit oppositio de aliquo impedimento canonico, propter quod admittendi non sint in Capitulo, de quo tamen non sufficiens exhibebitur probatio, quia tunc non datur tempus faciendi defensiones, nec sumendi nouas informationes, Gremiales contra quos factæ fuerint tales oppositiones, non poterunt excludi à Capitulo; sed erunt admittendi cum protestatione, quod admittantur si, & quatenus de iure admitti poterunt.

Antequam Gremiales procedant ad aliquam electionem, præparetur in loco pro electionibus faciendis deputato Altare cum Crucifixo, & vna, in qua recipienda sint suffragia, necnon, tot schedulæ de eadem charta, eiusdemque longitudinis, & latitudinis, & sine vilo puncto, vlloue signo notatæ, quot erunt necessariæ pro omnibus electionibus, in quibus ex vna parte sit eadem manu scriptum iuramentum de eligendo meliore, de mandato Clementis viii. præstandum, sub hac forma. Ego N. testem inuoco IESVM Christum, qui me iudicaturus est, quòd eligo, quem secundum dictamen meæ conscientiæ censeo
probio-

probiorem, & magis idoneum. Ex altera verò parte scripta sint hæc verba: *Ego eligo in N. Patrem N.* ita vt nihil defit scribendum, nisi nomen electi.

Aduertendum etiam est, quòd de mandato eiusdem Clementis VIII. prius quàm deueniatur ad aliquam electionem, prælegendæ sunt Constitutiones de qualitatibus, & requisitis eligendorum, & quòd ad Prælaturas illi præcipue sunt eligendi, qui possint, & consueuerint Regulas, & Constitutiones Ordinis obseruare, præsertim, quæ pertinent ad seruitium Chori, ad vestitum, & ad vitam communem.

Die Sabbati, non obstante cuiuscumque absentia, valde manè, cantata Missa solemnè de Spiritu Sancto, habito sermone, & commendatis Fratribus, benefactoribus, familiaribus, patronis, ac litteras Confraternitatis habentibus, defunctis singulorum Conuentuum citra Capitulum Prouinciale vltimò celebratum, accedent ad locum pro electionibus faciendis præparatum omnes Gremiales, cum alijs Fratribus, cantando Hymnum, *Veni creator Spiritus*. Quò vbi peruenerint, exclusis omnibus, qui non habent locum in Capitulo, considentibus Præsidente, Prouinciali, Diffinitoribus, & alijs de Gremio, Pater Secretarius Capituli surgens dicat. Hi sunt Reuerendi Patres, qui in electionibus huius Capituli vocem, & locum habebunt. Ad R. P. M. Fr. N. Præsident Capituli, Ad R. P. Mag. Fr. N. Prouincialis. P. M. Fr. N. primus Diffinitor, nominando singulos electores per ordinem, quibus ex commissione Patris Præsidentis præcipiet, ne vllus in virtute sanctæ Obedientiæ antequam completas omnes sessiones, & actiones Capitulares, & absolutas gratiarum actiones, è loco Capituli, absque expressa eiusdem Præsidentis licentia, discedat.

Pronunciatis per Secretarium, & publicatis Patribus vocalibus, ter eos alta voce interrogabit P. Præsident, an sciant in aliquo esse defectum, vel impedimentum, propter quod non debeat esse de gremio, & si in aliquo repertum fuerit aliquod impedimentum, confessum, vel sufficienter probatum, iste eiicietur statim antequam ultra procedatur.

Deinde pro maiori electionum, quæ in Capitulo faciendæ sunt, firmitate, & conscientie gremialium tranquillitate, esto nihil fuerit oppositum, eos absoluet, & cum eis dispensabit, in hunc modum. Omnes gremiales genuflexi dicent; *Confiteor &c.* & Pater Præsident subiungit; *Miseratur vestri &c. Indulgentiam &c.* Ego N. in quantum Regularium priuilegia se extendunt, absoluo vos à quavis sententia excommunicationis, sus-

Hh

spensio-

spensionis, & interdicti, & à quibuscumque alijs sententijs, pœnis, & quatenus opus sit dispenſo vobiscum super quavis irregularitate (exceptis censuris, sententijs, pœnis, & irregularitatibus ob defectus ad electiones faciendas in isto Capitulo pertinentes contractis, vel ad forum contentiosum deductis) ad effectum legitime electionis, vosque legitimos vocales declaro. In Nomine Patris, &c.

Sic absolutis, dispensatis, & legitimatis vocalibus, procedendum est primò ad electionem quatuor Diffinitorum. Quare unusquisque gremialis de manu Præsidis, vel Secretarij Capituli accipiet vnam ex præparatis schedulis, & in ea propria manu scribet nomina quatuor Patrum de gremio, quos eliget in Diffinitores, immutato quantum fieri poterit caractere, ne agnoscat à Patribus, qui visuri sunt, & lecturi suffragia.

Et licet secundum nostras Constitutiones, omnes simplices sacerdotes, qui habent quinque annos expletos professionis, & sunt in ætate triginta annorum, esse possint Diffinitores; nihilominus non omnes ad tantum munus apti sunt; ad eos enim spectat, vna cum P. Præsidente, singulis Prouinciæ Conuentibus de idoneis prælatis providere, de delictis, & excessibus Patris etiam Prouincialis cognoscere, illumque cogere ad reddendam rationem de receptis, & datis pro Prouincia: statuta facere pro regimine Prouinciæ, & in toto triennio, futuro Prouinciali in grauioribus negotijs assistere. Quare curabunt Patres Gremiales eligere in Diffinitores Patres magis insignes prudentia, & quæ rerum spectabiles, & quod præsertim sint in sacra Theologia graduati, vel, quòd saltem in aliquibus Conuentibus Superioris munus laudabiliter gesserint.

Cum autem de iure communi in electionibus per scrutinium faciendis, tres sint assumendi Scrutatores de Collegio, tot ex electoribus Capituli P. Præsidentis de assensu veterum Diffinitorum contra quos nihil opponat aliquis ex gremialibus assumet, & si quis recusatus fuerit, P. Præsidentis, de assensu pariter Diffinitorum illius loco alium nemini suspectum assumet. Horum Scrutatorum munus (ubi genuflexi ante Præsidentem iurauerint, se fideliter accepturos, & publicaturos suffragia, & quæ ad officium suum pertinent, sincera cum mente præstituros, ad mentemque præparatam accesserint) erit, singula vota eligentium complicata in vrna recipere, eadem extrahere, enumerare, aperire, legere, & publicare.

Declaratis igitur scrutatoribus, P. Secretarius Capituli surgens dicat; R.R. Patres in nomine Domini ad danda suffragia accedi-

accedite. Et in continenti primus omnium Pater Præsidentis accedens ad Altare, genuflectat coram Crucifixo, & genuflexus signans se Cruce in nomine Patris, &c. legat iuramentum à tergo schedulæ scriptum, deinde surgens, & duobus digitis clausum suum suffragium ostendens in urnam mittet, factaque inclinatione Altari, ad suum locum redibit. Quod idem faciant successiuè alij Gremiales. Et hic modus, hæcve forma dandi suffragia in omnibus alijs electionibus seruanda est.

Cum autem secundum nostras Constitutiones, & secundum ius commune, non possit fieri electio, nisi per præsentes; sciendum, quod si aliquis ex gremialibus tempore electionis fuerit in Conuentu, vel in oppido, aut in Ciuitate, in qua celebrabitur electio; sed ita ægrotans, vt non valeat personaliter ad locum electionis accedere, pro præsenti nihilominus habendus est, & Patres Scrutatores ad eum pro recipiendo eius suffragio se conferre debent.

Receptis omnibus suffragijs in urna, vnus ex Scrutoribus illa extrahet, numerabit, & euoluet, eaque visa, & alijs duobus ostensa leget, & publicabit, & interim dum schedulæ perlegentur, Secretarius Capituli vnumquodque suffragium in scriptis excipiet, electorum nomina prænotando, quod etiam à diuersis alijs gremialibus, saltem tribus à Præsidente designandis, pariter fiet.

Post singulorum publicationem suffragiorum, si plures quàm quatuor nominati fuerint Diffinitores, facienda est à Scrutoribus collatio numeri ad numerum, vt appareat, quinam iuxta nostras Constitutiones remanserint legitime electi, illi scilicet, in quos plures quàm in alios consenserint gremiales; quamuis non solum isti; sed etiam omnes alij, qui pauciora habuerint vota adnotandi sint in libro Prouinciæ per ordinem, secundum numerum maiorem suffragiorum, vt ex eis possit suppleri numerus Diffinitorum, si casus euenerit faciendi supplementum.

Publicatis suffragijs Diffinitorum, P. Præsidentis ter alta voce interrogabit Gremiales, vt moris est in Religione; An habeant illam electionem pro legitima, & canonica. Licet enim supposita præfata absolutione, & legitimatione vocalium, & dispensatione, nihil (saluis exceptionibus, de quibus supra) possit illis obijci, propter quod non sint habendi legitimi vocales; potest tamen opponi contra ipsam electionem, quòd non fuerit Canonica facta, & propterea nulla, vel annullanda. Hic autem est aduertendum, quòd qui interrogati à Præsidente nihil dixerint

contra electionem; sed in eam, vel expressè, vel tacitè consensierint, illam postea secundùm sacros Canones impugnare nequeunt, nisi ex noua causa, vel vetèri, sed nouiter eis manifestata.

Si aliquid igitur oppositum fuerit contra electionem Diffinitorum, P. Præsidentem oppositionem cum antiquis Diffinitoribus statim summarie examinabit, determinabitque, an electio sit firmanda, vel infirmanda, & ad aliam procedendum. Si autem nulla fiet oppositio, dicet; Ego N. nomine meo, & nomine omnium istorum Gremialium eligo in Diffinitores præsentis Capituli nostræ Prouinciæ N. RR. Patres, Fra. N. & Fra. N. &c. Et incontinenti, hi quatuor Patres electi accedent ad Patrem Præsidentem, & coram illo genua flectent, & ipse eos confirmabit, dicens; Ego N. auctoritate qua fungor, confirmo vos in Diffinitores præsentis Capituli dans vobis omnem auctoritatem, & potestatem, quam ceteri Diffinitores huiusmodi Capitulorum secundùm statuta nostri Ordinis habere solent. In nomine Patris &c. Qui sic confirmati, deosculata manu Præsidentis, sedebunt iuxta Prouincialem, ordinem inter seipsos consuetum seruantes. Antiqui autem Diffinitores recedant tunc à Capitulo, nisi alio titulo sint de gremio.

Sic electis, & confirmatis nouis Diffinitoribus, & in suo loco consedentibus ad dexteram, & sinistram Præsidentis, Prouincialis officium depositurus coram Præsidente, & toto Gremio dicet culpas suas, & humiliter, ac mansuete audiet reprehensiones, correctiones, & accusationes Fratrum, & si compertus fuerit reus talis culpæ, propter quam secundùm statuta Ordinis amiserit vocem, expellendus erit; nulla tamen ei iniungenda pœnitentia, donec fuerint eius culpæ in Diffinitorio visæ, & diligenter discussæ.

Et quia extat decretum in multis Capitulis Generalibus nostri Ordinis, factum videlicet in Capitulo Patavijs celebrato anno 1532. in celebrato Vincentiæ 1539. in celebrato Romæ anno 1564. in celebrato Placentiæ anno 1575. & in celebrato Romæ anno 1580. vt videre est in libro Ordinis, in vsuque positum in tota Religione, quod nullus possit eligi in Prouincialem, qui non sit ex nominatis, & præsentatis à Patre Ordinis; procurabit Præsidentis legi, & publicari Gremialibus litteras Patris Generalis de ab eo nominatis, & præsentatis, vt vnum ex eis eligant in Prouincialem.

Deinde prælectis Constitutionibus de requisitis eligendi in Prouincialem, procedent Patres Gremiales ad eius electionem per secreta suffragia, seruata forma, de qua supra in electione Diffini-

Diffinitorū, & eos aduertet P. Præsident, ne in scribendo nomine electi addant aliquod verbū; alioquin eorum suffragium erit nullum, & nullius valoris, & si lectis, publicatisque per Scrutatores suffragijs, & facta, (si plures fuerint nominati) collatione numeri ad numerum, constiterit aliquem habuisse plura vota, quā omnes alij simul, iste, si ad interrogationem Præsidentis contra electionem nulla facta fuerit obiectio, erit Prouincialis. Si verò in primo scrutinio nullus habuerit plura vota quā omnes alij simul, tentandum erit secundum scrutinium, & si neque in isto creabitur Prouincialis, tertium erit tentandum, & hac tertia vice, etiamsi nullus plura habuerit suffragia quā omnes alij simul; qui tamen plura habuerint quā alij singulatim, Prouincialis erit, & si plures in suffragijs æquales fuerint, ille præponetur, qui primum locum tenebit in Ordine, attenta tamen antiquitate professionis, vel gradus.

Et quia in electione Prouincialis omnia sunt seruanda, quæ pro electione Generalis nostræ Constitutiones disponunt, & in electione Generalis, facta votorum publicatione, & collatione, & confito in quem maior pars consenserit, habens primam vocem, suo, & omnium eligentium nomine, decretum electionis interponit, quod vtique Sacris Canonibus consonum est, sic etiam statim ac in electione Prouincialis publicata fuerint vota, & facta eorum collatione apparuerit in quem maior pars consenserit, & ad interrogationem Præsidentis iteratam nulla, fiet obiectio, P. Præsident interponet decretum electionis, in hanc formam. Ego N. nomine meo, & nomine omnium eligentium eligo, & denuncio Patrem Magistrum N. Prouincialem huius Prouinciæ.

Et istud decretum nullatenus est omittendum, quia DD. dicunt, in eo essentialiter consistere electionem. Quamobrem referunt, quòd in electione Petri Barbi Veneti in Pontificem, qui vocatus fuit Paulus secundus, Cardinalis Bessarion Tusculanus Episcopus primum in Collegio locum habens vnumquemque ordine interrogans: Num ea placeret electio? Et cum ab omnibus prona assensione placere responsum esset, conuersus ad Petrum dixit. Patres hi te in Pontificem elegerunt, & ego omnium nominibus te eligo. Idque fecit, vt quæ sunt necessaria ad electionem legitimam viderentur in ea conuenisse. Quamobrem electio, quæ fit per secreta vocalium suffragia, videtur solum esse quoddam electionis præambulum necessarium ad inuestigandam Gremialium voluntatem, & ad cognoscendum in quem ipsi consenserint. Quare illud decretum descri-

describendum est inter acta Capituli.

Pronunciato prædicto decreto, absoluta est utique, & completa Prouincialis electio. Aduertendum tamen, quod quamuis Prouinciales extra Italiam, dum in ea commoratur Generalis, statim ac sunt electi, suum officium exercere possint, licet cum obligatione obtinendi à Generali confirmationem infra quatuor, vel sex menses ad summum. Prouinciales tamen Italiae nequeunt exercere suum officium, nisi habita prius confirmatione à Generali. Quare interim Prouincia regenda est per Priorem Conuentus, vbi celebratum fuerit Capitulum, si erit Magister. Sin minus, per antiquiorem Magistrum, qui tanquam Vicarius Prouinciam administrabit. Nisi Pater Generalis fuerit extra Italiam, tunc enim Prouinciales electi in Italia poterunt exercere officium cum eadem obligatione obtinendi confirmationem à Generali infra quatuor, vel sex menses. Quod si electus in natione, in qua fuerit Generalis, ante confirmationem per se, vel per alium, in totum, vel in partem, ea, quæ sunt sui officij exercuerit, secundum ius commune eo ipso priuatus est, vel priuandus iure, quod ei per electionem quæsitum fuerat. At si Prouincialis electus fuerit extra Europam, cum ob nimiam distantiam, itinerisque difficultatem, ac incertitudinem nequeat illi præscribi determinatum tempus ad procurandum confirmationem officij à Generali, poterit, seruatis seruandis, confirmari à Præsidente Capituli; obligatus tamen erit obtinere quam primum poterit aliam confirmationem à Generali.

Prouinciali electo, statim Præsident, etsi infra futurum proximum triennium non sit celebrandum Capitulum Generale, procedet ad electionem Sociorum Prouincialis, & Diffinitoris pro ipso Capitulo Generali, ac etiam Vicarij Prouinciæ pro absentia Prouincialis ituri ad Capitulum Generale, & omnes istæ electiones fieri debent per vota secreta, & seruata forma, de qua supra. Electo Prouinciæ Vicario, alium ad custodiam Prouinciæ pro casibus fortuitis sua auctoritate substituet Prouincialis electus, qui primi per mortem, vel aliter deficientis, vel à Prouincia absentis, vices suppleat, & auctoritatem habeat ad quæcumque.

Circa electionem Sociorum duo sunt aduertenda. Alterum, quod nullus Gremialis, siue Generalis, siue Prouincialis, siue quisquis alius habiturus vocem in Capitulo Generali, in electione Sociorum vocem habet adiuam, & si in ea suffragium dederit, vocem adiuam amittet in Capitulo Generali. Alterum, quod

quòd cum omnes quatuor Diffinitores accedere teneantur ad Congregationem intermediam faciendam in Dominica 3. post Pascha Resurrectionis, & contingere possit, vt tunc temporis Socij accedant ad Capitulum Generale, & ita non valeant interuenire dictæ Congregationi, nullus Diffinitor potest eligi in Socium Prouincialis pro Capitulo Generali.

Electus Prouincialis tenetur in ipso Capitulo vnum Socium Prouinciæ eligere, quem semel electum, sine iusta causa mutare non potest, & Socius electus in eodem Capitulo debet Prouinciali fidelitatem iurare. Quamuis autem sit in Prouincialis potestate eligere Socium, quem ipse maluerit, nihilominus quia talis Socius debet semper supradictæ Congregationi intermedix cum quatuor Diffinitoribus interesse etiam si Prouincialis cum suis Socijs accefferit ad Capitulum Generale, consequens est vt Socius Prouinciæ non possit eligi aliquis, qui fuerit electus Socius Prouincialis pro Capitulo Generali, vel qui sit vnus ex quatuor Diffinitoribus. Debet etiam Prouincialis cauere, ne sibi in Socium visitationis eligat Magistrum aliquem de quo probabilem habeat suspicionem, quod post eum ad Prouincialatus officium aspiret, quia Socius talem habens prætensionem, tempore visitationis faciliè, per fas, & nefas, studebit Priores sibi reddere beneuolos, minulque sincerè tractabit negotia Prouinciæ.

Absolutis præfatis electionibus coram toto gremio, comburendæ sunt schedulæ suffragiorum, deinde intonato per Præsidem hymno *Te Deum laudamus*, illum altisonè prosequentes, Gremiales ducent Prouincialem electum ad Ecclesiam, vbi ante Altare maius tapetis appositis se prosternet, & prosternatus manebit, donec præfatus Hymnus percantetur, & dicantur à Præsidente consuetæ Orationes. Quibus absolutis, cum Pius quartus in quadam sua Constitutione decreuerit, vt per quoscumque quibus de Monasterijs, Conuentibus, Domibus, & alijs quibuscumque locis Regularium quorumcumque Ordinum, quocumque nomine, vel titulo, prouidebitur, publica Orthodoxæ fidei professio fiat; etsi quoad Prælatos Regulares ista fidei professio non sit in vsu, nihilominus censemus illam à Prælatis nostri Ordinis faciendam esse. Quare Prouincialis electus, statim ambabus manibus super Missale extensis, in manibus Præsidentis Capituli professionem fidei genuflexus, cum iuramento, alta, & intelligibili voce sequenti forma emitter.

Ego F. N. Prouincialis electus Prouinciæ N. Ordinis
B. Mariæ

B. Mariæ Virg. de Monte Carmeli Regularis obseruantia firma fide credo, & profiteor omnia, & singula, quæ continentur in Symbolo fidei, quo Sancta Romana Ecclesia vtitur, videlicet. Credo in vnum Deum, Patrem omnipotentem, factorem cæli, & terræ: visibilibus omnium, & inuisibilibus. Et in vnum Dominum Iesum Christum Filium Dei vnigenitum. Et ex Patre natum ante omnia sæcula: Deum de Deo: lumen de lumine: Deum verum de Deo vero. Genitum non factum, consubstantialem Patri: per quem omnia facta sunt. Qui propter nos homines, & propter nostram salutem descendit de cælis. Et incarnatus est de Spiritu Sancto ex Maria Virgine, & homo factus est. Crucifixus etiam pro nobis sub Pontio Pilato, passus, & sepultus est. Et resurrexit tertia die secundum scripturas. Et ascendit in cælum, sedet ad dextram Patris. Et iterum venturus est cum gloria iudicare viuos, & mortuos, cuius regni non erit finis. Et in Spiritum Sanctum Dominum, & viuificantem, qui ex Patre, Filioque procedit. Qui cum Patre, & Filio simul adoratur, & conglorificatur, qui loquutus est per Prophetas. Et vnā Sanctam Catholicam, & Apostolicam Ecclesiam. Confiteor vnum Baptisma in remissionem peccatorum. Et expecto resurrectionem mortuorum. Et vitam venturi sæculi. Amen. Apostolicas, & Ecclesiasticas traditiones, reliquasque eiusdem Ecclesiæ obseruationes, & Constitutiones firmissime, admitto, & amplector. Item Sacram Scripturam iuxta eum sensum, quem tenuit, & tenet Sancta Mater Ecclesia, cuius est iudicare de verò sensu, & interpretatione Sacrarum Scripturarum admitto, nec eam vnquam, nisi iuxta vnanimem consensum Patrum accipiam, & interpretabor.

Profiteor quoque septem esse verè, & propriè Sacramenta nouæ legis à Iesu Christo Domino nostro instituta, atque ad salutem humani generis, licet non omnia singulis necessaria, Baptismum, Confirmationem, Eucharistiam, Pœnitentiam, Extremam vñtionem, Ordinem, & Matrimonium, illaque gratiam conferre, & ex his Baptismum, Confirmationem, & Ordinem, sine sacrilegio reiterari non posse. Receptos quoque, & approbatos Catholicæ Ecclesiæ ritus in supradictorum omnium Sacramentorum administratione recipio, & admitto. Omnia, & singula, quæ de peccato originali, & de iustificatione in sacrosancta Tridentina Synodo definita fuerunt, amplector, & recipio. Profiteor pariter in Missa offerri Deo verum, proprium, & propitiatorium Sacrificium pro viuis, atque defunctis, atque in Sanctissimo Eucharistiæ Sacramento esse verè, realiter, & substan-

substantialiter corpus, & sanguinem vna cum anima, & diuinitate Domini nostri Iesu Christi, fierique conuersionem totius substantiæ panis in corpus, & totius substantiæ vini in sanguinem, quam conuersionem Catholica Ecclesia transubstantiationem appellat. Fateor etiam sub altera tantum specie totum, atque integrum Christum, verumque Sacramentum sumi. Constanter teneo Purgatorium esse, animasque ibi detentas fidelium suffragijs iuuari. Similiter, & Sanctos vna cum Christo regnantes venerandos, atque inuocandos esse, eosque Orationes Deo pro nobis offerre, atque eorum reliquias esse venerandas firmissimè assero.

Imagines Christi, & Deiparæ semper Virginis, necnon aliorum Sanctorum habendas, & retinendas esse, atque eis debitum honorem, & venerationem impertiendam. Indulgentiarum etiam potestatem à Christo in Ecclesia relictam fuisse, illarumque vsum Christiano populo maximè salutarem esse affirmo. Sanctam Catholicam Apostolicam Romanam Ecclesiam omnium Ecclesiarum Matrem, & magistram agnosco, Romanoq. Pontifici B. Petri Apostolorum Principis Successori, ac Iesu Christi Vicario, veram obedientiam spondeo, & iuro. Cætera item omnia à Sacris Canonibus, Oecumenicis Concilijs, ac præcipuè à Sacrosancta Tridentina Synodo tradita, definita, & declarata, indubitanter recipio, atque profiteor, simulque contraria omnia, atque hæreses quascumque ab Ecclesia damnatas, reiectas, & anathematizatas, ego pariter damno, reijcio, & anathematizo. Hanc veram Catholicam fidem extra quam nemo saluus esse potest, quam in præsentī sponte profiteor, & veraciter teneo, eandem integram, & inuiolatam vsque ad extremum vitæ spiritum constantissimè Deo dante, retinere, & confiteri, atque à meis subditis, vel illis, quorum cura ad me in munere meo spectabit, teneri, doceri, & prædicari quantum in me erit, curaturum.

Ita ego Fr. N. spondeo, voueo, & iuro. Sic me Deus adiuuet, & hæc sancta Dei Euangelia.

Emissa hac fidei professione, surgens Prouincialis, accedet ad Altare, illudque osculabitur reuerenter. Postmodum præsentato ei aspersorio, ipse primo se, deinde alios Fratres asperget, & facta aspersione, in loco sibi ante Altare præparato sedebit ad manum sinistram Præsidentis, & singuli Fratres ad eum accedent, & flexis genibus manus eius humiliter, & reuerenter in obedientiæ signum osculabuntur.

Præstita obedientia Prouinciali electo, P. Præsidentis incipiet

li

cum.

cum Diffinitorio tractare de regimine Prouinciæ.

Sunt autem, si respiciamus id, quod habemus expressum in nostris Constitutionibus, quinque tantum Patres de corpore Diffinitorij cum voto decisiuo; videlicet P. Præsident, & quatuor Diffinitores, & vnus cum voto consultiuo, Prouincialis scilicet absolutus; nihilominus vsu receptum etiam in Religione, quod cum voto decisiuo ingrediantur Diffinitorium Socius P. Præsidentis, & Prouincialis electus, etiam ante confirmationem, & in nonnullis Prouincijs, etiam Socius visitationis electus in Capitulo à Prouinciali electo.

Locus pro Diffinitorio deputatus, decens sit, & secretus, & in eo paratum Altariolum cum Crucifixo, vrna, & tot schedulis, quot sufficiant pro electionibus omnium Priorum, scriptis cum iuramento, & electione, modo quo supra, ita vt solùm desideretur nomen eligendi, licet sufficiet semel tantum præstare iuramentum in principio de eligendis omnibus, & singulis Prioribus probioribus, & magis idoneis.

Dictum locum ingressus P. Præsident cum cæteris de corpore Diffinitorij, omnibus genuflexis ante Altare ad inuocandum Spiritus sancti adiutorium, incipiet sine nota *Veni creator spiritus*, & alternatim totum recitabunt. Præsident. *Emitte spiritum tuum, &c. Domine exaudi, &c. Dominus vobiscum, &c. Oremus. Deus, qui corda fidelium, &c.* Deinde surgentes accedant ad mensam ibi paratam, super qua commodè scribere possint, & in qua sint omnia pro actionibus Diffinitorij necessaria, & per ordinem consedebunt.

Omnibus consedentibus, singuli iurabunt, quod absque licentia totius Diffinitorij nihil in eo tractatum, vel prolatum, alicui extraneo reuelabunt, & primus omnium iurabit P. Præsident, et si prædictum silentium non seruauerint priuationem, vtriusque vocis ad sexennium incurrant. Deinde prælectis Constitutionibus de requisitis eligendorum procedent in nomine Domini ad electiones per vota secreta faciendas.

Et quæ Prioribus incumbit cura animarum, quæ est ars artium, & scientia scientiarum, & nihil magis officit Religioni, quam ad regimen animarum indignos, vel minus idoneos assumi, antequam aggrediantur electiones Priorum, patres de Diffinitorio seriò discurrant, et tractabunt de singulis Conuentibus, quibus de Superioribus fuerit providendum, et de Patribus ad regimen magis idoneis. Quare examinabunt inuentaria status Conuentuum, quæ secum deferre debent Priores ad Capitulum presentibus Socijs, vt ex eorù inspectione aliquo modo cōiungere possint

possint Diffinitores, quinam Priores benè, & malè se gesserint in suorum Conuentuum regimine, & quinam digni sint, vt in eodem Conuentu confirmentur, vel in alijs instituantur.

Curabit P. Præsident, ne vllus eligatur in Priorem, qui non habeat omnia secundum statuta Ordinis requisita, & præsertim, qui ob aliquam infirmitatem habitualement nequeat in diebus per nostras Constitutiones prohibitis à carnibus abstinere, ieiunia Ordinis seruare, vitam communem in Refectorio sequi, & Officio diuino de die, & de nocte in Choro interesse. Per habitualement autem infirmitatem, non debemus intelligere senectutem, imò cum senes, vt plurimùm iudicio, prudentia, & dexteritate polleant, magis quam iuuenes, si in aliquo peculiaris obseruatiæ, & reformationis zelus effulserit, ei poterit alicuius Conuentus regimen committi, modò non sit adeo confectus senio, quod ad tale munus prorsus inhabilis reddatur. Caterum si Diffinitores censuerint aliquem habituali infirmitate affectum esse valde præstantem, in administratione, & Conuentibus proficuum, poterunt illum à Patre Ordinis postulare, illi causas notificando, propter quas cum illo supra Constitutionibus fuerit dispensandum.

Cætera, quæ facere debent Diffinitores videri possunt in nostris Constitutionibus p. 4. cap. 19. à num. 4. Sed de vno præsertim eos admōnitos esse volumus, vt scilicet non obstante, quacumque consuetudine in contrarium cogant Prouincialem absolutum ab officio ad reddendam rationem de receptis à Prouincia, & de expensis tempore sui Prouincialatus tam ordinarijs, quam extraordinarijs.

Debent etiam de mandato Clementis viii. eligere tres saltem Patres graues, & peritos, qui admittendos ad prædicationem verbi Dei, vel ad audiendas confessiones etiam ipsorum Fratrum, ac lectores publicos diligenter simul examinent, priusquam probentur, & ad huiusmodi ministeria admittantur. Horum etiam cura erit examinare, & probare, tam quoad doctrinam, quam quoad mores promouendos ad quoscumque Ordines, in quo seruandum erit decretum Congregationis Interpretum Sac. Conc. Trid. hac de causa editum, & promulgatum.

Dispositis omnibus per Diffinitorium, finaliter acta Capituli conscribentur in libro Prouinciæ, & ad pulsus nolæ Capitularis congregabuntur omnes Fratres in vnum locum, & ibi auctoritate Præsidis, ac Diffinitorum absoluentur omnes Priores, qui statim sigilla officiorum suorum Præsidenti, & Diffinitoribus reddent. Deinde Præsident vocabit sigillatim per Secretarium nominibus proprijs omnes Priores instituendos, qui

vocati coram eo genuassent, & ipse singulis tradendo sigillum Prioratus dicat. Auctoritate nostra, & de vnanimi consensu Diffinitorum presentis Capituli facimus, & ordinamus te N. Priorem nostri Conuentus N. dantes tibi curam animarum. &c. Et Prior institutus cum humilitate, & reuerentia sigillum recipiet, manum Præsidentis osculando, & dicendo. Deo gratias. Et si ille fuerit absens, dicet Præsident in tertia persona. Facimus, & ordinamus Patrem N. Priorem Conuentus N. Deinde dandæ erunt unicuique litteræ testimoniales de iniuncto illi officio, Præsidentis sigillo munitæ.

Vbi Priores sic fuerint instituti, omnes genuflexi in manu Præsidis facient professionem fidei, vnus quidem alta, alij submissa voce in hanc formam. Ego Fr. N. Ordinis Carmelitarum Prior institutus Conuentus N. firma fide credo, & profiteor omnia, &c. vt habetur supra in professione emittendaâ Prouinciali. Deinde vnusquisque alta voce, vnus post alterum iuramentum præstabit his verbis. Ego idem Fr. N. spondeo, voueo, & iuro. Sic me Deus adiuuet, & hæc sancta Dei Euangelia. Et finaliter conscribantur acta Capituli in libro Prouinciæ.

Vnum aliud etiam in Capitulo prouinciali tanquam necessarium pro legitima receptione Nouitiorum aduertendum est, quod scilicet quando nostræ Constitutiones tribuunt soli Generali, vel Prouinciali posse sine consensu cuiuscumque iuuenes ex sæculo ad Nouitiatum, & ad professionem recipere, sunt intelligende de minoribus sexdecim annis, maioris enim extra Capitulum Generale, vel Prouinciale, siue Clerici sint, siue Laici, non sunt recipiendi, nisi fiat, iuxta duas Constitutiones Sixti v. diligens inquisitio de eorum patre, patria, & antea acta vita, & ex accurata informatione, & fide digna relatione constiterit, eos non esse aliquorum criminum &c. reos, nec suspectos, neque gravatos ære alieno, &c. nec reddendis ratiocinijs obnoxios, &c. quodque non humana aliqua ratione, &c. Religionem eligunt. Deinde notificata ista informatione duorum, vel trium, vel plurium, si commodè fieri poterit, Monasteriorum, quæ deputata fuerint in Prouincia, Superioribus, ab eis approbentur, et recipiantur ad habitum regularem. Quare P. Præsident curabit in ipso Capitulo deputari duo, vel tria, vel plura, si commodè fieri poterit, Monasteria, quorum Superiores, saltem semel in anno ad dictam approbationem, et admissionem faciendam, simul congregentur.

Vbi autem Congregatio intermedia Diffinitorialis Dominica 3. post Pascha Resurrectionis, iuxta dispositionem nostram

nostrarum Constitutionum, pro alijs negotijs celebrabitur, in ea etiam à P. Prouinciali cum consensu Diffinitorum, et sui Socij, prædicta nouitiorum approbatio, et admissio fieri poterit, perinde enim erit, ac si in Capitulo prouinciali fieret.

Quòd si paucitas Monasteriorum, aut nimia eorum distantia in aliqua Prouincia, vel Vicaria, vt in Brasìlica, tot Monasteria deputari non patiatur, Capitulum Prouinciale saltem tribus ex antiquioribus Patribus vnius Monasterij dictam facultatem approbandi, et admittendi ad habitum præfatos Nouitios demandare poterit.

Cæterum exteri ex longinquis partibus, vel ex locis hæreticorum, seu infidelium aduenientes, etiam si de præfatis omnibus liquidò non constiterit; tamen si diligentia adhibita nihil apparuerit, quod eos impediatur, ex declaratione eiusdem Sixti v. habiles reputandi sunt ad Religionem.

Professionem autem eorum, qui non seruata dicta forma recepti fuerint, Sixt. v. irritam, et nullam declarauit, et Superioribus inobedientibus inhabiles recipientibus nonnullas pœnas imposuit in prima Constitutione, quã tamen quoad nullitatem professionis Clemens viii. in alia sua Constit. moderatus est, et ad terminos iuris communis reduxit, saluis pœnis contra Superiores inobedientes.

Post hæc facienda est commemoratio Fratrum, familiarium, Patronorum, et litteras Confraternitatis habentium viro- rum, et mulierum per singulos Conuentus, et specialiter illorum qui Capitulum Prouinciale eleemosyna notabili adiuuerint, et illis recommendatis, recitabitur Psalmus *Ad te leuaui oculos meos*, cum alijs precibus consuetis. Post quas P. Præfidentis incipiet alta voce *Te Deum laudamus*, quem prosequentes Fratres accedent ad Chorum, vbi terminato dicto hymno, P. Præfidentis solitas Orationes recitabit. Deinde coram toto gremio publicabuntur acta Capituli, quorum copiam P. Præfidentis ex papiro Prouinciæ de verbo ad verbum fideliter extractam, et ab ipso Præfide, Prouinciali electo, et Diffinitoribus subscriptam, curabit transmitti ad Patrem Ordinis pro confirmatione.

Publicatis actis Capituli, omnes Fratres coram Præfidente prostrati dicent *Confiteor Deo*, &c. et ipse subiunget *Misereatur vestri*, &c. *Indulgentiam*, &c. eosque absoluet, et dispensabit pro vt in Breuiario, et in fine dicet *Benedictio Dei omnipotentis Patris*, &c.

Vnum tantum aduertendum est, quod scilicet in quouis Capitulo Prouinciali debet publicari tum Constitutio Cle. viii.

de

de largitione munerum Regularibus interdicta, tum decretum Congregationis generalis Sanctæ Romanæ, et vniuersalis Inquisitionis habitæ in Palatio Apostolico coram Sanctiss. D. N. Urbano VIII. ac Eminentissimis, et Reuerendis. Dominis Sacræ Romanæ Ecclesiæ Cardinalibus aduersus hæreticam prauitatem Inquisitoribus Generalibus à Sancta Sede Apostolica specialiter deputatis, et commonendi sunt omnes de obseruantia, et executione Apostolicarum Constitutionum, et decretorum, ad sanctum Officium Inquisitionis aduersus hæreticam prauitatem pertinentium, & præsertim Constitutionum Apostolicarum, quæ in prædicto decreto referuntur.

Vt sciant Fratres nostri, ad quid absolutio, & dispensatio voca'ium à P. Præsidente Capituli ante electiones facta, proffit. Notandū est, quod plures Prælati Regulares virtute diuersorū priuilegiorum, quæ sibi à Sede Apostolica sunt concessa, & præsertim indulti cuiusdam Pij v. qui eis, quoad suos Fratres eandem absoluendi, & dispensandi facultatem impartitus est, quam Episcopis dedit in quoscumque sibi subditos in foro conscientiæ Concil. Trid. sess. 24. cap. 6. de reform. possunt absoluere Fratres, & alias quascumque personas ratione professionis, & habitus eis subditas, à quibusuis maioris excommunicationis, suspensionis, & interdicti, alijsque Ecclesiasticis sententijs, censuris, & pœnis à iure, vel ab homine quauis occasione latis, etiam Sedi Apost. reseruatis, exceptis contentis in Bulla Cænæ Domini, ac etiam cum eis dispensare super quibuscumque irregularitatibus, ex quauis occasione prouenientibus, præterquam ex homicidio voluntario, & bigamia, & membrorum mutilatione.

Et hæc facultas extendi potest, nedum ad censuras, sententias, & pœnas ante dicta priuilegia reseruatas; sed etiam ad reseruatas post, dummodo reseruatō non fuerit facta cum expressa priuilegiorum Regularium derogatione, sicut reseruata fuit à Sixto v. absolutio ab excommunicatione contra simoniacos in susceptione Ordinum lata.


Licet autem præfata facultas absoluendi, & dispensandi, si respiciamus priuilegium Pij v. & nonnulla alia, sit limitata ad forum conscientiæ; nihilominus, quia in nonnullis alijs priuilegijs conceditur, nulla addita limitatione, & nullo expresso foro, est valde probabilis sententia multorum DD. qui affirmant Superiores prædictos Regulares ea in utroque foro vti posse.

Est etiam aduertendū, quod etsi Prælati prædicti Regulares facultatem absoluendi, & dispensandi à Pio v. concessam alijs committere, & delegare non valeant, quia dictus Pontifex expressè conce-

concedit eis, ut per seipſos abſoluant, & diſpenſent; quia tamen per alia priuilegia eadem facultas eiſdem abſolutè conceſſa eſt, & eſt cõmunis DD. ſententia, quod Cõmiſſarius perpetuus poteſt alteri vices ſuas committere, hæc autè poteſtas data eſt Prælatiſ per priuilegia perpetua, eiſque propriè dicitur competere ex officio, quia ratione officij, & dignitatis conuenit, poſſunt eam alijs committere, & delegare, nec deſunt priuilegia, quæ illiſ hanc delegandi poteſtatem concedunt, idque eſt in uſu apud Religioneſ.

Cæterum Religioſi omneſ ſuã debent reſpicere Regulam, & ſuas Conſtitutioneſ, an per eaſ dicta facultas in aliquo fuerit pro bono regimine ſuæ Religioniſ limitata, & coarctata. Poteſt namque vnaquæque Religio priuilegia in ſui fauorem conceſſa non recipere, vel limitare, & coarctare, ſecundum quod magiſ ſibi expedire iudicauerit. Quare in noſtriſ Conſtitutionibuſ ſublata eſt Prioribuſ localibuſ facultas abſoluendi in foro fori ſuoſ ſubditoſ incurrenteſ in excommunicationem Canoniſ Si quiſ ſuadente diabolo, etiam ob percuſſionem leuem.

Quoniam autem in forma abſolutioniſ vocalium, extat iſta clauſula, Exceptiſ cenſuriſ, ſententijs, pœniſ, & irregularitati- buſ ob deſectuſ ad electioneſ faciendaa in iſto Capitulo perti- nenteſ contractiſ. Pro illiuſ intelligentia ſciendum, quod ſi quiſ in Ordine ad aliquam electionem in Capitulo faciendam, obtinuiffet litteraſ cõmendatitiaa extra Religionem, vel ſubor- naſſet, aliquid dediſſet, aut promiſiſſet, vel quid aliud feciſſet, pro- pter quæ in aliquam cenſuram, ſententiamque &c. incurriſſet, nequaquam abſolutuſ eſſet.



SUMMARIVM CAP. XIII.

Predicta ut distincta nominantur sepius in Constitutionibus Summorum Pontificum. num. 1.

Dignitas est administratio cum Iurisdictione. nu. 2.

Personatus est praeminentia, seu praecedentia sine iurisdictione. ibid.

Officium est administratio sine praeminentia, aut iurisdictione. ibid.

Prepositura secundum alios est munus praecedendi, sed communius accipitur pro Pralatione. num. 3.

Pralatura coincidit cum dignitate, estque munus habendi administrationem cum iurisdictione. num. 4.

Quid decreuerit SS. D. N. Urbanus circa Religiosos promittentes non procurare &c. huiusmodi dignitates. ibid.

Pralati possunt esse delegati ad litteras Pontificias exequendas. ibid.

Honorum nomine quid intelligatur. num. 5.

Graduum nomine quae intelligenda. nu. 6.

Officia, administrationes, & functiones pro eodem sumuntur, & important munus sine praeminentia, aut iurisdictione. num. 7.

Confundi solent cum Pralatjs, seu dignitatibus. ibid.

Hierarchia Religiosa assimilatur Ecclesiastica. num. 8.

Constat ex quasi similibus personis. ibid.

Ex Pralatis alij sunt habentes iurisdictionem ordinariam, alij delegatam. num. 9.

Generalis dignitas quae aliquo modo correspondet Patriarchali per legitimam electionem creatur. num. 10.

Nisi incommoda, & inconuenientia oppositum suadeant. ibid.

Quae aetas requiratur pro Generali eligendo. num. 11.

Requiritur quod sit professus professione expressa in ipsa Religione. ibid.

Requiritur etiam conditio Sacerdotij. ibid.

Non videtur necessaria iure communi aliqua antiquitas in Ordine. ibid.

Habent Generales in Religionibus supremam auctoritatem. num. 12.

An dicenda sit hac potestas immediatè pendens à Papa, an verò à Capitulo generali. ibid.

Habent auctoritatem prouidendi officia, seu beneficia Religionum iuxta Regulam tamen, & Constitutiones illarum. num. 13.

Debent

Debent eligere digniores. *ibid.*

Quid de electione digni reiecto digniori. *ibid.*

An Generalibus competat facultas condendi leges, aut Constitutiones perpetuo duraturas. *nu.* 14.

Possunt condere decreta, seu statuta duratura tempore Generalatus. *ibid.*

Declarare Leges, & Constitutiones Ordinis. *ibid.*

An mortaliter peccantes saltem publice teneantur explicare circumstantias Generalatus. *num.* 15.

Commissarij Generales Ordinum regulariter loquendo solum habent auctoritatem delegatam. *num.* 16.

Quando fiunt per electionem Constitutionem, aut iura Ordinum, habent auctoritatem ordinariam. *ibid.*

Qui ex illis, & quomodo ammoueri possint. *ibid.*

Qui etiam possint delegare suam iurisdictionem. *ibid.*

Pari modo de Vicarijs Generalibus philosophandum est. *num.* 17.

Quando expirat eorum auctoritas morte Generalis. *num.* 18.

De Visitatoribus quid dicendum. *ibid.* & *num.* 19.

Afficientium, Consiliariorum, Diffinitorum, & Sociorum auctoritas quanta sit. *num.* 20.

Quidam habent solum votum consultiuum, alij etiam decisiuum. *num.* 21.

Quid sit habere votum consultiuum, seu decisiuum. *ibid.*

Conuenientius est ut iuniores prius loquantur. *num.* 22.

An teneantur detegere defectus promouendorum. *ibid.*

Quando maior pars illorum aliquid decreuerit tenentur omnes subscribere. *ibid.*

An reuelare possint secreta Diffinitorij. *ibid.*

An Generales possint sine illis negotia grania decidere. *num.* 23.

Tenantur iuxta eorum conscientiam respondere. *num.* 24.

Quid quando hoc sciunt esse contra voluntatem Generalis, vel nihil effecturos. *ibid.*

Procuratoris Generalis munus magna praeminentia est. *num.* 25.

Aliquando fit per electionem, aliquando sine illa, aliquando habet munus praelatie adiunctum, aliquando non. *ibid.*

Prouinciales sunt Praefecti Prouinciarum habentes supremam iurisdictionem in illis. *nu.* 26.

Eorum munus dignitas est. *ibid.*

Quomodo creentur. *ibid.*

Habent iurisdictionem quasi Episcopalem. *ibid.*

Possunt suam auctoritatem delegare. *ibid.*

Quid de Commissarijs, seu Vicarijs Prouincialibus dicendum. *nu.* 27.

258 De Pralaturis, & officijs Regul.

Quid de Visitatoribus Generalibus, vel Prouincialibus. nu. 28.

Tempore actualis visitationis ad quem pertineat regimen Conuentus, vel Prouincie. ibid.

Duplex est iurisdictio, alia contentiosa, alia voluntaria. ibid.

Apostate, vel excommunicati à quo absoluedi tempore visitationis. num. 29.

Aucloritas Visitatorum pendet ex litteris patentibus commissionis. num. 30.

Quando dantur cum clausula plenitudinis potestatis, quid possint facere. ibid.

Quando possunt delegare suam iurisditionem. num. 31.

Rebellates cōtra illos, aut illis cōtradictes quas penas incurrūt. n. 32.

Gesta à Visitatoribus quanto tempore durare debeant. num. 33.

Non debet formare processus cōtra Pralatos in rebus minimis. n. 34.

Secus in Religionibus arctioribus. ibid.

Quando procedere debeant via inquisitionis generalis, aut specialis. num. 35.

De Assistentibus, Diffinitoribus, Consiliarijs, seu Socijs Prouincialium quid dicendum. num. 36.

Superiores immediati Conuentuum sunt verè Pralati habentes iurisdictionem quasi Episcopalem. nu. 37.

Eorum munus dignitas appellari potest. ibid.

Habent iurisdictionem ordinariam delegabilem. ibid.

Quae conditiones ad illos requirantur. ibid.

Quam etiam facultatem babeant. ibid.

An seculares praefici possint Monasterijs Regularium. num. 34.

Quid de Vicarijs in Capite Conuentuum. nu. 39.

Quid de Vicarijs, seu Supprioribus qui in ipsis Conuentibus Superiorem agnoscunt. nu. 40.

An eorum munus dicendum sit personatus, vel officium. ibid.

Quae possint facere in absentia Pralatorum à Conuentibus. nu. 41.

An gradus possint conferri Religiosis. num. 42.

Tinentur graduati sequi Chorum non obstante quocumq. priuilegio. ibid.

Non possunt vti aliquo priuilegio sui gradus nisi actu legant, vel predicent. ibid.

Quid intelligatur pro actu legere. ibid.

Inepti, & idiota peccant grauiter gradus praedictos petentes, aut retinentes. ibid.

Procuratoris munus quid sit. num. 43.

Spectat ad illum bona Monasterij solum exigere, non autem conseruare, aut expendere. ibid.

Ad

Ad quos id spectat. ibid.

Administratores bonorum Monasterij amouibiles sunt. nu. 44.

Sacrista munus, seu officium in quo versetur. num. 45.

Quas obligationes habeat. ibid.

De Sacristis Conuersis. nu. 46.

De Magistro Novitiorum, & eius obligationibus. nu. 47.

Quid circa illum decreuerit Clem VIII. ibid.

Quomodo id intelligendum veniat. nu. 48.

Non possunt Prelati, aut officiales Religionum excusari ignorantia in iis quae pertinent ad eorum munera. num. 49.

Illegitimi quas dignitates, personatus, beneficia, seu officia habere non possint. num. 50.

Qua officia habere possint. ibid.

Quid faciendum cum alicui constat se esse electum ab uno qui erat inhabilis ad eligendum. num. 51.

Quid quando electo constat se fuisse inhabilem ut eligeretur pro tempore quo electus fuit. nu. 52.

Prelato intruso qualiter sit, vel non obediendum. nu. 53.

Prelatis prohibitum est testari. num. 54.

Profectio fidei facienda est à prouisis de Prelaturis. nu. 55.

Quid de Prelaturis non electiuis dicendum. nu. 56.

Sintne manuales, & amouibiles. ibid.



De Prælaturis, gradibus, honoribus, dignitatibus,
personatibus, præposituris, officijs, & admi-
nistrationibus Regularium persona-
rum, illorumque obligationibus.

Cap. XII I.



CONTINGIT sæpius ut in Constitutioni-
bus Summorum Pontificum, et specialibus
Religionum, prædicta omnia etiam ut distin-
cta nominentur, ideo de singulis agendum in
hoc capite, etsi enim sæpissime confundantur,
cum tamen in Bullis Pontificum sigillatim
censeantur, valde probabile est ea distingui, et
accipienda esse in propria, et primæua significatione. Portellus
in Dub. Regul. verb. Officia Ordin. in addit. num. 2.

2 Hæc tria *Dignitas, Personatus, Officium* sic distinguuntur.
Dignitas propriè est administratio cum iurisdictione, cuiusmodi
sunt omnes Prælatiæ Religionum, v.g. Generalatus, Prouincia-
latus, Prioratus, Abbatia, Guardianatus etc. Omnes enim Præ-
lati habent administrationem cum iurisdictione tam in foro in-
terno, quam externo, iuxta dicta *tom. 1. cap. 18. Personatus* est
præeminentia, seu præcedentia sine iurisdictione, qualis est ea
quæ reperitur in aliquibus Clericis qui præcedunt Canonicos
in Ecclesijs Cathedralibus, seu Collegialibus et in Religionibus
in Diffinitoribus, et alijs huiusmodi. *Officium* autem propriè est
administratio sine præeminentia, aut iurisdictione, qualis repe-
ritur in Sacrista, Procuratore, Vicario Conuentus, seu Supprie
in præsentia Prælati. Siluester *verb. Dignitas. Rodrig. to. 1. quæst.*
Regul. q. 23. art. 9. & q. 13. art. 18.

3 *Præpositura* secundum aliquos est munus præcedendi. Ita
Rodrig. *tom. 1. quæst. Regular. q. 23. art. 9.* Sed communi vsu po-
tius videtur importare munus prælationis, iuxta illud ad Hebr.
13. *Obedite Præpositis vestris.* Si autem solum munus præcedendi
denotat coincidit cum personatu.

4 *Prælatura*, ut diximus, coincidit cum dignitate, et est munus
habendi administrationem cum iurisdictione, qualis competit
in Religionibus omnibus Superioribus, Generalibus scilicet,
Prouincialibus, Prioribus, Guardianis, Abbatibus, et similibus
diuersis

diuerſis nominibus vocatiſ: omnes enim huiusmodi ſunt in dignitate conſtituti. Sanchez *lib. 6. in decalog. cap. 3. num. 78.* Hinc huiusmodi Prælati poſſunt eſſe delegati ad litteras Pontificis, vel eius Legati exequendas, quod munus conuenire non poteſt niſi perſonis in dignitate conſtitutis, iuxta *cap. ſtatutum in principio de reſcriptis in 6.* Sanchez *ibidem* poſt alios. An verò id liceat Prælatiſ Ordiniſ Minorum traſtant Rodrig. *to. 1. queſt. Regular. q. 65. art. 3. in fine,* & Sanchez *lib. 6. in decalog. cap. 13. num. 81.*

Hic notandum S. S. D. N. Vrbanum VI. Motu proprio edito 21. Maij 1635. publicato tamen 20. Nouemb. 1636. declarafſe quofcumque Regulares cuiuſuiſ Ordiniſ, Congregationiſ, & inſtituti, etiam Societatiſ Jeſu per quamcumque translationem, ad aliam Religionem, etiam hætenus factam, & per quamcumque expulſionem, ſeu habitus Regulariſ dimiſſionem, non eſſe liberos à voto, promiſſione, ſeu iuramento ab eis emiſſo, de non petenda, nec procuranda, minusue acceptanda aliqua dignitate, aut ſuperioritate extra eorum Religionem, ſed eos hætenus, & pro tempore, vt præfertur, tranſlatos, expulſos, ac à delatione habitus Regulariſ abſolutos, vel priuatos, quarumcumque dignitatum huiusmodi proinde incapaces, & ad illas petendas, acceptandas, & obtinendas, inhabiles remanere in omnibus, & per omnia, perinde, ac ſi trãſlati, expulſi, ſeu à delatione habitus liberati non fuiſſent. Quæ placuit hic animaduertere (eſi non in proprio loco, quia huius Motus proprii notitia non niſi poſtquam typiſ mandabatur hæc ſecunda pars Summæ ad me peruenit) propter aliquot Regulares tale, vel ſimile votum emittentes, quorum aliquos retuli ſupra cap. 4. num. 13. 16. & 25.

5 *Honorum* nomine, vix aliud poteſt intelligi quam perſonatus, qui vt diximus, important honorifica in Religionibus. Vnde leges priuantes honoribus intelligendæ videntur de iſtiſ. Portellus *in dubijs Regul. verb. officia Ordiniſ num. 2.*

6 *Gradus* ſunt tituli honorarij, in vniuerſitatibus, vel Collegijs ſtudioꝝ cauſa conceſſi, cuiuſmodi ſunt Doctõꝝ, Magiſterium, Baccalaureatus, &c. Vnde vel coincidunt cum Perſonatiſ, & honoribus, vel pro iſdem communiter accipiuntur.

7 *Officia* etiam, adminiſtrationes, & functiones pro eodem ſumuntur, & important, vt diximus, munus ſine præeminentia, aut iurisdictione. Maxime autem confunduntur cum Prælatiſ, ſeu Dignitatiſ, adeo vt communi vſu plurium Religionum, & etiam aliquarum Conſtitutionum, ſeu decretorum Summorum Pontificum illorum nomine, officioꝝ præfertim, veniant etiam Prælatiæ, ſeu dignitates, dum ponitur pœna priuationiſ officio.

officiorum, &c. Portellus in *dubijs Regul. verb. officia Ordinis im-*
addit. num. 2.

8 Pro Prælatiſ autem notandum, Hierarchiam Religioſam, aſſimilari Eccleſiaſtica, quemadmodum enim Hierarchia Eccleſiaſtica conſtat ex Parrochiſ, Episcopis, Archiepiſcopis, Patriarchis, & Primatibus, qui omnes Summo Pontifici ſubduntur, ſic Hierarchia Religioſa conſtat Confeſſoribus qui ſunt veluti Parrochi habentes ſolùm iuriſdictionem in foro interno conſcientiæ, Prioribus, Guardianis, Reſtoribus, &c. qui ſunt quaſi Episcopales, iuxta dicta *to. 1. cap. 18. nu. 2.* Prouincialibus, qui ſunt veluti Archiepiſcopi habentes ſub ſe Superiores immediatos Monafteriorum, qui vt diximus quaſi Episcopalem auctoritatem habent, & Generalibus qui ſunt veluti Primates, & Patriarchæ, cum ſub ſe contineant Prouinciales, & hi omnes ſub Summo Pontifice tanquam Paſtore vniuerſali. Rodriguez *to. 1. quaſt. Regular. q. 12. ar. 5.*

9 Item pro eiſdem Prælatiſ, dignitatibus, ſeu Præpoſitiſ Religionum notandum, quod alij ſunt habentes iuriſdictionem Ordinariam, vt ſunt Generales, Prouinciales, Priores, Abbates, & alij ſimiles, etſi diuerſis nominibus vocati, alij verò delegatam, vt ſunt Commiſſarij, vel Viſitatores Generales, vel Prouinciales. Rodrig. *tom. 1. quaſt. Regul. q. 13. art. 20.* Vicarij autem iſtorum aliquando habent iuriſdictionem Ordinariam, aliquando delegatam, Ordinariam quidem quando non ex delegatione, ſed vel electione, vel Conſtitutione, conſuetudine, aut iure Ordinis eis competit Vicariatus, delegatam verò quando à prædictiſ nominantur, & delegantur. Vide dicta *tom. 1. cap. 18. num. 3.*

10 Supremum caput intra Religionem qui regulariter Generalis nuncupatur, cuius dignitas, vt dictum eſt Patriarchali, ſeu Primatiali in Hierarchia Eccleſiaſtica correfpondet, per legitimam electionem creandum eſt, hoc enim probat uſus, & inſtitutio Religionum, & eſt conſentaneum tum iuri Canonico dum de huiuſmodi Prælatorum electionibus agit, tum iuri naturali vt Religio in Paſtore ſibi eligendo conſenſum præbens maiori cum amore ipſum ſuſcipiat, & ei obediat de cuius ſufficiencia publicum dedit per electionem teſtimonium. Suarez *4. tom. de Relig. tract. 8. lib. 2. cap. 3. num. 2.* Quo non obſtante, quando incommoda, vel inconuenientia cernuntur ex Capituli celebratione propter bella, peſtem, vel ſimilia mala, & ad euitandas Ordinis expenſas, prudenter à maioribus Ordinis ſuppli-

supplicari deberet Papa pro digniori, & magis benemerito Religioso in Generalem ab ipso instituendo, & ipse Pontifex annuere, prout fecit Sanctiss. D. N. Urbanus VII. anno 1632. Reuerendiss. Mag. Theodorum Stratum in Generalem nostri Ordinis creando, quem digniorem, & probatiorem à grauioribus Ordinis Patribus nouerat.

11 Probabile etiam est, iuxta dicta *tom. 1. cap. 18. nu. 5.* requiri pro Generali eligendo ætatem 30. annorum, cum hæc ætas requiratur pro Episcopis *cap. Cum in cunctis de elect.* Dignitas autem Generalis sit quasi Episcopalis, imò sæpius maioris oneris, & laboris propter subditos diuersarum nationum, & regionum. Requiritur etiam quod sit professus ex *cap. cum ad nostram de elect. cap. cum causa & cap. cum in magistrum eodem titulo.* Professione expressa ex *cap. nullus de elect. in 6.* & in ipsa Religione, in qua eligitur in Generalem, ex *Clemen. I. de elect.* & Concil. Trid. *sess. 14. cap. 10. & sess. 25. cap. 21.* Requiritur item ex vi iuris communis conditio Sacerdotij ad Generalem ex *cap. 1. de etate, & qualitate.* Non tamen videtur necessaria ex eodem iure, communi aliqua antiquitas in Ordine pro prædicta Generalatus prælatione. De quibus, & alijs conditionibus egimus dicto *tom. 1. cap. 18. num. 5. & 9.* Suarez *4. to. de Relig. tract. 8. lib. 2. c. 3.* Qualiter etiam illegitimi, irregulares, excommunicati, & similibus censuris, aut pœnis obstricti non possint in Prælatos eligi, quod maximè procedit de Generalatus officio, bene tamen saltem iure communi ex radice, aut genere infectis orti, dictum est eodem *tom. 1. cap. 15. nu. 25.*

12 Habent prædicti Generales in Religionibus supremam auctoritatem, & iurisdictionem Ordinariam, tum internam in foro conscientia, tum externam in foro contentioso, iuxta Regulam tamen, & Ordinum Constitutiones, & iuxta dicta *tom. 1. cap. 18. ferme per totum.* An autem dicenda sit hæc potestas immediate pendens à Papa ita vt Capitulum Generale solum designet personam, an verò immediate ab ipso Capitulo, probabilis videtur dicendum regulariter loquendo hanc potestatem immediate esse à Capitulis generalibus, quæ illam à Papa acceperunt. Ratio est, quia regulariter loquendo Capitula generalia superiora sunt Generalibus, cum Generales à Capitulis eligantur, & deponantur, & decretis ipsorum obedire teneantur, imò possit eorum auctoritas ab ipsis restringi, & limitari, ergo medijs ipsis Capitulis hæc auctoritas à Papa communicatur Generalibus. Idemque suadetur ex differentia quæ est inter Papam, & Concilium generale ex vna parte, ac Generalem, & Capitu-

Capitulum Generale ex alia, quod Papa est supra Concilium Generale, & ita ab ipso nihil accipit, sed solum immediatè à Christo, Generalis autem est subditus Capituli, & ita ab ipso potest immediatè auctoritatem recipere. Suarez 4. tom. de Relig. tract. 10. lib. 10. cap. 4.

13 Habent etiam prædicti Generales auctoritatem officia, seu etiam beneficia Religionum, iuxta earum tamen statuta, & leges providendi. In quo id maximè notandum iuxta communem sententiam, teneri prædictos eligere ad præfata officia, seu beneficia digniores, & meliores attentis circumstantijs. Tum propter dicta tom. 1. cap. 15. à num. 12. tum etiam quia cum sint dispensatores, & non domini bonorum Religionum tenentur de ipsis disponere, prout melius, & utilius eisdem Religionibus fore iudicauerint, alias iniqui dispensatores erunt, & contra iustitiam graviter peccabunt. Rebellus p. 1. lib. 3. q. 4. concl. 5. Turrianus tom. 2. in 2. 2. disp. 22. dub. 4. num. 1. Portellus in Dub. Regul. verb. electio num. 6. Electio autem digni, relicto digniori bona solum est in foro externo quoad homines, non in interno, & quoad Deum, iuxta dicta 10 cap. 15. num. 12. Diana tract. 15. resol. 61.

14 Quamvis leges, aut Constitutiones perpetuo duraturas condere pro Ordinibus non competat iure communi Generalibus, iuxta dicta tom. 1. cap. 18. num. 90. iure tamen particulari Religionum id habent aliqui illorum, iuxta ibidem dicta de Generali Carmelitarum, quod etiam de Generali Patrum Iesuitarum affirmat Suarez 4. tom. de Relig. tract. 10. lib. 10. cap. 14. num. 14. Possunt etiam condere Decreta, seu Statuta duratura tempore Generalatus. Cum id pertineat ad munus Prælatorum quod gerunt, & ad obedientiam à subditis illis promissam. Suarez 4. tom. de Relig. tract. 8. lib. 2. cap. 8. num. 4. Insuper possunt iure communi leges, & Cõstitutiones Ordinis, & Capitulorum generalium, ac dubia circa ipsas interpretari, & declarare. Quia hoc etiam spectat, & est necessarium ad eorum munus pro bono Ordinum regimine. Portellus in Dub. Regul. verb. Generalis Ordinis.

15 Sunt qui credant Generales Ordinum mortaliter peccantes teneri in confessione explicare hanc circumstantiam Generalatus. Eo quod ipsi præcipuè sint quasi Episcopi, qui cum ratione status specialiter vitæ perfectionem sequi teneantur, tenentur Episcopatus circumstantiam in omni peccato mortali confiteri. Fagundez præcept. 2. lib. 4. cap. 3. num. 8. Nugnus in addit. ad 3. p. tom. 2. q. 9. art. 2. dub. 3. concl. 2. & 3. Hoc tamen solum verum puto in peccatis publicis, propter circumstantiam scandali,

scandali, & obligationem quam prædicti Episcopi, & Generales habent pascendi subditos verbo, & exemplo. Filliuccius in *tract. 30. tom. 2. cap. 7. num. 125.* Diana post alios, quos refert, in *tract. de circumstant. aggravantib. resol. 6.* Idem respectuè, & suo modo dicendum est de alijs Prælati, propter eandem, vel similem rationem.

16 Commissarij Generales Ordinum regulariter loquendo solum habent auctoritatem delegatam circa ea quæ illis committuntur, cum solum illam habeant per delegationem, vel nominationem factam à Generalibus, iuxta dicta supra. Quando autem Commissarij fuerint tales per electionem, Constitutionem, aut lura Ordinum, ut contingit in Ordine Minorum, qui auctoritate Apostolica quando Generalis est ex familia cismontana eligunt ex ultramontanis vnum in Commissarium, vel è contra quando Generalis ultramontanus eligunt ipsum ex Cismontanis, tunc tales habebunt auctoritatem Ordinariam, iuxta dicta etiam supra. Hinc priores amoueri possunt à Generalibus, cum ipsorum auctoritas ab illis pendeat in esse, fieri, & conservari. Posteriores verò non nisi ex culpa, quia ipsa non existente, iniuria illis fiet si spolientur à Generali Commissariatu, quem iure Ordinis, vel per electionem possident. Similiter priores non possunt subdelegare, cum habentes iurisdictionem delegatam subdelegare non possint. Nisi quando in commissione id eis committeretur, quia tunc nomine Generalis subdelegarent, vel ipsi essent Delegati ad vniuersitatem causarum, & non pro causa aliqua determinata; quia Delegatus ad vniuersitatem causarum subdelegare potest, ut tradunt Glossa in *cap. cum causam de appellat.* Siluester verbo *delegat. num. 12.* Rodrig. *tom. 1. quæst. Regular. q. 51. art. 3. & 4.* Posteriores verò, cum sint verè Ordinarij suam auctoritatem delegare possunt.

17 Pari etiam modo de Vicarijs Generalibus philosophandum est, si enim solum per nominationem à Generali factam, solum habebunt iurisdictionem delegatam amouibilem à Generalibus, nec poterunt illam subdelegare nisi in casibus assignatis pro Commissarijs, si autem iure Ordinis, vel electione facti fuerint, ut contingit in Vicario Generali Congregationis Mantuanæ Ordinis nostri, tales iurisdictionem habent Ordinariam, alijs subdelegabilem, nec amouibilem nisi propter culpas, iuxta dicta de Commissarijs.

18 Prædictorum autem Commissariorum, seu Vicariorum Generalium auctoritas, quando ipsi iurisdictionem ordinariam habent non expirat morte Generalis. Ordinaria enim iurisdictione

non expirat morte siue concedentis, siue alius cuiusquam. Quando tamen isti solum delegatam iurisdictionem habent, expirat morte Generalis concedentis. Rodriguez post alios *to. 1. quæst. Regular. q. 9. art. 1.* Portellus in *dubijs Regularibus verbo Generalis*. Subiungens quod si Visitatores inceperunt suum munus exercere debent illud finire etiam Generali mortuo. Hoc tamen potius videtur ius particulare Ordinis Minorum quam commune.

19 De Visitatoribus Generalibus inferius dicetur loquendo de Visitatoribus Prouincialibus.

20 Generalibus proximè accedere videntur ij qui ipsis assistunt pro regimine Religionum, varijs nominibus nuncupati, videlicet, Assistentes, Consiliarij, Diffinitores, Socij, &c. cum quibus prædicti Generales grauiores Religionis causas decidere debent. Et quamuis eorum auctoritas iuxta Religionum diuersitatem diuersa etiam sit, aliqua tamen, quæ magis communia videntur tangemus.

21 Eorum ergo quidam cum Generalibus in prædictis causis habent votum decisuum, alij verò solum consultium. Assistentes enim Patrum Societatis solum votum consultium habent (nisi casu aliquo.) Suarez *tom. 4. de Relig. tract. 10. lib. 10. cap. 1. num. 6.* Alij verò etiam decisuum, vt nostrorum PP. Discalceatorum Diffinitores ex Bulla *Pastoralis officij* Clement. viii, annò 1593. quæ habetur inter priuilegia ipsorum, & 3. to. Bullar. inter Bullas huius Pontif. fol. mihi 32. Habere votum consultium cum Generali, est quod tota rei decisio, & iudicium à Generali fiat, consultis tamen, & auditis assistentibus, habere autem votum decisuum, quod rei decisio pendeat etiam à sententia, & assensu Assistentium. Assistentes porro, siue consultium, siue decisuum suffragium habentes non sunt dicendi assessores, quia assessorum munus solum est assidere Iudici ipsum instruendo pro decisione causæ, hi autem assistentes non instruunt Iudicem, sed vel cum ipso causam decidunt, vel consilium præbent pro decisione.

22 Hi Assistentes, Diffinitores, vel Socij, si voce tenus suffragium, vel consilium præbeant, licet vsus Religionis observari debeat, conuenientius est, vt à minoribus, seu iunioribus incipiatur, quemadmodum fit in multis Tribunalibus, nam maioribus, vel senioribus incipientibus, periculum est, vt illorum auctoritate minores moti loquantur, non secundum propriam sententiam, sed iuxta maiorum, & seniorum placitum. Rodriguez *tom. 2. quæst. Regul. q. 45. art. 3.* Portellus in *Dubijs Regul.*

Regul. verb. Diffinitores, seu Consiliarij num. 1. Tenentur detegere Præfidi, seu Generali defectus publicos, si eos ignoret, eorum qui proponuntur ad dignitates, & officia Ordinum, ne indigni admittantur. Bonum enim publicum Religionis id requirit. *D. Thom. 2. 2. q. 69. art. 2. Palud. in 4. d. 29. q. ult.* Imò etiam defectus occultos non emendatos. Quia bonum publicum Religionis præponderare debet bono priuato famæ Religiosi. Quod intellige quando aliter obuiari non posset illius defectuosi electio, & talis defectus nocius esset communitati. *Ludouicus Beia in respons. moral. par. 3. casu 38. Portellus in Dub. Regular. verb. Diffinitores, seu Consiliarij num. 2. & 3.* Licet autem non teneantur subscribere nisi propriæ sententiæ, quando tamen maior pars illorum aliquid decreuit, possunt, & debent ij, qui dissenserunt cum illis subscribere. Tum ne pax Religiosa turbetur, tum quia humilitas præscribit, vt eo casu vnus alij se summittat, tum quia quod maior pars decernit, à toto corpore dicitur decisum, ac per consequens omnes tunc debent subscribere. *Rodriguez tom. 2. quæst. Regul. q. 45. art. 10. Portellus in Dub. Regular. verbo Diffinitores, seu Consiliarij num. 4.* Reuelantes secreta Diffinitorij contra præceptum Præfidis, & etiam præcepto non existente, cum res ipsa id postulat, grauiter puniendi. Quia peccant contra bonum commune Ordinis. *Rodrig. to. 2. quæst. Regul. q. 36. ar. 3.*

23 In Religionibus vbi hi Assistentes, Diffinitores, Consiliarij, vel Socij habent votum decisiuum ad res graues decidendas non possunt Generales sententiam aliquam grauem contra delinquentes Regulares ferre sine consensu illorum, & sententia ab eis lata sine maioris partis consensu nullius est valoris, & momenti. Sunt enim prædicti Assistentes coniudices cum Generali in prædictis causis grauib, & ita sine ipsis nihil fit. *Rodriguez tom. 2. quæst. Regular. q. 45. art. 2.* In Religionibus autem vbi prædicti solum habent votum consultiuum licet peccent Generales sine illorum consilio grauius aliqua decernentes, quia operantur contra finem intentum ab illis Religionibus in institutione talium Assistentium, reuera tamen sententia illorum valida erit, quia non petitio consilij non videtur esse contra formam substantialem sententiæ. *Rodriguez vsupra.* Consulenda nihilominus sunt particularia iura Religionum, quæ si non fuerint, prædicta obseruanda sunt.

24 Tenentur prædicti Assistentes, &c. iuxta eorum conscientiam respondere, alias infideles erunt muneri quod gerunt, etiamsi existiment Generales velle eos consentaneè ipsorum

voluntati assentiri, aut tacere, aut nihil effecturos suam sententiam proferendo, vel solum ceremoniæ causa interrogari; propter eandem rationem. Rodriguez *tom. 2. quæst. Regular. q. 45. art. 4. & 6.* Subiungit teneri tacere, si eis à Generalibus ita præcipiatur. Sed hoc est verum in dubijs, & probabilibus, tunc enim præcepto Superiorum standum. Quando tamen certum, & evidens fuerit illos posse, & debere circa rem propositam suum sensum aperire, tunc non tenentur Superiorum præcepto stare, quia tale præceptum iniquum est, & non obligat, iuxta dicta *tom. 1. cap. 4. à num. 2.* Si verò Generalis diceret se habere iustas causas ad aliquid faciendum, vel illis silentium imponendum, cum res sit dubia, & incomperta credendum illi est.

25 Procuratoris Generalis munus magnæ præminentie est in Religionibus, Mendicantibus præsertim, in quibus ad eum pertinet orare in Capella Domini Papæ, & eidem Capellæ debito tempore interesse, quasi totius Ordinis, vel Generalis personam representando. Rodrig. *tom. 1. quæst. Regular. q. 53. ar. 2.* Instituitur, vel per electionem, vel per nominationem à Generalibus factam. Aliquando habet adiunctum munus Prælatiæ, vel Superioritatis respectu aliquorum, hospitum scilicet, vel aliorum, & tales nominari possunt inter dignitates, quia ut diximus in principio huius capituli, dignitas est administratio cum iurisdictione, quando autem tale munus Prælatiæ, vel Superioritatis non habuerit, ut contingit in Ordine nostro, munus Procuratoris Generalis erit solum personatus, non dignitas, iuxta dicta ibidem. An illegitimi possint hoc munus subire inferius dicemus.

26 Prouinciales sunt Præfati Prouinciarum Religionum habentes in illis supremam iurisdictionem, & potestatem iuxta Regulam, & Constitutionum statuta. Eorum munus dignitas appellanda est, cum sit administratio cum iurisdictione, iuxta dicta supra *num. 2.* Fiunt, vel per electionem Prouinciarum, ut in nostra, & alijs pluribus Religionibus, vel per nominationem à Generali, ut in Societate Iesu, qui posterior modus instituendi illos commodior satis est ad euitanda incommoda, quæ ambitio parturire solet. Suarez *4. tom. de Relig. tract. 10. lib. 10. cap. 3.* Quomocumque autem fiant, scilicet, vel per electionem, vel per nominationem, à supremo Prælato Ordinis habent iurisdictionem ordinariam, & non tantum delegatam. Quia sunt Ordinarij Pastores, & veri Prælati Prouinciarum, & Regularium in eis existentium. Suarez *4. tom. de Relig. tract. 10. lib. 10. cap. 5.* Habent iurisdictionem quasi Episcopalem in subditos, iuxta dicta *tom. 1. cap. 18. num. 2. S. Thom. 2. 2. q. 33. art. 7.* Portellus in

Dub.

Dub. Regular. verbo Prælati iurisdictione. Imò assimilantur Archiepiscopis, iuxta dicta supra num. 8. cum habeant sub se Superiores immediatos Conuentuum qui habent etiam quasi Episcopalem iurisdictionem. Rodríguez tom. 1. *quest. Regular. q. 12. art. 5.* Possunt suam auctoritatem delegare iuxta instituta tamen suorum Ordinum, omnis enim qui habet iurisdictionem Ordinariam eam delegare potest, cum eo ipso quod habeat illam ordinariam, habeat ut propriam, ac per consequens alijs eam dare possit. Portellus in *Dub. Regul. verbo Prælati potestas in addit. num. 6.*

27 De Commissarijs, seu Vicarijs Prouincialibus eodem modo philosophandum est respectiue, ac de Commissarijs, & Vicarijs Generalibus, de quibus supra.

28 Circa Visitatores tam Generales, illos scilicet qui ad visitandas Prouincias veniunt, quam Prouinciales, eos videlicet qui intra eandem Prouinciam Conuentus visitant, dicendum est eos esse Iudices Ordinarios, vel Delegatos, amouibiles, vel inamouibiles censendos, iuxta dicta de Commissarijs, & Vicarijs Generalibus, & Prouincialibus. Similiter de eorum auctoritate, an sit vel non sit delegabilis, expiret, vel non expiret morte concedentis, eodem modo, ac de prædictis Commissarijs, & Vicarijs philosophandum, cum re ipsa Visitatores isti Commissarii quidam, & Vicarii sint. Addendum quod tempore actualis Visitationis, stando in iure communi, & præscindendo à particularibus statutis Religionum, totum regimen externum, contentiosum Prouinciæ, vel Conuentus pertinet ad Visitatorem, non ad Prouincialem, aut Prælatum Conuentus. Ratio est, quia Visitatori committuntur omnes causæ, & lites Prouinciæ, vel Conuentus, ergo pro illo tempore non pertinent ad Superiorem prædictæ Prouinciæ, vel Conuentus, alias esset inordinata confusio inter Religiosos dum vnus vni, Prouinciali scilicet, vel Priori, obedire veller, alius Visitatori. Portel. in *Dub. Regul. verb. Prouincialis in addit. ad addit.* Pro quo notandum, duplicem esse iurisdictionem, aliam contentiosam, aliam voluntariam, contentiosa est, quæ inter contradictores, actorem scilicet, & reum exercetur: voluntaria est quæ exercetur in volentes, & non contententes cum aliquo. Exemplum prioris est, facere processus, examinare testes, proferre sententiam, &c. Posterioris autem, absolutio Sacramentalis, dispensatio voti, irregularitatis, &c. Dico ergo, tempore actualis Visitationis possunt Prouinciales, vel Priores, quorum Prouincia, vel Conuentus visitantur exercere actus iurisdictionis voluntariæ, non autem contentiosæ.

Ratio

Ratio primæ partis est, non solum quia per visitationem non priuantur Prouincialis, aut Prior, v. g. suis officiis, cum adhuc maneant Prouincialis, & Prior, & habeant sigilla illorum, sed etiam, quia per exercitium talis iurisdictionis voluntariæ non impeditur, aut turbatur officium Visitatoris, potest ergo illam exercere. Ratio verò secundæ, quia alias iniuria fieret Visitatori intromittendo se in pertinentibus ad ipsius officium, quod est vt diximus, causas, & lites iudicare. Vide Sanchez *lib. 3. de Matrimonio disp. 8.* Portellum *in Dub. Regular. verb. Prouincialis in additione ad additionem.*

29 Hinc possunt Prælati prædicti tempore quo Prouinciæ, vel Conuentus ipsorum à Visitatoribus visitantur absoluerè apostatas, vel excommunicatos etiam in foro externo, dummodo non sit hoc in causa litigiosa, quia per hoc non fiet iniuria Visitatori. Non tamen poterunt facere aliqua quibus impediatur Visitatoris auctoritas, videlicet transferre, vel mutare aliquem Fratrem de vno loco ad alium, ne adsit visitationi, aut ne proferrat testimonium, &c. Portellus *vt supra.*

30 Auctoritas horum Visitorum pendet maximè ex litteris patentibus Commissionis, si enim in illis sit restricta, & limitata non possunt vltra illam aliquid agere, si autem sit cum plena potestate poterunt facere quidquid iure, vel consuetudine Religionis receptum est. Vnde facere non poterunt etiam posita prædicta clausula plenitudinis potestatis, ea, quæ vel iure, vel consuetudine Ordinum solis Generalibus, vel Prouincialibus personaliter competunt. Hæc enim cum sint speciali nota digna in concessione generali non veniunt, iuxta communem iuris regulam inter regulas iuris *num. 81.* Vnde nec poterunt facere quæ ad solum Generale, vel Prouinciale Capitulum spectant, propter easdem rationes. Rodriguez *tom. 1. quæst. Regul. q. 54. ar. 1. & 4.*

31 Cum mittuntur ad visitandam totam vnâ Prouinciâ, cum plenitudine potestatis, possunt subdelegare, quia etsi sint Delegati, cum tamen sint Delegati ad vniuersitatem causarum maximè cum plenitudine potestatis, videtur ipsis concessa potestas ad subdelegandum, iuxta dicta supra. Rodriguez *to. 2. quæst. Regul. q. 4. art. 3.* Subiungens id non procedere quando committitur facultas, vt personaliter visitent aliquod Monasterium. Tunc enim videtur electa industria personæ, ac perinde eorum auctoritas alijs delegari non potest. Felinus *in c. quoniam §. is autem de offic. delegati.*

32 Rebellantes in Visitatores, aut illis contradicentes, ipso iure

iure sunt excommunicati in Ordine Minorum, excommunicatione Papæ reservata, & priuati officijs quæ actu habent, voce actiua, & passiuâ, & inhabiles ad officia, &c. prout ordinauit Gregorius XI. Rodriguez *tom. 1. quæst. Regul. q. 54. art. 4.* Quo priuilegio etiam frui possunt aliæ Religionēs communicantes cum Minoribus in priuilegijs. Non tamen incident in prædictas pœnas qui Visitatoribus contradixerint in ijs, in quibus excedunt auctoritatem quam habent. Rodrig. *ut supra ar. 4.*

33 Gesta à Visitatoribus rescindi, mutari, aut alterari non possunt ab inferioribus finita visitatione, nam licet potestas eorum extingatur tempore visitationis completo, durat tamen auctoritas eorum à quibus missi, & quorum virtute sunt facta. Vnde saltem ijs perseverantibus in officijs suis, gesta à Visitatoribus debent permanere. Rodriguez *to. 1. quæst. Regul. q. 54. ar. 4.* afferens ad hoc Bullam Gregorij XI. pro Minoribus. Non tamen debent perpetuò durare, nisi ipsi, vel ij à quibus missi sunt potestatem haberent condendi leges, quia tunc decreta, & gesta ab ipsis vim legis habere possent, & per consequens perpetuò durare.

34 Non debent prædicti Visitatores formare processus, seu quærelas contra Prælatos pro rebus minimis. Alias auctoritas Prælatorum valde minueretur, & contemneretur. Portellus *in Dub. Regular. verbo Prouincialis in addit. ad addit. num. 7.* In Religionibus autem arctioribus de leuioribus culpis potest formari processus, quia si in talibus Religionibus hæc culpæ dissimularentur, perfectus rigor, & obseruantia illarum paulatim decideret. Portellus *ibid.* Nec etiam debent prædicti Prælati puniri propter culpas sine dolo, aut malitia commissas, ne fiat odiosum, & contemptibile munus Prælatorum. Rodrig. *in addit. ad Summ. verb. delictos cap. 103.* Portellus *ut supra num. 7.*

35 Quando autem debeant procedere via inquisitionis generalis, aut specialis, & de alijs obseruandis à Iudice Regulari in Regularium causis. Vide dicta *tom. 1. cap. 27.*

36 De Assistētibus, Diffinitoribus, Consiliarijs, seu Socijs Prouincialium videtur eodem modo philosophandum respectuè, ac de Assistētibus, Diffinitoribus, Consiliarijs, seu Socijs Generalium de quibus supra diximus à num. 20. Vide dicta eo numero, & sequentibus.

37 Superiores immediati Conuentuum, vel Monasteriorum qui Abbates, Priores, Guardiani, Rectores, vel similibus nominibus nominantur sunt vere Prælati. Angelus, & Siluester *verb. Prælatus. Suarez 4. tom. de Relig. tract. 8. lib. 2. cap. 2. nu. 2.* Habent iuris-

iurisdictionem quasi Episcopalem, iuxta dicta *tom. 1. cap. 18. nu. 2.* de quo etiam Suarez relatus *præd. cap. 2. num. 9.* Eorum munus dignitas appellari potest, cum sit administratio cum iurisdictione, iuxta dicta in hoc capite num. 2. Angelus *tit. delegatus §. 3.* Habent iurisdictionem ordinariam delegabilem, iuxta dicta num. 9. Eo quod habeant iurisdictionem ex officio, seu lege Canonica. Nauarrus *in cap. non dicatis num. 95.* Portellus *in Dub. Regul. verbo Prælati potestas in addit. num. 2.* Vnde quando siue in Regulis, siue in Constitutionibus Ordinum, siue in Bullis, aut Priuilegijs Summorum Pontificum nominanter indistinctè Prælati, etiam illi intelliguntur. Portellus *in Dub. Regul. verbo Guardianus num. 1.* Requiritur ad minus ætas 25. annorum pro illis: etenim ex Concilio Trident. *sess. 24. cap. 12.* nemo ad dignitates quascumque quibus animarum cura subest promoueri debet nisi qui saltem prædictum 25. annum attigerit. Colligitur etiam ex eo quod debent esse Sacerdotes qui etiam talem ætatem exigunt. Rodriguez *tom. 1. quæst. Regul. q. 15. ar. 2.* Circa potestatem quam illi habent absoluendi etiam à casibus reservatis, dispensandi, irritandi vota, &c. Vide dicta *tom. 1. cap. 18.* Maximè quam habent isti Prælati immediati Dominicanorum, & aliorum Ordinum qui cum ipsis communicant in priuilegijs ex Pio v. Possunt enim circa suos subditos per seipsos omnem auctoritatem exercere quam Episcopi habent à Concilio erga suos, quantum ad absoluendi, & dispensandi facultatem, vt diximus *præd. c. 18. n. 31.* Cū autem ex Conc. Trid. *sess. 24. c. 6.* concedatur Episcopis facultas dispensandi in irregularitatibus, & suspensionibus ex delicto occulto prouenientibus poterunt prædicti Prælati vt hac facultate, quæ vere magna est, per seipsos tamen solos, & in casibus occultis, vt diximus dicto *cap. 18. num. 31.* Vide Portellum *in dub. Regul. verb. Abbas num. 6. & in additionibus num. 3.* Possunt etiam seipsos licentiare, seu vti omnibus illis licentijs, seu quasi dispensationibus, quas possunt concedere subditis, non enim sunt peioris conditionis illis. Miranda *to. 2. Manual. Prælat. q. 19. art. 7.* ex Corduba, Caietano, & Sanchez *lib. 8. de Matrim. disp. 3. concl. 4.* Portellus *in Dub. Regul. verb. Abbas nu. 9.*

38 Possunt præfici Conuentibus Regularibus, Papæ auctoritate intercedente, etiam Clerici sæculares ob Summam Pontificis auctoritatem. Id tamen prohibitum est fieri à Conc. Trid. *sess. 25. cu. 21.* & meritò sane, non solum quia alias iniuria quodammodo fieret Religiosis, sed etiam quia vix possent talia Monasteria prudenter & pacifice gubernari. Rodrig. *to. 2. q. Regul. q. 52. ar. 7. & 9.*

39 Inter Superiores immediatos Conuentuum iure veniunt

connume-

connumerandi ij qui Vicarij Conuentuum, & Vicarij in Capite appellari solent, illi scilicet, qui in Conuentibus ipsis non habent Superiorem. Sunt enim vere Prælati, *vt tom. 1. cap. 18. n. 3.* diximus. Rodriguez *tom. 1. quest. Regul. q. 12. ar. 6.* Vnde etiam sunt dicendi habere dignitatem Ecclesiasticam. Rodrig. *ibid.* Cum autẽ sint vere Prælati omnia illa poterũt facere, quæ alij Prælati immediati Conuentus, Priores, Abbates, Guardiani, &c. nuncupati facere possunt. Portellus *in Dub. Regul. verbo Vicarius in capite.*

49 Illi autem Vicarij Conuentuum qui in ipsis Conuentibus Superiorem agnoscunt, qui inter nostros Carmelitas Supprios vocantur, non sunt vere Prælati, sed solum instituti vt Prælatos adiungunt in eorum munere, vt diximus dicto *cap. 18. num. 3.* Vnde nec sunt dicendi habere dignitatem Ecclesiasticam, cum nullam habeant iurisdictionem, nec possint facere quæ alij Prælati Ordinis facere possunt. Dubitari tamen potest an huiusmodi Vicariatus, vel Supprioratus dicendi sint personatus, an verò officia, seu administrationes, & quia hoc valde pendet ex diuersis statutis Religionum, dicendum mihi videtur, quod si tales iuxta suarum Religionum statuta præter administrationem qua funguntur habeant aliquam præeminentiam, vel præcedentiam ultra eam, quæ ipsis competit ratione suæ professionis, dicendi erunt personatus, vt enim vidimus supra *num. 2.* personatus est præeminentia, seu præcedentia sine iurisdictione. Si autem non habeant illam, eorum munus dici debet officium, seu administratio, propter ibidẽ dicta. Credo tamen prædictos in Ordine nostro dicendos esse personatus, quia scilicet habent præeminentiam, seu præequentiã sine iurisdictione, præcedunt enim omnes simplices Sacerdotes etiam ipsis in Ordine antiquiores, regunt Monasteria Priore extra Conuentum in Ciuitate, vel Oppido existente, & iure Ordinis tempore Capituli Prouincialis, si non eligantur pro Socijs, manent Vicarij Conuentuum. Quæ omnia præeminentiam denotant.

41 Circa ea autem, quæ possunt facere isti Vicarij Conuentuum, vel Supprios tempore absentia à Conuentibus Priorum, Guardianorum, &c. quando scilicet sunt in Ciuitate, vel Oppidis, licet in hoc attendendum sit ad particularia statuta, & consuetudines Religionum, mihi videtur dicendum saluo doctorum iudicio, posse ea facere in casibus occurrentibus quæ ipsi Priores, Guardiani, &c. si essent præsentēs facere possent. Ratio mihi est, quia eo tempore prædicti Præsidentes Monasteriorum, vel sunt Prælati, vel quasi Prælati, vel gerentes munus

M m

Prælati,

Prælati, non enim pro tempore illo Monasteria sine capite sunt, ergo omnia quæ facere possent Prælati facere possunt ipsi. Unde Sixtus IV. in Bulla *Dum attentata*, quæ est Mare magnum Ordinis nostri dum facultatem concedit absoluedi venientes ad Ordinem à censuris ipsam tribuit §. 6. Generalibus, Prouincialibus, & Prioribus, ac vices eorum gerentibus, & similis concessio quoad absolutionem Fratrum à censuris reperitur in Marimagno Prædicatorum pro Prioribus, & vices eorum gerentibus in Conuentibus, vt habet Casarubius in *Compend. priuileg. Mendicant. verb. absolut. Ordinâr. quoad Fratres* §. *aduertendum*. Ex hoc autem videtur sequi supponere Pontifices huiusmodi Vices gerentes Prælatorum Conuentuum in eorum absentia, auctoritate Prælatorum fulgere. Sed vt dixi, obseruandæ sunt Constitutiones, & consuetudines Religionum.

42 Pro graduatis Religiosis, Magistris, Baccalaureis, vel similibus dicendum falsò asseruisse Rebuffum *tit. dispens. cum irregular. num. 27.* titulum doctoratus in Theologia, vel iure Canonico non debere tribui Religiosis, contrarium enim praxi, & vsu Ecclesiæ, & plurium Religionum constat. Rodriguez *to. 2. quæst. Regular. q. 74 art. 1.* Pro quo extant priuilegia Bonifac. IX. & Innoc. VIII. pro Prædicatoribus. Rodriguez *ibid.* Tenentur sequi Chorum non obstante quocumque priuilegio eis concessio, iuxta dicta *tom. 1. cap. 18. num. 70. & cap. 10. num. 20.* Non possunt vt aliquo gradus sui priuilegio nisi actu legant, vel prædicent, propter decretum Clementis VIII. & SS. D. N. Urbani, de quo *tom. 1. cap. 8. num. 25.* Vbi etiam quid intelligatur per actu legere. Ex quo videtur dicendum quod Magistri in Religionibus non possunt habere vocem actiuam, vel passiuam in Capitulis nisi actu legant, vel prædicent, habere enim talem vocem est priuilegium quoddam, non ius commune, cum non sint Prælati. Excusari tamen poterant à legendo, vel prædicando si valde senes, infirmi, vel impediti sint, iuxta dicta eodem *cap. 10. num. 20.* Similiter illud actu legere, vel prædicare trahi potest ad similes casus quales sunt libros edere, casus conscientie resolvere, & similia. Dictio enim taxatiua in decretis non excludit casus similes, vel vrgentiores, vt diximus *to. 1. cap. 25. nu. 20.* Maxime cum intentum Pontificum in illo decreto videatur esse quod Magistri, & graduati Religionum exerceantur semper in aliquo litterario exercitio si volunt vti graduum suorum priuilegijs. Notandum præterea id quod dicto *c. 8. n. 25.* videlicet ineptos, & idioras peccare mortaliter gradus prædictos petentes, aut retinentes. Contrarij enim sunt intentioni Ecclesiæ, & Religio-

Religionem in huiusmodi gradu institutione, quæ est ut illi declarent, & defendant mysteria fidei contra infideles, & dubijs inter fideles emergentes satisfacere possint, quod nequeunt facere prædicti inhabiles. Siluester *verb. Doctor q. 4.* Emanuel Sa in *Summ. verbo docere num. 2.* Sanchez *to. 1. consil. moral. lib. 2. c. 2. dub. 57.*

43 Procuratoris munus officium est, non dignitas, aut personatus, cum meram administrationem sine iurisdictione, aut præminencia importet, in quo ratio officij consistit, ut supra num. 2. & 7. diximus. Ad Procuratorem spectat solum bonorum, ac reddituum Monasteriorum exigendorum cura. Unde ipse pecunias, aut res collectas conservare, aut expendere non potest. Sic enim statuit Clement. viii. in decretis *pro reformat. Regular.* quæ habentur inter Bullas huius Pontificis 3. to. Bullar. num. 60. & postea confirmata sunt à S. Congregatione Concilij iussu SS. D. N. Urbani in decreto de Regularibus Apostatis, & eiectionis ubi sic habetur. *Nullus ex Superioribus locorum administrationem bonorum, aut aliarum rerum, dispensationemq. pecuniarum, & reddituum sui Conuentus, etiam nomine Conuentus, per se ipsum habere siue exercere possit, sed uniuersum id onus tribus Fratribus eiusdem Conuentus à Generali ita demandatur, ut unus rerum, & bonorum reddituumque colligendorum, ac exigendorum curam habeat, alter tanquam Depositarius pecunias, ac cætera ab illo collecta, & exacta fideliter afferuet; alius de pecunijs, & rebus à Depositario acceptis, Priori, & Fratribus, ac Conuentui uniuerso de necessarijs, mandante tamen ipso Priore, non secundum proprium affectum, sed iuxta charitatis Regulam veluti bonus dispensator provideat, officiorum huiusmodi confusione penitus interdicta.* Ex quo habetur nullum ex Superioribus locorum posse exercere munus Procuratoris, aut habere per se ipsum administrationem bonorum Monasterij, quia hoc spectat ad ipsum Procuratorem. In Ordine autem Minorum non possunt Fratres esse Procuratores Monialium suarum. Id enim est illis prohibitum. Portellus in *Dab. Regul. verb. Procurator Monialium.*

44 Huiusmodi autem administratores bonorum Monasteriorum amoueri possunt ad nutum Superiorum. Tum ex Concil. *sess. 25. cap. 2.* tum ex declarat. S. Congregat. apud Barbosa in *Collectan. Bullar. verb. officiales.* Illorum electio spectat ad Superiores Monasterij, etiam in casu, quo Monasterium subiectum sit Episcopo. Sic colligo ex declaratione S. Congregat. apud Lauretum de Franchis in *Controuers. Episc. & Regul. pag. mibi 164.*

45 Sacristæ munus (quod etiã officium dici debet, non dignitas aut personatus, cum non importet iurisdictionem, aut præminentiam) consistit in attendendo rebus pertinentibus ad cultum diuinum, & celebrationem Missarum iuxta varias Ordinum Regularium Constitutiones. Videtur ad ipsum spectare, vt decreta S. Congregationis Rituum edita die 8. Aprilis 1628. de quibus *tom. 1. cap. 12. num. 33. & cap. 21. num. 21.* diximus, affixa habeantur, & conseruentur in Sacristia, præcipitur enim à S. Congregatione ibidem, vt affigantur in Sacristijs omnium Ecclesiarum, tam Regularium, quam sæcularium, ibique perpetuo affixa asseruentur. Adiuncta sunt postea prædicta decreta Missali, ac Breuiario Romano, quo sufficienter adimpleta videtur intentio S. Congregat. respectu talibus Missali, & Breuiario vtentium, non tamen respectu illarum Religionum, seu Ecclesiarum, quæ proprijs Breuiarijs, & Missalibus vtuntur, vt sunt Carmelitæ, & ita istis videtur necessarium prædicta decreta in Sacristijs perpetuò conseruare. Præcipitur etiam à Pio v. in Bulla *Cum primum* anno 1566. edita quæ est in 2. tom. Bullar. *num. 5.* vt vidimus *tom. 1. cap. 10. num. 6.* in virtute S. Obedientiæ Religiosis (quod spectare videtur ad Sacristas) vt in Ecclesijs deputent aliquem qui pauperes mendicantes siue elemosynam petentes tempore Missarum, prædicationum, aliorumque diuinorum Officiorum foras eijciant. *Péirinis to. 1. priuileg. Minim. in Const. 4. Iulij 11. §. 1. num. 2.*

46 Habent Sacristæ Conuersi professi facultatem tangendi Calices, Patenas, & Purificatoria in necessitate à Sixto iv. vt refert Confettius in Collectan. litterar. Apostol. Mendic. in Sixto iv. *num. 9.* id priuilegium concedente Fratribus Augustinianis Pro-uinciæ Lombardiæ pro tempore quo Sacristiæ gerunt curam. Vide dicta *cap. 8. num. 33. & 34.*

47 Magistri Nouitiorum officium (neque enim dignitas, aut personatus appellari potest propter dicta in Superioribus) valde necessarium in Religionibus est propter nouitiorum instructionem, & educationem iuxta decreta Clem. vi. & i. approbata, & confirmata à S. Congregat. Concil. sub SS. D. N. Papa Urbano. Debet talis Magister Nouitiorum habere Solum, & cum ipsis in Nouitiatu commorari, Nouitios instruere, docere, & curare, ne cum Nouitijs vllam alij Fratres communicationem habeant aut ad locum vbi sunt ingrediantur, loci clauem habere, eorum confessiones audire, ipsis semper assistere, & alia facere quæ in prædictis decretis continentur specialiter sequentia, quæ tam ad ipsum Magistrum Nouitiorum quam ad eius Solum spectat. Nouitio.

Novitiorum Magistro Socius si per Novitiorum instruendorum multitudinem necessarius fuerit, vita, & moribus quoad fieri poterit consimilis deputetur, qui in his, quæ ad Novitiatum regimen spectant dicto Magistro immediate subiectus existat, eliganturque tam Magister quam Socius, per Provinciale Capitulum per triennium ad minus onus huiusmodi subituri. Quod si aliquo casu extra tempus capitulare nova loca Novitiatu concedi contingat, tunc electionem Magistri Novitiorum, & Socij huiusmodi in his novis locis per Generalem, vel Provinciale, seu Ministrum, aut eorum Visitatores, seu Vicarios, de Diffinitorum tamen, vel grauiorum aliorum Patrum consensu fieri permittatur; idemque seruetur, si intra triennium, alterum, vel utrumque vrgenti aliqua de causa ex illis locis amoueri, vel mori contigerit, in cuius, vel quorum locum alij consimiles subrogari debeant. Tam Novitiorum Magister quam Socius ab ijs omnibus officijs, oneribusque vacationem habeant, quæ Novitiorum curam, & regimen impedire valeant. Ipse Magister Sacerdotali Ordine sit initiatus, ac in quinto saltem supra trigessimum ætatis suæ anno constitutus, & per decennium à professione emissa in Religione perstiterit. Socius verò trigessimum annum excedat, sintque ambo doctrina, & quantum per Superiorum diligentiam, & vires fieri poterit, vitæ etiam actæ exemplo præstantes, orationis præterea, & mortificationis operibus additi, prudentia, charitateque repleti, non sine assiduitate graues, zelum Dei cum mansuetudine præferentes, ab omni cordis, ac animi perturbatione, ira præsertim, & indignatione quæ in se, & erga alios charitatem impedire consueuerunt, quam longissime alieni; & tales demum, qui in omnibus se ipsos bonorum operum exemplum præbeant, ut ij qui eorum curæ subfunt, illos non tam metuant, quam reuerentur. Nec illis vnquam detrudere quicquam possint. Habeat etiam Magister plenam, & absolutam potestatem circa Novitiorum institutionem, ac Novitiatu regimen, ita ut in illis nemini (Visitatoribus, ac Superioribus maioribus, vel etiam localibus exceptis) quouis colore se ingerere liceat. Curam adhibeat diligentem, ut Novitij omnes in Regulari disciplina sedulo exerceantur, agnoscantque præcipue diuinæ qua digni facti sunt vocationis præstantiam, & excellentiam, quæ vera sit, atque perfecta votorum sollemnium, & quam necessaria cuiusque Ordinis Constitutionum obseruantia, modum in Oratione, tum vocali, tum mentali fructuosè persistendi, illicitas passiones, & vitia (ad quæ natura per peccatum labefactata omni tempore pronast

est atque proclivius) per sensuum custodiam, & mortificationem cohibendi, austeritatem, ieiunia, cilicia, disciplinas, conscientiarum puritatem, crebram illius discussionem, Sacramentorum frequentiam, confessionis præsertim, quæ bis saltem singulis mensibus fiat per aperiitionem quotidianam motuum internorum cordis, & tentationum manifestationem, per exercitium humilitatis circa viliora ministeria, per modestiam in omnibus actionibus, diuturnaque silentium. Hæc ibi.

48. Circa illa tamen verba. *Habeat etiam Magister plenam, & absolutam potestatem circa Novitiorum institutionem*, &c. aduertendum hic non concedi ipsis potestatem aliquam iurisdictionis in foro externo, hæc enim solum competit veris Prælatibus. Vnde nec possunt censuras Novitijs imponere cum hoc sit actus iurisdictionis. Habent tamen in illos iurisdictionem in foro interno conscientiarum, cum iuxta prædicta decreta illorum confessiones audire debeant. Neque ad hoc munus Confessarii Novitiorum requiritur, ut puto, approbatio Ordinarii, aut Episcopi, sed sufficit approbatio Superioris Ordinis, sicut ad audiendas confessiones aliorum Religiosorum, iuxta dicta *tom. 1. cap. 18. nu. 27.* Cum enim Novitij tempore Novitiatus maneat sub cura, & iurisdictione Prælatorum Religionis, iuxta dicta eodem *tom. 1. cap. 24. num. 4 & 5.* sicut Prælati Religionum possunt concedere facultatem simplici Sacerdoti ad audiendas Confessiones Professorum, sic & Novitiorum. Nullatenus tamen admittendum est id quod aliqui (Portellus in *Dub. Regul. verb. Novitij annus num. 35.*) dicunt, videlicet, Magistrum Novitiorum negare posse suffragium Novitio indigno ob defectum solum cognitum in confessione. Hoc enim absurdum est contra reverentiam, & sigillum Sacramenti, si enim semel admittatur uti posse confessarium scientia habita in confessione quantumvis occultè in damnum poenitentis, retrahentur multi à confessione integra suorum peccatorum faciendâ. Vide in simili dicta *to. 1. cap. 15. nu. 14.*

49. Non possunt prædicti de quibus in præsentī capite loquuntur, siue Prælati, siue officia, vel administrationes in Religionibus habentes sint, excusari ignorantia in ijs, quæ spectant ad eorum officia rectè gerenda. Tenentur (inquit Rodriguez *tom. 2. quest. Regular. q. 72. art. 2.*) in his quæ suam gubernationem, officium, & regimen, & administrationem respiciunt diligentissime se informare de omnibus decretis, & Constitutionibus, & reformationibus quæ in diem à Sede Apostolica manabunt, alioquin ignorantia non excusaret eos. Portellus in *Dub. Regul. verb. Prælati num. 17.*

Quod

Quod maxime procedit in foro externo, nam quoad internum, ratione tum humanæ infirmitatis, tum multitudinis legum, & Decretorum, ipsorumque confusione quandoque excusari poterunt. Portellus *ibid.*

50 Illegitimi non possunt habere sine dispensatione in Religionibus Prælatias, dignitates, aut personatus, aut beneficia curam animarum habentia. Ita enim habetur *cap. 1. & fin. de filiis Presbyterorum*. Etenim præd. *cap. 1.* est sermo de Prælatijs in *cap. autem finali* est sermo de dignitatibus, personatibus, & alijs beneficijs curam animarum habentibus. Vnde nec possunt esse Generales, Prouinciales, Priores, Guardiani, aut similes Superiores etiam locorum curam animarum habentes, quia ista sunt Prælatiæ, & dignitates à quibus arcentur in prædictis capitibus. Nec Commissarij, Vicarij, aut Visitatores Generales, vel Prouinciales, quia isti etiam sunt Prælati tempore quo durant, & esto non habeant aliqui illorum nisi iurisdictionem delegatam, ea tamen est Superior iurisdictione ordinaria Prouincialium, vel Prælatorum Conuentualium. Nec etiam possunt esse Procuratores Generales, Diffinitores, Assistentes, Socij, vel Consultores Generalium, vel Prouincialium, quia isti sunt personatus cum eorum munus importet præminentiam, seu præcedentiam sine iurisdictione. Item nec possunt esse Suppiores saltem in Ordine nostro, aut Vicarij Conuentuum in illis Religionibus in quibus habent aliquam præminentiam, quia tunc erunt personatus, & etiamsi nullam habeant præminentiam, quando in absentia Prælatorum Conuentuum ipsi sunt præfidentes, quia hoc est esse Prælatos. Possunt ramen illegitimi esse Procuratores Conuentuum, Magistri Nouitiorum, Sacristæ, & habere alia officia manualia, illa scilicet, quæ nec prælatiam, nec dignitatem, personatum, aut curam animarum important, hoc enim modo intelligendum est id quod diximus *tom. 1. cap. 18. num. 62.* Pro quo etiam, vide Siluestrum *Summ. verb. Prælator. num. 3.* Rodriguez *tom. 1. quæst. Regular. q. 13. ar. 18. 19. & 20.* Portellum in *Dub. Regular. verb. illegitimi.* Qualiter hi illegitimi dispensari possint, vide *tom. 1. cap. 18. à num. 60.* An illegitimi possint esse Socij, seu discreti pro Capitulis diximus *cap. 12. num. 17.* Nota etiam declaratum esse à S. Congregat. Regularum illegitimum, sed ad instantiam Patris legitimatum in infantia per legitimationem amplissimam vigore facultatum Dominorum de Campegijs non posse eligi Generalem in sua Religione. Barbosa in *Collectan. Bullar. verb. Regulares 1.*

51 Quando alicui Prælato constat se esse electum ab vno qui erat

erat inhabilis, & priuatus voce actiua, si sciante maiori parte Capituli illum defectum admissus est, tenetur renunciare, quia electio illa fuit nulla, iuxta dicta *cap. 12. num. 29.* Si verò admissus est ignoranter, ignorante scilicet maiori parte Capituli illum defectum non tenetur renunciare quia illa electio valida fuit iuxta *ibid.* dicta. Maxime quia ille elector tollerandus erat, ac per consequens gesta ab ipso valida. *L. Barbarius ff. de officio Prætoris.* Suarez *to. de legib. lib. 5. c. 9. n. 5.* Portellus in *Dub. Regul. verb. electio nu. 17.*

52 Quando autem alicui Prælato constat se tempore electionis non habuisse vocem passiuam, quia scilicet erat excommunicatus excommunicatione maiori quamvis occulta, tenetur quamprimum petere absolutionem ab excommunicatione, qua est irretitus, & postea curare, vt officium sibi de nouo conferatur ab eo, qui potest illud conferre. Ratio est quia prior collatio fuit inualida, & perinde ac si facta non fuisset. Nauar. *cap. 27. num. 21.* & alij apud Bonacinam *disp. 2. de excommunicat. q. 2. punct. 4. §. 1. num. 11.* Quod tenet verum etiam si ignoraret inuincibiliter se esse excommunicatum, quia quamvis illa ignorantia cum excusare possit à culpa, non potest tamen facere illum habilem ad id ad quod inhabilis erat. Lessius *lib. 2. de iust. cap. 34. dub. 22. num. 127.* & alij quos sequitur Bonacina, *vt supra num. 2.* Quamvis tamen hæc sententia probabilior, & securior sit, contraria tamen probabiliter praticari potest, quod scilicet sufficiat auferre impedimentum, & secrete acceptare officium absque alia noua collatione, sed ex vi præteritæ conualescens, ita tamen vt impedimentum sit omnino occultum, & vt id in nullius cedat præiudicium (prout contingeret in casu quo illud officium alteri tribui deberet qui in electione illius habuit pauciora vota) & quod impetretur dispensatio non solum illius impedimenti, sed etiam intrusionis per quod etiam fuit inhabilis ad idem officium. Sanchez *lib. 8. de Matrimon. disp. 7. nu. 12.* Portellus in *responsion. cas. moral. par. 1. cas. 1.*

53 Prælato intruso, & non canonicè electo si res sit dubia obediendum est, quia in dubijs possessio illi fauet, iuxta dicta *tom. 1. cap. 4. num. 25.* Sanchez *lib. 6. in decalog. cap. 3. num. 4. 29. & 30.* Prælato tamen prædicto cum certò, & publice constat ille defectus, non est obediendum, cum careat iurisdictione, iuxta dicta etiam eodem *tom. 1. cap. 4. num. 38.* Si autem defectus ille sit occultus, & subito constet certo de prædicto defectu tenetur in publico obedire illi propter vitandum scandalum, in secreto tamen non tenetur ipsius mandatis obtemperare, quia vere caret

caret auctoritate præcipiendi. Siluefter *verbo beneficium* 3. *post principium*. Portel. *in responsionibus cas. mor. p. 2. cas. 16. num. 7.*
 54 Prohibitum est Prælati Regularibus, sicut & alijs Religiosis testari, seu testamentum condere. Quia prohibitio generalis testandi omnes Religiosos comprehendit, & ratio quæ, particulares in hac prohibitione comprehenduntur procedit etiam in Prælati, nempe quia non habent dominium, aut proprium. Graffis *1. p. decision. lib. 3. cap. 5. num. 59.* Lessius *2. de iust. cap. 19. dub. 4. num. 40. & cap. 41. dub. 8. num. 73.* Vide dicta *tom. 1. cap. 9. nu. 19.*

55 Professio fidei facienda est à quibuscumque prouisis de Prælaturis quorumcumque Monasteriorum, seu domorum Regularium etiam militiarum, ex Pio IV. in Bulla *Iniunctum nobis*, quæ habetur in 2. tom. Bullar. inter Bullas ipsius num. 89. ubi decretum Concil. Trident. *sess. 24. cap. 12.* etiam ad Prælatos Regulares extendit. Quia tamen hoc non est usu receptum, in multis Religionibus, ideo in illis non est obligatio ad id faciendum. Ut habent Sorbus *in annotat. ad compend. priuil. Mendicant. verbo professio fidei §. & est primò notandum*, ubi etiam refert Cardinales, & alios doctissimos ita consuluisse. Tamburinus *de iure Abbatum tom. 1. disp. 8. q. 3. num. 3.* Portellus *in Dub. Regular. verbo professio fidei*, & alij apud Dianam *tract. 2. de dub. Regular. resolut. 78.* Nihilominus de mandato Reuerendiss. Generalis Ord. nostri Theodori Stratij introducta est obseruantia prædictæ Bullæ, cum qua etiam est modus faciendi talem professionem, qui habetur cap. præced. in formula celebrandi Capitula in Ordine nostro.

56 Prælaturæ non electiue, quæ scilicet non dantur per electionem, sed per nominationem Superioris, Generalis scilicet, vel Prouincialis, sunt manuales, ita ut mutari possint, etiam sine causa, quando Superioribus bene visum fuerit. Ita enim colligitur ex cap. *cum ad Monasterium de statu Monachor.* Nec ipsi Prælati amoti conqueri iure possunt siue agere quidquam contra spoliatores Superiores. Cum isti nullam illis iniuriam faciant eos amouendo à dictis Prælaturis, sed utantur iure suo. Riccius *in praxi tom. 4. resolut. 51. num. 4.* Sigismundus de Bononia *in tract. de elect. p. 1. cap. 7. dub. 49. num. 7. & 14.* Diana *tract. 2. de dub. Regul. resol. 117.* Consulendum tamen est samæ tum Religionis, tum Religiosi amoti, alias iniusta esset talis remotio. Diana *ibid.* Dixi loquendo de Prælaturis non electiuis, quia in alijs Prælaturis obseruanda sunt statuta Religionum, earumque legitime consuetudines.

SUMMARIVM CAP. XIV.

Tertiariorum quotuplex genus? num. 1.

Alij sunt in Religione viuentes cum tribus votis essentialibus. ibid.

Alij etsi tria vota facerent, sed non in Religione, aut sub Regula approbata. num. 2.

Alij neque in Religione viuunt, neque tria vota emittunt, sed Regulam aliquam approbatam obseruant. nu. 3.

Sunt inter eos viri, & fœmina diuersis nominibus appellati. num. 4.

Tertiarij primi generis sunt verè, & propriè Religiosi. num. 5.

Gaudentque multis priuilegijs. ibid.

Tertiarij secundi generis non sunt verè Religiosi. num. 6.

An debeant tolerari. ibid.

Tertiarij quoque tertij generis non sunt verè Religiosi. num. 7.

Nec modus viuendi ipsorum potest appellari Religio. ibid.

Bene tamen Ordo approbatus. ibid.

An latè & analogicè Religio. ibid.

Habent facultatem recipiendi suos Tertiarios Minores S. Francisci. num. 8.

Dominicani. nu. 9.

Augustiniani. num. 10.

Carmelitani. num. 11.

Seruita. num. 12.

Minimi. num. 13.

Possunt huiusmodi Tertiarij Fratres, aut Sorores tertij Ordinis dici. num. 14.

Profitentur Tertiarij aliquam Regulam approbatam. num. 15.

Gestant habitum Ordinum, quorum sunt Tertiarij. num. 16.

Qualis sit futurus talis habitus. ibid.

Proprium etiam modum profitendi habent. num. 17.

Qualis is sit. ibid.

An emittant aliqua vota. num. 18.

Qualiter peccent transgressores sue professionis. num. 19.

An peccent transgredientes Regulam. num. 20.

Quomodo facienda sit illorum professio. nu. 21.

Ante illam debet præcedere aliquod tempus probationis. nu. 22.

An sint Apostata recedentes ab hoc statu. num. 23.

Differt valde hoc institutum Tertiariorum à Confraternitatibus. num. 24.

An sint dicendi persona Ecclesiastica. num. 25.

Concessa illis sunt multa priuilegia. num. 26.

Moderata

- Moderata tamen à Leone X. in Conc. Lateranem. nu. 27.*
Qualiter hæc moderatio accipienda. num. 28.
Quomodo id declaratum à S. Congreg. Episc. & Regul. num. 29.
Tertiarij tripliciter viuere possunt. num. 30.
Diuersimode sentiendum de viris. ac fœminis nu. 31.
Maritati, & maritalitæ excluduntur à Tertiarijs . nu. 32.
An possint sepulturam ubi voluerint eligere . nu. 33.
Qualiter, & de quibus id sit intelligendum. ibid.
Quo priuilegio circa Sacramenta potiantur. nu. 34.
Quid de Eucharistia, penitentia, & extrema unctione . ibid.
Quid dicendum de exemptione à foro seculari. num. 35.
Quid de facultate audiendi diuina tempore interdicti. num. 36.
Quæ priuilegia ipsorum censentur abrogata. num. 37.
Quid de mulieribus collegialiter viuentibus. num. 38.
An Tertiarij gaudeant priuilegio Canonis. num. 39.
Quæ conditiones requirantur pro illis. num. 40.
Maximè pro habitu Pinzocherarum. ibid.
Quomodo subijciantur directioni Superiorum Ordinum. num. 41.
An possint habere aliquos Superiores ex se ipsis. num. 42.
De indulgentijs Tertiariorum . num. 43.
*Ad quem spectet cognoscere de qualitatibus, seu conditionibus pro
Tertiarijs requisitis . nu. 44.*



De Tertiarijs Regularium, eorumque obligationibus, & Priuilegijs.

Cap. XIV.



TERTIARII fuerunt, & sunt in multiplici differentia, licet ad triplex genus reduci possint. Aliqui enim sunt Tertiarij in Religione viuentes, & tria vota Religionis essentialia emittentes sub Prælatorum obedientia. Hi sunt illi quibus Leo x. anno 1521. Bulla *Inter cetera*, quæ in 1. tomo Bullar. inter Bullas huius Pontificis est 42. Regulam S. Francisci aptauit, & accommodauit, & quos postea Pius v. anno 1568. in Bulla *Ea est officij*, quæ est in 2. tom. Bullar. inter Bullas huius Pontificis 63. reformauit, ac Generali, & Prouincialibus Minorum de obseruantia subiecit, licet postea hanc Pij v. Constitutionem moderatus fuerit Sixtus v. in Constit. *Roman. Pontificis* anno 1586. eodem 2. tom. Bullar. inter Constitutiones Sixti num. 28. Casarubius in *Compend. priuileg. Mendicant. verbo Tertiarij* num. 24. Peirinis tom. 1. *priuileg. Minor. in Constitution. 4. Sixti IV. §. 7. num. 31.*

2 Alij erant, & forsan modo sunt Tertiarij qui etsi tria vota essentialia facerent, aut fecerint, sed non emisissent illa sub aliqua Religione, aut determinata Regula à Sede Apostolica approbata, quorum aliqui in Congregatione viuunt, seu viuebant, alij verò non in Congregatione, aut Communitate, sed in Eremitarijs, & separatim cum habitu tamen Religioso ab aliquo Regulari accepto, vel quem ipsi proptia auctoritate acceperunt. Casarubius *ut supra §. Tertius insuper. Sosa in tract. de Profess. Tertiarij* pag. 201. Miranda in *man. Prælatorum* to. 1. q. 36. ar. 3.

3 Alij sunt Tertiarij qui neque tria vota essentialia Religionis emittunt, nec in Communitate, aut Collegialiter viuunt, sed Regulam Carmelitarum, S. Dominici, S. Francisci, vel alterius Religionis approbatæ seruant in proprijs domibus, & quandoque, maximè feminae, in communi aliqua domo habitantes, quorum aliqui emittunt votum simplex castitatis, vel obedientiæ alij nullum nisi forsan obedientiæ. Casarubius *ut supra §. ex predictis omnibus.* Peirinis etiam *ut supra num. 33.*

4 Sunt autem inter istos Tertiarios maximè primi, & tertij
gene-

generis, viri, & fæminæ, & sicut viri vocantur Fratres Tertiarij de pœnitentia, Mantellati, Corrigiati, sic fæminæ vocantur Sorores Tertiariæ, de Pœnitentia, Mantellatæ, Corrigiatæ, Pinzocheræ, Beata, &c. Casarubius *vt supra à §. Aliter breuitus, & §. sciendum est ulterius*. Peirinis etiam *vt supra num. 35. & 36.* De quibus sigillatim dicendum est, maximè quod hæc materia intricatè factis, & confusè à quibusdam tractetur.

5 Et primò, loquendo de Tertiarijs primi generis, seu de quibus primò loco dixi, illi sunt verè, & propriè Religiosi, cum tria vota essentialia Religionis emittant, & sub obedientia, & iurisdictione Prælatorum viuunt. Ita etiam declarasse videtur Leo x. in Bulla relata dum illis Regulam, modum profitendi, & recipiendi Nouitios, seu Nouitias, ieiunia, orationes, & similia præscribit, & Pius v. etiam in prædicta Bulla vbi illorum statum Religionem appellat, ac Sixtus v. in Bulla quoque relata. Vnde illi vt vere personæ Ecclesiasticæ, & Religiosæ exempti sunt ab omni iurisdictione Sæculari, & Ecclesiastica Episcoporum, & gaudent priuilegio Canonis, & fori, habentque multa priuilegia, quæ Clemens vii. in Bulla *Ratio Pæstoralis* anno 1597. edita in 3. tom. Bullar. inter Bullas huius Pontificis num. 51. innouat, & confirmat. Casarubius in *Compend. priuileg. Mendicant. verbo Tertiarij nu. 24. §. Quoad secundum gradum Tertiariorum*. Peirinis *to. 1. priuil. Minim. in Constit. 4. Sixti IV. §. 7. n. 31. Portel. in Dub. Regul. verb. Tertiarij num. 1.*

6 Tertiarij autem secundi generis tria vota essentialia Religionis emittentes, sed non sub aliqua Regula, aut Religione approbata, siue in Communitate, siue priuatim, aut seorsim in Eremitijs, non sunt verè Religiosi, nec vnquam tales fuerunt. Ratio est, quia ad hoc, quod tria vota essentialia Religionis constituent aliquem Religiosum requiritur quod illa fiant secundum certam, & determinatam Regulam, & sub Religione aliqua à Sede Apostolica approbata, vt colligitur *ex cap. unico de voto, & voti Redemptione in 6. vt dictum est tom. 1. cap. 2. nu. 1.* Cum ergo isti non emiserint prædicta vota sub aliqua Regula, aut Religione approbata nullo pacto erunt veri Religiosi. Nauarrus *Comment. 1. de Regular. super cap. Cui portio num. 18. & in Consilij lib. 3. de Regular. consil. mihi 12. Miranda in man. Prælator. tom. 1. q. 36. ar. 3. prima conclus.* Quod etiam est verum quamuis isti emisissent prædicta vota in manibus Episcopi. Quia essentialiter requiritur ad professionem veræ Religionis, quod sub determinata Regula, & Religione approbata fiat. Sanchez *lib. 5. in decalog. cap. 4. num. 74. Portellus in respons. cas. mor. p. 1. cas. 16. num. 8.*

num. 8. Addunt aliqui hos esse sublatos à Leone x. in Bulla *Dum intra mentis*. Peirinis num. 32. Sed nihil tale in dicta Bulla inuenire potui. Alij volunt non esse huiusmodi homines permittendos. Casarub. in *Compend. priuileg. Mendic. verb. Tertiarij* num. 24. §. *Tertius insuper*. Rodriguez tom. 3. *quæst. Regul. q. 72. art. 1. §. 2. conclusio*. Verumtamen nisi scandalosè viuant, aut habitum alicuius Religionis portent, cum tria illa vota quæ emiserunt pia sint, & honesta, & illos obligent, etsi non vt solemnia, saltem vt simplicia, non video cur permitti non possint. Fatendum tamen est post tempora Pij v. huiusmodi Congregationes viro- rum Regularium formam præferentium sine solemnī profes- sione sub aliqua ex Regulis approbatis abolitas, & sublatas esse, vt patet ex Bulla *Lubricum vite* anno 1568. edita quæ est in 2. tom. Bullar. inter Bullas huius Pontificis num. 76. Portellus in *Dub. Regul. verb. Tertiarij in addit. num. 4.* aduertens bene hanc Pij v. Constitutionem solum de Congregationibus viro- rum, non de Congregationibus sæminarum loqui.

7 Tertiarij autem tertij generis (de quibus principaliter hic est sermo) non sunt veri Religiosi, tam de viris, quam de sæmi- nis loquendo. Ratio euident est quia non promittant tria vota essentialia Religionis, & sine quibus Religio non stat, iuxta dicta tom. 1. cap. 2. num. 1. Casarubius in *Compend. verb. Tertiarij*. Rodriguez tom. 3. *quæst. Regul. q. 72. art. 2. Glossa in Clement. de sent. excommunicat. cap. ex eo* & Glossa in *Clement. de Religiosis domibus in 6. verb. obedientia*, & alij. Et ita sibi, & non Congre- gationibus, in quibus sunt, acquirere possunt. Angelus *verb. Religiosus* num. 53. Siluester *verb. Religio* 6. q. 1. *dict. 2.* Vnde nec modus iste viuendi potest appellari Religio, quia Religio deno- tat religionem per tria vota. Potest tamen appellari Ordo, quia Ordo prout in præsentī solum significat modum viuendi ordina- tum sub certis Regula, & ceremonijs, quæ huic modo viuendi competunt, cum sit sub Regula, & Ceremonijs Religionis, & ita nomine Ordinis à pluribus Summis Pontificibus appella- tur, vt videre est in aliquibus ex referēdis. Carrillus *lib. 3. de Ter- tiarijs* cap. 5. Portellus in *Dub. Regular. verbo Tertiarij* num. 4. Ioannes Silueira in *tract. de Tertiarijs Carmelitarum*. Imò talis viuendi modus appellari potest Ordo approbatus ab Ecclesia. Est enim approbatus à Summis Pontificibus, præsertim Nicolao iv. pro Tertiarijs Ordinis Minorum, Innocent. vi i. pro Tertiarijs Dominicanorum, Martino v. pro Seruitis, Eugenio iv. & Martino v. pro Tertiarijs Augustinianis, Sixto iv. pro Tertiarijs Carmelitarum, & Iulio ii. pro Tertiarijs Minimorum. Portellus

ut supra. Addere etiam possumus modum viuendi illorum Tertiariorum, qui vnum vel duo vota emittunt, de quibus infra, quamuis simpliciter status Religiosus dici non possit, aliquo tamen modo, lata scilicet significatione, & analogicè Religiosum dici posse, quatenus imperfectè, & incompletè rationem status Religiosi participant. Suarez 3. tom. de Relig. lib. 2. cap. 2. num. 17. & 18. vbi specialiter loquitur de illis mulieribus Tertiarijs quæ in Hispania Beatæ vocantur. Ioannes Silueira in tract. de Tertiarijs Carmelitarum. Vide dicta tom. 1. cap. 3. num. 22. & nota eos Tertiarios, quos eo loco dixi esse veros Religiosos si tria vota essentialia sub obedientia Prælatorum emittant, esse illos de quibus supra num. 1. & 5. est dictum.

8 Habent facultatem admittendi, seu recipiendi huiusmodi Tertiarios Ordines Mendicantes, & primo Minores. Nam S. Franciscus huius Sacri Ordinis Patriarcha instituit Fratres, & Sorores tertij Ordinis, eisque Regulam præscripsit Nicolaus IV. Pontificatus sui anno 2. in Bulla *Super montem*. quam refert Casarubius in fine *Compend. priuileg. Mendicant. fol. mibi 563.* & habetur in 1. tom. Bullar. inter Bullas huius Pontificis num. 2. Et quamuis ipse Casarubius in *Compend. verb. Tertiarij num. 24. S. sciendum est* vltèrius dicat quod solus S. Pater Franciscus Fratres, & Sorores tertij Ordinis, seu de pænitentia instituerit, vt propterea de eo canat Ecclesia *Tres Ordines hic ordinat, &c.* alij tamen etiam hoc tribuunt S. Dominico, vt dicetur inferius, & dicunt eò solum illa de B. Francisco dici ab Ecclesia quia ipse primus omnium fuit, & S. Dominicus ad ipsius imitationem. Corduba in annotationib. ad *Compend. priuileg. Mendic. S. Quoad vltimum notabile.* Hæc autem Regula à S. Francisco tradita Tertiarijs secularibus, est, quam postea Leo X. anno 1521. Bulla *Inter cætera* alijs Tertiarijs S. Francisci, qui verè Religiosi sunt, aptauit, & accommodauit, vt dixi num. 1. Possè autem Religiosos Minores tales Tertiarios recipere, seu admittere supponunt communiter Summi Pontifices in suis Bullis, specialiter inferius afferendi, videlicet Bonifac. VII. Eugenius IV. Martinus V. & Sixtus IV. Quibus iunge Greg. IX. Innocent. VII. Iulium II. Alexand. VI. & Leonem X. apud Casarubium in *Compend. priuileg. Mendicant. verbo Tertiarij Fratres*, licet forsàn aliqui horum solum loquatur de Tertiarijs verè Religiosis Ordinis Minorum, de quibus num. 1. dictum est.

9 Patres etiam Dominicani Tertiarios vtriusque sexus Fratres, & Sorores de pænitentia nuncupatos habent, ac facultatem eos recipiendi, ac admittendi, imò vt dicitur, S. Dominicus ipso-

ipforum Patriarcha etiam tertium Ordinem Tertiariorum instituit. S. Antonin. 3. p. *bislor. tit. 23. cap. 14. §. 2.* Corduba in *Annot. ad Compend. priuileg. Mendicant. §. Quoad vltimum notabile*. Rodriguez tom. 3. *quest. Regular. q. 72. art. 2.* Vnde de Tertiarijs Ordinis Prædicatorum loquuntur Bonifac. viii. Eugen. iv. Martinus v. Nicolaus v. & Sixtus iv. referendi inferius, specialiter Sixtus iv. in Bulla *Sacro sancta* anno 1475. & in Bulla *Inianctum nobis* anno 1478. apud Confettium in *Collect. litter. Apostol. Mendicant. in Sixto IV. num. 8. & 10.* supponit in dicto Ordine esse Tertiarios vtriusque sexus. Maxime Innocent. vii. in Bulla *Sedis Apostolica* quæ est vnica in Bullario Laertij tom. 1. vbi Regulam pro Fratribus, & Sororibus 3. Ordinis S. Dominici approbat.

10 Augustiniani etiam Patres Tertiarias habent, ac facultatem illas admittendi, & recipiendi ad instar Mantellatarum, seu Pinzocherarum Ordinum Minorum, & Prædicatorum, ex Bonifacio ix. Eugenio iv. & Martino v. Rodriguez tom. 3. *quest. Regular. q. 72. art. 3.* quorum Bullæ habentur in nostro Mari magno Bulla 41. 42. & 43. Idem colligitur ex Iulio ii. in Bulla *Præ ceteris* apud Laurentium Empoli in *Bullar. Eremitar. S. Augustini in Iulio II. Constit. 7.* Maximè ex Sixto iv. in Mari magno ipforum in prædicto Bullario in *Sixto IV. Constit. 5.* Aduertit tamen ipse Rodriguez ibidem se non inuenire in priuilegijs Eremitarum D. Augustini, aut Carmelitarum, habere Tertiarios vtriusque sexus, sed solum fæminas. Verum tamen quod ad Carmelitas attinet valde decipitur, constat enim ex Sixto iv. in Bulla *Dum attenta* anno 1476. cuius verba relata sunt tom. 1. *cap. 3. num. 22.* & iterum postea referentur, posse recipere quascumque mulieres, & vtriusque sexus personas. Quod attinet autem ad Patres Augustinianos, licet aliud non extaret, quam quod in dicta Bulla Sixti iv. conceditur Carmelitis priuilegium scilicet recipiendi personas vtriusque sexus, cum hoc dicat Pontifex se concedere *ad instar Mantellatarum, seu Pinzocherarum, aut Fratrum de penitentia tertij Ordinis Ordinum Fratrum Minorum, & Prædicatorum, necnon Eremitarum S. Augustini,* supponere videtur etiam Augustinianos Patres habere fratres de penitentia, & vtriusque sexus Tertiarios. Video tamen pro illis clarius priuilegium extare Pauli ii. anno 1470. qui Generali, Prouincialibus, ac Prioribus Congregationis Lombardiz eiusdem Ordinis in Bulla *Exposcit vestra* concessit facultatem exhibendi viris Mantellum, seu habitum mantellatum nigri coloris, & habitui Fratrum eiusdem Ordinis in colore conformem,

ad instar aliorum Mantellatorum aliorum Ordinum. Ioannes Baptista Confettius in *Collectan. litterarum Apostolicarum in Paulo II.* vbi etiam refertur Innocent. vii. i. vii. vocis oraculo concessisse Fr. Benigno de Ianua Vicario Generali eiusdem Congregationis, vt huiusmodi Mantellati, seu Mantellatæ sola latatione Corrigæ priuilegijs eiusdem instituti potirentur. Id etiam colligitur ex Mari magno eorumdem Patrum apud Confettium in *Collect. Litterar. Apostolic. Mendicant. in Sixto IV. num. 20.* & in Bullario Empoli relato vbi vtens hac voce *Mantellata persona coniugata*, quæ etiam ad viros extenditur innuere videtur de Tertiarijs vtriusque sexus loqui.

II Carmelitani etiam nostri facultatem eandem habent admittendi, & recipiendi ad habitum Ordinis prædictos Tertiarios Fratres, & Sorores, vtriusque sexus. Nam quod attinet ad mulieres, id constat ex Nicolao v. in Bulla *Cum nulla fidelium*, quam refert Ioannes Baptista Confettius in *Collect. Litterarum Apostolicar. & priuileg. Regular. Mendicant. in Nicolao V. Bulla 1.* vbi sic ad intentum. *Ne Conuentus Religiosarum Virginum, Viduarum, Biquinarum, Mantellatarum, aut alique particulares exijs sub habitu, & protectione Ordinis Beatissima Dei Genitricis, semperque Virginis Mariæ de Monte Carmeli degentiam, aut que in posterum offerentur absque Apostolica auctoritatis munimine viuere videantur: harum tenore præsentium decernimus, vt Ordo præfatus, ac eiusdem Ordinis Magister Generalis, & Priores Prouinciales circa præfatarum receptionem, vitæ modum, admissionem, & protectionem illis eisdem, & prorsus similibus priuilegijs gaudeant, quibus Ordines Prædicatorum, & Eremitarum S. Augustini gaudent, & vtuntur. Dummodo Virgines, Vidua, Biquina, Mantellata prædictæ continenter, & honeste viuant, ieiunentque ac omnia alia faciant, & obseruent.* Hæc ibi. Quod verò attinet non solum ad mulieres sed etiam ad personas vtriusque sexus id constat ex Bulla Sixti iv. *Dum attenta*, superius relata vbi sic ad intentum. Et vt Virgines, & Viduæ, & Coniugatæ personæ, Mantellatæ, seu Pynzocheræ dicti Ordinis nuncupatæ prædictæ tanto feruentius iuxta earum viuendi ritum, & morem sub cura, & secundum instituta dicti Ordinis, ac ordinata per Bonifacium ix. in sua obedientia nuncupatum, & Martinum v. ac Eugenium iv. prædecessores prædictos confirmata quoad Moniales Virgines, & Viduas, coniugatas, & Mantellatas, Pynzocheras Ordinis Eremitarum S. Augustini, & per præfatum Nicolaum v. etiam prædecessorem nostrum quoad omnia, & singula indulta priuilegia, & Indulgentias Ordinum Prædicatorum, & Eremitarum ad Virgines,

Viduas, Coniugatas personas, Mantellatas; Pinzocheras Ordinis Beatiss. Dei Genitricis semperque Virginis Mariæ de Monte Carmeli extensa, & ad quas Virgines, Mantellatas; Pinzocheras dicti Ordinis Beatissimæ Dei Genitricis Mariæ de Monte Carmeli singula priuilegia, & Indulgentias Ordini Minorum concessa, & indulta motu, & scientia similibus quoad omnia extendimus, & extensa volumus, & mandamus. Vt eo attentius diuinis studeant vacare beneficijs quanto maioribus priuilegijs, & fauoribus prædictæ Sedis cognouerint se fore resectas motu, scientia, & auctoritate prædictis volumus, & eisdem personis concedimus quod omnibus, & singulis priuilegijs immunitatibus, fauoribus, gratijs, & indultis in spiritualibus, & temporalibus prædictis Ordinibus, videlicet, Prædicatorum, Minorum, & Eremitarum S. Augustini, & eorum Fratribus, & pro Fratribus Beatissimæ Dei Genitricis semperq. Virginis Mariæ de Monte Carmeli concessis, & concedendis, & quibus illi in genere quomodolibet potiuntur, & gaudent, tam in vita, quam in mortis articulo etiam circa peccatorum remissionem, & iniunctionum pænitentiarum relaxatione vti, potiri, & gaudere, ac participes esse possint, & debeant. Liceatq. Fratribus prædictis eisdem Pinzocheris, & Mantellatis personis in earum etiam domibus quoties opus fuerit confessionibus diligenter auditis de absolutionis beneficio prouidere, & Eucharistiæ, ac extremæ vñctionis Sacramenta ministrare, & dum eos, vel eas decedere contigerit, illarum cadauera ad eorundem Fratrum Ecclesias tumulanda deferre, etiam Ecclesiarum Parochialium personarum eorundem Rectorum licentia desuper minimè requisita, & contradictione quacumque non obstante. Et ne oblatis, & oblatæ eiusdem Ordinis suorum iure deuotionis ad Ordinem ipsum frustentur effectum, omnia, & singula circa Fratres, & Sorores, & Mantellatas, seu Pinzocheras nuncupatas personas prædictas in præsentibus litteris statuta, concessa, & ordinata, aut illis, & Fratribus prædictis in eorum commodum, & fauorem indulta ad easdem dicti Ordinis nunc, & pro tempore oblatas, & commissas vtriusque sexus personas, eisdem scientia, & motu, & auctoritate extendimus, & ampliamus, ac in eis locum habere debere perinde ac si pro eisdem oblatas, & commissis personis, & circa illas emanassent decernimus, volumus, & ordinamus. Hæc ibi. In quibus si expendantur verba illa *coniugata persone*, & iterum *coniugatas personas*, & postea *Mantellatis personis*, quæ vtriusque sexus personas indicant, maximè cum postea subiungatur, *Et dum eos, vel eas decedere contigerit*, sufficienter denotat se loqui de Tertiarijs vtrius-

utriusque sexus. Ad tollendum tamen omne dubium, & scrupulum in sequentibus verbis eiusdem Bullæ clarius exprimit se loqui de Tertiarijs tam viris, quam feminis. Statuentes præterea Apostolica auctoritate, & præsentium tenore concedentes volumus, & ordinamus quod de cætero perpetuis futuris temporibus tam Magistro Generali quam cuilibet dicti Ordinis Officiali, Prioribus dicti Ordinis secundum morem, & instituta eiusdem Ordinis in quibuscumque Prouincijs constitutis tam presentibus, quam futuris sit licitum, ac permissum quascumque mulieres, & utriusque sexus personas si alias sint idoneæ, & aliud Canonicum non obstat, quæ habitum Regularem prædicti Ordinis ad instar Mantellatarum, seu Pinzocherarum, aut Fratrum de penitentia tertij Ordinis Ordinum Fratrum Minorum, & Prædicatorum, necnon Eremitarum S. Augustini habere voluerint, & gestare tam Virgines, ac Matronas, quæ Viduas ac Mantellatas, seu Pinzocheras, & utriusque sexus personas dicti Ordinis Carmelitarum recipere, & admittere ac earum singulis habitum regularem, ac Regulam eiusdem Ordinis Carmelitarum ad instar huiusmodi Mantellatarum, seu Pinzocherarum utriusque sexus Ordinum, & utriusque sexus personarum Ordinum Fratrum Minorum, & Prædicatorum, necnon, & Eremitarum S. Augustini præfatorum, prout secundum Deum saluti animarum earundem personarum salubrius visum fuerit expedire etiam exhibere: quæ sic receptæ, & in posterum recipiendæ auctoritate præfata gaudeant, & gaudere possint; & debeant, tam exemptionis priuilegio quam omnibus immunitatibus libertatibus, Indulgentijs, & alijs priuilegijs quibuscumque præfato Ordini Beate Dei Genitricis Maria de Monte Carmeli eiusque Fratribus, ac personis per Sedem Apostolicam iam concessis, & quæ in posterum concedentur, quatenus huiusmodi exemptionis priuilegium, immunitates, libertates, Indulgentiæ, ac quacumque alia priuilegia ipsis Prioribus, & Fratribus Ordinis de Monte Carmeli competunt, vel competere possunt, seu poterunt, & Priores, & Fratres, ac loca ipsa esse capacia, eorundem Constitutionibus Apostolicis, ac statutis, & consuetudinibus tam vestri, quam aliorum Ordinum quoruncumque, & alijs contrarijs non obstantibus quibuscumque. Habetur hæc Bulla in Mari magno Ordinis (imò ipsa est Mare magnum) & in Bullario Rodriguez num. 37. ita vt mirum sit; ipsum loco superius relato dixisse se non inuenisse in priuilegijs Carmelitarum habere Tertiarios utriusque sexus, cum constet hoc ex eadem Bulla Sixti IV. quam ipse affert. Vnde propterea sic nouissimè causa vtrinque agitata, & sententia data pronunciatum est anno 1635. die 13. Aprilis Vlißipone ab Illustiss. Laurentio Tramallo Colloatore

Generali Lusitaniz decernente sub pœnis excommunicationis, & suspensionis, ac alijs pecuniarijs, ne quis auderet publicè negare Carmelitarum Ordinem Tertiarios habere, aut facere posse.

12 Habent etiam Seruitarum Ordinis Patres Tertiarios, seu Sorores, vt colligitur ex Paulo 11. in Bulla *Exposcit vestra*; Augustinianis Congregationis Lombardiz concessa; de qua supra num. 10. ibi enim id supponitur. Similiter id colligitur de Tertiarijs vtriusque sexus ex Leone x. in Bulla *Dudum per nos*. anno 1519. edita, vbi Fratres omnes Mendicantes inter quos Seruitas recenset, etiam quoad personas vtriusque sexus de penitentia æquales esse in priuilegijs concedit. Conferretur in *Collect. Litterarum Apostolicarum Mendic. in Leone X. Bulla 18.* Maximè id constat ex Martino v. in Bulla *Sedis Apostolica, quæ est in Appendic. ad Bullarium inter Constitutiones huius Pontificis num. 1.* Vbi approbat Regulam pro Fratribus, & Sororibus tertij Ordinis Seruorum B. Marię Virginis. De qua plura in sequentibus afferentur. Vide Bullam loco relato.

13 Item Minimorum S. Francisci de Paula Religio suos Tertiarios vtriusque sexus habet, vt constat ex Iulio 11. in Bulla *Dudum ad sacrum*. anno 1506. edita quæ habetur apud Peirinis tom. 1. priuil. *Minim.* & ex forma professionis eorundem viuz vocis oraculo ab eodem Iulio comprobata, etiam apud eundem Peirinis *ibidem*. Item ex Leone x. in Bulla *Ea quæ* anno 1513. edita apud eundem, etiam Peirinis vt supra *inter Bullas Leonis X. num. 1.* Miranda in *man. to. 1. q. 36. ar. 2.*

14 Possunt etiam huiusmodi Tertiarij Religionum Fratres, aut Sorores tertij Ordinis nuncupari. Tum propter dictato. 1. c. 3. num. 22. Tum specialiter quoad Minimorum Ordinem quia in Bulla Iulij 11. relata expresse nominatur hæc Congregatio Tertiariorum certius Ordo Minimorum, tum denique quoad nostros Carmelitanos, Eremitas S. Augustini, & alios habentes Tertiarios, non solum propter communicationem priuilegiorum, sed etiam quia tota ratio, quare in Ordine Minorum, Prædicatorum, & Minimorum reperitur tertius Ordo est quia in illis est Ordo virorum, seu Fratrum Religiosorum, Ordo taminarum Religiosarum, seu Monialium, & Ordo Laicorum qui Regulam dicti Ordinis suo modo obseruant, quæ omnia etiam procedunt in Ordinibus Carmelitarum, & Eremitarum Sancti Augustini.

15 Profitentur huiusmodi Tertiarij aliquam Regulam ab Ecclesia approbatam. Nam Tertiarij Minorum profitentur Regu-

Regulam à Nicolao iv. illis concessam, de qua supra num. 8. Tertiarij Prædicatorum Regulam ab Innoc. vi i. approbatam in Bulla supra num. 9. relata. Tertiarij Eremitarum S. Augustini, Regulam, vt puto. S. Augustini illis accomodatam, & applicatam. Tertiarij Carmelitarum Regulam ipsorum à B. Alberto Hierosolymitano Patriarcha traditam, & ab Innocent. iv. Eugenio iv. & alijs Pontificibus confirmatam: hoc enim concessit Sixtus iv. in verbis relatis num. 11. illis scilicet, *ac Regulam eiusdem Ordinis Carmelitarum, &c. exhibere*. Tertiarij Minimorum Regulam S. Francisci de Paula à Leone x. in Bulla *Dudum ad Sacrum* de qua supra nu. 13. confirmatam. Actandem Tertiarij Ordinis Seruitarum Regulam à Martino v. pro illis approbaram, quæ habetur, vt dixi in Appendic. Bullarij Laertij Cherubini inter Constitutiones ipsius num. 1. Quibus Regulis etiam adiunguntur particularia statuta, & ordinationes à Prælati Religio-num pro prædictis Tertiarijs facta, quæ statui sæcularium, & Ordini aliquo modo Religioso, vel quasi Religioso, quem profitentur apta, & accomodata censentur.

16 Habent etiam prædicti Tertiarij habitum Ordinum quorum sunt Tertiarij, non quidem eundem omnino, sed similem, ad denotandum eos etsi Sæculares, illorum tamen Ordinum Tertiarios esse. Primò enim Tertiarij Minorum habent habitum à Nicolao iv. in Bulla *Super montem* relata vbi cap. 3. sic habetur. *Fratres insuper ipsius fraternitatis, de humili panno in pretio, & colore, non prorsus albo, vel nigro cõmuniter vestiantur, nisi fuerit ad tempus in pretio per visitatores de consilio Ministri ob causam legitimam, & apertam, cum aliquo dispensatum: Cblamydes quæque ac pelles absque scolaturis, scissas, vel integras, assibulatas tamen, vel patulas, vt congruit honestati, clausasque manicas Fratres habeant supradicti. Sorores etiam cblamyde induantur, & tunica de huiusmodi humili panno factis, vel saltem cum cblamyde habeant quarnclum seu placentinum coloris albi, vel nigri, aut paludellum amplum de canabo, siue lino absque vlla crispatura consutum. Circa humilitatem verò panni, & pellitones Sororum ipsarum, iuxta conditionem cuiuslibet eorundem, ac loci consuetudinem poterit dispensari. Bindis, & ligaturis sericis non vsantur, pelles dumtaxat agninas, bursas de corio, & corrigias simpliciter atque serico villo factas, & non alias, tam Fratres habeant, quam Sorores, depositis ceteris (iuxta B. Petri Apostolorum Principis salubre consilium) vanis huius sæculi ornamentis. Aduertit tamen Casarubius in Comp. ad priuil. Mendicant. verb. Tertiarij S. Quoad primum radum, consuetudinem, vel potius corruptelam interpretasse*
in

in diuersis Prouincijs, & Regnis diuersas formas habituum. Vide Rodriguez *tom. 3. quæst. Regul. q. 72. art. 4.* Dominicanorum etiam Tertiarij habitum habent præscriptum ab Innocent. vii. in Bulla relata *num. 9.* Seruitarum à Martino v. in Bulla *num. 12.* relata. Minimorum autem Tertiarij habitum gestant aliquo modo scilicet quoad materiam, & colorem ipsis Fratribus similem. Augustinianorum Tertiarijs concessit Paulus ii. relatus *supra num. 10.* vt Mantellum, seu habitum mantellatum nigri coloris, & habitui Fratrum eiusdem Ordinis in colore conformem deferre, & accipere possent, & Innocent. viii. etiam ibidem relatus declarauit, sola delatione, & retentione corrigiæ, licet habitum Mantellatorum, siue Mantellatarum quem susceperunt, cum licentia Prioris non retineant, neque continuè deferant, potiri priuilegijs, &c. ex quo videtur hunc esse proprium habitum horum Tertiariorum Ordinis S. Augustini. Quia tamen hoc videtur fuisse viuz vocis oraculum, vt notat Casarubius in *Compend. verb. Tertiarij num. 29.* ideo his temporibus quando omnia viuz vocis oracula à SS. D. N. Urbano reuocata sunt, parum videtur iuuare. De nostris quoque Carmelitarum Tertiarijs, cum iuxta Sixti iv. in Bulla *Dum attenta* verbis relatis *num. 11. habitum Regularem* Ordinis nostri suscipere debeant, ideo ipso induuntur, accomodato tamen pro ipsis. Vnde proprius ipsorum habitus, meo iudicio, est ille, qui quoad formam similis est sæcularium habitui; quoad materiam tamen, & colorem similis est habitui (non dico Cappæ) Fratrum nostrorum. Quod idem censeo dicendum de Tertiarijs aliorum Ordinum. Rodrig. *to. 3. q. Regul. q. 72. ar. 4. §. Quantum autem.* Pro habitu Pynzocherarum vide *infra nu. 40.*

17 Proprium etiam modum profitendi habent Tertiarij. Nam Minorum Tertiarij iuxta prædictam Nicolai iv. Regulam promittere debent se diuina præcepta seruatuuros, ac etiam satisfaciuros, vt conuenit, de transgressionibus, quas contra hunc viuendi modum commiserint, cum interpellati fuerint, & ad visitatoris voluntatem. Dominicanorum Generali Thomæ de Vio Caietano concessit Iulius ii. anno 1509. in Bulla *Considerantes* apud Peirinis *to. 1. priuileg. Minimor. inter Constit. Iulij II. nu. 13.* quod mulieres prædicti Ordinis, quæ Sorores de pœnitentia nuncupantur, & collegialiter viuunt, si ipsi placuerit, & illæ id cuperent, tria vota Religionis in manus ipsius, aut illorum, quos ad hoc duxerit deputandos emittere licitè valerent. At ex Bulla Innocent. vii. relata peculiarem modum profitendi habent illorum Tertiarij, quo profitentur de cætero viuere secundum formam,

formam, & Regulam Ordinis de pænitentia B. Dominici. Similiter Seruitarum Tertiarij suum, & particularem modum profitendi habent à Martino v. in Bulla relata illis præscriptum. Carmelitarum verò Tertiarij Regulam Ordinis profitentur sicut alij Fratres, & Moniales, eo excepto quòd votum paupertatis non emittunt, sed solum castitatis iuxta eorum statum, & obedientiæ ad Superiores Religionis, eos scilicet, quibus prædictorum Tertiariorum cura commissæ est. Tertiarij tandem Minimorum sequi debent formam professionis, quam pro ipsis approbavit viua vocis oraculo Iulius II. testante Bernardino Cardinali istius Ordinis Protectore, prout constat ex litteris datis anno 1507. apud Peirinis tom. I. priuileg. Minim. inter Constit. Iulij II. nu. 18. & est huiusmodi: *Ego N. promitto Deo omnipotenti, totique Curia Cælesti, & tibi Patri, mores meos, ac vitam melius emendare, & Ordinis Minimorum utriusque sexus fidelium Regula per S. D. N. Iulium Papam II. confirmata salutifera præcepta pro posse obseruare, & F. Francisco de Paula, suisque successoribus eiusdem Ordinis Minorum Generalibus Correktoribus pro tempore existentibus obedire; necnon prædictæ Regule salubribus consilijs, ac monitis me conformare, & prædicti Ordinis honorem, & utilitatem fideliter procurare.*

18 Ex quo infertur Tertiarios quosdam vota aliqua simplicia emittere in sua professione, alios non. Vota enim emittunt Tertiarij Carmelitæ (saltem in aliquibus locis) votum scilicet castitatis iuxta eorum statum, & obedientiæ, ut dictum est, & refert Ioannes Silueria in tract. de Tertiarijs Carmelitarum. Aliorum verò Ordinum Tertiarij nullum votum propriè, quod sciam, emittunt, sed vel promittunt diuina præcepta seruare, & satisfacere pro transgressionibus, ut faciunt Tertiarij Minorum, quod non est propriè votum, ut Portellus in Dub. Regul. verb. Tertiarij num. 5. post alios docet, vel promittunt mores, ac vitam in melius emendare, prout Minimorum Tertiarij, quod etiam proprium votum non inducit, ut testatur Peirinis num. præced. relatus, vel denique promittunt de cætero viuere secundum Regulam Religionum, prout faciunt Tertiarij Dominicanorum, & Seruitarum, quod similiter propriè votum non est, ut num. seq. dicitur. Non videtur autem necessarium simpliciter, nisi solum ex usu Ordinis nostri, quòd Tertiarij nostri prædicta duo vota emittant, cum nec alij Tertiarij Prædicatorum, & Minorum id faciant, præsertim cum ita sit declaratum à S. Congregatione, ut infra à num. 27. dicitur. Qualiter autem ad fruendum priuilegijs Religionum ex nouo iure Concil. Lateranensis, & decreto

creto S. Congregat. requiratur in fœminis Tertiarijs voti castitatis emissio, sicut in viris quod collegialiter viuant, aut cum claustralibus habitent, dicetur etiam ibidem.

19 Hinc sequitur qualiter peccent Tertiarij transgressores suæ professionis. Qui enim vota emittunt, si contra ea delinquant peccant peccato Sacrilegij, & contra virtutem Religionis, ac tenentur in confessione illam circumstantiam, vt potè nouam speciem malitiæ continentem, confiteri. Hoc enim commune est cuicumque peccato, quod est transgressio voti cuiuslibet. Tertiarij autem, qui nullum votum emittunt in professione si transgrediantur ea quæ promittunt, nullum peccatum committunt. Ratio est, quia etsi vtantur verbo *promitto* illud tamen, tum ex parte intentionis Pontificum hunc modum viuendi approbantium, tum ex parte Prælatorum Ordinum in quorum manibus sit hæc professio non inducit obligationem ad culpam. Quare illud *promitto*, vel idem valet ac *propono*, vel si aliquo modo promissionem indicat, solum est promissio quædam communis, & generalis similis illi, quam in Baptismo omnes faciunt non peccandi, quæ non inducit specialem obligationem. Portell. in *Dub. Regul. verb. Tertiarij* n. 5. Peirinis to. 1. priuil. *Minim. in Const.* 18. *Iulij* II. §. 2.

20 Vnde quamuis obligatio Regulæ respectu Religiosorum, aliquam culpam saltem venialem inducat, iuxta dicta to. 1. cap. 7. respectu tamen Tertiariorum nullam culpam inducere videtur. Propter dicta *num. preced.* Et ideo Regula Nicolai IV. pro Tertiarijs Minorum nec etiam ad veniale obligatillos. Nam etsi Pontifex in ea declaret non obligare ad mortale, & nihil dicat de veniali, credo tamen ita fuisse receptam, vt nec ad veniale obliget, prout indicat Portellus *num. precedenti* relatus, & Barbosa in *Collectan. Bullar. verbo Fratres, & Sorores tertiorum Ordinum*. Idem exprimitur clarè ab Innocent. VI. in Regula pro Tertiariis Dominicanorum, & à Martino V. in Regula pro Tertiariis Seruitarum. Idem dico De Tertiariis nostri Ordinis, eo quod ad instar Tertiariorum Prædicatorum, & Minorum approbentur à Sixto IV. De Tertiariis Minorum hoc etiam dicit Peirinus *num. precedenti* adductus. De Tertiariis quoque Augustinianorum etsi id mihi non constet, puto idem esse dicendum. Declarant tamen Innocent. VI. & Martin. V. in Regulis relatis, imò & Nicolaus IV. etiam in Regula adducta obligari Tertiarios ad sustinendam pœnam illis infligendam à Superioribus, propter transgressiones Regulæ, quod idem dicendum de alijs Tertiarijs.

Facienda

21 Facienda est huiusmodi Tertiariorum, siue viro-
rum siue
feminarum professio in manibus alicuius Superioris eorum
Ordinum, vel habentis à Superiore aliquo auctoritatem. Vnde
in Regula Nicolai iv. pro Tertiarijs Minorum cap. 2. hoc mu-
nus dicitur pertinere ad Ministros ad receptionem talium de-
putatos, in Bulla etiam Sixti iv. vbi de nostris Tertiarijs verbis
adductis supra num. 11. manifeste supponitur id munus pertine-
re ad Superiores Ordinis, quod idem dicendum de Tertiarijs
Prædicatorum, Augustinianorum, & Seruitarum, ac ita exprimi-
tur in Bullis Innocent. vi 11. & Martini v. relatis. Fauet etiam
decretum S. Congregationis Episcoporum, & Regular. afferen-
dum infra vbi dicitur de Tertiarijs *Ad habitum admittantur à
Superioribus Regularibus* (Capuccinis exceptis) *ad id priuilegium
habentibus*. Esti enim expresse in his locis non fiat sermo de
professione, sed de admissione, quia tamen principalior admissio
fit in professione, ideo de illa videntur intelligenda.

22 Præcedere etiam debet professionem Tertiariorum ali-
quod tempus probationis ad modum Novitiatu. Sic enim
decernitur in præd. Regula Nicolai iv. pro Tertiarijs Minorum
*post unius anni spatium cum aliquorum Fratrum consilio recipia-
tur, &c.* & colligitur idem esse dicendum de Tertiarijs aliorum
Ordinum, tum quia illi sunt ad instar Tertiariorum Ordinis Mi-
norum, tum quia cum in Bullis Pontificijs quibus conceditur
Prælati facultas recipiendi Tertiarios dicitur, vel supponitur
illos debere esse personas idoneas, & pro talibus habitas, vi-
detur quasi iure naturæ necessarium aliquod tempus ad iudi-
candum de idoneitate illorum. Inter huiusmodi qualitates pro
Tertiarijs requisitas computandæ sunt illæ quas S. Congregatio
Episcoporum, & Regularium designauit anno 1616. de quibus
infra num. 29.

23 Infertur autem ex dictis huiusmodi Tertiarios, siue Ter-
tarias, de quibus in præsentī, si ab eo statu recedunt etiam in-
perpetuum, siue habitum deferentes, siue matrimonio se copu-
lantes non esse Apostatas. Quia apostasia est recessus à statu
verè Religioso, horum autem status Religio non est, nec vt talis
ab Ecclesia approbatus. Banez 2. 2. q. 12. art. 1. dub. 1. concl. 1.
Sanchez lib. 6. in decalog. cap. 8. num. 6. Peccabunt tamen tum
contra votum simplex castitatis si illo emisso matrimonium
contraxerunt, tum in dimissione habitus, si illum in professione
facta semper gestare promiserunt.

24 Infertur etiam ex dictis valde multumque differre hoc in-
stitutum Tertiariorum à Congregationibus, seu Confraternita-

ribus de quibus *cap. sequenti*. Nam Tertiariorum institutum est Ordo sub certis Regula, & cœremonijs ab Ecclesia approbatus, Confraternitatum autem, seu Congregationum institutum Ordo non est, cum non sit sub certa Regula; aut Cœremonijs ab Ecclesia approbatis, licet enim ex facultate à Pontificibus emanante instituantur, & aliquæ conditiones pro earum institutione, & cœnservatione à Pontificibus etiam assignentur, vt *cap. seq.* dicetur, illæ autem non sunt Regula aliqua ex approbatis ab Ecclesia, sed mera statuta. Differunt etiam in professione, nam Tertiarij veram professionem, vel aliquorum votorum, vel saltem seruandi communia præcepta, vt dictum est, emittunt, non sic Confratres. Tercio differunt ex parte habitus nam regulariter loquendo (vt omittamus abusus qui in hoc casu sæpius videntur) habitus Tertiariorum est quasi ipsemet habitus illius Ordinis, cuius sunt Tertiarij, accommodatus, & aptatus modo sæculari, habitus verò Confratrum non est tam habitus, quam signum habitus illius Ordinis. Confratres enim Confraternitatis: Carmelitarum solum habent pro habitu paruulum scapulare Ordinis occultum, Tertiarij autem habitum, seu scapulare publicè gestant oblongum, imò tota ipsorum vestis similis esse debet habitui Religiosorum, saltem in colore, & materia. Vnde de Tertiarijs, ac Confratribus loquuntur Pontifices, ac de hominibus diuersorum institutorum, vt patet ex Iulio. II. in Bulla supra *num. 10.* relata, vbi de Ordine S. Augustini loquens, dicit in eo esse quatuor gradus, videlicet, Fratrum, Monialium, Mantellatarum, & sola zona præcinctorum, per Mantellatas Tertiarias intelligens, per zona præcinctos absque dubio Confratres. Idem habet Leo X. in alia Bulla in prædicto Bullario Eremit. S. Augustini in *Leone X. num. 1.* Idem etiam supponunt communiter auctores de Tertiarijs, ac Confratribus, tanquam de diuersis hominum generibus loquentes, vt patet inter alios in Ioanne Baptista Confessio in *Summ. declarat. priuileg. Maris magni cap. 15. & 16.*

25 Nihilominus simpliciter, & absolutè dicendi sunt Tertiarij personæ sæculares non Ecclesiasticæ, sic enim supponunt Pontifices dum eorum Congregationem, seu Ordinem, sæcularium, vel Laicorum appellant. Vt sunt Paulus XI. in Bulla *Expositis vestra num. 10.* relata, & Leo X. in Concilio Lateranensi ex Bulla interius *num. 27.* referenda, vbi eos ad onera quæ Laicis incumbunt perferenda teneri, & in foro sæculari coram iudicibus sæcularibus conueniri posse declarauit, quod non fecisset, si eos personas Ecclesiasticas dici posse iudicaret. Imò hoc videtur fuisse

fuisse intentum SS. Francisci, & Dominici qui hoc institutum
 eadem sub nomine Tertiiorum primi erexerunt, ut scilicet
 esset Congregatio quædam Laicorum, quæ suo etiam modo ad
 perfectionem tenderet, sicut tendunt Religiosi. Casarubius
 in *Compend. priuileg. Mendicant. verbo Tertiary num. 24. §. quoad
 primum gradum*. Quo tamen non obstante inconueniens non
 est dicere Tertiarios posse appellari personas Ecclesiasticas
 secundum quid, & aliquo modo, tum quia annexæ sunt Ordini-
 bus à Sede Apostolica approbatis. Tum quia eorum institu-
 tum est Ordo, ut dictum est supra num. 7. imò & Ordo approba-
 tus, ut ibidem etiam dictum manet, tum quia mutant habitum,
 & statum, ac traditam sibi Regulam approbatam obseruant,
 ac aliqua, & multa participant de statu Religioso. (Rodrig. to. 2.
 q. 65. art. 5.) ad modum quo supra eodem num. 7. dictum est
 Pinzocheras, seu Beatas vnum, vel duo vota emittentes in lata
 significatione, & analogicè Religiosas dici posse, ut habet Sua-
 rez loco citato, tum quia illos appellare videtur Ecclesiasticas
 personas Sixt. IV. in Bulla *Sacro sancta* pro Tertiarijs Domini-
 canorum edita apud Ioann. Baptist. Confectum in *Collect. Litter.
 Apost. & priuil. Regul. in Sixto IV. nu. 8.*

26 Quamuis autem plura ipsis ab Ecclesia, & Summis Ponti-
 ficibus antiquitus concessa sint, priuilegia, & immunitates, nam
 Sixt. IV. verbis adductis supra num. 11. nostris Tertiarijs con-
 cessit, ut gaudere possint, & debeant tam exemptionis priuilegio
 quam omnibus immunitatibus, libertatibus, Indulgentijs, & alijs
 priuilegijs quibuscumque præfato Ordini B. Dei Genitricis Mariæ
 de Monte Carmeli, eiusque Fratribus, ac personis per Sedem Aposto-
 licam iam concessis, & qua in posterum concedentur, quatenus bu-
 iusmodi exemptionis priuilegium, immunitates, libertates, Indul-
 gentiæ, & quæcumque alia priuilegia ipsis Prioribus, & Fratribus
 Ordinis de Monte Carmeli competunt, vel competere possunt, seu
 poterunt, & Priores, & Fratres, ac loca ipsa esse capacia. Idemque
 fere pro Augustinianorum Tertiarijs conceditur à Paulo II. in
 Bulla *Exposcit vestre* supra num. 10. relata, & à Sixto IV. in
 Bulla *Dum vberes* anno 1474. edita apud Confectum in *Collect.
 litterar. Apostolicar. & priuileg. Mendicant. in Sixto IV. num. 20.*
 & ante illos à Bonifac. IX. Martino V. Eugenio IV. ut habetur in
 nostro Mari magno Bulla 41. 42. & 43. licet solum loquantur
 de Tertiarijs sæminis: & pro Fratribus, & Sororibus tertij Or-
 dinis Prædicatorum à Sixto IV. in Bulla *Sacro sancta* de qua supra
 num. præced. idem videatur concedi quoad priuilegia, & immu-
 nitates tam fori, quam personarum, & rerum. Pro Minorum

etiam, & eorumdem Prædicatorum Tertiarijs utriusque sexus extat concessio in Bulla aurea; ut gaudeant eisdem priuilegijs concessis, & concedendis ipsismet Ordinibus. Vide Casarubium in *Compend. priuileg. Mendicant. verbo Tertiarij* num. 9. & Cordubam in *annotationib. ad Compend. verb. Tertiarij*. Quod etiam extendi videtur ad Minimos cum ipsi ex Iulio 11. in Bulla *Dudum ad sacrum* anno 1506. edita amplissimam communicationem Priuilegiorum Mendicantium habeant.

27 Nihilominus Leo x. in Concilio Lateranensi, & Sacra Congregatio Concilij anno 1608. & S. Congregatio Episcoporum, & Regularium anno 1616. prædicta priuilegia moderati sunt: Etenim dictus Leo x. in Bulla *Dum intra mentis* data in publica sessione in Lateranensi Ecclesia celebrata die 19. Decembris anno 1516. quæ habetur in 1. tom. Bullar. inter Bullas Leonis x. num. 22. dum priuilegia Mendicantium moderatur sic de Tertiarijs loquitur. *Fratres autem, & Sorores tertij Ordinis, necnon Mantellati, Corrigiati, Pinzocore, Cordellati, & alij quocumque nomine nuncupati in proprijs domibus habitantes, sepulturam ubi voluerint eligere valeant. Sed die Paschatis tantum, Eucharistiam, necnon extremam unctionem, ceteraque Ecclesiastica Sacramenta (penitentia Sacramento dumtaxat excepto) à proprio Sacerdote recipere, & ad onera, qua Laici incumbunt, perferenda teneantur, ac in foro seculari coram Iudicibus secularibus consueriri possint. Et ne censure vilescat Ecclesiastica, & minoris auctoritatis interdicti sententia reputetur, ydem dicti tertij Ordinis, ad diuina audienda, in Ecclesijs suorum Ordinũ tempore interdicti nullatenus admittantur, si causam dederint interdictio, vel causam ipsam nutriat, seu foueant, aut dantibus, auxilium, consilium, vel fauorem quoquo modo presterint. Collegialiter autem viuentes, seu cum Claustralibus habitantes, ac mulierem virginalem, seu calibem, aut castam vidualem, expresso voto, & sub dicto habitu vitam ducentes, priuilegijs quibus Fratres Ordinis cuius tertie Regule habitum gestant, gaudere debeant.*

28 Quale autem futurum sit illud votum mulierum de quo locutus fuerat, videlicet, an solemne, an verò simplex, quia de hoc dubium emergebat, declarat in alia Bulla *Nuper in sacro* in eodem loco Bullar. registrata, & ah. 1518. edita. *Quod de voto solenni Religionis minime intelligi debeat: ita ut mulieres virginalem, aut Calibem vitam simpliciter viuentes, etiam in consanguineorum, & affinium suorum, aut proprijs domibus, vel seorsum habitantes priuilegijs, & immunitatibus prædictis in omnibus, & per omnia fr. i. & gaudere debeant. Sed quia nõ obstant tali declaratione adhuc*

adhuc vertebatur in dubium, an sub illo voto simplici castitatis includerentur alia duo scilicet obedientiæ, & paupertatis, & dato quod non includerentur, an reuocatum esset priuilegium illud exemptionis à Leone x. concessum per Bullas Pij v. *Ea est officij nostri*, in 2. tomo Bullar. in Pio v. num. 63. vbi Fratrum, & Sororum tertij Ordinis reformatio habetur, & Greg. xiii. quæ incipit *ex benigna*, quam refert Confettius in *Collect. Litter. Apost. & priuil. Mendicant. inter Constitutiones Gregorij num. 7.* ideo ad Papam negotium deductum est, & eius solutio remissa Sacræ Congregationi Concilij, quæ respondit sub anno 1608. Fratres Tertiarios, Mantellatos, Corrigiatis, aliosque similes ita demum Ordinis, cuius tertiz Regulæ habitum assumpserunt, priuilegijs potiri, & ab Ordinarij iurisdictione exemptos esse si viri collegialiter viuant, seu cum claustralibus habitent, & mulieres virginales, seu celibem, aut castam vidualem expresso voto, sub dicto habitu vitam traduxerint. Quemadmodum caueretur Constit. Concil. Lateranen. sub Leone x. quæ habetur sess. 11. in fine. Hoc autem mulierum voto alia duo scilicet paupertatis, & obedientiæ nequaquam includi. Quinimo huiusmodi mulieres si vitam Virginalem, aut celibem simpliciter expretsèque vouerint, etiam in consanguineorum, & affinium suorum, aut proprijs domibus, vel seorsum habitantes, supradictis priuilegijs Ordinis, cuius tertiz Regulæ habitum deferunt, exemptioneque ab Ordinarij iurisdictione frui debere quemadmodum idem Leo postea declarauit Constitutione edita 1. Martij anni 1518. Quod si Fratres, Sororesue tertij Ordinis quid amplius prætendant vigore consuetudinis posse ius suum prosequi in iudicio ordinario. Hæc ibi. *Sossa in tract. profess. Tertiariar. pag. 202. Peirinis to. 1. priuil. Minim. in Const. 4 Sixti IV. §. 7. nu. 37. & 38.*

29 Cum tamen adhuc nouæ difficultates orirentur circa prædictorum Tertiariorum priuilegia S. Congregatio Cardinalium negotijs Episcoporum, & Regulariū Præpositorum octo annis post supradictum decretum, anno videlicet 1616. statuit, iuxta multas eiusdem Congregationis responsiones, non posse Sacerdotes Regulares audire Confessiones Sacramentales mulierum tertij Ordinis quæ de penitentia dicuntur, nisi ab Ordinario approbati fuerint ad confessiones sæcularium audiendas, neque posse illas communicare in Paschate. Quoad sepulturam autem, & alia priuilegia, Fratres Tertiarios, & similes ita demum Ordinis cuius tertiz Regulæ habitum assumpserunt, priuilegijs potiri, & ab Ordinarij iurisdictione exemptos esse si viri colle-

gialiter

gialiter viuant, seu cum claustralibus habitent, & mulieres virginales, seu cælibem, aut castam vidualem expresso voto, & sub dicto habitu vitam traduxerint, prout cauetur Constitutione Concilii Lateranen. sub Leone x. quæ habetur sess. 11. in fine. Hoc autem mulierum voto, alia duo scilicet paupertatis, & obedientiæ non contineri, & decedentes sine electione sepulturæ ita demum in Ecclesiis Ordinum sui habitus sepeliantur, si communis sepultura pro ipsis in eis reperiatur, alias in Parochialibus sepeliantur. Ad habitum admittantur à Superioribus Regularibus, exceptis Capuccinis, ad id priuilegium habentibus. Ad illum autem non admittantur nisi spectatæ vitæ fuerint, & annorum saltem 40. quæ de proprio habeant, vt inde sufficiēter viuere possint, & non cum aliis viris, quam cum consanguineis, vel affinibus in primo tantum gradu sibi coniunctis cohabitent, & ab Ordinario loci licentia prius impetrata, qui non aliter eam concedat quam si ei de prædictis qualitatibus diligenti præuio examine, constiterit. In habitu verò deferendo omnino abstineant à velo supra caput, quod superiutum vocant, à pectorali, vulgo sotto gola, et à patientia. Supradictis verò decretis mulieres tertii Ordinis, quæ Collegialiter viuunt, non comprehendendi, quinimo eas dispositioni Constitutionis Pii v. quæ incipit. *Circa pastoralis* penitus subiacere expressè declarat. Erasmus Chochier in tract. de Iurisdic. Ordinar. in exempt. to. 1. par. 1. q. 17. Peirinis tom. 1. priuileg. Minim. in Constit. 4. Sixti IV. §. 7. nu. 39. Barbosa in Collect. Bullar. verb. *Tertiaria, & Tertiarij.*

30 Ex quibus decretis, ac Bulla Leonis x. in Concilio Lateranensi edita plura sequuntur notatu digna his temporibus pro huiusmodi Tertiariis. Primum, tam Papam, Concilium, et SS. Congregationes supponere hos Tertiarios, de quibus loquimur, tripliciter viuere posse, videlicet primo *Collegialiter*, secundo cum *Claustralibus*, tertio *in proprijs domibus*. Hi dicentur *Collegialiter* viuere qui in aliqua communi domo, aut Collegio sub habitu, et Regula Tertiariorum, non tamen vt Religiosi vixerint. Quare hi Tertiarii *Collegialiter* viuentes de quibus Papa, Concilium, et Sacra Congregationes in præsentī nec sunt illi de quibus num. 1. & 5. dictum est esse verè, et propriè Religiosos, nec sunt illi de quibus num. 6. è contrario dictum est non esse verè, et propriè Religiosos etiam si tria vota essentialia Religionis emittant, eo quod illa non emittant sub aliqua Regula, aut Religione approbata, ac proinde huiusmodi virorum Congregationes abolitas esse à Pio v. Quod dixerim ne credatur Collegia, seu domos communes Tertiariorum sub Regula, et habitu

habitu Tertiariorum degentes prohibita à Pio v. cum potius permiffa videantur à Leone Papa, Concilio Lateranenfi, et Sacris Congregationibus adductis. Hi autem dicentur cum *Clauftralibus* viuere qui sub Regula, et habitu Tertiariorum tantum, cum Religiofis tamen morantur. De quibus multi (inquit Peirinis tom. i. priuileg. Minim. fupra) in Religione Minimorum reperiuntur. Illi verò dicentur *in proprijs domibus* habitare, qui fìue in proprijs, fìue alienis domibus, figillatim tamen, feorfim, et feperatim ab alijs Tertiarijs viuunt, quales funt multi præfertim in Hifpania, et Italia.

31 Secundum, in prædicta Bulla Leonis, et decretis Sacrarum Congregationum diuerfimodè decerni, de viris, ac fæminis Tertiarijs. Vt enim viri Tertiarii priuilegijs quibus Fratres Ordinis cuius funt Tertiarii fruuntur, requiritur quod *Collegialiter* viuant, aut cum *Clauftralibus* habitent, vt dictum eft, ita vt fi feperatim, feorfim, aut fingulatim viuant non poffunt prædictis priuilegijs frui, aut gaudere. Ita enim clarè decernitur in dicta Bulla Leonis, & decretis Sacrorum Congregationum. At verò ad hoc quòd fæminæ Tertiariæ, Pinzocheræ, Beatæ, vel fimilibus nominibus cognominatæ prædictis priuilegijs fruuntur, feu vtantur, non requiritur, quod Collegialiter viuant, aut cum *Clauftralibus* habitent, fed quod *Virginalem, calibem, aut caftam vidualem vitam* ducant, voto fimplici folius eiuſdem Virginalis, calibis, aut caftæ Vidualis vitæ factò, & ſub habitu illius Ordinis etiamſi in confanguineorum, aut affinium, aut proprijs domibus, vel feorfim habitent. Ita enim etiam decernitur in prædicta Bulla, & decretis. Declaratum etiam dicitur à S. Congregat. non debere Epifcopum explorare voluntates Tertiariarum ſi domi degunt, & ibi votum calibatus emittunt. Barboſa in *Collect. Bullar. verb. Tertiaria, & Tertiarij*. Quod obiter animaduerte ne credatur huiusmodi Tertiarias eſſe veluti Moniales interrogandas ab Epifcopis an coactæ, vel ſeductæ ſint, ſicut de Monialibus dictum manet to. i. cap. 25. nu 12.

32 Tertium, quod viri vxorati, aut fæminæ maritatæ à prædictis priuilegijs Ordinum quorum funt Tertiarij excluduntur, eo quod ſolum admittantur ad illa viri *Collegialiter* viuentes, aut cum *Clauftralibus* habitantes, qui, vt maniſeſtum eſt, vxores habere non poffunt dum taliter viuunt, & fæminæ quæ *Virginalem calibem, aut caſtam vidualem vitam* ex voto ducunt, id eſt virgines, ſolutæ, aut viduæ, quo denotatur maritatas excludi.

33 Quartum, quod huiusmodi Tertiarij, mares, aut fæminæ in proprijs domibus habitantes, ſepulturam vbi *voluerint eligere* valent,

valent, ut habetur in Bulla Leonis, & Concil. Lateranen. Quod videtur positum à Papa, & Concilio, ne crederetur prædictos necessario sepeliendos esse in domibus Ordinum quorum sunt Tertiarij. Videtur etiam id intelligendum quoad feminas solum de illis quæ nec *virginalem, calibem, aut castam vidualem vitam* ducunt ex voto, nam de huiusmodi quæ talem vitam gerunt videtur permitti sepeliri posse in Ecclesijs suorum Ordinum. Casarubius in *Compend. priuileg. Mendicant. verbo mulieres, nu. 6. & 7.* Quod tamen limitat S. Congregatio Episcoporum, & Regularium adducta de decedentibus sine electione sepulturæ, & quando communis sepultura pro ipsis in eis reperitur. Ita ut etiam si sine electione sepulturæ decederent, si tamen communis sepultura pro ipsis in Ecclesijs Ordinum, quorum sunt Tertiarij non reperiatur, sepeliri debeant in Parochijs, ut in dicto decreto habetur. Gauantus in *man. verb. Tertiarij. n. 11. & 12.* ubi etiam aliam declarationem S. Congregationis refert. Declaratum etiam est à S. Congregat. apud Barbosa in *Collectan. Bullar. verbo Regulares quoad sepulturam* 8. posse Regulares in eorum Ecclesijs sepelire absque Parochi interuentu Tertiarios collegialiter viuentes, aut cum Claustralibus habitantes, nec non mulieres virginalem, aut calibem, aut castam vidualem, expresso voto, & sub dicto habitu ducentes. Quod si Tertiarij, vel Tertiariæ his careant qualitatibus non esse sepeliendos in Ecclesia Regularium, nisi ipsi dum vixerint in ea elegerint sepulturam, & tunc Parochum etiam esse adhibendum. Vide eundem Barbosa *ibid. verb. Tertiaria, & Tertiarij.*

34 Quintum, quod quoad Sacramenta recipienda, licet viri Collegialiter viuentes, aut cum Claustralibus habitantes, & feminæ *Virginalem, calibem, aut castam vidualem vitam* ex voto ducentes, possint uti priuilegijs suorum Ordinum, tamen viri separatim viuentes, aut feminæ prædictam vitam non gerentes, quales sunt maritatæ, aut aliæ, quæ non habent prædictum votum, Eucharistiam in die Paschatis, extremam unctionem, & alia Ecclesiastica Sacramenta (Sacramento penitentiae dumtaxat excepto) à proprio Sacerdote suscipere tenentur. Ita enim decernitur in prædicta Bulla Leonis x. & Concilio Lateranensi. Casarubius in *Compend. priuileg. Mendicant. verb. Mulieres num. 6. & 7.* Rodriguez *tom. 1. quæst. Regular. q. 56. art. 10.* Gauantus in *man. Episcop. verb. Regular. iura sub Episcop. num. 53.* Ex quo sequitur quod Eucharistiam ultra diem Paschatis, & Sacramentum penitentiae semper possint recipere ab alio quam à proprio Sacerdote iuxta sua priuilegia. Declarauit autem prædicta

Sacra

Sacra Congregatio Episcoporum, & Regularium, vt supra vifum est. *Non poffe Sacerdotes Regulares audire Confefiones Sacramentales mulierum tertij Ordinis, qua de pœnitentia dicuntur, nifi ab Ordinario approbati fuerint ad Confefiones ſecularium audientes, neque poſſe illas communicare in Paſchate.* Gauantus in *Man. Episcop. verb. Regular. iura circa Tertiarias num. 1.* Ex quo videtur dicendum ſub aliorum cenſura poſſe ſacerdotes Regulares audire confefiones Sacramentales virorum tertij Ordinis Collegialiter, aut cum Clauſtralibus viuentium, etiamſi ab Ordinario approbati non fuerint (intellige, ſi ex vi priuilegiorum ſui Ordinis id facere poterant) eo quod S. Congregatio ſolum requirat huiusmodi approbationem Ordinarij pro confefſarijs audientibus Confefiones mulierum, non autem Virorum Tertij Ordinis. Neque obſtat quod in Concilio Tridentino ſeſſ. 23. cap. 15. decernatur nullum Confefſarium etiam Regularem poſſe audire Confefiones ſæcularium, niſi vel habeat beneficium Parochiale, vel approbationem ab Episcopis. Hoc enim videtur intelligendum de communibus ſæcularibus non de Tertiarijs Religionum, quia licet ſimpliciter ſæculares ſint, ſunt tamen aliquo modo perſonæ Eccleſiaſtica, & eiſdem Ordinis cum Regularibus eiſdem Ordinum. Sed vt dixi, aliorum ſententiæ me ſubmitto. Declaratum etiam eſt à S. Congregatione apud Barboſam in *Collect. Bullar. verb. Regulares 1.* Regulares non debere extra Conuentum miniſtrare Sacramenta ſuis Tertiarijs, præter Sacramentum Pœnitentiæ.

35 Sextum, quod licet quoad exemptionem à foro ſæculari, Ordinario, & oneribus quæ laicis incumbunt immunes non ſint Tertiarij viri in proprijs domibus habitantes, & ſæminæ prædictam vitam *Virginalem celibem, aut caſtam vidualem*, ex voto non ducentes, viri tamen Collegialiter viuentes, aut cum Clauſtralibus commorantes, & ſæminæ prædictam vitam &c. ex voto ducentes, ab eis liberi, & immunes ſunt, ſi priuilegijs ſuarum Religionum, vt dictum eſt, potiuntur. Ita enim ſupponitur in prædicta Bulla Leonis x. & decretis Sacrarum Congregationum adductis. Extat etiam pro Tertiarijs viris habitantibus in domibus proprijs alia declaratio S. Congregationis Episcop. & Regul. apud Gauantum in *Man. Episcop. verb. Tertiarij n. 1.* Alia autem declaratio eiſdem S. Congreg. quam ibidem n. 2. affert idem Gauantus, qua decernitur, quod Tertiariæ non viuentes ſimul Ordinario ſubiectæ ſint, intelligenda eſt iuxta ſenſum alterius declarationis ſuperius aliatæ, ſcilicet de Tertiarijs ſæminis non habentibus virginalem celibem, aut caſtam vidualem

Qq

vitam,

- vitam, ex voto. Vide eundem *ibid.* num. 8. 9. & 10.
- 36 Septimum, quod licet prædicti viri Collegialiter viuentes, aut cum Claustralibus commorantes, & sœminæ prædictam vitam vt dictum est, ex voto gerentes, possint vt priuilegijs suarum Religionum etiam quoad diuina audienda tempore interdicti in Ecclesijs illarum, illi tamen viri Tertiarij qui in domibus proprijs habitant, & mulieres Tertiariæ vitam illam Virginalem &c. ex voto non ducentes ad diuina audienda in Ecclesijs suorum Ordinum tempore interdicti nullatenus admittantur, si causam dederint interdicto, vel causam ipsam nutriant, seu foueant, aut dantibus, auxilium, consilium, vel fauorem quoquomodo præstiterint. Ita in præd. Bulla Leonis x. Quo videtur notari quod si prædicta non fecerint, admitti possint, saltem ex vi istius Bullæ.
- 37 Octauum, (quod generaliter aduertendum est pro priuilegijs Tertiariorum) quod cum in dicta Bulla Leonis, & decretis adductis prædicta obseruari præcipiantur non obstantibus &c. ideo Tertiariorum priuilegia quatenus contraria fuerint prædictæ Bullæ, & decretis omnino irrita, cassa, & nulla cêfenda erût.
- 38 Nonum, circa vltima verba prædicti decreti, ideo à S. Congregatione dictum esse prædictis decretis mulieres tertij Ordinis, quæ Collegialiter viuunt, non comprehendi, quinimo eas dispositioni Constitutionis Pij V. quæ incipit Circa pastoralis penitus subiaccere, quia in prædicta Constitutione Pij v. quæ habetur in 2. tom. Bullarij num. 8. inter Bullas huius Pontificis, decernitur, quod mulieres Tertiariæ in Congregatione viuentes moneantur ab Ordinarijs, & Superioribus, vt votum solemne emittant, quod si non emiserint, non possint vllam aliam in futurum admittere. Quo videtur intentum Pontificis fuisse omnino extinguere Congregationes istas mulierum votum solemne non emittentium, & ita declaratum dicitur à S. Congregatione anno 1596. Piafecus in sua Praxi p. 2. cap. 3. num. 57. Peirinis to. 1. priuileg. Minim. in Constit. 4. Sixti IV. §. 7. num. 35. & propterea forsan à S. Congregatione Episcoporum, & Regularium ordinatum est vt in Ecclesijs Tertiariarum, quæ professionem solemnem non emittunt trium votorum, nec in clausura viuunt, non permittatur Eucharistia. Gauantus in Man. Episcoporum verb. Eucharistia num. 3.
- 39 Quoad priuilegium Canonis Si quis suadente, cum nihil dicatur in prædictis Bulla, & decretis, iudicandum est secundum Regulas iuris communis. Atque adeo dicendum Tertiarios viros Collegialiter viuentes, aut cum Claustralibus commorantes, aut Tertiarias, quæ Virginalem, cœlibem, aut castam vidualem vitam

vitam ducunt ex voto, & cum habitu gaudere hoc priuilegio. cum etiam gaudeant alijs priuilegijs Ordinum suorum, iuxta dicta. Præsertim quia hoc non tam est priuilegium quam ius commune competens cunctis personis Deo dicatis. De alijs autem Tertiarijs vtriusque sexus, viris quidem separatim uiuentibus, aut mulieribus sine tali uoto uitam ducentibus difficilior est responsio. Nihilominus probabile est etiam gaudere priuilegio dicto Canonis, cum sint personæ etsi non simpliciter Religiosæ, aut Ecclesiasticæ, aliquo tamen modo, & secundum quid tales, & Deo dicatæ, ac habentes modum uiuendi approbatum à Sede Apostolica. Casarubius in *Compend. priuileg. Mendicant. verb. Tertiarij num. 24. §. aliter breuius*. Si tamen habitum proprium Tertiariorum, seu tertij Ordinis portent. Portellus in *Dub. Regul. verb. Tertiarij num. 3.*

40 Inter qualitates requisitas ut Tertiarij siue mares, siue feminae ad habitum admittantur, computandæ etiam sunt illæ quas S. Congregatio Episcop. & Regul. circa fæminas obseruari præcipit, ut dictum est *num. 29.* ex autem sunt sex. Prima, quod non recipiantur ad habitum nisi *specolata vite fuerint*, idest, bonis moribus, seu uirtutibus ornatae. Secunda, quoad ætatem, quod sint *annorum saltem 40.* Tertia, quod habeant *de proprio ut inde sufficienter viuere possint*. Quarta, quod non habitent *cum alijs uiris, quam cum consanguineis, vel affinibus in primo tantum gradu*. Quinta, quod ab Ordinario loci licentia prius impetrata (intellige recipiantur) *qui non aliter eam concedat, quam si ei de prædictis qualitatibus, diligenti præuio examine, consiterit*. Sexta, quod in habitu deferendo omnino abstineant à velo supra caput, quod *superiutum* vocant, & à *peclorali*, vulgo *sotto gola*, & à *patientia*. Cum autem in huiusmodi decretis non apponatur clausula irritatoria, nec utatur S. Congregatio uerbo *non possint admitti*, aut simili, sed solum, *non admittantur*, uidetur, defectum huiusmodi qualitatium, aut aliquarum ex ipsis non irritare professionem, seu receptionem prædictarum mulierum, licet peccatum committant transgressores horum decretorum. Quoad id tamen de patientia quæ prohibetur deferri à mulieribus Tertiarijs, quod attinet ad Pinzocheras, seu Beatas nostri Ordinis uidetur limitandum, ut scilicet non illam deferant eo modo quò Fratres, ac Moniales Ordinis, sed breuiiores, & strictiores. Cum enim prædicta patientia sit proprius habitus Ordinis nostri, & ex concessione Summorum Pontificum prædictis Pinzocheris, seu Beatis habitum Ordinis communicare possimus, credendum est S. Congregationem non uoluisse ut abstinerent omnino à

tali patientia, sed solum modo dicto. Vnde Gauantus in *Man. Episcoporum* uerbo Tertiarij notat ideo appositam esse hanc legem à S. Congregatione circa mulieres Tertiarias, *ne videantur esse Moniales*. Consonat alia declaratio S. Congregationis apud Barbosam in *Collectan. Bullar. verbo Confratres*, ubi asseritur posse Confratribus sæcularibus concedi habitum patientiæ, quæ solis Religiosis propriè conuenit. Si enim Confratribus id conceditur multo potiori ratione Tertiarijs concedi debet, qui magis accedunt ad statum Religiosum.

41 Subijciuntur prædicti Tertiarij, viri scilicet non collegialiter viuentes, & sæminæ non ducentes vitam cælibem, virginealem & castam modo dicto, directioni, & gubernationi Superiorû Ordinum quorum sunt Tertiarij, nõ quidem propter iurisdictionem quam supra ipsos habeant, cum sint personæ simpliciter sæculares, sed propter curam spiritualem, & specialem diligentiam, quam de salute spirituali ipsorum tenentur habere, cum sint aliquo modo membra Religionum, quarû sunt Tertiarij. Casarub. in *Compend. priuileg. Mendicant. verb. Tertiarij num. 24. §. Quoad primum gradum*. Miranda in *Man. tom. 1. q. 36. art. 6*. Vnde illos punire non possunt, nec illi peccant non obediendo Superioribus. Portellus in *Dub. Regular. verbo Tertiarij num. 6*. Loquendo autem de alijs Tertiarijs viris quidem collegialiter viuentibus, aut cum Claustralibus habitantibus, & mulieribus prædictam vitam cælibem &c. ex voto ducentibus, cum exempti sint à iurisdictione Ordinarij, & sæculari, videntur subijci iurisdictioni Prælatorum Ordinum, atque ita posse illos corrigere, punire, &c. sicut alios subditos Religiosos, ne dicamus eos sub nullius iurisdictione esse. Vnde propter hanc causam possunt illos priuare habitu Ordinis, vt docet Portellus *vt supra num. 10*.

42 Possunt nihilominus omnes isti Tertiarij ad instar modi, qui obseruatur communiter in Confraternitatibus habere veluti Superiores aliquos ex se ipsis, vt eorum curam habeant ad conuocandum eos, corrigendum, &c. Id enim rationi, & intentioni Summorum Pontificum hunc modum viuendi approbantium, conueniens videtur. Casarub. in *Comp. verb. Tertiarij vt supra*. Hi autem vocantur ab Innoc. vii. in Bulla sæpius relata pro Tertiarijs Dominicanorum Magistri, siue Directores, respectu virorum. Priorissæ, seu Suppriorissæ respectu sæminarum. Et à Martino v. in Bulla etiam sæpius relata pro Tertiarijs Seruitarum, Correctores, Subcorrectores, seu Vicarij respectu virorum, & Priorissæ respectu sæminarum. Qui Superiores ab ipsis Tertiarijs eligi, vel nominari debent, vel saltem à Superioribus Religio-

Religionum cum consilio tamen ipsorum Tertiariorum, prout rationi, & æquitati congruum est, & supponunt Innocent. vii. & Martinus v. in Bullis relatis.

43 Quoad indulgentias concessas huiusmodi Tertiarijs, constat Clem. vii. concessisse moderno, & pro tempore Generali Minimorum, vt Tertiarijs plenariam omnium suorum peccatorum indulgentiam semel dumtaxat singulo quoque triennio elargiri posset, ipsisque Tertiarijs vt de licentia dicti Generalis eligere possent vnum Confessorem idoneum eiusdem Ordinis qui eos ab omnibus casibus, etiam Episcopalibus, & censuris Ecclesiasticis absolueret, pœnitentia salutari iniuncta. Ita habetur inter priuilegia Minimorum apud Peirinis tom. i. inter Constitutiones Clem. vii. num. 9. Sed quia hæc concessio non fuit nisi viuz vocis oraculo facta, ideo hoc tempore quo omnes huiusmodi concessiones vocis oraculo factæ à SS. D. N. Urbano reuocatae sunt, nihil valet. Si autem innouetur ab aliquo Pontifice Confessarius ille approbatus debet esse ab Ordinario nisi forsitan pro Tertiarijs viris, vt dixi supra nu. 34. Rursus quantum ad absolutionem à casibus Episcopalibus cauenda est transgressio decreti S. Congregationis sub Clem. viii. & Urbano viii. de quo tom. i. cap. 19. num. 17. nisi forte dici posset huiusmodi Tertiarios prædicto decreto non comprehendi, eo quod quamuis simpliciter sæculares sint, sunt tamen aliquo modo personæ Ecclesiasticæ, & eiusdem Ordinis, cuius sunt Tertiarij. Vide Peirinis tom. i. priuileg. Minim. in Const. 9. Clem. vii. §. 2. Hæc autem intellige secundum moderationem factam à Leone x. & S. Congregatione de quibus supra, scilicet de Tertiarijs, de quibus ibi dicitur gaudere posse priuilegijs Religionum.

44 An Tertiarijs conueniant qualitates, quas supra dictum est esse necessarias ad fruendum priuilegijs Tertiariorum, Ordinarij loci iudicium spectandum est. Ex S. Congreg. Episcop. & Regul. apud Barbosam in Collect. Bullar. verb. Tertiaria, & Tertiarij.



SVMMARIVM CAP. XV.

Nomen Confrater, vel Confraternitas, alijs Confratria unde sumptum. nu. 1.

Quid significet. ibid.

Quid sint huiusmodi Confraternitates. num. 2.

Quae sint dicende pie, Ecclesiastica, & Religiosa. num. 3.

An gaudeant privilegio fori. num. 4.

An earum bona alienari possint sine solemnitate. ibid.

An sint immunes à solutione gabeliarum. nu. 5.

An gaudeant beneficio restitutionis. ibid.

An ad praescribendum contra ipsarum bona requiratur tempus 40. annorum. nu. 6.

Quid antiquiores Pontifices circa earum institutionem decreuerint. nu. 7.

Quid verò Clem. VIII. ibid.

Vna tantum Confraternitas in vno loco instituenda. num. 8.

Quomodo id intelligendum. ibid.

De Ordinarij consensu. num. 9.

Cum litteris testimonialibus eiusdem. ibid.

Quae privilegia, & indulgentiae, & quomodo eis communicanda. num. 10.

An alijs potiri possint. num. 11.

Qualiter possint pro eisdem fieri flatuta. nu. 12.

Quomodo subiaceant correctioni Episcopi. ibid.

Formula praescripta à Clem. VIII. observanda. num. 13.

Quomodo gratia, & indulgentiae promulgandae. num. 14.

Quomodo Eleemosynas possint petere. num. 15.

In quae opera erogandae. ibid.

Facultas Confessariorum Confraternitatum. num. 16.

Quae privilegia dicantur esse in usu. num. 17.

Quae censeantur contraria Concilio Trident. nu. 18.

Omnes Confraternitates ante Clem. VIII. institutae renouandae sunt. num. 19.

Alioquin nullius sunt roboris, & momenti. ibid.

Quid tamen circa hoc declaratum sit à S. Congreg. ibid.

Littera pro institutione Confraternitatum omnino gratis danda. num. 20.

Pœna contra transgressores praedictorum decretorum. num. 21.

Confraternitates contra praefatam formam institutae nullae sunt, & irritae. ibid.

Quae

Quæ circa Confraternitates declarata sint à Sacra Congregatione.
num. 22.

Quid circa earum præcedentiam. num. 23.

Num possint cogi accedere ad processiones. num. 24.

Processiones Confraternitatum per quas vias extendenda. num. 25.

Qualiter accedere debeant ad funerals mortuorum. num. 26.

Quid de Confraternitate Rosarij. ibid.

An possint aliquid recipere pro accessu. ibid.

Quod ius habeant DD. Episcopi visitandi Confraternitates. num. 27.

Altaria, & Cappellas illarum in Ecclesiis Regularium constructa.
ibid.

Contribuere debent pro Seminario puerorum. num. 28.

De Capellanis Confraternitatum. num. 29.

An possit dari aliquid pro receptione alicuius Confratris. num. 30.

An possit fieri statutum de hoc. ibid.

Confraternitates ditionis Mediolanensis quæ statuti obseruent.
num. 31.

De Confraternitate Beatiss. Virg. Mariæ de Monte Carmelo. num. 32.

Quæ gratiæ eidem concessæ sint ab antiquioribus Pontificibus. num. 33.

Quid ei concesserit Urban. IV. num. 34.

An maneat in sua vi. ibid.

Quid Clem. VII. num. 35. & 36.

Ex ijs quedam sublata sunt, alia moderata, alia manent in sua vi.
num. 37.

Quid de illis Indulgentijs pro quibus manus adiutrices requiruntur.
num. 38.

Gregorij XIII. concessiones. num. 39.

Pauli V. concessiones antiquioribus reuocatis. num. 40.

Indulgentia pro processione. num. 41.

Quæ notanda circa prædicta. num. 42.

Habitus, seu scapularis gestatio. num. 43.

Descriptio in libro Confraternitatis. num. 44.

Seruanda castitas. num. 45.

Recitandum Officium Canonicum, vel ieiunandum, &c. num. 46.

Quis instituire possit banc Confraternitatem. num. 47.

An hæc facultas sit delegabilis. num. 48.

Concordia inter nostros, & RR. PP. Discalceatos. num. 49.

*Qua conditione concedenda sit facultas instituendi Confraternitates
in alienis Ecclesiis.* num. 50.

De gratissima Rosarij Confraternitate. num. 51.

Indulgentiæ illi concessæ. ibid.

Sixti IV. approbatio pro usu recitandi Rosarium. num. 52.

Leonis

Leonis X. concessio. ibid.

Innocent. VIII. concessio. num. 53.

Raimundi Cardinalis Legati concessio. nu. 54.

Leonis X. approbatio, & concessio priuilegiorum. nu. 55.

An pro receptione in Confratres sit aliquid accipiendum. nam. 56.

Praedicta Confraternitas à S. Dominico instituta. nu. 57.

Quid concefferit ei Clem. VII. num. 58.

Decreta, statuta, & concessiones à Pio V. pro hac Confraternitate facta. num. 59.

Sixti V. confirmatio. num. 60.

Notanda circa praedicta. num. 61.

Circa processionem huius Confraternitatis declaratio. num. 62.

De Confraternitate Chordæ Seraphici P. S. Francisci. num. 63.

A Sixto V. instituta. ibid.

Gratia, & indulgentia eidem concessa. ibid.

Conditiones ab hoc Pontifice pro ea designatae. num. 64.

De Confraternitate Corrigatorum S. Augustini. num. 65.

Quid concefferit Eugen. IV. pro illa. ibid.

Quid Gregor. XIII. ibid.

Nihil debet solui pro aggregatione. ibid.

Vnio Confraternitatum Castellæ Archiconfraternitati B. Mariæ de

Consolatione Conuentus Bononiensis. num. 66.

Cum certis gratijs, & priuilegijs. ibid.

Concessiones Greg. XIV. & Greg. XV. nu. 67.



De Confratribus, & Confraternitatibus Regularium
personarum, eorumque obligatio-
nibus, & Priuilegijs.

Cap. XV.



NOMEN Confrater, vel Confraternitas, alijs
Confratria, à *con*, & *Frater*, vel *Fraternitas*
compositum, significat coniunctionem, vel
communione in Fraternitate, sicut consan-
guineus, vel consanguinitas, Compater, vel
Compaternitas significant coniunctionem, vel
communione in sanguine, vel paternitate,

eo scilicet quod Confratres, vel Confraternitates coniun-
ctionem, vel communione aliquam habeant.

2 Sunt autem huiusmodi Confraternitates Congregationes
quædam fidelium Laicorum ad pias, & deuotas exercendas
actiones. Illæ enim Congregationes merè prophanæ quæ ne-
que auctoritate Episcopi, neque ad pias actiones exercendas
sunt institutæ, quales sunt aliquæ Congregationes Mercatorum,
Artificum, Scholasticorum, &c. inter Confraternitates prout in
præsenti non numerantur. Huiusmodi autem Confraternitates
ad pias, & deuotas actiones exercendas ordinatæ, aliæ sunt à
Regularibus institutæ, aliæ à Laicis; rursus aliæ Episcopi aucto-
ritate, seu consensu institutæ sunt; aliæ verò solum priuatarum
personarum consensu. Item aliæ proprias Ecclesias, seu Ora-
toria habent; aliæ non nisi Capellas, aut Altaria in alijs Ecclesijs.
De quibus omnibus agendum.

3 Quamuis Confraternitates Episcopi auctoritate institutæ
piæ, Ecclesiasticæ, & Religiosæ sint dicendæ, vt colligitur *ex cap.
de Xenodochijs tit. de Religiosis domibus, & cap. Ad hæc eodem titulo.*
Illæ tamen quæ absque Episcopi auctoritate institutæ fuerint,
minimè Ecclesiasticæ, aut Religiosæ sunt censendæ: ex eo quod
qualitatem hanc vt Ecclesiasticæ, seu Religiosæ fiant secundum
Ius canonicum tribuere non possunt priuati absque Prælari au-
thoritate, ex dicto *cap. Ad hæc de Religiosis domibus.* Barbosa *de offic. &
potest. Episcop. allegat. 75. à num. 25.* Possunt tamen dici piæ cum
in eis opera pietatis exerceantur, & ad illa exercenda ordinatæ
sint. Barbosa *ibid. num. 27.* Personæ autem ipsæ Confratrum non

Rr

sunt

sunt dicendæ Ecclesiasticæ, cum nec habitum, nec statum mutant, nec se ita specialiter Deo deuoueant. sicut requiritur ad Ecclesiasticæ personæ rationem. Capistranus *apud* Rodrig *to. 3. quæst. Regul. q. 1. ar. 4. in fine.*

4 Hinc prædictæ Confraternitates Episcopi auctoritate institutæ gaudent priuilegio fori, itaut si ipsarū corpora conuentiantur ad forum Ecclesiæ pertineat cognitio, quia verè sunt Religiosæ, & Ecclesiasticæ, similiter earum bona alienari non possint sine solemnitatibus requisitis in rerum Ecclesiasticarum alienationibus, quia verè sunt bona Ecclesiastica: Bonacina *de Contractibus disp. 3. q. 8. punct. 4. num. 21.* Barbosa *diçta allegat. 75. num. 31.* Quod secus dicendum de alijs Confraternitatibus sine consensu Episcopi institutis. Personæ autem Confratrum non gaudent hoc priuilegio, cum non sint Ecclesiasticæ, iuxta dicta *supra.*

5 A solutione etiam Gabellarum immunia sunt si vendantur bona prædictarum Confraternitatum Episcopi auctoritate institutarum, cum sint Ecclesiastica, & ad pios vsus ordinata. Molina *tom. 3. de iust. disp. 671. in princip.* Barbosa *de offic. & potest. Episcopi allegat. 75. num. 35.* Quod etiam extendit ad bona illarum Confraternitatum quæ Episcopi auctoritate institutæ non fuerint, eo quod in Authent. *Item nulla communitas Cod. de Episc. & Cleric. ex emptio à gabellis,* & alijs tributis omnibus pijs locis, & causis concedatur, & huiusmodi Confraternitatum bona ad pios vsus destinentur. An autem gaudeant beneficio restitutionis in integrum idem Barbosa *ut supra num. 36.* An ex ijs quæ ipsis relinquuntur quarta canonica debeat *à num. 43.* & an ex illis relictis quarta falcidia deduci possit *num. 50.*

6 Hinc etiam ad præscriptionem rerum pertinentium ad Confraternitates, quæ Episcopi auctoritate institutæ sunt, tempus quadraginta annorum necessariò requiritur, cum bona Ecclesiastica sint, & per consequens talium priuilegijs gaudere debeant. Constat enim res Ecclesiarum minori spatio quam 40. annorum præscribi non posse. *Cap. ad aures, c. Illud, c. De quarta,* cum multis similibus de præscriptionibus. Nec improbabile, hoc etiam priuilegium extendi ad bona quoque Confraternitatum quæ ad pios vsus institutæ sunt, siue cum Episcopi auctoritate, siue sine illa. Molina *de iustitia tract. 2. disp. 72. versu Hoc verò priuilegium.* Barbosa *diçta alleg. 75. num. 55.*

7 Quamuis à pluribus Romanis Pontificibus nonnullis Regularibus Ordinibus, Sæcularibusque Congregationibus, eorumque Superioribus concessæ fuerint variæ facultates erigendi, vel instituendi Confraternitates, vel etiam eas sibi aggregandi, et sicque

eisque priuilegia, & indulgentias communicandi; cum nulla forma certa, vel ratio præscripta esset qua id fieri deberet, nonnullæ prauæ consuetudines irrepperunt, multaque incommoda inde prouenerunt, siue negligentia Superiorum, siue aliorum officialium instituentium, erigentium, seu aggregantium prædictas Confraternitates. Propterea Clemens VIII. anno 1604. in Constitutione *Quæcumque à Sede* die 7. Decembris eiusdem anni edita, quæ habetur in 3. tom. Bullar. inter Constitutiones Clement. VIII. num. 115. & apud Quarantam in *Summa Bullar. verb. Confraternitates*, quam postea confirmauit, & ad Canonicos, & Capitulum Ecclesiæ Lateranensis de Vrbe extendit Paulus v. in Bulla *Qua salubriter* anno 1610. inter Bullas ipsius 3. to. Bullar. nu. 68. sequentia decreuit.

8* Primò, prædictos omnes facultatem habentes instituendi, erigendi, seu aggregandi Confraternitates, vnam tantum Confraternitatem in eorum, & alijs Ecclesijs, & locis instituere, & aggregare posse. Gaudent in *Man. Episcop. verbo Confraternitas num. 1.* Tamen à S. Congregatione super Indulgentijs declaratum, Superiores Regulares, quibus à Paul. v. concessa est facultas noua instituendi Confraternitates (qualis est Generalis Carmelit. vt dicemus) posse super huiusmodi distantia inter Confraternitates, tam quoad antiquas confirmandas, quam ad alias de nouo instituendas dispensare, ob iustam causam ab Ordinario loci approbandam in scriptis. Ita indicatur in nostris Constitutionibus *par. 4. cap. 28. §. 2.* Declarationem autem ipsam refert Lauretus de Franchis in *Controuers. Episcop. & Regular. fol. mibi 66.* Vbi simul habetur eandem S. Congregationem declarasse posse confirmari à Superioribus Regularium plures Confraternitates ab antiquo institutas Canonicè in Ecclesijs Regularibus Collegiatis duodecim Fratrum, & in eodem loco, etiamsi sint eiusdem nominis, & instituti, iuxta formam tamen huius Constitutionis. Confraternitatem tamen SS. Sacramenti conceditur erigi posse in omnibus Ecclesijs parochialibus. Lauretus *vt supra.*

9 Secundò, huiusmodi Confraternitates institui, aut aggregari non posse à prædictis nisi consensu Ordinarij loci, & cum litteris eius testimonialibus, quibus Confraternitatis erigendæ, seu aggregandæ pietas, seu institutum, & Christianæ charitatis officia, quæ exercere cupit, vel consuevit, commendentur. Ita scilicet vt cum Confraternitas de nouo erigenda est, id non fieri possit sine consensu Ordinarij loci, *Et cum litteris eius testimonialibus quibus Confraternitatis erigendæ, & instituendæ pietas, & Christiana*

charitatis officia quæ exercere cupit apud eos commendetur. Cum verò Confraternitas non erigitur, aut fundatur, sed alij Archiconfraternitati aggregatur id non possit fieri nisi, *prævio similiter loci Ordinarij consensu, & cum eius litteris testimonialibus quibus eiusdem Confraternitatis, & Congregationis aggreganda institutum, pietas, & Christiana charitatis officia quæ exercere consuevit, apud eos commendentur.* Gauantus *ut supra num. 3.* Vide autem circa huiusmodi consensum Ordinarij dicenda *infra num. 19.* Cum verò ipsemet Pontifex institutiones, & aggregationes Confraternitatum alio modo factas nullius roboris, & momenti esse declarauerit, ut inferius videbitur, iam Congregationes istæ sine consensu Ordinarij loci erectæ, aut erigendæ non erunt vocandæ Confraternitates, nec priuilegijs, aut indulgentijs veris Confraternitatibus concessis, de quibus etiam postea, gaudere, aut frui poterunt. Poterunt tamen vocari Congregationes piæ, seu pia loca, si ad pias actiones gerendas ordinantur, ut dictum est superius. Declaratum etiam à S. Congregatione Episcoporum, Regularium, non licere Clericis Societatis Iesu, nec Regularibus Ordinis S. Dominici instituere Confraternitates nouas secularium sine Ordinarij licentia. Barbosa *in Collect. Bullar. verb. Confraternitas.* An verò ad confirmandas antiquas Confraternitates requiratur etiam consensus Ordinarij, vide dicenda *infra nu. 19.* & Lauretum de Franchis ibi afferendum.

10 Tertiò, decernit Pontifex in prædicta Constitutione quod Prælati, seu Superiores Confraternitates instituentes, vel aggregantes, illis ea tantum priuilegia, indulgentias, facultates, aliaque spirituales gratias, & indulta, quæ ipsi Ordini, Religioni, instituto, erigenti, instituenti, ac communicanti, seu Archiconfraternitati, & Congregationi aggreganti nominatim, & in specie, non autem quæ per extensionem, vel communicationem sibi quouis modo concessæ sunt, & illa quidem non sub generali forma verborum, vel ad instar, sed expresse, & in specie communicare valeant. Gauantus *in Man. Episcoporum. verbo Confraternitates num. 4.* Vnde prædicti institutores, vel aggregatores Confraternitatum non possunt dicere. *Communicamus huic Confraternitati omnes gratias, & priuilegia, indulgentias, &c. quæ tali Ordini, aut Confraternitati sunt concessæ, aut quibus per communicationem potitur.* Sed debent dicere. *Communicamus tales, & tales gratias Ordini, vel Confraternitati nostris concessas, quæ sunt ista, & ista, &c.*

11 Hic tamen dubitari potest, esto non possint ab institutoribus Confraternitatum communicari ipsis nisi solum gratiæ ipsis Ordini, vel Archiconfraternitati concessæ, non verò eæ quæ per commu-

communicationem priuilegiorum ipsis competant, an saltem ipsæ confraternitates institutæ illis potiantur. Ex vna enim parte videtur quod non, cum nulla alia ratione videatur prohibitum à Pontifice vt non fiat communicatio gratiarum, quæ solum per communicationem priuilegiorum competunt institutorum Ordinibus, vel Archiconfraternitatibus, nisi quia non vult quod illis potiantur Confraternitates institutæ, vel aggregatæ. Ex alia verò parte cum Pontifex non declaret se abrogare, aut cassare prædictas gratias quæ per communicationem priuilegiorum Confraternitatibus competunt, videtur illis posse vt prædictas Confraternitates institutas. Quæ posterior pars cum sit in materia fauorabili mihi probabilis videtur, & quod solum prohibuit Pontifex prædictam communicationem gratiarum solum per communicationem competentium Ordinibus, vel Archiconfraternitatibus instituentibus, vel aggregantibus Confraternitates, tum propter tollendam confusionem quæ in communicatione gratiarum hoc modo facta reperitur, tum propter incertitudinem, quæ sæpius esse solet in tali communicatione priuilegiorum, seu gratiarum. Aliorum tamen iudicio rem relinquo.

12. Quartò, præcipit Pontifex, vt statuta talium Confraternitatum instituendarum, seu aggregandarum sint prius ab Episcopo Diocesano examinata, & pro ratione loci approbata, & eiusdem Episcopi decretis, ac moderationi, & correctioni in omnibus semper subiecta; remaneant. Loqui autem videtur solum Pontifex de illis statutis, quæ edita sunt ab instituentibus, seu aggregantibus dictas Confraternitates, & quæ illis impartiantur, vt patet ex textu Bullæ, non de illis statutis, quæ ipsæ Confraternitates institutæ pro suo bono regimine fecerint. Atque ita ex vi huius decreti non requiri prædictum Episcopi examen vel approbationem ad ea statuta, quæ Confraternitates ipsæ institutæ postea fecerint.

13. Quintò, ordinat vt prædicti Confraternitatum institutores, seu aggregatores, in institutione, seu aggregatione ipsarum seruent formulam ab ipso Pontifice nouissimè approbatam, & secundum ipsam priuilegia, & indulgentias ipsis communicent nominatim, & expressè, vt supra dictum est. Quæ autem, & qualis sit ista formula de qua Pontifex hic loquitur, scire non potui. Verumtamen Flavius Cherubinus in *Compend. Bullar. super prædicta Bulla Clementis VIII. num. 115.* formulam quamdam refert quam dicit esse in vsu. Ea autem solum pro aggregatione Confraternitatum, non pro institutione facta videtur, etsi ex illa

illa quoque qualis futura sit ea, qua pro institutione Confraternitatum vti debent institutores dignosci potest.

14 Sextò, decernit vt prædictæ gratiæ, & indulgentiæ communicatæ præuia tamen recognitione Ordinarij loci (qui adhibitis duobus de eiusdem Ecclesiæ Capitulo illa iuxta Sacri Concilij Tridenti decretum promulganda decernat) promulgari valeant. Gauantus vt *supra num. 4.* Vbi aduertendum non præcipi à Pontifice, vt Confraternitates non possent vti prædictis gratijs, & indulgentijs sine prædicta recognitione Ordinarij, &c. duorum de Capitulo, sed quod non possint illas promulgare sine hac recognitione.

15 Præcipit septimò, vt licet Officialibus, & Ministris Confraternitatum potestas sit excipiendi eleemosynas iuxta modum, & formam per Ordinarium loci præscribendam, hoc tamen sit, *remotis mensis, peluibus, & cassis, qua in Ecclesijs, & Oratorijs dictarum Confraternitatum, & Congregationum publicè ad hoc exponi consueuerunt.* Prædictas autem eleemosynas erogandas, & expendendas vult in reparationem, & ornatum Ecclesiarum dictarum Confraternitatum, tam instituentium, & aggregantium, quam institutarum, & aggregatarum; aut in alios earum pios vsus arbitrio Vicarij S. suæ in Vrbe, & Ordinariorum locorum respectiue.

16 Declarat octauò, Confessarios qui virtute priuilegiorum dictarum Confraternitatum eligi possunt, si fuerint sæculares debere esse approbatos à Vicario Urbis in ipsa Vrbe, & extra illam à locorum Ordinarijs. Si verò fuerint Regulares, non solum à prædicto Vicario Urbis, & Ordinarijs locorum respectiue, sed etiam à suis Superiorioribus. Insuper quod prædicti Confessarij Confratres confitentes absolueri valeant à criminibus, casibus, & censuris, iuxta formam dumtaxat dictorum priuilegiorum, *quatenus tamen (inquit Pontifex) sint in usu, & Sacris Concilij Trident. decretis, ac Romanorum Pontificum prædecessorum nostrorum, & nostris Constitutionibus non aduersentur, nec reuocata, aut sub aliquibus renocationibus comprehensa sint, formam, & tenorem dumtaxat absolueri valeant.* Decernimus insuper, vt *ijdem confessarij prædictos Confratres cuiuscumque gradus, status, conditionis, & præminentiæ, etiamsi speciali nota digna fuerint, à casibus contentis in litteris quæ die Cænæ Domini legi consueuerunt, nec non violationis immunitatis, & libertatis Ecclesiastica, & clausura Monasteriorum Monialium, si videlicet sine necessaria, & urgenti causa, ac sine Superiorum licentia, vel etiamsi causa, & licentia concessa abutentes, prædicta Monasteria ingressi fuerint, nec nō violenta*
manus

manus iniectionis in Clericum, & singularis certaminis, seu duelli, ac ab alijs etiam casibus tam à nobis quam à prædicto nostro in Vrbe Vicario, & locorum Ordinarijs respectiue reseruatis, & pro tempore reseruandis, & etiam à quauis excommunicatione ab homine lata absolueri, & super irregularitatibus, tum ex aliquo defectu proueniens quam occasione delicti contractis cum aliquo dispensare, pretextu dictorum priuilegiorum nullo modo possint.

17 Circa quæ valde utile erit cognoscere quando priuilegia dicantur esse in vsu Religionum, vel Confraternitatum, quod non modo pro hac materia, sed pro alijs etiam deseruire potest. Primo ergo illa priuilegia dicuntur esse in vsu Religionum, vel Confraternitatum, quæ sunt in viridi obseruantia, & quibus Religio vel Confraternitas actualiter vtitur, hoc enim certum est apud omnes. Secundo etiam dicuntur esse in vsu Religionis, vel Confraternitatis, quando etsi illis non vtantur illorum tamen scientiam, aut cognitionem non habent, aut si habent, non est oblata occasio illis vtendi, aut fuit impedimentum ad vtendum illis, tunc enim quasi habitualiter dicuntur esse in vsu. Tertio etiam dicuntur esse vsu, quando etsi Religio, aut Confraternitas illis actualiter non vtatur, etiam data occasione, & potentia ad illud, & cum illorum notitia, contra illa tamen non est præscriptum tempore legitimo: cum enim priuilegia Religionum sint quædam bona ipsarum, & contra bona ipsarum, vt potè Ecclesiastica non detur præscriptio iure communi nisi spatio 40. annorum, cap. accedenti de priuileg. de quo etiam supra num. 6. ideo contra priuilegia Regularium non datur præscriptio nisi dicto spatio, dum autem non est præscriptum contra illa, dicuntur esse in vsu saltem habitualiter, quatenus potest esse vsus illorum, sic sentio probabile sub doctiorum censura. Ita enim colligo ex Corduba in Compend. priuileg. verb. Absolutio quoad seculares 1. §. quoad §. 19. Rodrig. tom. 1. quasi. Regul. q. 8. art. 3. 4. 5. Portellus in Dub. Regular. verbo priuilegij cessatio per non usum num. 57. & 58. Peirinis tom. 1. priuileg. Minor. in Constitut. 15. Iulij 11 §. 3.

18 Similiter circa illud quod in Constitutione Clementis dicitur de huiusmodi priuilegijs Religionum, & Confraternitatum, quod scilicet possint illis vti Contestarij dum modo non aduersentur decretis Concil. Trident. dubitari potest tam pro hac, quam pro alijs materijs, quæ decreta sint ista, quibus aduersantia priuilegia tolluntur. Pro quo notandum, quod inter decreta Concilij alia sunt quibus ita aliquid decernitur, vt tamen priuilegia contraria non reuocentur, alia verò quibus etiam priuilegia contraria reuocantur. Quando ergo Papa confirmat priuilegia,

legia, quatenus decretis Concil. Tridentini non aduersantur, intelligendus est de illis decretis quibus priuilegia reuocantur, non de illis quibus etsi aliquid decernatur id non est cum reuocatione priuilegiorum. Cum enim priuilegia non reuocet, videtur relinquere illa in sua vi, & quod dicta decreta solum pro non priuilegiatis locum habeant. Sic sentiunt probabiliter. Rodriguez *tom. 1. quest. Regul. q. 8. art. 6.* Portellus in *Dub. Regul. verbo priuilegij confirmatio num. 61.* & fauet Suarez *lib. 8. de legibus cap. 8. ad finem.* Stando ergo in hac sententia probabile est priuilegia circa absolutionem Confratrum quibus non vti permittit Pontifex Confessarijs ipsorum in hac Constitutione, intelligi illa quæ aduersantur decretis Concil. Trident. habentibus derogationem priuilegiorum in contrarium, non autem de illis quæ aduersantur alijs decretis non habentibus prædictam derogationem priuilegiorum. Vide dicta *cap. 1. nu. 58.*

19 Præterea nonò decernit Pontifex, vt omnes Confraternitates quæ vsque ad illud tempus institutæ, & aggregatæ erant, nouas institutionum, & aggregationum litteras iuxta formam ab ipso præscriptam intra annum si in Europa sint, & infra biennium si extra Europam à die publicationis prædictæ Constitutionis impetrare tenerentur, *alioquin (inquit) dicto tempore elapso, erectiones, institutiones, & quæcumque communicationes priuilegiorum, facultatum, indulgentiarum, aliarumque spiritualium, gratiarum, & indultorum, & aggregationes illarum vigore ipsis concessa nullius sint roboris, & momenti, ac reuocata, & abolita censeantur eo ipso.* Ex quo infertur Confraternitates quaslibet ante huius Constitutionis promulgationem erectas, seu aggregatas si in prædicto spatio temporis vnus, vel duorum annorum respectiue innouatæ non fuerunt iuxta formulam ab ipso Pontifice præfixam, nullius momenti, aut valoris esse saltem in ratione Confraternitatum, & quantum ad indulgentias, & priuilegia titulo Confraternitatum concessa. Vnde à Reuerendis. Generali Theodoro Stratio pro Ordine nostro pronisum est, vt prædictæ Confraternitates de nouo instituerentur, iuxta prædictam Clement. viii. formulam, litteris super hoc ad Prouinciales missis. Extat tamen declaratio S. Congregationis super indulgentijs, quam refert Lauretus de Franchis in *Controuers. Episcoporum. & Regular. pag. mibi 65.* in qua decernitur, Superiores Regulares, quibus concessa est à Papa facultas noua instituendi Confraternitates secundum formam huius Constitutionis posse confirmare sine Ordinarij consensu Confraternitates iam pridem ante publicationem illius canonicè erectas in proprijs Ecclesijs Regula-

Regularibus Collegiatis ubi adminus essent duodecim Religiosi de familia; ad instituendum autem novas Confraternitates in Ecclesijs siue secularibus, siue Regularibus, & confirmandum antiquas in Ecclesijs ubi non sunt prædicti duodecim Religiosi, requiri prædictum consensum Ordinarij cum alijs requisitis. Circa quam declarationem notandum eam editam fuisse anno 1607. sub Paulo v. Cum autem ipse Paulus in Bulla afferenda infra num. 40. facultatem nouam concesserit sub anno 1606. Generali nostro, & eo absente Vicario generali instituendi Confraternitates iuxta præscriptum Constitutionis Clem. vii. ideo gratia concessa in hac declaratione uti possunt nostri Generales.

20 Decimò statuit Pontifex in dicta Constitutione, vt litteræ pro institutione, seu aggregatione dictarum Confraternitatum, & communicatione gratiarum *gratis omnino, ac nulla prorsus mercede etiam à sponte dantibus accepta expediri, & concedi debeant.* Gauantus in *Manuali Episcoporum* verbo *Confraternitates* num. 5.

21 Ac demum vndecimò contravenientes quoslibet Ministros, Superiores, & Officiales Ordinum, seu Archiconfraternitatum, aut Confraternitatum, priuationem officiorum quæ obtinent, & inhabilitatem ad illa, & alia in posterum obtinenda solum à Summo Pontifice relaxanda declarat incurrisse eo facto, ac institutiones Confraternitatum, & communicationes gratiarum, & priuilegiorum aliter factas nullius esse roboris, & momenti. Quomodo autem huiusmodi pœnæ priuationis, & inhabilitatis intelligendæ sint, & à quibus dispensari possent constat ex dictis *tom. i. cap. 10. num. 30. 31. 35.* Pro Confraternitatibus autem institutis, aut aggregatis contra formam huius Constitutionis cum nullæ, & irritæ declarentur, nullum aliud remedium superest, nisi quod de nouo instituantur, & aggregentur iuxta prædictam formam, vt superius dictum est, vel confirmentur, si adsint conditiones requisitæ à S. Congregatione in declaratione allata *num. precedent.* alias in malo statu conscientiarum Superiores ad quos id spectat versantur, tum quia contra Pontificiam intentionem Confraternitates ab ipso reprobatae sunt, tum quia falsò eis communicatas esse indulgentias, & gratias prædicant.

22 Præterea circa Confraternitates sunt multa, & diuersa statuta, & decreta à S. Congregatione Episcoporum, & Regularium edita. Primum, quod non licet Regularibus instituere Confraternitates cum vsu saccorum sine Ordinario loci. S. Con-

gregatio 6. Decembris 1616. Gauantus in *Manuali Episcoporum verbo Confraternitas num. 2.* Secundum, quod Officiales quot annis eligantur, & cum secretis suffragijs. Eadem S. Congregatio 18. Iulij 1594. Gauantus *vt supra num. 10.* Tertium, quod electio Officialium ad Confratres, confirmatio autem ad Episcopum spectat, exceptis ijs, quæ sub immediata Regum potestate existunt. Eadem S. Congregatio 11. Augusti 1617. Barbosa in *Collectan. Bullar. verb. Electio.* Gauantus *vt supra num. 11.* Quartum, quod nihil inde emolumenti accipiatur neque Officiales ipsi eligant successores. Eadem S. Congregatio 24. April. 1585. Gauantus *ibid. num. 13.* Quintum, quod in Oratorijs Confratrum non retineatur Eucharistiæ Sacramentum. Eadem S. Congregatio 21. Martij 1594. Gauantus *ibid. num. 21.* Additur in alia S. Congregationis decisione apud Barbosam in *Collectan. Bullar. verb. Confraternitas*, non posse id fieri à Confraternitatibus Laicorum, nisi ex causa, & licentia Ordinarij. Sextum, quod neque exponatur Oratio quadraginta horarum sine licentia Episcopi. Eadem S. Congregatio 20. Augusti 1601. Gauantus etiam *ibid. num. 23.* Septimum, quod Parochus intra cuius fines est Ecclesia Confraternitatis debet adesse funeribus quæ sunt in dicta Ecclesia, & idem debet cantare Missas solemnes, alioquin cantet Capellanus. Eadem S. Congregatio 20. Aug. 1601. Gauantus *vt supra num. 41.* Cui consonat alia S. Congregationis declaratio 18. Maij 1602. de qua idem Gauantus *verb. Parochorum munera num. 21.* Octatum, quod non instituatur Confraternitas in Ecclesia Monialium. Eadem S. Congregatio Episcoporum, & Regularium 6. Nouembris 1595. Gauantus in *prædicto Manuali Episcoporum verbo Monialium clausura num. 15.*

23 Circa earum præcedentiam Gregor. XI 11. anno 1583. decreuit eas præcedere debere, quæ sunt in possessione, & ubi de huiusmodi possessione non constat, eas quæ prius saccis vsæ sunt. Gauantus in *Man. Episcopor. verb. præcedentia num. 2. & 3.* Si autem contingeret quod Confraternitas quæ prius quam altera saccis vsa est, ad processionem accederet sine sacco, non gauderet prærogativa præcedentiæ. Siquidem præcedentiam obtinere volens habitum suo gradui conuenientem gestare debet. Butr. in *cap. 1. per illum tex. de autb. & usu pallij num. 7.* quem citat ad hoc Præposit. in *cap. Concilia 7. §. Episcopos dist. 17. nu. 3.* & alios allegat Gratian. in *Disceptat. forens. cap. 298. sub num. 65.* Ita Flauins Cherub. in *Comp. Bullar. in Bulla 84. Greg. XIII.*

24 Non possunt Confraternitates cogi ab Episcopo accedere ad Processiones. Sic enim fuit rescriptum à S. Congregatione Conci-

Concilij ad Episcopum Scalensem, vt refert *Quaranta verbo preecedentia in fine*, & Gauantus *verbo processio num. 13.* Nisi adsit consuetudo, vt colligitur ex quadam declaratione S. Congregat. apud Barbosam in *Collectan. Bullar. verbo Confratres*. Possunt tamen ab ipsis inuitari prout etiam declaratum referunt Franciscus Leo in *thesaur. par. 1. cap. 8. num. 18.* & Barbosa *de offic. & potest. Episcopi allegat. 78. num. 24.* Quando autem accedunt ad processiones publicas incedunt ante Regulares, vt declaratum refert idem Barbosa in *Collect. Bullar. verb. Confraternitas*.

25. Processiones Confraternitatum non debent extendi per vias, sed circa muros Regularium, quic eas regunt. Ita enim dicitur decimum à S. Congregationibus. Gauantus in *Manual. Episcoporum. verb. Processio num. 49.* Quo tamen non obstante video hic Romæ insignem Confraternitatem B. Mariæ Virg. de Monte Carmelo in S. Martini de Montibus Cœnobio sitam extendere processionem quæ sit à prædicta Confraternitate in mense Iulij vsque ad Basilicam S. Mariæ Maioris, & per vicinas plateas. Vnde vel speciali concessione, vel consuetudine id haberi credendum. Declaratum etiam dicitur à S. Congregatione posse Confraternitates Laicorum, & eorum Capellanos facere solitas processiones, quando non sunt in parochiali, & primaria Ecclesia; & in eorum Ecclesia prædicare facere à Prædicatore approbato ab Ordinario, & benedicere palmas, ignem, & aquam. Barbosa in *Collect. Bullar. verb. Confraternitas*.

26. Non possunt eadem Confraternitates accedere ad funeralia mortuorum, nisi specialiter, & expressè vocentur, & quando accedunt in actu associationis cadauerum nullo modo possunt erigere Crucem. Ita enim decimum dicitur à S. Congregatione. Barbosa *de offic. & potest. Parochi c. 26. nu. 61.* Video tamen Pium v. in Bulla anno 1569. edita quæ habetur in 2. to. Bull. inter Bullas huius Pontificis n. 83. decreuisse posse Confratres Confraternitatis Rosarii B. V. Mariæ ad quascumq. processiones accedere, & in quibus corpora defunctorum ad sepeliendum deferuntur cum eorum insignijs, cuiusvis etiam Superioris licentia minimè requisita. Quando autem accedunt non debent soluere Parocho quartam funeralem de candelis. Sic enim decimum est à S. Congregatione Episcop. & Regular. apud Barbosam *de offic. Parochi cap. 25. num. 40.* Similiter cum accedunt ad prædicta funeralia mortuorum possunt recipere aliquid non per modum pretij, quia hoc esset simoniacum, cum esset vendere rem spiritualem, scilicet orationes, vel suffragia pro pecunia, sed per modum congruæ sustentationis, vel elemosynæ.

Suarez tom. 1. de Religion. lib. 4. de simonia cap. 15. num. 7.

27 Habent Episcopi ius visitandi Confraternitates laicorum ijs exceptis quæ sub Regum immediata protectione sunt. Ita enim habetur in Concil. Trident. *sess. 22. cap. 8.* Barbosa *de offic. & potest. Episcopi alleg. 75. nu. 2. 16. & 19.* Item Confraternitates laicorum erectas in Ecclesijs Regularium non obstante quacumque contraria consuetudine. Ita enim decrevit S. Congregat. Episcop. & Regular. 17. Iulij 1615. Altaria tamen, & Capellas in Regularium Ecclesijs etiam per sæcularium Confraternitates constructas visitare non potest Episcopus. Ex declaratione S. Congregationis Episcop. & Regul. Barbosa *in Collect. Bullar. verb. Altare.* Quod intellige quatenus spectant ad Regulares ipsos, etenim prout spectant ad Confratres Capellæ ipsorum possunt ab Episcopo visitari. Ex alia declaratione eiusdem S. Congregat. apud eundem Barbosa *ut supra verb. Confraternitas.*

28 Tenentur Confraternitates habentes redditus Ecclesiasticos etiam intra Regularium Ecclesias existentes contribuere pro seminario puerorum, de quo Concil. Trident. *sess. 23. cap. 18.* Ita enim dicitur decisum à S. Congregatione. Barbosa *de offic. & potest. Episcopi allegat. 77. num. 10. & in Collectan. Bullar. verbo Confraternitas*, ubi etiam aliam decisionem S. Congregationis affert qua id magis explicatur. Gauantus *in Man. verb. Seminarium Clericorum num. 33.*

29 Pro Capellanis Confraternitatum declaratum est à S. Congregatione. Primò, Capellanos Societatum, qui habent curam celebrandi Missas per totum annum non debere prohiberi ab Archypresbiteris Ecclesiarum, ubi sunt fundatæ Societates, quin ipsi etiam celebrent in diebus festis ipsarum Societatum. Secundò, Capellanos Confraternitatum non posse suo arbitrio sine expressa licentia Episcopi processiones facere. Barbosa *in Collect. Bull. verb. Capellanus.* Tertiò, non posse prædictas Confraternitates per suos Capellanos in Ecclesijs, quas habent facere solemniter celebrare, confessiones audire, sepelire, Sacramenta ministrare, & similia, quæ ad solum Parochum spectant, absque expressa licentia Ordinarij, & Parochi. Barbosa *ut supra verb. Confraternitas.*

30 Pro receptione alicuius Confratris videtur dari non posse aliquid tanquam pretium, quia hoc olet simoniam, cum simoniacum sit dare pretium pro re spirituali. Esse autem Confratrem multa iura spiritualia inuoluat; videlicet ad privilegia, indulgentias, & gratias Confraternitatis. Vnde non placet quod

in contrarium docet Sanchez tom. 1. *Confil. moral. lib. 2. cap. 3. dub. 23. nu. 8.* Eo ductus fundamento quod Confraternitas non est Religio, sed Congregatio ad benefaciendum. Etsi enim ita sit, nihilominus, quia Cōfraternitatibus adiuncta sunt prædicta iura spiritualia, ideo materia simoniz reputanda sunt. Potest tamen dari aliquid pro dicta receptione per modum elemosynæ, vel alio simili titulo, quia id nullo modo est illicitum. Nauar. *de Oratione in miscellaneo mibi 6. de Psalterio, & Rosario nu. 1.* An autem licitum sit statutum Confratriæ, quo præcipitur ne quis intret eam nisi certum quid soluat. Nauar. *in dicto Miscellaneo num. 4.* respondet negativè. Mihi tamen placet speculativè loquendo licitum esse tale statutum, dummodo illud quod datur non detur ut pretium receptionis, ut dictum est, sed pro pia aliqua causa, videlicet pro alendis pauperibus, aut simili, & quod tale statutum non intelligatur nisi solum pro ijs qui facultatem habent soluendi illam quantitatem, ne excludantur pauperes à pijs operibus, quæ in Confraternitatibus fiunt. Silvester *verbo Confraternitas num. 2.* In praxi autem si tale statutum approbatum fuerit ab Episcopo, vel legitima consuetudine introductum servari debet. Sanchez *ut supra.* Vide Lauretum de Franchis *in controuers. Episcop. & Regul. pag. mibi 70.*

31 Pro Confraternitatibus ditionis Mediolanensis edita sunt multa decreta, & statuta à Concilijs Prouincialibus Mediolanensibus quæ hic placuit inferere, quia etsi in alijs locis obligationem non inducant, pia tamen documenta omnibus præbent. Primò ergo decernitur, ut electio officialiū fiat præsentè Parocho, vel alio Sacerdote deputato ab Episcopo, nisi aliud videatur Episcopo. Secundò, quod electione officialium prorogata sine Ordinarij licentia, acta omnia sint deinceps nulla. Tertiò, quod non admittantur in Confraternitatibus, qui doctrinam ignorant Christianam. Quartò, neque homines facinorosi. Quintò, neque turpis vitæ, aut infamiæ labe notati. Sextò, qui adscripti, & moniti non se emendarint, amoveantur. Septimò, amictus ne detur alicui nisi præsentè Parocho, vel alio Sacerdote, qui amictum stata prece benedicat. Octandò, neque amictum domi, aut alibi quam in schola asseruet, & Confratriæ dimittatur, quocumque casu ille recedat. Nonò, arma ne quis gerat vnà cum sacro amictu. Decimò, si concedatur in Oratorijs seruari Eucharistiam, Sacerdos ibi ab Ordinario approbatus relideat. Vndecimò, prohibetur item processio Sanctissimi Sacramenti. Duodecimò, in Dominicis, & festis diebus Missæ sacrificium ne fiat ibi nisi tempore, & hora ab Ordinario præserbenda. Decimotertiò,

tertiò, feria quinta, & Sabbato sancto nec ibi Missa celebretur, neque cuiquam, ne ipsis quidem Confratribus à Dominica Palmarum vsque ad Dominicam in Albis inclusivè, Eucharistiam ministrare liceat. Quarto decimò, neque in Natali Domini. Ascensione, Pentecoste, Assumptione B. Virginis, & omnium Sanctorum festo. Quinto decimò, nullæ benedictiones ibi fiant candelarum, ramorum, ouorum, & frugum sub pœna Sacerdoti benedicenti suspensionis à divinis eo ipso, Confratribus autem arbitrio Episcopi. Sexto decimò, officium B. V. tantum, & submissa voce recitent, non autem cantent. Decimo septimò, Vesperas eodem modo. Decimo octavò, officia recitent, vel ante, vel post officia Cathedralis, & Parochialis Ecclesiæ, neque impediant Doctrinam Christianam. Decimo nonò, non benedictionem, neque thurificationem sibi inuicem, vel alijs impartiantur. Vigestimò, neque liceat sine licentia Episcopi queritare eleemosynam. Vigesimo primò, oneribus satisficiant, aut in propria Parochiali, aut in Ecclesijs intra eius Parochiæ fines ab Episcopo designatis, nisi testatores aliud statuerint. Vigesimo secundò, anniuerfaria, & quæ septimo, vel trigesimo die sunt officia in Parochialibus fiant, nisi habeant ius sepulturæ. Vigesimo tertio, & tum Parocho quoque presente, qui officium peragat, & quando scilicet ibi cadaver est sepultum. Vigesimo quartò, duplicata eo casu detur Parocho eleemosyna. Vigesimo quinto, ne inuicem Confratrem, tacitè, vel expressè, vt sibi eligat sepulturam in eorum Ecclesijs in quibus est ius sepulturæ sub pœna excommunicationis latæ sententiæ. Vigesimo sexto, & quicquid inde detrimenti ceperit Ecclesia Parochialis, seu alia cui sepeliendi ius competebat, totum resarciat. Vigesimo septimò, neque possint associare funus vllum nisi qui obiit vnus sit ex ipsis, vel facultatem in scriptis obtinuerint ab Ordinario, quibus casibus nihil consequantur. Vigesimo octavò, Psalmodia ad mortuorum corpora, thurificatio, atque aspersio laicis Confratribus ne permittatur. Vigesimo nonò, sepultura nemini in eorum Oratorijs Ecclesijsue concedatur, nisi Episcopo constet id eis licere, vbi verò ius sepulturæ concessum est Confratribus, nemini alii, neque iure electionis, sed neque ipsis quidem Confratribus nisi per sex menses ante obitum sint adscripti. Trigesimo, ad solemnes Cleri processiones accedant. Trigesimo primò, fiat processio quotannis ab omnibus simul Confratribus in Ciuitate, in Diœcesi verò in propriis locis, sumpta ab iisdem Sacra communione, in gratiarum actionem de dono indulgentiæ concesso à Sede Apostolica. Trigesimo secundò, dignior

gnior locus detur antiquiori Confratriæ quæ habitum prius assumpserit de Episcopi, aut Papæ facultate, & solita fuerit ante obire supplicationes, licet tempore sit inferior, & minoribus gaudeat priuilegiis. Trigesimo tertio, cum processiones agunt, Sacerdotem secum habeant. Trigesimo quarto, neque Crucem quæ per Clericos præferri solet, deferant, sed imaginem Crucifixi, & Sanctorum. Trigesimo quinto, noctu ne obeant ipsi processiones sine licentia Episcopi, & cum certis regulis. Trigesimo sexto, à laicis Confratribus non celebrentur exequiæ. De quibus, & aliis ad intentum Gauantus in *Man. Episcop. verbo Confraternitates*.

32 Loquendo autem specialiter de Confraternitatibus Ordinum Mendicantium, ea quæ sub Vexillo B. V. Mariæ de Monte Carmelo militat, antiqua valde in Ecclesia Dei est, cum constet Gregorium decimum tertium in Bulla *Vt laudes* anno 1577. editam retulisse, & confirmasse indulgentias eidem Confraternitati concessas ab Hadriano II. Stephano V. Sergio IIII. Ioanne X. & II. Sergio IV. & Innocentio IV. Maxime ipse Innocentius IV. qui anno 1243. Pontificatum ascendit Confratriam dictam ingredientibus tertiam partem suorum peccatorum in Domino relaxauit, vt refertur à Greg. XIII. in præd. Bulla, & Sixto V. in Bulla *Dum attenta* anno 1477. Insuper Vrb. IV. qui sub anno 1261. Pontifex factus est concessit Fratribus nostris anno I. sui Pontificatus, vt Confratrum possent audire Confessiones, vt refertur ab eodem Sixto IV. in alia Bulla etiam sub titulo *Dum attenta*, anno 1476. Vt enim in nostris Annalibus to. 2. dicimus hæc Confraternitas propagari cepit tempore B. Simonis Stoch Ordinis Generalis, qui priuilegium scapularis, & adiutorium Fratrum, & Confratrum post mortem à B. Virgine impetrauit. Huius enim singularis priuilegii occasione magnopere euulgata est B. Virginis deuotio, & Confraternitas. Cui etiam plures Summi Pontifices magna priuilegia concesserunt.

33 Primò enim Innocentius IV. vt dictum est, & ante ipsum, Hadrianus II. Stephanus V. Sergius IIII. Ioannes X. & II. & Sergius IV. vt refertur in prædicta Bulla Greg. XIII. omnibus Christi fidelibus verè penitentibus contritis, & confessis qui Confratriam Ordinis assumerent, & eam intrarent, tertiam partem omnium peccatorum in Domino relaxarunt. Quia tamen Paulus V. anno 1606. vt infra videbitur omnes indulgentias Confratrum antiquas cassauit, nouis aliis adiunctis, & concessis, ideo hæc remissio peccatorum quæ verè indulgentia est, pro
vt

vt concessa ab hoc Pontifice nullius est momenti. Maiorem tamen indulgentiam Paulus Pontifex concessit, videlicet plenariam, ingredientibus prædictam Confraternitatem, vt ex dictis constabit.

34 Deinde Urbanus iv. anno i. sui Pontificatus magnam Fratribus, & Confratribus nostris concessionem fecit, videlicet quod Sacerdotes Ordinis nostri possent Confratrum nostrorum ad se recurrentium confessiones audire, de suorum (idest ipsorum Confratrum) Prælatorum licentia, nisi ea forte talia commisissent propter quæ Sedes Apostolica esset consulenda. Huic concessioni (inquit Casarubius in *Compend. priuileg. Mendicant. verbo absolutio, quoad seculares* 1.) non reperitur similis in priuilegijs Mendicantium. Ea enim conceditur vt sine vlla approbatione Ordinarij possint Fratres nostri sæcularium confessiones audire, & à casibus etiam Episcopalibus absolvere. Sed quoad primum derogatum est per Concil. Trident. vt dictum est tom. 1. cap. 19. d. num. 2. Quoad secundum verò etiam est omnino sublatum propter decreta SS. Congregationum adducta eodem cap. 19. num. 17.

35 Præterea Clemens vii. anno 1530. pridie Idus Augusti in Bulla *Ex Clementi* quæ habetur in 1. tom. Laertij Cherubini inter Bullas huius Pontificis num. 31. plures gratias, & indulgentias Confraternitatibus nostris concessit. Primò etenim singulare illud priuilegium de adiutorio à B. Virgine præstando animabus Fratrum, & Confratrum post eorum mortem approbavit, & innouauit. Id autem priuilegium illis verbis à Pontifice in Bulla relatis continetur. Sane pro parte dilectorum Filiorum Nicolai Audeth Generalis, ac Pronincialium, & Priorum domorum Ordinis B. Mariæ Virginis de Monte Carmelo, necnon Confratrum vtriusque sexus Confraternitatum in Ecclesijs domorum eiusdem Ordinis institutarum, nobis nuper exhibitæ petitio continebat, quod alias felic. record. Ioannes xxi. & Alexand. v. Roman. Pont. prædecessores nostri vniuersis, & singulis Christi fidelibus qui Confraternitatem de Monte Carmelo ingredi, seu Confratrum Confraternitatum huiusmodi numero ascribi, ipsiusque Ordinis statuta obseruare, ac habitum dicti Ordinis deferre, seque Fratres, & Sorores dicti Ordinis appellare, ita quodsi mulier Virgo castitatem, vidua verò continentiam, coniugata tamen matrimonij iura prout Sancta Ecclesia præcipit tempore earum ingressus inuiolabiliter seruare velle promitterent, & obseruarent, tertiam partem suorum peccatorum in Domino relaxarunt, ac ipsa gloriosissima Dei Genitrix

Genitrix semper Virgo Maria, ipsorum Confratrum, seu Religiosorum, ac Sororum animas, post eorum transitum, suis intercessionibus continuis, pijs suffragijs, & speciali protectione adiuuabit. Quodque Fratres ipsi gratiarum earumdem predecessorum participes fieri volentes, horas Canonicas, iuxta formam ab Alberto Patriarcha dicto Ordini concessam, & ordinatam recitare, ignari verò litterarum, diebus quibus S. Ecclesia ieiunare præcipit, ieiunare, necnon quarta feria, & Sabbato toto tempore vitæ eorum præterquam die qua aliquarum ex ferijs prædictis natiuitatem Domini Nostri Iesu Christi occurrere contigerit, à carnibus abstinere deberent. Hæc ibi.

36 Inferius etiam amplissima hæc priuilegia eisdem Confratribus concessit. Omnibusque, & singulis vtriusque sexus Confratribus, & cuilibet eorum, aliquem Presbyterum idoneum, sæcularem, vel cuiusvis Ordinis etiam Mendicantium, & de obseruantia regularem in suum possint eligere Confessorem, qui vita eis comite, eos, & eorum quemlibet à quibusvis etiam maioris excommunicationis, suspensionis, & interdicti, aliisque Ecclesiasticis sententijs, censuris, & pœnis, à iure, vel ab homine quauis occasione, vel causa pro tempore latis, & quibus etiam pro tempore irretiti fuerint, etiamsi illorum absolutio Sedi prædictæ specialiter, vel generaliter (præterquam per litteras in Cœna Domini legi solitas) reservata foret, ac quorumcumque votorum, & iuramentorum, necnon Ecclesiæ præceptorum, transgressionibus, periuriorum, simoniæ, & homicidij, mentalis, vel casualis reatibus, manuum violètarum in quas vis personas Ecclesiasticas, non tamen Episcopos, vel eorum Superiores de præterito iniectionibus, ieiuniorum, horarum Canonicarum, diuinorum officiorum, ac pœnitentiarum iniunctarum, in toto, vel in parte omissionibus, omnibusque alijs eorum peccatis, criminibus, excessibus, & delictis quantumcumque grauibus, & enormibus, etiam talibus propter quæ Sedes prædicta merito confabulanda foret, in casibus dictæ Sedi qualitercumque reservatis (exceptis contentis in dictis litteris Cœnæ Domini) semel inuita, & in mortis articulo, de alijs verò dictæ Sedi non reservatis casibus totiens quotiens opportunum fuerit, eorum confessionibus diligenter auditis absolvere, illisque pro commissis pœnitentiam salutarem iniungere. Vota verò visitationis quæcumque ultra marina (liminum Beatorum Petri, & Pauli Apostolorum de Vrbe, ac S. Iacobi in Compustella, necnon Religionis, & castitatis votis dumtaxat exceptis) in alia pietatis opera commutare, & iuramenta quæcumque sine tertij præiudicio relaxare,

ac omnium eorum peccatorum semel in vita, & in mortis articulo, ut præfertur, etiam si tunc non subsequatur, plenariam remissionem, & absolutionem auctoritate Apostolica impendere possit. Liceatque omnibus, & singulis utriusque sexus Confratribus prædictis, & cuilibet eorum, habere Altare portatile cum debitis reuerentia, & honore, super quo in locis ad hoc congruentibus, & honestis, etiam non sacris, & quauis etiam Apostolica auctoritate interdictis, seu tempore cessationis à diuinis, dummodo causam non dederint huiusmodi interdicto, seu cessationi, & per eos non stet quominus pareatur Apostolico interdicto, etiam antequam illucescat dies, circa tamen diurnam lucem, seu circa meridiem, cum qualitas negotiorum pro tempore inguentium id exegerit, in eorum præsentia, clausis ianuis, excommunicatis, & interdictis exclusis, non pulsatis campanis, & submissa voce Missas, & alia diuina officia per Sacerdotes sæculares, vel Regulares huiusmodi celebrare, ac quocumque tempore Eucharistiam, & alia Sacramenta Ecclesiastica à quocumque maluerint Presbytero idoneo, & vbicumque sine Rectoris Parochialis Ecclesiæ præiudicio, recipere, & administrare libere, & licite valeant, et si contingat, eos, vel eorum aliquem, tempore interdicti huiusmodi ab humanis decedere, corpora eorum Ecclesiasticæ cum aliqua honesta tamen funerali pompa, tradi possint sepulturæ. Quodque singulis quadragesimalibus, & alijs cuiuslibet anni temporibus, & diebus Stationum Basilicarum, & Ecclesiarum Almæ Urbis Romæ, & extra illius muros, vnam, vel duas Ecclesias, aut vnum, duo, vel plura Altaria in partibus illis, vbi eos, seu eorum aliquem residere, seu quo declinare contigerit, quas, vel quæ ipsi, vel quilibet eorum duxerint eligendas, vel eligenda deuotè visitando, tot, & singulas, ac similes indulgentias, & peccatorum remissiones consequantur quas consequerentur, si singulis diebus easdem singulas dictæ Urbis, & extra eam Ecclesias pro Stationibus huiusmodi deputatas personaliter visitarent. Hæc ibi.

37 Circa quæ notandum aliqua ex istis omnino sublata esse, alia moderata, alia verò in sua vi, & robore permanere. Primum enim illud de eligendo Confessore, intelligendum est dummodo ille sit approbatus ab Ordinario iuxta decretum Concil. Trid. sess. 23. cap. 15. & Bullam Clementis viii. prout supra num. 16 dictum manet. Similiter quoad censuras, & casus reseruatos à quibus absolui posse à prædicto confessorio Confratres concedit hic Pontifex, vide limitationem Clementis viii. loco citato, quoad hoc enim priuilegia hæc Clementis viii. etiam moderata sunt.

sunt. Vide etiam dicta tom. 1. cap. 19. num. 20. Quoad illud de facultate commutandi vota, & iuramenta exceptis illis de quibus ibi est sermo, non video vllam reuocationem, & ita manet, vt credo, in sua vi. Notandus tamen error qui in prædicta Bulla quoad hoc punctum videtur esse. Cum enim dicitur. *Vota verò visitationis quacumque ultramarina (liminum Beatorum Petri &c. exceptis)* errore Scriptoris ita factum esse videtur, ita vt dici deberet: *Vota verò quacumque (visitationis ultramarina, liminum Beatorum Petri, &c. exceptis)*. Intentum enim Pontificis illud videtur esse, vt quæcumque vota exceptis visitationis ultra marinx, liminum Apostolorum, S. Iacobi in Compostella, Religionis, & castitatis possent commutari in alia pietatis opera. Hic enim est communis modus concedendi hanc facultatem. Alias enim si prout in prædicta Bulla iacet esset legendum sequeretur posse prædictos Confessarios commutare Confratrum vota visitandi S. Sepulchrum, non autem recitandi semel coronam Virginis quod est absurdum. Circa illud priuilegium pro tempore interdicti modo ibi assignato non videtur fuisse reuocatum à Concil. sed in suo vigore permanere. Etsi enim Concilium Tridentinum sess. 25. cap. 12. iusserit interdicta omnia à Regularibus obseruari debere, tamen nec ibi nec in cap. 22. vbi reuocantur priuilegia contraria, loquitur de Confratrijs, aut Confratribus, sed solum de Religiosis. Illud verò de Altari portatili ea parte qua dicitur etiam in locis non sacris posse esse usum illius, videtur reuocatum à Concil. sess. 22. in decret. de obseruand. & vitand. in celebrat. Missarum, quatenus ibi ordinatur ne in priuatis domibus, atque omnino extra Ecclesiam, & ad diuinum tantum cultum dedicata oratoria, Sanctum Sacrificium peragatur cum reuocatione priuilegiorum in fine. Quamuis hoc non sit ita certum vt oppositum probabiliter dici non possit, asserendo Concilium solum loqui contra eos, qui regulariter, aut continuo vtuntur prædicto Altari portatili extra Ecclesiam, non de ijs qui in casu particulati, & raro contingenti, scilicet, in casu interdicti, eo vtuntur. Illud de sepultura tempore interdicti non video esse reuocatum. Faut Gauantus in Man. Episcoporum verbo interdictum nu. 50. Reuocata tamen sunt illæ Indulgentiæ pro diebus Stationum Romæ à Paulo v. vt inferius dicitur.

38 Demum idem Pontifex concedit in dicta Bulla omnibus alijs, qui gratijs eorundem Confratrum gaudere voluerint, vt aliquam eleemosynam, siue charitatem prout eis, ac præsidentibus Confraternitatibus huiusmodi visum fuerit, dando, & lar-

giendo gratiarum huiusmodi participes fiant. Quia tamen Pius v. anno 1567. in Bulla *Etsi Dominici*, quæ habetur in 2. tom. Bullar. inter Bullas ipsius num. 30. omnes indulgentias pro quibus porrigendæ sunt manus adiutrices cassauerit, & annullauerit, ideo prædicta concessio, saltem quoad Indulgentias nullius est roboris, & momenti, nisi forsan ea faciant in quæ Greg. xiii. infra referendus huiusmodi Indulgentias propter eleemosynas, & manus adiutrices lucrandas, commutauit. Et hoc non quoad Indulgentias personales, quia istæ sunt postea à Paulo v. reuocata, & coarctata, sed quoad locales, v. g. pro Ecclesiis nostras visitantibus. Quoad alia verò priuilegia, non video tam manifestam derogationem in dicta Bulla Pij v. & propterea nihil audeo decernere aliorum iudicium expectans.

39 Postea Greg. xiii. anno 1577. in Bulla *Vt laudes* referens gratias, & priuilegia Ordini, ac Confraternitatibus nostris concessa, quæ approbat, & confirmat sic dicit. *Idemq. Ioannes XXII. pro animabus quæ in Purgatorio existunt, & habitum huius Religionis gestarunt, vel eorum Confraternitatem ingressi fuerint, vel Confratrum numero ascripti in honorem eiusdem B. Mariae Matris Dei, die Sabbati post eorum transitum, intercessionibus continuis pijs suffragijs, & meritis, ac speciali protectione adiuuandis publicauit, corroborauit, & confirmauit.* Inferius etiam quæ Clemens vii. post Ioannem xxi. & Alexand. v. Fratribus, & Confratribus, concessit referens, ea etiam approbauit, & confirmauit, clausula tamen porrigendi eleemosynas, & manus adiutrices, dempta, & in alia opera commutata. Videlicet, *quod hi Christi fideles, qui illas consequi voluerint, Ecclesias visitando sint contriti, & confessi, ac loco eleemosynæ prædictæ iuxta prædecessorum prædictorum voluntatem eroganda septies orationem Dominicam, itidemque salutationem Angelicam, recitent, vel habitum dicti Ordinis sicut in litteris Apostolicis pie memoriae Ioannis Papæ XXII. ac Alexandri V. nec non Pij V. prædecessorum nostrorum continetur gestent, vel vespæ pro defunctis recitent, aut ante SS. Domini Nostri Iesu Christi Corpus terram exosculentur, ac pro hæresum extirpatione, sanæque Matris Ecclesiæ tranquillitate, Christianorumque Principum pace, & vniōne pias ad Deum preces effundant, & alias iuxta dictorum prædecessorum nostrorum litterarum seriem orent, aliaq. peragant.* Hæc Greg. xiii. in præd. Bulla.

40 Tandem Paulus v. Romæ apud S. Petrum die 30. Octob. anno 1606. in Bulla *Cum certas*, reuocatis, cassatis, omnibus, ac singulis indulgentijs, peccatorum remissionibus, ac pœnitentiarum

tiarum relaxationibus concessis Confraternitati nostri Ordinis nouas has indulgentias ipsi concessit, his verbis. Omnibus vtriusque sexus Christi fidelibus, dictam Confraternitatem ubiq. locorum, tam haecenus canonicè (vt præfertur) institutam, quam deinceps vt infra instituendam de cætero ingredientur, & habitum receperint, die primo eorum ingressus si verè pœnitentes, & confessi Sanctissimum Eucharistiæ Sacramentum sumpserint plenariam. Ac tam ipsis pro tempore describendis quam iam descriptis in dicta Confraternitate Confratribus, & Confororibus, etiam verè pœnitentibus, & confessis, ac Sacra Communione refectis, qui in festo principali Commemorationis eiusdem B. Mariæ, die 16. mensis Iulij, aut iuxta ritum nonnullorum locorum die Dominica immediate sequenti celebrari solito Sanctissimum Eucharistiæ Sacramentum sumpserint, ac pro Christianorum Principum concordia, hæresum extirpatione, ac Sanctæ Matris Ecclesiæ exaltatione, pias ad Deum preces effuderint, etiam plenariam. In mortis quoque articulo eisdem vtriusque sexus Confratribus, qui pœnitentes, & confessi, ac Sanctissima Communione refecti, nomen Iesu ore, si potuerint, sinu autem corde deuotè inuocauerint, plenariam similiter omnium peccatorum suorum Indulgentiam, & remissionem misericorditer in Domino concedimus, necnon ipsis Confratribus, & Confororibus qui similiter pœnitentes, & confessi, ac Sacra Communione refecti Processioni in vna Dominica cuiuslibet mensis per dictam Confraternitatem, de Ordinarij licentia, faciendæ deuotè interfuerint, & ibi (vt præfertur) orauerint, septem annos, & totidem quadragenas. Ipsis verò, qui ab esu carnis his diebus quibus Confratres dictæ Confraternitatis ex illius instituto vesci non solent, abstinebunt, tercentum dies. Qui autem qualibet die septies orationem Dominicam, & toties Salutationem Angelicam ad honorem septem gaudiorum eiusdem B. Mariæ Virginis recitauerint quadraginta dies, nec non etiam qui cum habitu eiusdem Confraternitatis pœnitentes, & Confessi semel in mense Sanctissimum Eucharistiæ Sacramentum sumpserint, & vt præfertur, orauerint, quinque annos, & totidem quadragenas. Ijs verò Confratribus, & Confororibus qui pœnitentes, & confessi in qualibet ex festiuitatibus eiusdem B. Mariæ Virginis dictum Sanctissimum Eucharistiæ Sacramentum in Ecclesia, vel Capella dictæ Confraternitatis deuotè sumpserint, & vt supradictum est, orauerint, tres annos, & totidem quadragenas, qui autem cum lumine dictum Sanctissimum Eucharistiæ Sacramentum quando ad infirmos desertur

comi-

comitati fuerint, & pro eisdem infirmis pias ad Deum preces effuderint, quinque annos, & totidem quadragenas. Qui verò corpora defunctorum, tam Confratrum, & Confororum quam aliorum ad sepulturam associauerint, & pro eorum animabus ad Deum orauerint, centum dies. Quoties verò prædicti Confratres, & Conforores officium eiusdem B. Mariæ Virginis deuotè recitauerint centum dies. Qui verò Missis, & alijs diuinis officijs in Ecclesia, vel Capella, aut Oratorio dictæ Confraternitatis pro tempore celebrandis, & recitandis, siue Congregationibus, publicis, vel priuatis eiusdem Confraternitatis vbiuis faciendis interfuerint, aut pauperes hospitio susceperint, aut eis in eorum necessitatibus, vel in periculo peccandi existentibus auxiliati fuerint, aut eleemosynas temporales, vel spirituales eis dederint, vel pacem cum inimicis proprijs, vel alienis composuerint, seu componi fecerint, vel procurauerint, aut deuium aliquem ad viam salutis reducerint, & ignorantes Dei præcepta, & ea quæ ad salutem sunt docuerint, aut quodcumque aliud pietatis, vel charitatis opus exercuerint, toties pro quolibet prædictorum piorum operum centum dies de iniunctis eis, seu alias quomodolibet debitis pœnitentijs in forma Ecclesia consueta relaxamus. Ac dilecto filio nunc, & pro tempore existenti Priori Generali dicti Ordinis Carmelitarum, vel illo absente eius Vicario Generali, vt huiusmodi Confraternitatem B. Mariæ de Monte Carmelo vbiuis locorum extra Urbem erigere, & instituere, illique omnes supradictas Indulgentias, & gratias spirituales (seruata tamen forma præscripta in Constitutione, felic. record. Clementis prædecessoris super dictarum Confraternitatum aggregationibus, & institutionibus edita) communicare similiter liberè, & licitè possit, & valeat auctoritate Apostolica tenore præsentium facultatem concedimus, & impartimur.

41 Quia tamen in hac Bulla ipsi Confratribus, & Conforibus assistentibus Processioni in vna Dominica cuiuslibet mensis per dictam Confraternitatem faciendæ septem annos, & totidem quadragenas concesserat, vt præmissum est, postea sub anno 1609. plenariam Indulgentiam eisdem concessit, verè tamen pœnitentibus, confessis, & Sacra Communione refectis, & orantibus pro Christianorum Principum concordia, hæresum extirpatione, ac S. Matris Ecclesiæ exaltatione. Item anno 1614. supplicante Theodoro Stratio eo tempore Procuratore Generali, nunc verò Priori Generali Ordinis, extendit prædictam Indulgentiam ad Confraternitates omnes sub inuocatione
B. Mariæ

B. Mariæ Virginis de Monte Carmelo in quacumque mundi parte de cætero canonicè erigendas.

42 Circa prædictas autem Pauli v. Indulgentias aliqua notanda. Primum, quod per huiusmodi reuocationem Indulgentiarum non sunt reuocata, aut cassata illa quæ concessa erant Ecclesijs Ordinis nostri, iuxta dicta tom. 1. cap. 3. num. 19. Pro quo vide Gauantum in *Man. Episcop. verb. Indulgentia* num. 25. Secundum, probabile forsan esse, nec etiam reuocatas esse Indulgentias concessas Confratribus defunctis, aut in articulo mortis constitutis, propter ea quæ dicta sunt citato loco, in hoc tamen aliorum iudicio me remitto. Tertium, quod licet ad lucrandas prædictas Indulgentias, sufficiat facere ea quæ à prædicto Pontifice designantur, ad fruendum tamen singulari priuilegio, quod vulgo Bullæ Sabbathinæ nuncupatur, videlicet, de auxilio, & patrocinio à B. Virgine præstando animabus Confratrum in Purgatorio existentibus post ipsorum mortem, præcipue die Sabbathi requiruntur sequentes conditiones.

43 Prima est, habitum, seu scapulare B. Virginis in vita gestare. Ita enim habetur in Bullis Ioannis xxi. Alexand. v. Clem. vii. Greg. xii. ac in decreto S. Inquisitionis Romanæ, anno 1613. qui habitus, seu scapulare coloris grisei debet esse, & saltem, pro prima vice ab aliquo Prælato Ordinis, seu ab ipso auctoritatem habente benedictum. Declaratur autem in nostris Constitutionibus par. 4. cap. 28. num. 6. Superiorem qui potest habitum benedicere, & hanc facultatem delegare esse Generalem Ordinis pro tota Ecclesia, Prouinciales pro suis Prouincijs, Priores verò locales posse quidem id facere per se ipsos non, tamen alijs delegare hanc facultatem. Debere autem dari tale scapulare, vel habitum à Superioribus Ordinis colligitur à simili de chorda D. Francisci, quam debere similiter à Superioribus eiusdem Ordinis dari Confratribus eius Confratriæ expressit Sixtus v. in Bulla *Diuina charitatis*, anno 1587. apud Rodrig. tom. 1. *quæst. Regul.* q. 58. art. 1. Vbi etiam de benedictione talis chordæ à Superioribus faciendâ. Hic autem notandum à S. Congregatione declaratum esse, prout refert Barbosa in *Collect. Bullar. verb. Confratres*, posse concedi Confratribus secularibus habitum patientiæ, quæ solis Religiosis propriè conuenit. Quod intelligo quoad formam, & materiam, non quoad longitudinem, seu latitudinem.

44 Secunda, saltem ex consuetudine, & conformiter ad nostras Constitutiones par. 4. cap. 28. num. 7. imò conformiter ad Bullam Pauli v. supra num. 40. describi in libro Confraternitatis. Quia tamen

tamen in Bulla Greg. xlii. & verbis adductis *nam*. 39. sub di-
 finitione ponitur, vel ingredi Confraternitatem, vel Confra-
 trum numero ascribi, non videtur prædicta conditio essentialis,
 licet sine dubio obseruanda pro maiori cautela, maxime quia
 similis conditio pro Confraternitate choræ S. Francisci videtur
 necessaria, vt affert Rodriguez *tom. 1. quest. Regul. q. 58. art. 1.*
 & pro omnibus Confraternitatibus id habet Flavius Cherubi-
 nus in *Compend. Bullar. in Sixto V. num. 13. scholio 2.*

45 Tertia, seruare castitatem respectiue ad statum in quo sunt
 Confratres, & Conforores. Hæc enim conditio à Summis Pon-
 tificibus relatis designatur. Quæ non sic est intelligenda, vt
 Confraternitatem ingredientibus, teneantur votum castitatis
 emittere, quemadmodum Fratres in professione, sed quod casti-
 tatem pro suo statu colant. Nec ita est intelligenda quod sta-
 tum mutare nequeant. Confratres enim soluti, & Conforores
 Virgines ad nuptias transire possunt, & tunc ad coniugalem ca-
 stitatem, non ad Virginalem tenebuntur. Vnum etiam aliud pro
 hac (idem dico pro sequenti) conditione aduertendum est, quod
 scilicet quamuis aliquis humana fragilitate ductus semel, bis,
 aut pluries contra castitatem peccauerit, si tamen pœniteat, fir-
 miterque proponat iterum eam seruare, vt huius priuilegij par-
 ticeps efficiatur, non propterea incapax ipsius efficietur.

46 Quarta conditio est, recitare officium Canonicum, si illud
 recitare nouerint, sin autem non nouerint, loco officij, Ecclesiæ
 ieiunia obseruare, & feria 4. & Sabbatho à carnibus abstinere,
 nisi vbi in his diebus Natiuitatis Domini festum inciderit. Sic
 enim habetur in prædicta Bulla Clem. vii. referentis Ioan-
 nem xxi. & Alexand. v. & in decreto adducto S. Inquisitionis
 Romanæ anno 1613. & indieatur in lectionibus officij Commem-
 orat. solemnibus B. Virg. Mariæ de Monte Carmelo à S. Congre-
 gatione Rituum approbatis. Licet autem in prædicta Clem. vii.
 Bulla ex Ioanne xxi. & Alexand. v. dicatur hoc officium debe-
 re esse *bonas Canonicas iuxta formam ab Alberto Patriarcha dicto*
Ordini concessam, & ordinatam, quia tamen in prædicto decreto
 S. Inquisitionis Romanæ dicitur, *Officiumq. paruum recitauerint*,
 denotari videtur, Ecclesiam auctoritate qua pollet explicasse
 officium illud canonicum ad lucrandum hanc gratiam requisi-
 tum sufficienter suppleri per officium paruum B. Virginis, ita vt
 non recitantibus magnum officium, sufficiat paruum B. Virginis
 recitare. Probabile etiam Confessarios posse cum legitime im-
 peditis prædicta requisita in alia opera pia æquivalentia com-
 mutare. Id enim de benignissima Virgine Maria hanc gratiam
 conce-

concedente, & de Summis Pontificibus etiam approbantibus credi debet.

47 Solus Pater Generalis Ordinis pro tempore existens, & in sua absentia eius Vicarius Generalis, ex indulto Pauli V. potest ubique locorum extra Urbem seruata forma præscripta à Clemente VIII. de qua infra, Confraternitates habitus erigere, & instituere, illisque Indulgentias, & gratias spirituales auctoritate Apostolica libere, & licite communicare. Vicarius autem Generalis Congregationis Mantuana, vt pluries declarauit Sacra Congregatio super Indulgentijs, solum in Ecclesijs ipsius Congregationis ex indulto eiusdem Pauli V. Quoniam autem in Ordine nostro duo alij sunt supremi Generales præter nostrum Discalceatorum primitiuam Regulam profitentium, vnus Congregationis Hispania, alter Congregationis S. Elia, eadem Sacra Congregatio super Indulgentijs declarauit vnum quemque eorum liberam habere facultatem instituendi vbique locorum Confraternitatem nostram. Ita in nostris Constitutionibus p. 5. cap. 28. n. 1. Quæ placuit hic transcribere pro maiori luce dicendorum.

48 Dubitamus tamen potest an Pater Generalis (idem dico de PP. Generalibus PP. Discalceatorum, & Vicario Generali Congregationis Mantuanæ respectiuè) possint Confraternitates nostras instituendi facultatem alijs delegare. Videtur enim probabile quod sic, quia iuxta dicta tom. 1. cap. 18. num. 4. Commissarius ex priuilegio perpetuo potest alijs suas vices delegare, facultas autem hæc instituendi Confraternitates est priuilegium perpetuum, præsertim quia Paulus III. concessit Generali Societatis, vt omnes gratias, concessiones, & indulta sibi concessa à Sede Apostolica exercere possit per Vicarios, aut personas ad id sibi bene visas. Suarez 4. tom. de Relig. tract. 8. lib. 2. cap. 22. num. 8. Similiter Sixtus v. in Bulla Dum ineffabilia anno 1586. edita quæ est in 2. tom. Bullar. inter Bullas Sixti v. num. 21. facultatem concessit omnibus Fratribus Ordinis Prædicatorum designandis à Generali, vel Vicario Generali eiusdem Ordinis instituendi Confraternitates Rosarij vbique. His enim priuilegijs videtur vti posse Generales Ordinis nostri. Nihilominus Reuerendiss. Theodorus Stratus Generalis Ordinis cautius, & prudentius per se solum instituit etiam absens Confraternitates, in illis scilicet locis, quos Prouinciales designant, committendo tamen ipsis vt loca designent cum conditionibus à Clemente VIII. requisitis.

49 Item cum vnica tantum instituti nostri Confraternitas erigi possit in eodem loco, iuxta dicta supra ex Clem. VIII. num. 8.

ideo ad conseruandam bonam pacem inter nostros, & Patres nostros Discalceatos an. 1616. die 24. Aug. Romæ Reuerendiss. Magister Sebastianus Fantonus Prior Generalis Ordinis, Reuerendiss. P. Fr. Ferdinandus à S. Maria Præpositus Generalis nostrorum PP. Discalceatorum Congregat. S. Eliæ, ac admod. R. P. Franciscus à Sanctiss. Sacramento Procurator Generalis Congregationis Hispaniarum eorundem PP. Discalceatorum, in hanc deuenerunt concordiam his verbis descriptam in Bulla Pauli v. *Adea per qua* anno 1617. die 24. Aprilis qua prædicta concordia ab hoc Pontifice approbatur, & confirmatur. Ideo prædicti Patres Reuerendiss. P. Magister Generalis, & Reuerendiss. P. Præpositus Generalis, & Procurator Generalis Hispaniæ sub vna Beatissimæ Virginis tutela militantes, vt charitas mutua sine vllius offensione ioueat; sponte &c. & omni &c. nominibus prædictis conueniunt, & paciscuntur hoc proposito medio, videlicet, vt vbi Fratres Carmelitani erectam iam habeant Confraternitatem possint Discalceati sanctum Scapulare petentibus concedere, sodalesque ita admittere, vt eo ipso Confraternitati Patrum Carmelitarum adscripti censeantur, & sint, & eadem indulgentias, priuilegia, facultates, aliaque spirituales gratias, & indulta consequantur modo quo supra. Item quoad processiones tam præcipuam mensis Iulij ad Sanctissimæ Virginis Commemorationem solemnem fieri solitam, quam alias, quæ in aliqua Dominica singulorum mensium fiunt, quibus assistentibus Confratribus, & Confororibus plenaria Indulgentia per SS. D. N. Paulum Papam v. sub die 3. Augusti 1609. in perpetuum concessa est, & postea ab eodem sub die 19. Iulij 1614. ad omnes in posterum erigendas in quauis mundi parte Confraternitates extensa, ita pariter conueniunt, & paciscuntur, vt vbi Confraternitas in domibus Patrum Discalceatorum fuerit erecta, nolintque ipsi dictam processionem, seu processiones facere, possint PP. Carmelitani eam, vel eas celebrare, illique vel illis assistentes Confratres lucrentur Indulgentiam, ac si in eorū domo esset Confraternitas; & è conuerso si in domibus PP. Carmelitarum fuerit erecta Confraternitas, nolintque ipsi processionem celebrare, possint PP. Discalceati eam facere, Confratresq. assistentes consequantur Indulgentiam prædictam, quia sic inter eos actum &c. Hæc ibi. Habetur hæc Bulla in lib. cui titulus est *Priuilegia Ordinis Fratrum Carmelitarum Discalceatorum à* pag. 126.

50 Statuta etiam sunt hæc pro institutione prædictarum Confraternitatum in nostris Constitutionibus p. 4. cap. 28. num. 3. Et ne,

ne, quod in fauorem nostræ Religionis à Summis Pontificibus concessum fuit aliquando in illius detrimentum vergat Reuerendiis. Pater in posterum Confraternitatem nostram in exteris Ecclesijs præsertim aliorum Regularium non instituat, nisi sub hac expressa conditione, quod si temporis successu nostra Religio domum in eodem loco fundauerit, institutio Confraternitatis in aliena Ecclesia facta eo ipso penitus expiret, nulliusque reddatur valoris, & momenti, & valeat P. Generalis nouam erectionem in nostra Ecclesia seruatis seruandis facere: & nisi etiam sub iuramento promittant tum Superiores exterarum Ecclesiarum in quibus instituenda fuerit Confraternitas, tum Confratres, quod nec directè, nec indirectè, nec per se, nec per alios vllò vnquam tempore impediunt, quominus possimus nos, si se obtulerit occasio, nouum ibi Monasterium acquirere, imò expressè protestentur se ad id quatenus opus fuerit, ex nunc pro tunc suum præbere consensum. Hæc ibi.

51 Grauißima Rosarij B. Virginis Mariæ Confraternitas, quam clarissima Dominicanorum Patrum familia habet, iuxta Nauarrum in *Miscellaneis de Psalterio, & Rosario Virginis Matris Miscellaneo* 4. cæpit anno 1476. à quodam egregio Doctore Prouinciali eiusdem Ordinis nomine Iacobo Spenger, qui simul vocatur Prior Monasterij Prædicatorum Colonia, quibusdam Statutis super ingressu, & obligatione Confratrum adiectis, quam Alexander Legatus ad instantiam Imperatoris Friderici III. & eius vxoris Augustæ confirmauit, & indulgentias auxit. Hæc autem indulgentiæ, prout constat ex Bulla Leonis X. inferius referendæ, sunt, Confratribus, seu Confororibus in singulis quinque B. Virginis Mariæ festiuitatibus, scilicet Annuntiatione, Visitatione, Assumptione, Natiuitate, & Purificatione, centum dies Indulgentiæ, & quoties Rosarium per se, vel per alium legerent, vel legi facerent, seu Sabbatis, & festiuis diebus decantationi *Salue Regina* quod in dicta Ecclesia cantabatur, interessent, 40. dies.

52 Deinde Sixtus IV. in Bulla *Ea qua ex fidelium*, anno 1479. in 1. tom. Bullar. inter Bullas eiusdem Sixti num. 18. ad instantiam Ducis, & Ducissæ Britanniæ approbauit antiquum vsum, orandi qui dicitur Psalterium, seu Rosarium B. Virginis, quo scilicet toties Angelica Salutatio *Aue Maria* dicitur, quot sunt Psalmi in Psalterio David scilicet 150. singulis decem Salutationibus orationem Dominicam semel præponendo, concedens insuper pro qualibet quinquagena prædicti Psalterij quinque annos, & totidem quadragenas Indulgentiæ. Constat

etiam ex Leone x. in Bulla *Pastoris aeterni* anno 1520. edita in *Appendic. ad Bullarium num. 2. inter Bullas Leonis* eundem *Sixt. iv.* voluisse, & ordinasse quod omnes, & singuli Confratres vtriusque sexus Confraternitatem prædictam seruantes tam in dicta Ciuitate Colonienſi, quam vbicumque locorum verè pœnitentes, & confessi, qui orationē Dominicam, & Salutationem Angelicam prædictam modo præmiſſo dicerent in singulis Natiuitatis, Annunciationis, Assumptionis eiſdem B. V. Mariæ festiuitatibus Indulgentiam septem annorum, & totidem quadragenarum consequerentur.

53 Successiue Innocentius viii. cum anno 1483. vel 1484. Bartholomæus de Comatijs Generalis eorundem Patrum Dominicanorum Capitulum Generale Romæ celebraret, vt constat ex prædicta Bulla Leonis x. Bartholomæo Generali viuz vocis oraculo, omnibus qui tunc erant, & in futurum essent de dicta Confraternitate, & per hebdomadā dicerent Psalterium B. Mariæ Virginis huiusmodi plenariam omnium peccatorum suorum remissionem, semel in vita, & semel in mortis articulo, ac etiam receptis per litteras ad beneficia dicti Ordinis, non autem quæstu, sed deuotionis causa, concessit, de qua concessione per litteras testimoniales ipsius Bartholomæi sui secreti sigilli seu signati vsualis impresione munitas constat.

54 Insuper, vt etiam ex eiſdem Leonis Bulla constat *Raymundus tit. S. Maria noua Presbyter Cardinalis tunc per Germaniam dictæ Sedis Legatus, eiſdem Confratribus, & Conſororibus, pro quolibet Rosario centum dies Indulgentiarum perpetuò, & similiter plures, ac diuersi locorum Ordinarij singuli Indulgentiam 40. dierum concesserunt, prout etiam in Raymundi Cardinalis Legati, necnon Alexandri Episcopi, & Nuncij, & Ordinariorum huiusmodi singulis desuper confectis litteris dicitur plenius contineri.*

55 Post quæ idē Leo x. in Bulla relata Confraternitatē, ritum, seu modum orandi, & prædictas Indulgentias per Sixtum, Innocentium, Legatum, & Ordinarios prædictos concessas approbauit, aliasque Indulgentias, & priuilegia his verbis concessit. De omnipotentis Dei misericordia, ac Beatorum Petri, & Pauli Apostolorum eius auctoritate confisi, Ioanni Duci, Mariæ Ducissæ, Sibillæ Marchionissæ, Ioanni Præposito, Priori, ac Fratribus Prædicatoribus, & eorum singulis, ac vniuersis, alijsq. vtriusque sexus Christi fidelibus dictæ Confraternitatis Confratribus, & Conſororibus, vbilibet existentibus, tam præsentibus, quam futuris, vere pœnitentibus, & confessis, seu confitendi propositum habentibus, qui ter in hebdomada dictum Rosarium deuotè

denotè orauerint, vt præfertur pro qualibet vice alios decem annos, & totidem quadragenas de iniunctis eis pœnitentijs misericorditer in Domino relaxamus. Ac quod omnes prædicti eorum singuli in Pascha Resurrectionis, & festiuitatibus prædictis, ac tribus diebus singulis festiuitatum earumdem præcedentibus, cuicumque Presbytero domus Ordinis Prædicatorum Fratrum professorum per eorum singulos pro tempore eligendos peccata sua confiteri valeant, ipseque Presbyter eorum confessionibus diligenter auditis, ipsos, & eorum singulos ab omnibus, & singulis excommunicationibus, alijsque Ecclesiasticis sententijs, censuris, & pœnis à iure, vel ab homine, quauis occasione, vel causa latis, & promulgatis, necnon sacrilegijs, incestibus, adulterijs, pœnitentiarum iniunctarum, & diuinorum officiorum, & ieiuniorum omissionibus, alijsque eorum peccatis, criminibus, excessibus, delictis, quantumcumque grauib, & enormibus, in singulis etiam Sedi Apostolicæ reseruatis casibus (contentis in Bulla singulis annis die Cœnæ Domini legi consuetæ, dumtaxat exceptis) absoluerè, & eis pro commissis pœnitentiam salutarem iniungere, ac iuramenta quæcumque sine alicuius præiudicio relaxare, & vota quæcumque (vltra marina, visitationis-liminum Beatorum Petri, & Pauli, prælatorum, ac S. Iacobi in Compostella, necnon Religionis, & castitatis votis dumtaxat exceptis) in alia pietatis opera commutare liberè possit, Ordinarij, & Archidiaconi loci, ac Rectorum parochialium, & cuiusuis alterius licentia desuper minimè requisita. Qualiter autem hæc priuilegia absoluendi Confratres moderata, vel ablata iam sint vide dicta supra nu. 37.

46 Ordinauit insuper, ac statuit, pro receptione, & conscriptione aliquorum Confratrum, siue Confororum in dicta Confraternitate, nihil omnino temporale exigi debere, sed sponte oblata dumtaxat recipi posse. Vide dicta supra nu. 30.

57 Refert etiam idem Pontifex prædictam Confraternitatem iam olim prout in historijs legitur à S. Dominico institutam fuisse, & in diuersis mundi partibus prædicatam sequentibus signis. Quod etiam corroborant, quæ de hac historia referunt Dominicani Patres, specialiter Abrahamus Bzouius tom. 13. *Annal. circa ann. 1213. num. 9. & sequentibus*, vbi de quadam victoria meritis B. Virginis Dei Matris accepta, alijsque miraculis Rosarij institutum comprobantibus, ex varijs auctoribus agit.

58 Postea Clemens vi r. in Bulla *Et si temporalium*, anno 1534. edita, in tom. 1. Bullar. inter Bullas huius Pontificis num. 40. dictam Confraternitatem, Indulgentias, et priuilegia illi à Prædecessoribus

cessoribus concessa approbavit, et confirmavit. Declaravit etiam satis esse Rosarium in hebdomada cursu recitari, et quia Leo x. concesserat visitantibus quinque Altaria cuiuscumque Ecclesiæ, vel vnum, aut duo quinquies si quinque defuissent, Indulgentias Stationum Almæ Urbis, idem approbavit, et confirmavit. Item auxit Indulgentias concessas à Sixto iv. recitantibus Rosarium B. Virginis. Animadvertit autem Laetius Cherubinus Collector Bullarum in hac Bulla Clem. vii. eam approbatam fuisse à Paulo iii. et Julio iii.

59 Item sub anno 1569. Pius v. duas edidit Bullas, seu Constitutiones circa huiusmodi Confraternitatem. Priorem 28. Iunii, et posteriorem die 17. Septembris, quæ habetur in 2. tom. Bullar. inter Bullas huius Pontificis num. 86. In priori decernit solum Priorem Generalem, aut ab eo deputatos, & Ambrosium Saluum Prouincialem Prouinciæ Neapolitanæ posse Confraternitatem prædictam in quibuscumque Ecclesijs erigere, nullum Confratrem pro ingressu in Confratriam aliquid soluturum, posse Confratres ad quascumque processiones accedere, & in quibus corpora Defunctorum ad sepeliendum deferuntur, cum eorum insignijs, cuiusvis etiam Superioris licentia minime requisita, prohibens ne dictis Generali, seu deputandis, & Ambrosio prædicto, aut ipsis Confratribus in præmissis aliquid molestiæ inferatur, ac illis concedens Indulgentias à prædecessoribus, præsertim Leone x. concessas. In posteriori autem prædictum Psalterium, seu Rosarium B. Virginis omniaque indulta Indulgentias, & priuilegia per quoscumque Summos Pontifices, seu Legatos concessa confirmavit, & approbavit, facultatem percipiendi legata concessit, ac sequentes Indulgentias concessit his verbis. Et insuper quo quisque ad se numero Confratrum præfatorum aggregandum, promptior, & alacrior fiat. De omnipotentis Dei misericordia, ac Beatorum Petri, & Pauli Apostolorum eius auctoritate consili, omnibus, & singulis Confratribus prædictis per deputatos prædictos descriptis, verè pœnitentibus, & confessis qui prima vice qua descripti fuerint, Sanctissimum Eucharistiæ Sacramentum in aliqua Ecclesia, aut Capella dictæ Confraternitatis perceperint, & vnam saltem quinquagenam Rosarii recitauerint, & pro tranquillitate Sanctæ Matris Ecclesiæ orauerint, necnon qui in mortis articulo constituti salutaris pœnitentiæ, & viatici Sacramento muniti fuerint plenariam omnium, & singulorum peccatorum suorum Indulgentiam, & remissionem misericorditer in Domino concedimus, & elargimur. Qui verò in Resurrectionis Domini Nostri Iesu Christi

Christi, Annunciationis, & Assumptionis Beatæ Mariæ præfatum Eucharistiæ Sacramentum sumpserint, & partem Rosarij, vt præfertur, recitauerint, decem annos, & totidem quadragenas. Eisdem autem Confratribus qui in reliquis Domini Nostri IESV Christi, & Beatæ Mariæ Virginis præfatorum festis diebus in quibus Sacra ipsius Rosarij mysteria recensentur, vnâ saltem Rosarij quinquagenam recitauerint, necnon alijs omnibus, & singulis vtriusque sexus Christi fidelibus, etiam non Confratribus qui in eiusdem Rosarij Processione, quæ mense quolibet fieri consuevit deuotè interfuerint, & pariter Confratribus præfatis qui ipsum Rosarium integrum qualibet hebdomada deuotè recitauerint, septem annos, & totidem quadragenas de iniunctis sibi prænitentijs, etiam misericorditer in Domino relaxamus. Hæc ibi.

60 Præterea Sixtus v. in Bulla *Dum ineffabilia* anno 1586. edita quæ est in 2. to. Bullarij inter Bullas Sixti nu. 21. confirmauit, & approbavit Indulgentias, priuilegia, & indulta dictæ Confraternitati à suis Prædecessoribus concessa, & pro potiori cautela ea de nouo concessit, & innouauit. Facultatem item concessit Fratribus dicti Ordinis Prædicatorum per Magistrum, & Vicarium Generales pro tempore deputandis instituendi prædictas Confraternitates Rosarij eisque erectis omnes gratias, & indulta elargiendi. Insuper sequentes eisdem Confratribus Indulgentias concessit, ijs verbis. De omnipotentis Dei misericordia, ac Beatorum Petri, & Pauli Apostolorum eius auctoritate confisi, omnibus, & singulis vtriusque sexus Confratribus singularum Confraternitatum Rosarij huiusmodi, tam hætenus erectarum, quam in posterum erigendarum, vt præfertur, vbicumque, nunc, & pro tempore existentibus, & in dictis Confraternitatibus pro tempore descriptis, & describendis, itinerantibus, vel nauigantibus, ac seruientibus, totum Rosarium, infirmis verò, aut alias legitime impeditis, tertiam eius partem deuotè recitantibus, necnon temporibus debitis, & ab Ecclesia statutis, consistendi, & communicandi firmum propositum habentibus, qui Capellam Beatæ Mariæ Rosarij in Ecclesia ipsius Beatæ Mariæ supra Mineruam de Vrbe eiusdem Ordinis Prædicatorum institutam, vel alias Ecclesias, seu Capellas vbicumque dicta Confraternitas canonicè fundata fuerit ijs diebus quibus festa mysteriorum eiusdem Rosarij celebrantur visitare, & processioni, quæ primâ Dominicâ cuiuslibet mensis fieri solet, interesse non poterint, plenariam omnium peccatorum suorum Indulgentiam, & remissionem auctoritate, & tenore prædictis, conce-

concedimus, & elargimur: Illisque omnes, & singulas Indulgentias, & peccatorum remissiones etiam plenarias alijs Confratribus, & Sororibus, Capellas, seu Ecclesias Rosarii huiusmodi dictis diebus visitantibus, ac dicta Processioni interessentibus, specialiter, vel generaliter concessas, & in futurum concedendas, in omnibus, et per omnia, parinde, ac si dictas Capellas, seu Ecclesias dictis diebus personaliter visitarent, et processionibus huiusmodi interessent auctoritate, et tenore prædictis communicamus, ac communicatas esse specialiter, vel generaliter decernimus, et declaramus. Hæc ibi.

61 Circa prædicta notandum primò S. Congregationem Episcoporum declarasse 13. Maij 1603. facultates concessas PP. Dominicanis pro Societate Rosarii locum non habere in Societatibus eiusdem extra eorum Ecclesias. Gauantus in *Man. Episcoporum. verb. Confraternitates num. 8.* Notandum 2. Ioannem XXI II. concessisse Fratribus Ordinis Prædicatorum, quod Confratres ipsorum possent sepelire tempore interdicti in Ecclesia, vel Cæmeterio eorundem Fratrum nisi fuerint excommunicati publicè, vel nominatim, ibique diuina celebrare, seu audire. Ita Casarubius in *Compend. priuileg. Mendicant. verb. Interdictum 3. num. 5.* iungens, quod cum prædicti Prædicatores hac gratia frui vellent, re discussa in insigni vniuersitate Salmatina declaratum fuit solum debere ista concessione vt iuxta cap. *Vt priuilegia de priuilegijs, & excessibus*, eos Confratres, qui adhuc manentes in sæculo eorum Ordini sunt oblati, mutato habitu sæculari, et qui bona sua dederunt inter viuos, retento sibi usufructu, sic enim deciditur in dicto cap. *Vt priuilegia*. Verumtamen cum concessio Ioannis XXI II. posterior fuerit hac decisione iuris communis non video cur iuxta illam debeat intelligi. Dubium tamen mihi ingerit an hi Confratres Fratrum Prædicatorum sint iidem, ac Confratres Rosarii. Hoc tamen scire spectat ad prædictos Patres. Tertiò notandum, quod quauis Paulus v. omnes, et singulas Indulgentias tam Confraternitati Rosarii, quam alijs Confraternitatibus à suis prædecessoribus concessas reuocauerit, nouas indulgentias, et priuilegia concedens, postea tamen ad instantiam Ordinis Prædicatorum dictam reuocationem ad terminos iuris reduxit, concedens, et indulgens, vt Rosarii confraternitas vti posset, et gaudere Indulgentijs alijs eidem à Summis Pontificibus concessis, prout antea utebantur, et non alias. Hoc patet ex Bulla eiusdem Paul. v. *Cum olim* anno 1608. edita.

62 Circa processionem autem huius Cōfraternitatis notandū quod

quod licet, iuxta dicta tom. 1. cap. 12. num. 41. à S. Congregatione declaratum sit non licere Regularibus facere processiones sui Ordinis extra Ecclesias suas, & ambitum illius, circa processionem tamen Rosarij, refert Festus in *Constit. sui Ordinis* p. 1. c. 23. declarasse S. Congregationem posse dictam processionem fieri per totam Cinitatem si ita habeat consuetudo à 10. retro annis seruata, in quatuor festiuitatibus B: V. Mariæ, nimirum, Natiuitatis, Annunciationis, Purificationis, & Assumptionis.

63 Circa Confraternitatem chordæ Seraphici Patris S. Francisci constat ex Sixto v. in Bulla *Diuinæ charitatis altitudo* anno 1587. edita quæ habetur apud Rodrig. tom. 1. *quæst. Regular.* q. 58. ar. 1. & in Bullario eiusdem Auctoris to. 2. Bulla 8. in Sixto V. eam institutam fuisse ab eodem Sixto v. in Ecclesia S. Francisci Assisientis, in qua sub Altari maiori corpus eiusdem S. Francisci requiescit, concessisseque facultatem Clementi Bontadesio Generali Minorum prædictam Confraternitatem instituendi in quibuscumque Ecclesijs eorumdem Minorum tam Conuentualium, quam de obseruantia, & Capuccinorum cum varijs Indulgentijs, & peccatorum remissionibus. Sequentes autem exprimit idem Pontifex in dicta Bulla ijs verbis: *Necnon de omnipotentis Dei misericordias ac Beatorum Petri, & Pauli Apostolorum eius auctoritate confisi utriusque sexus Confratribus Chordigerorum huiusmodi præter Indulgentias Religioni præfata concessas in mortis articulo, necnon quoties processionibus Archiconfraternitatis Chordigerorum huiusmodi singulis mensibus fieri solitis interfuerint ipsædem quidem Confratribus plenariam omnium peccatorum suorum Indulgentiam, & remissionem perpetuò concesserimus.* Bulla autem eiusdem Sixti, qua prædictam Confraternitatem crexit habetur in 2. tom. Bullar. inter Bullas Sixti num. 13. ubi etiam varias Indulgentias eidem Confraternitati concedit præsertim eas, quæ Archiconfraternitati Confalonis concessæ erant, nec reuocatæ.

64 Declarat autem idem Pontifex chordam debere esse cinctam, & susceptam à Superioribus Ordinis. Deinde vult esse benedictam ab eisdem Superioribus, Guardianos etiam atque Præsidentes intelligendo. Requiritur etiam vt ipsi Confratres in Confratriam ingrediantur, & in libris ipsius scribantur. Rodriguez, vt supra to. 1. *quæst. Regul.* q. 58. ar. 1. Flavius Cherubinus in *Comp. Bullar. in Sixto V.* num. 13. scbolio 2.

65 Circa Confraternitatem Confratriæ Corrigiatorum S. Augustini, notandum quod Eugenius 1v. Romæ anno Domini millesimo quadringentesimo trigesimo, confirmauit licentiam

Xx

datam

datam à Fratre Gerardo de Ariminio Generali Ordinis Eremitarum Diui Augustini Fratri Cesario de Roma eiusdem Ordinis Professori, vt Corrigiatorum posset instituere Confratrias. Postea auctoritate Greg. xiiii. Prior Generalis Ordinis Fratrum Eremitarum D. Augustini Confraternitatem vtriusq. sexus fidelium Cincturatorum, & Cincturatarum S. Augustini, & S. Monicæ nuncupatam in Ecclesia S. Iacobi Ciuitatis Bononiensis fundatam auctoritate Eugenij. iij. vniuit simili Confraternitati sub inuocatione B. Mariæ Virg. de Consolatione nuncupatæ, in eadem Ecclesia canonicè insitutæ. Quam vnionem, & incorporationem Greg. xiiii. Romæ apud Diuum Petrum sub annulo Piscatoris die 10. Iunij anno Incarnationis Dominicæ 1575. Pontificatus sui Anno 4. motu proprio, & ex certa scientia confirmauit, & idem Greg. xiiii. in quadam Bulla data Romæ apud D. Petrum sub annulo Piscatoris die 12. Nouemb. anno Domini 1578. Pontificatus sui anno 8. præcepit in virtute sanctæ Obedientiæ omnibus ad quos spectat, ne dictæ Confraternitates sic vt præfertur pro tempore aggregatæ, ad quidquam soluendum dictæ Confraternitati S. Iacobi ratione aggregationis huiusmodi soluere teneantur. Hæc ad litteram Rodrig. tom. i. q. 58. ar. 2.

66 Postea verò Gregorius Petrechinus Cardinalis auctoritate Apostolica sibi concessa, rescriptum in forma Breuis edidit. Quo in omnibus Ecclesijs Domorum, & Conuentuum Fratrum Ordinis Eremitarum S. Augustini in Prouincia Castellæ iam erectis, seu de cætero erigendis, ac earum singulis vnā Confraternitatem vtriusque sexus Christi fidelium Corrigiatorum, seu Cinctuatorum D. Augustini, eiusque D. Matris Monicæ in Capella, seu Altari à Priori, & Conuentu specialiter ibi eligendo de nouo perpetuo, & ad perpetuam rei memoriam gratis, vbiq. & alias seruata forma dictarum litterarum Papæ Greg. xiiii. erexit, & instituit, & fundauit, ac erectam, fundatam, & institutam censerit, & omnino esse voluit, illasque, & earum singulas sic vt præfertur erectas, & fundatas Archiconfraternitati B. Mariæ Virg. de Consolatione Corrigiatorum, seu Cinctuatorum S. Augustini, & eius Matris S. Monicæ, in Ecclesia Domus, seu Conuentus Fratrum S. Iacobi dicti Ordinis Bononiensis, vt præfertur, institutæ specialiter, & expresse etiam gratis, & perpetuo aggregauit, vniuit, & incorporauit. Ac singularum Confraternitatum sub dicta inuocatione erectarum huiusmodi vtriusque sexus Confratribus, & eorū quibuslibet omnia, & singula priuilegia, concessionēs, & indulta tam spiritualia, quam temporalia, ac etiam peccatorum remissiones, & Indulgentias etiam plenarias, & perpetuas, vel qual-

quascumque alias qualitercumque , & quomodolibet qualifica-
tas, & nuncupatas per quoscumque Summos Pontifices litteris
Apostolicis varijs temporibus singulis Archiconfraternitatis
prædictæ Confratribus quomodolibet , & ex quavis causa con-
cessas, & elargitas perpetuò etiam communicauit, & ad singulas
ex nunc dicta auctoritate Apostolica extendit, & ampliauit, illis-
que omnibus , & singulis eorum quemlibet gaudere debere, &
de illis alijsque spiritualibus suffragijs, operibus meritorijs dictæ
Archiconfraternitati, & illius vtriusq. lexus Confratribus con-
cessis, & per eos, aliosq. totius Ordinis Eremitarû D. Augustini
Fratres vbilibet pro tempore quomodolibet participes fecit, &
participare debere dictâ auctoritate Apostolica declarauit. Hæc
etiam idem Rodrig. dicto ar. 2.

67 Postea etiam Greg. xiv. in Bulla quæ incipit *Cum sicut acce-*
pinus declarauit posse Confratres vtriusque lexus Corrugiato-
rum D. Augustini vti, frui, et gaudere indulgentijs, et gratijs spi-
ritualibus Ordini eiusdem S. Augustini concessis, omniumque
bonorum, quæ sunt in dicto Ordine participes esse, dummodo
inter alia tenerentur quotidie recitare tredecim *Pater noster*, et
totidem *Aue Maria*, et vnum *Salve Regina* pro salute Romani
Pontificis, ac felici statu S. Matris Ecclesiæ, vel nescientes dicere
ipsum *Salve Regina* loco ipsius quinque *Aue Maria*. Ampliorem
quoque gratiam quarundam Indulgentiarum in alia Bulla
concessit idem Pontifex eidem Confraternitati, prout refert
Rodriguez *ut supra ar. 2.* Omnium tandem gratiarum, et priui-
legiorum huius Confraternitatis approbatio, et confirmatio ha-
betur ex Greg. xv. in Bulla *Iniuncti nobis* in Bullar. Eremitar.
S. Augustini Laurentij Empoli in eodem Greg. num 2.



SUMMARIVM CAP. XVI.

- Familiares, seu Seruatores Regularium qui dicantur num. 1.*
Quid ad illos requiratur . ibid.
Non sunt persona Regulares. nu. 2.
An sint persone Ecclesiastica. ibid.
Varia priuilegia eisdem à Summis Pontificibus sunt concessa num. 3.
Quid concesserit Alexand. IV. Seruatoribus Hospitalis S. Ioannis. num. 4.
Quid idem Alexander pro Seruatoribus Fratrum Minorum . num. 5.
Quid Urbanus IV. pro familiaribus Carmelitarum . num. 6.
Quid Clem. IV. pro Seruatoribus Minorum. num. 7.
Quid Martinus V. pro Familiaribus Monachorum S. Benedicti . num. 8.
Quæ Sixtus IV. pro Carmelitarum Seruatoribus. num. 9.
Quid Iulius II. pro Minimorum Famulis. num. 10.
Quid Leo X. pro eisdem . num. 11.
Specialiter pro tempore interdicti ab Alex. IV. Clem. IV. Six. IV. num. 12.
Innocentij VI. concessio pro Familiaribus Carthusiensium. ibid.
Urbani V. pro eisdem. ibid.
Concessio pro Familiaribus Fratrum Predicatorum . ibid.
Qualiter ea moderata sint à Leone X. in Conc. Lateran. nu. 13.
A Concil. Trid. sess. 24. cap. 11. num. 14.
Quomodo ea intelligenda. ibid.
Quæ ex dictis priuilegijs modo subsistant. num. 15.
Possunt Familiares dictas conditiones habentes à Regularibus recipere Sacramenta. ibid.
Ut recipiant Sacramentum penitentia necessaria est in Confessario approbatio Ordinarij. num. 16.
An oppositum sit probabile. ibid.
An Confessarij possint eos absoluerè à casibus Ordinario reseruat. num. 17.
Quid de Sacramento Matrimonij. nu. 18.
Quid de Sacra Eucharistia tempore Paschatis. num. 19.
Quid de Sacramento extreme unctionis. num. 20.
An pro administratione Sacramentorum Eucharistia, & extrema unctionis Familiaribus requiratur Episcopi approbatio. num. 21.
An sepultura possit illis concedi. num. 22.

An possint excommunicari, aut interdicti ab Episcopo, quando, & quomodo. num. 13.

Quibus priuilegijs frui possint presertim in mortis articulo. num. 24.

Quid de Indulgentijs dicendum num. 25.

An possint in illegitimitate dispensari. num. 26.

Quid possint facere tempore interdicti. num. 27.

An ea veniant intelligenda etiam de Seruitricibus Monialium. num. 28.

Impedianturne ista per Bullam Cruciatam in locis ubi publicatur. num. 29.

Secuso omni priuilegio an possint Missas inseruire tempore interdicti. num. 30.

Qui assumpti sunt in fraudem legis ut potiantur dictis priuilegijs, non potiantur illis. num. 31.

Nec etiam qui seruiunt particularibus Religiosis non designatis à Prelatis. num. 32.

An gaudeant familiares Regularium facultate habendi Conseruatores. num. 33.

Non possunt Familiæ Fratrum uti suis priuilegijs contra ipsos Fratres. nu. 34.

Secus esset si talia priuilegia essent illis æquè principaliter concessa. ibid.

Quid si Fratres perdididerint talia priuilegia. num. 35.



De Familiaribus, seu Seruatoribus Regularium
personarum, eorumque priuilegijs.

Cap. XVI.



FAMILIARES, seu Seruatores Regularium in presenti appellantur illi qui ipsis inserviunt, et cum illis cohabitant, ita vt sint ipsorum quasi commensales. Ita enim colligitur *ex cap. ult. de verb. significat. in 6. Rota Roman. diuers. par. 2. decis. 303. num. 2. Suarez 4. tom. de Relig. tract. 10. lib. 9. c. 4. n. 14. Barbosa de offic. & potest. Episcopi alleg. 5. num. 2.* Non tamen videtur simpliciter necessarium, vt aliquis familiaris censeatur, quod propter stipendium, vel mercedem inserviat. Nam si aliquis gratis seruire velit Monasterio familiaris vtique erit. Felinus *cap. in litteris, Suarez vt supra.* Requiritur tamen videtur ad familiaris rationem in presenti, quod continuò, vel quasi continuò in Regularium domibus cohabitaret. Quia alias non vocabitur de familia, ac per consequens nec familiaris. Prout in simili de familiari Episcopi loquuntur Bonacina *de Sacrament. disp. 8. q. unica punct. 4. num. 18.* Barbota *vt supra num. 6.* Sed agrotus, & qui pro aliquo tempore ad propria negotia, vel Monasterij pertractanda absens est familiaris nomen non perdit. Glossa *in cap. ult. de verbor. significat. in 6. & Suarez vt supra.*

2 Constat huiusmodi familiares Regularium personas Regulares non esse, cum vota solemnia, vt supponimus non emittant. An autem Ecclesiasticæ personæ dicendæ sint, dubium esse potest, cum pertineant ad personæ Ecclesiasticas, et sint quasi bona ipsarum. Nihilominus esto quod secundum quid Ecclesiastici iuris dici possint, propter rationem allatam, absolutè tamen, et simpliciter dicendi sunt sæculares, seu laici, quemadmodum etiam familiares Episcoporum, qui alias clerici non sunt, vt supponitur in declaratione S. Congreg. Episcop. et Regul. apud Barbosam *in Collect. Bullar. verb. familia*, in qua dicitur, familiares Episcopi etiam laicos fori priuilegio gaudere, quo supponitur Episcoporum familiares, si alias clerici non fuerint, pro laicis personis haberi.

Nihilo-

3 Nihilominus varia, ac plurima eisdem seruitoribus, seu familiaribus Regularium, seu potius ipsis Regularibus in ordine ad prædictos Summi Pontifices concessere priuilegia, quæ placuit primum referre, vt postmodum, quænam ex illis, aut quomodo reuocata sint, dici possit. Alexand. ergo iv. Generali, Prouincialibus, Prioribus, et Fratribus Carmelitis concessit facultatem eis ministrandi Ecclesiastica Sacramenta, ac tradendi eos Ecclesiasticæ sepulturæ sine alieni iuris præiudicio. Habetur Bulla in Mari magno Ordinis num. 18. et illius meminit Casarubius in *Compend. priuileg. Mendicant. verbo familiares, seu famuli Fratrum num. 2.* Rodriguez tom. 2. *quest. Regular. q. 67. art. 1.*

4 Idem Alexand. iv. confirmauit litteras Honorij, et Innocentij Prædecessorum, quibus auctoritate Apostolica interdixerunt vt nemini liceret sine speciali mandato Romani Pontificis seruientes Fratribus Hospitalis S. Ioannis siue Clericos, siue laicos, donec in seruitio domus fuerint, excommunicationi, vel interdicto subijcere, et si qua sententia in præfatos aliter lata fuerit, eam irritam esse, et inanem censuit. Casarubius in *Comp. priuileg. Mendic. verb. familiares num. 10.*

5 Idem etiam Alexander concessit quod si quando in personas, vel terras, vbi residere Fratres Minores excommunicationis, seu interdicti sententias contigerit promulgari, pueri Fratrum seruitijs deputati, negotiorumque suorum gestores, seu Procuratores, et operarij qui in locis Fratrum huiusmodi operibus eorum personaliter constituti insisterint, prædictis sententijs excommunicationis, vel interdicti obnoxij nullatenus habeantur, ibique possint audire diuina iuxta formam quæ a Sede Apostolica est concessa eo casu, scilicet tempore interdicti, nisi prædictæ personæ causam dederint, vel excommunicari, seu interdicti contingat. Casarubius in *Comp. priuileg. Mendic. verb. interdictum 3. num. 1.*

6 Similiter Urb. iv. concessit Presbyteris Ordinis nostri, vt familiarium nostrorum audire possent confessiones de suorum licentia Prælatorum, et eis pro commissis pœnitentiam salutarem iniungere, nisi sorte talia commississent propter quæ Sedes Apostolica esset merito consulenda. Habetur Bulla in eodem Mari magno Ordinis num. 19. Illius etiam meminit idem Casarubius in *Comp. priuileg. Mendic. verbo absolutio quoad sæculares 1. num 19.*

7 Item Clemens iv. concessit Fratribus Minoribus, vt his qui in eorum morantur obsequijs cuncta libere ministrare possent Sacra-

enim Concilium particulis & , & quæ , quæ coniunctionem , significant. Peirinis *to. 1. priuil. Minim. in Const. I. Iulij II. §. 15.* Secundò, verba illa, subque *eorum obedientia* , &c. non intelligi de obedientia religiosa , sed de obedientia seruili qualem habent serui respectu Dominorum suorum. Alias prædicti familiares non seculares, sed Fratres essent, constat autem ex sequentibus verbis Concilium distinguere illos ab eis qui veram professionem fecerint. Suarez *4. tom. de Relig. tract. 10. lib. 9. cap. 4. nu. 11.* Tertiò, probabile esse Concilium non loqui de quibuscumque priuilegijs , sed de illis tantum quæ *perturbationem in Episcoporum iurisdictione excitare* , & *exemptis occasionem laxioris vite præbere cognoscuntur* , vt idem Concilium in principio illius capituli dicit. Quare illa priuilegia familiarium Regularium quæ nihil horum parturire possint, qualia erunt Indulgentiæ , & similes remissiones peccatorum non videntur modificatæ à Concilio, sed derelicta in sua vi iuxta tenorem ipsorum. Rodrig. *tom. 1. quæst. Regul. q. 55. ar. 21.*

15 Ex his ergo colligi potest quibus priuilegijs gaudeant , aut gaudere possint huiusmodi familiares , seu seruitores Regularium habentium dicta priuilegia , vel communicationem cum illis in priuilegijs . Primò enim familiares , seu seruitores prædicti qui iuxta moderationem Leonis x. *num. 13.* allatam actualiter prædictis Regularibus inferuiunt , & qui iuxta moderationem etiam Concilij Tridentini *num. 14.* adductam actu illis seruiunt, & intra eorum septa, ac domos resident , subque eorum obedientia viuunt possunt à prædictis Regularibus Sacramenta recipere. Sic enim concesserunt Alexand. iv. Carmelitæ , vt visum est *num. 3.* Clemens iv. Minoribus , vt supra *num. 7.* est dictum, Sixtus iv. Carmelitæ , vt ex *num. 9.* constat, Martinus v. Benedictinis *nu. 8.* & Leo x. Minimis *num. 11.* Est etiam id conforme iuri communi in Clementina *Religiosi de priuilegijs* , & *excessibus priuilegiator. cap. 1.* vbi cum interdictum fuisset Religiosis Sacramenta fidelibus ministrare sine licentia Parochi subditur *§. fin. Sane Religiosis illis quibus est ab Apostolica Sede concessum, vt familiaribus suis domesticis , aut pauperibus in hospitalibus suis degentibus Sacramenta possint Ecclesiastica ministrare , nullum ex præmissis volumus quoad hoc præiudicium generari.* Rodriguez *tom. 2. quæst. Regular. q. 67. art. 1.* Peirinis *tom. 1. priuil. Minim. in Const. Iulij II. §. 15. nu. 1.* Portellus in *Dub. Regul. verb. famuli num. 1.*

16 Vt autem Sacramentum pœnitentiæ familiaribus prædictis dictorum Regularium ministretur necessaria est in Confessario

gaudere possent. Casarub. in *Compend priuileg. Mendicant. verbo familiares num. 7.* & Peirinis tom. 1. *priuileg. Minim. in Iulio 11. Consl. 1.*

11 Eisdem quoq. Minimis Leo x. in Bulla *His quæ anno 1513.* edita apud Peirinis tom. 1. *priuileg. Minim. inter Constitutiones Leonis X. num. 4.* hanc amplam concessionem fecit. *Vt Fratres Ordinis Minimorum huiusmodi dictarum domorum famulorum, pro tempore in habitu seculari eis deferuentium, quoties opus fuerit, etiam Paschatis tempore, & in mortis articulo in eorum domibus, & Ecclesijs huiusmodi confessiones audire, ipsisque, & eorum cuilibet Eucharistia, & extreme unctionis Sacramenta ministrare; ac illis, & cuilibet eorum inhumationis, & sepultura beneficia, cuiusuis licentia super hoc minime requisita impendere licite valeant. Ita, quod singula persona huiusmodi, & prout dicti Fratres, priuilegijs, & indultis huiusmodi in eorum mortis articulo frui, & gaudere valeant, ac si eis expresse concessa fuissent, eisdem auctoritate, & tenore presentium extendimus, & ampliamus.*

12 Specialiter pro tempore interdicti non pauca Summi Pontifices ijs Regularium familiaribus priuilegia concesserunt. Etenim præter Alexandrum iv. num. 5. relatum, Clem. iv. nu. 7. & Sixtum iv. num. 9. Eugenius iv. concessit Monachis S. Benedicti Congregationis Hispaniæ, quod tempore interdicti generalis, vel specialis à iure vel ab homine quomodocumque lati, libere, & licite in suis Monasterijs, siue Ecclesijs, aut Capellis eorundem possent recipere ad audiendam Missam, & alia diuina officia omnes, & singulos Familiares, Officiales, & Seruitores quorumlibet Monasteriorum huiusmodi, ac eis Eucharistiam, & alia Ecclesiastica Sacramenta ministrare, eorumque corpora tumulare, seu tumulari facere, dum tamen nullus istorum dederit causam interdicto, secreto tamen modo, ianuæ clausis, & campanis non pulsatis. Item Innocentius vi. concessit Carthusiensibus, vt tempore generalis interdicti liceret eis recipere, ad diuina familiares suos, & alios sæculares infra septa Prioratum, & domorum suarum habitantes. Similiter Urbanus v. concessit præfatis Carthusiensibus, vt personas dicti Ordinis cum seruatoribus suis aliunde venientibus, & mercenarios in grangijs, & cellarijs suis residentes possent tempore interdicti recipere ad diuina, dummodo huiusmodi interdicti causam non dederint, nec id eis contingat specialiter interdicti. Casarubius in *Compend. priuileg. Mendicant. verbo interdictum 3. num. 11. 12.* & 13. Similiter Alexand. iv. vel vi. in Bulla *Vt in vestris* apud Peirinis to. 1. *priuileg. Minim. inter Constitut. Alexandri VI. num. 4.*

Y y

Fratri-

nes assignatas superius) in illegitimitate, seu natalium defectu
 proueniente etiam ex incestuoso, vel alio quouis damnato, sa-
 crilego, atque illicito coitu, ad hoc quod possent qualecumque
 beneficium regulare cum cura, & sine cura quorumcumque
 Monasteriorum, vel Prioratuum obtinere dummodo benefi-
 cium perpetuum non sit. Ex priuilegio Pauli 111. Hierony-
 mianis concessio. Rodriguez *tom. 1. quest. Regular. q. 13. art. 23.*
 Portellus in *Dub. Regular. verb. illegitimus num. 13.* Sed tamen
 cauendum est an hoc priuilegium sit solum uiuæ vocis oraculo
 concessum, quod mihi constare non potuit. Si enim tale fuerit nul-
 lius est momenti his temporibus propter dicta, sicut etiam nul-
 lius est momenti aliud Sixti 1v. Priuilegium, quod refert idem
 Rodriguez *tom. 1. q. 62. ar. 6.* quo conceditur Fratribus Minori-
 bus facultas absoluedi familiares à quibuscumque peccatis, &
 censuris &c. ac dispensandi in irregularitatibus, quia hæc con-
 cessio est uiuæ vocis oraculo facta ut habet Casarubius in *Com-
 pend. priuileg. Mendicant. verb. Absolutio extraordinaria quoad
 Fratres*, propterea enim notat illam litteram O, quæ apud ipsum
 denotat uiuæ vocis oraculum. Placet tamen quod ipse Rodrig.
 subiungit dicto *tom. 1. quest. 13. art. 24.* scilicet: quod prædicta
 dispensatio (casu quo fieri posset ex vi talis priuilegij) dari pos-
 set extra Capitulum, cum talis concessio nihil tale dicat de Ca-
 pitulo, & limitatio Greg. xiv. circa legitimationem, seu dispen-
 sationem illegitimorum in Capitulo facienda solum loquatur de
 Fratribus non de familiaribus. Vide alia apud eundem *ibid.*

27 Maximè tamen præfati familiæ Regularium conditio-
 nes sæpius assignatas habentes possunt tempore interdicti ge-
 neralis in Ecclesijs Regularium quorum sunt familiares audire
 Missam, & alia diuina Officia iuxta formam, qua ipsi Regulares
 id facere possunt, nisi interdicto causam dederint, aut ipsi essent
 specialiter excommunicati, aut interdicti. Id enim constat ex
 priuilegijs superius adductis uidelicet Alexand. 1v. pro Domi-
 nicanis, Clem. 1v. pro Minoribus, Sixti 1v. pro Carmelitis,
 Innocentij vi. & Urbani v. pro Carthusiensibus, ac Eugenij 1v.
 pro Benedictinis Hispaniæ. Qualiter autem eo tempore, aut
 quo modo liceat Regularibus diuina Officia celebrare dictum
 est *tom. 1. cap. 21. num. 19. & 20.* Eo etiam tempore possunt di-
 ctis familiaribus administrari Sacramenta, et si mori contingerit
 concedi sepultura. Ita enim habetur in prædicta concessione
 Eugenij 1v. & in alia Clement. 1v. pro Minoribus. His autem
 priuilegijs gaudere possunt tam nominati Regulares, quam alij,
 qui cum ipsis habent communicationem priuilegiatorum. Casarub.

in

concedatur prædictis Regularibus facultas administrandi Sacramenta suis familiaribus cum conditionibus tamen assignatis, nihilominus quoad Sacramentū matrimonij vacat hæc concessio. Ratio est, tum quia Concil. Trident. *sess. 24. cap. 1.* ad hoc Sacramētum requirit præsentiam Parochi, tum quia hoc Sacramētū propriè non ministratur à Sacerdotibus, sed ipsi contrahentes sunt ministri ipsius, tū quia, ut puto, cum hac limitatione intellecta semper sunt prædicta privilegia. Et ita ubi Regulares Parochi officium non exercent, nec suorum familiarium Matrimonijs assistere poterunt. Suarez *4. tom. de Relig. tract. 10. lib. 9. cap. 4. num. 19. 20. 21.*

19 Cum autem in privilegio illo Leonis x. pro Minimis de quo *num. 11.* dicatur eos posse suis familiaribus etiam Paschatis tempore Eucharistiam, & alia Sacramenta ministrare, dicendum videtur tam prædictos Minimos quam quoscumque alios Regulares cum ipsis communicationem privilegiorum habentes id posse facere. Cum nullam videam huius privilegij reuocationem, & conforme sit iuri communi in *Clement. Religios. S. sane.*

20 Similiter, quoad extremæ unctionis Sacramētum illud possunt ministrare prædicti Regulares ad id privilegium habentes iuxta dicta superius, vel qui cum ipsis communicant in privilegijs præfatis, suis familiaribus præfatas condiciones habentibus. Ex prædictis privilegijs Alexand. iv. pro Carmelitis Clementis iv. pro Minoribus, Martini v. pro Benedictinis, & Leonis x. pro Minimis. Rodriguez *tom. 2. quest. Regul. q. 67. ar. 1.* Vnde privilegium quoddam Nicolai Franci Nuncij Apostolici cum potestate legati à latere concessum Benedictinis Hispaniæ ad ministrandum Sacramentum extremæ unctionis illis qui intra septa Monasteriorum infirmati fuerint, non tam videtur intelligi de familiaribus habentibus prædictas condiciones à Leone x. & Concil. Trident. assignatas, quia pro istis iure communi est id concessum, quam de alijs sæcularibus quos intra dicta Monasteria infirmari contigerit. Rodriguez *ut supra, & tom. 3. q. 79. ar. 1.* Dubitari tamen potest an inter viux vocis oracula recensendum, & per consequens his temporibus inutile.

21 Pro administratione autem prædictorum Sacramentorum Eucharistiæ, & extremæ unctionis familiaribus nulla requiritur approbatio ab Episcopo, cum iure communi pro illis non requiratur, sed solum potestas Ordinis, quæ est in omnibus Sacerdotibus, & iurisdictionis quam Summi Pontifices concedunt dictis privilegijs. Suar. *4. to. de Relig. tract. 10. lib. 9. cap. 4. num. 17.*

Pariter

33 Gaudere etiam videntur aliqui familiares quorundam Regularium, & aliorum qui cum illis communicationem habent priuilegiorum facultate habendi Cōseruatores, qui eos defendant in manifestis iniurijs, seu violentijs, iuxta limitationes factas, tum à Summis Pontificibus Clem. vii. & Greg. xv. tum à S. Congregatione: propter priuilegia Pij v. pro Dominicanis, & quia illud dubiæ auctoritatis est, saltem propter priuilegium Greg. xii. pro Iesuitis. Rodriguez *tom. 1. quest. Regular. q. 65. ar. 17.* Portellus in *Dub. Regul. verb. Conseruatores num. 10.* Vide dicta in cap. 10. num. 65. & cautè procede, vt ibi dixi.

34 Circa hæc tamen & alia similia priuilegia notandum non posse familiares fratrum vti suis priuilegijs contra ipsos Fratres. Quia quod in fauorem ipsorum Fratrum principaliter concessum est (quod scilicet ipsorum familiares vtantur ipsorum priuilegijs) non debet contra ipsos, seu in eorum dispendium retorqueri, iuxta Regulam Iuris. Corduba in *Additionib. ad Comp. priuileg. Mendicant. verb. Communicatio priuilegij §. tandem quoad hanc.* Confettius in *Summar. priuileg. Maris magni cap. 5.* Rodrig. *tom. 1. quest. Regul. q. 55. ar. 21.* Secus dicendum esset si huiusmodi priuilegia & que primo, principaliter, & independenter à Regularibus essent concessa familiaribus prædictis. Tunc enim æqualiter, & ex æquo essent participabilia tam à familiaribus, quam à Fratribus, & ita vti possent illis etiam contra prædictos Fratres. Corduba, & Rodriguez *ibid.*

35 Similiter si Fratres perdiderint talia priuilegia per nō vsum, reuocationem, aut alio modo etiam familiares illa perdent. Quia ea communicantur familiaribus dependenter à Fratribus, & accessorium sequitur principale. Corduba in *Additionibus ad Compend priuileg. Mendicant. verb. communicatio priuilegij §. Tandem quoad hanc.* Rodrig. *tom. 1. quest. Regul. q. 55. art. 21.*



SUMMARIVM CAP. XVII.

Etiā pro Procuratoribus Regularium Summi Pontifices priuilegia conceſſerunt. num. 1.

Qui ſint tales Procuratores. ibid.

Qua priuilegia conceſſerit Clem. IV. Procuratoribus Fratrum Minorum. num. 2.

Quid Innocentius VI. Auguſtiniſibus pro ſuis Procuratoribus. ibid.

Quid Sixtus IV. pro Procuratoribus Carmelitarum. ibid.

Quid idem Sixtus IV. pro Procuratoribus Minorum tempore interdicti. num. 3.

Quid Alexand. IV. Fratribus Prædicatoribus pro ſuis Procuratoribus. ibid.

Quid Iulius II. pro Procuratoribus Ordinis Minimorum. nu. 4.

Quid Martinus IV. pro Procuratoribus Minorum in Curijs Eccleſiaſticis. ibid.

Qualiter hæc moderata ſint à Leone X. in Concil. Lateranen. n. 5.

An etiā moderata ſint à Concil. Trid. ibid.

Quid poſſint prædicti Procuratores tempore interdicti. num. 6.

An eo tempore poſſint illis adminiſtrari omnia Sacramenta, & concedi Eccleſiaſtica ſepultura. num. 7.

Quid ſi lata fuerit ſententia excommunicationis, vel interdicti, an ea comprehendantur dicti Procuratores. nu. 8.

Quibus gratijs fruantur Procuratores Minimorum. num. 9.

Quibus Aduocati Carmelitarum. nu. 10.

An Medici Fratrum Minorum aliqua gratia perſuantur. nu. 11.

Syndici Fratrum Minorum ſub Procuratoribus videntur comprehendendi. num. 12.

Qua auctoritate potiantur. ibid.

Quibus priuilegijs. num. 13.

Qualiter ea intelligenda. ibid.

An ſuſpendantur per Bullam Cruciatam. num. 14.

De Regularium Procuratoribus, seu negotiorum
ipsorum gestoribus, ipsorumque priuilegijs.

Cap. X V I I.



SOLLICITE, & accuratè Summi Pontifices vetustiores, Regulares, præsertim Mendicantes, propensiori charitate, & paterno affectu amplectentes, attendentes insuper illos suis sanctis studijs, honestisque laboribus salutem animarum procurare, plura, variaque priuilegia ne dum ipsis, sed ipsorum Tertiarijs, Confratribus, Conseruatoribus, & familiaribus contulerunt, vt ex dictis constare poterit. *Iustus enim, & honestus labor præmijs, ac splendore decoratur*, vt dicebat Cicero 1. de Orat. Propterea etiam Procuratoribus sæcularibus, seu gestoribus negotiorum ipsorum, aliqua etiam priuilegia dederunt, quæ in hoc capite discutienda sunt, & videndum quænam illorum, aut qualiter reuocata, vel non fuerint. Sunt autem Procuratores illi qui aliena negotia mandato sibi à Domino facto gerenda suscipiunt. cap. saluator 1. q. 3. in l. 1. ff. de Procuratorib. Rodrig. to. 3. quæst. Regul. q. 40. vel 41. ar. 1.

2 Primo enim Clem. 1v. concessit Minoribus, quod si quando in terras in quibus resident ipsi Fratres, vel in earum personas, excommunicationis, seu interdicti sententias contigerit promulgari, negotiorum gestores huiusmodi sententijs obnoxij minimè habeantur. Casarubius in Comp. priuileg. Mendicant. verbo familiares nu. 4. Eandem etiam concessionem fecit Alexand. 1v. eisdem negotiorum gestoribus, seu Procuratoribus Fratrum Minorum. Casarub. in Compend. verb. interdictum 3. num. 1. Similiter idem Clem. 1v. concessit quod Procuratores negotiorum Fratrum Minorum possint tempore interdicti in locis prædictorum Fratrum audire diuina, nisi ipsi Procuratores causam dederint interdicto, vel excommunicari specialiter, seu interdicti contigerit eosdem. Casarubius in Compend. priuileg. Mendicant. verb. Procuratores num. 2. Item Innocentius vi. concessit Fratribus Augustiniensibus quod tempore interdicti possint Procuratores iurati negotiorum Conuentuum, & locorum dicti Ordinis etiam si sæculares, & laici existant, interesse diuinis Officijs vnà cum

Z z 2

prædi-

prædictis Fratribus, dummodo ipsi non dederint causam interdicti, nec sint specialiter interdicti. Idem Casarubius *num. 6.* Præterea Sixtus IV. in Bulla *Dum attentata*, quæ est Mare magnum Carmelitarum, pro tempore etiam interdicti concessiones Innocentij IV. Alexand. IV. & Greg. XI. extendendo ad Procuratores, & Aduocatos, ac negotia gerentes sic habet. Et quia ex concessione continetur dictorum Innocentij IV. Alexand. IV. & Greg. XI. prædecessorum quod liceat eis cum interdictum generale terræ fuerit, dummodo causam non dederint interdicti, clausis ianuis, excommunicatis, & interdictis exclusis, submissa voce, Missas, & alia diuina Officia celebrare: eorundem Fratrum deuotioni non plene consulitur, concessionem eamdem extendendo, eisdem Fratribus, ut liceat eis habere Altare portatile cum debita reuerentia, & honore, super quo in locis ad hoc conuenientibus, & honestis, præterquam in Ecclesijs ab Ordinarij obedientia non exemptis, quoties id eis contigerit interdicti, possint Missas, & alia diuina Officia in quorumcumque præsentia celebrare, & interdicti tempore ad diuina huiusmodi cum eis mantellatas, & pinzocheras, ac oblatas, commissasque personas, & ipsorum Fratrum, ac Monasteriorum Monialium Ordinis prædicti Procuratores, Aduocatos prædictos, & negotia gerentes vtriusque sexus admittere, præfatis scientia, motu, & auctoritate indulgemus. Hæc ibi.

3 Item idem Sixtus IV. Fratribus Minoribus concessit posse tempore interdicti admittere ad diuina Procuratores ipsorum. Casarub. *ut supra num. 7.* Præterea Alexand. IV. in Bulla *Vt in vestris* apud Peirinis *tom. 1. priuileg. Minim. inter Constitutiones Alexand. VI. num. 4.* concessit Fratribus Ordinis Prædicatorum quod si quando in personas, vel terras in quibus residerent excommunicationis, seu interdicti sententia contigerit promulgari, Procuratores negotiorum ipsorum huiusmodi sententijs obnoxij nullatenus haberentur, & in ipsorum locis audire possint diuina iuxta formam quæ in locis ipsis in eo casu à Sede Apostolica est concessa, nisi eidem causam dedissent, vel excommunicari specialiter, aut interdicti contingeret.

4 Item Iulius II. in Bulla *Alias venerabilem* apud Peirinis *tom. 1. priuileg. Minim. inter Constit. Iulij II. num. 4.* decreuit quod Procuratores, & Procuratrices, Tutores, & Tutrices domorum Ordinis Minimorum, omnium, & singulorum ipsorum ieiuniorum, orationum, & sacrificiorum, ac quorumcumque aliorum bonorum in toto Ordine faciendorum, & recitandorum participes forent, & illis communicata esse deberent. Item Martin. 4. concessit

concessit Procuratoribus Fratrum Minorum in curijs Ecclesiasticis, & civilibus laborantes pro defensione Ordinis prædictorum Fratrum, Ecclesiarumque suarum, singulis annis indulgentiam centum annorum. Casarubius in *Compend. priuileg. Mendicant. verb. Procuratores num.4.* quod etiam *num. 5.* refert fecisse Nicolaum iv.

5 Aliquatenus moderata hæc sunt à Leone x. in Concilio Lateranensi, & Bulla *Dum intra mentis*, vbi statuit Procuratores, & negotiorum gestores Regularium Mendicantium sententijs excommunicationis promulgatis illaqueatos censendos, si illis causam dedissent, aut dantibus, consiliuin, auxilium, vel fauorem præstissent. Moderata etiam videntur decreto Concil. Trid. *sess. 24. cap. 11.* adducto *cap. precedenti nu. 14.* quatenus dicit omnes quomodocumque Monasterijs addictos Ordinarijs subiectos esse debere, exceptis ijs qui actu seruiunt Monasterijs, & intra eorum septa, ac domos resident, subque eorum obedientia viuunt. Sed in hoc loco non videtur loqui Concilium nisi de illis qui seruiunt, aut addicti sunt tanquam famuli, aut seruitores, non de Procuratoribus, aut negotiorum gestoribus, qui regulariter loquendo maioris notæ, & æstimationis sunt quam prædicti famuli, aut seruitores, & ideo ipsorum priuilegia non videntur à Concilio modificata, aut coarctata saltè in foro conscientie solum ad eos qui actu seruiunt Monasterijs, & intra eorum septa, aut domos resident, & sub obedientia ipsorum viuunt.

6 Possunt ergo in foro conscientie prædicti Procuratores Regularium habentium dicta priuilegia, vel communionem priuilegiorum cum ipsis, tempore interdicti generalis ad diuina Officia cum ipsis Regularibus adesse, ex cõcessionibus adductis Alex. 4. pro Dominicanis, Sixti iv. pro Minoribus, & Carmelitis, & Innocentij vi. pro Procuratoribus iuratis Augustinianorum, ac Clem. iv. etiam pro Minoribus. Si tamen causam interdicto non dederint, aut non sint specialiter interdicti, aut excommunicati. Sorbus in *Annotationibus ad Compend. priuileg. Mendic. verb. interdictum 3. §. 5. Tertiarij*. Quomodo autem Regularibus liceat celebrare Officia diuina eo tempore dictum est *to. 1. c. 21. num. 19.*

7 Posse etiam prædictis Procuratoribus Regularium tempore interdicti administrari omnia Sacramenta, & concedi Ecclesiasticam sepulturam, si decesserint è vita, tenet Sorbus in *Annotationib. ad Compend. priuileg. Mendicant. verb. interdictum 3. §. 5. Tertiarij*. Verumtamen non video expressum priuilegium quoad hoc pro prædictis Procuratoribus, & ita non est id faciendum

dum, nisi constet de illo, & quod non sit viuz vocis oraculum. Neque sequitur ex doctrina tradita cap. præcedenti pro familiaribus quia isti Procuratores, & negotiorum gestores non sunt proprii famuli, aut familiares Monasteriorum, neque etiam sequitur ex eo quod ipsis concedatur, vt dictum est, posse assistere diuinis, quia vt bene Portellus in *Dub. Regular. verb. interdictum num. 72.* tria ista per interdictum prohibita, scilicet Sacramenta, diuina, & sepultura, sunt diuersa, & vno concesso non conceditur aliud.

8 Si tamen in terris vbi Fratres degunt generaliter lata fuerit sententia excommunicationis, vel interdicti, non comprehenduntur dicti Procuratores, seu negotiorum gestores in foro conscientie nisi causam dedissent, aut excommunicarentur, vel interdicerentur specialiter. Ita enim habetur ex concessionibus Alex. IV. pro Dominicis, Cle. 4. pro Minoribus, & Sixti 4. pro Carmelitis, quibus etiam fruuntur alie Religiones quibus communicata sunt priuilegia Mendicantium.

9 Fruuntur etiam Procuratores domorum Minimorum, & alij aliorum Regularium habentium communicationem in priuilegijs cum illis illa gratia à Iulio II. ipsis concessa, quod scilicet omnium, & singulorum ieiuniorum, orationum, & Sacrificiorum, ac quorumcumque aliorum bonorum operum, quæ in Religionibus quarum sunt Procuratores fiunt participes reddantur.

10 Ex speciali etiam illo priuilegio Sixti IV. adducto num. 2. etiam Aduocati Carmelitarum (idem dico de alijs Religiosis cum ipsis communicationem priuilegiorum habentibus) possunt admitti modo dicto tempore interdicti ad diuina. Sorbus in *Annot. ad Comp. priuileg. Mendicant. verb. interdictum* 3. §. 5. Tertiarij, Portellus in *Dub. Regul. verb. interdictum* nu. 70.

11 Pro Medicis etiam ordinarijs Fratrum Minorum refertur priuilegium Alexand. VI. quo illis dicitur concessisse priuilegia, & gratias quibus gaudent Syndici, & Procuratores. Quia tamen mihi non constat an priuilegium hoc sit necne viuz vocis oraculum (quia si tale fuerit nullius est momenti hoc tempore) ideo nihil affirmare, vel negare possum in hac difficultate. Vide Rodriguez tom. 2. *quest. Regul. q. 114. art. 3.*

12 De Syndicis autem Fratrum Minorum (qui sunt Procuratores Sedis Apostolicæ ipsius nomine constituti ad Fratrum negotia expedienda) loquendo, videntur sub Procuratoribus constitui, ita vt quæ de Procuratoribus dicta sunt illis applicari possint. Vnde Rodriguez tom. 3. *quest. Regul. q. 40. vel 41. art. 1. eos* vocat

vocat propriè Procuratores . Quod confirmat priuilegium Sixti iv. in Bulla aurea , vbi concedit quod Procuratores , & Syndici Monialium S. Claræ , & Tertij Ordin. Fratrum , & Sororum S. Francisci eisdem priuilegijs , gratijs , fauoribus , concessionibus , indultis , spiritualibus , & temporalibus Procuratoribus , & Syndicis Fratrum Minorum , & Prædicatorum , concessis , & concedendis gauderent . Casarubius in *Compend. priuileg. Mendicant. verb. Procuratores Fratrum num. 10. & verbo Communicatio priuileg. num. 2.* Ex quo videtur haberi eos vt veros Procuratores iudicandos . Nihilominus peculiaria quædam ipsis competunt tam quoad eorum auctoritatem quam quoad priuilegia illis concessa quæ breuiter expedienda sunt , cum de hoc Patres ipsi Minores multa , & doctissimè scripserint . Quo ad auctoritatem enim ex Bullis Summorum Pontificum illis competit recipere , vendere , dispensare , alienare , iudicialiter repetere &c. nomine Papæ , & Ecclesiæ bona pertinentia ad ipsos Fratres . Sorbus in *Annotationib. & Compend. priuileg. Mendicant. verbo Procuratores Fratrum S. ita quod Syndicus Portellus in dubijs Regular. verbo Syndicus, & in additione ad idem verbum.*

13 Quoad priuilegia autem Sixtus iv. in Bulla Aurea , concessit , vt dictum est , Syndicis Monialium S. Claræ quod eisdem priuilegijs , immunitatibus , gratijs , fauoribus , concessionibus , indultis , spiritualibus , & temporalibus concessis , & concedendis Procuratoribus , & Syndicis Fratrum Minorum , & Prædicatorum gauderent . Casarubius in *Compend. priuileg. Mendicant. verb. Procuratores Fratrum num. 10. Rodriguez tom. 3. quest. Regul. q. 39. ar. 3.* Similiter Clem. vii , in Bulla *Dum consideramus* anno 1526. edita apud eundem Rodriguez *ibid. art. 4.* concessit vni Syndico , & Procuratori Ordinis Minorum cum illius vxore , & liberis , quod de cætero omnibus , & singulis indulgentijs , & peccatorum remissionibus , fauoribus , & gratijs quibus Fratres Ordinis Obseruantia prædictorum vtuntur , potiuntur , & gaudent , seu vti , potiri , & gaudere poterunt , fruuntur . Casarubius *vt supra num. 12. Rodriguez ibid.* Insuper idem Clem. vii in eadem Bulla magnam concessionem illis fecit , quod scilicet in quibusuis causis , & rebus ipsos concernentibus , civilibus , criminalibus , & mixtis , non nisi coram Iudicibus Conseruatoribus domorum illorum , quarum Syndici fuerint de iustitia respondere teneantur , præcipiens sub excommunicationis latæ sententiæ pœna , vniuersis , & singulis iudicibus Commissarijs Ecclesiasticis , & sæcularibus quacumque auctoritate fungentibus . ne de causis

causis contra dictos Syndicos motis, & mouendis directè, vel indirectè se intromittere audeant. Casarub. *ibid.* num. 17. Rodriguez *etiam ibid.* Hoc tamen priuilegium non videtur intelligendum nisi de causis prædictos Syndicos tangentibus; quatenus Syndici sunt, non quatenus tales personæ sunt, vel ad minus standum est consuetudini cum sit magnum priuilegium, & valde exorbitans à iure communi. Portellus in *Dub. Regul. verb. Syndicus Minorum* num. 5.

14 Notandum priuilegia horum sæcularium videri solum intelligenda pro locis in quibus non publicatur Bulla Cruciatæ, in locis enim vbi publicatur, cum per illam suspendantur priuilegia Mendicantium quoad sæculares, videtur non posse Procuratores istos illis vti, vt volunt plures, specialiter Sorbus in *Addition. ad Compend. priuileg. Mendicant. verbo interdictum* 3. §. 2. *conclus.* Rodriguez in *explicat. Bulla Cruciatæ* §. 5. à num. 39. Verumtamen vide dicta *cap. 1. num. 59.* & iuxta ea intelliges quænam, aut qualia ex istis priuilegijs suspendantur, vel non in dictis locis, in quibus publicatur Bulla Cruciatæ, pro huiusmodi Procuratoribus.



SYMMARIVM CAP. XVIII.

- Duo sunt genera beneficiorum, *secularium, & Regularium*. num. 1.
 Quae sunt beneficia *secularia, & quae Regularia*. *ibid.*
 Cur *Regulares non debeant habere beneficia secularia*. *ibid.*
 Quid sit *utrumque beneficium*. *ibid.*
Regulares capaces sunt beneficiorum Regularium. num. 2.
 Debent *provideri Regularibus eiusdem Ordinis cuius sunt*. num. 3.
 Non possunt duo *Religiosi diuersorum Ordinum permutare beneficia*. *ibid.*
 Debent *Religiosi quibus conceduntur esse professi*. num. 4.
 Vel *saltem professuri*. *ibid.*
 An *sufficiat esse tacite professus*. *ibid.*
 Nec *Religiosus vnius Monasterij capax est beneficij Regularis alterius Monasterij*. num. 5.
 Non sunt beneficia *Regularia regulariter loquendo beneficia simpliciter*. num. 6.
 Sed *tantum manualia*. *ibid.*
 Quando *sint talia*. *ibid.*
 Prouisio beneficiorum *Regularium electiuorum* pertinet ad *Capitulum Conuentus*. num. 7.
 Ad quem *pertineat prouisio beneficiorum Regularium collatiuorum*. *ibid.*
 Requiritur *semper pro illis examen, & approbatio Episcopi*. num. 8.
 Subiunguntur *Regulares beneficiati iurisdictioni Episcopi in ijs quae spectant ad id munus*. num. 9.
 Quid *dicendum de Regularibus inseruientibus beneficijs simplicibus*. num. 10.
 Non debent *vocari ad concursum*. num. 11.
 Cogi possunt *Religiosi ad acceptandum beneficium Regulari*. num. 12.
 Dummodo possint *ibi sustentari*. *ibid.*
 Debet *eis assignari congruum salarium*. *ibid.*
 Tenentur *Religiosi beneficiarij votis generalibus Religionis, & alijs obligationibus aliorum quatenus non repugnant muneri quod gerunt*. num. 14.
 Quid *de Officio diuino, habitu portando, & Socio habendo*. *ibid.*
 Cui *adquirant ea quae adquirunt*. num. 15.
 De *fructibus beneficij quibus debeant providere*. *ibid.*
 An *teneantur obedire Superioribus Regularibus*. num. 16.
 Quo *tempore vacant ista beneficia*. num. 17.
 An possint *amoueri Religiosi beneficijs seruientes*. *ibid.*

- Qua causa requiratur ut amoveantur. ibid.*
Num vacent talia beneficia morte Abbatis, vel Superioris num. 18.
An beneficia Regularia electiua possint tolli absque causa. num. 19.
Quid si talia beneficia fuerint aliquando perpetua. nu. 20.
Quid si illa fuerint à Papa concessa. num. 21.
Quid quando concessioni illorum accedit confirmatio Papalis. nu. 22.
Priuilegium Benedicti 12. ad intentum. num. 23.
An possint Ecclesia uniri Monasterijs. num. 24.
Quid de beneficijs dicendum maxime post Conc. Trid. ibid.
Casu quo uniantur à quibus gubernari debeant. num. 25.
Quid declaratum à S. Congregatione. num. 26.
Quid etiam circa visitationem Ecclesiarum unitarum Monasterijs. num. 27.
Quid circa salarium. ibid.
Bona acquisita à Religioso in beneficio ampossint deferri ad Monasterium. num. 28.
An possit idem Religiosus habere duo beneficia. num. 29.
Eo ipso quòd Ecclesia Monaebis concessa est conceditur facultas conferendi ipsam, & ponendi in ea Rectorem. nu. 30.
An beneficia Regularia possint seminario uniri. num. 31.
Quid possint Religiosi in Indijs circa beneficia. nu. 32.
In quæ debeant beneficiarij Regulares redditus suos expendere. n. 33.
Illegitimi an sint capaces beneficiorum. nu. 34.
Beneficiarij ex Carmelitis assumpti non admittuntur in Capitulis, nisi de consensu Generalis. nu. 35.
Quomodo intelligendum priuilegium Calixti III. num. 36.
An Regulares sint capaces pensionis. nu. 37.
An promissi de beneficijs Regularibus teneantur facere professionem fidei. num. 38.
Collatores beneficiorum nihil accipere possunt. num. 39.
An teneantur Regulares beneficiarij adire Congregationes casuum conscientiae. num. 40.



De beneficijs Regularibus.

Cap. XVIII.



DV O sunt genera beneficiorum, ſecularium, & Regularium. Beneficia ſecularia dicuntur, quæ ſecularibus dari ſolent ex debito, inſtitutione, aut legitima conſuetudine. Regularia verò quæ Religioſis addita ſunt ex fundatione Ordinarij, aut Superioris inſtitutione, aut legitima etiam conſuetudine. Rodriguez *tom. 1. quaſt. Regular. q. 34. ar. 1.* Suarez *tom. 4. de Relig. tract. 8. lib. 3. c. 19. num. 2.* In præſenti ſolum eſt ſermo de beneficijs Regularibus, nam de ſecularibus loquendo iam diximus *tom. 1. cap. 2. num. 17.* quod quamvis Religioſi capaces ſint ad illa poſſidenda de facto tamen illis non conceduntur ſine Papæ licentia, vel diſpenſatione. Suarez *ut ſupra num. 26. & 27.* Ratio autem quare prædicta licentia, vel diſpenſatio requiratur ad hoc vt Religioſus beneficium ſeculare obtineat, ſumitur, tum ex parte ipſius beneficij, quod petit conferri ijs quibus iure, vel conſuetudine eſt deſtinatum, tum ex parte ipſius Religioſi, quia cum eius ſtatus non ordinetur ad huiusmodi Clericorum miniſteria gerenda non debet ſe in illis immiſcere, ſolum ergo agemus de beneficijs Regularibus. Definitur autem beneficium prout abſtrahit à ſeculari, & Regulari hoc modo. *Ius recipiendi redditus ex bonis Eccleſiæ, ratione ſpiritualis officij, Eccleſiaſtica auctoritate cõſtitutum.* Layman in *Theolog. morali lib. 4. tract. 2. cap. 1.*

2 Regulares ergo capaces ſunt beneficiorum Regularium, quod ex ipſis terminis eſt manifeſtum, cum beneficia iſta ſolum Regularibus conferantur, & ab eis ſolum miniſtrentur, ex hoc enim euidenter ſequitur capaces eſſe illorum. Silueſter *verbo Religio 6.* Nauarrus *Comment. 4. de Regularibus num. 23.* Et vltèrius declaratur; quia nihil eſt in Religioſo quod repugnet beneficij Regularis adminiſtrationi. Obedientiæ enim votum non repugnat, cum beneficia hæc voluntate Superiorum concedantur, nec caſtitas vt per ſe patet, nec paupertas, cum beneficiarius Regularis nihil proprij habeat, ſed tantum uſum, adminiſtrationem, ſeu diſpenſationem bonorum beneficij.

3 Debent tamen prouideri beneficia Regularia non Regularibus alterius Ordinis, ſed ipſiſmet eiſdem, cuius ſunt. Ita

enim habetur *cap. cum singula* 32. *de præbend. in 6.* & in Concil. Trident. *sess. 14. cap. 10.* Rodriguez *tom. 1. quest. Regul. q. 34. ar. 3.* Vnde non possunt duo Religiosi diuersorum Ordinum permutare beneficia Regularia quæ possident, etiam de licentia suorum Superiorum. Quia neuter est capax beneficij alterius Ordinis, nec Superior vnus habet auctoritatem supra beneficium alterius. Sanchez *lib. 7. in decalog. cap. 29. num. 31.*

4 Debent etiam Religiosi quibus conceduntur esse professi, vel saltem habitum Religiosum suscepturi, & in ea Religione professuri. Ita enim habetur in Concil. Trident. *sess. 14. cap. 10.* & declarasse dicitur Sacram Congregationem. Quod sic videtur intelligendum, quod scilicet, si isti Religiosi professi non sint, beneficia regularia ipsis concedi non possint nisi conuentione facta, vt intra certum tempus ad Religionem suscipiendam, & profitendam teneantur, sicut beneficia curata quando dantur non Sacerdotibus sub ea conditione dantur, vt intra certum tempus ad Sacerdotium promoueantur. Sanchez *lib. 7. in Decalog. cap. 4. num. 24.* Vide etiam Barbosa in *Collectan. Bullar. verb. beneficium Regulari*. 5: vbi aliquas etiam affert S. Congregationis declarationes ad intentum. Addit Rodriguez *to. 1. quest. Regular. q. 34. art. 3* debere tales esse expresse professos. Vide declarationem S. Congregat. apud Gonzalez *ad Regul. 8. Cancellaria gloss. 8. nu. 78.* Barbosa in *Collectan. Bullar. verb. Abbatia*.

5 Similiter nec Religiosus vnus monasterij capax est Beneficij Regularis alterius monasterij eiusdem Ordinis. Ita enim habetur *cap. Cum singula §. prohibemus de præbendis in 6.* Rodrig. *tom. 1. quest. Regular. q. 34. art. 8.* Sanchez *lib. 7. in Decalog. cap. 29. num. 29.* Quare non possunt duo Religiosi diuersorum Monasteriorum eiusdem Ordinis permutare beneficia Regularia quæ possident de licentia suorum Superiorum. Quia neuter est capax alterius beneficij, & Superior vnus non habet auctoritatem supra beneficium alterius.

6 Non sunt beneficia Regularia regulariter loquendo dicenda beneficia simpliciter, sed solum manualia. Ratio est, quia regulariter non sunt firma & perpetua, qualia sunt beneficia secularia, sed amabilia a voluntate Superioris, cum Regularis ex eo quod beneficium accipiat nõ eximatur à sui Superioris obedientia, qui potest illum a beneficio amouere. Rodriguez *to. 1. quest. Regular. q. 34. art. 2.* Sanchez *lib. 7. in Decalog. cap. 29. num. 106.* Dixi regulariter, quia aliquando beneficia regularia non sunt manualia, & amabilia, & tunc erunt simpliciter benefi-

beneficia: videlicet quando vel ex institutione eorum, vel ex recepta consuetudine, vel ex priuilegio Pontificio fuerint perpetua. Nauarrus *Comment. 2. de Regularib. num. 6.* Suarez 4. *tom. de Relig. tract. 8. lib. 3. c. 19. num. 20.* Similiter quando Beneficij Regularis collatio non pleno iure spectat ad Superiorem Monasterij, vel ipsum monasterium, sed simul ad Episcopum, vel alium Prælatum, tunc tale beneficium perpetuum erit, & simpliciter beneficium, non manuale, seu amouibile. Suarez *ut supra num. 23.* In dubio autem omnia beneficia præsumuntur sæcularia. Thomas Zerola *in praxi Episc. 2. p. verb. beneficium vers. 19.* Ac per consequens perpetua.

7 Prouisio beneficiorum Regularium quæ electiua vocantur, idest, quæ per electionem Canonicam suffragijs electorum sunt, pertinet ad Capitulum Conuentus, accedente confirmatione Superioris, sicut generaliter quidquid fit per electionem à Regularibus. Prouisio autem beneficiorum Regularium quæ collatiua vocantur, quia scilicet instar sæcularium conferuntur auctoritate Superioris, spectat, vel ad Superiorem solum, vel ad Superiorem cum Capitulo, iuxta varia statuta, & consuetudines Religionum. Vbi autem de his non constaret, stando in iure communi pertinet ad Superiorem cum consensu maioris partis Conuentus, cum sit hæc ex rebus grauioribus Monasterij. Sanchez *lib. 7. in decalog. cap. 29. num. 108.* Suarez *tom. 4. de Religion. tract. 8. lib. 3. cap. 19. nu. 4.* Vide declarationem S. Congreg. apud Barbosam *in Collect. Bullar. verb. cura animarum.*

8 Semper tamen requiritur examen, & approbatio Episcopi pro huiusmodi beneficiarijs Regularibus curam animarum habentibus. Franciscus Leo *in thesauro fori Ecclesiastici par. 1. cap. 8. num. 20.* Barbosa *de offic. & potest. Episcop. allegat. 74. nu. 18. & 24.* Dicitur etiam declaratum à S. Congregat. Concilij quod quoties denuo Religiosi ad curam animarum exercendam deputantur, esse iterum ab Episcopo examinandos, & approbandos. Barbosa *in Collect. Bullar. verb. Abbas 1. §. ultimo.* Vtrumque autem colligitur ex Trident. *sess. 25. cap. 11.* illis verbis. *Nec ibi aliqui etiam ad nutum amouibiles deputent nisi de eiusdem* (scilicet Episcopi) *consensu, ac prauo examine, &c.*

9 Item prædicti beneficiarij Regulares subsunt immediatè iurisdictioni, visitationi, & correctioni Episcopi in his quæ ad curam, & Sacramentorum administrationem pertinent. Ita enim colligitur ex Tridentino *sess. 25. cap. 11.* & ex declaratione S. Congregationis apud Barbosam *in Collect. Bullar. verb. Fratres S. Ioannis Hierosolymitani,* & clarius habetur ex Const. Greg. xv. de

de exemptorum priuilegijs, quæ extat 4. tom. Bullar. inter Bullas huius Pontificis num. 18. vbi sic habetur. *Statuimus, & declaramus, vt deinceps tam Regulares, quàm seculares quomodolibet exempti, siue animarum curam personarum secularium Monasterijs, seu domibus Regularibus, aut quibusuis alijs Ecclesijs, vel beneficijs siue Regularibus siue secularibus incumbentem exercent, siue alias Ecclesiastica Sacramenta, aut vnum ex illis ministrent prauia Episcopi licentia, & approbatione, siue quoquomodo in dicta cure exercitio, aut in eorundem Sacramentorum, vel alicuius ex illis administratione de facto absque vlla auctoritate se ingerant, in his quæ eiusmodi curam, seu administrationem concernunt, omnimode iurisdictioni, visitationi, & correctioni Diocesani Episcopi tanquam Sedis Apostolicæ delegati, plene in omnibus subiiciantur.* Barbosa de offic. & potest. Episcopi par. 3. alleg. 74. num. 18. & 27. Nota tamen hanc Constitutionem suspensam esse pro Regnis Hispaniarum, vt diximus to. 1. cap. 19. num. 35.

10 Cæterum loquendo de Regularibus inseruientibus de licentia suorum Superiorum beneficijs simplicibus, quæ tamen membra sunt Monasteriorum, seu Religionis, declaratum video à S. Congregatione non posse visitari ab Ordinarijs. Armendariz in additionib. ad recopilat. leg. Nauarr. lib. 1. tit. 6. de visitat. lib. 5. §. 2. num. 96. Barbosa in Collect. Bullar. verb. Regulares 1.

11 Non tamen debent vocari ad concursum per edita Regulares electi, vel nominati ad beneficia Regularia seruienda; sed sufficit quod examinentur, & approbentur ab Ordinarijs. Ita enim determinatum est à S. Congregatione Concilij, vt testatur Sixtus v. in Bulla *Ex iniuncto* in Bullario Rodriguez tom. 2. Bulla 22. in Sixto V. vbi ad instantiam Congregationis S. Benedicti Portugaliz id decernit. Habetur id etiam ex alia declaratione eiusdem S. Congreg. apud Gonzalez ad Regul. 8. Cancell. gloss. 6. num. 162. & Barbosa in Collect. Bullar. verb. examen.

12 Cogi potest Religiosus à Prælato ad acceptandum beneficium Regulari. Quia hoc præceptum iustum est, nec excedit latitudinem obedientiz Religioz, cum gubernatio beneficiorum Monasterij valde pertineat ad vtilitatem eiusdem. Nauarr. Comment. 4. de Regularib. num. 23. Suarez 4. tom. de Relig. tract. 8. lib. 3. cap. 19. num. 5. quod extenditur etiam ad beneficium tenue, & paucos redditus habens, dummodo possit ex illis sustentari Religiosus. Propter eandem rationem. Nauarrus, & Suarez vt supra. Rodriguez tom. 1. quest. Regular. q. 34. art. 3. Addit non posse cogi ad accipienda beneficia secularia, nec Regularia aliorum Ordinum, nec alterius Monasterij eiusdem Ordinis. Sed
hæc

hæc limitanda sunt, nam, vt credo, cogi potest Religiosus ad accipienda prædicta omnia, si ab habente auctoritatem illa conferantur, & cædat in bonum, & vtilitatem suæ Religionis, quia hoc concernit Regulam, quam professus est Religiosus, & cum prædictis conditionibus res est licita, & honesta, talia beneficia acceptare.

13 Debet assignari prædictis Religiosis seruientibus Beneficijs, seu Ecclesijs Parochialibus congruum salarium pro ipsorum sustentatione, ne salarij paruitate aliunde quærere vnde viuant, & curam animarum negligerent curare cogantur. Colligitur ex Concilio Tridentino *sess. 7. de reformatione cap. 7.* Rodriguez *to. 1. quæst. Regular. q. 36. art. 2.* referens concessionem Sixti v. Congregationi S. Benedicti Portugalliæ factam, qua illis conceditur vt salario decenti beneficiarijs designato, reliqui fructus in vltus Monachorum conuerti possint, & aliam cuiusdam Rainutij Papæ auctoritate potientis Congregationi S. Elisi circa huiusmodi salaria, pacta pro illis tribuendis, & non maioribus, etiam locorum Ordinarijs, & illorum visitatoribus aliter præcipientibus. Quia tamen hæc posterior concessio contraria videtur decreto Concilij Tridentini adducto, ideo cautè in hoc negotio procedendum, maxime quia non constat an sit viuz vocis oraculum, quia si talis esset nihil valeret, iuxta dicta *tom. 1. cap. 3. num. 21.* De priori autem concessione Sixti v. constat fuisse per Bullam quam refert idem Rodriguez in *Bullar. to. 2. inter Bullas Sixti V. num. 24.* Vbi vltèrius Pontifex statuit ne in dictis Ecclesijs Monachi ad vitam instituuntur, & quod prædicti Presbyteri sæculares ab Ordinarijs locorum approbati sint, insuper quod salarium illud bene visum sit eisdem Ordinarijs. Vide dicenda infra *num. 27.*

14 Religiosi sic beneficiarij non solum tenentur votis Religionis generalibus, præcepto portandi habitum, votis specialibus suorum Ordinum, sed & obseruantijs Regularibus, & Constitutionibus suarum Religionum, quatenus non repugnant muneri quod gerunt, iuxta dicta *tom. 1. cap. 17. nu. 16.* cum verè maneant sub iugo Religionum suarum, quantum in priuata domo, & extra Monasterium fieri potest. Suarez *4. tom. de Relig. tract. 8. lib. 3. cap. 19. num. 6.* Non tamen tenentur soluere Officium diuinum iuxta ritum suarum Religionum, sed Ecclesiarum quibus seruiunt, vt etiam loco citato diximus, vbi etiam quid de Socio sit dicendum. Si tamen redditus, seu salarium pro Socio habendo non sufficerent ab hoc onere immunes eruant, nisi in casu, quod Socius alio honesto modo sustentari posset.

Quæ

15 Quæ adquireunt hi beneficiarij intuitu Ecclesiæ cui seruiunt, eidem Ecclesiæ adquireunt, quæ autem adquireunt non intuitu Ecclesiæ cui seruiunt, sed intuitu Religionis cuius sunt, vel aliunde, adquireunt Religioni. Hoc enim suadetur tum ex æquitate rationis, tum ex ijs quæ diximus *prædicto tom. cap. 17. num. 15. & 16.* de quo etiam Sanchez *lib. 7. in decalog. cap. 32. num. 76.* Suarez *4. tom. de Relig. tract. 8. lib. 3. cap. 19. num. 8.* De fructibus autem beneficiorum quibus potiuntur, cum concedantur intuitu Ecclesiarum, quibus seruiunt, debent tanquam boni dispensatores primum providere ipsis Ecclesijs, deinde pauperibus sibi subiectis, si quid verò postea superfuerit, licet securius sit debere eo Ecclesias suas augere, probabile tamen est posse suo Monasterio donare, quia est opus Religionis, & misericordiæ nullo iure prohibitum, sed potius, ut apparet, permissum, eo ipso quod prædictorum bonorum fiunt dispensatores. Suarez *ut supra nu. 10.*

16 Similiter hi Religiosi beneficiarij licet quod ea quæ pertinent ad statum Religiosum, & obseruantiam Regularem, seu quæ non contradicunt beneficijs quæ obtinent teneantur obedire suis Superioribus, cum verè illis sint subiecti, in his tamen rebus quæ fuerint contrariæ, seu repugnantes prædictis beneficijs, cum ipsi ex iustitia ratione muneris suscepti teneantur facere quicquid ad illa spectat, non debent obedire suis Prælatis. Suarez *4. tom. de Relig. tract. 8. lib. 3. cap. 19. num. 18.* In his autem quæ pertinent ad vtilitatem beneficiorum, & rectam ipsorum administrationem tenentur obedire illi, vel illis, cui, vel quibus subiecta est illa Ecclesia, scilicet Prælato Ordinis, si illi pleno iure subiecta fuerit, Episcopo, si ipsi subiiciatur, vel vtrique si ad vtrumque spectat. Suarez *ut supra nu. 19.* Rodrig. *to. 1. q. Regul. q. 34. ar. 6. & 7.*

17 Vacat beneficia Regularia manualia collatiua quoties Superior reuocat collationem. Hoc enim est esse manualia, scilicet pendere à nutu Superioris. Federicus *in tract. permutationum q. 16.* Sanchez *lib. 7. in decalog. cap. 29. num. 107.* Etiam si beneficium collatum sit à Superiore pro toto vitæ tempore, quia non obstante tali concessione manet beneficium sub Superioris potestate. Selua *de beneficijs 3. par. q. 68. num. 4.* Sanchez *ut supra num. 124.* Etiam si Superior promiserit se non reuocaturum concessionem, quia talis promissio est irrita, cum sit contra ius, & naturam beneficij manualis, quod petit esse reuocabile ad nutum Superioris. Selua *ut supra q. 69. num. 1.* Sanchez *ut supra num. 125.* Imò ad hoc quod talis reuocatio valida sit

non

non requiritur aliqua causa, quia Prælatus videtur iure suo erga rem, & personam sibi subditam. Sanchez *ibid.* num. 111. Additur ex declaratione S. Congregat. Concilij posse Abbates Ordinum inuito Episcopo reuocare absolute ad Monasterium Religiosos exercentes curam animarum in Ecclesijs, quæ sunt vnitæ ipsis Monasterijs. Barbosa in *Collectan. Bullar. verb. Abbas* 1. Ad hoc autem quod licite, & prudenter fiat reuocatio requiritur aliqua causa rationabilis, non quidem culpa ipsius beneficiarij, sed quæcumque vtilitas, vel commoditas Religionis, aut Ecclesiæ, prudens enim gubernatio id exigit. Suarez 4. to. de *Relig. tract.* 8. lib. 3. cap. 19. num. 21. Si autem scandalum aliquod, vel infamia Religiosi beneficiarij sequatur ex tali reuocatione tunc requiritur maior causa, vt scandalo, vel infamiæ obuictur. Casu etiam quo constaret reuocationem factam esse malo animo, malitia, aut odio posset Religiosus spoliatus implorare auxilium Superioris Prælati contra eum qui prædicto modo ipsum spoliauit beneficio. Lessius 2. de *inst. & iure* cap. 41. dub. 12. nu. 98. Sanchez lib. 7. in *decalog.* cap. 29. num. 115. In alijs tamen occasionibus etiam si sine causa spoliatur Regularis beneficio non potest agere contra Superiorem spoliante[m] coram Superiori Prælato, nisi solum proponendo, aut supplicando pro restitutione. Sanchez *ibid.* Suarez 4. tom. de *Relig. tract.* 8. lib. 3. cap. 19. num. 21. Quod est verum quamuis collatio spectet ad Abbatem, & Conuentum, quia etiam in tali casu Abbas solus potest reuocare Monachum beneficiarium, cum hæc sit natura beneficij manualis. Sanchez num. 112.

18 Non tamen vacant prædicta beneficia Regularia morte Abbatis, vel Superioris conferentis. Quia per solam mortem non inducitur reuocatio cap. *si delegatus de offic. delegat.* in 6. Abbas cap. *finali* num. 6. de *præcarijs*. Felinus cap. *per tuas* num. 4. de *maior.* & *obed.* Secus si beneficij concessio esset solum ad beneplacitum Abbatis, vel Superioris, quia beneplacitum expirat morte concedentis cap. *si gratiosè, de rescript.* in 6. Sanchez lib. 7. in *decalog.* cap. 29. num. 113.

19 De beneficijs autem Regularibus electiuis multi dicunt absque legitima causa tolli non posse à beneficiarijs, ac proinde esse perpetua. Ita aliqui Canonistæ quos sequitur Sanchez lib. 7. in *decalog.* cap. 29. num. 118. Sed meo videri consuetudo, tum patriæ, tum Religionis in hoc attendenda est, multa enim officia in Religionibus per electionem concessa reuocari possunt, saltem à supremo Prælato sine alia causa, quam ea quæ spectet ad bonum regimen Ordinis.

B b b

Quoties

20 Quoties autem beneficia huiusmodi Regularia fuerint perpetua, & non manualia, scilicet ex institutione, consuetudine, vel privilegio Summi Pontificis, non possunt Religiosi illa possidentes remoueri, sine culpa ipsorum. Quia hæc est qualitas, aut natura beneficij perpetui. *Selua de beneficijs 3.p.q.69.nu.vlt. Nauarrus Comment. 2. de Regularib. num. 65.* Vnde in talibus casibus potest Religiosus spoliatus agere contra Superiorem spoliantem, vt potè contra iniuste procedentem. *Nauarrus ibid. Sanchez lib. 7. in decalog. cap. 29. num. 122. & 123.* Idem dico quando talium beneficiorum collatio non pertinet pleno iure ad Superiorem Religionis, sed simul ad Episcopum, vel alium Prælatum. Sicut enim ea non possunt per solam voluntatem à Superiore Ordinis prouideri, si nec ab ipso tolli. Vnde sunt perpetua. *Suarez 4. tom. de Relig. tract. 8. lib. 3. cap. 19. à num. 22.*

21 Quando verò huiusmodi beneficia Regularia ex natura sua manualia à Papa immediatè conferuntur, si dentur cum *clausula* vt retineantur toto vitæ tempore reuocari non poterunt ab inferiori Prælato, cum euidenter constet de voluntate supremi Prælati quod non reuocentur. *Innocentius cap. cum inter R. statim in principio de elect. Felinus cap. constitutus num. 10. de rescript. & cap. per tuas num. 4. de maiorat. & obedient.* Si verò non apponatur talis clausula mihi probabilius est posse reuocari. Quia cum natura dictorum beneficiorum sit esse manualia, & amouibilia, si Pontifex oppositum non explicet censendus est noluisse illorum naturam alterare, sed relinquere illam vt prius, maximè cum hoc cedat in fauorem obedientiæ promissæ à Religioso cui Pontifex fauent semper nisi aliud exprimat. *Abbas cap. ad nostram num. 7. Lapus allegat. 26. & alij.*

22 Idem dico quando concessioni factæ à Prælatis beneficij Regularis manualis alicui Religioso accedit confirmatio Pontificia, potest enim etiam tunc Prælatus reuocare concessionem, cum per talem confirmationem Pontificiam nisi aliud in ipsa exprimatur, non alteretur, aut mutetur natura ipsius beneficij. Quod etiam intelligo (quidquid in contrarium dicant *Sanchez lib. 7. in decalog. cap. 29. num. 130. & alij* ab ipso citati) adhuc in casu quo Pontifex ex certa scientia confirmaret concessionem. Propter rationem adductam, & quia certa scientia Papæ confirmantis solum iuuat ad hoc quod rescriptum, vel Breue non possit argui de surreptione.

23. Fauet ad intentum Extraneus *Rursus Benedicti 12.* vbi determinatur quod habentes beneficia in Ordine Monachorum nigrorum S. Benedicti ex collatione, prouisione, vel ordinatione Sedis

Sedis Apostolicæ, vel Legatorum, seu executorum, vel prouisorum eiusdem Sedis, vel per litteras prædictorum, subsint in omnibus, & per omnia suis Prælati, & possint ab eis reuocari prout si ea habent à suis Abbatibus. Sanchez *l. 7. in decal. c. 29. n. 137.*

Consulantur etiam aliorum Ordinum Monachorum priuilegia. 24 Licet Episcopus stando in iure communi antiquo posset vnire Ecclesias suæ Diocesis ex *cap. sicut vnire de excess. Pralat. & c. expofusisti de præbendis*, vt fatentur communiter Doctores, & posset etiam consequenter vnire alicui Religioni Ecclesiam, seu beneficium suæ Diocesis, vt constat ex *Clem. 2. de rebus Ecclesie non alienandis*, Azorius *tom. 2. instit. moral. lib. 6. cap. 28. q. 19.* Sanchez *lib. 7 in decalog. cap. 29. num. 147.* & sequentibus, id tamen modo post Concil. Trident. dupliciter limitatum est, primò, vt beneficium non sit extra Diocesim, in qua est Monasterium, etenim in eodem Concilio *sess. 14. cap. 9.* id prohibetur. Secundò, ne beneficium illud vniendum sit curatum, quia id etiam interdicitur in Concilio *sess. 24. cap. 13.* Cum autem solum in prædictis duobus casibus limitauerit, aut abstulerit Concilium Episcopis auctoritatem vniendi, dicendum est in alijs casibus posse ea vt, ac per consequens vnire beneficia Monasterijs sicut iam etiam factum ab Archiepiscopo Hispalensi refert Sanchez *num. 187.* Poterunt ergo beneficia simplicia vniri Monasterijs, prout colligitur ex dicta *Clem. 2. de rebus Ecclesie non alienandis*. Idem Sanchez *to. 1. consil. moral. lib. 2. cap. 2. dub. 3.* Debet autem talis unio fieri ex causa legitima, Siluester in *Summ. verb. alienatio q. 12.* Videtur autem id proprium esse Episcoporum, vt colligitur ex *cap. sicut vnire de excess. Pralator.* Azorius *tom. 2. instit. moral. lib. 6. cap. 28.* Licet Sanchez etiam Abbatibus, & alijs Prælati iurisdictionem quasi Episcopalem habentibus hanc etiam facultatem concedat in Ecclesijs plene sibi subiectis *num. 160.* Vbi in sequentibus de conditionibus ad id necessarijs.

25 Casu autem quo siue ab Episcopo siue à Papa hæc unio beneficiorum Monasterio fiat gubernari poterunt per Religiosos sicut alia beneficia Regularia, iuxta dicta in superioribus. Fauent Felinus *cap. in nostra Corol. 40. num. 42. notab. 3. de rescript.* Selua de *beneficijs 3. par. q. 11. num. 126.* referens quamdam Rotæ decisionem. Manebunt autem subditi suo Prælati sicut de alijs beneficiarijs Regularibus dictum est *num. 14. & 16.*

26 Hinc declaratum dicitur à S. Congregat. Concilij Canonicum Regularem insu sui Superioris degentem in ædibus Parochialis Ecclesiæ Congregationi unitæ, in qua curam animarum exercet, & Sacramenta administrat, si delictum non concernens

cu ram animarum, nec administrationem Sacramentorum commiserit, non posse ab Episcopo puniri vigore decreti Concilij *cap. 3. sess. 6.* Barbosa in *Collectan. Bullar. verb. Canonici Regulares* 15. Quod etiam videtur dicendum de alijs Regularibus seruiuentibus similibus Parochijs, iuxta dicta *tom. 1. cap. 11. num. 8.*

27 Declaratum etiam dicitur, posse Ordinarios locorum visitare curatas Ecclesias si sint vnitæ Monasterijs, & in eis ponere Vicarios perpetuos, siue temporarios, iuxta dispositionem *c. 7. sess. 7.* Concilij Trident. Ita ex declaratione S. Congreg. Garzia de *benefic. par. 11. cap. 2. num. 12.* Barbosa in *Collectan. Bullar. verb. Curati*. Pro salario autem illis assignando vide Bullam Pij v. *Ad exequendum* in 2. tom. Bullar. num. 47. quæ etsi reuocata fuerit à Greg. xii i. in Bulla *In tanta* num. 9. inter Bullas Gregorij, nihilominus in suo robore manere dicitur, tum ob reualidationem ipsius ab eodem Gregor. factam, tum ob declarationem S. Congregat. De quo Gonzalez *sup. 8. reg. Cancell. de mens. & alternat. gloss. 5. §. 4. num. 79.* Cherubinus in *Compend. Bullar. sup. dictam Bullam* 47. Pij V. Laurentus de Franchis in *Controuersijs Episcop. & Regul. pag. mibi 14.*

28 Religiosus reuocatus à beneficio Regulari quod gerebat potest ea bona quæ habebat ex prædicto beneficio vsui suo applicata ad Monasterium deferre. Quia etsi fuerint ex fructibus beneficij cum sibi fuerint legitime applicata sequuntur ipsum quocumque ierit. Debent ergo cum ipso ad Monasterium venire, non vt liberam eorum administrationem sicut prius habeat, sed vt incorporentur cum alijs bonis Monasterij, iuxta præscriptum Regulæ, & Constitutionum. Suarez 4. *tom. de Relig. tract. 8. lib. 3. cap. 19. num. 11.*

29 Duo, vel plura beneficia eidem Regulari à Superiore Ordinis concedi non possunt nisi vnum ex eis ab alio dependeat, vel ad inuicem sint annexa. Ita enim deciditur *cap. cum singulis in princ. de præbend. in 6.* Rodriguez *tom. 1. quæst. Regul. q. 34. ar. 9.* Vnde ad id requiritur Sedis Apostolicæ auctoritas, vt ibidem habetur. Nauar. *Comment. 4. num. 23. de Regular.* Azorius *tom. 1. instit. moral. lib. 12. cap. 22.* Layman in *Theolog. mor. lib. 4. tract. 2. cap. 8. num. 8.*

30 Eo ipso quod Ecclesia concessa Monachis est ipso iure intelligitur concessa ipsis facultas conferendi ipsam, & constituendi in ipsa Rectorem. Ita post alios Rodriguez *to. 1. quæst. Regul. q. 36. ar. 1.* afferens pro hoc puncto priuilegia Leonis x. Camaldulensibus Iulij xi. Oliuetanis, & aliorum Pontificum.

31 Beneficia Regularia siue dentur in titulū, siue in cōmendam non

non possunt seminario vniri, secus verò si statum mutauerunt. Ex decisione S. Congreg. apud Barbosam in *Collect. Bullar. verb. Beneficium Regularare* 5.

32 Ex concessione Pij v. anno 1567. ad instantiam Philippi 2. Hispaniarum Regis possunt Capitula omnia Prouincialia Indiarum quorumcumque Ordinum etiam non Mendicantium dare licentiam suis Fratribus, vt officium Parochi exerceant, Sacramenta ministrando &c. In quo etiam includitur facultas prædicandi, sepeliendi Indos, asportandi eorum corpora Cruce alta, habendi scholas puerorum. *Rodrig. tom. 1. quæst. Regul. q. 35. ar. 1. Vbi alia ad intentum.*

33 Possunt prædicti beneficiarij Regulares tam libere impendere de redditibus suis in eleemosynas, & pia opera, præsertim spectantia ad suas Ecclesias, sicut & beneficiarij sæculares. Ratio est, quia etsi non sint Domini illorum reddituum, sunt tamen Procuratores, æconomi, & dispensatores illorum. Nauarrus *comment. 2. num. 6. fin. corollar. 9. de Regular.* Rodriguez *to. 2. quæst. Regular. q. 58. ar. 8.* Non tamen propterea possunt facere expensas superfluas, aut donationes illicitas, sed eas tantum quæ necessariæ, vtilis, vel conuenientes fuerint beneficijs, quæ possident, & statui ipsorum. Vnde licitè possunt disponere de prædictis bonis ad moderatam sustentationem secundum statum, eleemosynas, & pia opera. Grassis *1. par. decis. lib. 3. cap. 5. n. 43.* Sanchez *lib. 6 in decalog. cap. 6. num. 14.* Nec assentior alijs, qui dicunt non obligari hos Religiosos beneficiarios *Constit. Clement. viii. de largit. numerum.* Bonacina *de largit. numerum puncti 2. num. 2.* Etenim quantum ad donationes superfluas, & illicitas eodem modo ac alij astringuntur prædicta Constitutione, neque est aliqua ratio cur quoad illas eximantur.

34 Illegitimi non sunt capaces ante dispensationem cum illis factam alicuius beneficii sæcularis, siue Regularis. Ita habetur *ex cap. 1. & cap. finali de filijs Presbyterorum.* Rodriguez *tom. 1. quæst. Regul. q. 13. ar. 11.* Nec etiam Vicariatus Episcopalis, cum dignitas quædam sit, à qua arcentur. Abbas *in cap. 1. de filijs Presbyterorum.* Rodriguez *tom. 1. quæst. Regul. q. 13. ar. 13.*

35 Prædicti beneficiarij Regulares ex Ordine nostro assumpti etiam si beneficia dimiserint, in Capitulis, vel Congregationibus Ordinis non admittuntur nisi de consensu Generalis, iuxta dicta *tom. 1. cap. 16. num. 24.* ex priuilegio Calixti 111. quod habetur in Mari magno Ordinis Bulla 39. vbi hæc ad intentum. Hac irrefragabili Constitutione perpetuo valitura constituimus, statuimus, ac etiam ordinamus, quod nullus dictorum professorum bene-

bene-

beneficia ſæcularia, ſeu etiam Regularia, ex noſtra, vel prædeceſſorum noſtrorum Romanorum Pontificum, aut Sedis Apoſtolicæ, vel legatorum eius conceſſione, vel indulto, aut alias quouis modo in titulum, vel in commendam pro tempore obtinentium aut qui futuris temporibus quælibet obtinebunt, etiamſi illa, ſimpliciter, vel alio quouis modo dimiſerint, in prædictis Capitulis Generalibus, vel Prouincialibus, aut Congregationibus, ſeu negotijs, officijs, vel alijs adminiſtrationibus dicti Ordinis, niſi Generalis pro tempore conſenſu interueniente quomodolibet admittantur, ſub excommunicationis pœna quam admiſſi, & admittentes, prout in his ſcriptis ſerimus, incurrant ipſo facto, & ſi dicti beneficiati ultro admiſſi quouis quæſito colore contra voluntatem Generalis prædicti procurauerint, ſimili modo irregularitatis, & inhabilitatis maculas incurrant, beneficijsque per eos obtentis ipſo facto priuati exiſtant, & alijs perſonis idoneis per illos ad quos ipſorum collatio pertinere dignoſcitur conferantur, dictique beneficia, ſeu officia ambientes, vel procurantes perpetuo inhabiles, & ineligibiles abſque alicuius regreſſus ſpe mancant, & pro talibus perpetuo habeantur Quæ etiam confirmandi Sixtus IV. in Bulla *Dum attenda hæc etiam* habet. Prouidam verò Calixti Papæ III. prædeceſſoris præſati Conſtitutionem quæ incipit *Ad futuram rei memoriam Ad Roman. Pontificem*, qua voluit quod nullus dicti Ordinis profeſſorum beneficia ſæcularia, ſeu etiam Regularia quorumuis Romanorum Pontif. aut Sedis Apoſt. vel legatorum eius conceſſione, vel indulto quouis modo in titulum, vel commendam pro tempore obtinentium, aut quæ futuris temporibus quomodolibet obtinebunt, etiamſi illa ſimpliciter, vel alio quouis modo dimiſerint, in Capitulis Generalibus, vel Prouincialibus, aut Congregationibus, ſeu negotijs, officijs, vel alijs adminiſtrationibus dicti Ordinis, niſi Generalis pro tempore conſenſu interueniente, quomodolibet admittatur ſub excommunicationis pœna quam admiſſi, & admittentes ipſo facto incurrant auctoritate, ſcientia, & motu prædictis etiam in Archiepiſcopali, & Episcopali dignitate fulgentibus, aut Monasteria aliqua vel Prouinciam in commendam obtinentibus locū habere decernimus, atque prædictas litteras, & omnia, & ſingula in eis contenta ad eos qui in dignitatibus huiusmodi ſunt conſtituti extendimus; diſtinctè præcipiendo ſub pœnis in dicta Conſtitutione contentis omnibus, & ſingulis prædicta beneficia, aut dignitates quauis auctoritate, vel indulto obtinentibus, vt nullo modo de adminiſtratione Fratrum, aut domorū, aut Prouinciarum, ſeu Conuentuū, alio-

aliorumque bonorum se impediunt absque dicti Ordinis Magistri Generalis expressa licentia, non obstantibus quibuscumque litteris etiam à Sede Apostolica impetratis, vel impofterum impetrandis, quibus ex certa scientia, & motu proprio derogamus, & per præfentes derogari volumus, etiam si de illis habenda foret mentio specialis, ut singula bona Ordinis videlicet Prouinciæ, Ecclesiæ, domus, & supposita, & vtriusque sexus professi, ut tenentur, sub integra Magistri Generalis existant obedientia.

36 Caterum verba illa Calixti 3. *Et si dicti beneficiati, &c.* dubia mihi sunt, an scilicet solum intelligantur de ijs quæ beneficiati cum sint procurant admitti in prædictis Capitulis Generalibus, vel Prouincialibus prout videtur textus requirere, an verò etiam de ijs qui procurant ad prædicta beneficia promoueri, ut ibi dicitur *contra voluntatem Generalis*. Et licet ad vtrumque sensum facile trahi possent, credo in priori sensu sumenda, illa autem quæ sequuntur, scilicet, *dictique beneficia, seu officia ambientes, vel procurantes, &c.* ad utrosque extendi: per verbum *beneficia* ad eos, qui illa ambiunt, vel procurant, & per verbum *officia* ad eos, qui beneficiati cum sint, officia nihilominus Ordinis procurant, qui omnes grauissimis illis pœnis à Pontifice afficiuntur.

37 Non sunt capaces Regulares pensionis propriè dictæ super beneficio Regulari sui Monasterij ponendæ à Superiore ipsius sine dispensatione Sedi Apostolicæ. Primò, quia attento Romanæ Curia: vsu, propriæ, & veræ pensiones, quibus beneficia ipsa onerantur ad certam reddituum partem alteri dandam sola Pontificia auctoritate conceduntur, ut dictum est cap. 2. num. 20. Secundò, quia in *Clem. vnica de supplend. neglig. Prælator.* ita videtur decerni. Archidiaconus cap. fin. num. 2. de offic. Ordinar. in 6. Sanchez lib. 7 in decal. c. 29. n. 95. Loquendo autem de impropria pensione quæ scilicet non imponitur beneficio, sed ipsi beneficiario, credo posse imponi à Prælato Regulari conferente Religioso beneficium Regulare, si videlicet ex causa rationabili imponat illi ut partem fructuum beneficii soluat alicui Religioso, vel det pro fabrica Monasterij, vel alterius operis pij, amobili- ter à voluntate ipsius Superioris. Ratio est, tum quia hoc nullo modo est contrarium voto paupertatis, aut obedientiæ Religio- sæ, quin potius illis conforme, tum quia in hoc casu beneficium non est eo onere pensionis affectum sed persona, tum quia secun- dum aliquos id etiam possunt facere Episcopi, tum denique quia cum beneficia Regularia non conferantur ut perpetua, sed ut manualia, sicut ipsa subsunt dispositioni Superioris, ita & fructus
illo.

illorum, ac per consequens poterit de illis disponere quando, & quomodo voluerit. Poterit ergo de prædictis fructibus partem aliquam applicare alij Religioso, vel pio operi. Azorius *tom. 2. instit. moral. lib. 8. cap. 6. q. 1. vers. extra omnem controuersiam*. Lessius *secundo de iust. cap. 41. dub. 11. num. 94. Sanchez vt supra num. 99*. Idque, vt audiui, vsu receptum est in Religione S. Spiritus in Saxia, vt à Reuerendis. Præceptore huius Religionis beneficia huiusmodi cum talibus pensionibus conferantur, idque fieri posse consultus à quodam Religioso illius respondi.

38 Prouisi de beneficijs Regularibus videntur etiam obligati ad professionem fidei faciendam, sicut & alij quicumque prouisi de beneficijs quibuscumque curam animarum habentibus, iuxta Concil. Tridentini decretum *sess. 24. cap. 12*. Concilium enim loquitur de quibuscumque prouisis ad beneficia curam animarum habentia, quamuis non exprimat an id de beneficijs sæcularibus solum, an verò etiam de Regularibus intelligi debeat. Desidero tamen aliorum sententiam in hoc audire, cum nullum usque modo viderim.

39 Collatores beneficiorum quacumque dignitate præfulgeant nihil pro collatione, seu quauis alia dispositione beneficiorum, quouis quæsito colore, directè, vel indirectè, etiam sub nomine annatæ, aut cuiusvis alterius portionis fructuum à sponte dantibus, vel offerentibus accipere, aut exigere possunt. Ita enim habetur ex declaratione S. Congregationis. Garzia *de benefic. par. 8. cap. 1. nu. 75. & 76. Barbosa in Collect. Bullar. verb. collatio*. Apud quos etiam de Notarijs, à quibus fiunt instrumenta collationis.

40 Videtur teneri prædictos beneficiarios curam animarum gerentes adire Congregationes, quæ iussu Episcopi ad casus conscientie differendos habentur, etiam si sint in Parochialibus Hierosolymitanæ Religionis. Tum ex dictis *tom. 1. cap. 19. n. 44*. tum ex declaratione S. Congregat. apud Barbosam *in Collectam. Bullar. verb. Congregationes diuersorum 5*.

SUMMARIUM CAP. XIX.

- Que Monasteria habere possint bona stabilia . nu. 1.*
Que bona Fratribus sint permessa . nu. 2.
Per bona stabilia que intelligantur . nu. 3.
*Monasteria immobilium capacia an, & quando possint possidere seu-
 dum . nu. 4.*
Quid sit feudum . ibid.
Quotuplex est seruitium per feudum requisitum . ibid.
Quid quando feudum habet dignitatem annexam . ibid.
Capacia etiam sunt emphyteosis . num. 5.
Quoties pensionis solatio non repugnat illis . ibid.
Quid sit emphyteosis . ibid.
*An possint dare bona immobilia Monasteriorum in feudum, seu em-
 phyteosim . ibid.*
Capacia etiam sunt iurisdictionis temporalis . nu. 6.
Item possidendi maioratus . num. 7.
De quibus maioratibus id intelligendum . ibid. & num. 8.
An Regnum, Ducatum, Marchionatum, &c . num. 8.
An maioratus institutos favore agnationis . num. 9.
An fidei commissa . num. 10.
Quid sit fidei commissum . ibid.
Capacia item sunt possidendi ius patronatus . nu. 11.
Item ius nominandi ad emphyteosim . num. 12.
Tribus etiam modis acquirere possunt . nu. 13.
Donatione, emptione, & successione . ibid.
Que domus Religiosæ acquirere non possint successione . ibid.
Iura feudorum acquirere possunt . num. 14.
Iura etiam emphyteosis . num. 15.
Quando id intelligendum . ibid.
Item iurisdictionem temporalem . nu. 16.
Quando succedent in maioratus . num. 17.
Quid de alijs maioratibus . num. 18.
An possint eos acquirere emptione, vel donatione . num. 19.
An possint dicta Monasteria primogenia instituere . ibid.
Quomodo acquirere possint fidei commissa . num. 20.
Quomodo iura Patronatus . num. 21.
De quibus, aut quomodo . ibid.
An donatione, seu translatione eorum qui illa habebant . nu. 22.
*Quid quando Ius patronatus competit Monasterio solum ratione
 persona Religiosi . num. 23.*

An succedant prædicta Monasteria in Ius nominandi ad emphyteosim. num. 24.

An succedant in legitimam debitam professio. num. 25.

An in iura suitatis, & agnationis, iura sanguinis, & cognationis, &c. num. 26.

Transcantne ad prædicta Monasteria bona quæ habebat professus in saculo cum pacto non alienandi. num. 27.

Aut illa quæ habebat grauatus eo onere, ut si moreretur absque filiis transirent ad aliquem tertium. num. 28.

Quid dicendum de usu fructu quem habebat ille qui professionem emisit. num. 29.

Quid dicendum de precario. num. 30.

Transcunt ad prædicta Monasteria omnia bona de quibus Religiosus ante professionem non disposuerat, siue ab ipso sunt acquisita. num. 31.

Potest ne contraria consuetudine derogari huic iuri succedendi. n. 32.

An id fieri possit iure ciuili. num. 33.

Non succedunt prædicta Monasteria in beneficia Nouitij. n. 34.

Nec in bona professi qui tempore Nouitiatus renunciauit illis. n. 35.

Nec in bona Nouitij quæ sunt legitima filiorum quos habet in saculo. num. 36.

Nec in bona Professi quæ sunt legitima Patris. num. 37.

A quo tempore debeantur talia bona tradi Patri. num. 38.

Nec etiam succedant ante mortem Patris in hereditatem quæ contingere poterat filio post Patris mortem. num. 39.

Nec etiam succedent in bona relicta Religioso substitutis alijs post ipsum. num. 40.

Nec in usum fructum quem habet Pater in bonis aduentitijs filij. num. 41.

An succedant in ius petende renouationis emphyteosis, aut in ius retractus sanguinis. num. 42.

Quid si aliquis professus est propter dolum, & cupiditatem Prælati ad illius bona inbiantis. num. 43.

Acquirere etiam possunt prædicta Monasteria bona temporalia, si heredes instituantur. num. 44.

Capacia etiam sunt legatis. num. 45.

Legata relicta particularibus Religiosis transcunt ad Monasteria. num. 46.

Legata relicta ad certum usum an possint ad alios applicari. n. 47.

An bona inuenta quorum Dominus ignoratur illis applicari possint. num. 48.

Quid de aliquibus priuilegijs Religionum sentiendum. ibid.

Quid

Quid de bonis incertis, male ad quisitis ex contractu, furto, aut alia defraudatione. num. 49.

Quid de bonis Monasteriorum Monialium destitutorum. num. 50.

Damnificantes, seu occupantes bona Regularium quibus pœnis subiacent. num. 51.

Administratio bonorum Monasterij ad quem pertineat. nu. 52.

Administratio tres actus includit. num. 53.

Alienare quæ bona possint Religiosi. num. 54.

Præsertim donando illa. ibid.

De alienatione bonorum immobilium, & mobilium prætorum. num. 55.

Qui contractus nomine alienationis intelligantur. ibid.

Transferre etiam bona unius Monasterij in aliud fieri non potest à Regularibus. num. 56.

Alienari possunt ab ipsis sine S. Congregationis licentia mobilia non prætoriosa. num. 57.

Item mobilia etiam prætoriosa quæ seruando seruari non possunt. ibid.

Quid de mancipijs. ibid.

Quid de oblationibus factis sacris Imaginibus. ibid.

In quibus casibus etiam de immobilibus facere possunt Regulares alienationem sine licentia S. Congregationis. num. 58.

An pecunia prohibita sit alienari, & quando. num. 59.

An repudiari possit, seu non acceptari legatum, vel hereditas. nu. 60.

Non effugiunt pœnas Extravagantis, & decreti S. Congregationis qui res Monasteriorum alienant dicentes id facere saluo S. Apostolica consensu. num. 61.

Quæ solemnitas requiratur ad alienationem rerum Ecclesiasticarum. num. 62.

An quoad hoc reuocata sint priuilegia Regularium. ibid.

Quanto tempore præscribitur contra bona Regularium. num. 63.



De bonis, & possessionibus quibus capacia sunt
 Monasteria Regularium personarum,
 seu in quæ succedere possunt, &
 de eorum administra-
 tione.

Cap. XVIII.



Certum sit ex dictis *tom. 1. cap. 6. num. 5.* & in hoc *tom. cap. 1. à num. 2.* omnia Monasteria Regularium etiam Mendicantium tam virorum, quam mulierum (exceptis Capucinis S. Francisci, Minoribus de obseruantia, qui à Concilio Tridentino excepti sunt, & domibus professis Societatis Iesu, ac etiam Conuentibus nostrorum PP. Discalceatorum Hispaniæ propter peculiare ipsorum leges) posse bona stabilia, seu immobilia possidere, & multo magis bona mobilia, ideo de huiusmodi bonis in præsentī dicendum. Primò, in genere de bonis quibus capacia sunt. Secundò, de modis quibus ea acquirere possunt. Ac tertio, ad quem, vel quos pertineat illorum administratio.

2 Est autem sermo de ipsis Monasterijs, aut Conuentibus, non de Fratribus, aut Religiosis in particulari, quia de istis dictum est *tom. 1. cap. 6. num. 19.* non posse habere bona aliqua immobilia, etiam à voluntate Superiorum dependentia, vel reuocabilia, iuxta decreta Concilij Tridentini, & Summorum Pontificum ibi adducta, nisi forsan per accidens in aliquo casu, vt ibi etiam à *num. 21.* dictum manet, posse tamen mobilia bona, ad vsum facti reuocabilem, & amouibilem rerum necessariarum statui, & personæ habere, iuxta ibidem dicta *num. 3. & 16.* De Religiosis autem Societatis Iesu qui sola biennij vota emiserunt specialis est ratio propter specialem modum paupertatis huius Religionis, de quo Sanchez *lib. 7. in decalog. cap. 27.*

3 Per bona autem stabilia quæ prædicta Monasteria Regularium possidere possunt, intelliguntur domus, vineæ, prata, prædia, annui redditus, census, iura, & actiones ad aliqua faciendum, vel recipiendum quæcumque bona, siue mobilia, siue immobilia. Abbas in *cap. Nulli de reb. Eccles. non alienand. num. 9. & 10.*

Suarez

Suarez 4. tom. de Relig. tract. 8. lib. 2. cap. 27. num. 16. & 17. Vnde per stabilia bona non solum intelliguntur ea quæ fixâ habent radicem, vt sunt fundi, prædia, domus, sed etiam iura fructifera, vt sunt census quibus annui redditus correspondent, seruitutes, & similia bona, quæ incorporalia dicuntur. Suarez de defens. fidei, lib. 4. cap. 18. nu. 1.

4 Capacita item sunt prædicta Monasteria quæ in communi bona immobilia possidere possunt, possidendi etiam feudum, quando seruitium petatum in feudo est tale quod possit à Monasterio exhiberi, secus autem quando tale est, quod exhiberi nequeat. Pro quo notandum feudum esse ius habendi rem aliquam immobilem quoad dominium vtile cum onere obsequij, vel seruitij exhibendi principali habenti dominium directum talis rei. Quando ergo tale obsequium, vel seruitium exhibendum est tale, quod à Monasterio exhiberi possit, tunc capax erit feudi, secus verò quando non potest ab ipso exhiberi. Ratio est, quia feudum habet annexum illud onus, quando ergo Monasterium capax est subeundi tale onus, capax etiam erit feudi, quando autem incapax est oneris subeundi, incapax quoque erit feudi. Molina tom. 1. de iust. disp. 140. vers. Regulam. Lessius 2. de iust. cap. 41. dub. 10. num. 84. Sanchez lib. 7. in decalog. cap. 15. num. 36. Extat insuper priuilegium Celestini v. suæ Congregationi de quo Rodrig. tom. 1. q. 38. ar. 3. vbi etiam de alijs circa hoc. Tunc autem erit Monasterium capax talis oneris subeundi cum seruitium præstandum Patrono directo feudi est reale consistens in pecunia, vel alia re tradenda, vel si sit personale non dedecet Religionem illud subire, vel casu quod dedecet, possit per substitutum exhiberi. Sanchez vt supra. Vnde feudi petentis seruitium incertum ad arbitrium domini capacia non sunt Monasteria, cum posset tunc à domino postulari seruitium quod non posset, vel non deceret à Monasterio exhiberi. Menochius consil. 54. num. 15. Sanchez vt supra num. 44. Limitatur tamen tradita doctrina de capacitate Monasteriorum ad possidendum feudum ad feudum quod non habet dignitatem annexam cuius incapax est Monasterium, vt Regni, Ducatus, Marchionatus, & Comitatus. Cum enim Monasteria capacia non sint huiusmodi dignitatum, vt dicitur inferius num. 8. sic neque feudi cui annexæ sunt. Molina vt supra. Azor. tom. 1. instit. moral. lib. 12. cap. 8. q. 5. Quando autem succedat Monasterium in feudum Nouitij dicitur infra num. 14.

5 Capacita etiam sunt prædicta Monasteria bona immobilia possidentia emphyteosis, sicut, & feudi, quoties pensionis solutio

NON

non repugnaret, aut esset indecens Monasterijs. Pro quo etiam notandum, emphyteosim esse ius habendi rem aliquam immobilem quoad dominium vtile cum onere soluendi realem aliquam pensionem domino in recognitionem directi dominij. Quoties ergo talis pensionis solutio non repugnat, aut indecens est Monasterio, capax erit emphyteosis. Ratio est, quia cū generaliter loquendo prædicta Monasteria capacia sint possidendi bona immobilia, cum emphyteosis inter illa numeretur, nec possit esse aliqua ratio specialis in illa, nisi repugnantia, aut indecentia solutionis pensionis, si hæc non est, nulla erit. Nauar. *comment. 2. num. 55. fin. de Regular. Azor. to. 1. instit. moral. lib. 12. cap. 8 q. 4.* Possunt etiam dare bona immobilia Monasteriorum tam in feudum, quam in emphyteosim, quod intellige seruata solemnitate requisita pro alienatione bonorum Ecclesiæ de quo infra à num. 54. & tom. 1. cap. 10. à num. 1. Pro quo videtur extrare priuilegium Leonis x. Societati Charitatis de Vrbe, quod refert Rodrig. tom. 1. *quæst. Regul. q. 38. ar. 2. ex Compend. priuilegiorum Societatis Iesu.* Licet dubitem an illo possint frui Regulares. Casu autem quod emphyteuta, ille scilicet, qui habet bona illa à principali domino, pensionem non soluat, cadere in commissum, & posse expelli auctoritate Prælati, habent plures, & habetur ex priuilegio Pij v. concessio Fratribus SS. Trinitatis. Siluester *verb. emphyteu. num. 2.* Rodrig. *ut supra.*

6 Sunt quoque capacia prædicta Monasteria iurisdictionis temporalis, prout colligitur *ex cap. cum dilectus de ordine cognit. ex cap. Abbate sane desentent. & re iudicat. in 6. & ex quadam lege recopilationis L. 4. tit. 3. lib. 1. recop.* Experientia quoque ipsa quæ constat in partibus Hispaniarum multa Monasteria possidere villas, & castra cum iurisdictione. Et ratio est, quia nihil est in iurisdictione temporali quod impediatur quo minus Monasterijs conuenire possit. Si enim dicatur indecens esse Religiosos secularia negotia pertractare, aut iurisdictionem criminalem exercere, maximè ubi interuenit cauta sanguinis, id solum probat hanc iurisdictionem à Religiosis mediate solum, & per substitutos, aut delegatos exerceri debere, quod est verū & colligitur *ex cap. finali ne Clerici, vel Monachi in 6. Rodrig. tom. 2. q. Regul. q. 78. ar. 12. 9. neque obstat alia decretalis. Sanchez lib. 7. in decalog. cap. 15. num. 12.*

7 Pariter etiam videtur dicendum prædicta Monasteria possidendi Maioratus capacia esse, tam loquendo de Maioratus non habentibus iurisdictionem temporalem annexam, quam de illis qui habent illam. Tum quia capacia sunt quorum cumque

bono-

bonorum, & iurium immobilium, vt colligitur ex *authentic. ingressi C. de Sacrosancta Ecclesia*, & Concil. Trident. *sess. 25. cap. 3.* Tum quia nihil est in Maioratus quod repugnet statui Religioso Monasteriorum, vt discurrenti per singula patebit, & constat ex dictis *num. preced. Rodrig. tom. 2. quest. Regul. q. 78. art. 12.* post alios. An autem de facto in huiusmodi Maioratus succedant Monasteria dicitur inferius *num. 17.* Intelligitur autem doctrina tradita de Maioratus inferioribus, non de his qui summam dignitatem, aut iurisdictionem annexam habent pro qua petita videatur industria personæ singularis, propter dicenda *num. sequenti.*

8 Nihilominus non videntur prædicta Monasteria habere posse, aut capacia esse habendi Maioratus illos, qui summam, aut supremam dignitatem, aut iurisdictionem habent annexam, vt sunt Regnū, Ducatus, Marchionatus, Comitatus. Ratio est, quia huiusmodi dignitates, seu Maioratus, ea munera, & ministeria habent annexa, quæ vix, aut nullo modo per substitutas personas exerceri possint, vt propterea tam iure gentium, quam ex institutione harum dignitatum videantur personales, & ad illas industria personarum requisita, ita vt per substitutos administrari non possint. Rex enim personaliter debet adesse Curie, Comitibus, bello &c. Duces etiam, Marchiones, & Comites personaliter seruire debent exercitui, assistere Regi, Curie, bello &c. Glossa *cap. scripsit, verb. dignitates 27. q. 2.* Tiraquell. *de nobilitat. cap. 26. num. 3.* Molina *lib. 1. de primog. cap. 13. num. 18.* Specialiter aliqui qui sustinent posse Monasteria Maioratus alios inferiores possidere id negant de istis. Auendagno iunior *L. 40. Tauri gloss. 4. num. 39. & 45.* Rodriguez *tom. 2. quest. Regul. q. 78. art. 12. §. præterea licet*, vbi inquit. Hoc autem cessat in primogenijs quæ dignitates habent supremas annexas non habent, sed tantum Vassallos, & iurisdictionem, cuius iurisdictionis seruitium, & ministerium non est personale, & per substitutos potest exerceri.

9 Probabile etiam valde est prædicta Monasteria capacia etiam esse habendi Maioratus institutos fauore agnationis, familiæque conseruandæ, durante scilicet vita Religiosi, cui talis Maioratus competebat. Ratio est, quia Religiosus non perdit iura sanguinis, nec ex eo quod Religiosus est, desinit esse de genere, familia, & agnatione sua, nec perdit nobilitatem quam habebat, vt dixi *tom. 1. cap. 2. nu. 16.* ergo ratione ipsius capax erit Monasterium possidendi huiusmodi Maioratus, cum Monasterium possideat illa bona, seu iura quæ Religiosis competunt, aut competere possunt, siue ante, siue post professionem. Quod intellige
pro

pro tempore quo viuit Religiosus, ita vt post illius mortem transeat Maioratus ad alium agnatum vocatum in institutione illius. Rodriguez tom. 2. *quæst. Regul. q. 78. art. 12. S. neque etiam obstat*, & probabile id putat, etsi probabilius contrarium, Sanchez lib. 7. in decalog. cap. 15. num. 19.

10 Multo magis certum est prædicta Monasteria capacia esse habendi, aut possidendi fideicommissum (ideest ius habendi aliam quam hereditatem alicui relictam eo onere vt alteri postea restitatur) ratione Religiosi ad quem spectabat, etiamsi illud relictum esset familiæ, aut agnatis. Ratio est, quia cum Religiosus familiam, & agnationem seruet, vt num. præced. dictum est, & ex alia parte Monasteria capacia sint cuiuscumque hereditatis Religioso competentis, absdubie ratione illius capax erit talis fideicommissi. Mantica de coniecturat. ult. volunt. lib. 8. tit. 12. num. 25. & 27 Sanchez lib. 7. in decalog. cap. 15. num. 21.

11 Sunt quoque præfata Monasteria capacia habendi Ius patronatus, quod vt dixi cap. 11. num. 1. non est aliud, quam potestas præsentandi instituendum ad beneficium Ecclesiasticum in Ecclesia pro eo quod eam fundauit, vel construxit, vel dotauit. Ratio est, quia nihil est in tali iure patronatus, vel exercitio ipsius quod repugnet Religiosorum domibus, vel indecens illis sit, cum ergo ex alia parte prædicta Monasteria capacia sint quorumcumque iurium, seu bonorum etiam immobilium, capacia etiam erunt huiusmodi Iuris patronatus. Et ita id supponunt Lambertinus de Iure patronat. lib. 1. par. 1. q. 8. art. 9. num. 7. Rodriguez tom. 2. *quæst. Regul. q. 122. ar. 2.* Sanchez lib. 7. in decalog. cap. 14. num. 5. quomodo autem in illud succedat inferius num. 21. dicetur.

12 Insuper præfata Monasteria capacia sunt habendi ius nominandi ad emphyteosim, quam Religiosi habebant ante professionem. Nihil enim est in hoc iure, aut exercitio ipsius quod repugnet, vel indecens sit Monasterijs, casu ergo quod Religiosi ante professionem tale ius habuissent cum post professionem nullum temporalium bonorum ius maneat in ipsis, sed totum transeat ad Monasterium, transibit etiam, & istud. Molina tom. 2. de iust. disp. 482. *vers. vtrum autem Religiosus.* Sanchez lib. 7. in decalog. cap. 14. num. 16. & 17. Quando etiam succedat in hoc ius Monasterium dicetur infra num. 24.

13 Prædicta autem bona, seu iura, quibus capacia esse Monasteria Regularia, quæ immobilia possidere possunt, dictum est, tribus præsertim modis, aut aliquo ipsorum acquiri possunt à Monasterijs, videlicet donatione, emptione, & successione, ad quos

quos tres modos acquirendi reduci possunt alij. His autem modis acquirere posse Monasteria constat tum ex iure communi, & praxi Ecclesiæ, tum ex multis priuilegijs Religionum. Praxis Ecclesiæ nota est apud omnes. Ius commune habetur in *cap. nullam* 18. q. 2. de quo Suarez 3. tom. de Relig. lib. 2. cap. 26. Priuilegia quoque Religionum multa afferri possent, de quibus Casarub. in *Compend. priuileg. Mendicant. verbo Bona, verb. Eleemosyna, verb. Hereditas, verb. Legatum, & verb. Possessiones Fratrum*. Portellus in *Dub. Regul. verbo Bona, verb. Eleemosyna, & verb. Legatum*. Excipitur ab hoc ultimo acquirendi modo qui est per successionem Religio Societatis Iesu quoad collegia, etsi enim annuos redditus, & bona stabilia possideant, nihilominus priuata sunt iure succedendi in bona suorum Religiosorum, iuxta dicta *cap. 1. num. 7*. Quod idem dico de Collegijs nostrorum PP. Discealceatorum Congregationis Hispaniæ, nequeunt enim in Fratrum hereditatem succedere, ut ibi diximus. Prædicta ergo Collegia, quantum ad hoc punctum succedendi intelligi debent excepta. De alijs est sermo in præsentī.

14. Igitur acquirere posse prædicta Monasteria iura feudorum, seu feuda ipsa, successionē, eo quod aliquis feudum possidens ingrediatur, & profiteatur Religionem, patet, quia cum Monasteria succedant in omnia iura professi, quibus capacia sunt ipsa Monasteria, cum illa capacia sint possidendi feudum, quando seruitium per illud postulatum est tale, ut ab ipsis exhiberi possit, iuxta dicta *num. 4*: absdubie transibit etiam feudum talis professi, cum alijs ipsius bonis ad Monasterium. Confirmatur, quia Nouitius minimè amittit feudum per ingressum Religionis, sicut nec alia bona, cuius signum est, quod egrediens Religionem retinet omnia illa. Ergo quemadmodum cum proficitur Religionem in alia bona ipsius succedit Religio si est capax succedendi, sic & in feudum, ac perinde successionē acquirit Monasterium feudum. Azor. tom. 1. *instit. moral. lib. 12. cap. 8. q. 5*. Rodriguez tom. 1. *quæst. Regular. q. 38. ar. 3, & tom. 2. q. 62. ar. 10. & q. 78. ar. 12. vers. Tertio probatur*. Possē etiam donatione acquiri constat ex priuilegio Celestini v. factō Congregationi Celestini, de quo Rodriguez dicto tom. 1. q. 38, ar. 3. Vbi etiam de alio simili priuilegio concessō Congregationi S. Georgij in Alga. Emptione autem posse acquiri, constat ex dictis, quæ enim successionē, & donatione acquirere possunt Monasteria, etiam emptione acquirant, posita ipsorum capacitate.

15. Idem etiam de emphyteosi dicendum videtur, posse scilicet prædicta Monasteria, bonorum immobilium capacia acquirere

illam successionem, ob professionem videlicet in Religione alicuius talem emphyteosim possidentis, quando scilicet, vt dictum est *num. 5.* pensio soluenda non est indecens, aut repugnans Monasterio. Cum omnia iura, & bona professi, vt dictum est, ad Monasterium transeant. Nauarrus *comment. 2. num. 55. fin. de Regular.* Molina *to. 1. de iur. disp. 140.* Sanchez *lib. 7. in decalog. cap. 15. à num. 53.* apud quos etiam, quæ & qualis sit hæc emphyteosis, in quam Monasteria prædicta succedant. Possent etiam illam acquirere Monasteria donatione sibi ab alijs facta, vel etiam emptione ex eo constat, quod in eo nulla apparet repugnantia, aut indecentia. quare id fieri non possit.

16 Pariter de iurisdictione temporali dicendum est, eam scilicet acquirere posse prædicta Monasteria bonorum immobilium capacia, tum successionem ratione Nouitij in Religione profitentis, tum emptione, & donatione, cum in hoc nulla sit repugnantia, aut indecentia. Maxime quia cum possint his tribus modis acquirere villas, castra, seu pagos quibus annexa est talis iurisdictionis temporalis, eisdem etiam modis illam acquirere.

17 De Maioratus autem loquendo quamuis, vt dictum est *num. 7.* prædicta Monasteria aliquos illorum habendi capacia, sint, quasi in actu primo, & in potentia, nihilominus in illos non succedunt ratione professorum in Religione. Primò, quoties à primo maioratus institutore adiecta est clausula ne in illum succedant Monachi. Talis enim conditio iusta est, & valida, cum non eò tendat, vt à statu Monachali retrahat, sed vt familia conseruetur. Conarrub. *lib. 1. variar. cap. 19. num. 10.* Molina *tom. 1. de iust. disp. 207. conel. 2. & 3. tom. disp. 623. nu. 3.* & alter Molina *de Hispan. primog. lib. 2. s. 12. n. 54* In tali autem casu statim à die professionis possessoris maioratus deuoluitur ipse maioratus ad sequentem vocatum, non aliter, quam si possessor naturaliter mortuus fuisset. Ea enim professio æquiparatur morti naturali, quemadmodum ergo si talis possessor maioratus naturaliter moreretur deuolueretur ad sequentem vocatum, sic etiam in præsentem cum Monasterium sit exclusum. Molina *tom. 3. de iust. disp. 623. num. 2.* Sanchez *lib. 7. in decalog. cap. 15. num. 10.* Secundò, etiam si à primo institutore maioratus non sit apposta prædicta clausula exclusiua Monachorum, quoties verisimiliter præsumitur ex signis, vel conditionibus in institutione positis nullatenus voluisse prædictum institutorem, vt maioratus ad Monasteria peruenirent. Cum enim talis voluntas rationabilis sit, valida erit, sicut dictum est de voluntate expressa per clausulam excludentem. Molina *lib. 1. de primogenijs cap. 13. à num. 81.*

vsque

usque ad 94. Grassi 2. par. decis. lib. 3. cap. 19. num. penult. Molina Societ. Iesu tom. 3. de iust. dicta disp. 623. num. 4. Quo etiam casu iudicandus erit professus maioratum obtinens quasi naturaliter mortuus, & transibit maioratus ad alium vocatum, ut dictum est supra, propter eandem rationem. Signa autem talis voluntatis institutoris maioratus erunt, si petat arma, & nomen suum à successoribus in maioratu observari, saltem eo modo honorifico, ac splendore, quo à Religiosis id fieri nequeat, aut non deceat. Si habens filium Monachum tempore quo instituebat maioratum nullam de ipso mentionem fecit, sed solum de alijs filijs, filiabus, aut consanguineis. Si petat quod successor in maioratu vadat personaliter cum Rege ad bellum, & similia, Sanchez lib. 7. in decalog. cap. 15. num. 23. & 26.

18 In alios autem maioratus in quorum institutione non apponitur clausula expressè exclusiva Monachorum, neque sunt signa presumptionis talis exclusionis, siue habeant, siue non habeant annexam iurisdictionem, dummodo non sint ex illis qui summam dignitatem, vel iurisdictionem important, de quibus supra num. 8. succedere possunt prædicta Monasteria. Ratio est, quia cum illorum capacia sint, iuxta dicta num. 7. & ex alia parte regula generalis sit ex *authent. ingressi C. de Sacrosanct. Eccles.* quod Monasteria in omnia professi bona, & iura succedant, non est cur à tali successione excludantur, maximè quia priuari Monasteria tali successione quædam pœna videatur iuris communis restrictiva, pœna autem interrogari nequit nisi sit in iure expressa. Quæ sententia, quoad maioratus iurisdictione carentes receptissima est apud auctores. Molina lib. 1. de primogenijs cap. 13. num. 95. & alter Molina Iesuita tom. 3. de iust. disp. 623. num. 3. Quoad maioratus verò iurisdictionem habentes est probabilissima. Avendagnus iunior. L. 40. Tauri Gloss. 4. num. 39. Rodriguez latè, & doctè 2. tom. quæst. Regul. q. 78. ar. 12. ubi in fine concludit ita iudicatum esse in Senatu Pintiano in causa cuiusdam maioratus.

19 Ex quibus constat prædicta Monasteria acquirere posse successionem, & in persona professorum in aliquos, & plures maioratus succedere. An verò similiter eos possint acquirere emptione, vel donatione, pendet ex cognitione naturæ dictorum maioratum, de quo alias. Cum autem capacia sint saltem aliquorum, ut dictum est, nisi natura ipsorum maioratum repugnet, etiam emptione, vel donatione eos acquirere poterunt. Idem etiam videtur dicendum de institutione primogenij, etsi enim Religiosus particularis primogenium instituere nō possit,

•••••

Ddd 2

quia

quia est actus dominij, & quia is qui non potest contrahere, nec ultimam voluntatem facere, primogenium instituere non potest, vt docet Tapia *auth. ingressi verb. ideoq. nec de his c. 1. n. 73.* Molina *to. 3. de iust. disp. 604. n. 4.* de Monasterijs autem cum capacia sint dominij, & possint contrahere, videtur posse illud instituere, saltē in iure communi naturali stando. Quamuis quia primogeniū est res prophana abstinere ab ipsius institutione debeant etiam Monasteria, nisi ex pia aliqua, & honesta causa. Molina *lib. 2. de primogen. cap. 9. num. 67.* & alter Molina Iesuita *dicta disp. 604. nu. 5. 20.* Pari etiā ratione possunt prædicta Monasteria fidei cōmissa successione acquirere, cū capacia sint illa possidendi, iuxta dicta *supra num. 10.* & tenent Mantica, & Sanchez *ibid. relati.* Emptione quoque, & donatione illa etiam acquirere posse videtur, nisi ebisset natura, aut qualitas ipsorum.

21 De iure patronatus loquendo cum illius capacia sint prædicta Monasteria, iuxta dicta *supra num. 11.* ideo successione, acquiri potest ab ipsis, sicut, & alia professi iura, vt Lambertinus, Rodriguez, & Sanchez *ibid. relati* docent. Intelligendum autem hoc erit de iure patron. seu præsentandi, quod iure singulari, aut personali pertinebat ad professum, si enim illud competebar ipsi non iure singulari, aut personali, sed quatenus erat in sæculo pars alicuius communitatis, vel Collegij, cum ratione professionis definat esse talis pars, non transiet ad Monasterium. Glossa *in cap. beneficium verbo conferendum in additionibus de Regul. in 6.* Sanchez *lib. 7. in decalog. cap. 14. num. 1.* Similiter acquireretur Monasterio ius patronatus quod acquireret Monachus iam professus fundans, construens, vel dotans Ecclesiam. Cum quidquid Monachus acquirat Monasterio acquirat. Lambertinus *de iure patron. lib. 1. par. 1. q. 8. art. 9. num. 7.* Addit Sanchez vt *supra num. 4.* id esse quando Monachus ex legitima licentia fundaret, construeret, vel dotaret Ecclesiam. Verumtamen etiam si non adsit talis licentia, sed demus, quod Monachus sine illa illegitimē, vel peccaminosē contra votum obedientiæ, vel paupertatis fundaret, construeret, vel dotaret talem Ecclesiam, adhuc ius patron. quod acquisuerat transit ad Monasterium, iuxta dicta *tom. 1. cap. 6. num. 40.* Præterea, acquirere possunt successione prædicta Monasteria ius patronatus quod est annexum aliquibus bonis professi in quæ succedunt ipsa Monasteria. Cum enim accessorium sequatur naturam principalis, si Monasterium succedit in bona professi, succedet etiā in ius patronatus illis annexū. Rodrig. *t. 2. q. Reg. q. 122. ar. 2.*

22 Acquirere etiā possunt prædicta Monasteria ius patronatus dona-

donatione, seu translatione facta ab eo qui illud habebat, & erat patronus cum facultate donandi. Cum enim illius habendi capacitas sint, iuxta dicta supra *num. 11.* non est aliqua ratio quare ipsis donari non possit, modo tamen assignato *cap. 11. num. 10.* Non tamen possunt acquirere illud emptione cum sit inuendibile, & materia simoniæ, iuxta dicta eodem *cap. 11. num. 7.*

23 Quando ius patronatus competit Monasterio solum ratione personæ Religiosi in ipso professi, ita ut illud sit annexum personæ, sequitur ipsam, ita ut post mortem ipsius expiret ius patronatus, & ipso translato ad aliud Monasterium transeat idem ius cum illo, si autem est annexum bonis, durat quantum durant illa bona. Quorum ratio est, quia accessorium, & annexum alicui sequitur ipsum. Rodriguez *tom. 2. quest. Regular. q. 122. art. 2.* Sanchez *lib. 7. in decalog. cap. 14. num. 6.* Ad quem autem pertineat ius præsentandi quando ius patronatus transit ad Monasterium ratione personæ Religiosæ, an scilicet ad illum, an verò ad Monasterium dictum est *cap. 11. nu. 11. 15. & 16.*

24 Succedent etiam prædicta Monasteria in ius nominandi ad emphyteosim competens professionem emittenti, iuxta dicta supra *num. 12.* quod intellige nisi tale ius sit personale, vel ex coniecturis eliciatur electam esse industriam personæ. Emptione etiam, & donatione etiam acquiri potest à prædictis Monasterijs, cum in hoc nulla sit repugnantia, vel indecentia.

25 Succedent insuper prædicta Monasteria in legitimam debitam professo, cum succedant in omnia iura ipsius. Sed hic notandum nequaquam patre superstite deberi legitimam filio professo, eo quod viuentis nulla sit hæreditas *L. qui superstitis ff. de acquir. hered. & L. 1. §. si impuberi ff. de collat. bonor.* & tradunt Decius, Felinus, & alij quos refert Tapia *authent. ingressi verb. sua cap. 4. num. 10.* quod videtur limitandum nisi pater vergeret ad inopiam dissipando bona sua, aut in casu quo filius existens in sæculo posset à patre postulare legitimam. His enim casibus etiam Monasterium posset petere legitimam filij viuente patre, cum ius filij translatum sit in Monasterium. Tapia *ibid. num. 11.* Sanchez *lib. 7. in decalog. cap. 10. num. ult.*

26 Præterea succedent in iura suitatis, & agnationis, iura sanguinis, & cognationis, qualitates, & prærogatiuas professi, quatenus, & eo modo quo ipsi, & Monasterijs ipsis competere possunt. Constat ex *L. fin. C. de Episc. & Clericis*, constabit etiam ex infra dicendis. Mantica *de Coniectur. ultim. volunt. lib. 8. tit. 12. num. 25.* Molina *lib. 1. de primog. cap. 13. num. 47.*

27 Transcunt etiam ad prædicta Monasteria bona illa quæ habe-

habebat professus in seculo cum pacto non alienandi, nisi per tale pactum exprimeretur hæc transactio. Quia si talis expressio non habetur, nomine alienationis solum videtur importari alienatio voluntaria, non illa quæ per legem inducitur, qualis est de qua in præsentia. Molina *lib. 1. de primog. cap. 13. num. 77.* Tapia *authent. ingressi verb. sua cap. 12. nu. 38.*

28 Transcunt præterea ad dicta Monasteria bona illa quæ habebat aliquis grauatus eo onere, ut si moreretur absque filijs transirent ad aliquem tertium, & ipsis nullis filijs relictis Monasterium ingreditur. Ratio est, quia ita deciditur in *auth. de sanctis. Episcop. §. sed & hoc presenti*, quæ approbatur *cap. in presentia de probat.* & communi Pontificum consensu. Cuius etiam decisionis ratio est, quia vel Monasterium habetur loco filij, ut tradunt post alios Molina *lib. 2. de primog. cap. 9. num. 4.* Lessius *2. de iust. cap. 41. dub. 10. num. 84.* vel quod ea conditio si absque liberis decesserit videatur turpis, ut pote auertens à Religioso statu, ac per consequens habeatur pro non adiecta, ut habent etiam Angelus *ver. bares. num. 21. & ibid.* Tabiena *q. 16. num. 17.* Armilla *verb. hereditas num. 22.* vel quia ita præsumitur voluntas testatoris, aut relinquentis talia bona, ut volunt Molina *tom. 1. de iust. disp. 190. vers. quando quis*, Sanchez *lib. 7. in decalog. cap. 16. nu. 8.* Adde oppositum esse dicendum in casu quo constaret expressè de voluntate testatoris, aut relinquentis talia bona. Sanchez *ibid. num. 12.*

29 Item transit ad prædicta Monasteria usus fructus quem habebat ille qui professionem emisit in illis. Cum enim in *auth. ingressi C. de sacros. Eccles.* decidatur omnia bona, iura & actiones Monachi transire in Monasterium, nec ibi, aut alibi excipiantur usus fructus, idem de illo dici debet. Silvester *verbo Religio 6. q. 1. dictio 2. & verbo hereditas num. 1. q. 7. & verbo Religio nu. 21.* Nauarrus *Comment. 2. num. 38. de Regular.* Grassis *2. p. decis. lib. 3. cap. 19. num. 43.* Quod etiam videtur verum de patris usu fructu in filij bona aduentitia, quando talis pater professionem emitit, cum nulla sufficiens ratio discriminis inter hunc, & alios usus fructus assignari possit, Molina *tom. 1. de iust. disp. 9. ad finem, & disp. 140. columna 4.* Lessius *2. de iust. cap. 41. dub. 10. nu. 83.*

30 Transire etiam videtur ad prædicta Monasteria præcarium quod erat illius qui Religiosus effectus est, cum sit eadem ratio de hoc ac de alijs iuribus. Sanchez *lib. 7. in decalog. c. 15. num. 60.* Notæ autem præcarium esse ius habendi aliquam rem solum, pro tempore quo is qui eam concessit voluerit. De quo Azor. *tom. 3. lib. 7. Bonacina de contract. q. 14.*

Deni-

31 Denique generaliter loquendo prædicta Monasteria succedent in omnia Religiosi bona de quibus ipse ante professionem legitime non disposuerat, siue ab ipso quomodolibet ante, vel post professionem acquisita sunt, iuxta dicta ex illa generali regula Quidquid Monachus acquirit Monasterio acquirit *tom. 1. cap. 6. num. 40.* Constat quoque hoc ex *§. Si qua mulier auth. de sanctis Episcop. & §. Illud quoque auth. de Monachis, & auth. si qua mulier. & auth. Ingressi C. de sacrosanct. Eccles. & c. Si qua mulier, & cap. quia ingredientibus 19. q. 3.* Nauarrus *Comment. 2. de Regular. num. 55.* Sanchez *lib. 7. in decalog. cap. 12. nu. 4.* Vnde in his, in quæ ex professi persona succedunt, illis actionibus agere possunt quæ professio ante ingressum competerent. Si quidem in omnia eius iura succedunt. Siluester *verb. Relig. 6. q. 2. Angelus in summa verb. Relig. num. 59.*

32 Potest tamen contraria consuetudine legitime præscripta derogari huic iuri succedendi prædicta Monasteria in bona suorum professorum, sicut derogatum dicitur apud Gallos, ita ut ipsorum bona pertineant ad consanguineos propinquiores. Ratio est, quia hoc ius succedendi, etsi satis conforme sit iuri naturæ, cum ratio postulet, ut qui se dicat Deo, omnia etiam sua ipsi etiam dedicet, nihilominus solo iure humano, ut patet ex locis citatis *num. præced.* introductum est, iuri autem humano consuetudo legitime præscripta derogare potest. Couarrub. *de pactis p. 3. §. 2. num. 4. ad fin. & cap. 1. sine de testam. Azor. to. 1. instit. moral. lib. 12. cap. 8. q. 1.*

33 Quamvis autem iure Pontificis abrogari possit tale ius succedendi in bona professorum causa rationabili subsistente, cum Pontifex dominus sit, vel supremus administrator bonorum Ecclesiæ, iure tamen civili id fieri non potest, quia cum Principes temporales, à quibus dimanat ius civile non habeant iurisdictionem in Ecclesiasticas personas, aut bona ipsarum, neque etiam habent potestatem ad auferendum id quod ab Ecclesiæ Monasterijs est concessum. Couarrub. *de pactis 3. p. §. 2. nu. 4. vers. Illud sane.* Rodriguez *tom. 2. quæst. Regul. q. 77. ar. 2.* Sanchez *lib. 7. in decalog. cap. 12. n. 18.* plures alios referens, & impugnans oppositum sentientes.

34 Non tamen succedunt prædicta Monasteria in beneficiis Nonitij qui in illis emisit professionem. Vacant enim talia beneficia per professionem, ut habetur ex *cap. Beneficium de Regul. in sexto*, ut dictum est *tom. 1. cap. 2. num. 17.* nec in pensiones, propter eandem rationem. Gygas *de pensionib. q. 5. num. 6.* Sanchez *lib. 7. in decalog. cap. 4. n. 13.* Vide dicta hoc *2. to. cap. 2. nu. 21.*

Nec

35 Nec etiam succedent prædicta Monasteria in bona professi quando ipse tempore Nouitiatus modo assignato *tom. 1. cap. 24. num. 32.* vel alio modo ante ingressum in Religionem, renuntiavit hæreditati suæ, aut bonis quæ ad ipsum pertinebant. Eo enim ipso quod talem renunciationem legitime fecit nullum ius remanet in ipso ad prædicta bona, ac per consequens nec Monasteria in illa succedent. Quia tamen adhuc facta renunciatione hæreditatis remanet in renunciante ius ad aliqua alia bona, ideo in ipsa succedet Monasterium. Quæ autem sint hæc bona non compræhensa in renunciatione hæreditatis, tractant Azorius *tom. 2. instit. moral. lib. 2. cap. 28. q. 8.* Molina *tom. 3. de iust. disp. 579.* Rodriguez *to. 2. quæst. Regular. q. 78. ar. ult.* Sanchez *lib. 7. in decalog. cap. 7.*

36 Nec etiam succedent prædicta Monasteria in illa bona Nouitij professionem emittentis quæ sunt legitima filiorum quos habet in sæculo. Prædicta enim bona non spectant ad ipsum professum, sed ad filios ipsius, ac per consequens, nec ad Monasterium, quod solum succedit in iura professi. A quo autem tempore debeat dicta legitima filijs, an scilicet à tempore professionis patris, an solum post mortem ipsius? Probabilius est, statim ac parens proficitur debere. Talis enim professio est quædam mors civilis ipsius, & ratione illius fictione iuris definit esse in rerum natura. Siluester *verbo hæreditas 1. q. 7. num. 10. dicto 6. & verb. Religio 6. q. 1. dicto 1.* Angelus *in summa verb. Religiosus num. 49. & verb. hæreditas num. 22.* Nauarrus *comment. 2. nu. 48. & 54. de Regularib.* Quod etiam verum habet in filijs illegitimis in regnis in quibus succedunt in bona parentum. Azor. *tom. 1. instit. moral. lib. 12. cap. 8. q. 7.* Molina *tom. 1. de iust. disp. 140. vers. à regula illa.* Tempore etiam quo illa bona possidentur à Monasterio tenetur ministrare alimenta filijs illius professi, quando scilicet pater eos teneretur alere, quia succedit Monasterium in onera bonorum illius professi, & talia bona sunt adstricta huic oneri. Sanchez *lib. 7. in decalog. cap. 10. nu. 8.* Pro quota autem bonorum parentis professi assignanda filijs in alimenta, vide Siluestrum, & Angelum *ut supra.*

37 Pariter nec succedent in ea bona professi quæ sunt legitima patris ipsius, propter eandem rationem, quia scilicet talia bona non ad filium professum, sed ad patrem spectant.

38 Debentur etiam ea bona à tempore professionis filij sicut dictum est supra de professione patris, propter eandem rationem. Tapia *authent. ingressi verb. sua cap. 4. fin. C. de sacrosanct. Eccles. Azor. tom. 1. instit. moral. lib. 12. cap. 8. q. 8.* Interim

tamen

tamen tenebitur Monasterium alimenta patri præbere, sicut etiam dictum est supra de filiis, cum eadem sit ratio. Sanchez *lib. 7. in decalog. cap. 10. num. 11.*

39 Nec etiam succedent ante mortem patris in hæreditatem quæ contingere poterat filio professo post eiusdem patris mortem. Quia cum ius succedendi non competat alicui nisi post obitum eius cui succedendum est, professus nequit hoc ius in Monasterium transferre ante obitum illius cui succedit. Glossa *final. c. unico 18. q. 1. Felinus c. in presentia nu. 56. de probat.*

40 Similiter nec succedent propter professionem Religiosi in bona relicta illi substitutis alijs post ipsum. Ratio est, quia cum in hac institutione non claudatur conditio *si absque liberis decesserit*, non militat in illa dispositio *cap. in presentia de probat. & §. sed & hoc presenti authent. de sanctis Episcop. de qua supra n. 28.* quæ loquitur existente huiusmodi conditione. Talia ergo bona non venient ad Monasterium nisi solum pro tempore vitæ talis professi, & post illam ad substitutos. Molina *tom. 1. de iust. disp. 190. colum. penult. Sanchez lib. 7. in decalog. cap. 16. à nu. 80. & 82.*

41 Item nec succedent in usum fructum quem habet pater in bonis adventitijs filij, filio professionem emittente. Quia professio facta à filio iuri patris quod antea habebat derogare non potest, nec patri adimere ius quod in filij bonis acquisierat. Silvester *verb. Religio 6. q. 1. dicto 5. Azor. to. 1. instit. moral. lib. 12. c. 8. §. Tertio queritur & to. 2. lib. 2. cap. 22. §. Quinto queritur.*

42 Præterea nec videntur succedere posse in ius petendæ renovationis emphyteosis, nec in ius retractus sanguinis quæ habebat ille, qui in Religionem ingressus est. Videtur enim cessare rationem horum iurium quæ est ne res illa à proprio sanguine, seu genere alienetur, cum ille professus non iam sibi, sed Monasterio acquirat, & Monasterium non sit de genere, aut familia illius. Sanchez post alios *lib. 7. in decalog. cap. 14. num. 24. 26. & 27.*

43 Qualiter etiam non succedant Monasteria in bona Religiosi, qui etsi valide professus est, tamen id fuit propter fraudem, dolum, & cupiditatem Prælati ad illa inhiantis, dictum est *tom. 1. cap. 2. num. 19.*

44 Acquirere etiam possunt prædicta Monasteria bonorum immobilium capacia bona temporalia iure hæreditario, seu ut hæredes, si tales ex testamento instituantur Religiosi ipsorum. Ita enim colligitur ex *L. fin. §. hoc etiam C. de Episcop. & Cleric. ubi* decernitur quoslibet tales Religiosos esse successionis hæreditariæ capaces. Et ratio est, quia id non repugnat voto

Ecc

pauper-

paupertatis, cum ipsi Religiosi non sibi, sed Monasterijs acquirant, quæ tamen, vt dictum est in *hoc cap. num. 1.* illa possunt possidere. Nauarrus *Comment. 2. num. 43. de Regul.* Molina *tom. 1. de iust. disp. 140. Colum. 8. vers. non solum bona, & disp. 154. post principium.* Extenditur etiam hoc ad Collegia Societatis Iesu, & ad domos professas, etsi enim prædicta Collegia in suorum bona non succedant, vt dictum est supra *num. 13.* possunt tamen institui hæredes, similiter, licet domus professæ immobilia possidere non possint, vt dictum est *cap. 1. num. 7.* hæredes quoque possunt institui, siue bonorum mobiliū, siue stabiliū, non vt ista retineant, sed vt vendant. Molina *to. 1. de iust. disp. 195. vers. à regula proposita.* Sanchez *lib. 7. in decalog. cap. 27. num. 1. & 15.* Non tamen extenditur ad Minores de obseruantia, & Capucinos, quia hoc est illis expressè prohibitum ab Ecclesia in *cap. exijt. de verbor. significationib. in 6.* Rodriguez *tom. 2. quæst. Regul. q. 78. ar. 1.* Sorbus in *Comp. priuil. Mendic. verb. hereditas.* Vide dicta *tom. 1. cap. 6 num. 45.*

45 Capacia etiam sunt prædicta Monasteria, quæ immobilia possident legatis. Quippe certa res est ijs omnibus posse legari, qui possunt hæredes institui, vt expressè habetur *Inst. de legatis §. legari, & L. Regia tit. 9. par. 6.* prædicta autem Monasteria, vt visum est, hæredes possunt institui. Extenditur hoc ad Minores de obseruantia, & Capuccinos, etenim etsi illi, illorumque Monasteria hæredes institui nequeant, legari tamen illis potest. *cap. exijt. de verbor. significat. in 6.* Et ratio est, quia legatum est quædam donatio à defuncto relicta ab hærede præstanda *§. legatum instit. de legat. & L. regia 1. tit. 9. par. 6.* at prædicti Patres, eorumque Cænobia capacia sunt, vt sibi donetur, ergo, & quod sibi legetur. Rodriguez *tom. 2. quæst. Regul. q. 125. ar. 6.* Sorbus in *Compend. priuil. Mendic. verb. legata,* Portellus in *Dub. Regul. verb. legatum.* Extenditur etiam ad domos professas Societatis Iesu, etenim etiam illæ legata recipere possunt, sicut & institui hæredes, vt *num. præced.* dictum est, esto bonorum immobilium capaces non sint, vt ibidem etiam dictum.

46 Legata relicta particularibus Religiosis transeunt ad Monasterium, cum ipsi acquirant quidquid acquirunt, iuxta dicta *tom. 1. cap. 6. num. 4.* Vbi etiam *num. 36.* quid dicendum sit de legato relicto Religioso ea conditione, vt ad ipsum, non autem ad Conuentum spectet, maximè si testator vterius procedat dicendo se velle, vt dominium illius rei pertineat ad Religiosum, & quod si secus fiat pertineat ab extraneo. Vide ibi dicta.

47 Legata relicta Monasterijs ad certum vsum v. g. pro indumentis

mentis Fratrum posse conuerti à Prælatiſ in alium uſum , v. g. panem , & uinum emendum , tenent Rodriguez *tom. 2. quaſt. Regul. q. 125. ar. 9.* & Peiriniſ *tom. 1. priuil. Minim. in Conſtit. II. Iulij II. §. 26. num. 74.* Sed tu uide dicta *tom. 1. cap. 18. num. 94.* Neque enim iure communi id fieri poteſt , ſolus enim Papa poteſt vltimam teſtatoris voluntatem alterare . Rodriguez *ibid.* Nec de hoc uideo ſolidum aliquod priuilegium , quæ enim ibi adducuntur à Rodriguez , & Peiriniſ ſunt uiuæ uocis oracula , quæ hoc tempore nihil valent , ut ſæpè dixi . Priuilegium autem Iulij II. quod ibi aſſert Peiriniſ ſatis obſcurum eſt , & limitatum . Sunt tamen docti aliqui qui putant legatum relictum pro indumento Fratrum poſſe conuerti in cibos ipſorum , etiam ſtando in iure communi . Iſs tamen non aſſentior , propter dicta , niſi in caſu talis neceſſitatis in qua prudenter exiſtimari poſſit voluntatem teſtatoris eam fuiſſe .

48 Applicari etiam poſſunt Monasterijs egeniſ Regularium bona inuenta quorum dominus facta ſufficienti diligentia pro ipſo inueniendo ignoratur . Cum enim talia bona reſtitui debeant pauperibus (Leſſius *lib. 2. de inſt. cap. 14. num. 49.* Molina *tom. 3. diſp. 746.*) non eſt cur excludantur Monasteria egena neceſſarijs carentia . Bonacina *de contract. diſp. 1. q. 3. punct. 4. n. 5.* poſt alios . Si autem lege , uel conſuetudine introductum , ut inuenta , cuius , facta ſufficienti diligentia , ignoratur dominus , alicui pio operi applicentur , ita eſt faciendum . In Hiſpaniarum uerò Regniſ applicata ſunt aliqua ex huiuſmodi inuentiſ Religionibus SS. Trinitatiſ , & S. Mariæ de Mercede , Pontificia , & Regia auctoritate , ita ſcilicet ut habeant ius illa petendi , ac propterea ſi alij operi pio non ſint applicata ab inuentoribus , ſed maneant in propria ſpecie , teneantur reddi petentibus , cum illiſ ſint applicata . Rodriguez *tom. 1. quaſt. Regul. q. 38. ar. 4.* Extat etiam conceſſio Clem. iv. pro Minoribus , quod ſcilicet cum aliqui aſſumentium habitum ipſorum fuerint obligati ad reſtitutionem aliquorum bonorum diuerſiſ perſoniſ , quæ ſciri , & inueniri non poſſunt , Miniſtri , & Cuſtodes , & eorum Vicarij , eorumq. ſinguli in lociſ ſibi commiſſiſ poſſint bona huiuſmodi in pios uſuſ conuertere , prout ſecundum Deum uiderint expedire . Rodriguez *ut ſupra.* Caſarubiuſ in *Compend. priuilegior. Mendicant. uerbo bona num. 4.* Similiſ etiam conceſſio extat Sixti iv. pro Carmeliſ , qua Generali , Prouincialiſ , & Prioribuſ localibuſ concedit quod prædicta bona Ordinem ingredientium poſſint in pios uſuſ conuertere . Corduba in *Annotationib. ad Compend. priuileg. Mendicant.* Circa conceſſionem autem

Clem. iv. (& idem est de concessione Sixti iv.) aduertit Rodriguez vt supra solum pro Minoribus qui de rebus intrantium in Religione nihil accipere possunt deseruire, non pro alijs Religionibus, quia secundum ius commune id fieri potest. Verumtamen etiam pro alijs Religionibus, Carmelitarum scilicet, & eorum qui cum ipsis in priuilegijs communicant, deseruit, nam licet iure communi prædicta bona inuenta, & incerti domini applicari possint pauperibus, ac per consequens Monasterijs egenis, & necessarijs carentibus, vt dictum est, non tamen diuitibus, & in nullo egentibus (si talia fuerint aliqua Monasteria) pro istis ergo dici potest deseruire talem concessionem. Licet hoc solum sub dubio dictum sit, & sub doctiorum censura.

49 Idem dicendum de alijs bonis incertis malè adquisitis ex contractu, furto, aut alia defraudatione, quorum facta diligenti inquisitione ignoratur dominus, posse scilicet applicari Monasterijs egenis Regularium. Tum quia possunt applicari pauperibus, vt habent Lessius lib. 2. de iust. cap. 14. dub. 6. Bonacina de Contractib. disp. 1. q. 3. punct. 4. num. 8. & 9. Tum ex priuilegio Alexand. iv. pro Minoribus, quo tam ipsi quam alij qui cum ipsis communicationem priuilegiorum habent participare possunt. Concessit autem illis vt de male adquisitis, & incertis relictis possint recipere quæcumque eis data fuerint. Casarub. in Compend. priuileg. Mendicant. verbo Bona num. 2. Rodriguez tom. 1. quæst. Regul. q. 38. ar. 1. Portellus in dub. Regul. verb. Bona num. 3.

50 Applicari etiam possunt bona Monasteriorum Monialium constitutorum Monasterijs Fratrum aliquarum Religionum, & earum quæ cum ipsis communicationem priuilegiorum habent. Etenim Carmelitis nostris id concessit Sixtus iv. in Mari magno verbis allatis tom. 1. cap. 25. num. 48. & quoad Monasteria S. Claræ Minoribus fere similia, quod idem dicitur haberi in Mari magno Prædicatorum, & Augustinianorum. Additur tamen in prædicta concessione pro Carmelitis, & Minoribus. *Prouiso tamen quod eorum* (scilicet Monasteriorum prædictorum Monialium) *Ecclesia, & Oratoria ad prophanos usus non redigantur, sed in illis quandoque diuina officia celebrentur.* Quæ clausula conformis est Sacris Canonibus. Nam 19. q. 3. cap. quæ semel Monasteria nunquam possint fieri sæcularia habitacula, & res quæ ad ea pertinent reseruari debeant. Casarub. in Compend. priuileg. Mendicant. verb. Bona num. 7. Rodriguez tom. 1. quæst. Regul. q. 38. ar. 6.

51 Contra damnificantes, seu occupantes bona Regularium varijs

varijs pœnis Summi Pontifices procedunt. Primò enim Eugenius IV. concessit Congregationi Montis Oliueti quod quæcumque persona *bona mobilia, seu immobilia, possessiones, domos, molendina, aquas, piscaria, iura, iurisdictiones, & alia quaecumque ad præfatam Congregationem, & illius Monasteria pertinentia, perturbare, vel fatigare præsumpserit, nisi infra tres dies postquam huius indulti certior facta fuerit se correxerit, aut debitam cautionem de restituendo, & satisfaciendo non præstiterit, excommunicationis sententiam ipso facto incurrat, à qua nisi à Summo Pontifice, aut in mortis articulo beneficium absolutionis nequit obtinere.* Compend. Societ. & Cisterciens. Rodriguez tom. 1. *quest. Regular. q. 38. art. 7.* Portellus in *dub. Regul. verb. Bona num. 1.* Item Iulius II. familia concedens præcepit omnibus Christi fidelibus, ut nemo ipsorum, bona Ordinis S. Augustini occupare, seu damificare auderet, quod tam de attinentibus ad personas Fratrum quam de pertinentibus ad loca, seu Conuentus, & possessiones eorumdem intelligi voluit, & quod si contrarium facientes admoniti à Fratribus prædicti Ordinis non restituerent omnia integrè, aut vexare destiterint infra tridui spatium, excommunicationis sententiam incurrant, à qua non nisi per Summum Pontificem absolui possint. Casarub. in *Comp. priuil. Mend. verb. Bona nu. 10.* Rodriguez *ut supra.*

52 Iuxta primariam institutionem Religionum, tota administratio bonorum Monasterij erat apud Abbatem, seu Superiorem, ut colligitur ex *cap. Nullam 18. q. 2.* Cum enim illa non posset commodè per totam communitatem exerceri congruens fuit alicui committi, & maximè Prælato, ut debitus ordo, & perfecta obedientia in omnibus seruaretur. Suarez 4. *tom. de Relig. tract. 8. lib. 2. cap. 26.* Nauarrus *Comment. 3. de Regularib. num. 5. & 6.* Quod intelligitur tam quoad acquisitionem, seu receptionem, quam quoad conseruationem, seu alienationem. Suarez *ibid.* Nunc autem attendendum est ad leges, vel Constitutiones Religionum, vel consuetudines rationabiles in ipsis receptas, quibus limitatur, vel declaratur dicta auctoritas Superiorum Monasteriorum. Vide dicta *tom. 1. cap. 18. num. 13.* Et nota administratores bonorum Monasteriorum non teneri reddere rationem Ordinarijs. Ex declarat. S. Congregat. apud Barbosam in *Collect. Bullar. verb. Administratores.* Posse etiam amoueri ad nutum Superiorum, tum ex Conc. Trident. *sess. 25. cap. 2.* tum ex alia declaratione apud eundem Barbosam *verbo officiales.*

53 Administratio autem prædictorum bonorum Monasterij
ut

tres præcipuè adus includit, scilicet receptionem, conseruationem, & alienationem. Sub prima comprehenditur omnis modus acquisitionis prædictorum bonorum. Sub secunda, omnis actio quæ pertinet ad gubernationem, beneficentiam, augmentum, custodiam, & vsum talium bonorum. Sub tertia autem omnis consumptio, distractio, seu alienatio. Suarez 4. tom. de Relig. tract. 8. lib. 2. cap. 26. num. 1. De prima dictum est in toto hoc capite, ubi de ijs quæ Monasteria acquirere possunt manet discussum. De secunda etiam consequenter est dictum, nam ea quæ possunt acquiri, seu possideri, consequenter possunt conseruari, gubernari, custodiri, &c. Solum ergo restat aliquid dicendum de tertia.

54 Et primo loquendo de bonorum mobilium alienatione, dicendum generaliter posse prædicta Monasteria, vel ipsorum Superiores iuxta varias Religionum leges, vel cōsuetudines de illis disponere, alienando, distrahendo, consumendo, vendendo fideliter tamen, & in vtilitatem Monasterij. Ita enim colligitur ex cap. nullam 18. q. 2. & ex ratione ipsa, qua constat, bonum regimen Monasterij tam in spiritualibus, quam temporalibus consistere non posse sine huiusmodi facultate. Suarez 4. to. de Relig. tract. 8. lib. 2. cap. 26. à num. 8. Est autem hic solum sermo de bonorum mobilium non prætorum alienatione, quia mobilia prætoriosa sunt quasi immobilia quantum ad alienationem, & de illis postea. Quaranta in Summ. Bullar. verb. alienatio num. 24. Barbosa de offic. & potest. Episcop. allegat. 95. num. 39. Rursus sermo est, stando in iure communi, nam propter Constitutionem Clement. viii. de largitione munerum 3. tom. Bullar. inter Constitutiones ipsius num. 28. valde stricta, & coarctata est huiusmodi facultas quantum ad dandum, vel donandum aliqua, vt patet illis verbis. Regularibus personis vtriuslibet sexus omnem, & quamcumq. largitionem, & missionem munerum penitus interdiximus. Sub qua prohibitionem comprehendendi volumus omnia, & singula Capitalia, Conuentus, & Congregationes tam singulorum, Conuentualium, Monasteriorum, Prioratum, Præpositurarum, Præceptoriarum, Domorum, & locorum, quam Prouincialia, aut Generalia cuiuslibet Prouinciæ siue vniuersi Ordinis, Societatis, aut instituti, eorumque vel earum Camerarios, Commissarios, & quoscumq. Officiales, & singulares personas, ipsos etiam Ordinum, Congregationum, & Societatum huiusmodi Superiores quasumque dignitates obtinentes, etiam Generales, & Prouinciales, Magistros, Ministros, & quocumque nomine Præfectos, necnon Conuentuum, Monasteriorum, Prioratum, Præpositurarum, Præceptoriarum, Domorum, & loco-

locorum quorumcumque Abbates, Priores, Præpositos, Præceptores, etiam maiores, Guardianos, Ministros, Rectores, atque Abbatissas, Priorissas, & alio quouis titulo Præsidentes tam ipsi Regularibus, quam laicorum Ordinarijs, seu quibusvis Superioribus subiectas utriuslibet sexus ad vitam, vel ad tempus deputatos. Adco ut nemo unquam eorum, vel earum directè, vel indirectè, palam, vel occultè, tam communi quam particulari, & proprio nomine, etiam sub quouis statuti, vel consuetudinis, seu verius corruptela, aut alio pretextu, vel quacumque causa, nisi in Generali Capitulo, aut alia Generali Congregatione re maturè discussa unanimi consensu omnium, Superiorumque permissu causa approbata fuerit quicquam tale attentare valeat. Id autem ita absolutè, & generatim vetitum intelligatur, et neque omnino fas sit, quicquam donare tam ex fructibus, redditibus, & proventibus, collectis, vel contributionibus, aut oblationibus, siue elemosinis, aut subsidij certis, vel incertis, oratorijs, seu extraordinarijs, mensa, seu massæ communis, vel cuiusvis fabricæ, & Sacristiæ, quorum bona communiter, ut præfertur, administrantur, seu quæ rationibus reddendis sunt obnoxia, quam ex pecunijs etiam quæ a singulis quouis modo acquisitæ in commune conferendæ omnino sunt. Nec si per viam voluntariæ contributionis in commune congerantur. Nec si forsitan priuatim, & nominatim cuiuslibet Religioso à suis Superioribus, vel à proprijs affinitibus, propinquis, familiaribus, amicis, aut beneuolis, vel à pijs Christi fidelibus etiam elemosynæ, aut charitatis, & illius propriæ personæ intuitu attributæ, seu quoquo modo per quemlibet Religiosum suo Monasterio, domui, aut loco acquisitæ, eique ut ad libitum de eis disponat per Superiores concessæ fuerint, præterquam leuiores esculenta, aut poculenta, aut ad deuotionem, vel Religionem pertinentia munuscula, communi tantum, nunquam verò particulari nomine (ubi Superiori de consensu Conuentus videbitur) tradenda, sed & huiusmodi missiones munerum ipsis Religiosis utriuslibet sexus, non solum per se, verum etiam per alios tam directè quam indirectè prohibitas declaramus. Quia tamen hæc Constitutio in aliquibus locis non satis vsu recepta est, vel ad minus non eo rigore quo verba ipsius sonant, ideo ab illius expositione supersecundum duxi. Illam verò exponunt Sossa in speciali Tractatu de hac re. Sorbus in Compend. priuileg. Mendicant. verb. dare. Bonacina in speciali etiam tractatu de hac re. Diana in tract. 6. de paupert. Religiosa, & alij.

55 Circa alienationem autem bonorum immobilium, & mobilium prætorum Monasteriorum, de quibus diximus tom. 1. cap. 10. à num. 1. non posse fieri à Regularibus quantumvis priuilegiatis sine licentia S. Congregationis Concilij, exceptis casibus

casibus à iure permissis, quia res est multis, & quotidianis difficultatibus implicata, aliqua vterius animaduertenda sunt. Primò ergo notandum prohibitionem de rebus Ecclesiæ non alienandis, de qua in præsentī, comprehendere etiam domus professas Societatis Iesu, prout declaratum dicitur à S. Congreg. Concilij. Barbosa in *Collectan. Bullar. verbo Domus*. Secundò notandum nomine alienationis in præsentī intelligi actum, quo dominium rei directum, aut indirectum, utile, vñ fructus, possessio, aut ius in alterum transfertur, vel abdicatur. Rodrig. to. 1. q. Regul. q. 27. ar. 1. Bonacina tract. de alienat. bonor. Eccles. q. unica punet. 2. n. 1. Vnde non solum donatio, aut venditio, seu alius quilibet contractus gratuitus, aut onerosus quo rei dominium in alterum transfertur, prohibita sunt dictis Regularibus sine prædicta licentia, sed etiam omnis alius contractus, vbi transfertur dominium utile, retento directo. Quaranta in *Summ. Bullar. verb. alienatio num. 15. & 16.* Prohibita etiam est pignoriatio, vt dixi dicto cap. 10. num. 4. Locatio, seu conductio vltra triennium, modo ibi designato. Impositio census siue vitalitij, aut acceptio pecuniarum ad cambium cum solutione lucri cessantis, vel damni emergentis, vt dicto cap. num. 3. dictum est. Prohibetur etiam hypotheca, tum quia expressè ponitur inter contractus prohibitos tam in Extravaganti *Ambitiose*, quam in decreto S. Congregationis, tum quia qui non potest alienare, nec etiam potest hypothecare. Barbosa de officio, & potest. Episcopi Allegat. 19. num. 85. Quod tamen intelligo de hypotheca speciali, quando scilicet aliqua res in speciali hypothecaretur, non de hypotheca generali quando omnia bona subiiciuntur hypothecæ. Molina de Contractibus disp. 466. nu. 2. Layman. in Theolog. morali lib. 3. tract. 4. cap. 10. num. 2. Licet alij etiam ad hypothecam generalem hoc extendant. Quaranta vt supra num. 17. Similiter concessio in feudum, vel emphyteusim nisi concurrentibus tribus conditionibus simul, scilicet in casibus à iure permissis, de bonis solitis ab antiquo concedi in emphyteusim, ac cum euidenti Ecclesiæ utilitate. Quaranta vt supra num. 39. Barbosa de officio, & potest. Episcopi, vt supra num. 22. Item alienatio rei sterilis, seu domus ex qua nihil utilitatis percipitur, quia adhuc illa est res immobilis. Bonacina vt supra num. 9. Quaranta num. 37. Declaratum etiam dicitur à S. Congregat. Episcop. & Regular. non conuenire Regularibus stabilia vendere pro fabrica Monasterij, vel ad effectum emendi census. Barbosa in *Collectan. Bullar. verbo stabilia*. Item alienari non possunt sine prædicta licentia bona mobilia prætiosa, vt dictum est

est

est dicto *cap. 10. num. 4.* illa scilicet quæ seruando seruari possunt, vt colligitur ex prædicta Extrauag. *Ambitiose*. Couarrub. 2. *variar. cap. 17. nu. 2.* Bonacina *de Contractib. disp. 3. q. 8. punct. 4. num. 4.* & in *Tract. de alienat. bonor. Ecclesiast. disp. 2. q. unica. punct. 2. num. 2.* Barbosa *de offic. & potest. Episcop. vt supra nu. 397.* Illa autem bona dicuntur seruando seruari posse, quæ per triennium durant, vsu non consumuntur, vel fructificant, vt sunt vasa aurea, vel argentea, grex pecudum, armentum bouum &c. Bonacina, & Barbosa relati. Peirinis *to. 1. priuil. Minim. in Const. 1. X. Iulij II. num. 10.*

56 Pariter etiam prohibitum est Regularibus, iuxta dicta *tom. 1. cap. 18. num. 13.* transferre bona vnius Monasterij in aliud, loquendo de bonis immobilibus, aut mobilibus prætiosis, quæ scilicet seruando seruari possunt, cum ista translatio sit quædam alienationis species. Bonacina *de alienat. bonor. Ecclesiast. disp. 2. q. unica. punct. 2. num. 9.* Quare aliqua priuilegia Religionum quibus id permitti videtur, de quibus Rodriguez *tom. 2. q. 125. ar. 9.* & Peirinis *tom. 1. priuil. Minim. in Const. II. Iulij II. num. 76.* quoad huiusmodi bona transferenda vacant propter decretum S. Congregationis adductum, quo reuocantur omnia priuilegia Regularium in ordine ad alienationes prædictorum faciendas. Non vacant tamen quoad translationem bonorum mobilium non prætiosorum, aut prætiosorum, quæ seruando seruari non possunt. Horum enim alienatio non est prohibita Regularibus vt inferius dicitur. Idem dico de permutatione, seu commutatione, quia permutatio est alienatio. Quaranta *in Summa Bullar. verb. alienatio n. 15.* Vnde non potest fieri à Regularibus sine licentia S. Congregationis, nisi de rebus mobilibus non prætiosis, aut quæ seruando seruari non possunt. Idem de præcario, seu præcaria dicendum, quia etiam per illud, vel illam transfertur res quoad dominium utile. Riccius *in praxi fori Ecclesiast. decis. 64.* Quaranta *vt supra num. 15.* Idem dico de iuribus, actionibus, seu seruitutibus quæ sunt quædam bona incorporalia, ac per consequens comprehenduntur generali prohibitione. Siluester *verb. alienatio q. 10.* Bonacina *vt supra n. 19.* Idem de Oratorio, seu Capella Ecclesiæ, etsi enim possit vsus sepulture alicui in illis concedi, nam ad hunc vsum ordinantur, non tamen possunt vendi sine prædicta licentia S. Congregationis, quia sunt bona immobilia Regularia. Riccius *decis. 42.* Quaranta *vt supra num. 29.* Bonacina etiam *vt supra num. 12.*

57 Nihilominus alienari possunt à Regularibus sine S. Congregationis licentia mobilia non prætiosa, vt dictum est supra.

num. 54. v.g. vinum, frumentum, vestes tritæ, & alia huiusmodi. Quia in decreto S. Congregationis dicto *cap. 10. num. 2.* adducto solum prohibetur bonorum mobilium prætoriorum alienatio sine eiusdem S. Congregationis licentia. Alienari quoque possunt sine prædicta Congregationis licentia bona mobilia, etiam prætoriosa, quæ tamen seruando seruari non possunt. Ratio est, quia etsi hoc non exprimitur in dicto decreto S. Congregationis, colligitur tamen ex Extraneanti *Ambitiosæ* quam roborare curat prædictum decretum: etenim in prædicta Extraneanti expressè conceditur alienatio illorum, quæ seruando seruari non possunt. Molina *de contrahib. disp. 465. num. 1.* Quæ autem sunt ista quæ seruando seruari non possunt, dicendum est ea esse quæ non durant triennio, vel vsu consumuntur, & non fructificant. Riccius *prax. fori Ecclesiast. decis. 62. in 1. edit. & resolut. 59. in 2.* Barbosa *de offic. & potest. Episcopi allegat. 95. nu. 38.* Vnde declaratum dicitur à S. Congregat. posse Superiores Monasteriorum, non obstantem decreto de rebus Regularium non alienandis, ex fructibus bonorum pingues eleemosynas facere, puta decem rubiorum tritici, & similibus, quia fructus non comprehenduntur in dicto decreto. Barbosa *in Collect. Bullar. verb. Superior Regularis.* Similiter pecunia data pro dote Monialis, quamuis non possit alienari, aut distrahi in alios vsus quam, vt de fructibus illius sustentari possit, potest tamen absque licentia S. Congreg. infumi in emendo agro, vel vinea, vt de fructibus ipsius Monialis sustentetur. Bonacina *de alienat. bonor. Ecclesiast. disp. 2. q. unica punct. 2. num. 5.* Computantur etiam inter bona mobilia non prætoriosa, seu quæ seruando seruari non possunt mancipia, & his similia, cum morbis, morti, & alijs similibus casibus sint obnoxia. Secus autem quando illa sunt annexa, vel affixa prædijs, aut domibus tanquam illorum partes, tunc etenim sicut ipsa prædia, & domus sunt bona immobilia, sic & ista inter immobilia numerantur. Molina *de Contrahib. disp. 465.* Bonacina vt supra *num. 4.* Pariter etiam computantur inter bona mobilia non prætoriosa oblationes factæ Sacris Imaginibus Sanctorum, quæ in aliquibus Ecclesijs reseruantur, nisi forte sint aureæ, vel argenti magni valoris. Riccius vt supra *decis. 102.* Bonacin. vt supra. Possunt etiam accomodari ad breue tempus bona Monasteriorum, ita vt merus vsus illorum concedatur, non autem dominium directum, aut indirectum, cum per dictam Extraneantem, & decretum S. Congregationis solum alienationes prohibeantur, id autem quod accommodatur, non alienatur. Riccius *decis. 74. & 68.* Bonacina vt supra *num. 32.*

58 Imò etiam tã de rebus immobilibus, quàm mobilibus præ-
tiosis facere possunt Regulares alienationes sine licetia S. Con-
gregationis, primò quando res est relicta Monasterio per fidei
commissum cum onere quod post aliquod tempus alij restituat-
ur, transacto enim illo tempore res iam non est Monasterij.
Quaranta in Summa Bullar. verb. alienatio num. 45. Barbosa
de offic. & potest. Episc. Alleg. 95. n. 61. ubi hunc casum refert inter
eos qui iure sunt permisi. Secundò, quando res iniuste deti-
netur à Monasterio. Quaranta ibid. num. 43. §. 11. limita. Tertiò
probabiliter, saltem secundum aliquos, in remissione caducitatis
emphyteutæ. Quaranta ut supra num. 44. Barbosa etiam, ut
supra num. 64. & 65. qui etiam hunc casum ponit inter eos in
quibus fieri potest alienatio sine Sedis Apostolicæ consensu.
Licet oppositum securius, & probabilius censeam, cum talis
remissio sit remissio iuris rei immobilis competentis Monaste-
rio, quæ est quædam species alienationis. Vide in simili dicenda
num. 60.

59 De pecunia autem an prohibita sit alienari, cum ex vna
parte comprehendi videatur inter mobilia prætiosa, quæ ser-
uando seruari possunt, ex alia verò inter mobilia non prætiosa,
communiter reputetur, quia de se non fructificat, aliqua dicenda
sunt. Et primo, pecunia, quæ ad quotidianos vsus necessaria
est, & pro quotidianis necessitatibus deseruit inter mobilia non
prætiosa, quæ seruando seruari non possunt, connumeratur, ac
proinde alienari potest sine prædicta S. Congregationis licentia.
Silvester verb. alienatio num. 7. Quaranta in Summa Bullar. verb.
alienatio num. 25. Bonacina de alienat. bonor. Ecclesiast. disp. 2.
q. unica punct. 2. num. 5. Pecunia autem quæ destinata est ad
emptionem stabiliū, censuum, vel mobiliū prætiosorum, vel
quæ est fructifera, seu non otiosa, qualis est pecunia in montibus,
vel censibus collocata, vel in banchis camporum cum utilitate
reposita, inter bona immobilia, seu mobilia prætiosa, quæ ser-
uando seruari possunt, connumeratur, ac per consequens sine
dicta licentia alienari non potest. Silvester, Quaranta, & Bonacina
relati. Idem dico de magna quantitate pecuniæ, quæ ser-
uatur in aliquo Monasterio, scilicet, non posse alienari absque
assensu Sedis Apostolicæ. Et ita fuit resolutum à Rota Romana
in vna Venetiarum ubi fuit quoque dictum hoc procedere licet
præfata pecunia esset conuertenda in utilitatem Ecclesiæ. Bar-
bosa de offic. & potest. Episcop. allegat. 95. num. 43. Similiter idem,
quoque asserendum de pecunia data pro dote Monialis, maxi-
mè cum detur Monasterio ut de fructibus ipsius illa possit susten-

tari, illa enim non potest expendi nisi in eos usus pro quibus data est. Bonacina ut supra, & de Contract. disp. 3. q. 8. punct. 4. num. 2.

60 An autem Prælatus Monasterij cum ipso possit repudiare, seu non acceptare legatum, vel hæreditatem Monasterio relicta, non incurrendo in pœnas dictæ Extrauag. *Ambitiosa*, aut decreti S. Congregationis? Licet multi satis probabiliter teneant partem negatiuam, ut sunt Molina de Contract. disp. 468. num. 11. Nihilominus etiam est probabile posse id fieri non incurrendo dictas pœnas. Ratio est, quia in dicta Extrauag. & decreto solum prohibentur alienationes, non acceptatio autem, seu repudiatio rei non incorporatæ, non est alienatio, L. alienationis ff. de verb. signif. quia alienatio est distractio rei iam appropriatæ. Legatum autem, vel hæreditas non sunt appropriata nisi quando sunt acceptata. Riccius in praxi fori Ecclesiast. decis. 96. in 1. edit. & in 2. decis. 82. Quaranta in Summa Bullar. verb. alienatio num. 43. Barbosa de offic. & potest. Episcop. allegat. 95. num. 52. Vbi etiam hunc casum refert inter eos qui iure sunt permitti. Verum quidem est posse Prælatum, imò & ipsum Monasterium grauius peccare non admittendo tale legatum, vel hæreditatem, nisi ex causa valde rationabili id fieret, Prælatum quidem contra iustitiam, quia ex iustitia tenetur consulere utilitati proprii Monasterij, Monasterium autem contra charitatem, vel aliam virtutem prodigè renunciando emolumento, quod ex illa hæreditate, vel legato successoribus euenire posset. Bonacina de Contract. disp. 3. q. 8. punct. 4. num. 38. Posset propterea forsitan Monasterium postea uti priuilegio restitutionis in integrum. Molina, & Bonacina, ut supra, Layman. in Theolog. mor. l. 3. tract. 4. cap. 10. num. 7. Dixi autem satis probabile esse incurri dictas pœnas Extrauag. *Ambitiosa*, & decreti S. Congregationis à Prælato qui repudiaret talem hæreditatem, vel legatum, quia quamuis dominium illius non sit acquisitum Monasterio, est tamen illi acquisitum ius ad rem illam habendam, quemadmodum ergo si Prælatus renunciasset iuri cuicumque Monasterij incurreret dictas pœnas, sic renunciando huic iuri, & ita in hanc partem magis inclinor, prout etiam faciunt Quaranta ut supra relatus, & Barbosa etiam relatus nu. 54. cum Naldo, & alijs.

61 Notandum non effugere pœnas Extrauagantis, & decreti S. Congregationis eos Regulares, qui res Monasteriorum alienant, aut contractum celebrant alienationis, dicentes id facere saluo Sedis Apostolicæ, aut Sacræ Congregationis consensu.

Ratio

Ratio est, tum quia protestatio est contraria facto, tum quia quoties aliquid pertinet ad formam actus debet ipsum actum præcedere, consensus autem Sedis Apostolicæ pertinet ad formam alienationis rerum Ecclesiasticarum. Quaranta in *Summa Bullar. verb. alienatio* num. 8. & 9. Peirinis tom. 1. *priuileg. Minim in Constit. IX. Iulij II. num. 14.* Bonacina de alienat. bonor. Eccles. disp. 2. q. unica punct. 4. num. 5. Si tamen non tradatur possessio rei alienatæ non incurruntur dictæ pœnæ, quia tunc possessio manebit apud Monasterium, & ille cui traditur talis res solum habebit ius ad illam, & conditionatum, nempe supposito assensu Sedis Apostolicæ, non absolutum, aut ius in re.

62 Præterea aduertendum quod licet iure communi ad alienationem rerum Ecclesiasticarum requiratur iuris solemnitas, quæ continet quatuor, scilicet, auctoritatem Prælati, tractatum circa alienationem faciendam, consensum Capituli, & subscriptionem singulorum saltem per notarium. Quaranta in *Summ. Bullar. verb. alienatio* num. 4. Peirinis tom. 1. *priuileg. Minim in Constit. IX. Iulij II. num. 7.* Verumtamen quia plures Religiones priuilegia habent ad faciendum alienationes sine prædicta solemnitate, qualiter Carmelitæ habent à Greg. XIII. in Bulla *Ex incumbenti* anno 1576. in 2. tom. Bullar. num. 34. facultatem illas faciendi, dummodo sint in commodum, & utilitatem Monasteriorum, & ex consensu duarum ex tribus partibus Fratrum, vel Monialium, accedente etiam consensu, vel rati habitatione Generalis, insuper Religiosi Societatis Iesu alium, etiam modum solemnitatis habent ab eodem Gregorio XIII. illis præscriptum, de quo Molina de *contract. disp. 468. §. Quarta conclusio*. Ideo quælibet Religio, iuxta formam priuilegiorum, quæ habet post Extrauagantem *Ambitiosa* à Sede Apostolica impetrata potest facere prædictas alienationes, habita tamen licentia Sedis Apostolicæ, vel S. Congregationis, cum quoad illud reuocata non sint eorum priuilegia, si illa habent. Decretum enim S. Congregationis Concilij, de quo sæpe dictum est, & relatum t. 1. c. 10. n. 2. solum reuocare videtur priuilegia Regulæ quantum ad hoc quod est facere alienationes sine consensu eiusdem S. Congregationis, non quantum ad alia quæ pertinent ad solemnitatem illarum.

63 Non præscribitur contra bona Regularia cum sint etiam Ecclesiastica nisi spatio 40. annorum *cap. de quarta de prescription.* & hoc est de iure communi. Ex priuilegio autem Eugenij IV. concessio Monachis Congregationis S. Iustinz Ordinis S. Benedicti maior gratia ipsis, & alijs Religionibus communicatione priuile-

pri uilegiorum cum ipsis habentibus conceditur per hæc verba , prout ex Bulla ipsius Eugenij in Bullario Rodriguez to. 1. Bulla septima inter Bullas Eugenij num. 7. habetur. *Insuper cum plerumque contingat in Curia, aut neglectu Prælatorum qui hæc bona Monasteriorum dictæ Congregationis antequam præfata Congregationi vnirentur gubernauit, aut post modum ex ignorantia, vel alia quauis causa à plerisque ipsorum Monasteriorum bona in præiudicium animarum suarum indebitè detineri, & occupari, præsertim sub colore præscriptionis, aut alias quocumque modo ex quo non modica iactura consuevit præfatis Monasterijs euenire. Nos volentes de remedio opportuno prouidere in fauorem obseruantie Regularis, ex certa scientia, motu proprio, ac de plenitudine potestatis Apostolica, volumus, statuimus, & decernimus quod contra præfata Congregationis Monasteria, loca, personas, & bona aliqua non currat præscriptio, nisi post lapsum sexaginta annorum, quod quidem indultum tam in casibus, rebus, & bonis præteritis, quam futuris potestate, & scientia similibus extendi, & locum habere omnino volumus.* Rodriguez tom. 3. quæst. Regul. q. 35. ar. 2. Portellus in Dub. Regular. verb. præscriptio, apud quos etiam alia priuilegia habentur quæ non refero, quia mihi non constat an sint, vel non sint viuæ vocis oraculo concessa, & per consequens his temporibus inualida.

Laus Deo Beatissimæq. Virgini Mariæ
de Monte Carmelo.



INDEX

RERVM MAGIS NOTABILIVM,

Quæ in hoc secundo Tomo continetur.

A



Abates alij benedicti, alij non . cap. 2. n. 36. Quid facere possint . ibid. An Tonsuram, & minores Ordines conferre. 37. An iura Episcoporum præscribere. 38. Quibus gaudeant privilegijs aliqui ipsorum. 39. Quam habeant præcedentiam. 40. An gaudeant nomine Ordinarij. 41. Benedicant de vestes, & Ornamenta Sacra. 42. De ipsorum residentia. 45. Administratio bonorum Monasterij ad quem pertineat. cap. 19. num. 52. Tres actus includit administratio. 53. Aduocati Regularium an aliquibus privilegijs fruantur. cap. 17. num. 10. Alienatio bonorum prohibita Monasterijs Regularium. cap. 19. a num. 54. Qui contractus alienationis nomine intelligantur. 56. Mobilia non prætiosa alienari possunt. 47. An mobilia prætiosa. 57. In quibus casibus non requiritur licentia S. Congregat. 58. An possint alienari, salvo, ut dicitur, S. Apostolica consensu. 61. Quæ sollemnitas requiratur ad alienationem. 62. Approbatio Confessoriorum Mendicantium pro secularibus qua-

lis debeat esse. cap. 1. nu. 18. Pro Fratribus, & Monialibus. 19. Pro Confratribus. cap. 15. n. 16. Pro Tertiarijs. cap. 14. n. 29. & 34. Pro familiaribus Regularium. c. 16. nu. 21.

Assistentes Generalium aliqui habent votum decisivum, aliqui solum consultivum. c. 13. n. 20. Non sunt propriè assessores. ibid. Decet ferre suffragia incipiendo à iunioribus. 22. Debent detegere defectus publicos eorum qui proponuntur ad officia. ibid. Imò, & quandoque occultos non emendatos. ibid. Quando teneantur subscribere etiam contra propriam sententiam. ibid. An Generales possint sine illis aliqua decidere. 23. Tenentur secundum conscientiam respondere. 24. An illegitimi possint id munus subire. 50.

B

B*enedictio Abbatum quando, et quomodo danda. c. 2. num. 36. Non reiteratur. ibid. Beneficia an vacant probationis anno. cap. 2. n. 21. Quomodo inserviri debeant beneficia Novitiorum. ibid. An sint illorum capaces. 22. Vacant per professionem. 23. Cur Regulares non debeant habere beneficia secularia. c. 18.*

INDEX.

c. 18. nu. 1. Quid sit beneficium. ibid.

Beneficia Regularia qua sint. c. 18. num. 1. Regulares sunt capaces illorum. 2. Eisdem debent prouideri. 3. Eiusdē Ordinis. ibid. Deben esse professi, vel professuri. 4. In eadem Religione. 5. Non sunt beneficia simpliciter, sed manualia. 6. Ad quem spectat prouisio illorum. 7. An requiratur examen, & approbatio Episcopi. 8. Possunt Regulares cogi ad illa acceptanda. 12. Quando vacent. 17. & 18. An possit vnus habere duo beneficia. 19. An possint seminariorum vniri. 31. Collatores illorum an possint aliquid accipere. 39. In beneficia Nouitiorum an succedant Monasteria. cap. 19. n. 34.

Beneficiorum Regularium quibus subsint. cap. 19. num. 9. & 10. Non debent vocari ad concursum. 11. Quibus obligationibus astringantur. 14. Cui adquirant. 15. Quibus prouidere debeant de bonis beneficiorum. ibid. Quibus debeant obedire. 16. An, & quomodo possint amoueri à nu. 17. vsque ad 23. Bona ab illis adquisita an possint deferri ad Monasteria. 28. Quid sit illis concessum in Indijs. 32. In qua debeant suos redditus expendere. 33. An illegitimi possint hoc munus subire. 34. Ex Carmelitibus assumpti non admittuntur in Capitulis. 35. & 36. An teneantur facere professionem fidei. 38. An adire Congregationes casuum conscientie. 40.

Bona Regularium decedentium ad quem spectent. cap. 1. nu. 40. Bona inuenta, incerta, male acquisita, aut destituta an applicari possint Monasterijs. c. 19. nu. 48. 49. & 50. Quanto tempore prescribatur contra ipsa. 63.

Bona stabilia qua Monasteria possident. cap. 19. num. 1. Quae dicantur talia. 3. Quae transcant ad illa ratione Religiosorum. 27. & 28. Transcunt quae ad illos spectabant. 31. Exceptis ijs, quibus renunciarunt. 35. Et quae sunt legitima filiorum, aut patris. 36. & 37. A quo tempore. 38. & 39. In qua bona non succedant Monasteria. à nu. 40.

Bulla Cruciata quae priuilegia Regularium suspendat. cap. 1. n. 59.

C

Campana quando, & quomodo à Regularibus pulsanda. c. 1. num. 43. & 44.

Candelarum, quae fratribus dantur non debetur portio Canonica. cap. 1. num. 48. Quomodo diuidenda. ibid.

Canonici Regulares unde dicti. c. 3. num. 1. & 2. Sunt verè Religiosi. 5. An comprehendantur nomine Monachorum. 6. Eorum institutum quale, & quomodo differat ab alijs Religionibus. 7. Praecedentia. 9. Priuilegia. 10. Quae illis prohibita. 11. 12. 21. 22. 23. 24. 25. & 26. Quae illis praeccepta. 13. 14. et 20. Habēt beneficia Regularia. 16. & 17. Ad exequendas litteras Pontificias an sint capaces. 18. Ad quas dignitates sint assum-

I N D E X.

assumptibiles. 19. A quibus puniatur. 28. A quibus visitetur. 29.
 Capitulum Regularium quid sit. cap. 12. n. 1. Quotuplex. ibid. In quibus consistat eius auctoritas. 2. Nequit statueri aliquid contra ius commune. 3. Quid possit facere. 4. Quibus circumstantiis celebrandum. 5. Debent in eo moveri Religiosi de observantia litterarum Apostolicarum ad officium S. Inquisitionis pertinentium. 15.
 Capitulum Generale omnimodam habet auctoritatem. cap. 12. n. 6. Condit leges. ibid. Quomodo se habeat cum Praefide. ibid. Nihil statuit contra ius commune. ibid. Quid possit facere circa Generalem. 7. An exercere iurisdictionem ipsius. ibid. Eligere debet sex Patres pro eijciendis ab Ordine. 8. Statuta arctiora num ponat. 9. Restaurat Regulam collapsam. 10. Privilegia restringit, & tollit. 11. Reseruat casus. 12. Quando celebratur 13.
 Capitulum Prouinciale quomodo celebratur. cap. 12. nu. 18. Quae eius auctoritas. ibid. Non eijcit professos. 19. In Indijs quid possit. 20.
 Capituli Conuentualis auctoritas. c. 12. n. 24. Circumstantiae. ibid.
 Cardinalium maxima dignitas. cap. 9. n. 1. Epitbeta. ibid. Dati ad defensionem Religionum. 2. Vide verb. Protectores.
 Carmelita sunt Mendicantes ex Regula, & a iure c. L. n. 1. Quae ipsum Regula. ibid. Discalceati Patres, quae bona non possint possidere. 2. & 7.

Carnium usus an prohibitus Monachis. c. 2. n. 33. Canonici Regular. c. 3. n. 15. Clericis Regul. c. 4. n. 6.

Clerici Regulares qui sint. c. 4. n. 1. Quale eorum institutum. 1. & 2. Verè Religiosi. 2. Eorum instituti ab alijs differentia. ibid. Perfectio. 3. An censeantur nomine Monachorum. 4. Obligationes, & prohibitiones. 5. 6. 7. & 8. Specialia vota. à nu. 9. vsque ad 18. Approbatio, et priuilegia. à num. 19. vsque ad 27.

Commenda an sint materia simonia. c. 5. n. 26. An sint beneficia Ecclesiastica. 25.

Commendatarij milites qualiter habeant redditus annuos, & alia bona. cap. 5. n. 22. 23. 24. & 28. An fructus recipere possint viuendo otiose. 27. An possint ludendo perdere. 28. An instituere maioratus. 29. Perpetui computantur pro Prelatis. 35. Tenentur eleemosynas elargiri, & suarum Ecclesiarum necessitatibus succurrere. 36. Quando peccant contra votum paupertatis. 30. & 31.

Commissariorum Generalium auctoritas. cap. 13. n. 16. An delegabilis. ibid. Quando expiret. 18.

Confirmator quam electionem confirmet. c. 12. n. 39. Quam non debeat confirmare. 40. & 43. Privilegium Ordinis Praedicatorum quoad hoc. 41. Tempus dandi confirmationem. 42. An electio per sortes confirmanda sit. 44. An sacra ex vi renunciationis.

Ggg

45. An

INDEX.

45. An ibi qui causam scandalis prebiturus est. 46. An qua facta est per abusum secularis potestatis. 47.

Confraternitates quid sint. cap. 15. n. 1. & 2. An pia, & Religiosa dicende. 3. Privilegia quibus gaudent. 4. 5. 6. Conditiones quibus institui debent. 8. 9. 10. 12. & 13. Gratia, & Indulgentia ipsarum. 10. & 14. Eleemosynæ. 15. Confessoriorum auctoritas. 16. Omnes innouanda. 19. Litteræ pro institutione ipsarum. 20. Pœna contrauentium. 21. Qua determinata sint à Sede Apostolica circa illas. 22. 23. 24. 25. & 26. Visitantur ab Episcopis. 27. Contribuunt pro Seminario. 28. De ipsarum Capellanis. 29. An pro receptione possint aliquid accipere. 30. Statuta pro quibusdam. 31.

Confraternitas B. M. de Monte Carmelo antiquitas. c. 15. n. 32. Privilegia, & Indulgentia. à num. 33. usque ad 43. Conditiones pro fruendis privilegijs. à nu. 42. usque ad 46. A quo, & quibus conditionibus instituitur. à num. 47.

Confraternitas S. Rosarij vide verb. Rosarij Confraternitas.

Confraternitatis Corde S. Francisci institutio. cap. 15. num. 63. Gratia. ibid. Conditiones. 64.

Confraternitatis S. Augustini institutio. c. 15. n. 65. vmo. 65. & 66. Gratia. 66. & 67.

Congregationes Capitulares Regularium quid sint. c. 12. num. 1. Aliqua vocatur intermedia. 14.

Auctoritas ipsarum. 14. Congregationes Prouinciales. 22. Debent in quacumque Congregatione moneri Religiosi de obseruantia Litterarum Apostolicæ ad S. Officium Inquisitionis pertinentium. 15. & 23.

Conseruatores Religionum. vide verb. Iudices Conseruatores.

Conuersi qui dicantur. cap. 8. n. 1. An sint Religiosi. 2. 3. & 4. Persona Ecclesiastica. 5. Quibus gaudeant privilegijs. 6. 7. & 8. Non sunt capaces proprij. 12. Acquirunt Religioni. 14. Testari non possunt. 16. Ad qua sint incapaces. 18. 19. 20. & 22. Ad qua teneantur. 23. In quibus Monasterijs recipi possint, & quibus conditionibus. 24. 25. 26. 27. Quid de illis qui recepti non sunt in locis designatis. 25. 26. & 27. Quibus privilegijs potiantur. 30. 31. 33. & 34.

Crux quomodo portanda à Regularibus in processionibus defunctorum. c. 1. n. 31.

D

Amniscantes bona Regularium an incurrant aliquas pœnas. c. 19. n. 51.

Decretum electionis ad Confirmatorem mittendum. c. 12. n. 49.

Defunctorum corpora quomodo associanda à Regularibus. c. 1. n. 31. & 46.

Delegati an possint esse ad Litteras Apostolicas exequendas Canonici Regulares. c. 3. n. 18.

Diffinitoris munus an possit concedi illegitimis. c. 13. n. 50.

Digni-

I N D E X.

Dignitas est administratio cū iurisdictione. c. 1. 3. n. 2. Qui Religiosi illam non possunt prætere. 4. Donare prohibitum Religiosis. c. 19. n. 54.

Donati Religionū qui sunt. c. 8. n. 1. An sint verē Religiosi. 2. Vide verb. Conuersi, et verb. Oblati.

E

Ecclesie an possint vniri Monasterijs. c. 18. n. 24. *A quibus tunc gubernanda. 25. & 26. Visitanda. 27. Quid circa salariū. ibid. Eo ipso quod sunt concessa Monachis ad eos spectat cura illarum. 30.*

Electiois per scrutinium, iuxta cap. Quia propter conditiones c. 12. n. 27. Sunt pro electionibus Prælatorum. 28. Quo pacto intelligenda. ibid. Obseruanda in electionib. 31. & 33. Quæ electiones confirmant. nu. 29. & seq. Vide verbo Confirmator.

Electores debent esse habiles. c. 12. n. 29. Quid quando in aliqua electione admittuntur inhabiles. ibid. Qui eijciendi à Capitulo. 30. Quid faciendum quando dubitatur de habilitate alicuius electoris. ibid. Electores electionis factæ per abusum secularis potestatis qualiter puniendi. 47.

Eleemosynas liberè quarunt Mendicantes. c. 1. n. 35.

Emphyteosis quid sit. c. 19. n. 5. An Monasteria sint capaces illius. 5. & 15. An iuris nominandi ad emphyteosim. 12.

Eremitarum triplex genus. cap. 7. n. 1. Qui sint inhabiles ad matrimonium. 3. An sint persone

Ecclesiastica. 4. An gaudeant priuilegio fori. 5. An priuilegio Canonis. 6. An exemptione à gabellis, & collectis. 7. Qui illorum sint tollerandi. 8. An qui voto promiserunt vitam eremiticam ad illud obligentur. 9.

Eucharistia Sacramentum quomodo ministrent Mendicantes. c. 1. n. 20. Exponi non debet sine causa ab Ordinario approbata. 26. Sumendum à Monachis singulis mensibus. c. 2. n. 34.

Examen puellarum Deo dicandarum à quo, & quomodo faciendum. c. 1. num. 24.

F

Familiares Regularium qui dicantur. c. 16. n. 1. *An sint persone Ecclesiastica. 2. Priuilegia illis concessa à nu. 3. Usque ad 11. Pro tempore interdicti. 12. Qualiter moderata à Concilijs. 13. & 14. Quæ maneant in sua vi. 15. An quoad Sacramentum penitentiae illis ministrandū. 16. & 17. An quoad Sacramentum matrimony. 18. An quoad Eucharistiam tempore Paschatis. 19. An quoad exiremam unctionem. 20. An pro talium administratione exigatur approbatio Ordinarij. 21. Quid de sepultura. 22. An, & quando possint excommunicari, & interdicti. 23. Quæ priuilegia habeant pro articulo mortis. 24. Quas Indulgentias. 25. An possit cum eis dispensari in illegitimitate. 26. Quid possint tempore interdicti. 27. & 30. In locis quibus publi-*

I N D E X.

catur Bulla Cruciata. 29. De quibus familiaribus id intelligendum. 31. & 32. An habeant Conseruatores. 33. An possint suis priuilegijs vti contra Fratres. 34. Quando perdantur. 35. Feudum quid sit. c. 19. nu. 4. An possint illud habere Monasteria. 4. & 14. Fideicommissum quid sit. c. 19. nu. 10. An illud possint habere Monasteria. 10. & 20. Filij militum Regularium an illegitimi. c. 5. n. 41. Formula celebrandi Capitula in Ordine Carmelitarum. cap. 12. n. 54. Formula instituenti Confraternitates. c. 15. n. 13. Fructus colligere possunt Mendicantes ante quam Curatus habuerit suas primitias. c. 1. nu. 4. Fundatores Iuris patronatus Monasteriorum, vel Capellarum. c. 11. n. 19. Conditiones ab ipsis posita an mutari possint. 23. & 24.

G

Generalis est supremum Caput Religionis. c. 13. nu. 10. Eius dignitas assimilatur quodammodo Patriarchali. ibid. Quomodo creandus. ibid. Quae conditiones pro ipso requirantur. 11. Habet supremam auctoritatem in Religione. 12. Inferiorem tamen, & dependentem à Capitulo Generali. ibid. Potest Officia, & Beneficia Religionis dispensare. 13. Dignioribus, & melioribus. ibid. An cōdere leges, & decreta. 14. An mortaliter

peccans teneatur confiteri circumsantiam Generalis. 15. Quam auctoritatē habeat ad dispensandum cum illegitimis. c. 12. n. 21. Gradus quid sint. c. 13. n. 6. Tribui possunt Religiosis. 42. Graduati tenentur sequi Chorum non obstante quocumque priuilegio. c. 13. n. 42. Non possunt vti aliquo gradus sui priuilegio nisi actu legant, vel pradicent. ibid. Quomodo id accipiendum. ibid. Inepti, & idiota qualiter peccent. ibid. Gremiales Capitulum quas conditiones habere debet. c. 12. n. 16.

H

Heredes institui an possint Monasteria. c. 19. n. 44. Hereditas contingens Monasterijs an possit ab illis repudiari. c. 19. n. 60. Hierarchia Religiosa assimilatur Ecclesiastica. c. 13. nu. 8. Honorum nomine quid intelligatur in Constitutionibus Pontificijs. c. 13. n. 5. Hospitalia Regularia subeunt conditiones beneficij Regularis. c. 6. n. 6. Quid declaratum circa illa. 11. Eorum administrationes, siue Rectoria an sint materia simoniae. 15. Bona ipsorum an possint alienari. 16. Rectores illorum gaudent priuilegio fori. 17. Hospitalarij Regulares qui sint. c. 6. nu. 1. Sunt verè Religiosi. 2. Quidam ipsorum aliud votum prater essentialia emittunt. 3. Cruciferorum priuilegia. 4. S. An-

I N D E X.

*S. Antonij Viennensis. ibid. S. Spiritus in Saxia. ibid. B. Ioannis de Deo. ibid. Habent aliqui ipso-
rum Beneficia Regularia. 5.
Quae illis praecipiantur à Conc.
Viennens. 7. et 8. Quae à Concil.
Trident. 9. et 10. Subijciuntur
quoad Regularem obseruantiam
suis Praelatis. 12. Quid declara-
tum de Fratribus B. Ioannis de
Deo. 12. 13. et 14. An ad illos
fieri possit transitus. 18.*

I

Illegitimi quomodo, et à quibus
dispensandi. c. 12. nu. 21. Quae
sunt ea, quibus sunt incapaces.
c. 13. n. 50. et c. 18. n. 34.
Iniuria manifesta quae dicatur.
c. 10. n. 22.
Interdicta quando suspendantur
à Mendicantibus. c. 1. n. 21. In-
terdicti tempus pro Tertiarijs.
c. 14. n. 36. Pro Confratribus.
c. 15. nu. 36. Pro familiaribus.
c. 16. n. 12. 23. et 27. Pro procu-
ratoribus. c. 17. n. 6.
Iubilaei centesimi tempore an su-
spendantur priuilegia Mendi-
cantium. c. 1. n. 60.

Iudices Conseruatores qui dicantur. c. 10. n. 1. et 2. Plures Reli-
giones habent facultatem illos
nominandi. 3. 4. et 5. An sint
sublati per Conc. Trident. 6. et
7. Quas qualitates debeant ha-
bere. 9. Eorum auctoritas. 25. et
26. Coarctata est à Sede Aposto-
lica. 35. 36. 37. et sequent. Quo-
modo intelligenda Constitutio
Gregor. XV. circa illos. 47. Ipso-
rum priuilegia moderata. 48.

Qualitates modo pro ipsis requi-
sita. 50. 51. 52. et sequent. Quo-
modo coarctata eorum auctori-
tas his temporibus. 60. 61. 62.
63. et 64. In quibus causis se
intromittere debeant. 65. 66.
67. 68. Quomodo decidenda con-
trouersa inter ipsos, et Ordina-
rios. 69. De alijs spectantibus ad
ipsos. 70. et seq.

Iurisdictio temporalis competere
potest aliquibus Monasterijs.
c. 19. n. 6. et 16.

Ius patronatus quid sit. c. 11. n. 1.
Est duplex. ibid. Quomodo ad-
quiritur. 3. et 4. Quas qualita-
tes habeat. 5. An sit materia
simoniae. 7. An transeat ad alios.
8. et 10. Ad quem pertineret in
casu quo Monachus fundaret
Ecclesiam. 13. Quando transit
ad Monasterium quis debeat
praesentare. 14. 15. et 16. An
adquiratur ex bonis incertis.
18. Qua Monasteria sint capa-
cia illud habendi. c. 19. nu. 11.
Quo pacto. ibid. n. 21. 22. et 23.

L

Laborare manibus non tenen-
tur Mendicantes. c. 1. n. 9.
Legata an possint competere Mo-
nasterijs. c. 19. n. 45. An etià Re-
ligiosis particularibus. 46. Quid
de legatis relictis ad certum
usum an possint alijs applicari.
47. An repudiari possint à Regu-
laribus. 60.

Licentia pro ingrediendo in Mo-
nasteria Monialium à quo con-
cedenda. cap. 1. nu. 22. Pro con-
struendis domibus Regularibus.

45. Pro mendicando an ostendenda Ordinarijs à Mendicantibus. 4.
 Locum non possunt habere Monachi in duobus Monasterijs. c. 2. nu. 30.
 Ludo perdere an possint Clerici Ordinum militarium. c. 5. nu. 3.
 Commendatarij militares. 28.

M

- M** Agistri Nouitiorum officij quid importet. c. 13. nu. 47.
 Quæ illi precipiantur in decretis Summor. Pontif. ibid. Quam iurisdictionem habeat super Nouitios. 48.
 Maioratum an sint, & quorum capacia Monasteria Regulariũ. c. 19. n. 17. 18. & 19.
 Maritati, & Maritate an excludantur à priuilegijs Tertiariorum. c. 14. n. 32.
 Medici Regularium an aliquibus gratijs fruuntur. c. 17. n. 11.
 Medicinam exercere aliqui Religiosi ex priuilegio possunt, citra aduersionem, & incisionem. c. 4. nu. 20. Non debes legere citra aduersionem, & combustionem, et per errorem habetur tom. 1. huius Summa. c. 9. nu. 15. sed citra aduersionem, & incisionem.
 Mendicantes qui Ordines dicantur. c. 1. n. 1. Omnibus illis (exceptis Capuccinis, & Minoribus de obseruantia) licet habere bona stabilia. 2. Possunt, licet non teneantur, ex mendicato vivere. 3. & 4. Nec à mendicitate possunt impediri. 4. & 5. Finis eorum quis. 9. & 10. Tenentur

- ex precepto charitatis saluti proximorum subuenire. 11. An possint obligari ad eundem in terras infidelium pro prædicatione Euangelij. ibid. Multa ipsorum priuilegia à Pio V. concessa. 12. An sint reuocata. 13. & 16. Quomodo ea intelligenda n. 17. & sequent. An gaudeant priuilegijs aliorum Ordinum. 61. Obligantur decretis Clem. VIII. pro reformatione Regularium. 63. Quas dignitates habere possint. 64. 70. 71. & 72. Quando non possint. 69. Quid quando transcunt ad non Mendicantes. 66. 67. & 68.
 Milites Regulares qui sint. c. 5. n. 1. An sint verè Religiosi. 2. 4. 5. & 6. Quomodo ipsorum vota intelligenda. 7. 8. 10. 11. & 12. Sunt persona Ecclesiastica. 14. An comprehendantur decretis Pontificijs, & Concil. Trident. 17. 18. 19. 20. & 21. De obligationibus ipsorum. 32. & 37. De priuilegijs. 38. 39. 40. 45. 52. & seq.
 Minorum de obseruantia stricta paupertas. c. 1. n. 6. & 65.
 Monachi qui sint, aut dicantur. c. 2. n. 1. 2. & 3. Ad quas dignitates possunt promoueri, & quomodo c. 2. à n. 4. vsque ad 20. Priuilegia ipsorum. num. 24. & seq. Obligationes ipsorum. n. 30. 33. & 34.
 Monasteria Regulariũ quorũ bonorũ sint capacia. c. 19. per totũ. Quæ immobilia habere. n. 1. An feudum. 4. An emphyteosim. 5. An, & quos maioratus. 7. 8. et 9.

Quæ

INDEX.

Quibus modis acquirere possint. 13. Quae acquirant successionem. 14. In quae iura succedant. 24. & sequenti.

Moniales Mendicantium bona, immobilia in communi possidere possunt. cap. 1. nu. 8. Etiam S. Clara. ibid. Ipsarum Confessarii an ab Ordinarijs approbandi. 19. Ipsarum Monasteria ingrediendi licentia. 22. Bonorum administratio. 23. Obligatio ad clausuram. c. 5. n. 51.
Munera num accipienda à Conseruatoribus Regularium. c. 10. n. 76.

N

Nomina eligentium nunquam publicanda. c. 12. n. 34.
Nominatio Prælatorum quid sit. cap. 12. nu. 53. Quotuplex. ibid. Quomodo differat ab electione, & postulatione. ibid. An sit permissa in Religionibus. ibid.
Notarij pro DD. Cardinalibus Protectoribus quales. c. 9. n. 11.
Pro Conseruatoribus. cap. 10. n. 77.
Nouitij vide verb. Magistri Nouitiorum officium. Nouitiorum beneficia, vide verbo Beneficia, & verb. Beneficia Regularia.

O

Oblata, seu Conuerse faminae que sint. c. 8. n. 29.
Oblati qui dicantur. c. 8. nu. 1. An sint verè Religiosi. 2. 3. & 4. Personæ Ecclesiasticae. 1. Priuilegia ipsorum. 6. 7. & 8. Quomodo coarctata. 13. De ipsorum

castitate. 10. Paupertate. 12. 14. 16. & 17. Ad quae sint incapaces. 18. 19. 20. & 22. Ad quae teneantur. 23. Quibus priuilegijs gaudeant. 30. 31. & 32.

Oblationes factæ Sacris Imaginibus an alienari possint à Regularibus. c. 18. nu. 57.

Officium est administratio sine præminetia, aut iurisdictione. c. 13. n. 2. Coincidit cum administratione, et functione. 7. Confunditur aliquando cum Prælatia, & dignitate. ibid.

Officia habentes in Religionibus non excusantur ignorantia in his quæ ad illa spectant. c. 13. n. 49. Officia quæ habere possunt illegitimi. 50.

Officia diuina à Mendicantibus liberè faciendæ. c. 1. n. 25. An possint in eis faciendis ab aliquo impediri. 43.

Officia Mortuorum non faciendæ à Rectoribus Ecclesiarum in Ecclesijs Fratrum, nisi &c. c. 1. n. 47.

Onera realia, vel personalia an obligent Mendicantes. c. 1. n. 32. 33. & 34. Oneribus custodie Ciuitatis, portarum, aut murorum tempore pestis, aut belli, aut ad pugnandum an possint Regulares obligari. ibid. 34.

Ordines Sacri quomodo recipiendi à Regularibus. c. 1. n. 25.

Ordinarij quando introuidendi in delictis Regularium. c. 1. nu. 36. In gubernatione ipsorum. 37. Non debent recipere Fratres sub eorum protectione. 39.

INDEX.

P

PActa, & pollicitationes in electionibus rejicienda. cap. 12.

n. 35.

Parochus non excludendus à sepultura cadaveris. cap. 1. nu. 46.

Eius assistentia pro testamentis faciendis non necessaria. 49.

Patronus quis sit. c. 11. nu. 1. Que ad illum requirantur. 2. Licentia ipsius requiritur ad unendam Ecclesiam, qua est iuris patronatus. 6. Quomodo ius presentandi transire possit ad alios. 9. 11. & 12. Qui debeant presentari à Patrono. 20. 21. 22. & 25. An possit exigere aliquod servitium. 26. Quid quando sunt plures Patroni. 27.

Pecunia an possit alienari à Monasterijs Regularium. cap. 19.

n. 59.

Pensiones an haberi possint à Regularibus. c. 2. n. 21. & c. 18. n. 37.

Vacant per professionem. cap. 2.

n. 23.

Personatus est præ eminentia sine iurisdictione. c. 13. nu. 2.

Postulatio quid sit, & quomodo deferat ab electione. cap. 12. nu. 50.

Qui sint effectus illius. 51. An sit permissa in Religionibus. 52.

Præcarium an transeat ad Monasterium. c. 19. n. 30.

Prædicare quomodo possint Mendicantes in suis Ecclesiis. cap. 1.

n. 17.

Prelati Regulares puniunt Fratres confugientes ad Ordinarios. c. 1. n. 38. An possint esse delegati ad Litteras Pontificias exequendas. c. 13. n. 4. Alij habent

iurisdictionem ordinariam, alij delegatam. 9. Non excusantur ignorantia in ijs qua spectant ad eorum munus. 49. Quid facere debeant si constat illis electos fuisse ab uno qui erat inhabilis ad eligendum. 51. Aut si ipsi erant inhabiles ut eligerentur. 52. Prelatis intrusis an, & quomodo obediendum. 53.

Prelatura in quo consistit. c. 13. num. 4. Prelature non electivæ sunt manuales, ita ut ad placitum mutari possint. 56.

Prepositura quid importat. c. 13. n. 3.

Presentandi ad beneficia qui sunt. c. 11. n. 20. 21. 24. & 25. An presentari possint apostata. 28. Concurfus faciendus inter presentandos. 29.

Preses in Capitulis Regularium debet Gremiales dirigere ad electiones legitime faciendas. c. 12. n. 31. Potest illos monere, & exhortari pro eligendo digniori. 32. Debet curare ut electio secretè, & liberè fiat. 34. & 35. An ad id munus deceat assumi graves viros. 36. Non decet eum eligi ad aliquod officium. 37. Tenetur facere quare electos, & fugitivos. 38.

Primogenia an institui possint à Regularibus. c. 19. n. 19.

Priivilegia Mendicantium communia. c. 1. n. 53. Non pœne, aut censura. ibid. An concessa uni Conuentui alijs etiam concedantur. ibid. An illa quæ privatis personis conceduntur. 53.

& 54.

INDEX.

& 54. Illorum communicatio
 intelligenda est r^esp^ectiue. 55.
 Et non cum praeiudicio obser-
 uantiae Regularis. 56. Religio
 cui communicantur potest se
 illis defendere contra eam cui
 primo concessa. 57. Quando cen-
 seantur reuocata à Conc. Trid.
 58. & c. 15. nu. 18. Qua suspen-
 dantur per Bullam Cruciate
 dictio c. 1. n. 59. An anno Iubilei.
 60. Qua dicantur esse in usu.
 c. 15. nu. 17. Priuilegia Mona-
 chorum. c. 2. à nu. 24. Canonico-
 rum Regularium. c. 3. n. 10. Cle-
 ricorum Regulariū. c. 4. à n. 19.
 Militum Regularium. c. 5. à n.
 52. Hospitaliorum. c. 6. nu. 4.
 Conuerforum, seu Oblatorum.
 cap. 8. à nu. 30. Conseruatorum.
 c. 10. n. 78. Tertiariorum. c. 14.
 à nu. 26. Confratrum, & Con-
 fraternitatum. c. 15. n. 4. 10. 16.
 & à nu. 33. Familiarium Fra-
 trum. c. 16. à num. 3. Procura-
 torum ipsorum. c. 17. à n. 2.
 Processiones. ad quas accedūt Mē-
 dicantes. c. 1. n. 50. Quas ipsi fa-
 cere possunt. ibid. n. 51. Per quod
 spatium. ibid. Quae praecedentia
 in illis sit seruanda. ibid. Ad
 quas accedunt Monachi. cap. 2.
 num. 35.
 Procuratoris munus quid sit. c. 13.
 n. 43. & 44.
 Procuratoris Generalis munus
 quale. c. 13. n. 25. An possit dari
 illegitimis. 50.
 Procuratores seculares negotio-
 rum Fratrum quibus priuile-
 gijs decorati fuerint. c. 17. à n. 1.
 Quomodo moderata. n. 5. Quid

pro tempore interdicti. 6. 7. &
 8. Quibus gratijs spiritualibus
 potiantur. 9. An suspendantur
 eorum priuilegia dum Bulla
 Cruciate publicatur. 14.
 Professio fidei an facienda à Prae-
 latis. c. 13. n. 55. An à beneficia-
 rijs Regularibus. c. 18. n. 38.
 Protectorum Cardinalium au-
 thoritas. c. 9. n. 3. 4. & 5. Maximo
 honore, & reuerentia à Religio-
 sis quos protegent prosequendi.
 6. Illis credendum cum dicunt
 se habere viua vocis oraculum
 à Papa. 7. Eorum praecipuum
 munus quod sit. 8. Quando pos-
 sunt suam auctoritatem inter-
 ponere. n. 9. et 10. Quo modo. 11.
 Qua facultate potiantur. 12.
 Carmelitarum Protectorum
 amplissima. 13. An aliorum
 Mendicantium. 14. An censendi
 Conseruatores. ibid. An possint
 admittere appellationes Fra-
 trum. 15. & 16. An ex ipsis sit
 appellatio. 17. An sit delegabilis
 eorū auctoritas, et quibus. 20.
 Prouinciales sunt Praefecti Pro-
 uinciarum. c. 13. n. 27. Eorum
 munus quale. ibid. An possint di-
 spensare cum illegitimis. c. 12.
 n. 21.
 Puellarum Deo dicandarum exa-
 men à quo, & quomodo facien-
 dum. c. 1. n. 24.

Q Varta funeralis quando sol-
 uēda à Regularibus. c. 1. n. 29.
 Quarta relictorum pro ornamen-
 tis Ecclesiae an soluenda à Reli-
 giosis. c. 1. n. 30.

Qua-

Questuaciones Mendicantibus licite . cap. I. n. 4

R

Rebellantes in visitatores quas penas incurrant. c. 13. n. 32.
Reges Catholici Hispaniarum Patroni sunt in illis partibus plurimum Ecclesiarum. cap. 1. n. 17.
Quos debent presentare . *ibid.*
c. n. 20.

Religiosi, & Regulares, vide verbo Mendicantes, verbo Monachi, verbo Canonici Regulares, verbo Clerici Regulares, verbo Hospitalarii, & verbo Milites Regulares.

Regula exponi debet in Capitulo ab eo qui praeest. c. 2. n. 31. Etiam vulgari sermone . *ibid.* Tertiariorum Regula. c. 14. n. 15. Quam obligationem inducat. n. 19. & 20.

Romam veniendi licentiam an concedant DD. Cardinal. Protectores . cap. 9. n. 18.

Rosarii S. Confraternitas quando publicata. c. 15. n. 51. Quae indulgentiae illi concessae. *ibid.* c. n. 52. 53. & 54. Quae privilegia . 55. Quid pro illa statutum . 56. Quando ceperit. 57. Quae illi concesserit Clem. VII. 58. Quae Pius V. 59. Quae Sixtus V. 60. Quae declarata sint à S. Congreg. 61. Quid circa processionem. 62.

S

Sacrista munus in quo consistat. c. 13. n. 45.
Seminarii contributio an spectet ad Mendicantes. c. 1. n. 33.
Sepultura libera in Ecclesiis Men-

dicantium. c. 1. n. 31. Sacerdotum & cere numerus pro ipsa à quo designandus . n. 43. Sepultura uni concessa an alijs dari possit. c. 11. n. 23.

Servitores Regularium vide verbo Familiares Regularium.

Servitricis Monialium quibus gaudeant privilegijs. c. 16. n. 28.

Silentij observantiae obligatio quata sit pro Monachis. c. 2. n. 32.

Simoniaci an committatur in venditione habituum Ordinum Militarium. c. 5. n. 16.

Socij , seu discreti pro Capitulis quas debent habere conditiones. c. 12. n. 17. Quam aetatem . *ibid.* An possint illegitimi id munus subire. *ibid.*

Societatis Iesu domus professe bona immobilia etiam in communi non possident. c. 1. n. 7. Bene tamen Collegia. *ibidem.* Carent tamen iure succedendi in bona suorum. *ibid.* Possunt Societatis Religiosi cogi ad eundem in terras infidelium ad praedicandum Evangelium. *ibid.* num. 11. Quomodo intelligendum votum eorum de obediendo Papa quo ad missionem. c. 4. n. 10. Quomodo illud de non permittenda relaxatione paupertatis. n. 11. Quomodo etiam illud de non pretendenda praelatione aliqua in Societate. 12. Item illud de non pretendenda dignitate extra Societatem . 13. Et illud de denunciando ambientes. 14. Ac illud de audiendis consilijs Generalis. 15.

Sortes num admittenda in electione.

I N D E X.

et *ionibus. cap. 12. num. 44.*
 Sub *ornatio* quæ, & *qualis* *prohibita* *Canonicis Regularibus.*
c. 3. n. 27.
Superiores vide verbo Prælati.
Superiores immediati Conuentuū sunt verè Prælati. cap. 13. n. 37.
Quam iurisdictionem habeant ibid. Quam potestatem circa absolutionem à reſeruatis. ibid. Quæ atas pro eis requiratur. ibid.
Subprioris Conuentuū quam habeant auctoritatem. c. 13. n. 40.
Quid facere poſſint in absentia Prælatorum. 41. An poſſint illegitimi hoc munus exercere. 50.
Syndici Minorum qui ſint. c. 17. n. 12. Quibus priuilegijs fruuntur ibid. & n. 13.

T

T *ertiarij in triplici genere.*
c. 14. n. 1. Alij tria vota essentialia ſub aliqua Regula emittunt. 2. Alij non emittunt tria vota. 3. Quidam ſunt verè Religioſi. 5. Quidam verò non. 6. et 7. Modus viuendi iſtorum qualis ſit. ibid. Habent facultatem illos recipiendi Minores. 8. Prædicatores. 9. Auguſtiniani. 10. Carmelita. 11. Seruita. 12. Minimi. 13. Poſſunt tertij Ordinis nuncupari. 14. Regulam ab Eccleſia approbatam obſeruant. 15. Habitum Ordinum eſi non eundem, ſed ſimilem geſtant. 16. Habent proprios modos proſtitendi. 17. Aliqui emittunt aliqua vota ſimplicia, alij non. 18. Quomodo peccent transgredien-

do ſuam profeſſionem. n. 19. & 20. Quomodo facienda. 21. Illam præcedit approbationis tempus. 22. An recedentes ab ea ſint Apoſtata. 23. Eorum inſtitutum valde differt à Confraternitatibus. 24. An dicendi perſonæ Eccleſiaſtica. 25. Quæ ſint illis conceſſa priuilegia. 26. Qualiter limitata. 27. 28. 29. Conditiones pro ipſis requiſita. 29. Tripliciter viuere poſſunt. 30. & 31. An poſſint eligere ſepulturam. 33. Sacramenta à quo recipere poſſint. 34. Quam habent exemptionem. 35. Quid pro tempore interdicti. 36. Quid de feminis Tertiarijs collegialiter viuentibus. 38. An gaudeant priuilegio Canonis. 39. Quæ conditiones pro illis requirantur. 40. Quibus Superioribus ſubſciantur. 41. & 42. Quas Indulgentias conſequi poſſint. 43. Ad quem ſpectet indicare de conditionibus pro illis neceſſarijs. 44.

Teſtamentum condere an poſſint Commendatarij. c. 5. n. 33. & 34. Prælatiſ etiam Regularibus eſt prohibitum. c. 13. n. 54. Pro illo faciendo non eſt neceſſaria præſentia Parochi. c. 1. n. 45.

Transitus Canonicoꝝ Regularium ad Monachos an licitus. c. 3. n. 8. An Clericoꝝ Regularium ad Monachos. c. 4. n. 3. An alioꝝ Religioſoꝝ ad milites Regulares. c. 5. n. 44. An ad Hoſpitalarios. c. 6. n. 18. An Cõuerſoꝝ, ſeu Oblatoꝝ. c. 8. n. 21.

Translatio bonoꝝ vniꝝ Monachiſ-

INDEX.

naſterij ad aliud an liceat. c. 19.
n. 56.

V

Vicarij Generales in Religionibus quando habeant auctoritatem ordinariam, & quando delegatam. c. 13. n. 17. An expiraret morte concedentis. 18.

Vicarij Conuentuum quam habeant auctoritatem. c. 13. n. 39. 40. & 41.

Violentia quid, & quod duplex. c. 10. n. 22.

Viſitatorum auctoritas qualis. c. 13. n. 28. An pertineat ad eos regimen Prouincia, vel Conuentus tempore viſitationis. ibid. Quid poſſunt facere Praelati eo tempore. 29. Eorum auctoritas pendet ex litteris Commiſſionis. 30. An poſſint illam ſubdelegare. 31. Ab illis geſta an reſcindi

poſſint. 33. Quos proceſſus formare poſſint. 34.

Viſitare Eccleſias Ordinum Militarium ad quos pertineat. cap. 4. n. 42.

Vniones Eccleſiarum quando recognoscenda à DD. Episcopis. c. 1. n. 41.

Votum deciſiuum, & conſultiuum quid importent. c. 13. n. 20.

Votum vitae Eremitica an obliget. c. 7. n. 9. Vota Ieſuitarum quae, & quomodo accipienda. cap. 4. à n. 9. Clericorum Minorum. 16.

Clericorum Regularium miniſtrantium infirmis. 17. Hoſpitalarium. c. 6. n. 3. Tertiariorum. c. 14. n. 19. 28. & 29. Voto de aſſumenda Religione an ſatiſfiat aſſumpto habitu Ordinum Militarium. c. 5. n. 44.

Vſus fruſtus profeſſi an tranſeat ad Monaſterium. c. 19. n. 29.

FINIS.

6-4

Laboratorio
Restauro
Pandimiglio
ROMA

1969

